

Fr. Burgersdicii, ~~Bay~~ Cay  
INSTITUTIONUM  
LOGICARUM  
LIBRI DUO.

Preſ- 08 : 03 : 06

Ad juventutem Cantabrigiensem.

*Quod verus est, juvenes, in Religionē sequamur:  
Quod placet in Logica, nil vetat esse novum.*

Sum & fecit Johannis Cay: Anno Domini 1668.



*John Cay*

CANTABRIGIÆ,  
Apud JOANN. FIELD, Celeberrimæ  
Academiæ Typographum. 1668.



*[Faint, mostly illegible text, possibly bleed-through from the reverse side of the page. The text is arranged in several horizontal lines across the page.]*

it  
n  
a  
n  
ri  
o  
h  
v  
m  
P  
ta  
te  
no  
m  
q  
ft  
ni  
pl  
li  
ti  
re  
fa  
q  
m  
be



*Illustrissimis ac Potentissimis Dominis*  
**DD. ORDINIBUS**  
*Hollandiæ & Westfrisiæ.*

**D**Uæ res sunt, Illustrissimi ac Potentissimi Domini, quæ præ cæteris, utilitatem maximam adferunt humano generi, & gloriam immortalem iis, qui earum peritiam adepti sunt; Arma videlicet & Literæ. Et armorum quidem usu facile careremus, si homines ita viverent, ut suis rebus contenti, aliena neq; invaderent, neque affectarent. Nunc vero quoniam ita comparatum est, ut multi principes felicitatem suam in imperii magnitudine & opulentia constituentes, aliorum limitibus imminuant, eosque sæpe levissimâ, sæpe etiam nulla de causa, pulso legitimo Magistratu, armatâ manu invadant & occupent; armorum peritia & disciplina bellica jure optimo commendatur, tanquam res in omni Republica apprime necessaria, ad fines suos, arâsque & focos, hoc est, religionem, libertatem, parentes, conjuges, & liberos, adversus vim externam defendendos. Neque ulla gloria aut præmia minùs esse judico indebita, quàm quæ decernuntur iis, qui mortis pericula infracto animo adeunt & sustinent, ut civium suorum capita periculis eripiant, & adversus hostium violentiam tueantur. Literarum scientiam, non hominum pravitas, sed propria præstantia necessariam fecit humano generi: & gloria, quæ hinc paratur, non minùs fortè laboriosa est, sed tamen innocentior, & magis tuta, quàm quæ nascitur ex armorum disciplina. Et quamvis hæc duo studia admodum diversa sint, & rarò, ac non nisi in maximis hominibus, juncta reperiantur: ambo tamen ad Reipublicæ felicitatem plurimum conferunt, alterumque alterius operam requirit. Nam literæ non facile, nisi in otio florent, atque in rebus tranquillis. Otium autem & tranquillitas Reipublicæ conservari perpetuò non potest sine armorum præsidio. Jam, vice versa, armorum incertus & sæpe infelix eventus sit, si absq; consilio prudentiâque tractentur: Et quamvis prudentiam usus ferè generet, & experientia, tamen plurimum à literis promovetur. Atque hanc ob causam judicavit Plato beatas fore Reipublicas, si aut Philosophi, hoc est, literati, iidemq;

## Dedicatio.

rerum gerendarum periti, imperarent, aut, qui imperant, ita rebus gerendis vacarent, ut etiam darent operam Philosophiæ. Nam profectò iniqua sunt eorum & indocta iudicia, qui literatos ad nullam rem idoneos esse existimant, quàm ad erudiendam juventutem: cum magnum habituri sint à literis auxilium ad prudentiam, si animum ad Rempublicam & ad res gerendas adjiciant. Habent hoc literæ præterea, ut præstantissimorum hominum gloriam, æternis monumentis, ad posteros transmittant. Quam rem Alexander Magnus tantè æstimabat, ut Achillem felicem prædicaret, quòd natus esset Homerus, qui tam præstanti poemate illius facta descripsisset, & nomen æternitati consecrasset. Neque verò defunctis solum ad gloriam profunt literæ, sed & posteris ad usum. Quàm multa sunt à Græcis atque à Romanis præclarè gesta, quæ feliciter imitamur! Quàm multæ leges ab iis latæ, atque artes inventæ, humano generi utilissimæ. Quæ tamen omnia ignoraremus, si literarum præsidio non essent ad nos propagata. Utraque vos studia, Illust. & Potentissimi Domini, in vestra Republica felicissimè conjunxistis. Nam & armorum gloriam, & militaris disciplinæ laudem, ita vestræ Republicæ secistis proprium, ut omnes principes, etiam hostes vestri, aut apertè profiteantur hæc parte se à vobis superari, aut saltem id tacitè significant, dum vestram disciplinam, ut exemplar, imitantur. Neque verò successus defuit tam præclaris institutis. Etenim provinciæ vestras, excusso intolerabili Hispanorum jugo, adversus potentissimum totius mundi principem, non modò feliciter defendistis. sed & limites protulistis, & ad induciarum condiciones petendæ eum compulistis. Literarum decus ex eo statim tempore, quo Republicæ forma constituta fuit, ita hîc emicuit, ut nullibi magis. In hac enim ipsa Academia, quæ Leidensibus indulta fuit, tanquam præmium durissimæ obsidionis fortissimè toleratæ, ab ipsis statim incenabulis, ita omnium laudabilium disciplinarum studia florere inceperunt; ut jam diu hæc una omnes alias Academiæ, incredibile dictu, quàm longè post se relinquat; ut ipsæ Musæ domicilium hîc fixisse videantur. Ex hac Bonæ mentis æde, quàm multi, quàmque præclari viri prodire, qui Republicæ atque Ecclesiæ Christi, quæ in ea colligitur, præclaram operam navaverunt, atque etiamnum fideliter navant! Plerique vestrum confiteri non erubescitis, non multò minùs vos Academiæ debere, quàm Respublica debet prudentissimis vestris & saluberrimis conciliis. Et nè quid hac in parte deesset, cum intelligeretis plurimùm nocere juventuti ad parandam eruditionem. Scholarum diversa instituta; laudatissimum profectò & saluberrimum decretum fecistis, ut omnes Scholæ vestræ provinciæ eodem modo regerentur, iidem linguarum & artium autores ubique legerentur; nè, si fortè necesse sit pueros ad alias Scholas ablegari, institutorum & librorum diversitas, eorum profectum, quod hæcenus factum est, plurimùm remoretur. Ordinem & instituta Scholarum, librorumq; prælegendorum catalogum, hujus Academiæ Professores rer Deputatos suos conscriptum, & omnium iudicio examinatum,

## *Dedicatio.*

vobis exhibuerunt. Et, quò minus incommodi hæc reformatio secum traheret. Nobiliss. & Ampliss. D D. Curatoribus Academiæ, & Consulibus civitatis Leidenfis, dedistis in mandatis, ut Deputatos utriusq; Synodi, omnésq; Hollandicarum Scholarum gymnasiarchas, Leidam evocarent, eorúmque judicia, unà cum Professoribus ad eam rem ab Academico senatu designatis, audirent & examinarent, ut ex omnibus iis, quæ aut à delegatis Professoribus, aut à Deputatis Synodorum, aut à gymnasiarchis essent observata, generalis ordo conciperetur, quem omnes Scholæ deinceps in puerorum institutione sequerentur. Placuit tum fortè D D. Curatoribus Consulibus, & Professoribus deputatis, ut iudicium ego quoq; dicerem de Logica quæ in omnibus Scholis doceri deinceps posset; cùmque de Organo Aristotelis, deque Logica Rami, Crellii, Bertii, Hunnæi, Molinei, Keckermanni, aliorúmque pluribus dixissem, quid mihi videretur, & in singulis aliquid observassem, cur minùs idoneas judicaret, quæ in Scholis prælegerentur injunctum mihi fuit, ut Logicam formarem ad eum modum, quem judicaret Scholis fore convenientissimum. Formavi igitur hos duos Institutionum Logicarum libros, in quibus omnia hujus disciplinæ præcepta, quæ quidem usum aliquem habent, ita sum complexus, ut proveci nihil ulteriùs videantur desiderare, præter exercitationem. Et ut etiam tironibus consulerem, ex hisce Institutionibus Synopsin excerpti, quæ incipientibus tradenda sit. Hosce Logicarum Institutionum libros, Illust. & Potentissimi Domini, vobis submisso animo offero, dedicòque: vosq; obnixè rogo, ut hunc ingenii industriæque meæ factum benignè suscipiatis, quem vestro decreto atq; autoritate conceptum atque efformatum, bono publico enitor atq; edo in lucem. Et sanè, cùm multorum iniquis reprehensionibus, vel etiam calumniis, hunc factum obnoxium fore præfigirem, periculum esse judicabam, nè in ipsis incunabulis opprimeretur, nisi prodiret vestrà autoritate munitus. Nec dubium mihi est, quin ob eas ipsas rationes, quibus permoti eandem disciplinam in omnibus Scholis observandam decrevisistis, hæce meas Institutiones Logicas æquè bonique consuletis, vestroque patrocinio tutas esse benignè patièmini, quas ipsi Scholis & luci destinastis. Dum hæc fiducià me sustentat, Deum Optimum Maximum supplici mente precor, ut vos Rempublicamque vestram suis beneficiis cumulet, eamq; adversùs hostium vim & insidias protegat, vestràque omnium consilia dirigat ad regni sui instaurationem, vestrùmque omnium æternam salutem. Lugdun. Batav. xv. Septemb. 1626.

*Illust. & Potentiss. Dominationibus vestris*

*obsequio deditissimus*

**FRANCO BURGERSDICIUS.**

## Præfatio ad Lectorem.

**A**Nxia, sollicitaq; vanitatis plenissima res est, benevole  
& docte Lector, ingenii sui literata monumenta vul-  
gantibus, posthabita publica utilitate, gloriam vulgi  
judicio temerè delatam, laboris sui industriaque operapretium  
existimare. Nam & gloria per se inanis est, si honesta utilitate,  
qua ex virtute & sapientia proficiscitur, non fuerit subnixæ: &  
tam varia sunt atque incerta de scriptis, qua quotidie eduntur,  
judicia, ut nihil sit tam miserè atq; frigide conceptum, quod non  
à multis celebretur; nihil contra tam doctum ac limatum, quod  
non inveniat reprehensores suos. Pleriq; enim omnes, qui de alio  
judicium censorio supercilio ferunt, τὸ παρὰ μέλλειν ἢ τὸ λέγειν  
ἐπεὶ χερσίν, nihil probant, nisi quod tritum est, quodque ipsi vel  
præceptoribus suis hauscerunt, vel sua industria didicerunt. Quæ  
à recepta disciplina vel latum unguem recedunt, aut ab eo tra-  
mite quem in studiis suis secuti sunt, ea statim præjudicio dam-  
nant; non ratione, sed affectu in consilium adhibito. Cordati  
scriptores gloriam quidem non contemnunt (neq; enim illis cor-  
neæ fibra est) sed neq; affectant, si à virtute & à publica uti-  
litate sejuncta est. Quin gloriam non ducunt esse gloriam, nisi  
qua à peritis æstimatoribus sibi ob virtutem tribuitur; ceter-  
ùm securi de temerariis vulgi judiciis. Horum hominum mo-  
rem secutus sum in ordinandis hisce Logicarum Institutionum  
libris, dedique operam, ut ad legentium ac discipulorum utilita-  
tem potius essent comparati, quàm ad ambitionem. Quod an  
consecutus sim, tibi, docte ac benigne Lector, lubens judican-  
dum relinquo. Quod tamen quò fiat à te certius accuratiusque,  
paucis hac tibi præfatione exponam, quæ fuerit ratio consilii  
mei, in hisce Logicarum Institutionum libris formandis &  
edendis. Mirum enim haud dubiè tibi videbitur, in tanta do-  
ctorum virorum multitudine, qui Logicas Institutiones reli-  
querunt, neminem idoneum repertum esse, qui in omnibus Scho-  
lis prælegeretur: mihi autem uni, homini novo, certè non ce-  
lebri, hoc delatum esse ut novam Logicam conderem, quæ, puls-  
is autoribus receptis, ubiq; deinceps obtineret. Cùm ab Illustr. ac  
Potentiss. Hollandia Westfrisiaq; Ordinibus decretum esset fa-  
ctum de scholastica disciplina reformatione, & inter alia con-  
stitutum

## Præfatio ad Lectorem.

stitutum, ut iidem linguarum & artium autores ubiq; prælegere tur; cumq; non ejusdem auctoris Logica (ut de cæteris libri nihil dicam) esset ubiq; recepta, sed alicubi doceretur Augustinus Hunnæus, aut Fortunatus Crellius; alibi Ramus, aut Berti-  
us, non uno loco Molineus, aut etiam Keckermannus; delibetan-  
dum fuit, cujus Logica cæteris omnibus prælata ubiq; recipere-  
tur. Et quamvis eorum, quos nominavi, autorum Institutiones  
haudquaquã contemnendæ sint, neminem tamen ita cuiquã co-  
rum obnoxium fore confido, qui non judicet aliquid in eo esse,  
quod possit emendari. Esi autem ab ingenio meo alienum sit, a-  
liorum scripta carpendi animo examinare, & vitia potius aut  
hallucinationes, quã virtutes & laudes commemorare; nunc ta-  
men, cum publica causa agitur, facile me veniam impetraturum  
confido, si liberè & candidè exposuero, quanam in corû Logico-  
rum Institutionibus, quas dixi prælegi in Scholis solitas, deside-  
rari existimem. Quæ si efficiam, candidè Lector, ut & tibi vi-  
deantur, haud invitus concedes, optimo consilio factum esse, ut  
nulla ex istis omnibus Scholis destinaretur, nisi accuratè recen-  
sita. Singulas Logicas ad censuram revocare, non præfationis,  
sed commentarii opus est. Per classes eundem, quæ sine & scri-  
bendi instituto differunt. Omnes enim Logicarum autores ad  
tres fere classes revocari possunt. Quidam enim Aristotelem  
sequuntur & modis, ejusque Organon contrahunt, & præcepta  
indè deprompta eadem methodo disponunt, idoneisque exemplis  
illustrant. In hac classe numerari possunt Hunnæus, Crellius,  
Bertius, Molineus, aliique quamplurimi. Quorum libri Logici  
accuratæ potius Isagogæ sunt, eaque utilissima ad doctrinam  
Aristotelis compendiosè percipiendam, ejusque Organon facili-  
us intelligendū, quàm integram systemata Logicarum Institu-  
tionum. Ego quidem singulos Aristotelis libros admiror: sed  
tamen universam Logicam libellis istis, quibus Organon con-  
stituitur, ut credam contineri, nemo facilè à me impetrabit.  
Nam primò persuasissimum mihi est, libros Logicos, qui ad  
nos pervenerunt, non eo ordine conscriptos atque editos fuisse  
ab Aristotele, quo nunc sunt dispositi; neque etiam eo consilio,  
ut universam disciplinam Logicam absolverent. Nam quia  
posteriores libri in prioribus citantur, nullaque inter se con-  
nexionem coherant, cuilibet attentius rem consideranti manife-

## Præfatio ad Lectorem.

sum est, librum *Categoriarum* (si modò sit *Aristotelis*) & li-  
 brum de *Interpretatione*, item *Analytica*, *Topica*, & librum de  
*Sophisticis elenchis*, esse separata quadam opuscula, qua di-  
 versa occasione ac fine, diverso tempore sunt ab *Aristotele* in  
 lucem emissa. Præsertim cum *Aristoteli* sit usitatissimum, li-  
 bros suos, quos quidem ejusdem operis esse voluit, aptis transi-  
 tionum formulis connectere. Interpretibus ergò debemus istam  
 operam, qui omnes *Aristotelis* libros ad *Logicam* pertinentes  
 collegerunt, unòq; volumine ediderunt idque eâ methodo, qua  
 non cum ordine editionis, sed cum *Logica* natura maximè con-  
 grueret. Huc accedit, quòd plurima in *Organo* desiderantur, qua  
 tamen ad plenam *Logicæ* constitutionem sunt necessaria. Nam  
 cum quatuor sint instrumenta *Logica*, definitio, divisio, syllo-  
 gismus, & methodus, *Aristoteles* tamen de uno tantùm agit  
 syllogismo. De methodo nihil omninò præcipit; cum tamen ipse  
 methodi leges servet accuratè. De definitione nonnihil qui-  
 dem tradit, sed aliud agendo, ac quatenus sedes est argumenti  
 topici, aut apodictici: non verò, quatenus solvit quæstionem,  
 quâ quaritur, quid res sit. De divisione agit multò parcius,  
 eamque nominat potius, quàm explicat. Hanc ob causam fa-  
 ctum est, ut ii, qui *Aristotelis* vestigia præse sequuntur,  
*Logicæ* naturam & usum solius syllogismi doctrinâ circum-  
 scribant; ex syllogismi consideratione, *Logicæ* definitionem  
 ac distributionem petant; quasi syllogismus ejusque fabricatio  
 toti *Logicæ*, ut adequatum subiectum atque finis, responderet.  
 Atque hoc quidem rectè; sic cui propositum esset *Organon* *Ari-*  
*stotelis* interpretari, aut illius exhibere compendium: at qui *Lo-*  
*gicarum* Institutionum plenum systema velit efformare, cum  
 necesse est ab hoc instituto nonnihil recedere: quia non iidem  
 limites sunt plenæ *Logicæ*, & *Organi Aristotelici*. Quin nec  
 syllogismi doctrina plena est in *Organo*. Nihil enim ibi præ-  
 ceptum de syllogismis compositis, sive hypotheticis ac disjuncti-  
 vis; nihil etiam de propositionibus compositis, ex quibus isti  
 syllogismi formantur. Qua cum videret *Boethius*, qui pri-  
 mus in *Organon Aristotelis* Latine commentatus est, tractatum  
 conscripsit de syllogismis compositis, deque arte dividendi ac  
 definiendi, *Logicamque* hisce additamentis fecit pleniorē.  
 Quid porro dicam de quamplurimis præceptis *Organi Aristoteli-*  
cili



## Præfatio ad Lectorem.

relicti, quæ quidem, ut non sint inutilia cognitu provecioribus, sunt tamen non necessaria incipientibus in quorum gratiam Institutiones compendiosè scribendæ sunt? Quàm multa sunt in Analyticis prioribus ac posterioribus, quæ rarius utilisq; prætercuntur, quàm pueris inculcantur! Paucis capitibus comprehendendi potest horum librorum substantia, ac necessaria præcepta. Libri Topici sunt quidem variâ eruditione, multiq; utilissimis ac necessariis præceptionibus referti: sed habent tamen plurima superflua. Et quæ in iis occurrunt utilia (quæ sunt sanè plurima) ea poterant compendiosiore magisq; perspicua methodo tradi. Idem iudicium esto de libro Sophisticorum elenchorum. Nec tamen hæc Aristoteli impuzanda sunt sed temporis. Praxi enim Logica tum temporis potissimum consistebat in colloquiis ac dialogis (ἡτοιμασμένην ἰσορροπὴν vocat Aristoteles) ubi de variis rebus, ac potissimum de sectarum diversis hypothesebus in utramque partem probabilibus interrogatiunculis & responsiunculis disputabant, idque ad opinionem, imò ad pompam magis atque ostentationem, quàm ad sapientiam ac veritatem. Ad hunc finem libri Topici & Sophisticus potissimum collimant. In Topici enim traduntur præcepta disputandi ex iis quæ reuera sunt probabilia; in Sophistico ex iis quæ probabilitatem fucatâ fronte mentiuntur. In Analyticis traditur ratio disputandi seria, veramq; scientiam adipiscendi. Hinc est, quòd sape analyticum disputandi artificium Topico ad eum modum opponitur, quo accurata qualibet opponi solent iis, quæ tantùm leviter adumbrata sunt. In libro de Interpretatione nihil ferè non est necessarium: in libro Categoriarum, pauca, quæ nempe exstant c. 14 & 15 cætera ad Logicam pertinent; sed tamen non eo ordine tradenda sunt, si systema Logicarum Institutionum formandum sit. Cum enim hic liber dividi soleat in protheoriam, theoriam, & hypotheseon, (vulgò in anteprædicamenta, prædicamenta, & postprædicamenta) hæ partes tam diversam doctrinam continent, ut per leges methodi coherere non possint in legitimo systemate. Ex quibus omnibus luce meridianâ clariùs liquet, non posse rectè Logicas Institutiones formari ab iis, qui Aristotelici Organi methodum & modum & modis sequuntur. Et quanquam hæ incommoda ab eruditissimis viris & præcipuè à clarissimo Molinco emendata sint, qui & superflua resecuit, & omnia magnâ parte reposit

## Præfatio ad Lectorem.

reposuit & ordinem restituit; nihilominus tamen nondum videtur illud assecutus, in quo accurati hominis animus possit acquiescere. Nam ut prateream, quod prædicabilia & categorias ad Logicam referat, non ut partem, (quemadmodum fieri debebat) sed ut doctrinam Logico utilem, & introductionis instar toti arti præmittendam; Logicam sic definit ac dividit, ac si in ea nihil aliud spectari deberet, quàm syllogismus. unde fit, ut doctrinam de definitione, divisione, ac methodo, ita syllogisticæ præceptis intexat, aut in appendice adnectat, ac si per se non mererentur locum: cum tamen hæc quatuor rationis nostræ instrumenta, quatuor debeant distinctas partes constituere. Præterea, in parte communi, ubi agit de syllogismo in genere, deque enunciatione, tanquam de communi materia syllogismi, ita brevis est, ut hæc pars alteri admodum sit dissimilis, in qua præcepta tradit de syllogismo in certis materiæ conditionibus spectato, quæ in Topicam, Apodicticam, & Sophisticam dividitur. Transeo ad secundam classẽ Logicorum; in qua familiam ducit Petrus Ramus, homo eleganter quidem doctus, sed audax, temerarius, & in antiquitatem sanè quàm injurius. Hic cum receptam aliquot seculis philosophandi rationem meritò improbaret, quã non solùm in Aristotelis verba, qui Philosophiam profitebantur, singuli jurabant, & errorem imò crimen penè hærescos judicabant, ab illius decretis vel latum unguem recedere; sed etiam Philosophiæ studium in acutas aliquot & spinosas quæstiones commutaverant, de quibus barbarè, maximèque animi contentione, non aliter, ac si de religionis summa ageretur, in Academiis disputabant, relicto interim multiplici usu, qui ex eo in humanam vitam emergere debebat: ut depravatũ hunc morẽ emendaret, dum voluit vitare Scyllam, ut dici solet, incidit in Charybdim. Nam dum in eo est, ut licentiosam illam disputandi pruriginem coerneret, barbariẽque à Scholis atque Academiis, laudabili sanè ausu atq; incepto, eliminaret; disciplinas Philosophicas, & imprimis Logicam, nimis arctis finibus circũscripsit, ac penè corripit. Nam dum brevis esse laborat, non solùm fit obscurus, sed etiam (quod obscuritate deterius est) mutulus: atq; insuper sape abit à veritate. Nam non solùm Aristotelem non nimis anxie religiosẽq; secutus est, quod tum ab aliis fiebat; sed etiam illius scripta, quacunque potuit ratione insecutus

## Præfatio ad Lectorem.

Statim, in contemptum odiūque adducere conatus est; clamitans nihil esse in illo præter inanē garrulitatem, pauca præcepta genuina, nullam methodum. Hoc animo atq; affectu Logicā concinnavit (ut de cæteris disciplinis nihil hoc tempore dicam) non ex præceptis Aristotelis, sed ex Cicrone potissimum, aliisque, qui Stoicos potius, quàm Peripateticos secuti sunt. Atq; hac in parte quidem institit vestigiis Laurentii Vallæ, Rodolphi Agricolæ, Ludovici Vivis, aliorūque, qui Peripateticam doctrinam jam ante contempserant, alioque modo ac methodo Logicam efformarant. Egit quidem illud Ramus majori animo atq; audaciâ, sed successus defuit ausis. Duo autem sunt in Rami disciplinâ, quibus maxime se jactat; methodus, & usus. Hoc enim præ cæteris videtur studuisse, ut omnia præcepta inter se cohererent, suisque locis singula ponerentur; & nihil in disciplinis collocaretur, cujus usum apud cordatos scriptores nonprehendisset. Sed dum hisce rebus nimis anxie attendit, multa præterit, quæ tamen ad artûs perfectionem necessariò requiruntur. Duo enim genera præceptorum in Logica tradenda sunt: quædam per se usum habent in rebus cognoscendis, mentiisq; notionibus vel voce vel scripto interpretandis: talia sunt omnia, quæ de definitione, divisione, syllogismo & methodo præcipiuntur. Alia cò duntaxat faciunt, ut materia sint, à qua hæc rationis nostræ instrumenta confinguntur. Hac in optimis quibusque scriptoribus frustra quæruntur, ut qui non de arte scribunt, sed ex arte. Quæ autem in Rami Dialectica desiderantur, ex plurimis hæc sunt præcipua. Primò, Dialecticam contextit ex nudis definitionibus & divisionibus. In quo profectò peccat admodum largiter. Nam sicut regulas supervacuas esse judico, quæ in definitionibus continentur; ita necessariò definitionibus subnectendas esse censeo, quæ & usum artis continent, & tamen ex definitionibus & discentibus non possunt satis commodè colligi. Doctrinam de syllogismo apodictico una litura expungit, nullumque discrimen ponit in syllogismorum effectis: cum tamen alii firmum animi assensum generent, alii infirmum, ac nihil fere præter suspicionem. In doctrina Inventionis solos argumentorum titulos tradit, & obiter explicat: canones Judicii præterit, quibus argumentorum, quæ ex iis locis eruantur, consequentia firmatur, quibusque discrimen

## Præfatio ad Lectorem.

erimen firmerum & infirmorum argumentorum explicatur. Nihil tradit de Sophisticis elenchis: quorum tamen doctrina, si non necessaria est peritissimis, saltem utilis est discipulis. Etsi tamen illi solvere solcant sophismata haud infeliciter sine regulis Sophisticis; imperitiores tamen magnum adjumentum habent in ipsis sophismatum locis, quæ causas aperiunt fallaciarum. De categoriis aliisque minutis lirem non movero: illud gravius esse duco, quod duplicem definitionis usum non dinoveris. Nam cum definitio adhibetur propter se, solvit questionem, quæ quaritur, quid sit res: cum verò sumitur ut medium syllogismi, solvit questionem quæ quaritur, an sit res, sive, an ita, aut talis sit. Quæ cense sunt effecta diversissima, & omnino distinguenda. Postremo, dum Ramus nimis anxie sectatur dichotomiam, discipulorum memoriam onerat magis quam promovet. Quando satius fuerat trimembri aut quadrimembri divisione multarum subdivisionum necessitatem redimere. Ob has ergo rationes videbatur inconsultum, ut aut Ramus, aut quisquam alius ex ista disciplina, Scholis præficeretur. Superest tertia classis; in qua Keckermannum aliosque colloco quamplurimos, qui doctrinam Aristotelis cum doctrina Rami commiscuerunt, & ex utriusque disciplina Logicam concinnarunt Aristotele materiam, Ramo methodum suppeditante: & quod in uno desiderabant, id ex altero supplebant. Hæc ratio Logicam scribendi, ut superioribus præstantior est, ita omnes ferè, qui hoc institutum secuti sunt, diligentiam & methodi exactiæ superavit Keckermannus; idque consecutus est, ut multi ejus Logicam tanquam normam artis sint secuti. Nam & ordinatæ methodi præstantia, & præceptorum utilitate Ramum imitatus est, & quæ in Ramo desideravit, ex aliis mutuatus est, vel à se dedit. Sed tamen & hic multa multi desiderant, qui tamen totum illius institutum ac concilium approbant ac commendant. Nam primò, ingens illa subdivisionum multitudo, ex qua laudem affectasse videtur, discipulis nimis quàm molesta rerum intelligentiam plurimum impedit. Secundò, in definitionibus Logicis (nam ceteras disci linas non attingo) non rarò nugatur: veluti cum causam definit, à qua causatum pendet; causatum quod pendet à causa; totum, quod partes habet: cum integram definitiones Aristotelis longe accuratissimas sæpe præter-

cat.

## Præfatio ad Lectorem.

eat. Tertiò, nimis copiosus est in conquirendis canonibus, in quibus Ramum diximus nimis esse parcum. Nam legentis otio abuti videtur, qui eas regulas tradit, quæ in definitione rei apertè continentur, aut certè debebant contineri; vel quæ ex generalioribus regulis ultro sequuntur. Et licet Keckermannus egregiam operam navaverit in colligendis ac dirigendis affectionibus simplicium thematum, easque animadverterit non eo solum fine considerandas esse in Logica, ut sint media syllogismorum, sicuti factum erat à Ramo, sed etiam propter alios usus: eos tamen non satis accuratè tradidit. At notionēs siue affectiones thematum simplicium, inservire dirigendæ primæ mentis operationi, quæ est nuda rerum apprehensio siue affirmatione aut negatione; quod quidem verissimum est: sed dum explicat, quomodo prima mentis operatio hisce notionibus dirigatur, in eo decipitur. Res ita se habet meo quidem arbitratu; Cum mens nostra duobus potissimum modis in rerum simplicium apprehensione possit aberrare, nempe, ut aut non assequatur rei essentiam, sed externas tantum rei notas; aut ut eam confusè concipiat, & veluti totum, quæ debet concipi distinctè, ac per partes: duo etiam remedia debuit Logica, quæ ars est mentem dirigendi, his duobus veluti morbis opponere; definitionem & divisionem. Nam ceteræ notionēs Logicæ non aliter dirigunt primam illam mentis operationem, quàm quatenus ad hæc duo instrumenta revocari possunt, tanquam materia ex qua ea conficiuntur. Etenim non video, quid cognitio generis, speciei, differentiæ, totius ac partium, causarum & effectuum, subjecti, adjuncti, consentaneorum, dissentaneorum, oppositorum, priorum, posteriorum, & siqua sint alia, ampliùs prodesse possit menti ad res bene apprehendendas, quàm ut intelligat definitionem earum, siue quid sint, & divisionem. Definitionis appellatione etiam descriptionem, & definitionem nominalem intelligo: & sub divisione etiam distinctionem comprehendo. Efficiunt quidem prædictæ notionēs, nè aliud pro alio apprehendatur: sed & illud definitionis est. Nam quæstiones de eodem & diverso pertinent ad definitionem, Ex. gr. si quis notionem artis tribueret scientiæ, nulla is in re hallucinaretur, nisi in artis, scientiæq; definitione. At si quis affirmatè statueret, artem esse scientiam, is non esset error

## Præfatio ad Lectorem.

apprehensionis, sed iudicii, ad quem corrigendum inventus est syllogismus. Longè igitur alia ratio definitionis ac divisionis esse debet in Logica, quam cæterarum notionum. Nam definitio & divisio per se mentem dirigunt aequè ac syllogismus, & præcepta de methodo; cæteræ notionēs, non nisi quatenus ad definitionem, divisionem, syllogismum aut methodum revocantur. Quæ distinctio maximi momenti est ad usum præceptorum Logicorum intelligendum, & ad systema Logicum secundum artis naturam formandum. His postremo loco adjicio, quoddum Keckermannus syllogismum verum distinguit in topicum, dicticum, & apodicticum, deque iis seorsum agit, præcepta augeat sine necessitate. Non est mihi dubium, quin loca topica nunc argumenta firma suppedirent, quæ non quidem efficiunt scientiam, sed certam tamē cognitionem; nunc infirma admodum & quæ vix sufficiunt ad generandam opinionem aut suspensionem: sed non erant tamen hæc sejungenda. Potest enim discrimen illud, aut ipsis inseri canonibus, aut exemplis idoneis, aliâve ratione explicari. Hæc sunt præcipua, benigne lector, quæ in Keckermanno notavi. Nā de singulis disserere nimis operosum foret. Quæ postquam in consessu Nobiliss. & Ampliss. DD. Curatorum Acad. & Consulium civitatis Leidensis, qui de Scholarum disciplina atq; ordine unā cum quibusdam ex Professoribus à toto Senatu Academico ad eam rem deputatis deliberabant, sententiam rogatus, prolixè disseruissem; injunctum mihi fuit, ut Logicam formarem, in qua ea omnia incommoda vitarem, quæ judicabant à me in aliis non perperam fuisse observata; quæque plena foret & tamen non prolixa. Quod etsi difficillimum mihi fore judicarem (non multò facilius est in aliis notare, quæ requirunt emendationem, quàm ita emendare alios, ut nulli te iudicent erravisse) suscepi tamen hanc provinciam; sed ea lege suscepi, ut omnes ii, qui ex Professoribus ab Academia fuerant ad Scholasticum negotium deputati, unā mecum congregati examinarent quæ scripsissem; & si quid non satis accuratè dictum judicarent, id continuò mutarem aut expungerem. Hoc ergò consilio hæc Institutiones formavi, in eoque hanc rationem secutus sum; Præcepta potissimum hausi ex Aristotele, eaque (quantum fieri potuit) extuli ipsis verbis Aristotelis. Neque verò ea solum ex Organo petivi, sed ex omnibus aliis libris, ubi aliquid occurreret quod esset Logicum. Quin-



## Præfatio ad Lectorem.

etiam definitiones, aliaque quædam necessaria, Græcè expressi: ut hac ratione & lingua Græca assuescant pueri, & præparentur ad legendum Aristotelem. Et ne quid deesset, præcipuos Logicos contuli, & cum iis meditationes meas, ut inde suppeteret, quod in Aristotele desiderabatur. Dedi præterea operam, ut omnia, quantum possem, perspicuè efferrem. Exempla usurpavi obvia, eaque vel conficta, vel ex bonis autoribus petita, cum in iis ratio præceptorum Logicorum manifestè conspiceretur. Quamquam enim omnium præceptorum usus ex bonis autoribus possit illustrari; tamen ad puerorum captum accommodatius est, nudis exemplis præcepta declarare, quàm testimoniis eorum autorum, in quibus maxima laus est, artificium celare. Dabimus tamen aliquando commentarium, si Deus saverit, in quo & Logica naturam præceptorumque veritatem astruemus, eorumque usum ex optimis quibûsque scriptoribus, in gratiam provektorum, demonstrabimus. Methodum petii ex ipsa artis natura. In quo tamen ex parte secutus sum institutum clarissimi viri Marci Duncani, in Academia Salmuricensi Professoris Philosophiæ præstantissimi, & olim collegæ mei conjunctissimi, cujus accuratæ Institutiones Logica majus auxilium mihi tulerunt in meis Institutionibus aptè ordinandis, quam ulla alia.

Hæc sunt, benigne Lector, quæ te scire volui, priusquam ad harum Institutionum lectionem & examen te componeres. Quas si ad normam rationis expenderis, libens me tuo judicio subicio. Et quicquid sit de successu, non dubito, quin consilium meum ac voluntatem de publico bene merendi sis probaturus.

Vale.

In



*In viri clarissimi*  
FR. BURGERSDII  
LOGICAM.

Sic comparata ferme res mortalium est,  
Ut qui laboris plurimum atque industriæ  
Ad promovenda seculi impendunt bona,  
Doctræque mentis grande & excellens opus  
Chartis sacratum publico dant usui,  
Hos à sepulcro consequatur sera laus,  
Solisque capiant præmium à nepotibus.  
Ità posterorum est sensus incorruptior,  
Sinceriusque judicat seculum sequens,  
Quàm turba præsens, quæ per invidentiam  
Intensa magnis perpetim virtutibus,  
Quas colore non vult, odit. Hæc malignitas,  
Loliginique hic succus excelsos petit  
Virum, præmitque spiritus summum ad diem.  
Diversa *Burgersdicio* demum meo,  
Favore quodam cœlitum, fors obtigit;  
Divina cujus scripta, quæis par est nihil,  
Et nil secundum, mox repente ut prodeunt,  
Consensione inusitatâ comprobant  
Quicquid Batavio eruditorum tenet,  
Tenetque Leida. Quæ viritum suscipi,  
Et ubique mandant omnium teri manu  
Patriæ parentes, quos penès summa est rei.  
Ergo hunc beatum jure quis non prædicet,  
Qui vivus illis interest nunc laudibus,  
Quas ferre paucis funus ac cinis solet?

*Petrus CUNÆUS, F. C.*

*In Logicam clariss. viri Fr. Burgersd. ex publica  
auctoritate in usum juventutis Batava conscript.*

Summi Ratio nata Parentis,  
Et, quam Ratio peperit summa,  
Ars humane destina vitæ,  
Inconcussi regula veri,  
Arctos nullomersa profundo,  
Quam post Samii consula senis,

Et

Et Socraticæ mella senectæ,  
 Sed plena tui, prima sub auras  
 ( Namque immedico dedica ludo,  
 Et sera suam Porticus istâ  
 Trabe firmavit fixitque domum )  
 Stagira tulit ; Fax errantis  
 Unica mentis, pignus cœli,  
 Et depositum grande Deorum,  
 Armis quondam sceptritque comes,  
 Non Graiorum Regibus olim  
 Non Pellæo rerum domino  
 Ignota, cui domitus fasces  
 Prætulit orbis : rursusque diu  
 Labyrinthæis invia gyris  
 Rerum ignaræ tradita turbæ,  
 Et barbarie demersa gravi ;  
 Rursus in auras, brevis, & veluti  
 Pars una tui, sed tota, venis ;  
*Burgerfidi* curæ laborsque,  
 Cui Lugdunum formosa suas  
 Credidit artes : quem Delphorum  
 Cortina tulit : cui nascenti  
 Patrius primùm risit Apollo.  
 Ut post tenebras læta juventus,  
 Nusquam ambiguis seducta viis,  
 Nec sideribus distracta vagis,  
 Postquam reliquæ cessere uni  
 Noctis comites, comites Lunæ,  
 Totumque aperit lux nostra diem,  
 Unum videat surgere solem,

*Daniel Heinsius.*

*Clarissimo viro, collega conjunctissimo, Fr. Burgerfd.  
 cùm post dissertationes Physicas, & Ethicas,  
 commentarios Logicos in lucem daret.*

**B** Ruta quidem tellus humanos destinet artus :  
 Materies quoniam corporis ipsa fuit.  
 Præpete sed pennâ Ratio se tollit in æthram.  
 Nimirum celso Spiritus axe venit.  
 Ergo animæ miseræ curent sua corpora : *Franco,*  
 Mens tua det, Ratio quod sciat esse suum.  
 Hoc placet : & ternam fundis per secula chartam,  
 De Sophia triplici quæ tibi scripta fuit.  
 Naturæ primùm mysteria pandere juvit :  
 Ut doceas Mores, altera cura tua est :

B

Tertia

Tertia nunc urget. Præstas, discamus ut omnes,  
Quæ ratio suadet, de Ratione loqui.  
Cur metuas rhonchos? cælo labor iste beabit;  
Ut qui cœlestis sit Rationis opus.  
Qui cælum sordet, Ratio cui vilis habetur,  
De Ratione librum non amet ille tuum.

Gerardus Joannes Vossius.

*In Fr. Burgersdicii viri clariss. Institutiones  
Logicas.*

Qualiter infandum tenebris Chaos omnia complet,  
Nec firmata satîs ponit nova semina rerum,  
Nec justis sociata modis; verùm undique bella,  
Undique dat strages, cæcòque sub ordine pergit  
Undique: sic discors animum confusio quassat,  
Qui quicquam didicisse vover, nisi cuncta catenis,  
Dædala quas cudit Ratio, compòsta ligentur,  
Et lumen sit mentis apex. Modò cognita nescit,  
Quæ melius tenuisse valet, cui pagina sordet  
Chryssippi, & tantùm lallantibus apta Magistris  
Creditur, in triviis, atque inter compita parvæ  
Pulverulenta Scholæ. Videas pallere tribunal,  
Attonitâsque stupere togas, si pægma disertus  
Verberet, & rabulis pudibunda silentia confert  
Harpocrates, digitòque jubet compescere labrum.  
Hæc Mystis spinosa Dei dedit ore rotundo  
Cura loqui, certòsque magis cata concio nexus  
Miratur, nullâ quàm verba ruentia lege  
Si crepet insulso Rhetor donandus agello.  
Ille Pater veri, valido qui *Πατριάρχης* almi  
Auxilio optatam delapsus ab axe salutem  
Attulit in lethes squalenti carcere clausis.  
Solerti sermone domat laqueata dolosi  
Diçta Pharisei, non argumenta recusat  
Ponderibus librata suis vibrare, strophâsque  
Solvere, quas veterum contra præfagia Vatum  
Sibilar impietas. Sequitur vestigia tanti  
Gens sacris addiçta Ducis. Quin Coa medentùm  
Progenies, mortis causas cùm cernit, & artus  
Internâ penitus putredine jam fœtentes,  
Hæc face dante videt. Videt hæc inspector aliptes,  
Quicquid agunt homines hujus sine numine, flocci  
Penditur, atque æstiva velut mox grando liquefcit.  
Præmia, *Burgersdici*, igitur ventura nepotum  
Quæ tibi secla ferent? Toti namque utilis orbi  
Postera perpetuis illustras tempora chartis.

Sic doctum docuisse decet. Vexillifer urges  
 Adversas acies, sterilisque è vertice Ramos  
 Decutis, & victor celsis in turribus exstas,  
 Excipis hinc Sophiæ cælos immobilis Atlas  
 Solus, & Alcides nullus succedit anhelos,  
 Qui pondus tam grande ferat. Date nota fatenti  
 Diis geniti veniam: vos quæis occulta vetustas  
 Panditur, & gemmæ latitantes sub scrobe crebro  
 Effodiuntur, ubi malè lecta notarius olim  
 Descripsit sordè, & vix ullum turpis hiatus  
 Augurium patitur, quali nasutus Homerum  
 Finxit Aristarchus: vos junctim mutua vobis  
 Munia præstatis, nec ad unum cura laborque  
 Omnis abit. Sed summe virum, tua gloria sola est,  
 Philosophum gessisse polos. Promethea vincis  
 Robore, crudeles aquilæ nec pectora rodunt.

*Janus Bodecherus Beningius.*

## Capitum ac titulorum, qui utroque hoc libro continentur.

Cap.

L I B. I.

- 1 **D**E Logices natura ac divisione.
- 2 De Themata simplici & complexo, singulari & universali.
- 3 De Categoriis in genere
- 4 De Substantia.
- 5 De Quantitate.
- 6 De Qualitate.
- 7 De Relatis.
- 8 De Actione & Passione.
- 9 De quatuor postremis Categoriis.
- 10 De Prædicabilibus in genere.
- 11 De Genere & Specie.
- 12 De Differentia.
- 13 De Proprio & Accidente.
- 14 De Toto & Parte.
- 15 De Causa & Causato in genere.
- 16 De Materia & Forma.
- 17 De Causa Efficiente.
- 18 De Fine.
- 19 De Subiecto & Adjuncto.
- 20 De Convenientia rerum.
- 21 De Diversitate sive Distinctione rerum.
- 22 De Oppositione rerum.

- 23 De Ordine, deque eo quod Prius, Posterius, aut Simul dicitur.
- 24 De Interpretatione in genere, deque Nomine & Verbo.
- 25 De Etymologia & Conjugatis.
- 26 De Homonymia, Synonymia, & variis vocabulorum acceptionibus.
- 27 De Enunciatione in genere deq; Enunciatione simplici & composita in specie.
- 28 De Enunciatione pura & modali.
- 29 De Enunciatione universali, particulari, singulari & indefinita.
- 30 De Enunciatione affirmata & negata, finita & infinita.
- 31 De Enunciatione vera, falsa, necessaria, contingente, & earum gradibus.
- 32 De Enunciationum Conversione, Equipollentia, & Subalternatione.
- 33 De Enunciationum Oppositione.

## LIB. II.

### Cap.

- 1 **D**E definitione in genere, deque Definitione nominali.
- 2 De Definitione perfecta.
- 3 De Definitione imperfecta.
- 4 De modo investigandæ definitionis.
- 5 De Divisione, ejusque speciebus ac legibus.
- 6 De Syllogismi definitione & partibus.
- 7 De tribus Syllogismorum figuris, & eorum modis.
- 8 De regulis, legibus, ac proprietatibus Syllogismorum.
- 9 De declaratione secundæ ac tertiæ figuræ per Reductionem ad primam, & per Expositionem.
- 10 De Inventionem mediæ termini accommodata ad figuras & modos.
- 11 De Inductione, Enthymemate & Exemplo.
- 12 De Syllogismo hypothetico, disjunctivo, & relativo.
- 13 De Dilemmate, Prosyllogismo & Sorite.
- 14 De Syllogismo modali, & indirecto.
- 15 De Syllogismo Dialectico.
- 16 De Inventionem argumentorum Dialecticorum, sive de locis & regulis topicis.
- 17 De canonibus ad locos consentaneos pertinentibus.
- 18 De canonibus ad locos dissentaneos, comparatos, & testimonii pertinentibus.
- 19 De Canonibus comparatis.
- 20 De Demonstratione.
- 21 De Præcognitionibus.
- 22 De questione demonstrabili, deque medio demonstrationis.
- 23 De conditionibus principiorum demonstrationis  $\alpha \beta \gamma \delta \epsilon \zeta \eta \theta$ .
- 24 De Demonstratione  $\alpha \beta \gamma \delta \epsilon \zeta \eta \theta$ , deque Regressu.
- 25 De Sophismate.
- 26 De Sophismatibus sive fallaciis in voce.
- 27 De Sophismatibus sive fallaciis in rebus.
- 28 De Metodo.

# INSTITUTIONUM LOGICARUM

## LIB. I.

### CAP. I.

#### *De Logices Natura, ac Divisione.*

##### THEOREMA I.

**L**OGICA est ars conficiens instrumenta, iisque intellectum dirigens in cognitione rerum.

##### COMMENTARIUS.

SECT. 1. **U**T Logices natura accuratius cognoscatur, nomina primum quibus consuevit appellari, deinde partes definitionis expendendæ sunt. Logica (ut hinc exordiar) dicta est  $\lambda\omicron\gamma\kappa\iota$ .  $\lambda\omicron\gamma\kappa\iota$  duplex est Aristoreli,  $\acute{o}\ \iota\sigma\omega$ ,  $\kappa\iota\ \acute{o}\ \tau\acute{\epsilon}\omega$   $\lambda\omicron\gamma\omega\varsigma$ , id est, sermo internus & externus. Sermonem internum vocat,  $\pi\acute{\iota}\nu\ \&\ \tau\acute{\eta}\ \psi\upsilon\chi\eta\varsigma$   $\lambda\omicron\gamma\omega\varsigma$ , id est, sermonem qui in anima est: Plutarchus, Damascenus alique appellant  $\lambda\omicron\gamma\omega\varsigma$   $\epsilon\acute{\iota}\delta\iota\alpha\theta\epsilon\tau\iota\kappa\iota$ , id est, sermonem intus conceptum; & externum,  $\lambda\omicron\gamma\omega\varsigma$   $\omega\epsilon\phi\acute{o}\theta\epsilon\iota\kappa\iota$ , id est, sermonem foras prolatum, sive pronunciatum.  $\lambda\omicron\gamma\kappa\iota$   $\epsilon\acute{\iota}\delta\iota\alpha\theta\epsilon\tau\iota\kappa\iota$ , sive internus, nihil est aliud quàm ratio sive cogitatio, hoc est, actio mentis res obiectas earumq; nomina concipientis. Mens enim non solum res ipsas concipit atque intelligit, sed & idonea vocabula excogitat ad conceptus suos aliis indicandos atq; explicandos: atq; ita quodammodo in seipsa loquitur.  $\lambda\omicron\gamma\omega\varsigma$   $\omega\epsilon\phi\acute{o}\theta\epsilon\iota\kappa\iota$  atq; externus, est sermonis interni, cogitationumq; interpret, atq; (ut Damascenus loquitur lib. 2. de Orb. fid. cap. 21.)  $\lambda\gamma\varsigma\lambda\omicron\gamma\iota\ \tau\acute{\iota}\nu\ \nu\acute{o}\mu\iota\kappa\iota$ , id est, nunciis cogitationis. Ab utroque sermone appellata est Logica, (utrumq; enim regit ac format) sed ab interno, quem nihil aliud esse diximus quàm mentis rationem sive cogitationem, præcipuè nuncupatur; ab externo sermone, sive ab oratione tantum secundario. Logica enim regit cogitationes animi nostri per se; orationem non per se (hoc enim Grammaticæ convenit) sed eatenus tantum, quatenus rationis nostræ sive cogitationum interpret est.

2. Logica dicitur alio nomine Dialectica,  $\lambda\omicron\gamma\iota\ \tau\acute{\iota}\nu\ \delta\iota\alpha\lambda\epsilon\iota\kappa\iota\kappa\iota$ , hoc est, à differendo. Hæc duo vocabula plerumq; sumuntur ab Aristotele pro Topica, quæ pars est hujus artis solummodo tradens præcepta de

quolibet problemate ex communibus & probabilibus principiis in utramque partem disputandi : quâ notione ab Analytica distinguuntur, ut pars à parte, eique ex adverso opponuntur. Logica pro Topica sumitur, lib. 1. *Post. cap. 22. sect. 153. cap. 24. sect. 170. lib. 2. cap. 8. sect. 38. lib. 1. Top. cap. 14. lib. 3. Phys. cap. 3. Dialectica, lib. 1. Post. cap. 11. sect. 83. cap. 19. sect. 136. lib. 1. Top. cap. 1. 2. 10. 11. 18. Soph. elen. cap. 8. 9. 11. & sæpe aliis*, Alicubi tamen hæ voces pro tota rationis arte usurpari videntur, præsertim Dialectica: ut 1. *Rhet. cap. 1. lib. 14. Metaph. cap. 4. & fortè alibi*. Sed quicquid sit de Aristotele, jam usus obtinuit apud Peripatericos, ut Logica sumatur pro tota arte; Dialectica verò pro Topica. Et certè ea significatio cum etymologia melius convenire videtur. Vix enim est, ut *διαλέξασθαι*, hoc est, *disserere*, extendi possit ad omnes Logicæ partes, Qui enim definit, dividit, aut ordinat, propriè non disserit, sed is tantum qui *συμμορῶσθαι*. Si quis tamén velit Dialecticæ nomen cum Logica confundere, & ad totam cogitandi artem extendere, non repugnabo.

3. Cæterum alia quædam homonymia latet in illis vocabulis. Nam vel pro naturali facultate disserendi usurpantur; (veluti cum idiota, teste Aristotele lib. 1. *Soph. elen. cap. 11. Dialecticâ dicuntur uti, & quadantenus ἐξέτασεν, & ἐπείχεν λόγον*, id est, *interrogare & disputationem sustinere*, ut idem loquitur, lib. 1. *Rhet. cap. 1.*) vel pro habitu præceptis & exercitatione crebrâ comparatos; vel denique pro systemate Logicorum præceptorum, veluti cum dicimus, *Logicam Aristotelis, aut Rami*. In tradita definitione, nè quis erret, Logica pro habitu sumitur, qui veluti finis est, ad quem præcepta destinantur. Atque hæc de vocabulis.

4. Definitio Logices constat genere & differentiâ. Genus Logicæ statuimus esse *artem*. Cum enim quinque sint habitus intellectuales, teste Aristotele lib. 5. *Eth. cap. 3. ars, scientia, intelligentia, sapientia, & prudentia*: ad unum istorum haud dubiè Logica referenda est. Atqui Logica non est scientia: quia scientia earum rerum est, quæ aliter se habere nequeunt, quemadmodum docetur lib. 1. *Post. cap. 8. & lib. 6. Eth. cap. 3.* quæque tales sunt, ut in earum cognitione mens acquiescat. At Logica versatur circa ea, quæ in nostra potestate sunt, quæque hoc vel illo modo à nobis fieri, vel etiam non fieri possunt: quorum ideò cognitionem expetimus, non ut in ea mens acquiescat, sed ut eam transferat ad usum, & ad finem ulteriorem, ut colligitur ex lib. 1. *Top. cap. 11.* Et certè, cum Logica sit *τέχνη ἀνθρώπου*, id est, *modus scientiæ*, non potest esse scientia; quia absurdum est, scientiam, & modum scientiæ simul quærere, ut Philosophus testatur lib. 1. *Metaph. min. cap. 3.* Eâdem ratiocinatione concludi potest, Logicam neque intelligentiam esse, neque sapientiam: nam intelligentia primorum principiorum esse dicitur, quæ inductione innotescunt, & ex quorum cognitione scientia fluit, lib. 2. *Post. cap. 19.* & sapientia definitur scientia rerum præstantissimarum, cum intelligentia conjuncta, lib. 6. *Eth. cap. 7.* Non potest etiam dici prudentia: quia prudentia ad mores pertinere, & cum virtute necessariò conjuncta esse dicitur.



dicitur, lib. 6. Eth. cap. 14. At Logica non est necessario conjuncta cum virtute. Relinquitur ergo Logicam esse artem.

5. Quod quidam aiunt, solos habitus principales ab Aristotele dicto libro recenseri, ideoque Logicam, cum sit habitus organicus, sive instrumentalis, isto numero non contineri; id planè falsum est. Nam discrimen habituum principalium & organicorum isto loco non spectatur. Tum etiam artis appellatio istis etiam habitibus tribuitur, qui, ut instrumenta quædam, ad alios habitus principaliores referuntur. Nam quamvis ars fæneraria & ephippiaria ad artem equestrem referantur, eiq; instrumenta subministrant; non tamen eò minùs artes appellantur ab Aristotele, lib. 1. Eth. cap. 1. Neque verò hæc ἀσθεναὶ sunt, artem esse, & esse habitum organicum, ut multi judicant, sed subordinata. Nam organicum esse, est differentia, quâ ars in duas species dividitur.

6. Jam ars definitur, lib. 6. Eth. cap. 5. ἔστι μὲν λόγῳ ἀληθὲς ποιητικὴ, id est, habitus cum vera ratione effectivus. Quæ definitio Logicæ ad amissim convenit. Nam Logica dicitur ποιεῖν, id est, facere, sive efficere syllogismos, definitiones, &c. Neque enim verum est, quod quidam aiunt, ποιεῖν semper significare ejusmodi actionem, quâ ex palpabili materia opus aliquod efficitur, quod etiam post actionem permanet. Nam Poetica dicta est διὰ τοῦ ποιεῖν, quæ tamen palpabilem materiam non tractat, neque opus facit ipsâ Poetæ fictione durabilius. Quod enim poemata supersint, id non est ab actione quâ efficiuntur, sed à descriptione. Atque hæc de genere.

7. Differentia Logicæ sumpta est à fine, officio, & materiâ sive objecto. Finis Logicæ principalis & ultimus, est cognitio rerum, sive cujusslibet rei, aut thematis propositi, cognitionem consequi. Cum hoc principali fine conjungi potest alter finis secundarius, nempe cognitionem, ac conceptus, sive cogitationes suas aliis aptâ oratione interpretari.

8. Officium Logicæ vel ratione doctrinæ, vel ratione πειθιστικῆς, sive usus considerari debet. Hinc nata est distinctio Logices in docentem & in utentem. Logica docens dicitur, quæ præcepta tradit; utens, quæ præceptis utitur. Officium Logicæ docentis, est tradere præcepta & modum efficiendi instrumenta, quibus mens dirigitur in cognitione rerum, instrumentorumque naturam describere. Instrumenta Logica sunt quatuor, definitio, divisio, syllogismus, & methodus. Horum instrumentorum materia, sunt varia themata, & affectiones, sive notiones secundæ, quæ ex thematum comparatione oriuntur. Ideoque ad officium Logicæ docentis hoc quoque pertinet, ut de thematibus ipsis agat, eorumque affectiones explicet, quantum id necesse est, ad modum instrumenta Logica conficiendi intelligendum. Et quanquam secundæ notiones, genus, species, causa, &c. quas diximus esse Logicorum instrumentorum materiam, non parùm juvent mentem in acquirenda rerum cognitione; quia tamen dictis instrumentis, eorumque fabricationi inserviunt, & hoc fine in Logica traduntur, non erit absurdum, si ea sola quæ dixi (definitionem scilicet,

divisionem, syllogismum & methodum) instrumenta vocemus; reliquas notiones secundas, thematum affectiones, & dictorum instrumentorum materiam dicamus. Officium Logicæ utentis est, instrumenta cum opus est, efficere, iisque mentem dirigere, ne in querenda rerum cognitione hallucinetur.

9. Ex hisce liquet, quid de materia sive objecto Logices statuendum sit. Nam ut officium, ita quoque objectum Logicæ, vel ratione doctrinæ, vel ratione *æstheticæ*, sive usûs considerari debet. Objectum Logicæ docentis, præcipue quidem sunt instrumenta Logica, quæ superius recensui. Verum enim verò, quia Logica docere nequit, quomodo instrumenta illa conficienda sint, nisi prius varias rerum, sive thematum affectiones, ac notiones secundas explicet; & quia hæ notiones ex ipsa rerum, sive thematum collatione oriuntur; omnino necesse est, ut Logica docens agat prius de ipsis thematibus, deque eorum affectionibus, ac notionibus secundis, antequam accedere possit ad ipsa instrumenta. Objectum Logicæ utentis, sive objectum *æstheticæ*, iterum geminum videtur; alterum proximum, alterum remotum. Objectum proximum est intellectus, sive operationes intellectûs, rerum propositarum cognitionem inquirentis. Objectum remotum, sunt omnes res quæ intellectui cognoscendæ proponi possunt.

II. *Logicæ partes due sunt, Thematica & Organica.*

III. *Thematica dicitur, quæ agit de Thematibus, eorûmq; variis affectionibus, & notionibus secundis, tanquam de materia instrumentorum Logicorum.*

IV. *Organica vocatur, quæ agit de ipsis organis sive instrumentis, quibus intellectus themata tractat, eorûmq; cognitionem, quoad fieri potest, adipiscitur.*

Sect. 1. Divisio Logicæ non debet aliunde sumi, quam ex natura, hoc est, ex officio & objecto Logicæ docentis. Nam praxis est ipsa disciplinâ posterior. Itaq; si quis attentè consideret, quæ paulò antè de officio & objecto Logicæ docentis diximus, is facile intelliget, planè necesse esse, ut sint duæ partes Logicæ, quarum prior agat tum de thematibus, sive de rebus ipsis, deque earum dispositione atque classibus; tum de thematum affectionibus, sive notionibus secundis, quæ formantur ex varia rerum collatione inter se, atque ex modo conceptus suos interpretandi, tanquam de materia instrumentorum, quibus intellectus in rerum cognitione dirigitur: posterior tradat ipsa instrumenta, doceatque, quibus illa legibus debeant ex istis notionibus efformari.

2. Et licet artes multæ nihil præcipiant de materia circa quam versantur, sed tantum tradant præcepta, & modum operandi; Logica tamen peculiaris natura postulat, ut de materia subjecta agatur, antequam operandi præcepta tradi possint. Propria enim Logices operatio est instrumenta jam aliquoties commemorata, definitionem, divisionem, syllogismum & methodum conficere. At quomodo præcipiet definiendi modum, si antè non fuerit explicatum, quid sit

fit genus, quid differentia, quid subiectum, quid causa, &c. ex quibus definitiones contextuntur? Aut quomodo docebit, quid, aut quotuplex sit divisio, si ignoretur, quid sit totum, quid pars, & quæ sint partium differentiarum? Et sic de syllogismo & methodo.

## CAP. II.

## De Themate simplici &amp; complexo, universali &amp; singulari.

## THEOREMA I.

*Thema est, quod intellectui cognoscendum proponi potest.*

## COMMENTARIUS.

*Señ. 1.* Cognoscere est conceptum, sive notionem de re proposita formare. Notio est *ἡ νοῖσιν καὶ ἀπὸ τῆς οὐσίας*, hoc est, *representamen* rei in intellectu. Notio alia prima est, alia secunda. Notio prima est, quæ rem ita ut in se est, immediate representat. Notio secunda est, quæ collatis notionibus primis, representat modum, quo mens rem aliquam intelligit, aut intellectam aliis interpretatur. Formantur enim notionem secundæ, vel ex modo res ipsas intelligendi; ut, *genus, species, subiectum, prædicatum, &c.* vel ex modo conceptus suos de rebus alteri interpretandi; ut, *nomen, verbum, conjugata, &c.* Quæ voces in sermone communi aliud ferè significant, quàm in Scholis; quia excogitatae sunt, ut earum adminiculo sermo communis, animisque conceptus rectius formarentur.

2. Notiones secundæ formantur ex primis notionibus inter se collatis. Cum enim mens ope sensuum concipiat rem aliquam, putà humanam naturam, format notionem primam, quam exprimit voce *humanis*. Cum deinde comparatis inter se hominibus, observat humanam naturam singulis hominibus inesse, format notionem secundam, quam exprimit voce *speciei*. Atq; hæc notio, non naturam humanam representat, sed modum quo intellectus humanam naturam concipit cum observat eam singulis hominibus convenire: qui modus omnibus rebus accommodari potest, quæ plura individua sub se continent. Ut enim homo *species* dicitur, quia significat naturam Socrati & Platoni, aliisque; individuis communem: ita quoque equus dicitur *species*, quia significat naturam communem Bucephalo, Cyllaro, aliisque equis; & iustitia, quia complectitur iustitiam Aristidis, Socratis, aliorumque hominum. Præterea, cum mens observat, quid vox *hominis* in communi sermone significet, format notionem primam: cum porrò observat vocem istam significare sine tempore; format notionem secundam, dicitque hominem esse *nomen*.

II. *Themata vel simplicia sunt, vel complexa.*

III. *Themata simplicia sunt, quæ sine notionum complexione apprehenduntur: ut, homo, currit.*

IV. *Themata complexa sunt, quæ apprehenduntur duabus, pluribusve notionibus affirmatione aut negatione copulatis: ut, homo currit.*

Señ. 1. Aristoteles cap. 2. de *Categoriis* appellat *themata simplicia*, τὰ ἀπὸ συμπλοκῆς, id est, quæ sine complexione, complexa τὰ ἐκ συμπλοκῆς λεγόμενα, hoc est, quæ secundum complexionem dicuntur. Notionum complexio nihil aliud est, quam affirmatio & negatio in intellectu, aut in oratione: Hoc discrimine discernuntur *themata complexa à simplicibus*, non vocum multitudine, aut compositione. Nam simplex thema sæpe compositâ voce effertur; ut, *respublica, bir-cocervus*: sæpe etiam pluribus vocibus; ut, *amor parentum erga liberos*. Interdum unâ simpliciq; voce effertur thema complexum: veluti cùm dico, *pluit, ningit, itur, statur*. Simili modo judicandum est de omnibus verbis impersonalibus; imò etiam de verbis personalibus primæ & secundæ personæ. In his enim omnibus certum ac definitum subiectum subintelligitur, de quo verba ista pronuncientur. Cùm enim dicitur, *pluit*, subintelligitur, *cælum*, *aer*, *nubes*, aut aliquid tale: & cùm dicitur, *curro* aut *curris*, subintelligitur *ego* aut *tu*. At verba personalia tertiæ personæ censentur esse *themata simplicia*, quia nihil certi subintelligitur.

V. *Thema simplex vel est universale vel singulare.*

Señ. 1. Aristoteles l. de *interp.* c. 7. hanc divisionem sic extulit: τῶν ἀπὸ γενέσεως τὸ μὴ ὅτι καὶ ὅλα, τὰ δὲ καὶ ἑκάστων, id est, *Res aliæ sunt universales, aliæ singulares*. Cæterum universale quinq; modis dicitur, quos Scholastici barbarè sic distinguunt Primò, aiunt dicitur quippiam *universale in essendo*: ut *idea* secundum sententiam Platonis. Secundò, *universale in causando*: ut *Dens, cælum*. Tertiò, *in significando*: ut vocabula homonyma. Quartò, *in prædicando*: ut *homo, animal*. Quintò, *in representando*: ut conceptus earum rerum, quæ universales sunt in prædicando. Distinguuntur etiam universalia in universale ante multa, post multa, & in multis. Universale ante multa est idem ei quod vocant universale in essendo: universale post multa idem est ac universale in representando: universale in multis convenit cum universali in prædicando. De hoc universali hic agendum est: idque sic ab Aristotele definitur, cap. 7. de *Interp.*

VI. Τὸ καὶ ὅλα λέγω, ὃ ὅτι πλείονων πρῶτα καὶ κατηγορεῖται: id est, *Universale appella, quod de pluribus suapte naturâ prædicari aptum est*: ut, *homo, equus, planta*.

Señ. 1. Universale dicitur de pluribus prædicari, quæ vel actu existunt, vel si non existant, saltem existere possunt. Sic *homo* erat universale solo Adamo existente: quia non de solo Adamo, sed de omnibus hominibus nascentis, *homo* suapte naturâ aptus erat prædicari. Sic, quamvis sol vera sit unicus, dici tamen potest universale, quia plures soles effici possunt, ejusdem cum hoc nostro sole essentia.

2. Dicitur universale πρῶτα λέγειν, id est, suapte naturâ aptum esse de pluri-

pluribus prædicari, nè quis putet vocabula homonyma pluribus singularibus ejusdem speciei imposita (veluti, cum plures homines appellantur Petrus) esse universalia. Homonyma enim, quatenus sunt homonyma, nomine tantum tenus, & non suapte naturâ de pluribus prædicantur.

3. Definitur etiam universale, ὁ πλεῖστον ὑποκείμενον πρὸς ἑαυτὸν, id est, quod suapte naturâ aptum est pluribus inesse, lib. 6. Metaph. cap. 13. Hæc definitio verbis differt à priori, sensu cum ea convenit. Nam prædicari de aliquo, & alicui inesse, reipsa idem sunt, ratione verò differunt; quia esse in aliquo nos concipimus ut causam, ex qua tanquam effectum quoddam sequitur, posse de illo prædicari.

VII. Singulare est, quod de uno tantum suapte naturâ prædicari aptum est: ut, Plato, Socrates.

VIII. Singularia dicuntur ἄτομα, id est, individua: quia non possunt dividi in plura ejusdem nominis ac naturæ.

Señ. 1. Sic Plato, ut dividi possit in corpus & in animam, vel etiam in caput, ventrem, pectus, brachia, pedes, & cæteros artus; non potest tamen dividi in plures Platones.

2. Porphyrius cap. 2. ait singularia ideo individua dici, ὅτι ἡ ἰδιότης συνίστηται, ὡς τὸ ἀθροισμα ἢ ὡς ἂν ἴπ' ἄλλας πινὸς ποτὶ τὸ αὐτὸ γένοιστο, id est, quod consistit ex proprietatibus, quarum collectio nunquam in alio eadem esse potest.

IX. Individua vel determinata sunt, vel vaga.

X. Individua determinantur quadrisariam: 1, Nomine proprio: ut Alexander, Bucephalus. 2, Nomine communi, quod κατ' ἐξοχὴν sumitur pro proprio: ut, Philosophus pro Aristotele. 3, Pronomine demonstrativo: ut, hic homo. 4, Periphrasi: ut, Apostolus gentium: id est, Paulus.

XI. Individuum vagum est, quod effertur pronomine particulari: ut, aliquis, quidam homo: Græcis ὁ δέ τις.

### C A P. III.

### De Categoriis in genere.

#### THEOREMA I.

**T**hematum simplicium considerandæ sunt, primum categoriæ, & affectiones, quæ ex varia rerum in categoriis dispositarum habitudine ad se invicem, & ex modo quo mens eas concipit, oriuntur: deinde, interpretatio, & affectiones, quas mens vocabulis affigit, ex modo conceptus suos interpretandi.

#### COMMENTARIUS.

Señ. 1. Affectiones rerum sunt duorum generum: quædam conveniunt rebus per se ac naturâ suâ, veluti cum dicimus hominem

riski-

risibilem esse, habere vultum erectum, manus, &c. aliæ rebus conveniunt, quatenus intellectui nostro obijciuntur. Sic convenit homini speciem aut subiectum esse. Affectiones primi generis sunt veræ res, & (ut vulgò loquuntur) entia realia; cæteræ sunt res fictæ: sive entia rationis, hoc est, ejusmodi entia, quæ mentis nostræ fictione fiunt; quorum esse nihil aliud est, quàm intelligi. Affectiones primi generis pertinent ad Philosophiam, aliàsque disciplinas principales; ideòque in Logica spectari nequeunt, nisi ut themata: quæ verò secundi generis sunt, & pertinent ad Logicam, vel ad alias artes organicas, Grammaticam putà aut Rhetoricam, quæ suas etiam affectiones habent haud minùs quàm Logica, quas rebus aut vocibus attribuunt docendi causa: ut, *declinatio, conjugatio, casus, tempora, modi, tropi, figurae, &c.*

2. Cùm mens nostra themata intelligit, aut Philosophicas thematum affectiones, format notiones primas: cùm intelligit thematum affectiones Logicas (ut de Grammaticis & Rhetoricis nihil dicam) format notiones secundas: De utrisque in Logica agendum, sed de thematibus obiter tantùm, idque eo fine, ut ex eorum varia comparatione entia rationis & secundæ notiones formentur. De thematibus & primis notionibus, quantum satis est, agitur in categoriis: de thematum affectionibus & notionibus secundis, in reliquis Logicæ partibus.

II. *Categoria est series rerum sub eodem summo genere gradatim dispositarum.*

Señ. 1. Categoria dicitur *ἡ πρώτη ἀπὸ κατηγορίας*; hoc est, *ab accipiendo*. Est enim vocabulum sorense: sed in Scholas à foro traductum significat aliquid de aliquo dicere, sive affirmare: Scholastici dicunt *predicare*. Cæterùm categoria, vel pro ipsa affirmatione sumitur, vel pro serie ac dispositione earum rerum quæ sub eodem genere de aliis affirmari possunt. Ejusmodi seriem vocat Boëthius *predicamentum*: nos Græcam vocem maluimus servare.

III. *Categoriæ sunt decem, substantia, quantitas, qualitas, relatio, actio, passio, ubi, quando, situs & habitus.*

IV. *Harum una substantiarum est, reliquæ sunt accidentium.*

Señ. 1. Hic numerus sumptus est ex diversitate quæstionum, quæ fieri possunt de primis ac individuis substantiis. Quod liquet ex categoriarum appellationibus. Nam *quantum, quale, ad quid, ubi, quando*, quæstionum vocabula sunt. Quin ipsa substantia, *τι τί ἐστι*, hoc est, *quid est*, dicitur, lib. 1. Top. 9. Quæcunque enim de prima atque individua substantia, putà de Socrate, dici possunt, quum quæritur quid sit Socrates; ut, *homo, animal, vivens, corpus, substantia, & quæcunque* sub illis continentur; ut, *bestia, planta, lapis, animal, cælum, angelus, &c.* collocantur in categoria substantiæ. Quæcunque de primis substantiis dicuntur, cùm quæritur, quante, sive quàm magnæ, quamdiu, aut quot sint; ut *ulna, stadium, dies, annus, quatuor, decem, &c.* pertinent ad categoriam quantitatis. Et sic de cæteris categoriis. Singularum categoriarum exempla exprimuntur hoc disticho.

*Arbor sex servos fervore refrigerat ustos.*

*Ruricras stabo, nec tunicatus ero.*

2. Cæterùm



3. Ceterum considerandum est hoc loco, quoniam categoriarum doctrinæ à Pythagoricis excogitata est, an in hoc numero denario non sit aliquid Pythagoricæ superstitionis, quemadmodum & in decem principiorum *αὐτομάτως*, quas recenset Aristoteles lib. 1. *Metaph. cap. 5.* Quicquid sit, numerum hunc in Logicis immutandum non censeo, tum quia antiquitate venerabilis est, tum etiam quia non contemnendis rationibus firmari posset, præsertim in Logica, quæ in categoriis non considerat modum *τὸ ἴδιον* sed *ἡμετέραν κατὰ φύσιν*, ut loquitur Aristoteles lib. 4. *Metaph. cap. 6.* In Metaphysicis non est eadem ratio.

3. Quærat aliquis, cur non sit una omnium rerum categoria, cujus summum genus sit *ens, res*, aut aliquid tale. Hujus rei plures causæ commemorari possunt. Prima causa est, quod *ens* aut *res* nullam solvat quæstionem, præter quæstionem *an sit*. Siquis enim quærenti *Quid est Socrates?* respondeat, *Est ens*, aut *res*; nihil aliud responderet, quàm *Socratem esse*, quod erat respondendum ad quæstionem *an sit*. Secunda causa est, quod *ens* inæqualiter prædicetur de substantia & accidentie. Nam substantia est *ens per se*: at accidentia non sunt entia, nisi quatenus sunt aliquid *τὸ ὅτι οὗτο ὄντι*, hoc est, *entis propriè dicti*, id est, substantiæ, quemadmodum docet Aristoteles lib. 7. *Metaph. cap. 1.* Atque hanc ob causam ait lib. 5. *cap. 2. ejusdem operis*, accidentia esse *ἵπὸς τὸ ὄν μὴ ὄντι*, hoc est, *tale quid, quod parum distat à non ente*. Tertia causa est, quia *ens* non potest esse genus. Genus enim dividitur in species per differentias: at *ens* nullas habet differentias divisivas. Differentia enim non est particeps hujus generis, ut traditur lib. 6. *Top. cap. 2.* hoc est, genus non prædicatur de differentia, ut Philosophus seipsum interpretatur lib. 6. *cap. 6.* Non enim dicimus, *Rationalitas est animal*. Atqui nihil est, de quo *ens* & *res* non possunt prædicari, ut per se manifestum est, & ab Aristotele docetur eod. opere, lib. 4. *cap. 1.* *Ens* ergò aut *res* non possunt esse genus.

V. In hisce decem categoriis ponuntur omnia, quæ de aliquo prædicari possunt: sed alia directè, alia indirectè.

VI. Quod directè in categoriis ponitur, has quinque conditiones requirit: 1, Debet esse *ens finitum*: 2, *Verum ac positivum*: 3, *Completum ac perfectum*: 4, *Unum per se*: 5, *Universale*.

Seç. 1. *Finitum*] Hæc conditione ex categoriis excluditur *Deus*. Etsi enim *Deus* sit substantia, non tamen ponitur in categoria substantiæ. Quæ enim in hac categoria directè collocantur, non solum per se subsistunt, sed subsistant etiam accidentibus, (ut postea dicemus) quod de Deo cogitare impium est. Præterea, idem debet esse genus propriè dictum eorum, quæ directè collocantur in eadem categoria: Atqui neque substantia, neque quicquam aliud potest esse genus propriè dictum rerum finitarum & infinitarum: *Deus* ergò, cum sit infinitus, genere finitarum substantiarum directè contineri nequit. Revocatur tamen ad hanc categoriam æquivocè, quia substantia est genus æquivocum Dei & substantiarum finitarum.

2. *Verum ac positivum*] Enti vero opponitur primum *ens ratio- nis*: ut, *genus, species, &c.* quæ nullo modo sunt in categoriis.



2. *Ens fictum*: ut, *chimæra*, *centaurus*, &c. quæ ex hypothesi ad categorias referuntur: Si enim centaurus esset id quod esse fingitur, reverteretur in categoria substantiarum. 3. *Entia apparentia*, sive (ut vulgò loquuntur) *intentionalia*: ut, *iris*, *colores apparentes*, *species & spectra sensuum & intellectus*, aliæque quorum essentia in sola apparitione posita est. Hæc ad categorias spectant καὶ ὁμοιωμένα, sunt enim ὁμοιωμένα, id est, simulacra verorum entium. Huc refer etiam pictas verarum rerum imagines, prout sunt imagines. Enti *positivo* opponitur *privatio*: ut, *cæcitas*, *tenebræ*, &c. quæ ad categorias revo. cantur per oppositos habitus.

3. *Complectum ac perfectum*.] Hæc conditione excluduntur, 1. *principia rerum*: ut, *unitas*, *momentum*, &c. 2. *partes qualescunque*. 3. *entia imperfecta*, & (ut vulgò loquuntur) *in fieri*: ut *embryo*, *motus*, &c. 4. *modi ac complementa aliorum entium*. Hæc omnia ponuntur in categoriis concomitanter, exceptis differentiis, quæ, etsi sint partes specierum, dicuntur tamen in categoriis poni collateraliter, quia nempe speciebus hærent à latere.

4. *Unum per se*.] Hæc conditione removentur, primò, *entia complexa*; ut, *homo currit*: secundò, *concreta*; ut, *albus*, *justus*: tertio, *aggregata*; ut, *acervus*, *exercitus*. Hæc omnia per accidens revocantur ad categorias earum rerum ex quibus coaluerunt.

5. *Universale*.] Hæc conditione rejiciuntur, primò, *transcendentia*, *ens*, *res*, *unum*, *verum*, *bonum*, quæ suâ communitate superant omnes categoriarum gradus: deinde *singularia*, quæ, quia naturaliter non prædicantur, sed tantùm subjiciuntur, non sunt in categoriis, sed infra categorias, instar basis.

VII. *Categoriarum primus ac præcipuus usus est*, ut rebus quæ suapte naturâ infinitæ sunt, ad certas classes revocatis, mens nostra uno omnia intuitu perlustrare possit, & observare, quomodo quilibet cum quolibet conferri debeat.

Señ. 1. Hic usus non solum ad Logicæ, sed ad totius Philosophiæ, cæterarumque disciplinarum notitiam plurimum confert.

VIII. *Ex hoc primo usa, tres alii nascuntur*: Nam, 1. *dispositio rerum in categoriis multum confert ad tradendos thematum simplicium affectiones*, & *secundas notiones ex primis formandas*.

2. *Ex eadem dispositione liquet, quid suâ naturâ sit aptum subijci, quid prædicari*.

3. *Nullum majus ad bene definiendum, dividendum, disponendum, addo etiam, ad argumentandum adjumentum est, quam series categorica bene ordinata*.

Señ. 1. Hi tres usus ad Logicam tantùm spectant: primus pertinet ad doctrinam de thematum simplicium affectionibus; alter ad doctrinam de themate complexo, sive de enunciatione; tertius pertinet ad instrumenta, & ad usum sive praxin Logices. Ex quibus liquet graviter errare eos, qui Logicam hæc tam utili ac necessariâ parte mutilant. Aristoteles tanti fecit hanc doctrinam, ut eam singulari libro explicare (si modò is liber Aristotelis sit) & in Metaphysicis iterum inculcare

inculcare non dubitaverit, atque insuper in præceptis Logicis ejus mentionem fecerit sæpissime. Quin lib. 1. Top. cap. 9. non obscure ejus utilitatem commendat. Quod & Porphyrius fecit in sua Isagoge.

## C A P. IV. De Substantia.

### THEOREMA I.

**S**ubstantia est ens per se subsistens, & subsistans accidentibus.

### COMMENTARIUS.

Señt. 1. Quod substantia Latine, id Græcè *ύποστασις* dicitur *ύπο* τὸ *ύπ*, id est, ab esse. Sumitur autem *ύποστασις* vel pro cujuscunque rei essentia, ut, cap. 1. lib. de Categ. & sæpe alibi: vel pro eo, quod Latine substantiam dicimus, quodque accidentibus opponitur, *ibid.* cap. 5. & lib. 1. Top. cap. 9. Nec mirum est substantias *ύποστασεις* absolute nuncupari. τὸ *ύπ* enim præcipuo quodam jure iis convenit, ut docet Aristoteles lib. 7. Metaph. cap. 1, & 4.

2. Per se subsistere nihil aliud est, quàm non esse in aliquo, ut in subiecto. Ut ergo substantia dicatur per se subsistere, non est necesse, ut ab alio non pendeat, sed hoc tantum requiritur, ut ab alio non pendeat tanquam à subiecto. Per se subsistere convenit omnibus substantiis. etiam Deo; subistere accidentibus, finitistantum; Deus enim non substat accidentibus, ut antè dixi.

II. Substantia vel prima est, vel secunda.

III. Substantia prima est substantia singularis: sive substantia, quæ non dicitur de subiecto: ut, Alexander, Bucephalus.

IV. Substantia secunda est substantia universalis; sive substantia, quæ dicitur de subiecto: ut, homo, equus. Nam homo dicitur de Alexandro & Philippo, & equus de Bucephalo & Cyllaro.

Señt. 1. Prima substantia interdum sumitur pro substantia immateriali; quam Aristoteles lib. 1. de Interp. cap. 13. appellat *εἰσπραξις ἀνόητος*, id est, actum sine potestate. Sed hoc loco significat substantiam singularem, ut dictum est. Scholastici vocant *suppositum*, & si sit ratione prædita, personam. Quia autem hæc voce Theologi utuntur in explicanda S. Trinitate, factum est, ut à Boethio lib. 2. de duab. in Christo nat. cap. 2. persona plenius definita sit, substantia prima intelligens, non pars alterius, nec ab alio sustentata.

2. Ut autem substantiæ divisio diversitasque proposita melius intelligatur, notandum est, quod Aristoteles docet cap. 2. de Categ. res quasdam de subiecto dici, & in subiecto non esse, alias in subiecto quidem esse, & de subiecto nullo dici: alias & de subiecto dici, & esse in subiecto: nonnullas nec de subiecto dici, nec esse in subiecto. Esse in subiecto dicuntur, quæ cùm in aliquo sunt non ut pars, non possunt sine eo existere in quo sunt. Atque hoc modo dicuntur accidentia esse in

in substantiis. Dici de subiecto nihil est aliud, quàm quoad nomen & quoad definitionem alicui attribui. Atque hoc modo tribuuntur *universa* individuis. Itaque de subiecto dici & in subiecto non esse, substantiis secundis five universalibus tribuitur; esse in subiecto, & non dici de subiecto, accidentibus singularibus; de subiecto dici & esse in subiecto, accidentibus universis; non dici de subiecto nec esse in subiecto, substantiis primis atque individuis.

3. Secundæ ergo substantiæ dicuntur de primis tanquam de subiecto, quoniam, cum primis attribuuntur, non solum nomen primis substantiis tribuitur, sed etiam definitio. Nam cum Alexander *homo* dicitur, non solum nomen *hominis*, sed ipsa etiam definitio Alexandro convenit. Primæ five singulares substantiæ non dicuntur de subiecto, quoniam nulli possunt attribui. Alexander enim de nullo dici potest, nisi de seipso. Accidentia quoque non dicuntur de substantiis, ut de subiecto: quia, licet accidentium nomen substantiis tribui possit quibus insunt, cum suppetunt iis vocabula paronyma; at ut iis tribuatur definitio, fieri non potest. Etenim albor, cum sit in corpore, nomine quidem tenus corpori tribuitur (nam aliquod corpus dicitur album) sed definitio alboris corpori tribui non potest. Quin ne nomen quidem accidentis substantiis tribuitur, cum desunt vocabula paronyma. Sic ab *apertum* dicuntur *cordatus* à virtute, probi: nam virtuosus barbarum est. Hinc sequitur, primis substantiis sublatis nihil rerum posse esse reliquum. Nam sublatis primis substantiis, tolluntur etiam secundæ substantiæ, quæ illis attribuuntur: & sublatis tam primis, quàm secundis substantiis, tolluntur etiam accidentia, quæ in iis sunt, ut in subiecto.

V. *Primæ substantiæ sunt maximè substantiæ: & inter secundas substantias, unaquæque eò magis est substantia, quòd propior est primis.*

Seç. 1. Hæc primarum substantiarum prærogativa, non est intelligenda de ipsa definitione substantiæ, (ea enim omnibus substantiis, cuiuscunque sunt ordinis, convenit æqualiter) sed de ordine subsistendi. Omnibus enim substantiis convenit *per se subsistere*, hoc est, non esse in subiecto: sed secundæ substantiæ subsistunt per se beneficio primarum in quibus sunt, non ut accidentia in subiecto, sed ut partes essentiae in toto. Ob hanc causam factum est, ut singulares substantiæ dicantur *primæ* substantiæ. Nam si consideretur ordo naturæ, universales substantiæ singularibus priores sunt.

VI. *Notæ substantiarum sunt sex: 1. Substantia non est in subiecto.*

VII. 2. *Substantiæ dicuntur de aliis synonymas.*

Seç. 1. Prima nota convenit omnibus & solis substantiis. De ea satis dictum est in definitione substantiæ. Secunda nota convenit tantum substantiis secundis. Primæ enim non dicuntur de subiecto: secundæ dicuntur de primis synonymas, id est, quoad nomen, & quoad definitionem. Hæc nota etiam differentiis substantiarum convenit. Nam sunt partes specierum, deque iis & nomine & definitione dicuntur. Ex quo sequitur, differentias substantiarum non pertinere ad

catogo.

categoria qualitatís, sed ad substantiam, saltem reductivè.

VIII. 3, *Substantia significat id est n, sive hoc aliquid.*

Señ. 1. Hoc aliquid significare, nihil aliud est, quàm esse singulare quid, quod digito demonstrari possit. Hæc nota convenit primis tantum substantiis. Nam etsi secundæ substantiæ *το ποτε τι τ' αταγο- elias*, hoc est, figurâ prædicationis, videantur hoc aliquid significare, revera tamen significant *το ποτε τι*, sive *qualequid*; non quidem per se primò, sed merito differentiarum quibus constituuntur. Secundæ enim substantiæ significant naturam affectam differentiâ, quæ nihil aliud est quàm essentialis quædam qualitas.

IX. 4, *Substantia non habet contrarium.*

Señ. 1. Hoc est, substantia substantiæ non est contraria: nempe per se, atque ratione substantiæ. Nam, ut substantia substantiæ qualitatibus contraria sit, nihil vetat. Sic contraria sunt aqua & ignis, non ratione substantiæ, sed qualitatibus, calore scilicet & frigore, siccitate & humiditate, gravitate & levitate, &c.

X. 5, *Substantia non recipit magis & minus.*

Señ. 1. Hoc est, non intenditur & remittitur. Hæc nota de una eademque substantia intelligitur, quæ successione temporis non potest fieri magis substantia, neque in genere, neque in specie, quàm erat antea. Sic homo, & lapis, non possunt fieri magis substantia, aut magis homo, vel lapis, quàm sunt.

2. Potest etiam hæc nota tribui diversis substantiis, modò sine ejusdem ordinis. Sic una prima substantia non est magis substantia quàm alia; neque una species magis quàm alia. Quomodo primæ substantiæ sint magis substantiæ quàm secundæ, & species magis quàm genera, supra dictum est.

XI. 6, *Una eademque numero substantia suscipit contraria.*

Señ. 1. Hic canon Heraclito videtur oppositus. Illius enim hoc erat dogma, *πάντα παρ, & ἀδὲν μένει*, id est, omnia fiunt, & nihil manet: quibus verbis innuebat, cum substantia contraria suscipit, aliam eam substantiam fieri, nec eandem numero manere. Aristoteles contra statuit, licet substantia contraria suscipiat, esse tamen eandem numero substantiam. Sic aqua frigida, cum mutatione sui fit calida, non fit alia, sed manet eadem omnino substantia, nec à natura sua recedit.

## C A P. V.

### De quantitate.

#### THEOREMA I.

**A**ccidens est ens substantiæ inherens.

#### COMMENTARIUS.

Señ. 1. Inherere substantiæ est esse in substantia, ut in subjecto.

In subiecto esse dico, ait Aristoteles, cap. 2. de Categ. ὅτι ἐν τῷ μὴ εἶναι μὴ ἐν ὑποκείμενῳ, ἀλλὰ ἐν τῷ ὅτι ἐν τῷ μὴ εἶναι μὴ ἐν ὑποκείμενῳ, id est, quod cum in aliquo sit, non ut pars, non potest tamen esse sine eo in quo est. Sic albor est in nive, lacte, cerussa, ut in subiecto, quia non est pars istarum rerum, & non potest existere, si ab istis rebus separaretur. Hinc sequitur:

1. Accidens non posse existere sine subiecto.
2. Non posse migrare de subiecto in subiectum.
3. Non posse inherere alteri accidenti. De quibus plenius in Metaphysicis philosophandum.

II. Quantitas est accidens, quod per se partem habet extra partem.

Señt. 1. Quantitas (Aristoteli τὸ ποσόν) primum locum tenet inter accidentia: 1, Quia immediatè fuit à materia, cum cetera accidentia vel à forma fluant, vel à materia formata: 2, Quia accidentia materialia substantiæ corporeæ mediante quantitate inherant.

2. In tradita definitione tria quantitati tribuuntur: 1, habere partes: Itaque Deus, Angeli, animæ humanæ, puncta, unitas, &c. neque quantitas sunt, neque quanta: quia non habent partes: 2, habere partem extra partem, id est, habere partes, non essentiâ solùm, sed etiam situ, & spatio differentes. Sunt enim duorum generum partes: quædam simul sunt, ac se mutuò penetrant; ut materia & formæ alie non sunt simul, sed situ differunt; ut, caput, pectus, venter, artus. Huiusmodi partes requiruntur in quantitate. Dixi partem extra partem potius quàm extra partes: quia quantitas potest tantùm duas partes habere, ut in numero binario, 2, habere partem extra partem per se. Nam substantia corporea, & quodlibet accidens substantiæ corporeæ inherens, habet partem extra partem, sed per quantitatem, non per se: at quantitas (ut, magnitudo, numerus, tempus) habet per se partem extra partem.

3. Aristoteles lib. 4. Metaph. cap. 13. definit quantitatem hoc modo, τὸ ποσὸν λέγεται, τὸ διαίρετον εἰς ὑποκείμενα, ὃν ἰσότητος ὁ ἕκαστος ἐν τῷ καὶ τὸ δὲ πᾶσι κοινόν ἐστι id est, Quantum dicitur, quod divisibile est (scilicet per se) in ea quæ insunt, (hoc est, in partes) quorum utrumque, (si duæ tantùm partes sint) vel unumquodque, (si sint plures partes duabus) unum quid, & hoc aliquid aptum est esse (hoc est, designari potest in toto extra quamlibet aliam partem constitutum.) Hæc definitio sensu quidem cum nostra coincidit, verbis tamen obscurior est.

III. Quantitas alia continua est, alia discreta.

IV. Quantitas continua est, cujus partes communi termino copulantur.

V. Discreta est, cujus partes communi termino non copulantur. Estque nihil aliud quàm numerus.

Señt. 1. Terminus, ut terminus, est indivisibilis. Itaque neque quantitas est, neque pars quantitatis. Dixi, ut terminus: nam linee & superficies sunt termini, & tamen sunt species quantitatis, sed alio resp.

respectu. Nam linea & superficies aliquatenus divisibiles sunt, aliquatenus indivisibiles: quatenus sunt divisibiles, sunt species; quatenus indivisibiles, termini quantitatis. Cum autem puncta & momenta sint undiquaque indivisibilia, termini tantum sunt, non etiam partes quantitatis. Non componitur ergo quantitas continua ex terminis, sed ex partibus, linea ex lineis, superficies ex superficiebus corpus ex corporibus.

2 Terminus duo facit, claudit quantitatem continuam, & copulat illius partes. Copulare partes dicitur, quod principium unius partis est, & finis alterius. Quantitas discreta, sive numerus, non habet communem terminum, quia ex unitatibus componitur. Unitas autem non est numerus, sed principium & pars numeri, & ut loquitur Pselus, *ἀπὸ τοῦ μὴ ἔχει τὸ ἀριθμῶν*, id est, *innumerabilis fons numerorum*. Nulla ergo unitas potest esse in numero, quæ duas partes conjungat. Quod enim partes conjungit, id pars esse non potest.

3 Numerus dividitur in numerantem & numeratum. Numerus numerans nihil aliud est quam numerus in abstracto, sive ipsa unitatum collectio; ut *duo, tria*. Numerus numeratus est numerus in concreto, sive res quæ numerantur; ut *duo homines, tres equi*.

VI. *Quantitas continua vel est magnitudo, vel tempus.*

VII. *Magnitudo est quantitas permanens.*

VIII. *Tempus est quantitas fluens.*

IX. *Ejus terminus est τὸ πρῶτον, sive momentum.*

Señ. 1. Quantitas permanens dicitur, quæ constat partibus positionem inter se habentibus, sive cujus partes simul existunt, & quarum unaquæque ostendi potest, ubi sita sit, & cui reliquarum partium coherereat. Atqui partes magnitudinis simul existunt, & unaquæque ostendi potest, ubi sita sit, & cui reliquarum partium coherereat. At partes temporis non habent situm, quia consistunt in perpetuo fluxu. Sed neque numeri partes positionem habent, quia neque stræ sunt alicubi, neque coherere. Habent tamen & temporis & numeri partes ordinem inter sese, quo aliæ aliis priores sunt.

2 Tempus definitur ab Aristotele, lib. 4. *Phys.* cap. 12. *numerus motus secundum prius & posterius*. In qua definitione dicitur tempus esse numerus; non quia est discretum quid, sed quia partes habet, quibus motus partes numeramus. Sic dies constat 24 horis, annus 12 mensibus,

X. *Magnitudo vel est linea, vel superficies, vel corpus.*

XI. *Linea est magnitudo uno modo divisibilis.*

XII. *Ejus terminus est punctum.*

XIII. *Superficies est magnitudo duobus modis divisibilis.*

XIV. *Ejus terminus est linea.*

XV. *Corpus est magnitudo tribus modis divisibilis.*

XVI. *Ejus terminus est superficies.*

Señ. 1. Linea dicitur uno modo divisibilis, quia est mera longitudo sine latitudine aut profunditate; ut, *ulna, stadium, milliæ*: superficies duobus modis, quia est longitudo cum latitudine sine profunditate; ut, *jægerum*: corpus tribus modis, quia est longitudo cum lati-



latitudine & profunditate; ut, *cubus, sphaera*. Quamvis autem corpus aliàs significet substantiam ex materia & forma compositam, hoc tamen loco nihil aliud notat quàm magnitudinem, sive quantitatem undique divisibilem, in abstracto.

2. Neq; verò putandum est reperiri longitudinem sine latitudine, aut latitudinem sine profunditate: non enim hæc revera separata sunt, sed mente tantùm distincta. Hinc tamen non sequitur, puncta, lineas, superficies in sola mentis fictione consistere. Certissimis enim demonstrationibus evinci potest, hæc omnia in quolibet corpore existere. Nam planum tangitur à sphaera in puncto, à cylindro in linea: duo plana se mutuò tangunt in superficie.

XVII. *Ad superficiem revocatur locus.*

Señ. 1. Locus enim, desinente Aristotele, l. 4. *Physic. 14. est superficies proxima corporis continentis*. Oratio tamen & motus non sunt species quantitatis, sed quanta quædam per accidens.

XVIII. *Nota quantitatis sunt tres: 1. Quantitas non habet contrariū.*

Señ. 1. Nempe, per se. Nam si quantitas quantitati contraria dicitur, id fit ob adjunctas qualitates: veluti, cum tempus hybernium contrarium dicitur æstivo, ratione frigoris & caloris.

XIX. 2. *Quantitas non recipit magis & minus.*

Señ. 1. Hoc est, non intenditur, aut remittitur; sed extenditur & contrahitur.

XX. 3. *Res à quantitate dicuntur æquales aut inæquales.*

Señ. 1. Æqualitas enim & inæqualitas sunt relationes, quæ rebus conveniunt ratione quantitatis.

2. Hactenus de quantitate propriè dicta: quæ quia hæc unâ categoriâ continetur, quantitas prædicamentalis sive categorica dici solet. Est & alia quædam quantitas impropriè dicta, quæ non consistit in partium extensione, sed in cuiusque rei perfectione, & virtute: unde & quantitas perfectionis & quantitas virtutis appellari solet. Etenim essentialis perfectio rerum & virtutes, ex diversis gradibus componuntur, sicut quantitas molis componitur ex diversis partibus. Hæc quia per omnes ferè categorias diffunditur, quantitas transcendentalis nuncupari consuevit.

3. His addi possunt, quæ Aristoteles præcipit lib. 4. *Met. cap. 13.* Quanta alia sunt per se, alia per accidens. Quanta per se dicuntur, in quorum definitione ponitur quantitas. Atque hæc vel sunt quanta *κατὰ ἑαυτά*, ut, *linea, superficies*, & cætera quæ hactenus recensuimus, vel sunt *κατὰ τὸ ἔξω* h. e. *affectiones eorum quæ quanta dicuntur quoad essentiam*; ut, *multum parum, magnum parvum & similia*, si sumantur *κατὰ αὐτὰ*, atq; absolutè. Nam si sumantur *κατὰ ἀλλήλα*, h. e. comparata ad se invicem, pertinent ad categoriam relationis.

Quanta per accidens dicuntur duobus modis: Primò, quæ quanta dicuntur *κατὰ τὸ μέρος καὶ τὸ ὅλον*, id est, quia quantum est id, in quo sunt: sive ipsa extensa sunt extensione subjecti, ut albor in pariete; sive non fiat extensa, ut musica in homines. Secundò, quorum divisibilitas oritur ex divisibilitate aliorum; ut, *motus*.



CAP. VI.  
De Qualitate.

## THEOREMA I.

**Q**ualitas est accidens, à quo subiectum quale duntaxat dicitur.

## COMMENTARIUS.

*Seff. 1.* Aristoteles *lib. de Categ. cap. 8.* definit qualitatem hoc modo: *Ποσότης ὅτι, καὶ τὸ πᾶν τοιοῦτος τῷ λεγόμενῳ*, hoc est, *Qualitas est, à qua quales aliqui dicuntur.* Hæc definitio nimis lata est, idque duplici nomine. Nam primò completitur etiam substantiarum differentias, quæ de speciebus prædicantur in quæstione quâ quæritur quales sint; sive, à quibus species quales dicuntur: quæ tamen differentię ad hanc categoriam non pertinent, ut suprà diximus: etsi Aristoteles *lib. 5. Phys. cap. 2. lib. 4. Metaph. cap. 14. & passim*, eas qualitates vocet. Ut autem hæc differentias excluderemus, definivimus qualitatem, *accidens, &c.*

2. Deinde, omnia accidentia, teste Porphyrio, *cap. 10. Introd.* prædicantur in quæstione quâ quæritur qualis res sit, sed modo quodam generali: præter quem reliqua accidentia alium prædicandi modum sibi vendicant proprium ac peculiarem. At qualitas non solum generali modo prædicatur in quæstione quâ quæritur qualis res sit; sed etiam ratione sibi propriâ ac peculiari. Atq; hoc expressimus, cum diximus, à qualitate subiectum quale duntaxat dici, & non alio aliquo modo, ut cætera accidentia.

II. *Qualitatis species sunt quatuor, habitus & dispositio, potentia & impotentia naturalis, patibilis qualitas & passio, forma & figura.*

*Seff. 1.* Singulis speciebus duo nomina tribuuntur, ad significandas qualitates gradu potius, aut tempore, aliâve circumstantiâ accidentiâli, quàm specie, aut essentiâ diversas: Nam habitus & dispositio, potentia & impotentia, differunt gradu; patibilis qualitas & passio, tempore; forma & figura, ratione sive modo.

III. *Habitus est qualitas adventitia ad operandum cum facilitate.*

IV. *Dispositio est habitus imperfectus.*

*Seff. 1.* *Habitus, Græcè ἕξις*, interdum sumitur pro quacunq; forma, quæ à subiecto separari potest, veluti cum opponitur privationi. Sic sumitur *cap. 10. lib. Categ. & multis aliis in locis.* Interdum pro vestitus, ut *lib. 4. Metaph. cap. 20.* unde & ultima categoria dicitur categoria τῷ ἔχειν. Apud medicos sumitur pro corporis habitudine, bona vel mala: unde *ὑγιαία*, id est, *firma corporis constitutio*, qualis erat olim gladiatorum ac pugilum; & *καχεμία*, hoc est, *prava constitutio*. At hoc loco sumitur pro prima specie qualitatis, quam definivimus.

2. *Habitus dicitur qualitas adventitia, quia non fuit ab essentia* sub-

subiecti, aut à principiis essentiae, sed aliunde advenit; &, vel à Deo infunditur; ut *fides, spes, charitas, prophetia, donum linguarum, &c.* vel crebris actionibus acquiritur. Habitus acquisiti vel in corpore sunt; ut, *δυσξία*, sive *bona corporis habitudo* industria acquisita; vel in animo. Atque hi vel in intellectu; ut *scientia, intelligentia, sapientia, prudentia, & ars*; vel in appetitu; ut virtutes, & vitia moralia.

2. Dispositio, Græcè *διδδοσις*, vel significat ordinem ejus quod partes habet; ut *lib. 4. Met. cap. 19.* vel qualitatem quamlibet, quæ materiam præparat ad formam substantialem recipiendam; vel quamlibet qualitatem primæ speciei; quo sensu dicit Philosophus *cap. 8. de Categ.* ubi de qualitate disputat, *omnem habitum esse dispositionem, sed non omnem dispositionem esse habitum*: velenique habitum inchoatum & imperfectum; quæ significatio hujus loci est.

4. Habitus differt à dispositione, quod cum altius subiecto hæreat, *χρονίατερος ἢ μονιμότερος* sit, hoc est, diuturnior ac permanentior, quàm dispositio. Dispositio enim, ut citò fit, ità *δυνατότερος ὅτι, ἢ χρόνιος ἀλλοιωτός*, hoc est, facile movetur, ac citò mutatur, ut loquitur Aristoteles loco citato.

V. Potentia naturalis est qualitas sensibus non obvia, quæ subiectum naturæ suæ aptum est ad agendum vel patiendum.

VI. Impotentia est diminuta potentia.

Señ, 1. Potentia naturalis, Græcè *δυνάμει φυσικῇ*, differt à tertia specie qualitatis, quod non sit obvia sensibus, sicut illa. Eadem differt ab habitu, tum quia à natura est, habitus aliunde; tum quia subiectum aptum tantum reddit ad agendum, aut patiendum; cum habitus subiectum etiam reddat propensum, idque ad agendum expedire & cum facilitate.

2 Potentia naturalis dividitur ab Aristotele *lib. 4. Metaph. cap. 12.* in activam & passivam. Utraque definitur hoc modo: *δυνάμει λέγεται, ἢ πρὸς ἀρχὴν κινήσεως ἢ μεταβολῆς ἐν ἑτέρῳ, ἢ ἡ ἰσχύς ἢ οὐκ ἰσχύς, ἢ ἡ ἰσχύς hoc est, Potentia quædam dicitur principium motionis aut mutationis in alio, quatenus est aliud; quædam ab alio, quatenus est aliud.* Illa est potentia activa; hæc passiva: Ex.gr. potentia generandi, loco movendi, calefaciendi, ædificandi, &c. est potentia activa: at mollities est potentia passiva ad sectionem.

3. His addi potest potentia quædam mixta, quæ quia principium mutationis in seipsa est, simul activa est, & passiva; ut, *intellectus, voluntas, &c.* Ab hac potentia fluunt actiones immanentes; ut, *intelligere, velle*: à potentia activa actiones transientes.

4. Præterea, potentia naturalis vel prima est, vel secunda. Prima est, quæ immediatè fluit à forma subiecti: secunda nihil aliud est, quàm dispositio materiæ & apparatus organorum, quibus prima potentia suas functiones exercet. Ex.gr. facultas videndi, quatenus fluit ab anima sentiente, est potentia prima: at quatenus consistit in oculi structura & temperatione, est potentia secunda. Potentia prima nec tolli potest à subiecto, nec minui; secunda & minui potest & tolli: Cum ergò impotentia dicitur *diminuta potentia*, secunda potentia intelligi debet.

5 Ad potentiam secundam revocandæ sunt omnes naturæ dotes; tum animi, ut *ingenium, indoles, memoria*; tum corporis, ut *robur, sanitas, &c.* Hujusmodi dotes, si valde imperfectæ sint, veluti si quis sit obtuso ingenio, labili memoriâ, dicuntur impotentiz: si penitus absint, non sunt qualitates, sed privationes meræ.

VII. *Patibilis qualitas est, quæ passionem efficit in sensu.*

VIII. *Quæ si citò evanescit, passio dicitur.*

Señ. 1. Patibilis qualitas Græcè dicitur *πασιβήτις ποιότητα*, non quia subiectum cui inest ab illa quicquam patitur, sed quia passionem efficit in sensibus. Huc pertinent quinque sensuum externorum objecta propria, *lux, color, sonus, sapor, odor, & qualitates tactiles*, quales sunt quatuor qualitates primæ, *calor, frigus, humiditas, siccitas*, & quæ ex his oriuntur, ut *gravitas, levitas, raritas, densitas, &c.* Harum qualitarum singulos sensus afficiunt singulæ, *color visum, sonus auditum, calor tactum, &c.* In quo differunt à figura & forma, quæ passionem in pluribus sensibus efficiunt.

2. Si Patibilis qualitas citò pereat, ut pallor ex metu, rubor ex pudore, *παίδος*, sive passio dicitur, quia nimirum cum passione advenit. Atque ita fit, ut habitâ ratione passionis potius, quàm qualitatibus quæ ex passione oritur, non tam dicantur *quales*, quàm *aliquid passi*, qui ejusmodi qualitatibus afficiuntur, ut loquitur Aristoteles cap. 13.

Categ.

IX. *Figura est qualitas orta ex terminatione magnitudinis.*

X. *Forma est figura cum colore.*

Señ. 1. Forma Græcè *μορφή* dicitur & *εἶδος*, figura, *ἄνωμα*. Forma alia est substantialis, alia accidentalis. Forma substantialis pertinet ad categoriam substantiæ. Forma accidentalis in genere nihil aliud est quàm accidens, quod instar formæ subiecto suo inhaeret. Hoc loco non quælibet forma accidentalis intelligitur, sed solum *ἡ κατὰ τὸ ἴδιον ὁμοειδὴς μορφή* id est, *forma quæ circa unamquamque rem consistit*; sive, quæ in superficie corporis oculis & tactui patet.

2. Etsi autem figura & forma sæpe confundantur, hoc tamen loco sic distingui solent, ut figura tribuatur rebus Mathematicis, in quibus nihil aliud spectatur quàm magnitudo; forma rebus Physicis, in quibus etiam spectatur color. Ad figuram pertinent, *triangulum, circulus, quadratum, sphaera, cylindrus, & cæteræ figurarum Mathematicarum appellationes, & continuæ quantitatis affectiones: ad formam, pulchritudo, deformitas, &c.*

XI. *Notæ qualitatibus sunt tres: 1. Qualitas habet contrarium.*

Señ. 1. Sic virtus vitio contraria est, & calor frigori. Contrarietas reperitur in prima & tertia tantum specie, non in secunda & quarta: nisi quòd *pulchritudo & deformitas* videantur contrariæ, quæ tamen ad formam spectant.

XII. 2. *Qualitas recipit magis & minus.*

Señ. 1. Hoc est, intenditur & remittitur: Nam aliud alio calidius est aut minus calidum, frigidius aut minus frigidum. Hæc qualitarum affectio, sive nota, vel oritur ex contrarietate, vel ex dispositione

materiæ. Habitus, & qualitates patibiles recipiunt magis & minus à contrarietate: remittuntur enim, cum miscentur cum contrariis; & intenduntur, cum à contrario libetantur. Excipitur *lux*, quæ, etsi sit qualitas patibilis, intenditur tamen aut remittitur propter inæqualem dispositionem subiecti, quia non habet contrarium. Eodem modo intenduntur & remittuntur potentie naturales, quibus nihil contrarium est, cum quo misceri possunt.

XIII. 3. *Res à qualitate dicuntur similes aut dissimiles.*

Scilicet. 1. Nam similitudo & dissimilitudo sunt relationes, quæ rebus conveniunt ob qualitates.

## C A P. VII.

### De Relatis.

#### THEOREMA I.

**Π**ρός τι ἢ τὰ τοιαῦτα λέγεται, ὅσα αὐτὰ ἀπὸ ὅσων, ἢ ἑτέρων ἢ ἁλ-  
λῶν, ἢ ὁπωσδήποτε ἄλλως πρὸς ἕτερον hoc est, *Relata dicuntur, quæ id ipsum quod sunt, aliorum esse dicuntur, aut alio quovis modo ad aliud referuntur.*

#### COMMENTARIUS.

Scilicet. 1. *Relata*, Græcè τὰ πρὸς τι, id est, ea quæ sunt ad aliud, in plurali numero dicuntur, quia relatio ejusmodi accidens est, quod non tantum in aliquo est, ut in subiecto, sed refertur etiam ad aliud.

2. Hæc definitio relatorum extat initio cap. 1. de Categ. *Relata dicuntur aliorum*, hoc est, referuntur ad aliud in genitivo casu; ut, pater est filii pater. *Vel quovis alio modo*, hoc est, in alio casu; ut, simile est simili simile, majus est minore majus. *Hoc quod sunt*, id est, eodem illo nomine quo appellantur. Sic pater dicitur filii pater; dominus servi dominus. At tenebræ dicuntur quidem lucis, sed non lucis tenebræ, verum lucis privatio; ac proinde tenebræ non sunt in relatis, quia non dicuntur esse alterius *hoc quod sunt*. Hæc definitio generalis est, & multis competit quæ non sunt hujus categoriæ, ut ex sequentibus divisionibus liquebit.

II. *Relata dividuntur vulgè in relata secundum dici, & relata secundum esse.*

III. *Relata secundum dici sunt res absolutæ, quæ relationem includunt aut connotant, ideoque non essentialia, sed nomine tenus solummodo referuntur ad aliud.*

IV. *Relata secundum esse sunt* ὅτι τὸ ἓν πρὸς τὸ ἓν πρὸς τι, id est, quibus esse idem est atque ad aliud aliquo modo se habere; *scilicet quorum tota essentia posita est in respectu ad aliud.*

Scilicet. 1. *Relata secundum dici & secundum esse*, non naturā relationis

tionis, sed nominibus differunt. Nam nomina, quæ relatis secundum dici conveniunt, significant per se primò rem absolutam, & secundariò connotant relationem quæ in illa absoluta re includitur: at relatis secundum esse tributa sunt ejusmodi nomina, quæ per se primò significant relationem, & connotant rem absolutam, quam ista relatio, tanquam subjectum suum, præsupponit. Ex. gr. *scientia* & *scibile* nuncupantur relata secundum dici, quia *scientia* est nomen qualitatis, quæ respectum ad objectum scibile includit. Itaque tota *scientiæ* essentia non est posita in respectu ad objectum scibile: imò essentia *scientiæ* est absoluta qualitas, quæ tamen referri dicitur ad aliud, quia relationem connotat. At *pater* & *filius* sunt relata secundum esse, quia voces istæ per se primò significant relationem, sive respectum mutuum: ideoq; tota patris essentia, quatenus est pater, posita est in respectu ad filium; & essentia filii in respectu ad patrem. Quid enim aliud est esse patrè, quàm habere filium? & esse filiù, quàm habere patrè?

2. A relatis secundum dici nihil aut parùm differunt relata transcendencia, sic dicta, quòd limites categoriarum transiliunt aut transcendunt. Nulla enim res est, cui ejusmodi relationes non conveniunt. Sic accidens refertur ad subjectum, actio ad objectum, pars ad totum, causa ad causatum, &c.

V. Dividuntur etiam relata, in relata realia, & relata rationis.

VI. Relata realia sunt, quæ suâ naturâ, & absque mentis ope referuntur ad aliud.

VII. Relata rationis sunt, quæ solâ mentis operâ referuntur ad aliud.

Seç. 1. Ex. gr. *pater* & *filius*, *maritus* & *uxor*, & id genus alia, sunt relata realia; quia quòd pater sit filii pater, & maritus uxoris maritus, non dependet à mentis nostræ cogitatione. At *dextrum* & *sinistrum* sunt relata rationis; quia quòd inter duas columnas consistenti, hæc dextra sit, illa sinistra potius, quàm contra, à mentis ordinatione est. Hoc sensu cælo quoque dextrum & sinistrum, antè & post, ceterasq; positionum differentias attribuimus: Quòd verò manus una dextra dicatur, altera sinistra, non rationi sed naturæ tribuendum videtur. Ad relationes rationis etiam *mutuè* sive identitatis revocanda est. Nam cum aliqua res cum seipsa ita comparatur, ut dicatur eadem sibiipso, una illa res ab intellectu sic usurpatur, ac si essent res duæ. Hoc etiam refertur entia rationis, quæ ad se mutuò referuntur, ut *genus* & *species*, *subjectum* & *predicatum*, &c.

VIII. In omni relatione requiritur subjectum & terminus.

IX. Subjectum vocatur, cui relatio tribuitur, sive quod ad aliud refertur.

X. Terminus, ad quem subjectum refertur.

XI. Subjectum dicitur relatum, & terminus correlatum, cum relatione affecta sunt, ac cum illa considerantur.

XII. Relatum & correlatum referuntur ad se mutuò; idq; non una sed geminâ relatione.

XIII. In qua reciprocatione, quod est subjectum unius relationis, id terminus est alterius, & vice versâ.

XIV. Quem

XIV. *Quemadmodum & quod in una relatione relatum est, id est correlatum in altera, & vice versâ,*

*Señ. 1.* Hæc ut intelligas, cogita inter patrem & filium duas relationes intercedere: quarum altera, quâ pater ad filium refertur, paternitas appellatur vulgò; altera, quâ filius refertur ad patrem, filiationis dicitur. Paternitas autem & filiationis non sunt una, sed duæ relationes à se invicem diversæ: quia aliter pater se habet ad filium, aliter filius ad patrem. Hæ duæ relationes requirunt duo subiecta, & duos terminos, qui sunt duo homines, putà, Philippus & Alexander. Philippus est subiectum paternitatis; Alexander, terminus. Contrà, Alexander est subiectum filiationis; Philippus, terminus. Similiter, pater est relatum in paternitate; filius, correlatum: contrà, in filiatione, filius est relatum; pater correlatum.

2. Cæterum subiectum relationis vulgò distingui solet in subiectum inhesionis & subiectum denominationis. Subiectum inhesionis aiunt esse substantiam, cui relatio more cæterorum accidentium inhaereat. Subiectum denominationis vocant, cui relatio tribuitur, sive quod ad aliud referri dicitur: quod vel substantiam esse dicunt, vel accidens. Hæc duo subiecta volunt interdum coincidere; ut in paternitate: quia in eo ipso est, putà in Philippo, qui pater denominatur. Interdum aiunt ista discrepare; veluti cum duæ lineæ dicuntur æquales: relatio enim æqualitatis lineis quidē tribuitur, aiunt, at ea inhaeret substantia cuiusdā lineatæ, sive longæ. Hæc plus habent subtilitatis quàm veritatis. Nam relatio nihil est aliud, quàm *ῥεσις* sive respectus unius rei ad aliud, & ad aliud referri nihil est, quàm *προς τι πῶς ἔχειν*, id est, ad aliud aliquomodo se habere: atque ideo relationes non tam inhaerent alicui subiecto, quàm adhærent. Id verò cui adhærent, nihil est aliud, quàm subiectum illud quod referri dicitur ad aliud, sive quod ab illis denominatur; quod an substantia sit an accidens, nihil interest.

XV. *Relationes quedam ponuntur posito subiecto & termino, alia præterea fundamentum requirunt.*

XVI. *Fundamentum est id, quo mediante relatio subiecto competit.*

*Señ. 1.* Ex, gr. cum ovum ovo simile dicitur, relatio similitudinis, quæ inter duo ova intercedit, in unoquoque ovo oritur, simul atque alterum ovum incipit existere, nec quicquam ad istam relationem requiritur, præter duorum ovorum coexistentiam, quod illius fundamentum esse possit. At relatio domini non oritur in subiecto, simul atque terminus existit, sed oportet aliud quid intercedere, quo relatio domini & servitutis subnixæ est. Qui enim dominus est alicujus, ideo dominus est; quia illum in bello captum servavit, aut quia eum emit: & servus ideo alicujus servus est, quia ab illo servatus est, aut emptus. Sic fundamentum paternitatis, est genuisse quempiam; & filiationis, ab illo esse genitum.

XVII. *Relata vel sunt synonyma sive ejusdem nominis, vel heteronyma sive diversi nominis.*

*Señ. 1.* Relata synonyma nuncupantur vulgò relata æquiparantiæ, ut,

ut, *amicus, rivalis, hospes, &c.* Heteronyma dicuntur relata disquiparantiz; ut, *pater & filius, dominus & servus, &c.* Si relatio, quæ heteronymis competit, nomen habet, alterum duorum vocatur relati, nempe illud à quo relatio nomen habet; alterum vocatur correlatum. Si relatio nomine caret, veluti cum emptor refertur ad venditorem, relati & correlati distinctio pendet à nobis; ut & in relatis synonymis. Nulla enim ratio est cur emptor potius relatum dicatur quàm correlatum; aut duorum amicorum hic potius quàm alter.

XVIII. *Notæ relatorum sunt quinque: 1. Relata habent contrarium.*

Señ. 1. Relatum non est contrarium correlato suo; sed unum relatum alteri relato contrarium est. Hæc nota non convenit relatis per se, sed ratione fundamenti aut subiecti. Ideoque non convenit omnibus relatis (nam nihil est contrarium patri aut filio, duplo aut dimidio) sed iis tantum quæ nituntur contrariis fundamentis, aut quæ conveniunt contrariis subiectis. Nam *amicus & inimicus* sunt contraria, quia fundamenta amicitiz & inimicitiz, benevolentia scilicet & malevolentia, contraria sunt. Similiter, simile & dissimile, æquale & inæquale, contraria sunt, quia res ipsæ, sive subiecta contraria sunt. Similitudo enim est inter easdem qualitates, & æqualitas inter easdem quantitates; at dissimilitudo est inter qualitates diversas, & inæqualitas inter diversas quantitates.

XIX. 2. *Relata recipiunt magis & minus.*

Señ. 1. Hæc quoque nota relatis convenit ratione subiecti aut fundamenti: ideoque non convenit omnibus relatis (nam *pater* aut *dominus* non est alio magis *pater* aut *Dominus*) sed iis tantum quæ nituntur mutabili subiecto aut fundamento. Quando enim subiectum aut fundamentum variatur, relatio intenditur aut remittitur.

Ex. gr. quæ inæqualia sunt, inæqualiora fiunt, aut minus inæqualia, cum quantitas, quæ subiectum inæqualitatis est, in altero duorum major sit, aut minor. Et quæ dissimilia sunt, dissimiliora fiunt aut minus dissimilia, quando qualitas in altero duorum intenditur aut remittitur.

XX. 3. *Relata reciprocantur.*

Señ. 1. Hoc est, omne relatum refertur ad correlatum reciprocum: ut, *dominus est servi dominus, & servus domini servus*; duplum dimidii duplum, & dimidium dupli dimidium. Fit autem sæpe ob vocabulorum penuriam, ut hæc reciprocatio non appareat. Nam caput est alicujus caput, & ala alicujus ala: nec tamen his respondet idoneum correlatum. Nam animal non potest esse idoneum correlatum capitis, quia non omnia animalia caput habent: nec avis potest esse idoneum correlatum alæ, quia etiam muscæ, vesperæ, vesperiliones, &c. alas habent, nec tamen sunt aves. Igitur tum necesse est (inquit Aristoteles hoc capite) *ὀνομαστικῶν*, id est vocabula fugere, quamvis non adeo usitata. Ut ergo in dictis relatis appareat reciprocario, dicendum est *caput est capitati caput, & ala est alati ala, &c.*

XXI. 4. *Relata sunt simul naturâ.*

Señ. 1. Nimirum, quatenus sunt relata. Et si enim Phillippus prior sit



fit Alexandro, non est tamen Philippus pater, antequam Alexander sit filius.

XXII. 5. *Relata sunt simul cognitione.*

Señ. 1. Quia nimirum relatorum alterum, quatenus relatum est, non potest sine altero cognosci. Nam etsi cognosci possit is qui filius est, non cognito eo qui illius pater est; non tamen cognosci potest aliquem esse filium, nisi cognoscatur eum habere patrem; nec cognosci potest ejus filius sit aliquis, si ignoretur quis sit illius pater.

## C A P. VIII.

### De Actione & Passione.

#### THEOREMA I.

**A**ctio est, à qua dicimur agere.

II. Agere est aliquid efficere.

III. Passio est, à qua dicimur pati.

IV. Pati est recipere effectum agentis.

#### COMMENTARIUS.

Señ. 1. Actio & passio non tam sunt res, quàm via ad res, aut modus quo res fiunt, ac fluxus ejus quod fieri dicitur.

V. In actionibus distinguenda sunt, agens, patiens sive subjectum, terminus à quo, & terminus ad quem.

Señ. 1. Ex.gr. in calefactione, agens est ignis, aut sol; patiens sive subjectum, is qui calefit; terminus à quo, frigus; terminus ad quem, calor. Qui enim calefit, ex frigido fit calidus. Terminus ad quem, est semper vera aliqua res: sed terminus à quo, interdum quidem vera res est, termino ad quem contraria; ut in calefactione: nam frigus & calor sunt vera qualitates, sibiq; invicem contrariae. Interdum terminus à quo nihil aliud est, quàm mera privatio termini ad quem: veluti, cum quis ex indocto doctus efficitur. Cum enim termino ad quem nihil est contrarium, terminus à quo illi privativè opponitur.

VI. In omni actione necessario requiritur agens, terminus à quo, & terminus ad quem.

VII. Et si terminus ad quem non potest per se subsistere, requiritur etiam subjectum sive patiens.

VIII. Si terminus ad quem non potest per se subsistere, actio consistit sine patiente.

Señ. 1. Etenim, cum actio nihil aliud sit, quàm fluxus effecti sive termini ad quem in fieri, ut loquuntur, si terminus ad quem subjectum requirit, ut sit in omni actione, excepta creatione, etiam actio subjectum requirit. Cum autem creationis effectum, sive terminus ad quem, sit integra substantia; sit, ut creatio subjectum sive patiens non

non habeat. Nihil enim aliud est creatio, quàm productio rei ex nihilo, id est, ex nulla subjecta materia.

IX. Cum actio subjectum sive patiens habet, non est in agente, sed in patiente.

Señ. 1. Actio enim (ut dictum est) est fluxus effecti; ac proinde in eo subjecto esse debet in quo est effectum: Atqui effectum est in patiente: ergo & actio debet esse in patiente.

X. Imò actio & passio reipsa non differunt, sed respectu tantum ad diversa.

Señ. 1. Unus enim unius effecti fluxus est, qui, quatenus ab agente procedit, actio dicitur; quatenus in patiente recipitur, passio vocatur. Ut enim via quæ Athenis Thebas ducit, & ea quæ Thebis ducit Athenas, una tantum via est ad diversos terminos collata; utq; acclive & declive in monte solo respectu differunt: ita quoq; actio & passio hoc tantum modo differunt, quòd illa referatur ad agens, hæc ad patiens.

XI. Actio alia est immanens, alia transiens.

XII. Actio immanens est, cujus effectum est in agente: ut, intelligere, velle.

XIII. Actio transiens est, cujus effectum est in alio: ut, urere, verberare.

XIV. In actione immanente agens & patiens idem sunt; in transiente reipsa differunt.

XV. Actio transiens dividitur pro diversitate termini ad quem, in quatuor species:

Prima est ad substantiam: ut, generatio, cui opponitur corruptio.

Secunda ad quantitatem: ut, accretio, cui opponitur diminutio.

Tertia ad qualitatem, ut, alteratio.

Quarta ad locum sive ubi: ut, motus localis.

Señ. 1. Hæc traduntur ab Arist. cap. 14. Categ. Sed plenius de iis agendum est in Physicis.

XVI. Potest etiam actio dividi in univocam & equivocam.

XVII. Actio univoca est, quæ agens producit effectum sue speciei.

XVIII. Actio equivoca, quæ producit effectum diversæ speciei.

Señ. 1. Veluti, cum mus generat murem, aut calor calorẽ, est actio univoca: at cum sol mures generat, aut lux calorẽ, est actio equivoca.

XIX. Denique dividitur actio in perficientem & corrumpentem.

XX. Actio perficiens est, quæ aliquis efficitur, sine ullius rei destructione.

XXI. Actio corrumpens, quæ aliquid efficitur, & aliud destruitur.

Señ. 1. Ex, gr. illuminatio est actio perficiens; quia cum aer illuminatur, lumine perficitur, nullâ re aut formâ destructâ. At generatio, & calefactio, sunt actiones corrumpentes: quia, cum animal aut tale quid generatur, simul aliud corrumpitur: & qui calefit, calorem suscipit amisso frigore. Causa hujus discriminis est, quòd actio perficiens versetur inter terminos privativè oppositos; corrumpens, inter terminos contrarios aut disparatos.

XXII. Notæ actionis due sunt: 1. Actio habet contrarium.

XXIII. 2. Actio

XXIII. *Actio recipit magis & minus.*

Señ. 1. Ex.g. calefactio contraria est frigefactioni: & alia magis calefaciunt aut frigefaciunt, alia minus. Magis calefacere hoc loco non est celerius sed intensius calefacere; hoc est, intensiorem calorem producere. Utraque nota convenit actioni ratione termini ad quem. Itaque neutra omnibus actionibus convenit, sed iis tantum quarum termini contrarii sunt, & intensiorem & remissionem recipiunt. Itaque generare, figurare, &c. non habent contrarium, non intenduntur etiam aut remittuntur: quia substantia aut figura neque contrarium habet, neque intenditur aut remittitur.

2. Atque hæc omnia quæ de actione diximus, etiam passioni conveniunt. Eadem enim utriusque divisiones, eademque notæ sunt.

## C A P. IX.

### De quatuor postremis categoriis.

#### THEOREMA I.

**U**bi est modus quo res finitæ alicubi esse dicuntur.

#### COMMENTARIUS.

Señ. 1. *Ubi* à loco differt, quòd locus cum strictè sumitur, solis corporibus, ubi etiam substantiis incorporeis, si finitæ sint, conveniat. Nam substantiæ incorporeæ dicuntur esse in loco *definitivè*, hoc est, sic dicuntur esse alicubi, ut non sint quidem alibi, sed tamen ut locum non occupent, aliàsque substantias, sive corporeas sive incorporeas ex illo loco excludant: quod est improprie in loco esse. At substantiæ corporeæ dicuntur esse in loco *circumscriptivè*, hoc est, dicuntur occupare locum, & alias substantias corporales ex eodem loco expellere: quod est proprie in loco esse. Dixi si finitæ sint: Nam Deus, qui infinitus est, non alicubi, sed ubique esse dicitur.

3. Est & aliud discrimen inter locum & ubi. Nam locus pertinet ad quæstionem quâ quæritur quanta res sit, sive, quantum loci occupet; ubi spectat ad quæstionem quâ quæritur ubi, aut unde res sit; quòd, aut quâ abiit. Atque ea quæ hisce quæstionibus redduntur: ut, *domi, foris, ruri, in templo, hinc, illinc, huc, illuc, hæc, illæc, &c.* in hac categoria collocantur.

II. *Quando est modus quo res finitæ aliquando esse, fuisse, aut fore dicuntur.*

Señ. 1. *Quando* differt à tempore, proprie strictèque dicto, ut ubi à loco. Nam tempus strictè sumptum convenit rebus tantum successivis, & in perpetuo motu ac partium fluxu consistentibus. Definitur enim numerus motus secundum prius & posterius, lib. 4. Phys. cap. 11. At quando etiam tribuitur rebus momentaneis & permanentibus.

si finitæ sint. Quæ enim infinitæ sunt atque æternæ, non aliquando sed semper esse dicuntur.

2. Præterea, vocabula temporis pertinent ad quantitatem, & ad quæstionem quæ fit per quamdiu: ut, hora, annus, seculum, &c. At vocabula quæ ad hanc categoriam pertinent, respondent quæstioni quæ fit per quando: ut, hodie, cras, heri, æstate, vere, calendis, nonis, Consule Manlio, &c.

III. Situs est ordo partium corporis inter se.

Scilicet. 1. Situs enim convenit solis corporibus. Nam ordo partium in tempore, aut in numero, situs appellari non consuevit. Et si autem situs mutari non possit sine motu locali, qui est motus ad ubi; non est ramen situs cum ubi confundendus, nè quidem in corporibus. Potest enim ubi mutari, non mutato situ: veluti, si quis sine ulla partium motione veheretur de loco in locum.

2. Situs alius naturalis est; ut situs brachii ad scapulam, aut manûs ad carpum: alius voluntarius; ut, sedere, stare, jacere, prouum, supinum esse, &c.

IV. Habitus est modus, quo vestis, aut aliquid instar vestis, corpori circumpositum, appensum, aut alio aliquo modo adjunctum est.

Scilicet. 1. Huc pertinent vocabula quæ vestium, armorum, & similium rerum conjunctionem cum corpore significant: ut, vestitum, armatum, togatum, galeatum, hastatum, barbatum, tapetibus aut auleis instratum esse, &c. Hæc & similia vocabula non significant vestem aut arma, sed vestis aut armorum conjunctionem cum corpore. Quod significavit Aristoteles, cum lib. 4. Metaph. cap. 20. dixit habitum esse *ἡνίκαν τὸ ἵχον* & *ἵχον*, id est, alium habentis, & ejus quod habetur: & habitum esse *μετὰ τὸ ἵχον* & *ἵχον*, id est, inter eum qui vestem habet, & vestem quæ habetur. Atque hæc de categoriis.

## CAP. X.

## De Prædicabilibus in genere.

## THEOREMA I.

**D**icamus nunc de thematicum simplicium affectionibus, sive notionibus secundis; quæ, ut diximus, ex rerum in categoriis dispositarum, ac primarum notionum collatione oriuntur.

II. Eæ vel simplices sunt, vel conjunctæ.

III. Affectiones simplices sunt, quæ singulis rebus seorsum conveniunt.

IV. Sântque vel prædicabilia, vel totum & pars, vel causa & causatum, vel subjectum & adjunctum.

V. Affectiones conjunctæ sunt, quæ pluribus rebus conjunctim conveniunt.

VI. Sântque vel convenientia, vel diversitas, vel oppositio, vel ordo.

C O M.

## COMMENTARIUS.

Señ. 1. Etsi genus ad speciem referatur, totum ad partem, causa ad causatum, subiectum ad adjunctum, alterumque sine altero non consistat, unaquæq; tamen res seorsum genus, totum, causa, subiectum, &c. dici potest: At uni rei seorsum, ut una est, non potest tribui convenientia, diversitas, oppositio, aut ordo.

VII. *Prædicabilia sunt, quæ de pluribus verè, propriè, naturaliter atque immediatè affirmantur.*

Señ. 1. Prædicabile (Græcè *καταγορεύμενον*) & universale, etsi ipsa non differant, (omne enim universale prædicari potest, & omne prædicabile debet esse universale) ratione tamen diversa sunt. Nam universale, quatenus universale est, prædicatur de inferioribus, in quæstione quâ quæritur quid sint: at prædicabile, quatenus est prædicabile, prædicatur etiam de co-ordinatis, idque in quæstione quâ quæritur qualia sint. Itaque, cum quinque sint prædicabilia, tantum duo tamen universalia sunt, genus & species. Nam differentia, proprium & accidens, quatenus talia sunt, non sunt universalia, sed tantum quatenus sunt genera, aut species eorum quæ sub illis continentur. Ex gr. sensus est proprium animalis, sed non est universale, quatenus ut proprium de animali prædicatur; sed quatenus prædicatur de visu, auditu, & cæteris sensibus, ut genus.

2. Prædicabilia dicuntur *affirmari*. Enunciationes enim negatæ non pertinent ad prædicabilia; tum quia non explicant quid aut qualis res sit, sed quid aut qualis non sit; tum quia attributa negatæ infinita sunt. Additur *de pluribus*, ut excludatur individuum, quod de seipso tantum prædicatur: ideòq; non facit ad alterius rei explicationem. Verè) Nam quæ affirmantur falsò, dissentanea sunt subiecto de quo affirmantur, ideòque infinita. *Propriè*.) Nam etiam prædicatum improprium, subiecto suo dissentaneum est, nisi proprio vocabulo permute-  
tur. Ex gr. in hac enunciatione impropria, *Ira est eos fortitudinis*, subiectum *ira*, & prædicatum *eos*, sunt dissentanea, alterumq; alterius naturam non declarat: ideòque hæc prædicatio impropria, revocanda est ad hanc enunciationem propriam, *Ira auge fortitudinem*, & tunc est prædicatio proprii. *Naturaliter*) prædicatio naturalis dicitur, in qua subijcitur & prædicatur, quod naturâ suâ subijci & prædicari debet: quod fit cum superius prædicatur de inferiore; ut, *Homo est animal*: vel accidens de substantia; ut, *Mel est flavum*: vel concretum de abstracto; ut, *Voluptas est jucunda*. Prædicatio ergò contra naturam erit, cum aut inferius de superiore prædicatur; ut, *Animal est homo*: aut substantia de accidente; ut, *Flavum est mel*: aut denique abstractum de concreto; ut, *Jucundum est voluptas*. Postremo, additur *immediatè*: quia prædicabilia comparantur cum proximo subiecto. Itaq; hæc prædicatio, *Homo sentit*, non potest ad ullum prædicabile revocari. Nam *sentire* neq; genus hominis est, neque species; neq; differentia, neq; proprium, neq; accidens: nimirum, quia *homo*  
non

non est proximum subiectum sensus, sed animal. Itaque hæc prædicatio, *Animal sentit*, sumenda est, eaque pertinet ad proprium.

VIII. *Prædicabilia sunt quinque, genus, species, differentia, proprium, & accidens.*

Seß. 1. Hic numerus sic colligitur: Quicquid de alio affirmatur eo quo dictum est modo, vel continetur in essentia subiecti sui, vel in illius essentia non continetur. Quod in essentia subiecti continetur, vel prædicatur in enunciatione quâ dicitur quid sit subiectum, vel in illa quâ dicitur quale sit. Quod prædicatur in enunciatione quâ dicitur quid sit, vel exprimit essentiam subiecti imperfectè, & est *genus*; vel perfectè & plenè, & est *species*. Quod in essentia subiecti continetur, & exprimit quale illud sit, est *differentia*. Quod non continetur in essentia subiecti, vel prædicatur de subiecto suo necessario, & est *proprium*, vel contingenter, & est *accidens*.

2. Hunc numerum non auget definitio: quia non est prædicabile simplex, sed compositum ex genere & differentia. Neque etiam genus duo prædicabilia constituit, quamvis prædicetur de speciebus, & de earum individuis; neque differentia, aut proprietas generica, quamvis non solum de generibus, sed etiam de speciebus atq; individuis prædicentur: quia prædicabilia comparari debent cum proximo atque immediatè subiecto; genus cum speciebus, non cum individuis; & differentia aut proprietas generica cum genere, & non cum speciebus, aut cum individuis, ut paulò antè dictum est.

3. Quod quidam aiunt, etiam partem prædicari de toto, causam de effecto, adjunctum externum de subiecto; ac proinde plura esse prædicabilia quàm quinque, nullius prorsus momenti est. Nam pars non prædicatur de toto in casu recto, neq; causa de effecto, neque adjunctum externum de subiecto; sed tantum in casu obliquo. Neq; enim dicimus, *Animale est caput*, sed, *est capitatum*, aut tale quid: non dicimus etiam, *Eclipsis est interpositio terræ* (nisi improprie) sed, *fit ob interpositionem terræ*: neque, *Miles est gladius*, sed, *est gladiatus*. Et ejusmodi prædicationes revocari debent ad differentiam, proprium aut accidens.

IX. *Ufus prædicabilium vel communis est, vel proprius.*

X. *Ufus communis est, inservire formandis definitionibus, divisionibus, syllogismis, & metodo.*

XI. *Ufus proprius est duplex: 1. Declarare quid in unaquaque categoria superius sit atque inferius, quid primum, quid ultimum; ac proinde, quid subijci suâ naturâ, ac prædicari aptum sit.*

XII. *Hunc usum habent genus, species, & differentia.*

XIII. 2. *Offendere quo modo accidentia prædicentur de substantia.*

XIV. *Hoc præstant proprium & accidens.*

Seß. 1. Utrumque usum indicavit Porphyrius c. 1. *Isagog.* Quare non sunt audiendi, qui proprium & accidens hujus loci esse negant.

## CAP. XI. De Genere & Specie.

### THEOREMA I.

**ΓΕΝΟΣ ὅτι τὸ πλεῖον ἔστι διαφερόντων τῶν εἰδῶν ἐν τῷ τὸ ὅτι κατὰ γένος** hoc est, Genus est, quod de pluribus, & specie differenti-  
bus prædicatur in questione quâ queritur quid res sit : ut, quid est  
homo, aut bestia? animal.

### COMMENTARIUS.

**SECT. I.** Genus, Græcè γένος, dicitur ab inusitato verbo γίνομαι, in  
cujus locum successit γένος, nisi quod pleraque tempora inusitati the-  
matis remanserint. Hinc factum est Latinum genus. Nam pro gigno,  
genō dicebant antiqui: à quo mansit præteritum genui & cætera tem-  
pora quæ inde derivantur. Cæterum genus in communi sermonis u-  
su, teste Porphyrio, sumitur pro multitudine hominum, qui ab eadem  
stirpe ortum trahunt; Veluti cùm dicimus, Heraclidarum genus: vel  
pro stirpe ipsa, sive pro majoribus à quibus ejusmodi multitudo orta  
est; veluti cùm nobilitas à Aristotele in fragmentis de nobilitate de-  
finitur, virtus generis, id est claritudo majorum. In Philosophia su-  
mitur genus pro eo cui species subjæctæ sunt, illorum generum simi-  
litudine ità appellatum. Nam ut majores principium sunt suæ poste-  
ritatis, utque posteri cognatione quâdam se contingunt, qui ab eodem  
genitore oriundi sunt: ità quoque genus aliquo modo principium est  
suarum specierum, ipsæque species subjæctæ inter se eatenus conve-  
niunt, quatenus in genere consentiunt.

**2.** Definitio generis extrat l. 1. Top. c. 5. & apud Porphyrium cap. 4.  
Cùm autem genus dicitur de pluribus prædicari, distinguitur ab indi-  
viduis. Cùm dicitur prædicari de pluribus specie differentiibus, distin-  
guitur à speciebus, quæ prædicantur de pluribus numero differenti-  
bus. Specie differre dicuntur, quæ differunt essentialiter sub eodem  
genere; ut homo & bestia. Cùm dicitur genus prædicari in questione  
quâ queritur quid res sit, distinguitur à differentia, proprio, & acci-  
dente. Etsi enim genus non absolvat quæstionem, quid est, (hoc enim  
definitionis est) appositè tamen ad illam per genus respondetur.

**II.** Εἶδος ὅτι τὸ τῶν ὁρίων ἐστὶ τὸ γένος hoc est, Species est, qui  
collocatur sub genere. Vel Εἶδος ὅτι κατὰ τὸ γένος κατὰ γένος ἐστὶ τὸ  
τὸ ὅτι h. e. Species est, de qua genus prædicatur in questione quâ qua-  
ritur quid sit.

**SECT. I.** Species dicta est ab antiquo & inusitato verbo specio, id est  
video: unde aspicio, respicio, &c. Græcè εἶδος dicitur ab εἶδω, video.  
Species enim in communi sermone significat externam rei formam,  
quæ spectabilis est. Quod Porphyrius probat hoc versu,

Περὶ



Πρώτον δὲ εἶδος ἐξ ἑνὸς τοῦ αὐτοῦ.

Primo quidem species digna est imperio.

Hunc versum Euripidi tribuit Stobæus, sermone de pulchritudine, & Athenæus in Deipnosophistis, l. 3. sed apud Euripidem hodie non reperitur.

2. Duas Porphyrii definitiones proposuimus, verbis tantum discrepantes. Utraque communis est omnibus speciebus. In utraque subintelligi debet proximè. Nam etiam genus prædicatur de individuis, eique individua subijciuntur; sed mediante specie, non proximè atque immediatè.

III. Genus aliud est ὑπερκείμενον, h. e. generalissimum, sive summum; aliud ὑποκείμενον, h. e. subalternum, sive medium.

IV. Similiter & species alia est ἐπιδεικνύμενη, h. e. specialissima, sive infima; alia subalterna.

V. Genus generalissimum est, ὃ γένος ἐστὶν, ἐκ ὧν εἶδος ἐστὶν, h. e. quod, cum genus sit, non est species: Vel, ὃ ἐπὶ ᾧ ἐστὶν εἶδος ἄλλο ὑποκείμενον γένος, h. e. quo non est aliud superius genus.

VI. Species specialissima est, ἡ εἶδος ἐστὶν, ἐκ ἧς ἄν γένος γένος, h. e. quæ, cum species sit, non est genus: Vel, μὴδ' ὅτι ἐστὶν εἶδος ἄλλο ὑποκείμενον εἶδος, h. e. quæ non est alia inferior species.

VII. Genera & species subalterna dicuntur, quæ inter summum genus & infimam speciem interjecta, respectu inferiorum dicuntur genera; respectu superiorum species.

Sett. 1. Hac de re vide Porphyrium. Ut autem hæc generum & specierum subordinatio intelligatur, sit pro exemplo categoria substantiarum; in qua ipsa substantia summum genus est; homo, species specialissima; quæ inter substantiam & hominem interjecta sunt, ut, animal, vivens, corpus, sunt subalterna. Nam animal est genus hominis, & species viventis; vivens est genus animalis, & species corporis; corpus est species substantiæ, & genus viventis.

2. Subalterna habent duas σχέσεις; sive relationes: Sunt enim genera, & species diverso respectu; Summa & infima tantum unam habent σχέσιν. Nam summum genus nihil aliud est quam genus; & infima species nihil aliud est quam species. Potest quidem species infima vel cum genere conferri, vel cum individuis (nam generi subijciuntur, & de individuis prædicatur) sed utraque collatione species est: respectu generis vocatur species subjecta, vel (ut vulgò loquuntur) subijcibilis; respectu individuorum dicitur species prædicata sive prædicabilis. Acque hæc sola constituit secundum prædicabile, & sic à Porphyrio definitur;

VIII. Ἐπὶ ὧν ἐστὶν ὁ ἄριθμος καὶ διαφερόντων τῶν ἀριθμῶν & τῶν ὧν ἐστὶν ἡ ποσότης, hoc est, species est, quæ de pluribus & numero differentibus prædicatur in questione quæ queritur quid res sit.

Sett. 1. Cum enim interrogatur, Quid est Plato, aut Socrates? rectè responderetur, Est homo. Species differt ab individuis, quia prædicatur de pluribus; à genere, quia prædicatur de iis quæ numero differunt. Numero differre dicuntur, quæ, cum ejusdem essentia sint, ut multa numerari

merari possunt; ut individua ejusdem speciei. Differt etiam species à differentia, proprio, & accidente; quia prædicatur in questione quæ queritur quid res sit.

IX. Dividitur etiam genus in synonymum sive univocum, & homonymum sive æquivocum.

X. Genus univocum est, quod æqualiter dicitur de speciebus suis.

XI. Æquivocum, quod inæqualiter dicitur de speciebus suis.

Seft. 1. Inæqualiter dici de suis speciebus, nihil aliud est, quàm uni speciei magis, alteri minus convenire; aut uni immediatè, alteri per alteram. Atq; hoc fit, cùm una species ab altera pender. Sic ens, si genus sit, æquivocum genus est, quia substantia magis est ens quàm accidens: imò accidens non est ens, nisi quia, & quatenus pender à substantia. At animal est genus univocum, quia homo non est magis animal quàm bestia, nec bestia magis quàm homo.

2. Genus æquivocum imperfecto modo genus est, & ab Aristotele l. 3. Metaph. cap. 2. appellatur τὸ μετὰ ἑνὶ καὶ μετὰ πλείοσι τὰ αὐτὰ οὐκ ὄν, hoc est, quod respectum habet ad unum, & ad unam aliquam naturam, Et l. 1. Eth. c. 6. τὸ δὲ ἑνὸς, hoc est, quod ab uno est. Quod quamvis non sit univocum, negat tamen Aristoteles illud esse penitus æquivocum, cùm lib. 3. Metaph. cap. 2. ait ens dici quidem multipliciter, sed eum respectu ad unum, & ad unam aliquam naturam, non æquivocè. Simili modo loquitur lib. 1. de Cal. cap. 3.

3. Hæc sunt quæ vulgò præcipi solent hoc loco de genere & specie. Sed quia Aristoteles in Topicis multo tradit, eosq; utilissimos canones, quorum alii ad rem syllogisticam pertinent, & ad rationem invenientiendi mediæ, alii ad doctrinam de simplici themate: non erit præter rationem instituti, si ex multis præcipuos seligamus eorum quæ pertinent ad illustrationem thematum simplicium, eosq; suis locis interseramus; cæteris ad syllogismi doctrinam rejectis.

XII. Species μετέχουσι, hoc est, participes sunt suorum generum; genera suarum specierum non item.

Seft. 1. Μετέχουσιν definiente Aristotele, lib. 4. Top. cap. 1. ubi hic canon extat, nihil aliud est quàm recipere definitionem ejus quod participatur. Atqui species recipit definitionem generis, sed genus non recipit definitionem speciei. Nam quicquid est definitione generis, putà animalis, id omne etiam includitur in essentia speciei, nempe hominis, aut bestię, sed non vice versà.

XIII. Genus dicitur de specie synonymus, non paronymus, sive de nominativè, non etiam homonymus aut per metaphoram.

Seft. 1. Synonymus de aliquo dici, nihil aliud est quàm quoad nomen & quoad definitionem dici, ut antè dictum est ex Aristotele c. 5. de Catig. Atqui genus dicitur de specie quoad nomen & quoad definitionem, quia participatur à specie. Ergò dicitur de specie synonymus. Atque hoc docetur lib. 2. Top. cap. 2. Neque verò genus solùm synonymus de specie dicitur, sed etià in questione quæ queritur quid sit. Omnia enim quæ redduntur questioni, quid est, prædicantur synonymus, sed non vice versà. Nam & differentia substantiarum syn-

onymus prædicatur de specie, ut supra dictum est, sed non potest reddi quæstioni, *quid est*. Paronyma dicuntur, quæ de alio quoad nomen solum, & non quoad definitionem dicuntur: idque non in quæstione quæ quæritur quid res sit, sed quæ quæritur qualis sit, sive in casu obliquo. Ex quo sequitur, non posse esse genus alicujus rei, quod de illa dicitur paronymus. Itaque albor non est genus nivis, quia nix non dicitur albor, sed alba. Vide lib. 4. Top. cap. 1. Similiter homonyma, sub quibus etiam tropica continentur, sive ea quæ, ut Aristoteles loquitur, per metaphoram dicuntur, quoad solum nomen, & non quoad definitionem de pluribus dicuntur: atque ob hanc causam non possunt esse genus. Sic canis non potest dici commune genus animalis latrantis, & astri; quia est vocabulum homonymum: neque ardor est genus amoris, quia amor dicitur ardor concupiscentiæ per metaphoram. Vide l. 4. Top. c. 3.

XIV. *Quod est causa rei, aut pars, aut affectio, aut subjectum, id non potest esse genus illius.*

Señ. 1. Hoc præceptum extat l. 4. Top. c. 9. nititurque hac ratione, quod hæc omnia prædicentur oblique, & non in casu recto, sive in quid. Sic dolor, quia est in causa, non potest esse genus illius. Similiter corpus non potest esse genus animalis, quia est illius pars: immortalitas non est genus vitæ æternæ, quia est illius affectio: aer non est genus venti, quia est illius subjectum; ventus enim non est aer motus, sed motio aeris, aut certè exhalationis aeræ.

XV. *Genus & species sunt sub eodem genere, & si sint accidentia, in eodem subjecto.*

Señ. 1. Primum membrum hujus præcepti extat l. 4. Top. c. 1. alterum c. 5. Utrumque nititur hac ratione, quia genus in specie continetur. Sic voluntas non est veram genus justitiæ, quia est potentia naturalis, cum justitia sit habitus. Sic scientia non est genus virtutis moralis, quia est in intellectu, virtus in appetitu.

XVI. *Genus primum est sua specie, & species individuo.*

Señ. 1. Hæc regula traditur l. 4. Top. c. 2. Intelligitur autem prius quoad existendi consecutionem; ea enim prioritas hic locum habet. Posita enim specie, ponitur genus; sed non vicissim. Species ergo non potest esse sine genere; at genus potest esse sine aliqua suarum specierum, non sine utraque simul. Genus synonymum potest esse sine utraque specie: genus æquivocum non potest esse sine utraque specie, sed tantum sine minùs principali. Ex. g. animal potest esse sine homine, aut sine bestia; sed non sine homine & bestia. At ens non potest esse sine substantia, sed tantum sine accidente. Illud igitur est genus synonymum, hoc homonymum. Ut autem genus se habet ad species, ita species se habet ad individua.

XVII. *Genus prædicatur de pluribus quàm species, & species de pluribus quàm individuum.*

XVIII. *Et quamvis species conservari possit in uno individuo, genus tamen non potest conservari in una specie.*

*Sect. 1.* Quod genus latius sit suâ specie, & species individuo, ac proinde quod genus de pluribus prædicetur quàm species, & species de pluribus quàm individuum, ex utriusque definitione sequitur, & ab Aristotele docetur, lib. 4. *Top. c. 1.* Quod verò species conservari possit in uno individuo, cum tamen genus non possit conservari in una specie, ejus rei causa est, quod species *κατ' ἐξῆς* perfectior sit genere, cum tamen individuum non sit *κατ' ἐξῆς* perfectius suâ specie. Nam species includit genus suum, & præter genus, differentiam essentialem: at individuum nullam habet essentialem differentiam speciei additam, sed species essentialiam ejus abolvit; tantum opus est accidentibus, quibus ab aliis individuis ejusdem speciei discernatur. Cum ergo species constituatur à genere & à differentia essentiali, cumque omnis differentia requirat multitudinem, sequitur unam speciem non sufficere ad ponendum genus. Individua verò non habent essentialen differentiam quâ discernantur inter se, (totâ enim essentiâ conveniunt) ac proinde non requiruntur plura individua ad constituendam speciem.

## CAP. XII.

## De differentia.

## THEOREMA I.

**D**ifferentia est, quâ res à re differt.

II. *Estque vel accidentalis, vel essentialis.*

III. *Differentia accidentalis est, quâ res differunt accidentibus, vel ab aliis rebus, vel etiam à seipsis.*

IV. *Differentia essentialis est, quæ addita generi speciem constituit, eamque ab aliis speciebus essentialiter distinguit.*

## COMMENTARIUS.

*Sect. 1.* Differentia (Græcè διαφορά) Porphyrio triplex; communiter, propriè, & propriissimè dicta. Differentia communiter dicta est, cum res differt accidente separabili: vel ab alia re; veluti cum dicimus alium ab alio differre, quod hic sedeat, ille stet; hic taceat, ille loquatur; vel à seipsis; sic Hector visus est Æneæ, cum in somnis apparuit, differre ab illo Helio, qui redit exuvias indutus Achilli. Differentia propriè dicta est, quum res à re differt accidente inseparabili, aut proprietate; ut, corvus ab colore, quod hic albus sit, ille niger. Utraque est differentia accidentalis. Differentia propriissimè dicta Porphyrio est eadem, quæ nobis differentia essentialis; veluti cum homo, quod ratione præditus sit, differre dicitur à brutis animalibus.

2. Omnis differentia, inquit Porphyrius, alicui adjecta *ἰν' ἑσῶ* ποιεῖ. Ac differentiarum quidem accidentales ποιοῦσι ἀλλοίωσι essentiales, ἀλλοίωσι hoc est, Omnes differentie efficiunt, ut res quocunque modo diverse sint; accidentales, ut dissimiles, aliterve affectæ sint: essentiales, ut aliæ sint: unde εἰδωτοί, id est, specificæ dicuntur.

V. Differentiæ essentialis munera duo sunt, genus dividere, & speciem constituere.

Señt. 1. Quatenus genus dividit, vocatur differentia διαποικίλη, divisiva: quatenus speciem constituit, vocatur συστεικτική constitutiva, vel etiam συμπληροτική completiva, quia definitionem speciei complet, cum generi conjungitur. Differentia ergo divisiva & constitutiva, non sunt duæ diversæ differentie, sed ejusdem differentie diversa munera. Summa genera non habent differentiam constitutivam, quia sunt primò atque immediatè diversa & species infimæ non habent differentiam divisivam, quia individua tota essentiâ conveniunt. Ceterùm accidentales differentie pertinent ad sequentia prædicabilia: sola differentia essentialis hujus loci est, atque sic definitur:

VI. Differentia est, quæ de pluribus, vel numero vel specie differentibus, essentialiter prædicatur, in questione quâ queritur qualis sit res.

Señt. 1. Differentie infimarum specierum prædicantur de pluribus numero differentibus; ut rationale de Platone, Socrate, &c. differentie specierum subalternatarum, de pluribus specie differentibus; ut, sensu præditum esse de homine & bestia. Differentia dicitur prædicari in questione quâ queritur qualis sit res, quia est qualitas quædam generis. Genus enim, cum suâ naturâ indeterminatum sit, determinatur, & ut ita dicam, qualificatur à differentia. Quærenti enim, Quale animal est homo? appositè responderetur, Rationale. Differentia dicitur prædicari essentialiter, quia ponitur in definitione speciei de qua ea prædicatur synonymas, id est, nomine & definitione. Hac in re distinguitur differentia à proprio & accidente.

2. Porphyrius cap. 3. Isag. definit differentiam his verbis, Διαποικίλη ὅτι τὸ πλῆθος, καὶ διασφεινὴν τὸ εἶδος ἐν τῷ ὁποίῳ τὸ ὅτι, κατὰ ποικίλιν. hoc est, Differentia est, quæ de pluribus, & specie differentibus prædicatur in questione quâ queritur qualis res sit. Sed, cum hæc definitio etiam proprio & accidenti aptari possit, ait ipse definitioni addendum esse, ὅτι εἰς τὸ εἶδος συµβάλλει, καὶ εἰς τὸ πλῆθος, καὶ ὅτι τὸ ποικίλον ὅτι καὶ εἶδος hoc est, Quod ad essentiam confert & ad definitionem, quodque rei pars est, aut aliquid tale. Verùm ne sic quidem legitima erit definitio: quia non convenit differentiis infimarum specierum, quæ de multis numero, non specie differentibus, prædicantur. Quare non videtur Porphyrius infimarum specierum differentias agnovisse simplices. Semper enim duas differentias subalternatarum specierum conjungit, ad efficiendam unam differentiam speciei infimæ. Sic ait rationale mortale esse differentiam hominis.

VII. Differentia posterior est genere, & prior specie.

Señt. 1. Hoc præceptum traditur lib. 6. Top. cap. 6. Ejus verò ratio est manifesta. Differentia enim dividit atque determinat ge-

nus, & specē constituit. Ideoq; alicui est in specie, & in genere potētia.

VIII. *Differentia debet esse affirmata sive positiva.*

Señ. 1. Hic canon extat eodem loco: qui tamen de re potius quam de vocibus accipiendus est. Sæpe enim fit ob vocabulorum penuriam, ut negatā voce differentia positiva atque affirmata exprimitur; veluti, cum irrationale dicitur esse differentia bestię. In nonnullis tamen differentiis assignandis utendum est negatione; ut in privativis.

IX. *Omnis differentia differentię opposita est, cum qua de genere dicitur disjunctim.*

Señ. 1. Hic canon extat ibidem. Sic *rationale* & *irrationale* sunt oppositę differentię animalis, deque animali disjunctim affirmantur. Nam animal vel rationale est vel irrationale.

X. *Differentia non prædicatur de genere, neque genus de differentia.*

Señ. 1. Hoc præceptum traditur ibidem: estque intelligendum de differentia in abstractio. Non enim dicimus, *Animal est rationalis*, aut *Rationalitas est animal*. Hujus rei ratio est, quod differentia non participet genus, lib. 4. Top. c. 2.

XI. *Omnis differentia infert proprium genus: ideoque, quę generi differunt, ea differentias diversas habere necesse est.*

Señ. 1. Hęc præcipiuntur cap. 3. de Categ. & lib. 6. Top. cap. 6. Ratio præcepti hæc est: Differentia reciprocatur cum specie: quare, sicut eadem species non potest esse sub diversis generibus, ita quęque neque differentia. Si ergo eadem differentia reperiatur in diversis generibus, necesse est, aut homonymiam esse in voce, aut differentiam non esse essentialē.

## C A P. XII.

### De Proprio & Accidente.

#### THEOREMA I.

Ἰδιόν ὅτιν, ὃ μὴ δηλοῖ μὴ τὸ τί ἐστίν, μόνον ὃ ὑπάρχει, καὶ ἀντικαταρτίζεται. h. e. *Proprium est, quod non declarat quid res sit, & tamen soli inest, & cum ea reciprocatur.*

#### COMMENTARIUS.

Señ. 1. *Proprium* Porphyrio dicitur quatuor modis: primò, quod convenit soli alicui speciei, sed non omnibus illius individuis; sic homini convenit *esse musicum*. Secundò, quod convenit omnibus individuis alicujus speciei, sed non solis; sic convenit homini *esse bipedem*. Tertio, quod convenit soli alicui speciei, & omnibus illius individuis, sed non semper; sic convenit homini *videre*. Quartò, quod convenit soli alicui speciei, omnibusque illius individuis, & semper; sic convenit homini *visibilem esse*.

2. Proprium quarto modo, ait Porphyrius esse *οὐκ ἔστιν ἴδιον*, id est, propriè proprium: Aristoteles *ἀπλῶς ἴδιον*, h. e. simpliciter & absolute proprium, vocat. Nam reliqua ait esse propria *καθ' ἑν*, aut *καθ' ἑν* *ἰν ἑν*, id est, respectu alterius, aut *πρὸς τὸν*, id est, proprium pro tempore. Nam tres priores modi propriorum accidentia sunt, & ad quintum prædicabile spectant.

3. Definitio proprii posita est l. 1. Top. c. 5. *Proprium*, ait, non declarat quid res sit, hoc est, non continetur in essentia rei, sed essentiam illius sequitur. Reciprocatur cum eo cui soli inest, hoc est, cum primo ac proximo subiecto, non cum iis quæ sub proximo subiecto continentur. Etenim propria alia generum sunt, alia specierum. Propria generum cum generibus, non cum speciebus; & propria specierum, cum speciebus, non cum individuis; conferri ac reciprocari debent. Sic quantum esse reciprocatur cum corpore naturali, non cum cælo, elemento, aut lapide. Et risibilitas reciprocatur cum homine, non cum Socrate aut Platone. Cum proprium generis de specie prædicatur, veluti cum cælum dicitur quantum, aut proprium speciei de individuo, veluti cum Plato dicitur risibilis; prædicatio non est quidem accidentis de subiecto, sed neque proprii. Nam numerus prædicabilium oritur ex comparatione prædicati cum proximo subiecto. Quæ enim cum remoto subiecto comparantur, non sunt hujus loci, ut supra diximus.

II. Propria vel manant ab essentia subiecti, vel à causa externa.

Señ. 1. Propria vel immediatè manant ab essentia subiecti; sic manat risibilitas ab anima rationali, quatenus ab essentia corporis naturalis: vel mediâ aliâ proprietate; sic in loco esse manat ab essentia corporis, mediâ quantitate. At eclipsis, quæ est proprietas lunæ, non manat à lunæ essentia, sed à causa externa, nempe à terra inter solem & lunam interposita. Hæc non absolute propria sunt, sed tantum ex hypothesi externæ causæ: quâ tamen positâ, necessariò insunt subiecto suo.

III. Propria, quæ manant ab essentia subiecti, ita necessariò subiecto suo insunt, ut nè cogitatione quidem possint ab illo separari.

Señ. 1. Proprium, inquit Aristoteles lib. 5. Top. cap. 4. *ἢ δὲ ἀνάγκη αὖτις, ὡς ἀνάγκη*, hoc est, necessariò semper inest. Hæc necessitas tanta est, ut contradictoria dicat, qui proprium dicit abesse à subiecto suo. Qui enim dicit, corpus non esse quantum, aut ignem non esse calidum; tantundem dicit, ac si diceret, corpus non esse corpus, aut ignem non esse ignem.

IV. Propria non possunt communicari subiectis specie diversis.

Señ. 1. Nemo propriam appellat, inquit Aristoteles, lib. 1. Top. c. 5. *ὅτι οὐδὲ χόρῳ ἄλλοι ὡς ἀνάγκη*, hoc est, id quod potest alii inesse. Etenim, cum propria manent ab essentia subiecti; si propria communicarentur, etiam essentiam communicari necesse foret. Quare, si equo communicaretur risibilitas, equus esset homo; si quantitas communicaretur spiritui, spiritus esset corpus; si ubique esse communicaretur creaturæ, creatura esset Deus.



V. *Ut se habent propria, quæ ab essentia subjecti manant, ad substantiam suam absolutè; ita se habens propria, quæ manant ab exteriori causa, ad subjectum, posita illa causâ.*

*Señt. 1.* Sic quamvis luna non semper eclipsin patiatur; posita tamen inter lunam & solem terrâ, tam necessarium est lunam eclipsi pati, quàm necessariū est corpus esse quantum, aut ignem esse calidum.

VI. *Συμβεβηκός ἐστι τὸ ἐκδιδόναι ὑποκείμενον ὁ τῶν ἐν αὐτῷ, καὶ ὑποκείμενον hoc est, Accidens est, quod cuius uni eidemque inesse potest, & non inesse.*

VII. Vel sic; *Accidens est, τὸ ἄλλο καὶ ἀποσπαστὸν ἑαυτοῦ τῷ αὐτῷ καὶ ὁμοῦ καὶ ἄλλοις hoc est, quod adest & abest, sine subjecti interitu.*

*Señt. 1.* Prior definitio extat lib. 1. Top. cap. 5. altera in Porphyrii Isag. cap. 5. Quod adest & abest, id est, quod potest adesse & abesse non quidem simul, sed diverſo tempore, sine subjecti interitu, hoc est sine contradictione: contradictionis enim pars altera alteram destruit. Sensus ergo traditæ definitionis hic est: Accidens est, quod sine contradictione de subjecto suo vel affirmari vel negari potest.

VIII. *Accidens aliud est separabile, aliud inseparabile.*

IX. *Accidens separabile est, quod revera separari potest à subjecto ut stare, sedere.*

X. *Inseparabile est, quod revera separari nequit à subjecto; ut, nigror in corvo.*

*Señt. 1.* Omnia accidentia à subjecto separari possunt cogitatione non implicante contradictionem: atque hætenus sunt accidentia; in eoque à propriis distinguuntur, quæ nè cogitatione quidem separari possunt citra contradictionem. Qui enim cogitat corvum non esse nigrum, ut falsum cogitet, non tamen cogitat corvum non esse corvum, aut illud ex quo sequatur corvum non esse corvum. At qui concipit ignem non esse calidum, illud concipit ex quo sequitur, ignem non esse ignem.

2. Accidens ergò separabile dicitur, quod revera separari potest, & non solâ cogitatione; sive, sine quo subjectum naturaliter existere potest: inseparabile, sine quo non potest subjectum naturaliter existere. Nam Deus etiam inseparabilia accidentia separare potest à subjecto: quia potest omnia efficere, quæ se mutuò non evectunt, sive, quæ non implicant contradictionem,

## C A P. XIV.

### De Toto & Parte.

#### THEOREMA I.

**T**otum est, quod constat plurium rerum unione.

II. *Res istæ quæ unitæ totum constituunt, dicuntur partes.*

C O M.

## COMMENTARIUS.

*Seft. 1.* In toto ergò partes sunt, & unio partium, Quare, cùm Deus dicitur esse totus ubique, aut cùm anima humana dicitur esse tota in toto, & tota in qualibet parte corporis, vocabulum totius improprie sumitur, & ut vulgò loquuntur, Negativè, Nam Deum ubique totum esse, nihil aliud significat quàm Deum non esse ubique per partes, sed modo quodam indivisibili. Similiter, animam esse totam in toto, & totam in qualibet parte corporis, nihil aliud est quàm animam non esse in corpore per partes, sic ut partes animæ respondent partibus corporis.

*III. Totum reipsa non differt à partibus suis simul sumptis, & unitis*

*Seft. 1.* Totum haud dubiè differt à partibus singulis; nam aliud est homo, aliud corpus aut anima. Differt etiam à partibus omnibus simul sumptis quidem, sed non unitis; nam substantia corporea diversa est à materia & forma, ut traditur *lib. 2. de An cap. 2. & lib. 7. Metaph. cap. 3.* Et syllaba non est idem quod literæ ex quibus constat, ut patet ex *lib. 6. Metaph. cap. 17.* Quineriam totum dicitur generari, corrumpi, &c. quæ de partibus dièi nequeunt: & partes dicuntur constituere totum; at totum non constituit seipsum. Verùm si omnes partes simul considerentur & unitæ, omnino idem sunt quod totum: Nihil enim fingi potest in toto, quod non sit in partibus unitis; nihilque in partibus unitis, quod non sit in toto.

*IV. Partes naturæ priores sunt toto, & notiores simpliciter: at totam nobis notius est.*

*Seft. 1.* Quod natura prius est, simpliciter notius est, hoc est, prius apprehenditur cognitione distinctâ ac perfectâ. Perfecta enim cognitio sequitur ordinem naturæ. Quod naturæ posterius est, nobis notius est, hoc est, prius apprehenditur notione imperfectâ atq; confusâ. Cognitio enim intellectus nostri primùm confusa est, quia originem ducit à sensibus. Partes ergò simpliciter notiores sunt toto: totum nobis notius est suis partibus, ut colligitur ex *lib. 1. Phys. cap. 1.*

*V. Totum aliud est per se, aliud per accidens.*

*VI. Totum per se est, cui partes per se insunt.*

*VII. Totum per accidens, cui partes insunt per accidens.*

*Seft. 1.* Partes dicuntur per se inesse, cùm aut ipsum totum partibus essentialiter est, aut cùm partes pertinent ad essentialiam, vel saltem ad integritatem totius; per accidens, cùm contrà est. Ex. gr. animal est totum respectu hominis & bestiarum, quia utrique essentialiter est. Est etiam totum per se respectu corporis & animæ, quia ex corpore & anima componitur. At cùm homines dividuntur in liberos & servos, homo est totum per accidens; quia servum aut liberum esse, non convenit homini per se, sed per accidens, ac ratione conditionis suæ quam habet in civitate.

*VIII. Totum per se est quadruplex: aliud enim est totum universale, sive*

sive Logicum; aliud formale, sive Metaphysicum; aliud essentiale, sive Physicum; aliud denique integrale, sive Mathematicum.

IX. Totum universale nihil aliud est quam genus respectu specierum aut species respectu individuorum.

Señ. 1. Universale (inquit Aristoteles lib. 1. Phys. cap. 1.) totum quoddam est; quippe multa complectitur, ut partes. Sic animal, ut diximus, est totum respectu hominis & bestiarum; homo, respectu Socratis & Platonis, cæterorumque hominum. Et quia universale subiectum species & individua non actu continet, sed potentia; factum est, ut hoc totum dictum sit totum potentiale, cum cæteræ species totius dicantur totum actuale, quia partes suas actu continent. Dicitur etiam totum Logicum, quia Logicæ munus est de universis disputare.

X. Totum formale nihil aliud est quam species respectu generis & differentiarum quibus definitur.

Señ. 1. Sic homo est totum, ejusque partes sunt animal & rationale. Hæ partes distinguuntur solâ ratione: ideoque compositio ex genere & differentia, non est vera compositio; sed compositio rationis, hoc est, compositio talis, quâ mens unam rem duabus notionibus intelligit, quarum una alteram determinat. Hoc totum solet appellari totum Metaphysicum, quia Metaphysica versatur circa ea ferè quæ non tam re ipsa, quam ratione diversa sunt. Unde & partes quoque illius dicuntur partes formales, quasi dicas, quæ solâ ratione, quam formalitatem vocant, distinguuntur.

XI. Totum essentiale est, quod constat materiâ & formâ

Señ. 1. Huc pertinent primò ac præcipuè substantiæ corporeæ. Deinde, per similitudinem huc referuntur accidentia in concreto; ut, justum, album, &c. in quibus subiectum est instar materiæ, & accedens in abstracto instar formæ. In hoc numero sunt opera arte facta. Præterea, hujus loci sunt omnia in quibus distinguitur materiale & formale, sive in quibus est aliquid quod materiæ, & aliud quod formæ analogum est. Sic disciplinarum materia, sunt præcepta; forma, est methodus: interpretationis materia, est vox; forma, significatio. Hoc totum solet appellari Physicum, quia Physicus sibi vendicat earum rerum considerationem quæ materiâ & formâ constant: vulgò vocatur totum essentiale.

XII. Totum integrale est, quod habet partem extra partem.

Señ. 1. Partes essentielles re ipsa quidem differunt: (nam aliud est materia, aliud forma) sed una pars non est extra aliam. Forma enim permeat materiam, omnesque illius partes informat. At partes integrantes, quia singulæ suâ præditæ sunt quantitate, non solum re ipsa differunt, sed & si ut aut saltem ordine diversæ sunt, ita ut nulla in alia contineatur. Hoc enim est habere partem extra partem. Ex. gr. partes humani corporis sunt caput, thorax, venter, artus, quarum nulla aliam continet. Sic numeri partes diversæ sunt, & una in alia non continetur. Hoc totum nuncupatur Mathematicum, quia quantitas Mathematicæ considerationis est: vulgò totum integrale, rectius integratum.

XIII. To-

XIII. Totum integratum vel est continuum, vel discretum.

XIV. Virumque dividitur in *isomorphis* & *anisomorphis*, hoc est, homogeneum & heterogeneum, sive simile & dissimile.

XV. Totum homogeneum est, quod habet partes ejusdem nominis ac naturæ.

XVI. Totum heterogeneum, quod habet partes diversi nominis ac naturæ.

Señ. 1. Distributio totius integralis in simile & dissimile extat lib. 1. hist. An. cap. 1. lib. 2. de part. An. cap. 1. & lib. 1. de gen. Anim. cap. 1. Ex. gr. substantiæ inanimæ, ut, aqua, vinum, caro, item magnitudo, motus, & tempus, sunt totum homogeneum continuum. Substantiarum animatarum corpora sunt totum heterogeneum continuum. Numeri, ut ternio, decas, sunt totum homogeneum discretum: exercitus, ecclesia, mundus, &c. totum heterogeneum discretum.

XVII. Pars heterogenea, vel est principalis, vel minus principalis.

XVIII. Pars principalis dicitur, quæ ablata, totum interit.

XIX. Pars minus principalis est, quæ ablata, totum non interit quidem, sed mutilatur.

Señ. 1. Ex. gr. caput, cerebrum, cor, hepar, sunt partes principales hominis; quia, his ablatis, necesse est hominem interire: pes, manus, auris, &c. sunt partes minus principales; quia, his ablatis, non necesse est hominem interire.

XX. Totum per accidens dicitur quatuor potissimum modis. 1. Causa diversorum effectuum. 2. Effectum diversarum causarum. 3. Subiectum diversorum adjunctorum. 4. Adjunctum diversorum subiectorum.

Señ. 1. Causa diversorum effectuum, Sic planta dici potest totum; quia plantarum aliæ calefaciunt, aliæ frigefaciunt, aliæ siccant, aliæ humectant. Effectum diversarum causarum vel efficientium; ut mures, quorum alii a sole, alii à muribus dicuntur gigni: vel finalium; ut supellex, quæ vel ad ornatum vel ad necessitatem est: vel materialium; ut statux, quarum aliæ ex marmore, aliæ ex ære, &c. Causæ formales constituunt diversas species, ac proinde pertinent ad totum per se: ut & causæ efficientes aut finales accidentium propriarum simpliciter proximæ. Subiectum diversorum adjunctorum) ut homines, quorum alii servi sunt, alii liberi; alii boni, alii mali. Adjunctum diversorum subiectorum) ut morbi, quorum alii sunt animi, alii corporis: & morbi corporis, vel sunt cerebri, vel oculorum, vel pulmonum. In accidentibus propriis subiectum constituit diversas species, sicut forma in substantiis.

## CAP. XV.

## De Causa &amp; Causato in genere.

## THEOREMA I.

**C**ausa est, cujus vi res est.

## COMMENTARIUS.

**SECT. 1.** Ἀρχή, στοιχείον, αἰτία, hoc est, principium, elementum, causa, sunt voces cognatae significationis. Principium vel late sumitur, vel stricté. Principium late sumptum definitur, lib. 4. *Metaph.* cap. 1. πρῶτον ὅθεν ἢ ὅθεν, ἢ γίνεται, ἢ γινώσκεται, hoc est, primum unde aliquid est, fit, aut cognoscitur. Vox principii strictius sumitur lib. 1. *Phys.* cap. 3. cum definiuntur principia, ἀμὴν ἐξ ἀλλήλων ὅτι, μὴτε ἐξ ἄλλων, καὶ ἐξ ὧν πάντα, hoc est, quæ neque ex se invicem sunt, neque ex aliis, & ex quibus sunt omnia. Hoc sensu tria tantum numerantur principia, materia, forma & privatio. Elementi definitio extat lib. 4. *Metaph.* cap. 3. eaque sic se habet: Στοιχείον λέγεται, ἐξ ὧν οὐ γίνεται πρῶτον ἐκ τούτων ἀδιαιρέτου τῆς εἰς εἰς ἑταροῦ ἐξ ὧν hoc est, Elementum est id ex quo primo aliquid componitur, cui inest, & quod sui specie indivisibile est in aliam speciem.

2. Generalis causæ definitio non extat apud Aristotelem; quare restitui definitionem receptam. Causa dicitur cujus vi res est, hoc est, quæ aliquid confert ad rei existentiam. Itaque privatio, etsi inter principia numeretur, causa dici non potest, quia nihil confert ad rei existentiam, sed tantum ad mutationem.

II. Causatum est, quod à causis suis constituitur.

**SECT. 1.** Quod Græci αἰτιατὸν dicunt, id Scholastici causatum appellarunt. Et quamquam causare, causatum, causalitas, non sint voces eâ significatione Latinæ, quæ hoc loco à Philosophis usurpantur; id tamen in causarum doctrinâ necessariæ sunt, ut iis abstinere non possit.

III. Causa causato suo prior est naturâ & cognitione.

**SECT. 1.** Naturâ prior, quia causatum pendet à causa. Prior cognitio, id est; notior, nimirum simpliciter, & quoad cognitionem distinctam, quæ sequitur ordinem naturæ. Nam nobis causatum notius est, quia sensibus vicinius: à sensibus enim omnem cognitionem haurire debemus.

IV. Causæ sunt quatuor, materia, forma, efficiens & finis.

**SECT. 1.** Hæc partitiō extat lib. 2. *Post.* cap. 11. lib. 2. *Phys.* cap. 3. lib. 1. *Metaph.* cap. 3. & lib. 4. cap. 2. eaque optimâ ratione nititur. Quicquid enim fit, ab alio fit: nihil enim fit à seipso: Datur ergo causa efficiens. Nulla res finita potest aliquid ex nihilo producere: Ergo datur materia ex qua res fiunt, & forma, quæ in materiam introducit, cum res aliquæ generantur. Denique nihil agit temere:

Ergo

ergo datur finis, cujus gratia causa efficiens agit. Exemplar quod Plato quintam causam vocabat, refertur debet ad causam efficientem minus principalem. Est enim aut instrumentum causae principalis, aut causa progumena sive disponens.

V. *Causatum materiae aut formae, dicitur compositum; efficientis effectum; finis medium, sive destinatum. Atque haec non reipsa, sed ratione discrepant.*

Seft. 1. Nam cum ad causati constitutionem quatuor causae concurrant (ut sic in rebus corporeis) non debet mirum videri, si una eademque res dicatur compositum, effectum, & medium, prout cum diversis causis comparatur.

VI. *Causae suis muneribus sive causalitatibus illae distinctae sunt, ut una alterius causalitatem exercere, aut defectum supplere propria causalitate non possit.*

Seft. 1. Hoc est, efficiens suam efficientiam non potest praestare munus formae, sive non potest informare materiam eo modo quo forma: etsi possit formam efficere quae materiam informat. Non potest etiam efficiens suam efficientiam praestare vicem materiae, hoc est, non potest recipere ac sustinere formam. Et si forte efficiens formam aliquam recipiat, haec non est efficiens, sed subiectum sive materia.

VII. *In unoquoque genere est quaedam causarum subordinatio.*

VIII. *Causae subordinatae sunt, quarum una pendet ab altera.*

Seft. 1. Nimirum vel quoad existentiam; sic pendet filius a patre, pater ab avo: vel quoad causalitatem; sic pendet calamus a manu in scribendo: vel quoad utramque; sic pendet causae secundae a prima, sive creaturae a Deo creatore.

IX. *Causae vel essentialiter subordinatae sunt, vel accidentaliter.*

X. *Causae essentialiter subordinatae sunt, quarum una pendet ab altera, quando & quatenus causat.*

XI. *Per accidens subordinatae sunt, quarum una quidem ab altera pendet, sed non quando, aut non quatenus causat.*

Seft. 1. Causa dicitur bifariam alteri per accidens subordinari: primo, cum a superiore causa pendet quidem, sed non quando causat: quod fit, cum ab ea pendet quoad solam existentiam, & non quoad causalitatem. Hoc modo dicitur pater subordinari majoribus suis in generatione filii, & quolibet causa propinqua, causis remotioribus. Secundo, cum etiam quando causat, sive quoad causalitatem a superiore causa pendet, sed non quatenus causat, sive non eo modo quo causat. Hoc modo subordinatur statuarius caelo in efficienda statua. Nam quia statuarius virtute caeli indiget ad operandum, dici potest a caelo pendere quoad causalitatem suam. Sed quia non pendet a caelo, quatenus facit statuam, sed quatenus vivit; dicitur a caelo per accidens pendere, etque per accidens subordinari in efficienda statua. Similiter, cum equus ab equifone impulsus, laeso crure, claudicat; crus laesum est causa claudicationis, equifoni subordinata per accidens: Crus enim, sive equus impellitur ab equifone ad motum, non ad motum vitiosum. Haec duplex subordinatio non solum in causa effi-

efficiente, sed etiam in finibus spectatur, ut dicemus cap. 18. theor. 1. sect. 3. in materia & forma non item.

XII. *In causarum subordinatione non datur progressus in infinitum.*  
 Sect. 1. Hoc præceptum extat lib. 1. Met. min. cap. 2. Nam infinitudo adversatur ordini, quia non habet primum, medium, ultimum: at subordinatio est ordo quidam. Deinde, infinita transiri nequeunt, ut dicitur lib. 1. Post. cap. 3. Quare tolleretur ratio & officium causarum, tolleretur scientia, quæ ex causis est, si causarum subordinatio esset infinita.

XIII. *In ejusmodi subordinatione datur una causa proxima; cæteræ remotæ sunt.*

XIV. *Causa proxima est, quæ immediatè causatum constituit.*

XV. *Causa remotæ, quæ concurrunt ad constituendum causatum mediâ aliâ causâ sui generis.*

Sect. 1. Causa proxima duobus modis dicitur, nempe vel in suo genere, vel absolutè. Causa absolutè proxima dicitur, quæ non solum immediatè, sed & suâ existentia causatum constituit; atque adeo quâ positâ, necesse est causatum poni. Causam proximam in suo genere jam definivimus, eamq; diximus immediatè, hoc est, non interveniente aliâ sui ordinis, concurrere ad causatum constituendum. Unus habere potest plures causas in suo genere proximas, sed unam tantum quæ sit absolutè proxima: quæ in substantiis est forma; in accidentibus, efficiens & finis. Sic cum homini proxima materia sit corpus humanum; efficiens proxima, pater; finis proximus, bene esse forma proxima, anima rationalis: sola tamen anima rationale est causa absolutè proxima.

XVI. *Denique in unoquoque genere sunt quædam causæ totales, quædam partiales.*

XVII. *Causa totalis est, quæ sola in sua specie totum causatum causat.*

XVIII. *Causa partialis est, quæ cum aliis causis suæ speciei junctâ causatum ex parte tantum causat.*

Sect. 1. In unoquoque genere sunt plures causarum species: atque etiam vel subordinatæ, ut causa prima & secunda, proxima & remotæ, principalis & instrumentalis; vel coordinatæ quarum una non pendet ab alia. Causa totalis dicitur sola causarum constituere, quia non juvatur ab aliis causis suæ speciei. Ex. gr. scriptio pendet à calamo & à manu, sed ab utraque, ut à causa totali: Nam calamus est totale instrumentum; manus, totalis causa principalis. Similiter, cum Deus, sol, & homo dicuntur hominem generare, unaquæque earum causarum totalis est: Deus est totalis causa prima; sol sive cælum, totalis causa universalis; homo, totalis causa secunda & particularis. At cum duo equi trahunt plaustrum, sunt causæ partiales: quia sunt ejusdem speciei.

XIX. *Unius rei non possunt esse plures causæ totales ejusdem speciei, sed possunt esse plures, si specie differant, & subordinatæ sint.*

Sect. 1. Si plures causæ non subordinatæ concurrant ad idem causatum, necessariò debent esse partiales: nam causa totalis causat totam rem;



rem: Quare, si sint plures causæ totales, aut cæteræ nihil causant, & sic non sunt causæ; vel agunt quod jam actum est. Si causæ specie differentes subordinatæ sint, fieri potest, ut idem causatum pendeat à pluribus causis totalibus: sic tota scriptio pendet à calamo & à manu; totus homo à Deo, à sole, & à parentibus.

## CAP. II.

## De materia &amp; forma.

## THEOREMA I.

**E**X quatuor causis duæ sunt interna, materia & forma; & totidem externa, efficiens & finis.

II. Cause internæ dicuntur, quæ causati essentiam ingrediuntur, ut partes.

## COMMENTARIUS.

SECT. 1. Etsi forma longè nobilior sit quàm materia, & plus conferat ad constituendum causatum; non est tamen dubitandum, quin etiam materia sit pars essentia, & non vehiculum solum, aut receptaculum.

III. Materia, Græcè ὕλη, definitur, τὸ ἐξ ἧς γίνεται τὸ ἐνυπάρχοντος, hoc est, id ex quo inexistente fit aliquid.

SECT. 1. Hæc definitio extat lib. 2. Phys. cap. 3. & lib. 4. Metaph. cap. 2. Potest autem materia plenius & explicatius definiri hoc modo; Materia est causa interna, ex qua aliquid fit, aut constat. Cur addam constat, ex Theor. 9. satis intelligetur. Materia definitur etiam lib. 2. Post. cap. 11. sed obscurius, τὸ τινῶν ὄντων ἀνδρῶν καὶ τῶν ζῴων ἢ id est, quod quibusdam positis necesse est esse.

2. Cæterum materia vulgò dividitur in materiam ex qua, in qua, & circa quam. Materia ex qua, est materia propriè dicta, quam jam definivimus; materia in qua, est subiectum; materia circa quam, obiectum: de quibus suo loco.

IV. Materie munera duo sunt, formas suscipere easque sustinere, & cum forma compositum constituere.

SECT. 1. Cùm materia prius munus exequitur, dicitur causare ipsas formas: cùm alterum munus exercet, dicitur causare compositum.

V. Materia vel est prima vel secunda.

VI. Materia prima est materia informis.

VII. Materia secunda est materia formata.

SECT. 1. Etsi nulla materia existat sine forma; quia tamen materia non est omnino nihil, nec idem quod forma, quidni intelligi possit per se, non intellectu formā? Et hæc est materia prima, quam Aristoteles lib. 1. Phys. c. 9. definit hoc modo: Ἀόρα ὃ ὕλην τὸ πρῶτον ὑποκείμενον ἡμέτερον, ἢ ἐξ ἧς γίνεται τὸ ἐνυπάρχοντος καὶ τὸ συμβαλλόν.

ἡ πρώτη ὁρίζεται τῇ ἐξ ὅτου ἀφίσταται ἰσότητι hoc est, *Materiam primam subiectum, ex quo fit aliquid, eo pacto, ut non per accidens fit, & si corrumpatur, in hoc ultimum resolveretur.* Neque verò putandum est, materiam primam & secundam esse duas diversas materias: imò una eademque materia prima dicitur, & secunda, prout aliter atque aliter consideratur.

VIII. Præterea, materia vel est corporum naturalium, vel artificialium.

Señ. 1. Ex.gr. elementa sunt materia mistorum; semen, viventium; aurum aut argentum, materia poculi; lignum, scamni.

IX. Atque utraque vel compositionis, vel generationis.

X. Materia compositionis est, ex qua res constat.

XI. Materia generationis, ex qua fit.

Señ. 1. Ex.gr. corpus est materia compositionis in animali; semen, materia generationis. In rebus ab arte profectis, eadem serè est materia generationis & compositionis; sicut & in meteoris. Nam scamnum fit, & constat ex ligno; nubes, ex vapore; glacies, ex aqua. Cum materia generationis & compositionis diversæ sunt, illa dicitur materia remota, hæc proxima.

2. Dividit etiam Aristoteles, lib. 8. Met. cap. 6. materiam in *ἡ πρώτη ὁρίζεται τῇ ἐξ ὅτου ἀφίσταται*, hoc est, *intelligibilem & sensibilem*: Materia intelligibilis est, cum in accidentibus aliisve rebus simplicibus mens distinguit materiale & formale. Sic literæ dicuntur materia dictionum; dictiones, orationis; sic præcepta sunt materia disciplinarum; methodus, forma. Hoc pacto distinguitur materiale & formale in disciplinarum subiectis. Materiale est res ipsa quæ consideratur; formale, modus considerandi. Sic Physicæ subiectum materiale est corpus naturale; formale, quatenus naturale.

XII. Forma definitur τὸ τί ἦν εἶναι, hoc est, quod explicat quid res sit; vel λόγος τῷ τί ὄντι, hoc est, ratio illius, quo explicatur quid sit res. vel denique λόγος τῷ οὐσίᾳ, hoc est, ratio essentie.

Señ. 1. Forma Græcè μορφή dicitur, vel etiam εἶδος, id est, species, aut παρὰδειγμα, hoc est, exemplar: interdum etiam ἀνάλυσις, id est, interpretè Hermolao Barbaro, *persestibabia*. Tres formæ definitiones, quas tradidimus (quarum prima extat lib. 1. Post. cap. 11. secundæ, lib. 2. Phys. 3. & lib. 4. Metaph. cap. 2. tertiæ, lib. 1. de gen. Anim. cap. 1.) sententiæ conveniunt, & huc redeunt, ut forma sit causa interna, per quam res est id quod est. Etenim per materiam etiam res est sive existit; sed per formam est id quod est, id est, hujus aut illius speciei. Ex. gr. quod homo existat, tam à materia est, quam à forma: sed quod sit homo potius quam aliud quid, à sola forma est.

XIII. Formæ munera duo sunt: materiam formare, & cum materia compositum constituere.

Señ. 1. Atque hæc munera non tam re quam ratione diversa sunt. Nam cum materia ex se informis & indeterminata formam recipi, determinatur ad certam compositi speciem cum forma constitutendam. Utraque ergo compositum constituit, materia recipiendo for-

formam, & forma determinando sive formando materiam; idque interveniente unione: Sine unione enim formæ cum materia compositum non constituitur.

XIV. Forma quadrifariam dividitur: ac primò, in formam materiale, & immateriale.

XV. Forma materialis est, quæ producitur ex potentia materia, sive, quæ pendet à materia, eo ipso momento atque actu quo fit.

XVI. Forma immaterialis est, quæ non producitur ex potentia materia, sive, quæ eo momento atque actu quo fit, non pendet à materia.

Seç. 1. Produci ex potentia materia, nihil aliud est, quam produci ab efficiente causa in materia, atque ita quidem, ut materia sua causalitate istam actionem promoveat. Hoc modo producuntur formæ materiales: formæ immateriales ab efficiente causa producuntur quidem in materia, sed materiâ istam actionem non promoventē. Atque hoc propriè dicitur *create*. Formæ materiales non solum cum fiunt, sed etiam cum factæ sunt, pendunt à materia; immateriales, neutro modo. Hinc est quòd illæ corruptibiles, hæ incorruptibiles sint. Omnes formæ rerum naturalium sunt materiales, animâ humanâ exceptâ, quæ sola immaterialis est.

XVII. Secundò dividitur forma in substantialem, & accidentalem: quarum illa substantiam constituit, hæc accidens aliquod in concreto.

Seç. 1. Ex.gr. forma substantialis Musici, quæ est homo, est anima rationalis: forma accidentalis, quæ est Musicus, est Musica. Similiter, forma substantialis statuae, est ipsa forma marmoris aut æris: forma accidentalis, quæ est statua, est figura.

XVIII. Formæ substantialis notæ sunt quatuor: 1, Non incurrit in sensu. 2, Non variatur gradibus. 3, Est bonum ac perfectum quiddam. 4, Et principium proprietatum, atque operationum.

Seç. 1. Non incurrit in sensu, nempe per se. Nam ut per accidens sentiatur, nihil vetat. Hinc fit, ut formas substantiales fere ignoremus. Omnis enim nostra cognitio ducit originem à sensu.

2. Non variatur gradibus. Nam quemadmodum numerus, inquit Aristoteles, lib. 8. Metaph. cap. 3. non recipit magis & minus; (additâ enim, aut ablatâ unitate, non est ampliùs idem numerus, sed diversus) ita neque hæc forma, id est, substantia quæ secundum formam est, sive forma substantialis, gradibus augeri aut minui potest.

3. Est bonum ac perfectum quiddam, idèoque appetibile: idque non solum respectu materia, quæ lib. 1. Phys. cap. 9. formam appetere dicitur, sicuti fœmina marem, aut ut deformis pulchritudinem; sed etiam respectu agentis, cui forma finis est, ut dicitur, lib. 2. Phys. cap. 8. & lib. 4. Metaph. cap. 4.

4. Et principium proprietatum. Etenim materia est principium commune, & una eadèmq. potest esse diversarum rerum materia. At proprietates non sunt communes. Non sunt igitur à materia, sed à forma. Præterea, materia est principium patiendi tantum, lib. 2.

de Gen. & Cor. cap. 7. Ex quo sequitur formam esse fontem operationum, non materiam, ac proinde & proprietatum.

XIX. Tertiò dividitur forma in naturalem, & artificialem.

XX. Forma naturalis est, quæ à natura; artificialis, quæ ab arte proficiscitur.

Señ. 1. Ex.gr. anima est forma naturalis viventis. Ceteræ formæ naturales nominibus carent, & nobis ferè ignotæ sunt. Figura est forma artificialis statuæ, quatenus statua res artificialis est, non quatenus est res naturalis, putà marmor, aut æs. Formæ enim artificiales sunt qualitates rerum naturalium, non causæ formales: sunt tamen formales causæ arte factorum, quatenus arte facta sunt: quia arte facta sunt accidentia quædam cum substantiis concreta.

XXI. Quartò denique dividitur forma in principalem, & disponentem.

XXII. Forma principalis est, quæ speciem per se constituit.

XXIII. Forma disponentis est, quæ materiam aptam facit ad recipiendam formam principalem.

Señ. 1. Forma principalis semper est substantialis forma. Forma disponentis vel est accidentalis vel substantialis. Dispositio accidentalis requiritur in omnibus rebus substantialem formam habentibus; substantialis, in animatis tantum. Ex.gr. cum lignum comburitur, calefit primùm atque siccatur, atq; hoc modo redditur aptum ad recipiendam formam ignis. Similiter, cum ex trabe statua fit, debet illa sensum disponi, ac formari in statuæ figuram. At cum ex semine generatur animal, semen non qualitatibus solum, sed etiam suâ substantiali formâ disponitur, aptumque efficitur ad recipiendam animam. Quæ quidem substantialis forma, respectu seminis est principalis forma; at animæ sive animalis respectu, nihil aliud est quam forma disponentis.

2. Dividi potest etiam forma in νοητόν & αἰσθητόν, hoc est, intelligibilem & sensibilem. Sed de hac divisione satis dictum est in doctrina de materia.

3. Nonnulli dividunt formam substantialem in genericam & specificam, sed malè. Nulla enim est forma substantialis, quæ non sit specifica. Nam anima sensitiva non est forma generica hominis, sed forma specifica bestię. Mentis ergò opus est, formam genericam & specificam distinguere; reipsa diversæ non sunt.

4. Nihilo melior est divisio formæ in assistentem & informantem. Nam forma assistens id ipsum est rei cujus esse forma dicitur, quod nauta navi: neq; enim essentiam tribuit, sed motum tantum. Sed nec exemplar causa formalis est, sed instrumentum: ideoque ad causam efficientem referendum.

C A P. XVII.  
De Causa Efficiente.

## THEOREMA I.

**C**ausa externae sunt, quae non ingrediuntur essentiam rei, ut efficiens & finis.

II. Causa efficiens est causa externa, à qua res verà causalitate proficiscitur.

## COMMENTARIUS.

SECT. I. Platoni causa efficiens erat τὸ ὑποκείμενον, hoc est, id à quod res est, ut autor est Plutarchus, lib. 2. de plac. Philos. cap. 11. Hinc petita est definitio vulgaris; Causa efficiens est à qua res est. Sed non videtur ea satis plena, cum etiam fini aptari possit. Etenim res propter finem fit, nihil tamen vetat, quò minus etiam à fine dici possit. Quare addidi definitioni hæc verba, causalitate verà, quibus efficiens à fine distinguitur. Res enim à fine proficiscitur quidem, sed causalitate metaphorica; ut docet Aristoteles, cum lib. 1. de Gen. & Cor. c. 7. ait, finem non esse ποσιν, εἰ μὴ καὶ μεταφωρικῶς, hoc est, non habere veram vim efficiendi, sed tantum metaphorice.

III. Causa efficiens latissimè patet, ejusque variae sunt species, quas omnes contabimur octo divisionibus explicare.

IV. Primò, dividitur causa efficiens in activam, quae effectum causat mediante actione; & in eam à qua res immediatè emanat, ac sine ulla actione proficiscitur.

SECT. I. Interdum fit, ut causa effectum causet mediante aliquà actione; quæ illius causalitas esse dicitur in causando effecto: hujusmodi causam activam appellamus. Interdum fit, ut causa efficiens effectum causet suà existentia, sine ulla causalitate quæ ab illius existentia distincta sit. Hæc à quibusdam vocatur causa emanativa. Quæ vox, etsi repugnante linguæ Latinæ analogiâ conficta sit, usurpanda tamen est hac in re, usquedum commodior suppetit. Ex. gr. ignis est causa emanativa proprii caloris; ac est causa activa caloris in alio. Nam calor proprius ignis existentiam necessariò atque immediatè sequitur: ac ignis in alio non efficit calorem suà existentia sed suà operatione. Ex quibus liquet, causam emanativam minùs quidem propriè efficientem dici, quàm activam: convenientius tamen ad causam efficientem reducitur quàm ad aliud causæ genus. Ad causam emanativam pertinet omnis forma substantialis, respectu proprietatum quæ illam in eadem re consequuntur.

V. Secundo, dividitur causa efficiens in immanentem, & trans-

VI. Causa immanens est, quæ producit effectum in seipsa.

## VII. Transiens, quæ producit effectum extra se.

Señ. 1. Ex. gr. cum faber domum edificat, aut cum quis lapidem projicit, uterque dicitur causa transiens: at cum anima nostra intelligit, aut appetit aliquid, dicitur causa immanens suorum conceptuum, aut effectuum, quos intelligendo & appetendo format. Aristoteles videtur solam causam transeuntem efficientis nomine intellexisse, cum causam efficientem, lib. 2. Phys. c. 3. & lib. 4. Metaph. c. 2. definit, *ὅστις ἐκ ἀπὸ τοῦ μηδὲν ἔσθαι τὸ ἐκείνου, ἢ τὸ ὑπερβαίνειν*, hoc est, unde primum mutationis & quietis principium est: aut l. 2. Post. c. 11. *ἢ πρὸς τὸ ἐκείνου*, h. e. quæ primum movit.

VIII. Causæ transeuntis conditiones duæ sunt: 1, Ut sit conjuncta patienti. 2, Ut sit patienti dissimilis.

Señ. 1. Prima conditio præcipitur lib. 7. Phys. c. 3. altera de Gen. & Cor. c. 7. Causa efficiens dicitur duobus modis conjuncta patienti, nempe vel existentia, (vulgò dicunt supposito) vel virtute. Ex. gr. cum ignis lignum urit, existentia ligno conjungitur; cum affidentes calefacit, non existentia suâ, sed virtute affidentibus conjunctus est.

2. Agens duobus etiam modis dissimile dicitur patienti: vel quoad speciem, vel quoad gradum. Priori modo, calidum frigidus; posteriori modo, quod calidius est, minus calido dissimile dicitur. Quæ neutro modo dissimilia sunt, eorum unum in alterum agere, ut ab eo pati, nullo modo potest.

IX. Tertio, dividitur causa efficiens in liberam & necessariam.

X. Causa libera est, quæ consultò causat.

XI. Necessaria, quæ non consultò, sed necessitate naturæ causat.

Señ. 1. Libertas in genere est facultas faciendi quod lubet. Itaque qui absolute liber est, immunis est à servitute, à lege sibi ab aliis lata, à coactione; & à necessitate naturali. Sed cum voluntas libera dicitur, cumq; causa libera causa necessaria opponitur, libertatis nomine nihil aliud intelligitur, quam immunitas à coactione & à necessitate ac determinatione naturali. Nam qui servus est aut legi alterius subditus, voluntatis suæ libertate fruitur, cum judicat domini sui nutu aut lege vivendum esse sibi: at necessitas naturalis & coactio libertatem evertunt. Cur ergò coacta causa hanc divisione non continetur? quia qui cogitur, ab alio sic impellitur, ut ad effectum nihil ipse conferat; ac proinde inter causas efficientes referri nequit.

2. Necessitas naturalis non ea solum nobis est, quæ res inanimatas agunt, aut plantas; sed etiam illa quæ bruta agunt, aut infantes ante rationis usum. Nam actiones brutorum & infantium eo serè modo proficiuntur ab instinctu naturali, & à sensu, quo plantarum actiones proficiuntur ab ipsa natura. Hoc sensu partes divisionis immediate opponuntur; eaque omnes causarum species continentur.

XII. Causa libera potest agere, & non agere, quicquid, quantum, & quando lubet.

XIII. Causa necessaria ad unum aliquod agendum determinata est, agitque quando, & quantum potest.

Señ. 1.



Señ. 1. Ex gr. ideo liberè quis disputare aut scribere dicitur, quia voluntate sua aut consilio disputat aut scribit: ac proinde quia potest disputare & non disputare, & ceptam disputationem, cum liber, interrumpere, vel aliud aliquid agere eorum quæ dicuntur esse *libere*, id est, in nostra potestate. Ad hæc enim sola se extendit voluntatis libertas, Causæ necessariæ ad unum determinate sunt, hoc est, possunt agere, sed non possunt non agere: & hoc tantum possunt agere quod agunt, & non aliud; & tantum agunt, quantum possunt. Sic ignis non potest non calefacere materiam idoneam, & unamquamque rem tanto calore afficit, ut non possit majore.

XIV. Quæritur, dividitur causa efficiens in causam per se, & causam per accidens.

XV. Causa per se est, quæ quatenus talis est, producit effectum consilio suo, aut propensione naturali conveniens.

XVI. Causa per accidens est, quæ non producit effectum, quæ talis est; aut quæ effectum producit præter consilium, aut naturæ suæ propensionem.

Señ. 1. Ut causa efficiens sit causa per se, duæ conditiones requiruntur: prima est, ut effectum respondeat illius consilio, aut propensioni naturali: consilio, si sit causa libera; propensioni, si sit necessaria. Altera conditio est, ut efficiens effectum producat, quatenus talis est. Si alterutra harum conditionum absit, causa dicitur per accidens. Si prior conditio absit, causa dicitur per accidens, quia eventus aliquis aut effectum per accidens coheret cum eo effecto quod à causa efficiente per se producitur: veluti, cum quis terram fodiens, thesaurum invenit. Etenim terram fodere, est effectum fodientis per se: cum hoc effecto thesauri inventio per accidens, hoc est, præter consilium fodientis, & naturam fossionis conjungitur. Similiter, cum animal monstrum generat, est causa monstri per accidens; quia monstri generatio cum generatione naturali per accidens, & præter naturæ scopum conjungitur. Si posterior conditio absit, causa dicitur per accidens, quia effectum non ascribitur causæ suæ, sed ei quod causæ accidit; veluti cum Polyclethus, aut Musicus, dicitur causa statuar. Neque enim Polyclethus statuam facit, quatenus Polyclethus est, aut Musicus, quatenus Musicus est, sed quatenus est statuaris. Accidit autem statuario, aut Polyclethus sit; aut Musicus. Vide lib. 3. Phys. cap. 2. Cæterum cum prima conditio desideratur, inefficente causa, non per accidens est in effecto; cum altera desideratur, est in ipsa causa.

XVII. Ad causam per accidens revocatur fortuna & casus.

Señ. 1. Nimirum ad primam speciem, quæ per accidens dicitur ratione effecti. Fortuna, Græcè τύχη, definitur ab Aristotele lib. 2. Phys. cap. 5. his verbis, *Ἀπὸ τῆς αἰτίας καὶ συμπεσόντος ἐν τοῖς καὶ προαίρεσιν ὅτι ἐν τῇ αἰτίᾳ καὶ συμπεσόντος ἐν τοῖς καὶ προαίρεσιν ὅτι ἐν τῇ αἰτίᾳ καὶ συμπεσόντος ἐν τοῖς καὶ προαίρεσιν* hoc est, manifestum igitur est, fortunam esse causam per accidens in illa quæ alicujus gratiâ fiunt, consultiōne suscipiuntur. A Themistio in paraphrasi hujus loci fortuna plenius definitur, *Αἰτία καὶ συμπεσόντος ἐν τοῖς καὶ προαίρεσιν ὅτι ἐν τῇ αἰτίᾳ καὶ συμπεσόντος ἐν τοῖς καὶ προαίρεσιν*



αὐτονομίαι, ἀλλ' ἐν τοῖς ἐπ' ἰλαπτόν, καὶ τὰ τῶν γὰ ἐν τοῖς ἐνδεχόμενοις, hoc est, *Causa per accidens earum re um quæ neque necessarii, neque crebri, sed quæ raro eveniunt, atque in iis dumtaxat quæ alicujus gratiâ consulto suscipiuntur.*

3. *Casus*, Græcè αὐτόματον, est causa per accidens eorum quæ raro contingunt, idque in iis omnibus quæ alicujus gratiâ suscipiuntur. Casus enim latius patet fortunâ: Nam cum utraque sit causa per accidens, quæ alicujus finis gratiâ agit, quæque in raro contingentibus versatur; fortuna solum posita est in iis quæ agunt consulto; casus etiam in iis quæ agunt ex naturæ necessitate: ut in infantibus, in brutis, plantis, ipsisque etiam in rebus inanimis, in quibus non est locus fortunæ. Ex. gr. cum quis fodiens, thesaurum invenit, dicimus illud vel casu vel fortuito factum: cum tegula decidens de tecto, praterentem vulnerat, id casu factum est, non fortunâ. Omnis ergo fortuna casus est, sed non vicissim, ut dicitur lib. cit. cap. 6. Quanquam sæpe hæ voces confunduntur.

XVIII. *Quintò, dividitur causa efficiens in principalem, & minis principalem.*

XIX. *Causa principalis est, quæ suâ virtute effectum producit.*

XX. *Causa minis principalis est, quæ principali causâ inservit ad effectum producendum.*

XXI. *Causa principalis vel æqualis est effecto, vel nobilior; nunquam deterior: causa minis principalis, quatenus causat, semper deterior est effecto suo.*

Señ. 1. Quando effectum cum causa comparamus, considerari debet causa, quatenus est causa, hoc est, secundum eam virtutem quæ causat. Cum virtus causæ tanta est, ut in ea contineatur quicquid in effecto est, dicitur causa principalis. Effectum dicitur in causa sua vel formaliter, vel eminenter contineri. Cum effectum in causa continetur formaliter, sive cum effectum ejusdem naturæ est cum causa sua, causa dicitur univocæ; eaque æqualis est effecto suo: veluti cum calor calorem efficit, aut mus murem. Cum effectum in causa sua eminenter continetur, sive cum causa nobiliore quâdam virtute effectum producit, dicitur causa æquivocæ; eaque præstantior est effecto suo: veluti cum lux calorem efficit, aut architectus domum. Cum effectum in causa sua neq; formaliter, neque eminenter continetur, dicitur causa minis principalis; eaque non tam efficit, quam subservit principali causæ ad effectum producendum.

XXII. *Causa minis principalis subdividitur in procatarteticam, progumenam, & instrumentum.*

XXIII. *Causa procatartetica est, quæ causam principalem extrinsecus incitat ad agendum.*

XXIV. *Causa progumena quæ causam principalem intus disponit, vel etiam prorit ad agendum.*

Señ. 1. Causa προκαταρτικὴ, sive προγυμναστική, (Latine causa incipiens aut inchoans dici potest) vel est objectum, vel occasio, vel autor, vel meritum. Objectum eatenus dicitur causa procatartetica, quæ

quatenus excitat aut movet causam principalem. Occasio est temporis locique commoditas ad agendum quod velis: quæ & ipsa vim aliquam movendi habet ad agendū, quatenus agendi impedimenta tollit. Autor dicitur hoc loco, qui causam principalem propositis rationibus ad agendum hortatur, aut ab agendo dehortatur: vocatur etiam causa moralis. Meritum sive causa meritoria appellatur, quæ movet agentem ad talionem referendam; idque tam in bonis quàm in malis. Atque hæc quidem omnia sunt extra causam principalem. In quo distinguuntur a causa proegumena, quæ in ipsa causa principali consistit. Ex. gr. si quis de nocte obambulans, multas res pretiosas observet in apertis inimici sui ædibus, à quo jam antea injuriam acceperat, negligenter custodiri, easque alio instigante diripiat; causa objectiva hujus furti erunt ipsæ res pretiosæ furis avaritiam irritantes; occasio, noctis tenebræ, & patentis ædes, quæ nonnihil furis propositam adjuvant; autor sive causa moralis, qui instigavit; causa meritoria est accepta injuria, ob quam pronior est furis animus ad furandum. Causa proegumena est propria furis avaritia. Cæterum autor sive causa moralis locum habeat solummodo in causis voluntariis; objectum, occasio, causa meritoria & proegumena etiam in aliis. Occasio sumitur interdum pro causa meritoria: veluti cum injuria illata dicitur occasio pugnæ, aut belli, aut cædis. Atque hoc sensu occasio, si ficta sit, appellatur Græcè *πρόφασις* & *πρόγμα*, Latine *prætextus*. Causa proegumena, vel *disponit* causam principalem solummodo; veluti cum temperamentum corporis dicitur causa morum: vel etiam *provisat*, veluti cum ira est causa vindictæ, aut avaritia, furti.

3. Causa procatactica & proegumena magnum habent usum in Medicina. Medici enim omnes ferè morbos referunt ad tres causas, ad procatacticam, proegumenam, & *συνεχιστικήν* sive continentem. Causa procatactica illis est causa externa & evidens; reliquæ duæ internæ sunt & latentes: proegumena est causa antecedens; continens est causa *συνεχιστική*, simulque cum morbo existens, eique immediatè coherens: Hæc nobis erit causa *proxima*. Ex. gr. causa procatactica febris, est frigus aut balneæ adstringentes; proegumena, adstricta cutis & impedita evaporatio; causa continens, humor putrescens & accensus.

XXV. *Instrumentum est, quod cause principali in effectione subservit.*

SECT. I. Non omnia instrumenta subserviunt causæ principali eodem modo. Sunt enim instrumenta quædam causæ principali in agendo conjuncta; sunt quædam ab illa in agendo separata. Instrumenta conjuncta sunt, quibus causa principalis in ipsa rei effectione utitur. Atque hæc vel activa sunt, ut calor in igne; vel passiva, ut culter, gladius, &c. Instrumenta separata sunt, quæ agunt loco atque vice causæ principalis: sic legatus est instrumentum principis; & semen multis videtur instrumentum generantis, sed perperam; Nam instrumenta separata non habent locum in naturalibus, sed tantum in moralibus.

XXVI. In-

XXVI. *Instrumentorum essentia posita est in aptitudine ad usum.*

*Señ. 1.* Instrumenta ait, Aristoteles lib. 2. de An. cap. 4. officii usque distinguuntur inter se aut conveniunt. Nam unumquodque instrumentum est id quod est, quia & quatenus aptum est ad certum usum. Sic securis eatenus securis est, quatenus materię qualitate & forma apta est ad secandum; & oculus eatenus oculus est, quatenus idoneus est ad videndum. Nam oculus, manus ceteręque partes organice hominis, aut bestię mortuę, non sunt oculus aut manus, nisi homonymas ut docet Aristoteles, lib. 4. Meteor. c. 17.

XXVII. *Secundo, dividitur causa efficiens in primam & secundam.*

XXVIII. *Causa prima est, quę a nullo pendet.*

XXIX. *Causa secunda est, quę pendet a prima.*

*Señ. 1.* Causa dicitur duobus modis prima, nempe vel absolute, vel in suo genere. Causa absolute prima dicitur, a qua omnia pendent, & cum fiunt, & cum existunt, & cum operantur, sive (ut vulgo loquuntur) in fieri, in esse, & in operari. Causa absolute prima tantum una est, nempe Deus. Omnia enim a Deo pendunt, & quatenus fiunt, & quatenus sunt, & quatenus operantur, secundum illud Pauli, *Act. 17. In ipso vivimus & sumus & movemur.* Ceterum omnia dicuntur a Deo pendere quatenus fiunt, aut in fieri, ratione creationis; idque vel proxime, vel remote: cum sunt, ratione conservationis cum operantur, ratione providentię, vel ordinarię, vel extraordinarię.

2. Causa prima in suo genere dicitur, a qua pendunt reliquę causę ejusdem generis. Hujusmodi causa prima non solum datur in unoquoque genere causarum, sed etiam in unaquaque subordinatione. Sic Adam est prima causa hominum in sua specie, quia a nullo alio homine genitus est, ut ceteri, sed immediate creatus a Deo. Sic etiam cælum est causa prima motus, non absolute, sed in genere causarum naturalium, ut colligitur ex lib. 1. Meteor. c. 1. Simili modo dici potest anima prima causa operationum vitalium; & quilibet causa principalis, prima dici potest respectu instrumentorum.

XXX. *Septimo, dividitur causa efficiens in universalem, & particularem.*

XXXI. *Causa universalis est, quę eadem efficientiā cum aliis causis concurrat ad plura effecta.*

XXXII. *Causa particularis est, quę suā efficientiā unum tantum effectum producit.*

*Señ. 1.* Universales causę sunt Deus & cælum. Deus concurrat cum causis particularibus ad omnes effectus: cælum ad effectus tantum naturales & materiales. Hoc sensu dicitur 1. 2. Phys. c. 2. sol, & homo (addo Deus) hominem generant: sol, ut causa universalis (nam eadem efficientiā concurrat ad generationem omnium rerum) homo, ut causa particularis. Sic etiam equis dici potest causa universalis, cum agit armentum equorum; quia eodem modo, eademque virtute, omnes equos impellit, integros & claudos.

XXXIII. De-

XXXIII. Denique octavo, dividitur causa efficiens in proximam & remotam.

XXXIV. Causa proxima est, quæ producit effectum immediatè.

XXXV. Causa remota est, quæ producit effectum mediâ causâ propinquiore.

Señ. 1. Causa efficiens dicitur duobus modis proxima, nempe vel generaliter, vel specialiter. In genere dicitur causa proxima, quæcumque cum effecto vel existentia (vulgò dicunt supposito) vel virtute conjungitur. Nam cum virtus ejusmodi sit instrumentum causæ principalis, censetur cum causa principali una tantum causa. Itaq; cum causa principalis suâ virtute cum effecto conjungitur, ipsa censetur cum effecto conjuncta. Neque refert quicquam, sitne virtus illa instrumentum conjunctum, an separatum. Ex, gr. ignis dicitur proxima causa ustionis; parentes, suorum liberorum; quamvis ignis agat mediante calore; & parentes, mediante semine: Nam quia calor & semen instrumenta sunt, non efficiunt suo interventu, ut causa principalis non possit dici effecto proxima. Causa ergò remota dicitur hoc sensu, quæ neque existentia, neque virtute cum effecto conjuncta est; velati cum avus dicitur causa nepotis.

2. Causa efficiens in specie proxima dicitur, quæ suâ existentia cum effecto conjuncta est, idque sine ulla mediâ virtute. Ejusmodi causa proxima non datur in substantiis sed tantum in accidentibus, præsertim propriis. Substantia enim non efficit substantiam sine mediâ virtute instrumentali. Atque hæc est causa quæ absolute proxima dicitur; eaque vel interna est, vel externa. Interna dicitur, quæ est in subiecto illius accidentis cujus causa est. Sic dicitur anima, omnisq; forma substantialis, causa proxima suarum proprietatum. Huc pertinet causa emanativa; item causa continens, sive Synectica Medicorum. Causa externa est, quæ non est in subiecto illius accidentis, cujus causa est. Sic dicitur interpositio terræ causa proxima eclipsis. Hujus causæ usus in definitione & demonstratione propriorum accidentium est longe maximus.

## C A P. XVIII.

### De Fine.

#### THEOREMA I.

**F**inis definitur, τὸ εἰς τὴν ἑαυτὴν, vel τὸ πρὸς τὴν ἑαυτὴν, h. e. id cujus gratia res est.

#### COMMENTARIUS.

Señ. 1. Harum definitionum prior extat lib. 2. Phys. cap. 3. lib. 1. Metaph. cap. 3. & lib. 1. minor. cap. 2. altera, lib. 1. Post. cap. 11. Sensus

ius hic est : Finis est causa, quæ sui amore causam efficientem incitat ad agendum, & ad sui consecutionem. Quod ut melius intelligatur, observandum est, bifariam posse considerari finem ; nempe vel quatenus proponitur agenti, ab eoque intenditur, vel quatenus jam obtinetur : vulgò, in intentione, & in executione. Finis in intentione est causa, quia movet efficientem ad agendum ; in executione, est effectum ipsius efficientis. Itaque finis & efficiens sibi mutuò causas sunt, ut traditur *lib. 2. Phys. cap. 3.* Nam finis movet efficientem ad agendum, & ipse vicissim hanc efficientis actione producit. Ex, gr. bona corporis habitudo gymnastis est causa finalis exercitiorum, atque ipsa vicissim exercitiis gymnasticis acquiritur.

2. Finis dicitur movere efficientem ad agendum, quia illi injicit amorem atque appetitionem sui : Omne enim bonum est *ἡσυχία*, id est, *appetibile*. Atqui omnis finis bonus est, aut saltem bonus esse videtur, ut docet Philosophus locis proximè citatis. Neque verò finem ea solùm appetunt, quæ agunt *ἐν ὁρατοῖς*, id est, *consulò*, ut homines ; sed etiam, quæ agunt ex necessitate naturæ, ut res inanimatæ. Harum rerum appetitus *naturalis* sive *innatus* dicitur, nihilq; aliud est quàm naturalis propensio ad finem sibi ab universali natura, hoc est, à Deo præfixum. Hæc appetitio efficienti à fine injecta, est causalitas finis : quæ, ut ab efficientia distinguatur, *motio metaphorice* appellari solet : non quòd non sit motio propriè dicta, sed quòd non sit motio talis, qualis est effectio, quæ est causalitas efficientis. Atque ita finem discernit ab efficiente ipse Aristoteles, cùm *l. 1. de Gen. & Corr. cap. 7.* ait, *Τὸ τέλος οὐ ἔστι ποινικόν, ἐὶ μὴ καὶ μεταφορικῶς* h. e. *Finis non habet vim efficiendi, nisi per metaphoram.*

II. *Finis causat media ad finem destinata, omnesq; actiones cause efficientis circa media.*

*Señ. 1.* Finis agenti oblati, primò cognoscitur, deinde appetitur atque intenditur. Harum actionum respectu finis non est causa finalis, sed objectum sive causa objectiva quæ est species causæ procatartica. Ubi finis intentus est, movet efficientem ad deliberandum de mediis, ad eligenda media ex multis optima, ad media electa comparanda, & ad finem horum mediorum adminiculo consequendum. Hæ actiones pendent à fine, non tanquam ab objecto, sed tanquam à causa finali. Atq; hinc liquet, cùm una eademq; res causa procatartica dicatur & causa finalis, quomodo altera ab altera distinguenda debeat. Nam causa objectiva sive procatartica dicitur respectu earum operationum quæ ab illa immediatè exercentur ; causa finalis, respectu aliarum operationum, quæ ab illa sunt priorum interventu. Ex, gr. si quis eruditionem judicet rem præclaram esse, eamq; amari optet, atq; etiam intendat, harum omnium operationum eruditio est causa objectiva : at si Academiam adeat, lectiones audiat, libros evolvet, &c. harum operationum eruditio est causa finalis.

III. *Finis ponit mediis modum ac mensuram.*

*Señ. 1.* Hoc axioma sumptum est ex *lib. 1. Pol. cap. 9.* ubi ait Philosophus, finem expeti in infinitum, media non in infinitum, sed quantum

tum satis est ad finem consequendum; finemque terminum esse medi-  
diorum. Ex.gr. qui cibum expetunt sanitatis tantum causâ, eum tan-  
tùm cibum expetunt qui salutaris, & quatenus salutaris est; qui ve-  
rò cibum expetunt solius voluptatis causâ, eum cibum expetunt tan-  
tùm qui suavis est, & quousque sive quatenus suavis est: sanitatem  
aut voluptatem ipsam omnes expetunt sine modo.

IV. *Finis conciliat etiam mediis amorem.*

Scđ. 1. Hoc est, finis in causa est, ut media, quæ per se bona non  
sunt, imò quæ sæpe mala sunt, amentur tamen atque expetantur finis  
consequendi causâ. Ex.gr. quamvis sani medicorum remedia asper-  
nentur omnes, ut quæ ingrata gustui sunt aut tactui, ægri tamen ple-  
rique ea expetunt, & libenter usurpant, si certa spes sit valetudinis  
eorum usu recuperandæ.

V. *Finis trifariam dividitur primò, in finem cuius, & finem cui.*

VI. *Finis cuius est, quem efficiens expetit.*

VII. *Finis cui est, in cuius gratiam, sive cui, efficiens aliquid, tan-  
quam finem, expetit.*

Scđ. 1. Hanc distributionem tradit Philosophus l. 2. de An. c. 4. Ex.  
gr. finis cuius medicinæ est sanitas; finis cui æger. Finis cuius movet  
efficientem amore concupiscentiæ; finis cui, amore benevolentiz.

2. Finis cuius, teste Aristotele, l. 1. Eth. c. 1. vel est operatio, vel  
opus aliquod præter operationem. Ex.gr. finis Musicæ est peritè ca-  
nere; finis virtutis, *ἡ ἀρετή*, h. e. recta, & proba operatio: at artium  
mechanicarum finis, non tam est operari, quàm opus aliquod; putà  
domus, navis, poculum, aut tale quid.

VIII. *Secundò, dividitur finis in principalem & secundarium.*

IX. *Principalis finis est, quem agens primò vel etià primariò intendit.*

X. *Finis secundarius est, quem agens intendit ut eum simul cum pri-  
mario fine obtineat, vel ut eum consequatur, si principali fine excidat.*

Scđ. 1. Ex.gr. finis principalis vestium est, ut corpus nostrum tue-  
antur contra cæli inclementiam; finis secundarius, qui cum principali  
illo fine conjunctus est, ut corpus ornent. Item finis principalis pro-  
pter quem Deus se manifestavit in mundi creatione, est, ut homines  
imbuantur Dei cognitione & pietate; finis secundarius ac succeda-  
neus, ut reddat eos *ἀναπόλοισι*, i. e. inexcusabiles, qui veritatem in  
injustitia detinentes, in impietate persistunt.

XI. *Tertiò, denique dividitur finis in subordinatum, & ultimum.*

XII. *Finis subordinatus est, qui refertur ad finem, ulteriorem.*

XIII. *Finis ultimus est, ad quem reliqui fines referuntur, ipse ad ul-  
teriorem finem non refertur.*

Scđ. 1. Sæpe longa finium subordinatorum series est, in qua finis  
subordinatus medium est respectu finis sequentis. Ex.gr. fodit aliquis  
terram, ut ferrum eruat: ferrum eruitur, ut ex eo fiat aliquod instru-  
mentum quod nostris usibus inserviat, putà scalpellum: scalpel-  
lum inservit Medico ad venæ sectionem, venæ sectio ad minuendum  
sanguinem superfluum, aut detrahendum vitiosum: sanguinis mis-  
sio facit ad conservandam aut recuperandam sanitatem: Sanitas per  
se



se quidem optabilis est, sed eo tamen refertur, ut actiones nostrae  
berae sint acque expeditae: Rursus actiones aliae ad voluptatem, aliae  
ad gloriam; aliae ad honestatem, aliae alio referuntur. In hac finium  
subordinatione non potest iri in infinitum, ut supra docuimus ex Aris-  
totele, lib. 1. Met. Minor. c. 2. Alioqui enim frustra foret & inane  
appetitus, quam omnibus rebus indidit natura; quemadmodum ipse  
Philosophus colligit l. 1. Eth. c. 1. Ergo datur finis aliquis summus  
ultimus, in quo appetitus terminari atque quiescere potest.

2. Finis bifariam ultimus dicitur, nempe vel in suo genere, vel ab-  
solute. Finis in suo genere ultimus vocatur, qui ultimus est inter  
fines qui intenduntur ab eodem agente. Sic in illa serie, quam retulimus  
multi sunt fines in suo genere ultimi: Nam ferrum erueri, est ulti-  
mus finis metallicorum; scalpellum; fabrorum; sanitas, medicorum  
at unus tantum finis absolute ultimus est, nempe felicitas.

3. Finis, qui in suo genere subordinatus est, refertur ad finem ul-  
teriolem per se: at qui in suo genere ultimus est, refertur ad ulterio-  
rem finem per accidens. Ex. gr. Faber emollit igne ferrum, impositum  
incudi, cudic, limat, acuit, donec ex eo scalpellum effecerit. Haec  
omnia per se, ac respectu ejusdem agentis, nempe fabri, subordinati  
sunt: scalpellum enim totius molitionis fabrilis finis est. At vero  
quod Medico scalpellum inserviat ad incidendam venam, id non cu-  
rat faber, ideoque omnia quae faber facit scalpelli conficiendi gratia  
huic Medicorum fini per accidens subordinata sunt.

XIV. Cum finis bonus sit quod ultior; eo meliorem esse necesse est.  
Ultimus ergo finis est optimus, ipsamque summum bonum.

Sect. 1. Hoc theorema extat l. Eth. c. 5. Finem esse bonum, supra  
dictum est: aliter enim non moveret efficientem. Neque vero satis  
est, ut bonus sit, sed debet etiam per se bonus esse: cum media non sunt  
bona, nisi quatenus fini obtinendo inserviunt. Ex quo sequitur, finem  
meliorem esse mediis. Atqui finis subordinatus est medium respectu  
finis sequentis, sive ulterioris. Ultimus ergo finis est optimum quidem,  
quia nullius respectu medium est, quo possit esse deterior. Nihil autem  
refert, sitne finis revera bonus, an bonus esse videatur, ut dicitur l. 1.  
Metaph. c. 2. quia finis non aliter movet efficientem, quam quatenus  
judicatur esse bonus.

XV. Quod finis posterior est in executione, eo prior est intentione, et  
vicissim.

Sect. 1. Hoc axioma sic effertur ab Aristotele, lib. 3. Eth. cap. 3.  
Τὸ ἔργον ἐν τῇ διατάξει, ἀπὸ τῆς ἐν τῇ ψυχῇ: hoc est, quod ulti-  
mum est in resolutione, primum est in generatione. Generatio enim hic  
effectiorem sive executionem, resolutio intentionem denotat. Eadem  
est Aristotelis sententia lib. 2. Eud. cap. 3. ubi sic inquit, Τῆς μὲν νό-  
στος ἀρχὴ τὸ τέλος, ὃ δὲ ἀπὸ τῆς ἐν τῇ ψυχῇ νόστος τὰς ἐν τῇ ψυχῇ: hoc est, Co-  
gitationis (sive intentionis) principium est finis: principium actionis  
cogitationis terminus. Ubi per terminum intelligit quod fuerat in  
cogitatione sive intentione postremum.

2. Dividitur etiam finis in internum & externum. Sed haec divisio



non in omnibus rebus, sed in facultatibus tantum, sive in artibus *502* *503* *504* *505* *506* *507* *508* *509* *510* *511* *512* *513* *514* *515* *516* *517* *518* *519* *520* *521* *522* *523* *524* *525* *526* *527* *528* *529* *530* *531* *532* *533* *534* *535* *536* *537* *538* *539* *540* *541* *542* *543* *544* *545* *546* *547* *548* *549* *550* *551* *552* *553* *554* *555* *556* *557* *558* *559* *560* *561* *562* *563* *564* *565* *566* *567* *568* *569* *570* *571* *572* *573* *574* *575* *576* *577* *578* *579* *580* *581* *582* *583* *584* *585* *586* *587* *588* *589* *590* *591* *592* *593* *594* *595* *596* *597* *598* *599* *600* *601* *602* *603* *604* *605* *606* *607* *608* *609* *610* *611* *612* *613* *614* *615* *616* *617* *618* *619* *620* *621* *622* *623* *624* *625* *626* *627* *628* *629* *630* *631* *632* *633* *634* *635* *636* *637* *638* *639* *640* *641* *642* *643* *644* *645* *646* *647* *648* *649* *650* *651* *652* *653* *654* *655* *656* *657* *658* *659* *660* *661* *662* *663* *664* *665* *666* *667* *668* *669* *670* *671* *672* *673* *674* *675* *676* *677* *678* *679* *680* *681* *682* *683* *684* *685* *686* *687* *688* *689* *690* *691* *692* *693* *694* *695* *696* *697* *698* *699* *700* *701* *702* *703* *704* *705* *706* *707* *708* *709* *710* *711* *712* *713* *714* *715* *716* *717* *718* *719* *720* *721* *722* *723* *724* *725* *726* *727* *728* *729* *730* *731* *732* *733* *734* *735* *736* *737* *738* *739* *740* *741* *742* *743* *744* *745* *746* *747* *748* *749* *750* *751* *752* *753* *754* *755* *756* *757* *758* *759* *760* *761* *762* *763* *764* *765* *766* *767* *768* *769* *770* *771* *772* *773* *774* *775* *776* *777* *778* *779* *780* *781* *782* *783* *784* *785* *786* *787* *788* *789* *790* *791* *792* *793* *794* *795* *796* *797* *798* *799* *800* *801* *802* *803* *804* *805* *806* *807* *808* *809* *810* *811* *812* *813* *814* *815* *816* *817* *818* *819* *820* *821* *822* *823* *824* *825* *826* *827* *828* *829* *830* *831* *832* *833* *834* *835* *836* *837* *838* *839* *840* *841* *842* *843* *844* *845* *846* *847* *848* *849* *850* *851* *852* *853* *854* *855* *856* *857* *858* *859* *860* *861* *862* *863* *864* *865* *866* *867* *868* *869* *870* *871* *872* *873* *874* *875* *876* *877* *878* *879* *880* *881* *882* *883* *884* *885* *886* *887* *888* *889* *890* *891* *892* *893* *894* *895* *896* *897* *898* *899* *900* *901* *902* *903* *904* *905* *906* *907* *908* *909* *910* *911* *912* *913* *914* *915* *916* *917* *918* *919* *920* *921* *922* *923* *924* *925* *926* *927* *928* *929* *930* *931* *932* *933* *934* *935* *936* *937* *938* *939* *940* *941* *942* *943* *944* *945* *946* *947* *948* *949* *950* *951* *952* *953* *954* *955* *956* *957* *958* *959* *960* *961* *962* *963* *964* *965* *966* *967* *968* *969* *970* *971* *972* *973* *974* *975* *976* *977* *978* *979* *980* *981* *982* *983* *984* *985* *986* *987* *988* *989* *990* *991* *992* *993* *994* *995* *996* *997* *998* *999* *1000* *1001* *1002* *1003* *1004* *1005* *1006* *1007* *1008* *1009* *1010* *1011* *1012* *1013* *1014* *1015* *1016* *1017* *1018* *1019* *1020* *1021* *1022* *1023* *1024* *1025* *1026* *1027* *1028* *1029* *1030* *1031* *1032* *1033* *1034* *1035* *1036* *1037* *1038* *1039* *1040* *1041* *1042* *1043* *1044* *1045* *1046* *1047* *1048* *1049* *1050* *1051* *1052* *1053* *1054* *1055* *1056* *1057* *1058* *1059* *1060* *1061* *1062* *1063* *1064* *1065* *1066* *1067* *1068* *1069* *1070* *1071* *1072* *1073* *1074* *1075* *1076* *1077* *1078* *1079* *1080* *1081* *1082* *1083* *1084* *1085* *1086* *1087* *1088* *1089* *1090* *1091* *1092* *1093* *1094* *1095* *1096* *1097* *1098* *1099* *1100* *1101* *1102* *1103* *1104* *1105* *1106* *1107* *1108* *1109* *1110* *1111* *1112* *1113* *1114* *1115* *1116* *1117* *1118* *1119* *1120* *1121* *1122* *1123* *1124* *1125* *1126* *1127* *1128* *1129* *1130* *1131* *1132* *1133* *1134* *1135* *1136* *1137* *1138* *1139* *1140* *1141* *1142* *1143* *1144* *1145* *1146* *1147* *1148* *1149* *1150* *1151* *1152* *1153* *1154* *1155* *1156* *1157* *1158* *1159* *1160* *1161* *1162* *1163* *1164* *1165* *1166* *1167* *1168* *1169* *1170* *1171* *1172* *1173* *1174* *1175* *1176* *1177* *1178* *1179* *1180* *1181* *1182* *1183* *1184* *1185* *1186* *1187* *1188* *1189* *1190* *1191* *1192* *1193* *1194* *1195* *1196* *1197* *1198* *1199* *1200* *1201* *1202* *1203* *1204* *1205* *1206* *1207* *1208* *1209* *1210* *1211* *1212* *1213* *1214* *1215* *1216* *1217* *1218* *1219* *1220* *1221* *1222* *1223* *1224* *1225* *1226* *1227* *1228* *1229* *1230* *1231* *1232* *1233* *1234* *1235* *1236* *1237* *1238* *1239* *1240* *1241* *1242* *1243* *1244* *1245* *1246* *1247* *1248* *1249* *1250* *1251* *1252* *1253* *1254* *1255* *1256* *1257* *1258* *1259* *1260* *1261* *1262* *1263* *1264* *1265* *1266* *1267* *1268* *1269* *1270* *1271* *1272* *1273* *1274* *1275* *1276* *1277* *1278* *1279* *1280* *1281* *1282* *1283* *1284* *1285* *1286* *1287* *1288* *1289* *1290* *1291* *1292* *1293* *1294* *1295* *1296* *1297* *1298* *1299* *1300* *1301* *1302* *1303* *1304* *1305* *1306* *1307* *1308* *1309* *1310* *1311* *1312* *1313* *1314* *1315* *1316* *1317* *1318* *1319* *1320* *1321* *1322* *1323* *1324* *1325* *1326* *1327* *1328* *1329* *1330* *1331* *1332* *1333* *1334* *1335* *1336* *1337* *1338* *1339* *1340* *1341* *1342* *1343* *1344* *1345* *1346* *1347* *1348* *1349* *1350* *1351* *1352* *1353* *1354* *1355* *1356* *1357* *1358* *1359* *1360* *1361* *1362* *1363* *1364* *1365* *1366* *1367* *1368* *1369* *1370* *1371* *1372* *1373* *1374* *1375* *1376* *1377* *1378* *1379* *1380* *1381* *1382* *1383* *1384* *1385* *1386* *1387* *1388* *1389* *1390* *1391* *1392* *1393* *1394* *1395* *1396* *1397* *1398* *1399* *1400* *1401* *1402* *1403* *1404* *1405* *1406* *1407* *1408* *1409* *1410* *1411* *1412* *1413* *1414* *1415* *1416* *1417* *1418* *1419* *1420* *1421* *1422* *1423* *1424* *1425* *1426* *1427* *1428* *1429* *1430* *1431* *1432* *1433* *1434* *1435* *1436* *1437* *1438* *1439* *1440* *1441* *1442* *1443* *1444* *1445* *1446* *1447* *1448* *1449* *1450* *1451* *1452* *1453* *1454* *1455* *1456* *1457* *1458* *1459* *1460* *1461* *1462* *1463* *1464* *1465* *1466* *1467* *1468* *1469* *1470* *1471* *1472* *1473* *1474* *1475* *1476* *1477* *1478* *1479* *1480* *1481* *1482* *1483* *1484* *1485* *1486* *1487* *1488* *1489* *1490* *1491* *1492* *1493* *1494* *1495* *1496* *1497* *1498* *1499* *1500* *1501* *1502* *1503* *1504* *1505* *1506* *1507* *1508* *1509* *1510* *1511* *1512* *1513* *1514* *1515* *1516* *1517* *1518* *1519* *1520* *1521* *1522* *1523* *1524* *1525* *1526* *1527* *1528* *1529* *1530* *1531* *1532* *1533* *1534* *1535* *1536* *1537* *1538* *1539* *1540* *1541* *1542* *1543* *1544* *1545* *1546* *1547* *1548* *1549* *1550* *1551* *1552* *1553* *1554* *1555* *1556* *1557* *1558* *1559* *1560* *1561* *1562* *1563* *1564* *1565* *1566* *1567* *1568* *1569* *1570* *1571* *1572* *1573* *1574* *1575* *1576* *1577* *1578* *1579* *1580* *1581* *1582* *1583* *1584* *1585* *1586* *1587* *1588* *1589* *1590* *1591* *1592* *1593* *1594* *1595* *1596* *1597* *1598* *1599* *1600* *1601* *1602* *1603* *1604* *1605* *1606* *1607* *1608* *1609* *1610* *1611* *1612* *1613* *1614* *1615* *1616* *1617* *1618* *1619* *1620* *1621* *1622* *1623* *1624* *1625* *1626* *1627* *1628* *1629* *1630* *1631* *1632* *1633* *1634* *1635* *1636* *1637* *1638* *1639* *1640* *1641* *1642* *1643* *1644* *1645* *1646* *1647* *1648* *1649* *1650* *1651* *1652* *1653* *1654* *1655* *1656* *1657* *1658* *1659* *1660* *1661* *1662* *1663* *1664* *1665* *1666* *1667* *1668* *1669* *1670* *1671* *1672* *1673* *1674* *1675* *1676* *1677* *1678* *1679* *1680* *1681* *1682* *1683* *1684* *1685* *1686* *1687* *1688* *1689* *1690* *1691* *1692* *1693* *1694* *1695* *1696* *1697* *1698* *1699* *1700* *1701* *1702* *1703* *1704* *1705* *1706* *1707* *1708* *1709* *1710* *1711* *1712* *1713* *1714* *1715* *1716* *1717* *1718* *1719* *1720* *1721* *1722* *1723* *1724* *1725* *1726* *1727* *1728* *1729* *1730* *1731* *1732* *1733* *1734* *1735* *1736* *1737* *1738* *1739* *1740* *1741* *1742* *1743* *1744* *1745* *1746* *1747* *1748* *1749* *1750* *1751* *1752* *1753* *1754* *1755* *1756* *1757* *1758* *1759* *1760* *1761* *1762* *1763* *1764* *1765* *1766* *1767* *1768* *1769* *1770* *1771* *1772* *1773* *1774* *1775*

dici de subiecto opponuntur) vel etiam sumitur pro eo de quo aliquid dicitur prædicatione externâ, aut limitatâ; ut *Miles est armatus*; *Æthiops est albus*; *Homo est immortalis*. Neque enim armatura inhæret militi, cum sit substantia; neque albor inhæret toti Æthiopi, sed dentibus tantum; neque immortalitas toti homini, sed animæ solum.

3. Hoc loco non subiectum inhæſionis solum, sed etiam omne subiectum prædicationis sive denominationis, de quo aliquid prædicatur prædicatione accidentali, sive externâ, sive internâ, sive absolutâ, sive limitatâ, considerandum est. Et quæ istec modo de subiecto dici possunt, adjunctorum nomine intelliguntur. Quæ de aliquo prædicantur essentialiter, huc non pertinent, ut ex subiecti & adjuncti definitione intelligitur.

4. Nec tamen confunditur hæc doctrina cum iis quæ de prædicabilibus docuimus. Nam in prædicabilibus spectantur adjuncta propria & communia, quatenus cum subiecto connexa sunt in prædicando; quæ Logica connexio est, & in rationis fitione, non in rebus ipsi posita est. Hoc loco considerantur adjuncta, quatenus cum subiecto connexa sunt in existendo; quæ est connexio Physica, & in ipsi rebus sita.

III. Adjuncta possunt trifariam dividi: Ac primò, in propria & communia.

Seß. 1. De propriis accidentibus satis dictum est in prædicabilibus. Accidentia communia nihil aliud sunt quam accidentia absolute dicta quæ propriis opponuntur.

IV. Secundò, dividuntur adjuncta in absoluta & limitata.

V. Adjunctum absolutum est, quod subiecto simpliciter & absolute convenit.

VI. Limitatum, quod subiecto convenit secundum quid.

Seß. 1. Secundum quid, hoc est, secundum certam aliquam partem aut naturam; aut certo aliquo tempore, loco aut respectu. Ex. gr. mortalitas est absolutum hominis adjunctum, immortalitas, limitatum: quia homo non est absolute immortalis, sed tantum quoad animam. Sic albor est adjunctum limitatum Æthiopis; quia Æthiops non absolute, sed tantum quoad dentes, albus est.

VII. Tertio, dividuntur adjuncta in interna & externa.

VIII. Adjuncta interna sunt, quæ subiecto inhereant.

IX. Externa, quæ ad subiectum extrinsecus ordinantur.

Seß. 1. Subiectum recipit adjuncta interna in se; ut nix; alborem; anima, scientiam: adjuncta externa, ad se; ut visus, colorem; miles, arma. Interna tribuunt subiecto denominationem internam; externa, externam. Cum enim nix alba denominatur ab albore suo, est denominatio interna; at cum miles dicitur armatus, aut oculus colorem videre, est denominatio externa: vulgò denominatio *intrinseca* & *extrinseca* dicitur.

2. Adjuncta interna sunt accidentia, putà quantitas, qualitas, aut aliquid tale; eorumque subiectum semper est substantia. Adjuncta

extrin-

externa vel sunt substantiæ, vel accidentia : eaq; vel substantiis vel accidentibus adjunguntur. Nam vel substantia substantiæ, vel accidens accidenti, vel accidens substantiæ, vel substantia accidenti ad-  
jungi potest, ut ex sequentibus patebit.

X. *Adjunctum externum vel est objectum vel signum, vel circumstantia.*

XI. *Objectum est, circa quod aliqua res operando occupatur.*

Secū. 1. Objectum ab Aristotele nunquam proprio ac peculiari nomine appellatur. Cū enim de objecto loquitur, vel *ἀντικείμενον* dicit, id est, *oppositum*, ut lib. 1. de anim. cap. 1. vel *ὑποκείμενον*, *ὑποκειμένη* id est, *id est, genus, genus subiectum, genus circa quod*; ut lib. 1. post. cap. 7. Quatuor sunt, quibus objectum tribui solet, *substantia, facultas, habitus, operatio*. Sic objectum animæ, mentis, scientiæ, & contemplationis, dicitur esse *omne ens*. Operatio requirit objectum ratione sui; substantia, facultas, & habitus, ratione suæ operationis. Nam *ens* non est objectum animæ, mentis aut scientiæ alicujus, nisi quatenus anima aut mens, imbuta scientiâ, illud contempletur. Contemplatio enim est animæ, mentis & scientiæ operatio.

3. *Objectum & subiectum in disciplinis ferè sine discrimine usurpantur: & certè in scientiis propriè dictis una eadèmq; res utriusque rationem habet. Nam quatenus mens eam contemplatur, objectum dicitur: eadem subiectum dici potest, respectu proprietatum, quæ de illa per causas demonstrantur. Sic corpus naturale dici potest objectum scientiæ Physicæ, & subiectum loci, temporis, motûs: aliarumque affectionum quæ de corpore naturali demonstrantur. Extra hanc considerationem non est temerè objectum cum subiecto confundendum. Habent enim hæ notiones *genus*, sive respectus diversissimos.*

3. In objectis disciplinarum distingui solet materiale & formale. Materiale est res ipsa quæ consideratur; formale est modus considerandi. Ex.gr. objectum materiale Physicæ est corpus naturale; formale, quatenus naturale. Nam cum multæ disciplinæ versantur circa corpus naturale, putâ Mathematica, Medicina, artes mechanicæ: sola Physica considerat corpus naturale quatenus naturale.

4. In disciplinis theoreticis unum tantum obiectum requiritur, in cuius contemplatione sive cognitione tota disciplina consistit: sive obiecti nomine nihil aliud intelligatur, quam subiectum de quo proprietates demonstrantur per propria principia (quo sensu diximus corpus naturale esse obiectum Physicæ) sive ipsæ etiam proprietates & principia obiecti nomine veniant. In disciplinis practicis requiritur duplex obiectum; unum doctrinæ, alterum usus sive praxis. Obiectum doctrinæ dicitur, quod per definitiones & divisiones in tota disciplina explicatur. Obiectum usus sive praxis vocatur, circa quod versatur ipsa disciplinæ exercitatio. Sic in Ethicis obiectum doctrinæ, sunt virtutes & vitia; obiectum praxis est anima: hanc enim inbuit Ethica virtutibus. In disciplinis directricibus, obiectum praxis ferè est

geminum; alterum, quod ab ipsa disciplina dirigitur; alterum, in quo operatur id quod dirigitur. Sic diximus Logicam, ratione usus, versari circa omne thema, & circa ipsam intentam in thematum cognitione quærenda occupatam. Objectum quod dirigitur, *proximum*; id, in quo operatur id quod dirigitur, *remotum* docendæ causâ appellari potest. In artibus mechanicis non apparet objectum doctrinæ, quia solâ exercitatione acquiruntur sine præceptis atque institutione.

XII. *Objectum aliud est per se, aliud per accidens.*

XIII. *Objectum per se est, quod & rei, quâ tale est, obicitur, & circa quod res quatenus talis est, versatur.*

XIV. *Objectum per accidens est, quod aut rei non obicitur, quâ tale est, aut circa quod res non versatur, quatenus ipsa talis est.*

*Seff. 1.* Objectum per se requirit duas conditiones; alteram ratione sui, alteram ratione subjecti cui obicitur. Ratione sui, ut rei obiciatur quâ tale est: Sic bonum est objectum voluntatis per se; malum, per accidens: Voluntas enim appetit bonum naturâ suâ; malum suâ naturâ non appetit, imò malum non appetit, quâ malum, sed quatenus videtur esse bonum. *l. 3. Eth. c. 4.* Similiter objectum visus per se est color; objectum per accidens, *Diaris filius*, *l. 2. de An. c. 6.* Diaris enim filius non videtur, quatenus est Diaris filius, sed quatenus est coloratus: accidit autem, ut id quod coloratum est, sit Diaris filius. Altera conditio, quam diximus in objecto per se requiri ratione subjecti, est, ut res circa illud versetur, quatenus ipsa talis est. Ex. gr. cum Architectus ædificat domum, materia ex qua domus fit est Architecti objectum per se; quia quatenus Architectus, circa illam versatur: at eadem materia erit objectum Musici per accidens, si Musicus dicatur ædificare: quia non ædificat, quâ Musicus, sed quatenus Architectus est.

XV. *Objectum per se vel proprium est, vel commune.*

XVI. *Objectum proprium est, quod uni tantum rei obicitur.*

XVII. *Commune, quod obicitur pluribus rebus.*

*Seff. 1.* Sic color est proprium objectum visus; sonus, auditus;apor, gustus, &c. magnitudo, numerus, figura, motus, quies, sunt objectum sensuum commune: quia pluribus sensibus singula eorum percipiuntur.

XVIII. *Utrumque vel mediatum est, vel immediatum.*

XIX. *Objectum mediatum est, quod alio mediante alicui obicitur.*

XX. *Immediatum, quod nullo mediante alicui obicitur.*

*Seff. 1.* Sic qualitates sensibiles sunt immediatum objectum sensuum; substantia hisce qualitatibus vestita, mediatum. Sic de objecto.

XXI. *Signum est, quod seipsum sensibus, & id, cuius signum est intellectui offert.*

*Seff. 1.* Signum est adjunctum, res signata, subjectum. Signum hoc duo facit: primò seipsum sensibus offert; deinde mentem movet, ut de re signata cogitet.

XXII. *Signum variè dividitur: ac primò in naturale, & arbitrium.*

XXIII. *Signum naturale est, quod significat suâ naturâ.*

*Seff. 1.*

*Señ. 1.* Sic aurora est signum orituræ solis; vestigium, pedis; imago in speculo, vultus. Signum naturale ferè pertinet ad doctrinam de causis. Nam omne signum naturale, vel est causa rei signatæ, vel effectum: vel utrumque est effectum ejusdem causæ.

*XXIV.* Signum arbitrium est, quod ex institutione significat:

*Señ. 1.* Vel humanæ; veluti cum suspensa hedera, est signum venalis vini: vel divinæ; veluti cum sacramenta dicuntur signa divinæ gratiæ.

*XXV.* Secundò dividitur signum in formale, & materiale.

*XXVI.* Signum formale est, quod rem repræsentat.

*Señ. 1.* Sic pictura est signum rei depictæ; vestigium, pedis; conceptus, rerum. Aristoteli *ὑποκείμενα*, id est, simulacrum dicitur, cap. 2. de *Interp.*

*XXVII.* Signum materiale est, quod rem indicat quidem, sed non repræsentat.

*Señ. 1.* Sic iris est signum pluviz; fumus, flammæ; pallida luna, signum ventorum; rubicunda serenitatis.

*XXVIII.* Tertiò dividuntur signa in antecedentia, consequentia, & conjuncta.

*Señ. 1.* Signa antecedentia: ut, aurora, ortus solis; coactio nubium, pluviz. Consequentia: ut, fluctuatio tabularum, tempestatis; pallor, morbi. Conjuncta: ut, inæqualitas pulsus, febris; entis hispidæ, fallacitatis. Huc pertinent signa meteorologica, & physiognomica.

*XXIX.* Quartò denique dividuntur signa in necessaria, & contingencia: quorum illa certum, hæc incertum rei indicium faciunt.

*Señ. 1.* Ex. gr. aurora certò prænunciat ortum solis, & inæqualis arteriæ pulsus, certum facit indicium febris: at pallor est indicium amoris; & nubium coactio, pluviz; sed fallax. Fallit autem signum, cum non necessario cum re coheret, vel cum pluribus rebus commune est. Signa necessaria Græcis dicuntur *τεκνίγια*, reliqua *εἰρήνη*, hoc est, verisimilia. Quanquam videntur tum demum *εἰρήνη* dici, cum ex iis fiunt propositiones verisimiles: ut cum nubes cognoscitur, pluit *consequitur*: Qui palles, amat.

*XXX.* Circumstantia est, quod circa rem est, eiue adiacet, aut appositum est.

*Señ. 1.* Huc pertinet locus, tempus, vestitus, armatura, & id genus alia. Atque hæc de affectionibus simplicibus.

## C A P. XX.

### De Convenientia rerum.

#### THEOREMA I.

*S*equuntur convenientia, diversitas, oppositio, & ordo, quas diximus esse affectiones conjunctas.





mutuâ habitudine inter se conveniunt; five ea habitudo sit totius ad partem, five causæ ad causatum, five subjecti ad adjunctum, aut contrâ, five oppositi ad oppositum. Nam ut 4. & 6. sunt partes analogæ, habentes rationem dimidii ad 8. & 12: ita quoque sol & mus, sunt causæ efficientes, ut plerique judicant, analogæ eorum murium, qui ex putri materia & ex semine generantur; & os & radix, media analogæ ad nutritionem animalium & plantarum destinata; symmetria humorum & mediocritas affectuum, formæ analogæ sanitatis & virtutis; corpus & anima, analogæ subjecta sanitatis & virtutis, aut morborum & vitiiorum; sanitas & virtus, morbi & vitia, analogæ adjuncta corporis & animæ; ipsæque sanitas & virtus analogice contraria sunt morbis & vitiis. Ad analogiam referendæ sunt parabolæ, fabulæ, apologi, & id genus alia.

IX. *Convenientia simplex vel est essentialis, vel accidentalis. Convenientia essentialis dicitur τὸ ὅμοιον, quasi dicas, identitas.*

X. *Identitas est ἰσότης τῆς οὐσίας, hoc est, unitas essentialis.*

XI. *Eadem sunt, ὅτι μία ἡ οὐσία, hoc est, quorum una est essentia.*

Señ. 1. Prior harum definitionum legitur lib. 4. *Metaph. cap. 9. posterior, ibidem, cap. 15.*

XII. *Identitas vel subordinata est, vel coordinata.*

XIII. *Identitas subordinata est, quâ conveniunt superiora cum inferioribus sibi subjectis.*

Señ. 1. Nempe genus cum speciebus, & species cum individuâ sibi subjectis, & vicissim. Sic eadem sunt. *animal & homo, homo & Socrates, albor & color, & vice versâ.*

2. Hæc subordinatorum identitas, est identitas realis, quia superius est de essentia inferioris: ut animal, de essentia hominis & bestiarum; color, de essentia alboris & nigroris. Itaque mentis opus est, inter animal, & hominem aut bestiam; aut inter colorem, & alborem aut nigrorem distinguere. Et quanquam quæ in eodem tertio conveniunt, inter se quoque conveniunt, non sequitur tamen specierum convenientiam esse realem, quamvis ipsæ species revera eadem sint generi. Nam neque genus, neque ullum universale re ipsa unum est, sed mentis tantum nostræ conceptione. Ac proinde, quæ in aliqua communi ratione generis conveniunt, ut *homo & bestia* in communi ratione animalis, ea inter se quoque uniuntur, non re ipsa, sed mentis conceptu.

XIV. *Identitas coordinata, vel est numerica, vel specifica, vel generica.*

XV. *Identitas numerica, est identitas unius individui cum seipso.*

XVI. *Eadem τὸ δὲ ὅμοιον, five numero dicuntur, ὅτι ἡ ὕλη μία, hoc est, quorum una est materia.*

Señ. 1. Hæc definitio petita est ex lib. 4. *Metaph. cap. 15.* Cæterum *materie* nomine intelligit Philosophus collectionem proprietatum, quæ nunquam in alio eadem esse potest. Sic Petrus dicitur idem sibi ipsi, non alii. Atque hæc quoque identitas realis est: unitas enim numerica in rebus ipse est, citra ullam mentis operationem.

2. Cæterum quatuor modi recensentur ab Aristotele lib. 1. *Top.*



cap. 7. eorum, quæ eadem numero dicuntur, 1. Vocabula synonyma: ut ensis & gladius. 2. Definitio & definitum: ut homo & animal rationale. 3. Subiectum & illius proprium: ut homo & risibile. 4. Subiectum & illius accidentis commune: ut Socrates, & is qui disputat in Academia, quando constat Socratem solum disputare. His additur quintus modus, lib. 4. Met. cap. 6. cum eadem numero dicuntur, quæcunque continua sunt, aut continuitate naturali, aut artificiali: ut perisica, domus, &c.

XVII. Identitas specifica, est identitas plurium individuum sub eadem specie.

XVIII. Eadem specie sunt, ὅν ὁ λόγος εἷς, id est, quorum una est ratio essentiae: Vel ὅσα πρὸς αὐτὰ εἰς ἰδίαν τὸ εἶδος ἐστὶ hoc est, quæ cum plura sint, specie non differunt: ut Socrates & Plato, Eucleides & Hippinus, Melampus & Phylax.

Señ. 1. Prima harum definitionum traditur, lib. 4. Metaph. cap. 6. posterior, lib. 1. Top. cap. 7.

XIX. Identitas generica, est identitas plurium specierum, aut individuum, sub eodem genere.

XX. Eadem genere sunt, ὅσα τὸ αὐτὸ γένος ἐστὶ hoc est, quæ sub eodem genere sunt, idque vel proximo: ut homo & bestia, & eorum individua, sub animali: vel remoto: ut corpus & spiritus, & eorum species & individua, sub substantiâ.

XXI. Sub eodem summo genere dicuntur omnia convenire, ὅν αὐτὸ τὸ ὅμοιον κατὰ μοῖραν hoc est, quorum eadem est figura prædicationis.

XXII. Quæcunque eadem numero sunt, etiam sunt eadem specie; & quæ specie, etiam genere: non vicissim.

Señ. 1. Hæc omnia petita sunt ex lib. 4. Metaph. cap. 6. jam sæpius citato.

XXIII. Convenientia accidentalis, vel est interna, vel externa: & interna, vel est paritas, vel similitudo.

XXIV. Paritas est convenientia in quantitate.

XXV. Τὰ ἴσα λέγεται, ὅν τὸ πῶσον ἴον hoc est, Paria dicuntur, quorum una est quantitas.

Señ. 1. Hæc leguntur, lib. 4. Metaph. cap. 15. Dicit, quorum una est quantitas, nempe vel molis, vel virtutis sive perfectionis. Non paritatis sunt, Par, æquale, æquè ac, tam quàm, tanto quanto, tot quàm, non minus quàm: ut,

Tam fæsti pravi quæ tenax, quàm nuncia veri.

Non minor est virtus, quàm querere, paria mereri.

XXVI. Similitudo est convenientia in qualitate, aut passione.

XXVII. Ὅμοια λέγεται τὰ τὸ αὐτὸ πρὸς ὁμοίαν, ἢ πρὸς ὁμοίαν πᾶσι κατὰ τὸ εἶδος ἢ κατὰ τὸ γένος, ἢ κατὰ τὸ πῶσον. Hoc est, Similia dicuntur, quæ idem passa sunt, & quæ plura eadem passa sunt quàm diversa, & quorum una est qualitas.

Señ. 1. Ex 1. 4. Metaph. c. 9. Dicit, quæ eadem passa sunt. Cur non a quoq; quæ eadem egerunt? An quia actio, ut est actio, non est in agente, sed in patiente? Quorum una est qualitas, vel gradu scilicet, vel spe.

specie. Non malè retuleris huc convenientiam in situ. Sic ovum ovo simile est ob colorem & figuram. Notæ similitudinis sunt, *Inftar, more, similis, tanquam, quemadmodum, ut, sicut, non secus, non aliter, &c.* Cùm similitudo propositione & redditione explicatur, fit analogia.

XXVIII. *Convenientia externa, est convenientia in ejusmodi causis, effectis, subiectis, aut adjunctis externis, quæ ad essentiam non pertinent.*

Señ. 1. Sic duo fratres germani conveniunt causâ efficiente: vesti & domus, conveniunt sine; utraq; enim est ad arcendas cœli injurias. Huc etiam revocari possunt, quæ materiâ conveniunt; ut nix & grando, ventus & terræ motus. Etsi enim materia sit causa interna non facit tamen ad essentiam specificam. Quæ formâ conveniunt, essentiâ conveniunt. Porro duo artifices *ὁμοτέτοις*, conveniunt effectis; virtutes & vitia, subiectis; ambo enim sunt in animo. Convenientia rerum in adjunctis varia est. Convenientia in adjunctis internis, pertinet ad paritatem & similitudinem. Huc solummodo referenda est convenientia in objectis, signis, & circumstantiis. Si causa efficiens aut finalis, subiectum aut adjunctum, ponatur in essentiali definitione rerum; tum, si quæ in iis conveniunt, convenientia non externa, sed essentialis censenda est.

## C A P. XXI.

## De diversitate, sive distinctione rerum.

## THEOREMA I.

**D**iversitas est, quâ res à se invicem distinguuntur.

II. *Estque vel realis, vel rationis, vel modalis.*

III. *Diversitas realis est, quâ res distinguitur ab alia re, aut à suâ negatione.*

## COMMENTARIUS.

Señ. 1. Distinctio realis dividitur in mutuam & non mutuam; & mutua in positivam & negativam. Positiva vocatur, quâ distinguitur res ab alia re: ut Petrus à Paulo, albor à nigrore, materia à forma, &c. Distinctio negativa dicitur, quâ ens distinguitur à non ente sibi opposito, sive à sui ipsius negatione, aut privatione: ut visus à cæcitate, lux à tenebris, &c. Non mutua distinctio est, quâ totum distinguitur à parte: ut homo à capite.

IV. *Diversitas rationis est, quâ res distinguuntur solis conceptibus.*

Señ. 1. Quod sit, cùm una eadêmeque res, non uno conceptu intelligitur. Diversitatem sive distinctionem rationis, dividunt Scholastici suo more, hoc est, barbarè, in distinctionem rationis ratiocinantis, &

rationis, & rationis ratiocinatae. Etenim λόγος sive ratio commune nomen est, convenitq; & intellectui & essentiae rerum, quae definitione explicatur: quidditatem vulgò vocant. Intellectum vocant rationem ratiocinantem; quidditatem, rationem ratiocinatam. Itaque distinctio rationis ratiocinantis est Scholasticis, quae ab ipso intellectu constituitur: quod fit, cum una eademq; res duobus pluribusve, iisque similibus conceptibus, distinguitur. Distinctio rationis ratiocinatae dicitur, cum in una re reperitur alia atque alia quidditas, sive definitio: quod fit, cum una eademq; res obijcitur conceptibus dissimilibus. Similes conceptus dicuntur, qui unam eandemque rem, eodem prorsus modo, repraesentant: dissimiles, qui repraesentant eandem rem diversimodè. Ex. gr. si quis Petrum concipiat eundem esse sibi ipsi eum necesse est Petrum bis concipere, & quidem eodem prorsus modo. At si quis concipiat Petrum esse hominem, aut animal, eum etiam necesse est Petrum bis concipere, sed alio atq; alio modo. Conceptus enim, quo Petrus concipitur ut Petrus, dissimilis est illi conceptui, quo idem Petrus concipitur ut homo, vel ut animal. Nec tamen diversae res sunt, Petrus ut Petrus, & Petrus ut homo, aut ut animal.

2. Distinctio rationis ratiocinantis & rationis ratiocinatae, hoc signo discerni poterit. Quae ratione ratiocinante distinguuntur, ea de se invicem praedicantur praedicatione identica: quae distinguuntur ratione ratiocinata, eorum unum de altero praedicari nequit, aut si praedicetur, praedicatio non est identica.

V. *Diversitas modalis est, quae res distinguuntur suis modis.*

Señ. 1. Est aliquid in rebus, quod neque res ipsa est, neque alia res, neque prorsus nihil; sed medium quid inter rem & nihil. Atque illud solet appellari modus rei. Ex. gr. gradus qualitaris, non est qualitas, neque etiam omnino nihil est; sed est modus qualitaris. Itaque cum qualitas intenditur aut remittitur, non fit alia qualitas, sed fit qualitas alius modi. Et cum qualitas, aut alia aliqua res, ista ratione mutatur, dicitur modaliter distingui à seipsa. Sic calor in primo gradu, distinguitur à seipso in secundo aut tertio gradu; & manus explicata, à seipsa contracta.

2. Aristoteles revocat omnem diversitatem ad duas species. Quae enim diversa sunt Aristoteli, vel τῶν ὑποκειμένων diversa sunt, vel τῶν λόγων, id est, vel subiecto, vel ratione: quorum, quae subiecto differunt, re ipsa differunt; reliqua, solà ratione. Modalis distinctionis nusquam meminit. Non videtur tamen citra necessitatem excogitata. Nam modalis distinctio major est distinctione rationis, & minor distinctione reali: ejusque usus saepe occurrit.

VI. *Potest etiam diversitas distribui in essentialem & accidentalem.*

VII. *Diversitas essentialis est, quae res distinguuntur essentiali.*

VIII. *Estque subordinata, vel coordinata.*

IX. *Diversitas subordinata est, quae superiora differunt ab inferioribus sive subiectis.*

Señ. 1. Nempe genus à speciebus, & species ab individuis sibi subiectis, & vicissim. Sic differt animal ab homine, homo à Socrate color,

color ab albore, & vice versa. Hæc subordinatorum diversitas, est diversitas rationis. Quia enim subordinata reipsa idem sunt, necesse est, ut solâ ratione distinguantur.

X. Diversitas coordinata, vel est numerica, vel specifica, vel generica.

XI. Diversitas numerica est, quâ distinguuntur individua ejusdem speciei: ut, Plato & Socrates.

XII. Diversitas specifica est, quâ distinguuntur species ejusdem generis, & earum individua: ut homo & bestia, Alexander & Bucephalus.

XIII. Diversitas generica est, quâ distinguuntur ipsa genera, tum summa, tum subalterna, eorumque species & individua: ut, substantia & quantitas, corpus & spiritus, animal & planta, Socrates & hæc pyrus.

XIV. Summa genera totâ suâ essentiâ diversa sunt; subalternata, parte tantum essentie.

Seß. 1. Summa genera non habent commune genus, neque differentias constitutivas. Ex quo sequitur, ut totâ suâ essentiâ diversa sint. Genera subalterna conveniunt in communi genere, ac proinde non totâ suâ essentiâ, sed parte tantum essentie diversa sunt, nempe differentia constitutivâ.

XV. Quæ genere distinguuntur, etiam distinguuntur specie; & quæ specie, etiam numero: non vicissim.

XVI. Diversitas accidentalis, vel interna est, vel externa: & interna, vel est imparitas, vel dissimilitudo.

XVII. Imparitas est diversitas in quantitate.

XVIII. Imparia sunt, quorum alterum altero majus est, & minus.

Seß. 1. Nimirum, vel quantitate molis, vel virtutis ac perfectionis. Sic argentum, aurum, & virtutes imparia censentur hoc versu, Vilium argentum est auro, virtutibus aurum.

Et c. 7. Math. Confertur corpus cum vestitu, ut majus cum minore; & volucres cœli, liliæque convallium cum homine, ut minus cum majore.

XIX. Dissimilitudo est diversitas in qualitate, aut in passione.

Seß. 1. In qualitate, nempe vel diversæ speciei; ut album & rubrum; vel saltem diversi gradus; ut magis & minus album. Quæ enim gradu, non specie differunt, partim sunt similia, partim dissimilia. Huc etiam referri potest convenientia in situ.

XX. Diversitas externa est, quâ res distinguuntur ejusmodi causis, eff. & is, subjectis, adjunctis externis, quæ non pertinent ad essentiam rei.

Seß. 1. Sic mures à sole geniti ex putri materia, ut vulgo creditur, distinguuntur causâ efficiente ab iis muribus, qui ex semine gignuntur: sic oculus & auris distinguuntur sine. Huc etiam pertinent, quæ differunt materia; ut statua marmorea, & ænea. Quæ formâ differunt, essentiâ differunt. Porro aqua & ignis differunt effectibus; virtutes Ethicæ & dianoeticæ, subjecto: illæ enim sunt in appetitu, hæc in intellectu. Diversitas rerum in adjunctis internis, pertinet ad imparitatem, aut ad dissimilitudinem. Huc solum referuntur quæ differunt objectis, signis, aut circumstantiis. Si causa efficiens aut finalis, subjectum aut adjunctum, pertinent ad essentiam, aut definitionem rei, tum, si quæ in iis differunt, diversitas non externa, sed essentialis censi debet.

## CAP. XXII.

## De oppositione rerum.

## THEOREMA I.

**O**ppositio est pugna rerum.

II. Pugnare dicuntur res, quæ neq; de se invicem, neque de eadem tertio secundum idem, ad idem, eodem modo atque tempore verè affirmari possunt.

## COMMENTARIUS.

*Sect. 1.* Quæ Aristoteli ἀντικειμενα dicuntur, ea Cicero contraria, nos opposita vocamus. Oppositio alia est in rebus, alia in affirmatione & negatione: illa simplicium, hæc complexorum thematicum affectio est. De oppositione rerum, quæ hujus loci est, agit Aristoteles, cap. 10. *Categ.* de altera in libro de *Interp.* In utraque oppositioni requiruntur quatuor conditiones, quæ traduntur, cap. 5. lib. de *soph. Elench.* Prima conditio est, ut oppositio fiat *αὐτὴ τὸ αὐτὸ, secundum idem*, id est, secundum eandem partem, aut naturam. Altera est, ut sit *αὐτὴ τὸ αὐτὸ, ad idem*, id est, eodem respectu. Tertia ut fiat *αὐτὸ τὸ αὐτὸ, id est, eodem modo*. Quarta, *ἐν αὐτῷ χρόνῳ*, id est, eodem tempore. Si, hisce conditionibus positis, opposita de se invicem prædicentur, prædicatio erit falsa; ut, *Homo est equus, cæcitas est visus*: aut si ambo de aliquo tertio prædicentur, alterutra enunciatio erit falsa; ut *Socrates videt, Socrates est cæcus*. Si opposita de se invicem, aut ambo de aliquo tertio verè affirmentur, necesse est aliquam dictarum conditionum desiderari. Ex. gr. *dominum esse & filium Davidis*, convenit eidem Christo, sed non *secundum idem*. Nam Christus est Dominus Davidis secundum divinam, filius Davidis secundum humanam naturam. Similiter numerus quaternarius est duplum & dimidium; sed non *ad idem*. Est enim duplum binarii, & dimidium octonarii. Præterea utrumque verum est, *mundum habere, & mundum non habere principium*: sed non *eodem modo*. Mundus enim habet principii durationis, non magnitudinis. Deniq; utrumq; verum est, *Olim erant fortes Milesii, & Olim non erant fortes Milesii*; sed non *eodem tempore*.

2. Cæterum etsi non possint opposita de eodem prædicari, servatis hisce conditionibus; nihil tamen vetat, quò minus idem possit prædicari de oppositis; ut color, de albore & nigrore; animal, de bestia & homine.

III. *Opposita sunt simul naturæ.*

IV. *Oppositorum eadem est scientia.*

*Sect. 1.* Horum axiomatum prius extat lib. 6. *Top. cap. 4.* posterius, lib. 1. *Top. cap. 14. lib. 2. cap. 2. lib. 6. cap. 6. & passim*. Posterioris axiomatis potest esse duplex sententia; prior, ut significetur utrumque oppositorum pertinere ad eandem scientiam: utque eadem scientia,

quæ

quæ verbi gratiâ de virtute differit, etiam differat de vitiis; & quæ de morbis, eadem de sanitate. Altera sententia est, ut significetur uno oppositorum cognito, etiam alterum cognosci.

V. *Opposita juxta se posita, magis illucescunt.*

Señ. 1. Hoc illud tritum est, quod traditur, lib. 3. Rhet. cap. 2. Ἄντι κειμένα παρὰλληλα μάλιστα φαίνονται. Cujus usum vide lib. 2. Rhet. ubi affectus & mores senum ac juvenum contrarii sic conferuntur, ut ex mutua collatione valde illustrentur.

VI. *Oppositorum species sunt quinque; Disparata, contraria, relativè opposita, privativè opposita, & contradicentia.*

Señ. 1. Oppositorum unum, aut pluribus opponitur, aut uni. Ea, quorum unum pluribus opponitur, vocantur disparata. Cum unum uni opponitur, oppositio vel inter ens & non ens versatur, vel inter ens & ens. Quæ opponuntur ut ens & ens, vel sunt absoluta, vel relativa: illa dicuntur contraria; hæc, relativè opposita. Quæ opponuntur ut ens & non ens, vel habent idem subjectum, vel non habent: illa dicuntur privativè opposita; hæc, contradicentia. Aristoteles non meminit disparatorum in Logicis, ubi ex professo species oppositorum recenset: meminit tamen eorum, lib. 4. Metaph. cap. 10. ibique ea vocat ἰστέον τῶν εἰδῶν, diversa specie, nempe ὅσα ἐν τῇ ὁμοίᾳ ἵστανται, hoc est, quæ contrario modo inter se affecta sunt ratione essentie.

VII. *Disparata sunt, quorum unum pluribus opponitur, eodem modo.*

Señ. 1. Sic homo & equus, album & cæruleum, sunt disparata: quia homo non equo solum, sed etiam cani, leoni, cæterisque bestiarum speciebus; & album, non solum cæruleo, sed etiam rubro, viridi, cæterisque coloribus mediis, opponitur eodem modo, hoc est, eodem oppositionis genere. Album & nigrum non sunt disparata, licet album non solum nigro, sed etiam mediis coloribus opponatur: aliter enim album nigro opponitur, aliter coloribus mediis. Similiter nec liber & servus disparata sunt, licet servus non solum libero, sed etiam domino opponatur, quia non est idem oppositionis genus utrobique: nam dominus & servus sunt relativè opposita; liber & servus, contraria.

VIII. *Contraria sunt duo absoluta, quæ sub eodem genere plurimum distant.*

Señ. 1. Aristoteles, c. 6. de Categ. definit contraria, τὰ πλεῖστον ἀλλήλων διαφερόμενα τῶν ἐν αὐτῷ γένει h. e. quæ plurimum à se invicem distant eorum, quæ posita sunt sub eodem genere. Sed ista definitio videtur minus plena; siquidem & disparatis competit, & iis quæ relativè sunt opposita.

2. Contraria sunt duo) Hæc parte distinguuntur à disparatis, quæ sunt plura duobus, aut saltem nihil impedit, quin plura sint. Absoluta) Hæc parte differunt ab iis quæ opponuntur relativè. Additur, sub eodem genere: nempe vel proximo, ut albor & nigror, sub colore: vel remoto; ut iustitia & iniustitia, sub habitu. Hæc parte distinguuntur contraria à contradicentibus, & ab iis quæ opponuntur privativè.

3. Nec

3. Nec obstat, quod Aristoteles, c. 11. *Categ.* ait, bonum & malum quæ contraria sunt, non esse sub eodem genere, sed esse ipsa genera. Nam Aristoteles videtur ista dicere ex sententia Pythagoreorum, quæ constabebant duas rerum *συζυγίας*, alteram bonorum, alteram malorum. ut testis est ipse Aristoteles, l. 1. *Metaph.* c. 5. Nam cum bonum & malum reperiantur in omnibus categoriis, sicuti ens, ut docetur, l. 1. *Eth.* c. 4. non possunt esse summa genera. His addo, bono in *Metaphysicis*, ubi consideratur ut communis entis affectio, malum non esse contrarium, sed opponi ei privativè. In *Ethicis* bonum & malum contraria quidem sunt, sed continentur sub eodè genere, nempe vel sub habitu, vel sub actione morali, quam *ἠθικὴ* Aristoteles appellare solet. Vide *Ammonium & simplicium* ad cap. 11. *Categ.*

4. Additur porro, plurimum distant, nempe *ἄρ' ἑκάστω*, vel *ἕκαστον*, h. e. quoad formam, vel quoad locum. Sic enim distinguit Philosophus contrarietatem l. 5. *Phys.* c. 2. & l. 2. *Meteor.* c. 6. ut altera fit in qualitate, quam vocat contrarietatem secundum formam; altera in ubi, quam appellat contrarietatem quoad locum. Qualitates contraria sunt, album & nigrum, virtus & vitium, rectum & curvum, servus & liber, &c. Loco contraria dicuntur, quæ in sphaera aut circulo diametro sunt oppositæ; ut polus arcticus & antarcticus. Huc referenda est contrarietas motuum, quæ fita est in contraria terminorum habitudine, ita ut terminus ad quem unius motus, sit terminus quo alterius, & vice versâ. Thomas vocat contrarietatem accessus & recessus. Sic contraria sunt, generatio & corruptio, accretio & diminutio, calefactio & frige factio, adscensus & descensus, &c. Itaque cum libro *Categ.* Philosophus contrarietatem qualitativis includit, & in substantia & quantitate locum habere negat, admodum strictè contrarietatis vocem accipere censendus.

IX. Contraria se mutuo destruunt, alterumque alterius contagium remittitur.

*Señ. 1.* Ita statuit Aristoteles, l. 2. de *Cæl.* c. 3. Ex. gr. cum aqua calefit, tantum ei frigoris decedit, quantum calorjs aliunde imprimitur. Quod si contrarium à contrario suo per antiperistasin interdum intenditur, id fit per accidens.

X. Contraria non possunt simul esse in eodem singulari subiecto.

XI. Versantur tamen circa idem subiectum vel specie vel genere.

*Señ. 1.* Hæc theorematum traduntur, cap. 11. de *Categ.* Sensus utriusque satis est manifestus. Ex. gr. idem non potest simul esse justus & injustus, æger & sanus, par & impar, frigidus & calidus; justitia tamen & injustitia sunt in anima hominis; morbus & sanitas, in corpore animalis; par & impar, in numero; frigus & calor, in corpore elementari.

XII. Contraria vel mediata sunt, vel immediata.

XIII. Contraria mediata sunt, inter quæ medium utriusque particeps interjectum est.

XIV. Immediata, inter quæ nihil medii interjectum est utriusque particeps.

*Señ. 1.*



*Seſt. 1.* Medium, quod in oppoſitione ſpectatur (ut cæteras acceptiones præteream) duplex eſt, alterum formæ ſive participationis, alterum ſubjecti ſive negationis. Medium formæ, ſive participationis, dicitur, quod particeps eſt utriuſque extremi. Sic tepor mediu-  
um eſt inter calorem & frigus; rubrum, inter album & nigrum. Medium ſubjecti, ſive negationis, dicitur, de quo utrumque extremum negatur. Sic ſpiritus eſt medium inter calidum & frigidum, inter magnum & parvum. Hæc contrariorum diviſio, de medio participationis accipienda eſt. Quædam enim contraria habent medium participationis; ut *album & nigrum, calor & frigus*; quædam non habent tale medium; ut *par & impar, reſtũ & obliquum*. Medium negationis reperitur in omni oppoſitione, præterquam in contradic-  
tione. Fit autem interdum, ut medium participationis propria voce carens, extremi ſui negatione ſignificetur.

2. Contrariorum immediatorum neceſſe eſt alterum in eſſe ſubjecto capaci. Sic neceſſe eſt, quemlibet numerum aut parem eſſe aut imparẽ. Mediatorum neutrum neceſſe eſt in eſſe capaci ſubjecto, quia medium poteſt ſubjectum occupare. Non eſt enim neceſſe, ut corpus ſit aut album aut nigrum: poteſt enim eſſe rubrum, aut viride. Si tamen alterum contrariorum mediatorum ſit ſubjecto naturale ac proprium, id neceſſe eſt ſubjecto in eſſe. Sic neceſſe eſt ignem eſſe calidũ.

XV. *Relativè oppoſita ſunt, quæ idipſum quod ſunt, oppoſitorum eſſe dicuntur, vel alio quovis modo ad illa referuntur.*

*Seſt. 1.* Relata poſſunt biſariam conſiderari; vel quatenus tribuuntur diverſis; & ſic ſe mutuò conſtituunt; vel quatenus tribuuntur eidem; & ſic ſe mutuò tollunt, ſuntque revera oppoſita, præſertim ſi ſint relata diverſi nominis. Sic, ex.g. poſito patre, poni quidem debet filius; ſed qui pater eſt alicujus, is non poteſt ejusdem eſſe filius. In relatis ejusdem nominis oppoſitio non apparet propter nominis indentitatem.

XVI. *Privativè oppoſita ſunt habitus & illius privatio.*

*Seſt. 1.* Privatio interdum ſignificat abſentiam formæ, quæ poteſt in ſubjectum introduci (ſic dicitur in ſemine privatio animæ; in aqua frigida, privatio caloris) interdum abſentiam formæ, quæ debet in eſſe ſubjecto. Illa Phyſica privatio vocatur, & inter principia generationis recenſetur; hæc dicitur privatio logica, eaque hujus loci eſt. Quemadmodum autem varia rerum genera ſunt quæ habitus nomine hoc loco intelligi debent, nempe potentia naturalis; habitus ſtriçtè dictus, patibilis qualitas, forma, operatio, habitus in decima categoria, & ut verbo dicam, quodlibet accidens, quod poteſt à ſubjecto ſeparari: ita quoque varia eſt privatio Logica: privatio potentie naturalis; ut *cæcitas*: habitus ſtriçtè dicti; ut *ignorantia*: qualitatibus patibilis; ut *tenebræ*: formæ; ut *τὸ ἀνοργον*, quale fuit in Chao: operationis; ut *ſomnus, quies*: habitus in decima categoria; ut *nuditas*. Sunt ergo oppoſita privativè, *viſus & cæcitas, ſcientia & ignorantia, lux & tenebræ, vigilia & ſomnus, motus & quies, veſtitum & nudum eſſe, &c.*

3. Privatio & habitus versantur *ἐν τῷ αὐτῷ* n, circa idem subjectum. Quod subjectum debet capax esse habitus, hoc est, tale, *ὅτι πρὸς τὸ ὑποκείμενον* n, *ἔστι πρὸς τὸ ὑποκείμενον* id est, in quo habitus debet inesse naturā, & quando debet inesse. Igitur privatio non potest tribui cuilibet subjecto, sed illi solū, quod per naturam suam, & per tempus à natura definitum, aptum est habitum oppositum recipere. Itaq; lapis non potest dici cæcus, quia naturā suā ineptus est ad videndum; nec infans recens natus, potest dici edentulus, quia non potest dentes habere à nativitate.

XVII. A privatione ad habitum non datur regressus.

Señ. 1. In privatione & habitu (inquit Aristoteles) mutatio inter se vicissim fieri nequit. Nam etsi ab habitu ad privationem datur mutatio, à privatione tamen ad habitum mutatio fieri non potest. Sed hæc de privatione potentie naturalis, quæ est maxima privatio, intelligenda sunt. Cæcus enim nequit visum amissum naturaliter recuperare. A privatione cæterarum rerum, quas supra recensui, datur regressus quā sæpissimè.

XVIII. Contradicentia sunt ens & non ens opposita.

Señ. 1. Ut homo, non homo; album, non album; videre, non videre. Contradicentia dicuntur opponi ut affirmatio & negatio, non quod sint enunciationes, sed quod addito subjecto, constituent enunciationes affirmatione & negatione pugnantes: ut Socrates est homo, Socrates non est homo; est albus, non est albus.

XIX. Contradictio caret omni medio.

Señ. 1. Tam negationis, quā participationis. Nihil enim ens & non enti commune est. Huc pertinet definitio contradictionis, quæ extat lib. 1. Post. 'Ἀλλοτρίωτος ὁ ἐν ἀλλήλοις, ἢ ἐν τῷ αὐτῷ' hoc est, Contradictio est oppositio, quæ per se medio caret.

XX. Contradictio est oppositionum maxima, prima, & mensura reliquarum.

Señ. 1. Maxima, quia medio caret. Prima, quia nullam aliam oppositionem præsupponit. Mensura reliquarum, quia primum in unoquoque genere est mensura reliquorum. Ex.g. album & nigrum, videre, & cæcum esse, idè sunt verè opposita, quia album est non nigrum; & videre, non esse cæcum.

2. Notandum est contradictionem aliam expressam esse, aliam implicitam. Expressa contradictio est; cū unum extremum finitum est, alterum infinitum: ut homo, non homo. Implicita contradictio est, cū sine particula negationis, alterum extremum ab altero evertitur. Vulgò vocatur contradictio in adjecto, vel oppositum in appposito: veluti, si quis dicat, sacrificium incruentum, corpus unum in pluribus locis, aut ubique, & id genus alia.

## CAP. XXIII.

De Ordine, deque eo, quod Prius, Posterius,  
aut Simul dicitur.

## THEOREMA I.

**O**rdo est, secundum quem aliquid altero prius aut posterius, vel etiam simul cum illo dicitur.

Señ. 1. De eo, quod prius aut posterius, eorumque modis, agit Aristoteles cap. 12. de Categ. de iis quæ simul dicuntur, cap. 13.

II. Prius & posterius dicuntur quinque modis, tempore, naturâ, dispositione, dignitate & cognitione.

III. Prius tempore dicitur, καὶ δ' ὁ ἀριστοτέλης ἵππερὶ ἐπὶ τοῦ λόγου, καὶ παλαιότερον. h. e. secundum quod aliquid altero vetustius & antiquius dicitur.

## COMMENTARIUS.

Señ. 1. Πρῶτον, inquit Simplicius, propriè dicitur de rebus animatis, ac præcipuè de hominibus. Sic dicimus Pythagoram Socrate πρῶτον. At παλαιότερον dicitur de rebus inanimatis, & de factis. Sic dicimus bellum Trojanum παλαιότερον bello Punico.

IV. Prius naturâ dicitur duobus modis, existendi consecutione & causalitate.

Señ. 1. Aristoteles ait illud solum esse prius naturâ, quod causalitate prius est. Sed videtur etiam illud prius naturâ vocandum, quod prius est existendi consecutione.

V. Prius existendi consecutione dicitur, ἀπὸ τοῦ μὴ ἀντιστρέφειν ἢ τῷ ἴδι ἀπολόγησθαι. h. e. à quo non recipitur existendi consecutio.

Señ. 1. Hoc Simplicius sic interpretatur, ὅτι ἄλλο μὴ πᾶν τὸ ἀπὸ τοῦ ἀπὸ τοῦ ἴδι πᾶν, καὶ ἄλλο μὴ ἴδι. h. e. quod alio posito, ponitur; & quo posito, aliud non ponitur. Ex. gr. posito numero binario, ponitur unitas; at posita unitate, non ponitur numerus binarius; & posito homine, ponitur animal; at posito animali, non ponitur homo. Unitas ergo est prior numero binario, & animal homine, & omnino genus suâ specie, & species individuo, quoad existendi consecutionem.

VI. Prius causalitate est, ὅτι ἀντιστρέφεται καὶ τὸ αὐτὸ τῷ ἴδι ἀπολόγησθαι, αὐτὸς ὅτι ἐπὶ αὐτοῦ αὐτὸς τῷ ἴδι. h. e. quod recipitur secundum existendi consecutionem, & quomodocunque causa est, cur alterum existat.

Señ. 1. Sic sol est prior luce; & res est prior orationis veritate. Nam quamvis sol & lux, res & veritas orationis, recipiuntur secundum existendi consecutionem, seseque mutuò ponant ac tollant; tamen sol suæ lucis causa est, & res est causa veritatis in oratione. Quia enim res est aut non est, oratio vera vel falsa dicitur. Hactenus ergo sol prior est suâ luce; & res, orationis veritate.

2. Prius

2. Prius causalitate, sive naturâ causante, teste Aristotele, *lib. 1. de part. anim. c. 1.* dicitur bifariam; nempe vel naturâ generante, vel naturâ intendente. Ordine naturæ generantis prius dicitur, quod simpliciter est; ut partes toto, principia & elementa rebus, quæ ex principiis & elementis constituuntur. Ordine naturæ intendenti prius dicitur, quod perfectius est, & cuius causâ alia fiunt: ut totum partibus; id quod ex principiis & elementis conflat, ipsis principiis & elementis; & omnino finis mediis.

VII. Prius dispositione dicitur, quod minus abest ab initio.

Señ. 1. Sic exordium in oratione prius est propositione; propositio narratione; narratio, confirmatione; confirmatio, refutatione; refutatio, epilogo. Et in omni disciplina prius est, quod priore loco traditur.

VIII. Prius dignitate est quod præstantius est.

Señ. 1. Sic magistratus prior est subditis; pater, liberis; dominus, servis; aurum, argento; virtus, auro.

IX. Prius cognitione est, quod facilius cognoscitur.

Señ. 1. Huiusmodi prioritatis non meminit Aristoteles hoc loco: meminit tamen illius *lib. 4. Metaph. cap. 11. & lib. 6. Top. cap. 4.* ubi id, quod prius cognitione est, vocat *γνωριμώτερον*, hoc est, quod notius est, aut potius, quod, ut ita dicam, *νοσκιβίλιον* est. Aliquid altero duobus modis dicitur *γνωριμώτερον*, nempe vel *ἀπλῶς* sive simpliciter, vel nobis sive respectu nostri. Simpliciter notius esse dicitur, quod *ἡ γὰρ λόγον, καὶ τοῖς ἐν διακειμένοις τῷ διανοεῖν*, hoc est, secundum rationem, & iis, quibus ratio rectè disposita est, notius est. Nobis notius esse dicitur, quod quoad sensum, & vulgò notius est. Igitur simpliciter notiora sunt, quæ naturâ suâ priora sunt: ut universalia singularibus, aut minùs universalibus; partes, totæ; & principia iis, quæ ex principiis sunt: at nobis ea notiora sunt, quæ naturâ posteriora, quæque sensibus propinquiora sunt. Porro, quæ simpliciter notiora sunt, quoad cognitionem distinctam ac perfectam notiora sunt. Distincta enim cognitio sequitur ordinem naturæ, in iisque est, qui mente bene dispositâ præditi sunt. At quæ nobis notiora sunt, notiora sunt quoad cognitionem confusam & imperfectam, quæ à sensibus originem ducit.

X. Simul totidem modis dicitur: quot Prius: sed duo modi cæteri usitatioribus sunt, Simul tempore, & Simul naturâ.

XI. Simul tempore dicuntur, quæ eodem tempore existunt.

Señ. 1. Simul tempore dicitur duobus modis; simpliciter, & secundum quid. Simpliciter simul dicuntur, *ἐν ἡ ἁδισσι ἐν αὐτῷ χρόνῳ*, h. e. quæ simul oriuntur; ut æquales. Simul secundum quid dicuntur, quorum unum incipit, antequam alterum desinit; ut *οἱ χρόνοι*, sive contemporanei. Aristoteles enim & Plato dicuntur *οἱ χρόνοι*, etsi Plato ante Aristotelem natus fuerit, & obierit.

XII. Simul naturâ dicitur duobus modis: quædam enim simpliciter & absolute, quædam secundum quid, ac respectu alicujus tertii, dicuntur esse simul.

XIII. Simul naturâ simpliciter & absolute dicuntur, *ὅσα ἀπλῶς*

φη μὴ καὶ τὸ τῷ ἐν ἀκολουθοῦν, μὴ δὲ μὴ ὅτι ἐπεὶ οὐκ ἔστιν αἰτιον τῷ ἐν.  
h.e. quæ recipiuntur quidem secundum existendi consecutionem, sed  
ita, ut alterum non sit causa, cur alterum existat.

Seff. 1. Sic relatum & correlatum sunt simul naturâ, & duo effe-  
ctus ab eadem causa proxima pendentes: ut, risibilem esse, & capacem  
esse disciplinarum, in homine.

XIV. Simul secundum quid, & respectu alicujus tertii dicuntur, τὸ  
ἐν τῷ αὐτῷ ὅπως ἀντιδιηρημένα διὰ λόγου. h. e. quæ ex eodem genere in  
divisione sibi opponuntur.

Seff. 1. Sic homo & bestia dicuntur simul naturâ, non simpliciter  
& per se, sed respectu animalis. Animal enim de illis simul prædi-  
catur, & non de altero prius, de altero posterius. In quo distingui-  
tur genus synonymum ab homonymo sive æquivoco: quia hoc non  
simul de suis speciebus prædicatur; sed de una prius, de altera po-  
sterius. Atque hæc de thematis simplicis affectionibus, tum simplici-  
bus, tum conjunctis.

## CAP. XXIV.

De Interpretatione in genere, deque  
Nomine & Verbo.

## THEOREMA I.

**S**upereſt ut dicamus de thematum simplicium interpretatione ac vo-  
cabulis: deque affectionibus, quas intellectus nostro vocabulis affingit,  
ex modo conceptus suos interpretandi.

## COMMENTARIUS.

Seff. 1. Etsi in usu sive præxi Logices, vocabula primùm expen-  
denda sunt; in doctrina tamen, atque in præceptis artis, secus fieri  
debet. Nam ut intelligere prius est, quàm interpretari conceptus  
suos; ita prius explicanda sunt ea quæ spectant ad intelligendi,  
quàm ea, quæ spectant ad modum conceptus interpretandi.

II. Interpretatio est vox articulata, animi conceptus ex instituto  
significans.

Seff. 1. Aristoteles scripsit singularem librum, περὶ ἑρμηνείας, hoc  
est, de interpretatione. In quo etsi generalis interpretationis defini-  
tio non traditur, ea tamen, quæ à nobis proposita est, ex Philosophi  
verbis faciliè eruitur. Interpretatio definitur vox. Vox est sonus si-  
gnificativus (ut ex Aristotelis lib. 2. de An. cap. 12. colligitur) ani-  
malis respirantis, factus à plaga aëris, pulmonum expiratione ad  
epiglottidem allisi, Vox alia est ἑρμηνεύω, hoc est, articulata; alia  
ἀερμηνεύω, hoc est, inarticulata. Vox articulata dicitur, quæ ex syllabis  
aut literis, tanquam ex articulis, conflata est, ita ut scribi possit:  
ut, homo, animal. Vox inarticulata dicitur, quæ syllabis aut literis

non constat, quæque scribi non potest: ut boatus, hinnitus, fletus, risus. Voces articulatæ significant animi conceptus, primò scilicet atque immediatè: nam res etiam significant, sed mediantibus conceptibus. Voces inarticulatæ significant animi affectus *ex instituto*, sive *ἡ συνθηκὴ* hoc est, ex usu arbitrario hominum eadem societate utentium. Nam utut homini naturale sit, voces edere, imò etiam voces articulas; hoc tamen naturale non est, ut hisce potius, quàm aliis vocibus conceptus suos interpretetur: totum illud ab institutione est. Quæ enim naturalia sunt, semper & apud omnes eadem sunt: ut docetur *lib. 2. Eth. cap. 1.* Sed voces non sunt apud omnes eadem, ut neque literæ, *cap. 1. de Interp.* Igitur, quòd *blāstri* nihil omnino significet, quòdque *canis* significet animal latrans apud Latinos, apud Gallos nihil; quòd denique *asinus* significat animal rādens potius quàm quidvis aliud, ab institutione est, atque ab usu, *Quem penès arbitrium est & vis & norma loquendi.*

De hac re legi potest disputatio apud Platonem in Cratylō.

2. In superiori definitione vox est materia, eaque loco generis ponitur: forma, est significatio, aut vis significandi. Genus potest esse *symbolum* aut aliquid tale. Potest igitur interpretatio definiti hoc modo: Interpretatio est *symbolum ex articulata voce factum, animi conceptus ex instituto significans.*

III. Interpretatio debet esse perspicua, hoc est, distincta, propria & usitata.

*Seft. 1.* Perspicuitas, inquit Aristoteles *lib. 3. Rhet. cap. 2.* est virtus sermonis. Ejusque officium est *ποιεῖν ἡμῖν τὴν μέθεσιν ταχέως*, hoc est, efficere ut discamus celeriter. Perspicuitati opponitur obscuritas: quam, ut vitium interpretationis, vitandam esse idem docet, *lib. 1. Prior. cap. 39. lib. 2. Top. cap. 4. & alibi.* Ejus causæ præcipuæ sunt homonymia, metaphora, & insolentia: ut docetur, *lib. 6. Top. cap. 2.* Homonymia parit obscuritatem: quia, quod non significat unum aliquid, nihil significare censetur, *lib. 2. Metaph. c. 13.* Metaphora, omnisq; adeò tropus, parit obscuritatem, quia tropus species homonymiæ est. Ac proinde metaphoræ & tropi non minùs vitandi sunt in disputationibus, & definitionibus, quam homonymiæ, *lib. 1. Post. cap. 13.*

2. Ut autem aliud alio vel *κατὰ λόγον*, notius esse diximus, vel *κατ' αἰσθησιν*: ita etiam aliter menti, aliter sensibus perspicua censetur Oratio. Oratio propria, menti perspicua est, & apta ad docendum; Namque

*Ornari res ipsa negat, contenta doceri.*

Oratio Metaphorica est menti obscura, & ad docendum non ita apta; quia objectis imaginibus, distrahit mentem à re proposita. Ac eadem est perspicua sensibus, & ad animum affectusque movendos aptissima. Ex quibus conficitur, sermonem proprium convenire Philosophis; metaphoricum sive tropicum, Oratoribus, & Poëtis.

3. Tertia causa obscuritatis, est insolentia. Insolens & inusitata vox dicitur, quæ aut vetustate obsoleta est, aut præ novitate non-

dum recepta. Qui enim vocibus utuntur ita priscis, ut non nobiscum, sed cum Evandri matre loqui videantur; aut ita novis, quæ nondum usu receptæ sunt; quid aliud agunt, quam ut non intelligantur, cum tamen unicus sermonis & interpretationis finis sit, ab aliis intelligi. Aristoteles, 1. 6. Top. c. 2. damnat Platonem novitatis, quod oculum appellasset ὀφθαλμῶν, quasi dicas ciliumbrem, & araneam ἀράχνης sive putrimordacem: quid faceret, si superiorum seculorum sophistas audiret, aut potius ipsam barbariem? Nec tamen iis assentior, qui in verborum delectu ita anxie religiosi sunt, ut ne in ipsis quidē disciplinis, & disputationibus Scholasticis, ullam vocem boni consulant, nisi quæ in curia aut foro Romano ante mille & sexcentos annos nata sit. Ego sic judico, neque affectandam esse sermonis barbariem, neque admodum peccare sapientiæ doctores, si τῆς διελέκτου ἑνὸς ὁνομαστικῆς. De qua re vide epist. Pici Mirand. ad Herm. Barbarum. In novis aut antiquatis vocabulis usurpandis, aliquantò major licentia Poetarum est: quibus,

--licetis, semperque licebit.

Signatum præsentie notā procudere nomen.

Plura de perspicuitate sermonis pereruditè scripta sunt à clarissimo viro Ger. Vossio, 1. 4. Inst. Orat. c. 1.

IV. Interpretatio valet dictio, vel oratio.

V. Dictio est interpretatio simplex.

VI. Interpretatio simplex dicitur, ἥ ἐκ μὲν ἑνὸς ὅτι οὐ μὲν τι καὶ οὐ μὲν τι h. e. cujus nulla pars significat separatim.

VII. Oratio est interpretatio composita.

VIII. Interpretatio composita dicitur, ἥ ἐκ μέρους τι σημαίνει ὅτι καὶ οὐ μὲν τι h. e. cujus pars aliqua significat separatim.

S. A. 1. Partes dictionis dicuntur nihil, partes orationis aliquid significare, separatim: nimirum, quatenus partes sunt. Partes dictionis, sunt syllabæ; partes orationis, sunt dictiones. Jam syllabæ, quatenus syllabæ, nihil significant illius rei, quam significant in dictione conjunctim. At dictiones, quatenus dictiones sunt, significant aliquid illius rei separatim, quam significant in oratione conjunctim. Ex. gr. valebis est dictio: ejus partes sunt vale & bis, quæ quidem aliquid seorsum significant, sed quatenus sunt dictiones, non autem quatenus sunt syllabæ, aut partes hujus dictionis, valebis.

2. Oratio alia est perfecta, alia imperfecta. Perfecta oratio est, quæ sententiam absolvit. Estque vel indicativi modi, ut enunciatio, de qua postea; vel imperativi, vocativi, optativi, aut alterius modi. Oratio imperfecta est, quæ sententiam non absolvit: idque vel defectu verbi; ut Animal mortale pedestre bipes: vel quia sententia suspensa est: ut Si cælum rueret: Quos ego: sed, &c.

IX. Dictio vel nomen est, vel verbum.

X. Nomen est dictio, quæ sine tempore significat, & conjuncta cum verbo substantivo E S T, verum aut falsum effert.

XI. Verbum est dictio, quæ tempus adsignificat, & semper signum est eorum quæ de altero dicuntur.



Secū. 1. Nomen interdum tam latè patet, quàm dictio, ut c. 2. *Cat. lib. 1. Top. c. 15. & alibi.* Similiter & verbum. At hoc loco nomen & verbum sunt species dictionis. Arist. definit nomen hoc modo, Ὅνομα μὲν ἐστὶ φωνὴ σηματικὴ κατὰ σιωθῆναι, ἀνυ γένου, ἥς μὴ δὲν μί-  
 ρθ' ἐστὶ σηματικὴν καχοιούμενον hoc est, Nomen est vox significans ex insitūto, sine tempore, cujus nulla pars significat separatim. Et, ut appareat discrimen inter nomina, & casus nominum, addit, Καὶ μὴ τὸ ἔστιν, ἢ ἦν, ἢ ἔσται, δεῖ ἀληθεύειν ἢ ψεύδεσθαι hoc est, Et cum verbo est, Erat, aut Erit, semper verum effert aut falsum. Verbum sic definitur, Ῥῆμα δὲ ἐστὶ τὸ πρὸς σημαθὸν γένον, ἧ μίρθ' ἐδὲν σημαθὲν γένει, καὶ ἔστιν δεῖ ὅτι καθ' ἑτέρε λαχοιούμενον σημαθὸν hoc est, Verbum est, quod adsignificat tempus, cujus nulla pars significat separatim, & est semper nota eorumque de altero dicuntur.

2. Nos nomen & verbum definivimus per proximum genus quod utrique commune est, nempe per *distinctionem*: quā voce comprehendimus omnia quæ in Aristotelis definitionibus sunt posita, & non in nostris; putā, quod nomen & verbum sint vox ex insitūto significans, cujus nulla pars significat separatim; quæ nos adhibuimus, partim in definitione generali interpretationis, partim in definitione interpretationis simplicis, sive dictionis. Id verò, quod in definitione generis ponitur, malè repetitur in definitione speciei. Quod si tamen definitio generis non præcessit, saepe fieri debet perspicuitatis causā, ut quædam exprimantur in definitione speciei, quæ pertinent ad definitionem generis; quod hoc loco factum est ab Aristotele.

3. Duo igitur reliqua sunt, quibus nomen & verbum, tum inter se, tum etiam a suis casibus distinguuntur, quæ in eorum definitione nos quoque expressimus. Nam primò, nomen significat sine tempore, verbum adsignificat tempus. Adsignificare tempus nihil aliud est, quàm præter rem significatam, denotare temporis differentiam, in qua res significata esse, fuisse, aut fore intelligitur. Nomina significant quidem tempus, ut annus, mensis, dies, &c. sed non adsignificant tempus. At omne verbum adsignificat tempus hoc est, significat rem, & denotat præterea differentiam temporis, in qua res significata existit, extitit, aut existet. Ex.gr. *disputatio* est nomen, disputat est verbum. Utrumque idem significat: sed *disputatio* significat actionem sine tempore; *disputat* significat eandem actionem, & denotat præterea eam actionem in præsentī tempore celebrari.

4. Præterea, nomen cum verbo substantivo est, semper ἀληθεύει ἢ ψεύδεται, hoc est, effert verum aut falsum. Hæc parte nomen distinguitur a suis casibus. Ex.g. hæc oratio, *Socrates est*, id est, existit, necessariò vera aut falsa est: at hæc, *Socratis est*, aut *Socrati est*, neque vera est neque falsa, nisi aliquid subintelligatur. *Socrates* ergò nomen est: *Socratis*, *Socrati*, &c. sunt casus nominum. Simili modo distinguitur verbum a suis casibus, hoc est, a verbis modi non indicativi. Nam verbum semper signum est eorum, quæ de alio dicuntur, hoc est, signum prædicati: ideòque nomini adjectum efficit orationem veram aut falsam, Nam hæc oratio, *Socrates disputat*,  
 est

est necessariò vera aut falsa. At casus verborum non efficiunt orationem veram aut falsam: hæc enim oratio, *Socrates disputaret* aut *disputasset*, neque vera est neque falsa. Itaque verba extra indicativum modum, in Logicis non habentur pro verbis, sed pro casibus verborum. Videtur Aristoteles etiam verba indicativi modi præteriti aut futuri temporis, à verbis sejungere, cum inquit, *Valebit, valuit*, non voco verbum, sed casus verbi. Sed rectius ista cum verbis junguntur, cum iis verbi definitio perfectè congruat.

5. Hoc eodem discrimine, quo diximus nomen & verbum differre à suis casibus, etiam inter se discrepant. Nam nomen significat rem aliquam absolutè, at verbum significat rem, quatenus de alio prædicatur, & quidem cum tempore. Itaque, cum unum tantùm munus nominis sit, significare rem aliquam, verbi tria munera sunt; rem aliquam significare, eamque cum alio, ut cum subiecto, conjungere, & tempus adsignificare.

6. Sed quid de reliquis orationis partibus dicendum, quas Grammatici recensent? Pronomen continetur sub nomine: Participium, etsi per se neque nomen sit, quia adsignificat tempus; neque verbum, quia additum nomini, non facit orationem veram aut falsam; in enunciatione tamen fungitur officio nominis, non verbi. Cæteræ partes orationis non habentur à Logicis pro partibus, sed pro additamentis & vinculis partium.

XII. *Utrumque, tum nomen, tum verbum, dividitur in finitum & infinitum.*

XIII. *Nomen aut verbum finitum est, quod habet significationem definitam.*

XIV. *Infinitum, cujus significationem negandi nota indefinitam facit.*

Señ. 1. Ex. gr. *homo* est nomen finitum, quia habet significationem definitam; *Non-homo* est nomen infinitum, quia habet significationem indefinitam, & ut loquitur Aristoteles, c. 2. l. de Interp. ὁμοίως ἐφ' ὅτῳ ὑπάρχει, καὶ ὄντος, καὶ μὴ ὄντος. h. e. pariter in quovis inest, tum ente, tum non-ente. Nam & lapis est *non-homo*, & equus, & Chimæra, & quicquid dici potest, præter hominem. Similiter, *disputat* est verbum finitum; *non-disputat*, infinitum. Quomodo verbum infinitum in enunciatione distinguatur à verbo negante cap. 30. docebimus.

## C A P. XXV.

### De Etymologia & Conjugatis.

#### T H E O R E M A I.

**I**N dictionibus spectanda est primum etymologia & conjugatio; deinde synonyma, homonymia, & acceptio vocabulorum, siue, ut Scholastici loquuntur, suppositio.

II. *Etymologia est ratio vocis in significando ex origine declarata.*

#### C O M M E N T A R I U S.

Señ. 1. *Etymologia* ex ἔτυμος & λόγος composita, *veriloquium*,  
aut

aut *veriverbium* vertitur: sed videtur potius *veram* rationem significare, ut docet Scaliger, *lib. 3. Poet. cap. 55.* Etymologia enim reddit rationem vocis, aut potius significationis quæ voci imposita est. Atque hæcenus multum juvat mentem nostram in quærenda rerum cognitione. *Dum enim vides (ut verbis utar Iſidori) unde ortum est verbum, citius vim intelligis ejus rei quam cupis introspicere.* Ex. gr. si quis cum Scaligero *lib. 4. Poet. cap. 16.* putet hominem dictum esse ab ὁμός, id est, *simul*, statim amplectetur illud quod ab Aristotele dicitur *lib. 1. Polit. cap. 2.* hominem naturâ suâ esse animal πολιτικόν, hoc est, *gaudens societate civili.* Similiter, si quis cum Platone deriveret ἀγαθόν ab ἀγών, i. e. *duco*, statim probabit definitionem veterum, quæ est apud Aristotelem, *lib. 1. Eth. cap. 1.* Ἀγαθόν ὅτιν ἐ πείτα ἰσίσται, h. e. *Bonum est, quod omnia appetunt, & illam Senecæ, Bonum est, quod ad se impetum animi secundum naturam movet, Epist. 118.*

III. Etymologiae ducuntur ex causis, effectis, proprietatibus, objectis, aliisve adjunctis; horumque intelligentiam efficiunt.

Scit. 1. Sic γράμμα, id est, *litera*, dicitur à γράω, *scribo*: quia literæ scriptiōne efficiuntur. Et homo, Hebræis *Adam*, dicitur à verbo adam, i. e. *rubere*, unde & *adamab*, id est, *terra rufa*, quali solet esse colore terra culta: nimirum quia homo creatus fuit ex terra. Similiter consul à consulendo, & angelus ab ἀγγέλλω, id est, *nuncio*, appellatus est: quia illius finis & effectum est Reipublicæ consulere; hujus, Dei mandata hominibus nunciare. Sic σωφροσύνη, inquit Aristoteles *lib. 6. Eth. cap. 5.* dicitur, quasi σωφρονίζω, id est, *servans prudentiam*. Est enim proprietas temperantiæ, animum in voluptate & dolore ita moderari, nè judicium de rebus practicis depravetur. Sic *Arithmetica* dicta est à numero, quia circa numeros versatur. Et sic in cæteris.

2. Grammatici docent etiam ex oppositis etymologias deduci, quas vocant ἀπ' ἀντιθέσεως. Sed ejusmodi etymologias merito rejicit clariss. Ger. Vossius, *Inst. Orat. cap. 13. lib. 4.*

IV. *Conjugata* (Græcè σύνθετα) sunt, quæ vocis & significationis affinitate juncta, terminatione differunt.

Scit. 1. Ut, *justitia, justus, justè, justè agere.* Quæ non differunt terminatione, ut *Grammatica ars & Grammatica scæmina*, non sunt conjugata, sed homonyma. Atque hæc sunt conjugata perfecta. Sunt & alia conjugata, quæ voce quidem conveniunt, sed non significatione: ut *ebrius, ebriosus, somnus, somnolentus.* Non enim ebriosus est omnis, qui ebrius est; neq; semper ebrius, qui ebriosus est. Hæc Grammaticis conjugata sunt; Logici ea rejiciunt. Alia deniq; sunt, quæ significatione, non voce, conveniunt: ut *virtus & probus; apud & avud;* quæ, etsi propriè conjugata non sunt, in Logica tamen habent vim conjugatorum.

V. *Conjugatio* constat voce primitivâ, paronymâ sive denominatâ & casu.

VI. *Vox primitiva* est vox abstracta, quæ ab alia voce non est derivata.

*Señ. 1.* In discernenda voce primitiva à derivata, non debet spectari syllabarum paucitas aut multitudo, (quod faciunt Grammatici) sed natura rerum. Ex. gr. *justitia* Grammaticis derivatur à *justus*: quia illud tetrasyllabum, hoc dissyllabum est. At Logicis dicitur *justus* à *justitia*, quia illud concretum, hoc abstractum, ac proinde simplicius est.

VII. *Vox paronyma est vox concreta, quæ à voce primitiva sic derivata est, ut ab ea solâ terminatione differat.*

*Señ. 1.* Huc pertinent omnes voces concretæ, non modo quæ ab accidentibus derivantur; ut, *quantus* à *quantitate*, *bonus* à *bonitate*, *candidus* à *candore*, *similis* à *similitudine*, &c. sed etiam quæ derivatæ sunt à substantiis; ut *vestitus* à *veste*, *armatus* ab *armis*, *capitatus* à *capite*, &c. Atque hæc, inquit Aristoteles *cap. 5. Categ. prædicantur de subjecto paronymas*, hoc est, *καὶ τὸ ὅμοιον μόνον, ὃ μὴ καὶ τὸ λόγον*, quoad nomen solum, non quoad definitionem. Quæ quoad nomen & quoad definitionem de subjecto prædicantur, ea dicuntur Aristoteli eo ipso loco synonymas prædicari.

2. Aristoteles *cap. 1. de Categ. definit παρὸνυμα hoc modo, Παρὸνυμα λέγεται, ὅσα ὀνόματα διαφέρουσι τῇ πρῶτῃ, τὸν κατὰ τὸ ὅμοιον ὁμοειρηνοῦσιν ἑξῆς. h. e. Paronyma, sive denominata dicuntur, quæ ab aliquo, sic ut casu differant, nominis appellationem habent. Quæ definitio à nostra aliquantulum differt: quia Aristoteles res ipsas, quibus voces paronymæ tribuuntur, nos ipsas voces paronymas definimus.*

VIII. *Casus sunt adverbia à nomine aut verbo suæ conjugationis deducta.*

*Señ. 1.* Ut, *bene* à *bonus*, *sapienter* à *sapio*, *justè* à *justitia*, &c. Sic accipit Aristoteles *casus* vocabulum, cum de conjugatis sermo est, vide *lib. 1. Top. cap. 15. lib. 2. cap. 9. lib. 6. cap. 10.* Aliàs *casus* Aristoteli est, dictionum quælibet terminatio ab origine sua diversa: ut in definitione paronymorum modò allata, & *cap. 2. & 3. lib. de Interp.*

## CAP. XXVI.

## De Synonymis, Homonymis, &amp; vocabulorum variis acceptionibus

## THEOREMA I.

**V**oces synonymæ sunt, quæ significant res, quibus ratio essentialis communi nomini accommodata est eadem.

II. *Homonymæ, quæ significant res, quibus ratio essentialis communi nomini accommodata est diversa.*

## COMMENTARIUS.

*Señ. 1.* Synonyma (Latine *univoca*) Grammaticis sunt voces ejusdem

dem significationis: ut, *ens* & *gladius*. Eodem sensu Scientiæ synonymæ dicuntur lib. 1. Post. cap. 13. quæ idem nomen habent, ut *Metaphysica*, *Mathematica*, atque ea quæ spectat ad auditum. A Logicis synonyma vel strictè sumuntur, vel latè. Synonyma strictè sumpta dicuntur cap. 6. de Categ. quæ eadem ratione de pluribus dicuntur essentialiter, sive, quoad nomen & quoad definitionem: veluti, cum *animal* dicitur de homine & bestia. Latior acceptio est, cum ea omnia synonyma dicuntur, quæ non sunt homonyma. Prior significatio ita stricta est, ut etiam excludat paronyma; utpote quæ prædicantur tantum accidentaliter, sive quoad nomen, & non quoad definitionem: significatio posterior etiam paronyma complectitur, si careant homonymia. Nam *album* esse de nive & lacte dicitur eadem ratione; idèoque album est vox synonyma, etsi sit ab albore denominata.

2. Synonyma hæc posteriori significatione, quæ huius loci est, vel sumuntur pro ipsis vocabulis, vel pro rebus quibus synonyma vocabula tribuuntur: quorum illa vulgò vocantur *univoca univocantia*; hæc *univoca univocata*. Similiter & homonyma, quæ Latinis *æquivoca* dicuntur, in *æquivoca æquivocantia*, & *æquivoca æquivocata* dividuntur: & per *æquivoca æquivocantia*, vocabula homonyma sive ambigua; per *æquivoca æquivocata*, res ambiguæ vocabulis nominatæ intelligendæ sunt.

3. Aristoteles cap. 1. lib. de Categ. ubi ex professo de synonymis & homonymis loquitur, res ipsas definit, sive *univoca*, & *æquivoca æquivocata*; nos, vocabula, sive *univoca*, & *æquivoca æquivocantia*. Et tamen Aristotelis verba retinimus, levi mutatione ad vocabulorum definitiones detorta. Synonyma sic definit Philosophus, *Συνώνυμα λέγεται, ὅταν τὸ πᾶν ὄνομα κοινὸν, καὶ ὁ κατὰ τὸ ὄνομα λόγος τῆς ὑποκειμένης αὐτῆς hoc est, Synonyma dicuntur, quorum nomen commune est, & definitio communi nomini accommodata, eadem*. Homonymia sic definiuntur, *Ὅμωνυμα λέγεται, ὅταν τὸ ὄνομα μόνον κοινὸν, καὶ ὁ λόγος τῆς ὑποκειμένης κατὰ τὸ ὄνομα ἑτέρος hoc est, Homonyma dicuntur, quorum nomen solum commune est, & ratio essentiae communi nomini accommodata, diversa*. Nomen solum commune dicitur homonymis; non ut excludantur accidentia nominum, puta, genus, declinatio, conjugatio, spiritus, quantitas, accentus, & id genus alia (nam si hæc eadem non sint, non erit idem nomen) sed tantum ut excludatur λόγος τῆς ὑποκειμένης, hoc est, id quod definitione explicatur. Neq; verò satis est, ut ratio essentiae diversa sit homonymis, sed hoc quoque requiritur, ut sit diversa καὶ τὸ ὄνομα, hoc est, quoad nomen commune, sive quatenus communi nomine conveniunt. Ex. gr. *animal* est nomen commune homini & bestie, nec tamen est homonymum. Etsi enim alia sit hominis, alia bestie definitio, quatenus nominibus discrepant: in una tamen definitione conveniunt, quæ communi nomini animalis respondet. At si *animal* referatur ad vivum & pictum, homonymum est; quia nulla definitio vivo animali & picto communis est, communi nomini *animalis* accommodata.

III. Homonymia vel a casu est, vel à consilio,

IV. Homa-

IV. *Homonymia à casu dicitur, cum vox eadem diversis rebus sine ratione est imposita.*

V. *A consilio, cum vox eadem adhibetur ad diversas res significandas certâ ratione.*

VI. *Ratio homonymiæ vel in rebus est, vel in nobis.*

VII. *In rebus est tropus, vel inæqualis attributio.*

VIII. *Ratione tropi dicuntur homonyma, quæ à propria significatione interdum deflectuntur ad alienam, ob mutuam rerum ad se invicem habitudinem; vel simplicem vel analogicam. Atque hæc tam latè patent quàm tropus.*

IX. *Ob inæqualem attributionem dicuntur homonyma, quæcunque significant communem naturam quæ subiectis speciebus inæqualiter communicatur.*

X. *In nobis est ratio homonymiæ, cum nomen liberis nostris tribuimus, aut propinque nobis charæve personæ, ad conservandam memoriæ; vel personæ illustris, ob spem similitudinis, aut ad exemplum.*

XI. *Ex his, omnium longissimè à synonymis absunt, homonyma à casu, quæque causam homonymiæ habent in nobis; propius ad synonymorum naturam accedunt tropica, ac imprimis analogæ; at omnium proximè, quæ ambigua sunt ob inæqualem attributionem.*

Seç. I. *Causa homonymiæ in genere, est infinita rerum multitudo, & paucitas vocabulorum. Quia enim multò pauciora vocabula sunt, quàm res, necesse est unum vocabulum pluribus rebus significandis adhereri. Causa, cur hæc aut illa vocabula homonyma sunt, vel nulla est, ut in homonymis à casu; vel siquæ causa sit quæ movere possit sapientem ut idem vocabulum diversis rebus significandis adhibeat, ea est, aut deflectio vocabuli à significatione propria ad alienam, ut in tropicis; aut inæqualis attributio, ut in iis quæ inferioribus ex æquo non conveniunt; aut memoria alicujus conservanda, spēsve similitudinis aut exemplum. Ex. gr. cum *ius* appellatur, quod forberi potest, & id, quod injuriæ opponitur, homonymia à casu est: Nulla enim ratio est, cur nomen hoc rebus impositum sit nullam affinitatem inter se habentibus.*

2. *Quid sit tropus, & quoduplex, ex Rhetorica petendum est. Facit autem tropus homonymiam, quia sententia tropicis vocabulis prolata, potest esse ambigua & fallax; veluti, cum *vulpes* ponitur pro homine vafro; *pastor*, pro ecclesiæ ministro; *anima*, pro homine; *quor*, pro opere, &c. Incertum enim esse potest, num quis istis vocabulis in propria, an in translata significatione utatur. Homonymiæ ob inæqualem attributionem sunt, ex gr. *ens* respectu substantiæ & accidentis; *sylogismus* respectu syllogismi strictè nuncupati, & cæterarum argumentationum, quæ & ipsæ syllogismi solent appellari; item *sanum* tributum animali, medicinæ, & urinæ, &c.*

3. *Atque hæc quidem omnia causam habent ambiguitatis suæ in rebus. Sunt & alia quæ causam habent ambiguitatis in nobis, & in arbitrio nostro sitam: veluti cum nomen parentis nostri filio damus ad illius memoriæ conservandam; aut pueri eruditæ viri, sperantes nostrum*



nostrum ejus exemplo excitatum iri, eique similem fore. Illa vocat Ammonius in *comm. in lib. Categ.* τὰ καὶ μὴ μὴ μὴ· hæc, τὰ καὶ ἰσχυρὰ.

4. Aristoteles *lib. 7. Phys. cap. 7.* tradit homonymorum species hoc modo: τῶν ὁμωνυμιῶν, inquit, αἱ μὲν εἰσι πολλὰ ἀπὸ χύσεως, αἱ δὲ πλεονεξίας, αἱ δὲ ἰσχυρῶς, αἱ δὲ ἀναλογίᾳ. Id est, *Homonymie quedam multum distant, quedam habent quandam similitudinem, quedam propinque sunt vel genere vel analogiâ.* Quæ hoc loco dicuntur multum distare, ea *lib. 1. Eth. cap. 4.* dicuntur ἀπὸ τόχως, à casu esse: quæ enim casu homonyma sunt, nullam habent rerum convenientiam. Cætera sunt homonyma propinqua, sive homonyma à consilio, eorumque tres constituuntur species: Quædam enim sunt propinquæ similitudine simplici, quædam analogiâ, quædam genere. Quæ hîc appellantur propinqua genere, ea dicuntur *lib. 6. de gen. & corr. cap. 6.* διὰ τὴν αὐτὴν οὐσίαν καὶ οὐσίαν, id est, quorum alia, & ab aliis atque prioribus sunt; *lib. 1. Eth. cap. 4.* τὰ ἰσχυρῶς, hoc est, quæ ab uno sunt; & *lib. 3. Metaph. cap. 2.* τὰ πρὸς ἓν, καὶ μὴ πρὸς δύο, hoc est, quæ ad unum, sive ad unam aliquam naturam referuntur. Quanquam nonnihil discriminis intercedere videtur inter τὰ ἰσχυρῶς, & τὰ πρὸς ἓν, quod accuratè explicatur ab Ammonio citato loco. Homonyma à casu ἀπλῶς homonyma dicuntur: cætera, quia propinqua accedunt ad naturam synonymorum, sæpe ab homonymis distinguuntur, ac imprimis ea quæ homonyma sunt ratione inæqualis attributionis: quando enim cum fortuitis conferuntur, non videntur esse homonyma. Consulantur loca paulò antè citata.

5. Hæc tripartitâ divisione homonymorum à consilio non omnia vocabula tropica continentur, sed tantum ea quæ metaphoram habent; cum tamen in cæteris tropis non minùs sit homonymiæ locus, quàm in metaphora. Quare duas causas posui illius homonymiæ quæ à consilio est, inæqualem attributionem generis, & tropum; quo nomine comprehendo, non solum metaphorica, quæ homonyma sunt propter similitudinem, aut simplicem, aut analogicam; sed omnia quæ à significatione propria ad alienam deflectuntur.

6. Scholastici omnia *analogia* vocant, quæ à consilio homonyma sunt, eorumque faciunt duas species; *analogia attributionis*, (sic appellant ea, quæ homonyma sunt ratione generis, sive ob inæqualem generis attributionem) & *analogia proportionis*: sic vocant omnia, quæ ob similitudinem homonyma sunt. Verum enim verò, præterquam quòd hæc divisione non contineatur *synecdoche*, *metonymia*, & *ironia*, quas diximus non minùs esse sedes homonymiæ, quàm est metaphora, etiam analogiæ vox admodum ineptè usurpatur. Nam in iis quæ inæqualiter attribuantur, nulla est proportio: ut neque in iis quæ similitudine simplici inter se conveniunt. Ut jam τὰ καὶ τὰ μὴ μὴ μὴ, & τὰ καὶ ἰσχυρὰ omittam, de quibus Ammonius ad *Categ. Aristot.* ut antè dixi.

7. Atque hæc de homonymis. Ut autem vocabulorum homonymia inter disputandum deprehendi possit (quod imprimis necessarium est) notanda sunt aliquot *γενήματα*, sive *canones*, quos tradit Aristoteles



teles I. 1. Tepe. 15. Ex quibus præcipuos hic recensēbimus. Omnia ea vocabula homonyma sunt, 1, Quibus multa sunt contraria; ut *grave*, cui contrarium est *leve* & *acutum*. 2, Quæ interdum contrarium habent, interdum non; ut *εἰλαῖν*, cui interdum contrarium est *μωρεῖν*, sive *odisse*, interdum nihil contrarium est, cū scilicet significat *consuescere*. 3, Quæ interdum medium habent, interdum medium non habent; sic *candidum* & *fuscum* sunt homonyma; quia cū de colore sermo est, pallor, alique colores mediū, inter candidum & fuscum interjecti sunt; at, cū vox *candida* aut *fusca* dicitur, nihil interjectum est. 4, Quibus aliquid oppositum est, quod ambiguum est: sic *acutum* est homonymum, quia *obtusum* est homonymum. Nam & *securis obtusa* dicitur, & vox, & ingenium. Similiter *grex* est ambiguum; ergo & *pastor*. Et sic in cæteris oppositorum generibus, exceptis disparatis. 5, Quorum conjugata sunt homonyma: sic quia *sanum* homonymum est, (nam & animal dicitur sanum, & medicina, & urina) etiam *sanitas* homonyma est. 6, Quæ significant res diversorum generum; sic *bonum* est homonymum, quia est in omnibus categoriis; & *ὄν*, quia asinum significat, & lapidem molarem. 7, Quæ tribuuntur iis, quæ non sunt *συμβαλὲν κατὰ τὸ μέλλον*, ἢ *ὁμοίως*, hoc est, talia, ut comparari queant, utque alterum altero magis tale dici possit, aut similiter tale: Itaque *candidum* est homonymum, quia & voci & vesti tribuitur; cū tamen vox neque candidior velte dici possit, neque æquē candida. 8, Quæ significant differentias generum non subalternatorum; ut *acutum*, quod est differentia vocis & magnitudinis. 9, Quæ diversas differentias habent; ut *jus*: Aliæ enim sunt differentie juris à quo Jurisconsulti dicuntur, aliæ juris forbilis. 10, Quæ nunc speciem, nunc differentiam significant; ut *candor*, qui est species coloris, & differentia vocis.

XII. *Diverse vocabulorum acceptiones, quas Scholastici barbarè suppositiones vocant, non efficiunt homonymiam.*

XIII. *Vocabula vel accipiuntur materialiter, vel formaliter.*

XIV. *Materialiter dicuntur accipi, cū accipiuntur pro seipsis.*

XV. *Formaliter, cū accipiuntur pro rebus significatis.*

Señ. 1. Ex. gr. cū dico, *Animal est trisyllabum*, neutrius generis, tertie declinationis; *Homo est dissyllabum*, communis generis; vocabula *homo* & *animal* sumuntur materialiter, hoc est, per se ac pro seipsis, haud secus, ac si nihil omnino significarent. At cū dico, *Homo est animal*, vocabula *homo* & *animal* sumuntur formaliter, hoc est, pro rebus quas significant ex instituto.

XVI. *Acceptio formalis in vocabulis singularibus unius tantum modi est; in vocabulis universalibus, vel est simplex, vel concreta.*

XVII. *Acceptio simplex est, cū vocabulum universale sumitur pro natura communi ab inferioribus abstracta.*

XVIII. *Acceptio concreta est, cū vocabulum universale sumitur pro natura communi in inferioribus.*

Señ. 1. Ex. gr. cū dico, *Animal est genus hominis*, vocabulum  
animal

*animal* sumitur simpliciter pronatura animalis in abstracto considerata, prout animi notione præcisa est ab inferioribus. At cum dicitur *Homo est animal*, vocabulum *animal* accipitur in concreto, quatenus existit in humana specie. Concreta acceptio Scholasticis dicitur *personalis*, qui admodum prolixè disputant de vocabulorum acceptionibus, sive, ut illi loquuntur, de suppositionibus. Ex quibus hæc paucæ selegimus: quæ ob præclarum usum, quem habent disputationibus, non poterant sine damno præteriri: cætera magis ad pompam faciunt, & ad ingenii ostentationem. Atque hæc de themate simplici, deque illius categoriis, affectionibus, atque interpretatione.

## C A P. XXVII.

## De Enunciatione in genere; deq; Enunciatione simplici &amp; composita, in specie.

## THEOREMA I.

**S**equitur nunc thema complexum, ejusque interpretatio, quæ Enunciatio dicitur.

## COMMENTARIUS.

SECT. I. In doctrina de themate simplici, distinctè rerum & vocabulorum affectiones consideravimus. Id hoc loco non est necessarium. Nihil enim in themate complexo considerandum est, quod non enunciationi quoque convenit; nihil etiam in enunciatione, quod non themati complexo congruit.

2. Enunciatio dicitur Græcè *ὑποτακτική*, à verbo *ὑποτάττω*, id est, ostendo, exhibeo. Dicitur etiam *πρότασις*, id est, *propositio*. Quamquam videtur propositio ab enunciatione, si non re, saltem ratione & usu discrepare. Nam *πρότασις* dicitur, quæ in syllogismo conclusioni prætenditur sive præmittitur, à verbo *προτίθημι*, hoc est, præterendo, protego: at enunciatio consideratur per se & sine respectu ad syllogismum. Deinde propositio videtur etiam in mente esse; at enunciatio est in verbis tantum, & in oratione prolata. A Cicerone & Varrone vocatur *pronunciatum*, *pronunciatio*, *effectum*, *profatum*; à Stoicis, *axioma*, ab *ἀξιόμα*, hoc est, *postulo*. Aristoteli *axioma* est enunciatio omnium judicio vera, quasi deductum sit ab *ἀξιόματι*, id est, dignus; quia omne *axioma* est *ἀξιόμιστον*, id est, *dignum cui fides habeatur*. Vide lib. 1. Post. cap. 2.

II. Enunciatio est oratio, in qua aliquid de alio verè vel falsò pronuntiatur.

SECT. I. Veritas alia est simplicis thematis, alia complexi. De veritate simplicis thematis loquitur Aristoteles, lib. 1. Metaph. minor. cap. 1. cum ait, *Ἐπεὶ οὐκ ἔστι τι ἄνθρωπος, ἄρα οὐκ ἔστι ἀνθρώπος*; hoc est, *Tantum ba-*

et unaquæque res veritatis, quantum existentie. Veritas thematis complexi non est in rebus, sed in iudicio mentis, aut in oratione. Iudicium mentis dicitur verum, cum componit, quæ vera conjuncta sunt; aut dividit, quæ vera diversa sunt. Oratio vera dicitur, & quando cum rebus convenit, & quando convenit cum mentis iudicio, etiam si à rebus discrepet. Convenientia orationis cum rebus vocatur veritas Logica; convenientia cum mentis iudicio, veritas Ethica.

III. In enunciatione spectanda sunt species & affectiones.

IV. Species enunciationis primò sunt simplex & composita; deinde prædicata & modalis.

V. Enunciatio simplex est, quæ non potest in plures enunciationes resolvi.

VI. Enunciatio composita est, quæ constat ex pluribus enunciationibus inter se copulatis.

Señt. 1. Sine enunciatio simplex an composita, ex copula verbali optimè deprehendi potest. Quæ enim unam tantum habet copulam verbalem, simplex est; ut *Homo est animal; Socrates sedet*. Quæ duas, pluresve copulas habent, vel expressas, vel intellectas, sunt compositæ; ut *Et prodesse volunt, & delectare Poetæ*: Una *Eurusque Notusque ruunt*. Quod tantundem est ac si dictum esset, *Eurus ruir, & Notus ruir*. Neque verò satis est ad constituendam enunciationem compositam, ut plures copulas verbales habeat; sed hoc quoque requiritur, ut enunciationes simplices, ex quibus composita conflata est, copulenter inter se, vel conjunctione Grammatica; ut *Si Deus est, non est Fortuna*: Aut *dies est, aut nox*: vel partium relatione; ut *Donec eris felix multos numerabis amicos*.

VII. Enunciatio simplex constat subiecto & prædicato.

VIII. Subiectum est, cui aliquid tribuitur in enunciari ne simplici.

IX. Prædicatum, quod alicui in enunciatione simplici tribuitur.

X. Prædicatum constat copulâ & re copulatâ.

Señt. 1. Ex. gr. in hac enunciatione, *Homo est animal, homo est subiectum; animal, prædicatum; est, copula* verbalis. Copula interdum diversa est à re copulata, ut in exemplo prolato; & tum dicitur enunciatio *trinaria*: interdum cum re copulata in uno eodemque verbo includitur; ut *Socrates disputat*; & tum dicitur enunciatio *binaria*. Cum verbum substantivum est constituit enunciationem binariam, ut *Homerus non est*, id est, non existit, dicitur *secundi adjecti*; at cum constituit enunciationem trinariam, ut *Homerus est pater sapientiæ*, appellatur *tertii adjecti*. Est secundi adjecti fungitur omnibus verbi officiis: significat enim existentiam, adsignificat tempus, & notat vim, quâ subiectum nomen sibi devincit. Est tertii adjecti amittit significationem suam, & copulat alterius vocis significatum cum subiecto. Cum enim dico, *Chimæra est figmentum*, copula est non denotat existentiam, sed copulat notionem figmenti cum Chimæra. Ac proinde est tertii adjecti non est verbum, sed verbalis copula, & vox syncategorematica.

2. Hinc non efficitur, ut est tertii adjecti non sit pars enunciationis:

tionis : imò hinc efficitur, ut sit pars, & forma adeò, atque animi prædicati. Etenim si verbum est, cum in alio verbo includitur, fit pars prædicati, cur non erit pars prædicati, cum seorsum ponitur? Cum dico, *Deus misereatur peccatorum penitentiam agentium*, hæc vocæ, *misereatur peccatorum*, &c. sunt prædicatum. Quare cum dico, *Deus est misericors erga peccatores*, id est *misericors*, erit prædicatum quod respondet verbo *misereatur*, ac proinde est prædicati pars censeri debet. Præterea, quod in conversione loco subiecti constituitur, id est prædicatum : atqui non sola res copulata, sed ipsa etiam copula in locum subiecti transferenda est in conversione: ergò copula etiam est pars prædicati. Ex. gr. hæc enuntiatio, *Omnis senex fuit puer*, sic convertitur; *Aliquis, qui fuit puer, est senex*.

XI. Subiectum & prædicatum non ex situ, sed ex sensu enuntiationis discernenda sunt.

Señ. 1. Sapè enim non liquet, utrum duorum subiectum sit, aut prædicatum; præsertim in enuntiatione trinnaria. Non enim semper ponitur subiectum priore; prædicatum posteriore loco : Ut in hac enuntiatione, *Nobilitas sola est atque unica virtus, nobilitas est prædicatum; virtus, subiectum; idque non aliunde, quàm ex sensu, & natura rerum colligitur*.

XII. Enuntiatio composita est quintuplex, copulativa, hypothetica, disjunctiva, adversativa, & relativa.

XIII. Enuntiatio copulativa est, cujus partes connectuntur particula copulativa.

Señ. 1. Cujusmodi sunt, &, que, quoque, ac, atque: etiam, neque, & similes : ut

*Unà Eurásque Notúsque ruunt crebèrque procellis Africus.*

*Credidit Abraham Deo, & imputatum fuit illi ad justitiam.*

XIX. Enuntiatio hypothetica est, cujus partes connectuntur conjunctione conditionali.

Señ. 1. Cujusmodi est particula *si*; ut *Si non est prudentia in rege, non est quies in populo*. Enuntiationis hypotheticæ pars prior vocatur antecedens; posterior, consequens. In horum nexu consistit veritas, non in veritate ipsius antecedentis aut consequentis. Ex. gr. quamvis non sit verum asinum volare, aut, asinum alas habere; tamen hoc verum est, *Si asinus volat, habet alas*.

XV. Si conditio sit impossibilis, enuntiatio hypothetica æquipollet categorica simpliciter & sine conditione neganti.

Señ. 1. Cum enim Deus Abrahamo dicit, *Si numerari potest pulvis terræ, numerabitur semen tuum*, tantundem est, ac si diceret, *Tam numerosam fore posteritatem Abrahami, ut numerari non possit*. Et Jurisconsulti docent hanc formulam promittendi, *Dabo tibi filiam, si calum tetigeris*, non obligare, quia neganti similis est.

XVI. Enuntiatio disjunctiva est, cujus partes connectuntur conjunctione disjunctiva.

Señ. 1. Cujusmodi sunt, aut, vel, sive, seu, ut, & similes; ut *Aut fide justificamur, aut operibus* : *Aut dies est, aut nox*.

XVII. Partes

XVII. *Partes-enunciationis disjunctivæ debent esse immediatè oppositæ.*

Seç. 1. Si enim oppositæ non sunt, sed subordinatæ, efficitur enuntiatio nugatoria; ut, *Aut homo est, aut animal* Si non sint immediatè oppositæ, enuntiatio erit fallax; ut, *Aut pax est, aut bellum*: possunt enim esse *induciae*. Interdum enuntiatio mediata suâ naturâ vim habet immediatæ ratione pacti alicujus, aut propositi præcedentis: veluti cùm Leander apud Ovidium ait,

*Aut mihi continget felix audacia salvo,*

*Aut mors solliciti finis amoris erit.*

Poterat quidem Leander neque amore frui, neque mori; sed alterutrum fieri debebat, quia jam decretum erat.

XVIII. *Enuntiatio adversativa est, cujus partes connectuntur conjunctionibus adversativis.*

Seç. 1. Cujusmodi sunt, *quamvis tamen, non hoc sed illud, quidem sed, & similes*; Ut, *quamvis Deus est omnipotens, non potest tamen mentiri*

*Non formosus erat, sed erat facundus Ulysses:*

*Difficile est, fateor, sed tendit in ardua virtus.*

XIX. *Enuntiatio relativa est, cujus partes connectuntur relatione.*

Seç. 1. Partium relatio nominibus, pronominibus, adverbis, aliisque partibus orationis comparisonem denotantibus, indicatur; ut *Qualis magistratus, tales subditi*: *Quod non est compositum, est immortale. Ubi cadavera, ibi congregantur aquilæ: Dum spiro, spero.*

## C A P. XXVIII.

### De Enunciatione pura & modali.

#### T H E O R E M A I.

**E**nunciatio pura est, in qua non exprimitur quomodo partes coherent.  
II. *Modalis, in qua exprimitur quomodo partes coherent.*

#### C O M M E N T A R I U S.

Seç. 1. Ex. gr. hæc enuntiatio, *Homo est animal, homo non est lapis*, est pura; quia solummodo enunciat prædicatum *animal* cum homine convenire, *lapidem pugnare*, non exprimens modum hujus convenientiæ aut pugnæ. Ab Aristotele lib. 1. Post. cap. 2. appellatur enuntiatio *ἁπλῆ*, h. e. significans *inesse*. At hæc enuntiatio, *Necesse est hominem esse animal, Impossibile est hominem esse lapidem*, est modalis; quia non solum enunciat prædicatum cum subiecto convenire, aut pugnare; sed etiam exprimit, quomodo conveniat cum subiecto, aut quomodo cum illo pugnet.

III. *Modi sunt quatuor, necesse, impossibile, possibile, contingit.*

Seç. 1.

Señ. 1. Modi alii materiales sunt, alii formales. Modi materiales afficiunt enunciationis materiam, subiectum aut prædicatum. Ex quo in hac enunciatione, *Pastor bonus ponit animam suam pro ovibus*, vocabulum *bonus* est modus subiecti. In hac, *Rhetor dicit ornate & copiose*, adverbia *ornate & copiose* sunt modi prædicati. Modi formales afficiunt formam, sive dispositionem enunciationis. Hos diximus esse quatuor. Græcè dicuntur *ἀναλογικόν, ἀδωριστόν, δυνάμειν, & ἐκ δὲ λόγων*. His quidam adjiciunt, *verum & falsum*; sed admodum imperiti. Nam verum & falsum non afficiunt affirmationem aut negationem. Nam qui dicit, *Verum est hominem esse animal*: *Falsum est, hominem esse lapidem*, nihilò plus dicat quàm, *Homo est animal*: *Nemo autem est lapis*.

IV. Enunciatio modalis constat dicto & modo. Dictum est quasi subiectum, modus quasi prædicatum.

Señ. 1. Enunciatio modalis vel adverbialiter effertur; ut, *Homo necessario est animal*: vel nominaliter; ut, *Necesse est hominem esse animal*. Cùm effertur adverbialiter, non differt ipècie ab enunciatione pura. Cùm effertur nominaliter, constituit novam speciem aut formulam enunciationis, in qua dictum est pro subiecto, & modus pro prædicato. Dictum est oratio constans casu nominis, & verbo infinitivi modi: ut in hac enunciatione, *Necesse est Deum esse bonum*, dictum est, *Deum esse bonum*; modus, *necesse*. Quòd modus prædicatum sit in enunciatione modali, aut quasi prædicatum, et copula colligitur. Copula enim pars prædicati est, ideoque illud prædicatum est, cui copula coheret: Atqui copula coheret cum modo: Modus ergò habet rationem prædicati. Idem liquet ex mutatione enunciationis modalis in puram. Hæc enim enunciatio, *Necesse est ignem esse calidum*, in puram enunciationem convertitur, hoc modo; *Igni calor est necessarius*.

V. Ad enunciationes modales revocandæ sunt enunciationes exclusivæ, exceptivæ, & restrictivæ.

Señ. 1. Enunciatio exclusivæ dicitur, in qua particula exclusivæ, tantum, solum, duntaxat, aut similis additur subiecto, aut prædicato; ut, *Soli electi servantur*: *Diaboli tantum agunt male*. Enunciatio exceptivæ est, in qua ponitur particula exceptivæ, præter, præterquam, nisi, aut similis; ut, *Omnes homines diluvio absumpti sunt præter Noachum cum familia*. Restrictivæ est, in qua ponitur particula restringens ac limitans, quâ, quatenus, quoad, aut similis; ut, *Homo sentit, quatenus est animal*: *Christus est ubique secundum divinam naturam*. Hujusmodi enunciationes in syllogismo mutandæ sunt, & exponendæ clariore aliquâ orationis formulâ. Hinc vocantur à Scholasticis exponibiles. Atque hæc de speciebus enunciationum.

## CAP. XXIX.

De Enunciatione universali, particulari,  
indefinita ac singulari.

## THEOREMA I.

**A**ffectiones enunciationum vel absolutæ sunt, vel relatæ.

II. Affectiones absolutæ sunt quantitas & qualitas.

III. Ratione quantitatis dividitur enuntiatio in universalem, particularem, indefinitam & singularem.

IV. Enunciatio universalis est, in qua subiectum universale accipitur universaliter: quod fit, cum universali subiecto additur nota universalitatis, omnis, nullus, &c.

V. Enunciatio particularis est, in qua subiectum universale accipitur in parte: quod fit, cum universali subiecto additur nota incertæ partis, sive particularitatis, aliquis, quidam, &c.

VI. Enunciatio indefinita est, cujus subiectum universale nullâ quantitatis notâ definitur.

VII. Enunciatio singularis est, cujus subiectum est singulare.

## COMMENTARIUS.

Señ. 1. Aristoteles cap. 7. de Interp. probat hanc quadrimembrem divisionem, hoc modo: Enunciationis prædicatum vel enunciatum de subiecto universali, vel de subiecto singulari. Si prædicatum de subiecto universali enuncietur universaliter, hoc est, cum nota quâ definiatur prædicatum omni aut nulla ex parte subiecto convenire, enunciatio est  $\alpha\delta\delta\lambda\alpha$ , sive universalis; ut *Omnis homo est animal*: Nullus homo est lapis. Si prædicatum de subiecto universali enuncietur particulariter, hoc est, cum nota quâ definiatur prædicatum ex parte tantum subiecto convenire, enunciatio est  $\epsilon\upsilon\ \mu\acute{\alpha}\sigma\eta\varsigma$ , hoc est, particularis; ut, *Aliquis homo est justus*: Non omnis homo est justus. Si prædicatum de subiecto universali neutro modo enuncietur, nullâq; notâ quantitatis definiatur, num prædicatum subiecto toti, an ex parte conveniat, enunciatio est  $\alpha\delta\delta\epsilon\lambda\epsilon\gamma\omicron\varsigma$ , sive indefinita; ut, *Justitia est virtus pulcherrima*. Si prædicatum de subiecto singulari enuncietur, enunciatio dicitur  $\kappa\alpha\theta'\ \iota\kappa\alpha\sigma\omicron\nu$ , singularis; ut, *Socrates est Philosophus*.

2. In enunciatione potest duplex quantitas considerari; una subiecti, quæ est quantitas numeri; altera prædicati, quæ est quantitas loci, temporis, aut modi. Quantitas numeri his notis indicatur, *omnis, cuncti, universi, quilibet, quivis, quicumque, quotquot, nullus, nemo*; item, *aliquis, quidam, plerique, pauci, nonnulli, non omnis, &c.* quorum illæ universalem, hæ particularem enunciationem efficiunt. Quantitas loci hisce notis cognoscitur, *ubique, ubicunque, nusquam, nullibi, alicubi, &c.* Quantitas temporis has habet notas, *quandocunque, semper, nunquam, aliquando, plerunque, &c.* Quantitas modi has,

H

quomodo,



quomodo, quomodoque, &c. Et si quantitas prædicati in syllogismis eodem sæpe loco sit, quo est quantitas numeri; hic tamen ea non consideratur. Nam hæc quadrimembris divisio ex quantitate subjecti sumpta est, non ex quantitate prædicati.

3. Syncategoremata *omnis, universi, cuncti, & similia, vel collectivè sumuntur, vel distributivè. Collectivè dicuntur sumi, cum prædicatum neque de speciebus neque de individuis subjecti sui seorsum prædicari potest; ut in hac enunciatione, Omnes planetæ sunt septem: Omnes partes sunt idem quod totum. Distributivè dicuntur sumi, cum prædicatum etiam iis attribui potest quæ subjecto continentur: & si possit illius tantum speciebus attribui, dicuntur sumi distributivè in genera singulorum; ut, Omnia animalia fuerunt in arca Noachi: Christus sanavit omnem morbum; id est omnia genera, aut potius species, animalium & morborum. Si prædicatum possit etiam attribui singulis subjecti individuis, dicuntur sumi distributivè in singula generum; ut, Omnis homo est animal. Cum syncategoremata sumuntur distributivè in singula generum, enuntiatio est simpliciter universalis; cum sumuntur distributivè in genera singulorum, est universalis secundum quid; cum sumuntur collectivè, videtur enunciationem indefinitam efficere. Hujus rei hæc est ratio. Cum vox *omnis* sumitur distributivè, nihil aliud est, quam syncategorema; at cum sumitur collectivè, est pars subjecti.*

VIII. Nota universalitatis non est addenda prædicato.

Seß. 1. Ità docet Aristoteles cap. 3. de Interpr. Ratio est, quia denotat quantitatem numeri, quæ est quantitas subjecti, ut diximus, non prædicati. Itaque verè dicitur, *omnem hominem esse animal*, sed non potest verè dici, *hominem esse omne animal*. Si tamen vox *omnis* non immediate cohereat ipsi prædicato, sed voci alicui prædicatum circumscribenti, ac determinanti, non erit enuntiatio falsa; ut, *Deus vult omnes homines salvos fieri: Christus curavit omnem morbum*. In his enim enunciationibus prædicatum non est, *homines, morbi*, sed, *vult, curavit*.

IX. Quantitas enunciationis modalis præcipuè æstimatur ex dictis, ex modo tantum secundariò.

Seß. 1. Quantitas dicti eadem est cum quantitate puræ enunciationis. Sive enim dicas, *Necesse est omnem hominem esse animal*, sive, *Omnis homo est animal*, utraque est universalis. Quantitas modi, est quantitas loci & temporis. Modus enim *necesse* includit adverbium *semper & ubique*; *impossibile* includit adverbium *numquam, nusquam*: quorum illa vim habent universaliter affirmandi; hæc, universaliter negandi. *Possibile & contingens* includunt adverbium *quando, varò, plerumque*, quæ vim habent particulariter affirmandi. Atque hæc de quantitate enunciationis.

## CAP. XXX.

## De enunciatione affirmata, negata, finita &amp; infinita.

## THEOREMA I.

**R**atione qualitatis dividitur enunciatio, primò in affirmantem & negantem; deinde, in veram & falsam.

II. Enunciatio affirmans est, quæ partes conjungit.

III. Negans, quæ partes dividit.

## COMMENTARIUS.

Señ. 1. Ex. gr. enunciationes affirmatæ sunt, *Omne vivens alitur: Si Deus est, mundus regitur providentiâ: Necessè est ignem esse calidum*; quarum negationes hæ sunt, *Non omne vivens alitur: non si Deus est, mundus regitur providentiâ: Non necessè est ignem esse calidum*.

IV. Utraque enunciatio dividitur in finitam & infinitam.

V. Enunciatio finita est, quæ constat subiecto & predicato finitis.

VI. Infinita, quæ constat subiecto, aut predicato, aut etiâ utroque infinito.

Señ. 1. Enunciationes finitæ sunt, *Omne corpus est in loco: Nullum corpus potest in duobus locis simul esse. Enunciationes infinitæ; Non ens excluditur à categoriis: Aliquis homo est non indoctus: Quidam non adeò divites, sunt minimè sordidi*.

VII. Si in enunciatione simplici nota negandi ponatur proximè ante notam quantitatis, aut si in nota quantitatis contineatur, vel etiam, si ponatur ante copulam, aut ante verbum quod vim habet copula, enunciatio erit negata; nisi quòd due negationes censeantur affirmare.

VIII. At si ponatur alibi, puta immediatè ante subiectum aut illius partem, vel post copulam aut verbum, enunciatio erit infinita.

Señ. 1. Enunciationes negatæ sunt, *Non omnis homo est doctus: Nulla planta sentit: Quidam homines non sunt electi: Lapidés non vivunt. At hæc, Nullus homo non vivit, censetur affirmata propter duas negationes. Enunciationes infinitæ; Quidam non locuples potest esse dives: Omne animal non rationale est bestia: Ulysses erat non formosus: Aneas potuit non vincere Turnum. Eodem modo cognoscitur discrimen inter enunciationem finitam & infinitam in modalibus. Ex. gr. *Hominem esse doctum non est necessè, est enunciatio negans; Hominem esse doctum est non necessè est infinita: quia in illa ponitur negatio ante copulam; in hac, post copulam*.*

2. Etsi enunciatio infinita affirmans, & finita negans, in multis idem significant; ut *Ulysses erat non formosus, Ulysses non erat formosus: Deus est non injustus, Deus non est injustus*: (hæc enim eòdem redeunt) in multis tamen magnum discrimen est; ut *Adam potuit non peccare, Adam non potuit peccare: Aneas potuit non vincere Turnum, Aneas non potuit vincere Turnum*.

IX. Enunciatio composita censetur negata, cum negatio cohaeret cum vinculo, quo duae enunciationes simplices connectuntur.

Señ. 1. Sumamus exemplum enunciationis affirmantis ex unaquaque specie; *Socrates & sapiens fuit & probus* : Si spondes, debes: *Aut bellum est aut pax* : *Qualis pater, talis filius*; Hæ enunciationes sic negantur : *Socrates non fuit & sapiens & probus*. Non si spondes, debes; hoc est, etiamsi spondeas, non tamen debes : *Non aut bellum est aut pax* : *Non qualis pater, talis filius*; hoc est, non est talis filius, qualis pater. Enunciatio adversativa non recipit affirmationem aut negationem ratione vinculi, sed tantum ratione singularum partium; ut *Non est doctus, sed probus*. Hæc enim enunciatio sic negatur *Est doctus, sed non probus*.

X. Enunciationes exclusivæ, & restrictivæ censentur negata, cum nota negandi ponitur ante particulas exclusivas aut restrictivas.

Señ. 1. Ut, *Non solus homo est animal*: Cicero non solum fuit orator: *Christus non quoad humanam naturam est ubique*; hoc est, Christus est quidem ubique, sed non secundum naturam humanam.

XI. Affirmatio prior est negatione & notior.

Señ. 1. Hæc assertio collecta est ex cap. 25. lib. 1. Post. & cap. 3. lib. 2. de Celo. Cæterum affirmatio dicitur prior negatione, quia prius est esse, quam non esse; notior, quia negata enunciatio per affirmatam innotescit: novi enim hominem non esse lapidem, quia novi eum aliud esse à lapide.

## C A P. XXXI.

### De Enunciatione vera & falsa, necessaria & contingente, & earum gradibus.

#### T H E O R E M A I.

**E**nunciatio vera est, quæ conjungit ea quæ conjuncta sunt, aut dividit, quæ divisa sunt.

II. Falsa, quæ conjungit ea quæ divisa sunt, aut dividit, quæ conjuncta sunt.

#### C O M M E N T A R I U S.

Señ. 1. Intelligitur hoc loco veritas & falsitas Logica, quam diximus esse convenientiam orationis cum rebus significatis, aut discrepantiam ab iis, in affirmando & negando. Enunciatio vera conjungit, quæ conjuncta sunt, hoc est, enunciat esse, quod est; ut *Homo est animal*: vel dividit, quæ divisa sunt, hoc est, enunciat non esse, quod non est; ut *Homo non est bestia*. Enunciatio falsa conjungit, quæ divisa sunt, hoc est, enunciat esse, quod non est, ut *Homo est lapis*: vel dividit, quæ conjuncta sunt, hoc est, enunciat non esse, quod est; ut *Planta non vivit*.

III. Enu-

III. Enunciatio vera, vel est necessaria, vel contingens.

IV. Enunciatio necessaria est, quæ non potest esse falsa.

V. Contingens, quæ potest esse falsa.

Señ. 1. Necessarium in genere dicitur, quod non potest non esse, aut aliter se habere; contingens, quod potest non esse, aut aliter se habere. Necessarium dicitur duobus modis, nempe vel absolute, vel secundum quid. Absolute necessarium est, quod sine contradictione non potest statui non esse, aut aliter se habere: necessarium secundum quid, quod quidem posita aliqua conditione, aut aliquo respectu, necessarium est; sed eâ conditione ablata, aut respectu mutato, sine contradictione statui posset, non esse, aut aliter se habere. Utraque necessitas simul & contingentia, vel in existente spectatur, vel in causis, vel in enunciatione. Atque hæc sola est hujus loci. Necessitas enunciationis nihil aliud est, quam indissolubilis partium nexus: contingentia est dissolubilis & mutabilis nexus partium. Ex. gr. hæc enunciatio, *Homo est animal*, est necessaria; quia fieri non potest, ut homo non sit animal. Atque hæc necessitas absoluta est. Item hæc enunciatio, *Corvus est niger*, est necessaria, non absolute, sed secundum quid; quia naturaliter quidem fieri non potest, ut corvus non sit niger: potest tamen illud fieri supernaturali virtute Dei. At hæc enunciatio, *Craesus est dives*, est contingens; quia fieri potest, ut Craesus non sit dives.

VI. Necessitas enunciationis tribus gradibus distinguitur: Primus gradus necessitatis est  $\chi\tau\iota\ \pi\alpha\upsilon\tau\acute{o}s$ , de omni: alter  $\chi\alpha\delta\ \delta\upsilon\tau\acute{o}$ , per se: tertius  $\chi\alpha\theta\acute{o}s\ \pi\epsilon\sigma\sigma\tau\omega$ , universaliter primum.

VII. Enunciatio de omni est, in qua prædicatum omni subiecto, & semper convenit.

Señ. 1. De gradibus necessitatis in enunciatione agit Aristoteles lib. 1. Post. cap. 4. indeque petita est hæc, & sequentes definitiones. Cæterum enunciatio  $\chi\tau\iota\ \pi\alpha\upsilon\tau\acute{o}s$  requirit duas condiciones; ut Prædicatum infit omni subiecto, & semper. Ex. gr. hæc enunciatio, *Homo est justus*, non de omni, quia justum esse, non convenit omni homini; ut neque hæc, *Vivens crescit*, quia non semper crescit: sed hæc, *Corvus est niger*: omnis enim corvus niger est, & semper.

VIII. Enunciatio per se est, cujus subiectum & prædicatum essentiali nexu coherens.

IX. Estque vel primi, vel secundi modi.

X. Enunciatio per se primi modi est, cum prædicatum continetur in definitione subiecti.

XI. Secundi modi, cum subiectum continetur in definitione prædicati.

XII. Enunciationi per se, opponitur enunciatio  $\chi\alpha\tau\alpha\ \sigma\upsilon\mu\phi\epsilon\sigma\eta\kappa\acute{o}s$ , five per accidens.

XIII. Enunciatio per accidens dicitur, in qua neque prædicatum continetur in definitione subiecti, neque subiectum in definitione prædicati.

Señ. 1. Aristoteles citato loco hos duos modos per se describit

hisce verbis; Καθ' αὐτὰ ἡ λέξις, ὅσα ὑπάρχει ἐν τῇ τὶ ὄντι, καὶ ὅσα ἐν αὐτοῖς αὐτοῖς, αὐτὰ ἐν τῇ λέξει εὐπαράχουσι, τῇ τὶ ὄντι δηλῶντι hoc est, *Per se appello, quæ insunt subiectis in attributione declarante quid sint* (hæc sunt primi modi) & *quæ attributis suis insunt in oratione declarante quid sint*: (hæc sunt secundi modi.)

2. Ad primum modum pertinent quinque genera enunciationum: 1. Cùm genus proximum prædicatur de specie; ut *Homo est animal*. 2. Cùm prædicatur genus remotum; ut *Homo est substantia*. 3. Cùm prædicatur proxima differentia; ut *Homo est rationalis*. 4. Cùm prædicatur differentia remota; ut *Homo habet facultatem sentiendi*. 5. Denique, cùm definitio prædicatur de definito; ut *Homo est animal rationale*. Ad secundum modum pertinent eæ enunciationes, in quibus proprietates dicuntur de subiecto suo; idque vel singulæ seorsum; ut *Homo est risibilis*: vel duæ disjunctim; ut *Numerus vel est par vel impar*. At hæc enunciatio, *Corvus est niger*, quamvis necessaria sit, per accidens tamen dicitur, quia neque corvus nigritia, neque nigritia corvi mentione definitur.

3. His addit Aristoteles tertium & quartum modum τῷ καθ' αὐτὸν, sive ejus quod per se est; sed qui huc non pertinent. Nam tertius modus est modus existendi, nihilque aliud docet, quam substantiam existere per se; accidens non existere per se, sed per accidens, sive per substantiam. Et quartus modus est modus causandi, explicans discrimen inter causas per se & causas per accidens, de quo egimus cap. 16. Quod si ex causis aut effectis per se, formentur enunciationes, faciliè revocari possunt ad duos modos jam explicatos. Si enim causa per se prædicatur de effectis; ut *Eclipsis fit ob interpositionem terræ*, enunciatio erit primi modi: si effectum prædicatur de causa per se; ut *Interpositio terræ efficit eclipsin*, erit secundi modi.

XIV. Enunciatio universalis iter prima est, in qua prædicatum subiecto convenit ἡ αὐτὸ, hoc est, quatenus ipsum est id, quod est.

XV. Itaque constat terminis recipit.

Señt. 1. Aristoteles sic ait, Καθόλου ἡ λέξις ὅσα κατὰ πάντας τι ὑπάρχει, καὶ κατὰ αὐτὸν, καὶ ἡ αὐτό hoc est, *Universale dico, quod & omni inest, & per se, & quatenus ipsum*. Sed satis erat ἡ αὐτό. Nam quicquid est ἡ αὐτό, etiam est κατὰ πάντας & καθ' αὐτόν. Prædicatum dicitur convenire subiecto ἡ αὐτό, cùm subiecto convenit secundum eam ipsam rationem, per quem est id, quod est. Ad eam rem requiritur, ut prædicatum sit καθόλου, & subiectum πᾶσιν. Quod cùm sit, prædicatum recipitur cum subiecto, eique convenit ἡ αὐτό. Ejus rei si num est, quod subiectum sumi potest cum duplicatione, huc reduplicativè. Ex gr. hæc enunciatio, *Homo est risibilis*, hinc cognoscitur esse universaliter prima, quia dici potest, *Homo, quia homo, est risibilis*, adeoque omnis & solus homo est risibilis.

XVI. Horum graduum secundus primus, & tertius secundum includit, non vicissim.

Señt. 1. Hoc est, omnis enunciatio per se, est etiā de omni; & omnis enunciatio universaliter prima, est etiam per se: sed non vice versâ.

Atque

Atque hoc intelligendum est de enunciationibus subiectum universale, ac capax signorum quantitatis, habentibus. Nam si subiectum sit singulare, potest enunciatio esse per se, quæ tamen non fit de omni. Nam hæc enuntiatio, *Socrates est animal*, est per se, non est tamen de omni, quia subiectum non est universale.

2. Necessitas primi gradus minima est, & proximè ad contingentiam accedit; quia non est necessitas absoluta. Necessitas secundi & tertii gradus absoluta quidem est, sed inæqualis tamen. Nam quia necessitas tertii gradus est mutua, necessitas secundi gradus non mutua; enuntiatio universaliter prima magis necessaria est quam enuntiatio per se, quæ non est universaliter prima. Ex. gr. magis necessaria censetur hæc enuntiatio, *Homo est risibilis*, quam hæc, *Homo est animal*; quia licet homo non possit non esse animal, animal tamen potest non esse homo: ac homo non potest non esse risibilis; & quod risibile est, non potest non esse homo.

XVII. Enunciationum contingentium quedam plerumque veræ sunt, quedam rarò, quedam ancipiti naturâ, nunc veræ sunt, nunc falsæ.

Seß. 1. Hæc extant cap. 9. de Interpr. & lib. 2. Top. cap. 6. Bx. gr. plerumque verum est, ut parentes ament liberos suos; rarò verum, ut homo nascatur biceps; ancipiti naturâ est, & modò verum, modò falsum, alciâ ludentem vincere. Horum, quæ plerumque eveniunt, dicuntur τὰ ὅτι τὸ πάλυ. quæ rarò, τὰ ἰσχυρὰ ἁπλοῦς quæ utrolibet modo, τὰ ὁπότῃς ἔτι.

XVIII. Enunciatio falsa, vel est possibilis, vel impossibilis.

XIX. Enunciatio possibilis est, quæ cum falsa sit, potest esse vera.

XX. Impossibilis, quæ, cum falsa sit, non potest esse vera.

Seß. 1. Impossibile dicitur duobus modis, nempe vel absolutè, vel secundum quid. Absolutè impossibile est, quod implicat contradictionem; ut, *hominem esse lapidem*. Impossibile secundum quid est, quod, cum non implicet contradictionem, à Deo quidem fieri potest, sed non à causis naturalibus; ut, *solem stare; ignem non urere; virginem parere*. Similiter & possibile duobus modis dicitur. Aliud enim Deo soli, aliud etiam causis naturalibus possibile est. Atque hoc revera non differt ab eo, quod contingens est, sed solâ tantum ratione. Nam possibile dicitur, quod non est, sed potest esse: contingens, quod est, sed potest non esse. Hæc de affectionibus absolutis.

## C A P. XXXII.

### De Conversione, Equipollentia, & Subalternatione enunciationum.

#### T H E O R E M A I.

**A**ffectiones relatæ dicuntur, quæ conveniunt enunciationibus inter se comparatis.

II. *Atque hæ sunt quatuor, conversio, æquipollentia, subalternatio, & oppositio.*

III. *Conversio est transpositio prædicati in locum subiecti, & subiecti in locum prædicati, salvâ veritate.*

### COMMENTARIUS.

Señ. 1. *Conversio dicitur Aristoteli ἀντιστροφή. De ea agit lib. 1. Prior. cap. 2. In conversione debet servari veritas, quia conversio debet ex convertenda sequi.*

IV. *Conversio dividitur in simplicem, in eam quæ est per accidens, & in eam quæ est per contrapositionem.*

V. *Conversio simplex est, in qua servatur quantitas & qualitas enunciationis.*

VI. *Habētq; locum in universali negante, & particulari affirmante.*  
Señ. 1. *Ut, Nullus homo est bestia; Ergò nulla bestia est homo: Aliquis homo est albus, Ergò aliquod album est homo.*

VII. *Conversio per accidens est, in qua servatâ qualitate, diminuitur quantitas.*

VIII. *Habētque locum in universali affirmante.*

Señ. 1. *Diminuitur quantitas, hoc est, universalis mutatur in particularem; ut, Omnis planta vivit: Ergò aliquod vivens est planta.*

IX. *Conversio per contrapositionem est, in qua loco subiecti & prædicati, ponitur utriusque contradictio.*

X. *Habētque locum in universali affirmante.*

Señ. 1. *Ut, Omne mortale est genitum: Ergò quod non est genitum, non est mortale. Aristoteles omittit hanc speciem conversionis in Analyticis; ejus tamen meminit lib. 2. Top. cap. 1. ubi eam vocat ἀντιστροφή διὰ τὸ ἀντιθέσθαι, id est, consecutionem reciprocam ex contradicentibus.*

XI. *Particularis negans non convertitur.*

Señ. 1. *Non enim sequitur; Aliquod animal non est homo: Ergò aliquis homo non est animal. Si tamen particularis negans aliquando convertitur; ut, Aliquis homo non est albus: Ergò aliquod album non est homo, id fortuitum est, & materiæ imputandum: ut & illud, quod universalis affirmans interdum converti possit servatâ quantitate, nimirum cum constat terminis reciprocis; ut Omnis homo est animal rationale: Ergò omne animal rationale est homo.*

XII. *In conversione enunciationum debet totum prædicatum cum toto subiecto sedem commutare.*

Señ. 1. *Hoc est, quicquid ad prædicatum pertinet, debet transferri in locum subiecti; & quicquid spectat ad subiectum, in locum prædicati. Ex. gr. hæc enuntiatio, Aliquod templum est in urbe, non debet converti in hanc, Aliqua urbs est in templo; sed in hanc, Aliquid, quod est in urbe, est templum: quia prædicatum enunciationis convertendæ non est urbs, sed esse in urbe. Similiter prædicatum hujus enunciationis, Omnis senex fuit puer, non est puer; sed fuit puer. Itaque non est convertenda in hanc enunciationem, Aliquis fuit*



fuit senex; sed in hanc, *Aliquis, qui fuit puer, est senex.*

2. Conversio modalium fit ratione dicti, modo manente. Enunciationes necessitatis convertuntur, ut puræ: universales negantes, & particulares affirmantes, simpliciter; universales affirmantes, per accidens, aut per contrapositionem; ut, *Necesse est omnem hominem esse animal: Ergo necesse est aliquod animal esse hominem; vel, Necesse est, quod non est animal, non esse hominem.*

3. Unum hic observandum est, ut enunciationes habentes modum necessitatis, sint necessariae καὶ δ' αὐτό, per se. Si enim hanc necessitatem non habent, conversio est fallax; ut, *Necesse est omnem senem fuisse puerum: Ergo necesse est aliquem, qui fuit puer, esse senem. Necesse est omnem doctum didicisse: Ergo necesse est aliquem, qui didicit, esse doctum, &c.* Ejusmodi conversiones non cohererent; quia senem fuisse puerum, aut doctum didicisse, non est necessarium καὶ δ' αὐτό, sed tantum καὶ τὸ πᾶν. Conversio enunciationum modalium in cæteris modis, nullis certis regulis præcipi potest. Nam quæ Aristoteles tradit l. 1. Prior. cap. 3. plus habent difficultatis quàm utilitatis.

XIII. Equipollentia est enunciationum verbis discrepantium convenientia in sensu.

Señ. 1. Equipollentia Græcè dicitur ἰσοδυναμία. Quæ de equipollentia præcipi solent, præsertim à Scholasticis, magnam partem inutilia sunt iis qui artis Grammaticæ periti sunt. Si qua difficultas est, ea sita est in cognoscenda equipollentia enunciationum, situ particulæ negativæ discrepantium, sententiâ convenientium; aut enunciationum modalium, diversos modos habentium. Illarum equipollentia continetur hisce quatuor versibus;

*Non omnis, quidam non: omnis non, quasi nullus.*

*Non nullus, quidam: sed nullus non, valet omnis.*

*Non aliquis, nullus: non quidam non, valet omnis.*

*Non alter, neuter: neuter non, præstat uterque.*

2. De modalium equipollentia notentur hæc quatuor regulæ. 1. Contingens & possibile equipollent, si eodem modo affirmentur aut negetur; ut, *Contingit esse, aut non esse; &, Possibile est esse, aut non esse.* 2. Necesse & impossibile equipollent, si dictum in altero affirmetur, in altero negetur: ut, *Necesse est esse, &, Impossibile est non esse: aut, Impossibile est esse, &, Necesse est non esse.* 3. Necesse & possibile equipollent, si in altero modus & dictum affirmentur, in altero negetur; ut *Necesse est esse, &, Non possibile est non esse; aut, Possibile est esse, &, Non necesse est non esse.* 4. Possibile & impossibile equipollent, si in altero negetur modus, in altero affirmetur: ut *Possibile est esse, &, Non impossibile est esse: aut, Impossibile est esse, &, Non possibile est esse.*

XIV. Subalternatio est, quæ enunciationes particulares, & singulares universalibus subordinantur, ex iisque necessariò sequuntur, non viciisim.

Señ. 1. Ex. gr. Si omnis homo est mortalis, etiam aliquis homo, & hic

*hic aut ille, est mortalis, & Si nullus homo est quadrupes, etiam al-  
quis homo, & hic aut ille, non est quadrupes.*

2. In modalibus subalternatio non solum ratione dicti, sed etiam  
ratione modi consideratur. Subalternatio dicti eadem est in modali-  
bus, quæ in puris. Modi possibile & contingens, subalternantur mo-  
dis necesse & impossibile. Necesse enim includit adverbium semper  
& impossibile, nunquam; quæ voces denotant universalitatem tem-  
poris. Contingens & possibile includunt aliquando; quæ est nota  
particularitatis in tempore.

## CAP. XXXIII.

## De Oppositione enunciationum.

## THEOREMA I.

**O**ppositio enunciationum vel est κατ' ἀλλήλειαν, secundum veri-  
tatem, vel κατὰ μέρος, quoad vocem tantum, lib. 1.  
Prior. cap. 15.

II. Oppositio vera, est pugna enunciationum in affirmando &  
negando.

III. Pugnare dicuntur enunciationes, in quibus idem de eodem,  
secundum idem, ad idem, eodem modo, & eodem tempore, affirma-  
tur & negatur.

## COMMENTARIUS.

Señ. 1. Distinctio oppositionis traditur lib. 2. Prior. cap. 15. Op-  
positio vera vel est materialis, vel formalis. Oppositio materialis  
est, cum disparata, contraria, relata, aut privantia eidem subiecto  
tribuuntur, secundum idem, ad idem, eodem modo & eodem tem-  
pore. Hæc quia est oppositio enunciationum ratione prædicati, per-  
tinet ad themata simplicia, de quæ ea actum est cap. 22. Ubi etiam  
explicatæ sunt conditiones legitimæ oppositionis. Oppositio forma-  
lis est pugna in affirmatione & negatione: de qua agit Aristoteles  
cap. 7. de Interpr.

IV. Oppositio vera, vel est contrarietas, vel contradictio.

V. Contrarietas est oppositio inter duas universales.

VI. Harum utraque non potest simul esse vera, sed potest simul esse  
falsa.

Señ. 1. Ex. gr. utraque hæc enunciatio, Omnis homo est iustus:  
Nullus homo est iniustus, falsa est. Sed neque hæ, neque ullæ aliæ con-  
trariæ, possunt simul esse veræ: Quæ enim simul veræ sunt, non sunt  
verè oppositæ.

VII. Contradictio est oppositio inter universalem & particularem;  
vel inter duas singulares.

VIII. Harum

VIII. *Harum alterutra semper vera est, & altera semper falsa.*

Señ. 1. Ut, *Oraxis homo est justus, Non omnis homo est justus; Nul-  
lus homo est justus, Aliquis homo est justus; Aristides est justus, Ari-  
stides non est justus.* Harum enunciationum altera vera est, altera  
falsa : & in cæteris eadem ratio est. In enunciationibus singulari-  
bus de futuris contingentibus, non liquet quidem homini, utra duarum  
vera sit, utra falsa : sed hoc tamen liquet, non posse utramque simul  
veram, aut utramque falsam esse. Ex, gr. alterum verum est, ut, qui  
alea ludit, vincat, aut ut non vincat : sed utrum vincet, necne,  
non potest ab homine definiri : quod tamen coram Deo defini-  
tum est.

IX. *Oppositio κατὰ λόγον, sive apprens, vel est subcontrarietas, vel  
oppositio indefinita.*

X. *Subcontrarietas est inter duas particulares ; oppositio indefinita,  
inter duas indefinitas.*

XI. *Utræque possunt simul esse veræ, sed non possunt simul esse falsæ.*

Señ. 1. *Subcontrariæ sunt, Aliquis homo est justus, Aliquis homo  
non est justus.* Harum utraque vera est : nam Aristides fuit justus,  
Verres non fuit justus : sed non potest utraque simul esse falsa. Si  
enim subcontrariæ simul essent falsæ, contrariæ simul essent veræ,  
quia contrariæ subcontrariis, additâ aut demptâ negatione, contra-  
dicunt. Indefinitæ oppositæ sunt, *Homo est justus, Homo non est ju-  
stus.* In terminis essentialibus aut repugnantibus, accensentur inde-  
finitæ oppositæ contradicentibus ; ut *Homo est animal, Homo non est  
animal; Homo est lapis, Homo non est lapis.* Altera enim semper ve-  
ra est, altera falsa. Sed hoc non fit ob formam oppositionis, sed ob pe-  
culiarem conditionem materiæ.

2. *Subcontrariæ dicuntur κατὰ λόγον opponi, & non κατὰ δυνάμιν, tum quia possunt simul esse veræ, tum quia non habent idem subje-  
ctum.* Cum enim dico, *Aliquis homo est justus, Aliquis homo non est  
justus,* non eundem hominem utrobique intelligo, aut si eundem ho-  
minem intelligo, jam erit contradictio singularium. Eadem est ratio  
indefinitæ oppositorum.

XII. *Contradictio modalium consistit in affirmatione & negatione  
modi in eodem dicto.*

Señ. 1. Ut, *Necesse est hominem esse animal, Non necesse est hominem  
esse animal.* Sic opponuntur, impossibile, non impossibile, contingit, non  
contingit.

XIII. *Contrarietas modalium consistit partim in dicto, partim in  
modo.*

XIV. *Ratione dicti contrariæ sunt duæ enunciationes habentes mo-  
dum necesse, aut duæ habentes modum impossibile, si in altera dictum  
affirmetur, in altera negetur.*

Señ. 1. Ut, *Necesse est hominem esse animal, Necesse est hominem  
non esse animal; Impossibile est hominem esse lapidem, Impossibile est ho-  
minem non esse lapidem.*

XV. *Ratione modi contrariæ sunt, enunciatio habens modum nec-  
esse,*

esse, & altera habens modum impossibile, si dictum utriusque fuerit  
eiusdem qualitatis.

Set. 1. Ut, Neceſſe est hominem esse animal, Impossibile est hominem  
esse animal.

XVI. Subcontrarie sunt duæ enunciationes habentes modum pos-  
sibile, aut modum contingit, si in altera dictum affirmetur, in altera  
negetur.

Set. 1. Ut, Possibile est aut contingit alea ludentem vincere, Pos-  
sibile est aut contingit alea ludentem non vincere.

XVII. Enunciationes exclusivæ & restrictivæ accipiunt contradic-  
tionem à negatione addita particulis exclusivis aut restrictivis.

Set. 1. Ut, Sola fides justificat, Non sola fides justificat; Homo est  
mortalis quoad animam, Homo est mortalis, sed non quoad animam.

XVIII. Contradictio enunciationum compositarum posita est in ne-  
gatione, quæ pertinet ad nexum consequentis cum antecedente.

Set. 1. Itaq; hæc enunciatio, Si Sinon miser est, vanus est & men-  
dax, tali contradictione evertitur apud Virgilium, lib. 2. *Aneid.*

--- Nec, si miserum fortuna Sinonem

Finxit, vanum etiam mendacemque improba finger :  
quæ sic resolvas, Nec si Sinon miser est, vanus etiam, & mendax est;  
hoc est, etsi miser sit, non ideo tamen mendax est. Huic enuncia-  
tioni, Qui uxorem ducit, aut pulchram ducit aut deformem, tali modo  
contradicitur, Non aut pulchram aut deformem ducit. Simili modo  
& hæc contradictoria sunt, Maria fuit & mater Christi & expers pec-  
catorum, Maria non fuit & mater Christi & expers peccatorum; hoc  
est, illa duo in Maria conjuncta non sunt. Item hæc, Qualis rex, ta-  
lis grex; Non qualis rex, talis grex, &c.

Cæterum quia difficile est in enuntiationibus modalibus, omnes  
hasce affectiones intelligere; ut discantibus subveniremus, dia-  
gramma subjecimus, in quo enuntiationum modalium æquipol-  
lencia, subalternatio & oppositio, uno intuitu spectandæ propo-  
nuntur.

# DIAGRAMMA.

Lib. I.

Institutionum Logic.

105

Aquipollentes.

1.  
A- Possibile est esse.  
MA- Contingit esse.  
BI- Non impossibile est esse.  
MUS. Non necesse est non esse.

Subcontraria.

Aquipollentes.

2.  
B- Possibile est non esse.  
DEN- Contingit non esse.  
TU- Non impossibile est non esse.  
LI. Non necesse est esse.

Subalterna.

4  
PUR- Non possibile est non esse.  
PU- Non contingit non esse.  
RE- Impossibile est non esse.  
A. Necesse est esse.

Aquipollentes.

Expli.

Contraria.

Contraria.

Subalternantes.

Subalternantes.

Subalterna.

Aquipollentes.

3.  
I- Non possibile est esse.  
LI- Non contingit esse.  
A- Impossibile est esse.  
CE. Necesse est non esse.

*Explicatio Diagrammatis.*

In hoc Diagrammate cernuntur quatuor classes enunciationum modalium, & in unaquaque classe quatuor enunciationes secundum quatuor modos. 1. Enunciationes ejusdem classis, sunt æquipollentes. 2. Enunciationes primæ classis subordinantur enunciationibus quartæ classis; & enunciationes secundæ classis, enunciationibus tertie classis. 3. Enunciationes primæ & tertie, item secundæ & quartæ classis, sunt contradicentes. 4. Enunciationes tertie & quartæ classis sunt contrariæ, vel ratione dicti, vel ratione modi. 5. Enunciationes primæ & secundæ classis sunt subcontrariæ. 6. Vocales vocum, quæ singulis classibus præfixæ sunt, denotant qualitatem dicti & modi.

A	denotat	{	dictum & modum affirmatum.
E			dictum negatum & modum affirmatum.
I			dictum affirmatum & modum negatum.
U			dictum & modum negatum.

Atque hæc de Thematica sive prima parte Logices, quæ veluti materia est circa quam instrumenta Logica versantur, & ex qua conficiuntur. Nam etsi hujus partis præcepta mentem nonnihil juvent in rerum cognitione comparanda; præcipuè tamen faciunt ad instrumentorum effectum, quæ secundâ parte trademus.

---

*Finis Libri primi.*

---

# INSTITUTIONUM LOGICARUM

## LIB. II.

### C A P. I.

### De Definitione in genere, deque Definitione nominali.

#### T H E O R E M A I.

**P**ostquam in prima parte actum est de thematicis, quæ instrumentis Logicis tractanda sunt; deque affectionibus eorum, atque notionibus secundis, ex quibus instrumenta Logica conficiuntur: superest, ut in secunda parte agamus de ipsis instrumentis, deque modo instrumenta conficiendi, quam inde Organicam initio appellavimus.

II. Instrumenta Logica sunt quatuor, definitio, divisio, syllogismus & methodus: quorum, definitio, & divisio inserviunt tractandis thematicis simplicibus; syllogismus, complexis; methodus, utrisque.

#### C O M M E N T A R I U S.

Seff. 1. **M**ens nostra quadruplici defectu laborat, cum occupata est in investiganda rerum cognitione: Vel enim non assequitur propositæ rei essentiam, sed circa illius accidentia solum hæret, ac sensibiles notas; vel essentiam rei confusè tantum concipit, & ratione minimè distinctâ; vel in dubiis non reperit quid statuat, aut etiam statuit quod falsum est; vel denique non servat ordinem in commentando, qui cum natura rerum consentit. Hisce quatuor malis opponit Logica totidem remedia, quæ sunt quatuor illa instrumenta quæ jam recensuimus. Definitio exhibet menti essentiam rerum: divisio efficit cognitionem distinctam; syllogismus tollit animi incertitudinem & errorem circa themata complexa; methodus, ἀταξίαν sive confusionem.

III. Definitio est λόγος τῷ τί ὅτι aut plenius, λόγος ὁ τὸ τί ἴστί τι σημαίνει, hoc est, oratio declarans quid sit id quod queritur.

Seff. 1. Harum definitionum prior exat lib. 2. Post. cap. 10. ibique definitio dicitur ὁρος, id est, terminus: altera traditur lib. 1. Top. cap. 5. quo loco nuncupatur ὁρισμὸς, sumptâ metaphorâ à re rustica. Ut enim termini ac limites, quos ὁρος Græci dicunt, agrum ὁρίζουσιν,



ζῶον, id est, *limitant*, & à vicinis agris distinguunt; ità etiam definitio naturam rei circumscribit, & ab aliis rebus, differentiis interpositis, discernit.

2. Definitio dicitur λόγος, nempe vel internus, qui mente formatur tantum; vel externus, qui etiam ore pronunciatur; præcipue tamen internus. Quia definitio formari potest sine oratione, quæ est λόγος externus, sive περὶ οὐρανός· sine cogitatione, quæ est λόγος internus, sive ἐν δὲ αὐτῷ, formari non potest. Λόγος const. ex duobus minimùm vocibus. Itaque explicatio nominis per aliud nomen notius (veluti si quis machæram dicat esse gladium) non potest proprie definitio dici: debet ramen referri ad definitionem, ut postea liquerit. Causa cur definitio debeat esse oratio, hæc est. Ea est mentis nostræ imbecillitas, ut uno conceptu non possit rei essentiam distinctè apprehendere. Huic imbecillitati ut occurrat definitio, distrahit rem in partes, eamque tradit menti pluribus conceptibus intelligendam, singulasque partes suis appellat nominibus.

3. Adhibetur autem in definitione (inquit Aristoteles) lib. 1. Top. cap. 5.) aut oratio pro nomine, aut oratio pro oratione: hoc est, Definitum interdum unâ voce proponitur; veluti cùm definitur *bonum*, *eclipsis*, *tonitru*, aut tale quid: interdum pluribus, sive oratione, veluti cùm definitur, quid sit *minuere majestatem*, *incertus possessus*, *condictio indebiti*, *sylva cædua*, &c.

IV. Definitio alia est nominis, alia rei.

V. Definitio nominis est, quæ declarat, τί τὸ λεγόμενον ὅτι, quid sit illud quod dicitur: vel τί σημαίνει τὸ ὄνομα, quid significet nomen.

VI. Idque vel etymologiâ, vel voce conjugatâ, vel voce synonymâ.

Señt. 1. Harum definitionum prior habetur lib. 1. Post. cap. 2. altera, lib. 2. cap. 10. Cæterùm Aristoteles distribuit definitionem in ὀνομαστικὴν, nominalem, & ὁυστικὴν, essentialem. Sed non videntur omnes species definitionum hisce duobus membris contineri. Sunt enim definitiones quædam, quæ neque nomen rei declarant, neque essentiam exprimunt; nempe definitiones accidentales.

2. Definitio nominalis est triplex; Prima est definitio κατ' ἐτυμολογίαν, quæ nominis significationem declarat ex sua origine; ut, *Triangulum* est, quod habet tres angulos: *Philosophia* est φιλοσοφία, id est, amor & studium sapientiæ. Interdum accidit, ut ex genere & nominis etymologia contextatur ipsa definitio rei; ut, *Arithmetica* est scientia numerorum. Secunda est definitio κατ' ὁμοιοπαρίαν, quæ nomen declarat voce conjugatâ; ut, *Qualitas* est, à qua qualis aliqui dicuntur: *Vir bonus* est qui virtute præditus est. Tertia est definitio κατ' ἀναλογία, cùm vox obscura declaratur unâ aut pluribus vocibus notioribus; ut, *Καλόν* ὅτι τὸ ἀπτόν. Sic Gellius *apludam*, vocem præscam, interpretatur *frumenti fursurem*: & vocem *floccem* apud Cæcilium, *vini facem ex vinaceis expressam*; sicuti *faces* ex oleis. Et vox *bovinator*, quæ est apud Lucilium, exponitur *tergiverfator*. Quanquam, cùm vox unâ voce synonymâ explicatur, satis improprie

improprie definitio dicitur; cum ejusmodi explicatio non sit ~~267~~  
debet tamen ad definitionem revocari, ut Auctor est Aristoteles  
lib. 1. Top. cap. 5.

## C A P. II. De Definitione perfecta.

### T H E O R E M A I.

**D**efinitio rei est, quæ explicat quid res ipsa sit.

II. Estque vel perfecta, vel imperfecta.

III. Definitio perfecta est, quæ rei essentiam attributis essentialibus explicat perfectè.

IV. Imperfecta est, quæ rem non explicat attributis essentialibus, aut saltem non explicat perfectè.

### C O M M E N T A R I U S.

SECT. 1. Plerique confundunt definitionem perfectam cum essentiali, & imperfectam cum accidentali; sed imperitè. Nam etsi omnis perfecta definitio essentialis sit, & omnis definitio accidentalis imperfecta; non tamen omnis imperfecta definitio accidentalis est. Nam definitio, quæ essentiam proprii accidentis explicat genere & subiecto, sine mentione causæ proximæ (veluti, cum eclipsis definitur defectus luminis in Luna) ab Aristotele lib. 2. Post. cap. 10. pro imperfecta definitione habetur; nec tamen accidentalis est.

V. Leges perfectæ definitionis præcipuæ sunt sex. Prima lex; Definitiones debent esse breves.

SECT. 1. Hæc lex præcipitur lib. 2. Post. cap. 13. & lib. 6. Top. cap. 3. Cæterum breves dicuntur definitiones, in quibus neque minus dicitur quàm necesse est, neque quicquam otiosum est. Ut autem aliquid in definitione otiosum sit, tribus potissimum modis contingit. Primo, cum tautologia committitur. Tautologia non solum committitur, cum idem aliâ voce synonymâ repetitur; veluti, si homo definiatur animal rationale, & intelligendi potestate præditum: sed etiam, cum in speciei definitione exprimitur, quod ponendum erat in definitione generis; veluti, si cæcitas definiatur privatio visus qui naturaliter debet inesse. Nam illud, qui naturaliter debet inesse, redundat, & privationis appellatione per se continetur. Secundo, otiosum est in definitione, quod definitum non distinguit ab ulla alia re; ut transcendentia: veluti, si virtus definiretur res propter quam bonestum aliquis dicatur. Hoc tamen modo definienda sunt summa genera. Tercio, otiosum censetur in definitione, quo ablato, definitio reliqua nihilominus propria est, rei quæ essentiam explicat: veluti, si homo definiatur animal rationale capax disciplinarum. Nam etiamsi illud, capax disciplinarum, detrahatur, reliqua tamen definitio homini propria est, ejusque essentiam explicat.

VI. *Secunda, Definitiones debent esse perspicue.*

*Señ. 1.* Perspicuitas definitionum, teste Aristotele *lib. 6. Top. cap. 3.*, unde hæc lex desumpta est, debet esse tanta, ut statim appareat quid sit illud quod definitur: imò ut ex ea contrariæ rei definitio possit colligi. Omnia ergò vitanda sunt in definitione, quæ in verbis obscuritatem pariunt; ut insolentia, homonymia, metaphora. Si tamen vox propria non suppetit, aut si vox aliqua usitatior est in metaphora, quàm in propria significatione, nihil vetat vocem metaphoricam in definitione adhiberi. Itaque cum Logica à multis definitur *ars bene differendi*, perperam rejicitur ista definitio ob metaphoram: cum multò rariùs *differendi* vox propriè usurpetur, quàm in hac significatione metaphorica. Sed aliud est fortè, quod in illa definitione meritò reprehendi possit.

VII. *Tertia, Definitiones debent cum definito reciprocari.*

*Señ. 1.* Hoc est, quicquid in definito continetur, debet contineri in definitione; & quicquid continetur in definitione, debet contineri in definito. Quare, cum JC<sup>ti</sup> jus naturale definiunt, *quod natura omnia animantia docuit*; definitio nimis laxa est. Jus enim inter solos homines consistit; brutis non competit. Contrà, cum Logica definitur *ars differendi*, sive *argumentandi*; definitio nimis angusta est. Logica enim non differendi solùm, sed definiendi etià, dividendi, & ordinandi ars est: quæ omnia differendi notione non satis aptè continentur.

VIII. *Quarta, Definitiones debent esse affirmatæ.*

*Señ. 1.* Hic canon traditur *lib. 6. Top. cap. 6.* isque nititur hæc ratione, quòd definitiones negatæ non tam explicant quid res sit, quàm quid non sit. Quare, cum Aristoteles duas accidentis definitiones proposuisset *lib. 1. Top. cap. 3.* posteriorem priori præfert, quòd illa negatione generis, speciei, proprii, & accidentis, esset concepta. Sæpe tamen cogimur, vel ob vocabulorum inopiam, vel ob mentis nostræ imbecillitatem, vel ob rerum imperfectionem, adhibere definitiones negatas: veluti cum definimus angelum *substantiam finitam corporis expertem*; bestiam, *animal irrationale*; cæcitatem, *privationem visus*. Et tum sunt definitiones imperfectæ.

IX. *Quinta, Definitiones debent sine copulatione aut disjunctione parium proponi.*

*Señ. 1.* Definitio enim est explicatio unius essentiz; ideòque debet esse una & simplex oratio. At particulæ copulativæ & disjunctivæ plura connectunt. Ex. gr. homo non debet definiri *animal terrestre & bipes*, sed *animal terrestre bipes*, ut colligitur ex *cap. 5. de Interpret.* & ex *cap. 4. lib. 2. Post.* Similiter numerus non debet definiri *multitudo par vel impar* (hæc enim numeri divisio est), sed *unitatum collectio*. Hujusmodi tamen definitiones sæpe ferendæ sunt, non quia perfectæ sunt, sed quia non dantur perfectiores: veluti cum *lib. 2. Phys.* natura definitur *principium & causa motus & quietis*; & enunciatio, *cap. 4. lib. de Interpret.* Oratio verum aut falsum pronuncians.

X. *Sexta, Definitiones debent constare ex attributis prioribus & notioribus simpliciter, atque adeò ex indemonstrabilibus.*

*Señ. 1.*

Seſſ. 1. Hunc canonem pluribus explicat & confirmat Philoſophus lib. 6. Top. cap. 4. in hanc ſerè ſententiam. Definitio cognoscendi cauſa traditur: at non ex quibulvis cognoscimus, ſed ex prioribus & notioribus. Cùm autem definitio conſtare poſſit, vel ex iis quæ nobis notiora ſunt, vel ex notioribus ſimpliciter; conandum eſt, ut ex prioribus & notioribus ſimpliciter poſteriora declarentur potius, quàm contrà: quia hic definiendi modus ad ſcientiam maximè accommodatus eſt. Attamen apud eos qui ejuſmodi definitiones non capiunt, necesse eſt fortè definitiones conficere ex iis quæ illis nota ſunt potius, quàm ex notioribus ſimpliciter. Sed ejuſmodi definitiones non declarant rei eſſentiam; ideoque imperfectæ ſunt, niſi idem nobis notius ſit, & notius ſimpliciter. Quæ cùm ita ſint, facile intelligitur, neque idem definiri poſſe per ſeipſum, neque oppoſitum per oppoſitum, niſi ſola relata. Neque verò ex notioribus ſolùm, ſed etiam ex indemonſtrabilibus conſtare debet definitio perfectæ. Definitio enim eſt principium demonſtrationis, ut dicitur lib. 1. de Anima cap. 1. Et lib. 1. Poſt. cap. 1. docetur principia demonſtrationis eſſe immediata; quod certè fieri non poſſet, ſi partes definitionis per priores cauſas poſſent demonſtrari.

XI. Definitio perfectæ conſtat genere proximo, & differentiâ ſpecificâ.

Seſſ. 1. Hic canon præcipitur lib. 6. Top. cap. 1. Si tamen proximum genus nomine caret, ejus loco adhibetur genus remotum cùm differentiâ, quæ genus remotum limitat, & ex eo genus proximum efficit. Sic, cùm animal definitur *ſubſtantia corporea vivens ſentiens*, loco generis proximi ponitur *ſubſtantia corporea vivens*; differentiâ ſpecifica eſt *ſentiens*.

XII. Differentiâ ſubſtantiarum ſumitur à formâ; aut ſi formam non habeant, edvè ignota ſit, proprietas adhiberi ſolet loco formæ.

Seſſ. 1. Sic, cùm homo definitur *animal rationale*, differentiâ petita eſt ab hominis formâ, quæ eſt anima rationalis. Sed quia ſubſtantiæ incorporeæ non habent formas, & ſubſtantiarum corporearum formæ ſpecificæ non latent, quia per ſe non incurrunt in ſenſus noſtros, loco formarum ſumenda eſt aliqua proprietas; ut *Angelus eſt ſubſtantia incorporea: Canis eſt beſtia latrans*.

XIII. Differentiæ accidentium non ſumuntur ab eorum formâ aut eſſentia, ſed à reſpectu ad ſubjectum, objectum, cauſam efficientem aut finalem, aut aliquid tale, quod in eorum eſſentia non continetur.

Seſſ. 1. Hæc eſt cauſa, cur Ariſtoteles lib. 6. Metaph. cap. 5. dixerit, ſubſtantias *ἀπλῶς ἢ πρῶτως*, id eſt, ſimpliciter ac primo, definiri; accidentia *κατὰ τὴν ἢ ἐν ὑποκείμενῳ*, h. e. ſecundùm quid ac ſecundariò & accidentium definitiones eſſe *λόγῳ ἐν μεσσηδισμῳ*, hoc eſt, orationes ex additione: quia, quæ eorum generi in definitionibus adduntur, extra eſſentiam ſunt, & ſerè alterius categoriæ.

XIV. Proprietates definiuntur genere, ſubjecto, & cauſâ proximâ; vâque vel efficiente, vel finali, vel utrâque.

Seſſ. 1. Cauſâ efficiente; ut *Eclipſis eſt defectus luminis in Luna*

na, ob terram inter Solem & Lunam è diametro interpositam: Tonitruum est sonus fracta nubis ob ignem oppressum. Finali; ut Sensus est facultas naturalis in animali, ad iudicandum de singularibus: Appetitus est facultas naturalis in animali, ad consequendum quod sibi bonum; vel vitandum, quod malum videtur. Vel utraq; ut Respiratio est attractio & expulsio a vis reciproca, à pulmonibus facta, ad curdis refrigerium. Subiectum in definitione propriorum interdum retinetur, quia vel in genere, vel in causa continetur; ut Memoria est sensus internus conservans imagines rerum cognitarum. Hic non exprimitur memoriæ subiectum, nempe animal, quia in voce sensus continetur, in ejusque definitione exprimebatur. Item, Risibilitas est facultas naturalis ridendi, orta ab anima rationali. Non dixi in homine; quia satis intelligitur risibilitatem esse facultatem hominis, cum dicitur orta ab anima rationali.

XV. Accidentia non propria, præter genus, in definitione loco differentie assumunt, vel subiectum, vel objectum, vel causam efficientem aut finalem, vel aliqua ex his combinata.

SECT. I. Modus definiendi accidentia non propria, vix potest certis regulis contineri. Quædam definiuntur genere & subiecto; ut Similitas est curvitas nasi. Quædam genere & objecto; ut Physica est scientia corporis naturalis. Hoc modo definiuntur scientiæ theoreticæ. Quædam genere & fine; ut Grammatica est ars bene loquendi: vel etiam genere, fine, & objecto; ut Logica est ars conficiens instrumenta, iisque dirigens intellectum in cognitione rerum: Liberalitas est virtus servans mediocritatem in danda & accipienda pecunia. Hoc modo definiuntur artes & habitus morales. Quædam denique definiuntur genere & causâ efficiente; ut Albor est color oriundus ex prædominio perspicui: Sonus est qualitas patibilis, orta ex plaga aeris inter duo corpora collisi. Hoc modo definiuntur qualitates patibiles, si non sint propriæ. De cæteris accidentium generibus vix dari possunt certa præcepta: singula quomodo definienda sint, usu discendum est, & exemplis probatorum autorum, quæ Logicæ studiosus in eum finem colliget.

XVI. Partes definitionis ita collocandæ sunt, ut genus differentiam præcedat, & vox quæque sequens præcedentem limitet.

SECT. I. Ità docet Aristoteles, lib. 2. Post. cap. 13. Ex. gr. animal non debet definiri sentiens animalium corpus, sed corpus animatum sentiens.

### C A P. III.

### De Definitione imperfecta.

#### THEOREMA I.

**D**efinitio imperfecta, quæ ὡς ἔστιν, hoc est, descriptio, proprio vocabulo vocatur, vel est necessaria, vel arbitraria.

II. *Definitio imperfecta necessaria est, cum definitum non est capax perfectæ definitionis; vel cum ob mentis imbecillitatem, rei definiendæ essentiam non possumus assequi; vel denique cum desunt vocabula idonea, quæ in accurata definitione requiruntur.*

III. *Perfectam definitionem respiciunt; 1, res infinitæ: 2, quæ non habent veram essentiam: 3, quæ non habent essentiam perfectam: 4, quæ non habent essentiam per se unam: 5, denique, quæ non collocantur immediatè sub aliquo genere.*

### COMMENTARIUS.

*Scilicet. 1, Res infinitæ; ut, Deus, 2, Quæ non habent veram essentiam; ut, entia rationis, res fidæ, simulacra rerum, privationes. 3, Quæ non habent essentiam perfectam; ut, partes, principia rerum, res in fieri, sive res imperfectæ. 4, Quæ non habent essentiam per se unam; ut, concreta, aggregata, complexa. 5, Quæ non sunt sub aliquo genere; ut, transcendentia & summa genera: aut saltem non immediatè; ut, individua: Hæc enim continentur immediatè sub specie; eaque mediante, sub genere.*

IV. *Ob imbecillitatem mentis nostræ perfectè definiri nequeunt substantiæ incorporeæ, & pleræque corporearum substantiarum specialissimæ species.*

*Scilicet. 1, Nam species & genera subalterna utcunque definiri possunt; ut Animal est corpus vivens sentiens. In definitione corporearum substantiarum infimæ speciei, loco differentie essentialis adhibetur proprietas, ut paulò ante diximus. Incorporearum substantiarum proprietates nobis etiam ignotæ sunt. Homo tamen, etsi sit species infima, satis rectè definitur animal rationale.*

V. *Cum idonea vox desideratur, ejus loco adhibentur duæ pluresve voces conjunctione Grammaticâ colligatæ.*

*Scilicet. 1, Hujusmodi definitiones peccant in quintam definiendi legem, theor. 9 cap. superioris propositam, quod vide.*

VI. *Definitio imperfecta arbitraria est, cum rejectâ definitione perfectâ, rem propositam crasse delinamus, vel delectationis ergò, vel ut ad aliorum captum definitionem nostram attemperemus.*

VII. *Imperfectæ definitionis variæ sunt species, quarum aliæ aliis tantò propius ad perfectam definitionem accedunt, quantò magis conveniunt cum legibus definiendi paulò antè traditis.*

VIII. *Præcipuæ species hæc sunt. Prima est, cum accidens proprium definitur causâ duntaxat externâ.*

*Scilicet. 1, Ut, Eclipsis est interpositio terræ inter Solem & Lunam: Mors est extinctio calidi vitalis. Hæc vocatur definitio aitiōnis sive causalis, lib. 2. Post. cap. 10.*

IX. *Secunda, cum accidens proprium definitur genere & subiecto, sine mentione cause.*

*Scilicet. 1, Ut, Eclipsis est defectus luminis in Luna: Mors est interitus viventis. Ex hac definitione conjuncta cum definitione causali, constituitur proprii accidentis perfectæ definitio; ut Eclipsis est defectus*



na, ob terram inter Solem & Lunam è diametro interpositam: Tonitruum est sonus fractæ nubis ob ignem oppressum. Finali; ut Sensus est facultas naturalis in animali, ad iudicandum de singularibus: Appetitus est facultas naturalis in animali, ad consequendum quod sibi bonum; vel vitandum, quod malum videtur. Vel utrâque; ut Respiratio est attractio & expulsio aëris recipræ, à pulmonibus facta, ad cordis refrigerium. Subiectum in definitione propriorum interdum retinetur, quia vel in genere, vel in causa continetur; ut Memoria est sensus internus conservans imagines rerum cognitarum. Hic non exprimitur memoriæ subiectum, nempe animal, quia in voce sensus continetur, in ejusque definitione exprimebatur. Item, Risibilitas est facultas naturalis ridendi, orta ab anima rationali. Non dixi in homine; quia satis intelligitur risibilitatem esse facultatem hominis, cum dicitur orta ab anima rationali.

XV. Accidentia non propria, præter genus, in definitione loco differentie assumunt, vel subiectum, vel objectum, vel causam efficientem aut finalem, vel aliqua ex his combinata.

SECT. 1. Modus definiendi accidentia non propria, vix potest certis regulis contineri. Quædam definiuntur genere & subiecto; ut Similitas est curvitas nasi. Quædam genere & objecto; ut Physica est scientia corporis naturalis. Hoc modo definiuntur scientiæ theoreticæ. Quædam genere & fine; ut Grammatica est ars bene loquendi; vel etiam genere, fine, & objecto; ut Logica est ars conficiens instrumenta, iisque dirigens intellectum in cognitione rerum: Liberalitas est virtus servans mediocritatem in danda & accipienda pecunia. Hoc modo definiuntur artes & habitus morales. Quædam denique definiuntur genere & causâ efficiente; ut Albor est color oriundus ex prædominio perspicui: Sonus est qualitas patibilis, orta ex plaga aeris inter duo corpora collisi. Hoc modo definiuntur qualitates patibiles, si non sint propriæ. De cæteris accidentium generibus vix dari possunt certa præcepta: singula quomodo definienda sint, usu discendum est, & exemplis probatorum autorum, quæ Logicæ studiosus in eum finem colliget.

XVI. Partes definitionis ita collocandæ sunt, ut genus differentiam præcedat, & vox quæque sequens præcedentem limitet.

SECT. 1. Ità docet Aristoteles, lib. 2. Post. cap. 13. Ex. gr. animal non debet definiri sentiens animatum corpus, sed corpus animatum sentiens.

### C A P. III.

## De Definitione imperfecta.

### THEOREMA I.

**D**efinitio imperfecta, quæ ὁριζομένη, hoc est, descriptio, proprio vocabulo vocatur, vel est necessaria, vel arbitraria.

II. De.



II. *Definitio imperfecta necessaria est, cum definitum non est capax perfectæ definitionis; vel cum ob mentis imbecillitatem, rei definiendæ essentiam non possumus assequi; vel denique cum desunt vocabula idonea, quæ in accurata definitione requiruntur.*

III. *Perfectam definitionem respiciunt; 1, res infinitæ: 2, quæ non habent veram essentiam: 3, quæ non habent essentiam perfectam: 4, quæ non habent essentiam per se unam: 5, denique, quæ non collocantur immediatè sub aliquo genere.*

#### COMMENTARIUS.

*Scilicet. 1. Res infinitæ; ut, Deus. 2, Quæ non habent veram essentiam; ut, entia rationis, res fidæ, simulacra rerum, privationes. 3, Quæ non habent essentiam perfectam; ut, partes, principia rerum, res in fieri, sive res imperfectæ. 4, Quæ non habent essentiam per se unam; ut, concreta, aggregata, complexa. 5, Quæ non sunt sub aliquo genere; ut, transcendentia & summa genera: aut saltem non immediatè; ut, individua: Hæc enim continentur immediatè sub specie; eaque mediante, sub genere.*

IV. *Quod imbecillitatem mentis nostræ perfectè definiri nequeunt substantiæ incorporeæ, & pleræque corporearum substantiarum specialissimæ species.*

*Scilicet. 1. Nam species & genera subalterna utcumque definiri possunt; ut Animal est corpus vivens sentiens. In definitione corporearum substantiarum infimæ speciei, loco differentiarum essentialis adhibetur proprietas, ut paulò ante diximus. Incorporearum substantiarum proprietates nobis etiam ignotæ sunt. Homo tamen, etsi sit species infima, satis rectè definitur animal rationale.*

V. *Cum idonea vox desideratur, ejus loco adhibentur duæ pluresve voces conjunctione Grammaticâ colligatæ.*

*Scilicet. 1. Hujusmodi definitiones peccant in quintam definiendi legem, theor. 9 cap. superioris propositam, quod vide.*

VI. *Definitio imperfecta arbitraria est, cum rejectâ definitione perfectâ, rem propositam crasse delineamus, vel delectationis ergò, vel ut ad aliorum captum definitionem nostram attemperemus.*

VII. *Imperfectæ definitionis variae sunt species, quarum aliæ aliis tantò propius ad perfectam definitionem accedunt, quantò magis conveniunt cum legibus definiendi paulò ante traditis.*

VIII. *Precipue species hæc sunt. Prima est, cum accidens proprium definitur causâ duntaxat externâ.*

*Scilicet. 1. Ut, Eclipsis est interpositio terræ inter Solem & Lunam: Mors est extinctio calidi vitalis. Hæc vocatur definitio aitiawdnc sive causalis, lib. 2. Post. cap. 10.*

IX. *Secunda, cum accidens proprium definitur genere & subiecto, sine mentione causæ.*

*Scilicet. 1. Ut, Eclipsis est defectus luminis in Luna: Mors est interitus viventis. Ex hac definitione conjuncta cum definitione causali, constituitur proprii accidentis perfecta definitio; ut Eclipsis est defectus*

fectus luminis in Luna, ob terram inter Solem & Lunam è diametro interpositam: Mors est interitus viventis, ob extinctum calorem vitalem.

X. Tertia, quæ constat ex genere & proprietate una, aut pluribus.

Señ. 1. Ut, Canis est bestia latrans: Homo est animal risibile: Magnes est lapis trahens ferrum. Hoc modo definiuntur subitantiæ quarum essentiales differentię nos latent, ut antè dictum est.

XI. Quarta, quæ constat enumeratione partium aut specierum.

Señ. 1. Ut, Logica est ars definiendi, dividendi, argumentandi & ordinandi: Fuscivile Romanum est id, quod legibus, senatusconsultis, rebus judicatis, jurisperitorum autoritate, more denique, & equalitate constat; ut Cicero ait in Topicis.

XII. Quinta, quæ constat remotione oppositi.

Señ. 1. Tale est illud Horatii.

Virtus est vitium fugere, & sapientia prima.  
Stultitiā caruisse.

XIII. Sexta, cūm relatum definitur per relatum, sine mentione generis ac fundamenti.

Señ. 1. Ut, Dominus est, qui habet servum; pater, qui liberoꝝ preceptor, qui discipulos.

XIV. Septima, quæ constat coacervatione circumstantiarum, & ad junctorum communium.

Señ. 1. Atque hæc propriè est descriptio: licet jam usus obtineat, ut omnis imperfecta definitio descriptio vocetur. Ex. gr. Homo est animal bipes, implume, erecto vultu, manibꝫque præditum. Hæc definiendi formula usitata est Historicis & Poëtis, in describendis personis, factis, locis, & similibus rebus singularibus.

2. Boethius alias addit definitionis imperfectæ species: ut est, 1, definitio κατὰ μεταφοράν, veluti, cūm adolescentia definitur flos ætatis, senectus, hyems vitæ; somnus, imago mortis. 2, Κατ' ἐναντιον quò spectant elogia, quæ rebus laudis aut vituperii causâ tribuuntur; veluti, cūm Historia à Cicerone lib. 12. de Orat. describitur testis temporum, lux veritatis, vita memoria, magistra vita, nuncia vetustatis; cūm describitur Philosophia à Platone, ὁμοιωσις τοῦ Θεοῦ ὁσον δυνατὸν ἀνθρώπων, id est, similitudo cum Deo, quanta esse in homine potest: aut contrà, cūm voluptas dicitur esca malorum, ira, furor brevis, aut voluntaria insania; οὐκ ἔστιν ὄψα, ἀνδρῶν. 3, Κατὰ ἀπὸφασιν ut, Homerus est Trojani belli scriptor. 4, Κατὰ διαφωράν ut odium est, quod irā diuturnius est. 5, ὡς ἐν τῷ πρῶτῳ ut animal est veluti homo, equus. 6, Κατ' ἐνδεῖαν πλεονεξίαν τῆς ἀντιθέσεως, ut dennx est, cui deest uncia ut sit a. Sed hæc omnia talia sunt, ut vix, ac nè vix quidem, nomen definitionis mereantur.

## CAP. IV.

## De modo investigandæ definitionis.

## THEOREMA I.

**D**efinitiones vel divisione investigantur, vel inductione, vel demonstratione, vel etymologiâ, vel derivatione, vel denique ex contrarij definitione colliguntur.

## COMMENTARIUS.

SECT. 1. Divisione investigatur definitio, cum factâ divisione summi generis & subordinatarum specierum, sub quibus definitum continetur, usque ad ipsum definitum, colliguntur omnia definiti attributa essentialia, ex quibus definitio formanda est. Quærat hâc methodo definitio hominis. Homo est substantia: verum quia etiam angelus substantia est; ut liqueat, quomodo homo ab angelo differat, dividi debet substantia in corpoream & incorpoream. Homo corpus est, angelus incorporeus. Sed & lapis corpus est: ut ergo homo à lapide separetur, dividenda est substantia corporea in animatam & inanimam. Homo est substantia corporea animata, lapis inanimis. Sed plantæ quoque animatæ sunt. Dividatur ergo substantia corporea animata in sentientem & sensû expertam. Homo sentit, planta non item. Sed equus quoque sentit, aliæque bestię. Dividatur ergo sentiens in rationale & irrationale. Hic jam subsistendum est, cum constet omnem, & solum hominem rationalem esse. Ex hac divisionum serie colligitur hæc hominis definitio; *Homo est substantia corporea, vivens, sentiens, rationalis*; aut, nè in definitione speciei ponatur definitio generis, *animal rationale*. Hanc methodum tradit Aristot. lib. 2. Post. cap. 13. ibique monet, in hac divisionum serie, nullam differentiam essentialem prætereundam; addo ego, & nullam accidentalem adhibendam esse.

2. Per inductionem investigatur definitio, cum collatis attributis essentialibus eorum quæ continentur sub definito, & rejectis iis quæ singulis sunt propria, definitio conficitur ex reliquis quæ omnibus communia sunt. Quærat definitio animalis. Sub animali continetur homo, equus, leo, &c. hominis, equi, leonis essentialia attributa sunt, *substantia corporea, vivens, sentiens*. Hæc omnibus communia sunt. Hominis proprium est, *esse rationalem*; irrationalem esse, equo & leoni commune est; proprium equo, *hinnire*; leoni *rugire*. Ut ergo invenias animalis definitionem rejicienda sunt *rationale, irrationale, hinnire, rugire*, ut angusta nimis. Ex reliquis colligitur ejusmodi definitio; *Animal est substantia corporea, vivens, sentiens*. Hanc methodum tradit Aristoteles loco jam proxime citato.

3. Demonstratio non solum terminorum sed et differt à perfecta defini.

definitione accidentis demonstrandi; ut dicitur *lib. 2. Post. cap. 8.* Itaque quamvis demonstratio non sit  $\tau\acute{o}\nu\ \tau\acute{\iota}\ \delta\epsilon\iota$ , sit tamen  $\tau\acute{o}\nu\ \tau\acute{\iota}\ \delta\epsilon\iota$  per demonstrationem manifestum, ut autor est Philosophus *lib. 2. Post. cap. 8.* Nihil enim facilius est, quàm demonstrationem  $\delta\iota\acute{o}\tau\iota$  convertere in definitionem affectionis demonstrandæ. Quod quâ ratione fieri debeat, dicetur *cap. 23. hujus libri, theor. 14.*

4. Etymologia sæpe differentiam rei suppeditat. quæ cum genere constituat definitionem. Sic quia Arithmetica dicta est  $\lambda\omicron\gamma\iota\tau\iota\kappa\acute{\eta}$  *de dyadibus*, id est, à numero, colligitur Arithmeticam esse scientiam numerorum; & quia Physica dicta  $\phi\upsilon\sigma\iota\kappa\acute{\eta}$  *de naturis quatuor*, id est, à natura, colligitur Physicam esse scientiam rerum naturalium.

5. Derivatione colligitur definitio, cum ex definitione unius conjugati colligitur definitio alterius. Πολλὰ μὲν αἰεὶ ἔχεις, inquit Aristoteles,  $\gamma\iota\gamma\alpha\gamma\epsilon\tau\omicron\iota$   $\lambda\omicron\gamma\iota\tau\iota\kappa\acute{\eta}$   $\tau\acute{o}\nu\ \tau\acute{\iota}\ \delta\epsilon\iota$   $\lambda\omicron\gamma\iota\tau\iota\kappa\acute{\eta}$  *id est, Sæpe innotescit habitus ex subjecta materia: sæpe etiam vice versâ.* Sic colligit *lib. 6. Eth. cap. 10.* definitionem prudentiæ ex definitione prudentis.

6. Ex definitione unius contrarii colligitur definitio contrarii alterius. Contrariorum enim est eadem scientia. Itaque cum Aristoteles *l. 3. Eth. c. 1.* definivisset  $\delta\alpha\iota\mu\omicron\iota\alpha$ , quod per vim aut per ignorantiam fit; cùmque per vim fieri dixisset, cujus principium exterium est, atque ejusmodi, ut nihil ad illud conferat, qui agit, aut patitur; inde colligit  $\iota\kappa\alpha\tau\omicron\iota\alpha$  esse, cujus principium est in eo, qui agi, factique circumstantias non ignorat.

## C A P. V.

### De Divisione, ejusque speciebus ac legibus.

#### THEOREMA I.

**D**ivisio alia est nominis, alia rei.

II. Divisio nominis est enumeratio significationum homonymi vocabuli aut distinctio ambiguae orationis.

#### COMMENTARIUS.

*Seff. 1.* Ut, si quis recenscat significationes juris, carnis, mali, &c. aut si quis distinguat hanc orationem, *Accidit te Accida Romanos vincere posse.* Divisio nominis non est propriè dicta divisio, sed enumeratio; & frequentius distinctio appellatur, quàm divisio.

III. Divisio nominis, sive distinctio, in principio disputationis adhibenda est.

*Seff. 1.* Idque, ut  $\kappa\alpha\tau\prime\ \alpha\upsilon\tau\omicron\ \tau\acute{o}\nu\ \mu\omicron\lambda\gamma\mu\alpha$ ,  $\kappa\iota\ \mu\acute{\alpha}\ \mu\omicron\epsilon\tau\epsilon\ \tau\acute{\alpha}\nu\theta\epsilon\mu\alpha$ , hoc est, adversus rem, & non adversus nomen, instituatur disputatio. Accidit enim, ut non eodem cogitationem dirigat, qui responderet, & qui interrogat, cùm aliquid in oratione ambiguum est, ut ait Aristoteles *lib. 1. Top. cap. 8.*

#### IV. Divisio

IV. *Divisio rei, quæ est propriè dicta divisio, est explicatio totius per partes.*

V. *Estque vel per se, vel per accidens.*

VI. *Divisio per se est, quâ dividitur totum in partes quæ ipsi per se insunt.*

VII. *Divisio per accidens est, quâ dividitur totum in partes quæ ipsi per accidens insunt.*

Sett. 1. Ex. gr. cum animal dividitur in hominem aut bestiam, aut in animam & corpus, est divisio per se: quia homo & bestia per se sub animali continentur; & animal ex corpore & anima per se componitur. At cum homines dividuntur in servos & liberos, in bonos & malos, divisio est per accidens: quia non ipsi homines per se dividuntur, sed status ac conditio hominum, aliæve accidentia quæ hominibus conveniunt.

VIII. *Divisio per se est quadruplex: Alia est divisio totius universalis, sive generis in species: alia totius formalis, sive definiti in partes definientes, quæ sunt genus & differentia: alia totius essentialis, sive compositi in partes componentes, quæ sunt materia & forma: alia denique totius integrati in partes integrantes. Atque hæc peculiari nomine Partitio nominatur.*

Sett. 1. Ex. gr. cum animal dividitur in hominem & bestiam; aut elementum, in ignem, aerem, aquam & terram; aut virtus moralis, in justitiam, fortitudinem, temperantiam, &c. divisio est totius universalis, sive generis in species. Cum definitio hominis in partes resolvitur, sive cum animal & rationale dicuntur esse partes hominis, sive definitionis humanæ essentiae, dicitur divisio totius definiti, sive formalis. Cum homo dividitur in corpus & in animam rationalem, est divisio totius compositi, sive essentialis. Huc referri debet omnis distinctio rerum in materiale & formale; veluti cum vocabuli materiale dicitur esse vox; formale, significatio. Tandem cum homo, sive corpus humanum, dividitur in tres ventres, & artus; annus in duodecim menses; regnum, in suas provincias; numerus major, in plures minores; Logica, in thematicam & organicam, est divisio totius integrati, sive partitio.

IX. *Divisio per accidens est quadruplex, nimirum vel cause per effecta, vel effecti per causam efficientem, materialem aut finalem, vel subjecti per adjuncta, vel adjuncti per subjecta.*

Sett. 1. *Cause per effecta*; ut plantæ aliæ calefaciunt, aliæ refrigerant, aliæ exsiccant, aliæ humectant; syllogismus alius fidem efficit, alius opinionem, alius scientiam. *Effecti per causam efficientem*; ut testimonia alia divina sunt, alia humana: *per causam materialem*; ut statuae aliæ sunt ex ære, aliæ ex marmore, &c. *viventia alia ex semine gignuntur, alia ex putri materia: per causam finalem*; ut homines alii sunt ἀπλᾶτοι, id est, v. luparii, alii γυμναστικοί, id est, pecunie studiosi; alii θεωρητικοί, id est, speculativioribus dediti; alii πρακτικοί, id est, propensi ad res gerendas. *Divisio effecti per causam formalem, est divisio per se: forma enim si di-*  
versa

versa sit, diversas species constituit. Est etiam divisio per se, cum accidens proprium dividitur per causam efficientem aut finalem proximam: Sic morbi specie differunt, qui diversam habent causam proximam sive *αὐτογενή* ut, febris & pleuritis, &c. *Subiecti per adjuncta*; ut homines alii sunt liberi, alii servi; alii docti, alii indocti: sonus alius est gravis, alius acutus: numerus alius est par, alius impar: charitas alia est erga Deum, alia erga proximum: flores alii sunt verni, alii æstivi: animalia vel sunt terrestria, vel aquatilia, vel amphibia. *Divisio subiecti per adjuncta*, non ratio est divisionis per se; ut, sensus externus vel circa colorem versatur, vel circa sonum, vel circa odorem, vel circa saporem, vel circa qualitates tactiles. *Adjuncti per subiecta*; ut, vitia alia animi sunt, alia corporis: virtutes alia sunt in intellectu, alia in appetitu.

X. *Leges bonæ divisionis præcipuæ sunt septem. Prima lex, Partes debent in toto consentire.*

*Seç. 1.* Itaque vitiosa est divisio hominum in vivos & mortuos, veros & pictos; quia homines mortui aut picti, non sunt homines, nisi æquivocè. Similiter vitiosa est divisio animalium in mortalia & immortalia; quia nullum animal immortale est.

XI. *Secunda, Partes debent inter se opponi.*

*Seç. 1.* Τοῖς γὰρ ἀντικειμέναις (inquit Aristoteles, lib. 1. de part. animal. cap. 3.) *ἅντι ἀναπάρ*, id est, oppositis dividendum est. Vitiosa ergo divisio est, cum aut partes non differunt, veluti cum voluptas dividitur in delectationem & gaudium; aut cum pars altera in altera continetur; ut, si animal divideretur in mortale & rationale. Optima quidem ea divisio est, quæ constat partibus affirmatis: sæpe tamen ob mentis nostræ imbecillitatem, aut vocabulorum inopiam, *στροφὴ ἀντίκην διασπείν*, hoc est, privatione oportet dividere; veluti cum corpus dividitur in animatum & inanimatum.

XII. *Tertia, In divisione sumendæ sunt partes proximæ & immediate.*

*Seç. 1.* Ex. gr. non debet vivens statim dividi in plantam, hominem, & bestiam, sed prius in animal & plantam, & animal deinde in hominem & bestiam, & sic porro: vide lib. 2. Post. cap. 13.

XIII. *Quarta, Singulæ partes debent minus continere, quàm totum.*

*Seç. 1.* Totum enim majus est suâ parte. Si una pars toti æqualis sit altera erit superflua, ac proinde, vel non differet ab altera, vel cum toto non consentiet.

XIV. *Quinta, Partes universæ nec plus nec minus continere debent, quàm totum.*

*Seç. 1.* Si plus contineant, erit aliquid in divisione superfluum, & toti dissentaneum; si minus, divisio erit mutila: ut, si ritus dividatur in pios & impios. Omituntur enim hæc divisione ritus mediæ naturæ, ut campanæ pulsus populum ad sacras conciones convocare, &c.

XV. *Sexta, Divisio debet constare partibus, quantum natura rei patitur, paucissimis; & si fieri commodè possit, duabus.*

*Seç. 1.* Quamto enim partes pauciores sunt, tanto magis & manifestius

nifestius opponuntur, meliusque memoriz mandantur. Non tamen semper affectanda est διχοτομία, sive bimembris divisio. Sæpe enim totius dividendi natura dichotomiam respuit. Divisio totius definiti & compositi semper debet esse bimembris. Divisio generis membrorum paucitate commendatur, sed non semper potest esse bimembris. In divisione totius integralis, aut in divisione per accidens, dichotomiam semper querere, accurata cujusdam vanitatis est.

XVI. *Septima, Modus dividendi adhibendus est, ne subdivisionum numerus nimium crescat.*

Scß. 1. Idem enim vitii habet (inquit Seneca, Epist. 89.) nimia, quod nulla divisio: simile enim confuso est, quod in pulverem usque sectum est. Atque hæc de definitione & divisione, Sequitur syllogismus.

## CAP. VI.

## De Syllogismi Definitione &amp; Partibus.

## THEOREMA I.

ΣΥΛΛΟΓΙΣΜΟΣ ὅστις λόγος, ἐν ᾧ τιθέντων τινῶν, ἑπὶ τὸν τι ἥδ' κειμένων ἐξ ἀνδρακῆς συμβαίνει τὴν ταύτην ἔσθ' h.c. Syllogismus est oratio, in qua quibusdam positis, diversum quid à positis, propter ea quæ posita sunt, necessario sequitur.

## COMMENTARIUS.

Scß. 1. Hæc definitio extat Lib. 1. Prior. cap. 1. Syllogismus dicitur à συλλογίζεσθαι, quod in disciplina Arithmetica est colligere, sive plurium numerorum summam conficere. Hinc aptâ translatione tractatum est ad declarandum argumentationis modum. Logicis enim συλλογίζεσθαι est concludere, h.c. ex propositionibus quibusdam summam probationis efficere.

2. Genus Syllogismi est λόγος, nempe vel internus, sive mentis, vel externus, sive oris; magis tamen internus: quia sine externa oratione consistere potest syllogismus in mente; sine interna non potest. Additur τιθέντων, quod interpretatur Alex. Aphrodisiensis in comment. in cap. 1. lib. 1. Prior. συγχωρηθέντων, Gellius, lib. 15. cap. 26. consensu & concessis: sed malè. Non omni enim syllogismo convenit, ex concessis concludere, sed tantum topico. Demonstratio concessionem non requirit. Τιθέντων ergo est positis, hoc est, propositis, sive præpositis conclusioni. *Quibusdam*, nempe propositionibus.

3. Per diversum quid à positis, intelligitur conclusio. Nam quamvis nihil sit in conclusione, quod non sit in præmissis; est tamen conclusio propositio à præmissis diversa: quia cum alterutra earum unum tantum terminum communem habet, altero termino ab utraque differt. Hæc parte excluduntur à syllogismi definitione, conversio, æquipollentia,



pollentia, & subalternatio enunciationum, quas *consecutiones sententiarum* vulgò appellant: quia enunciatio conversa non est diversa à convertenda, neque subalternata à subalternante, neque æquipollens ab æquipollente. Constant enim omnes ex iisdem terminis.

4. Cùm conclusio dicitur *necessariò* siqui ex præmissis, non intelligitur necessitas ipsius conclusionis quæ sequitur, quæ *necessitas consequentis* appellatur, sed *necessitas sequelæ*, sive *consequentia*. Necessitas enim conclusionis consequentis, in sola demonstratione locum habet: necessitas consequentiæ, in omni syllogismo bene formatò, hæc enim necessitas est anima syllogismi: eà enim sublatà, syllogismus non erit syllogismus, sed paralogismus.

5. Tandem additur, *τὸ τῶν τῶν* id, quod lib. I. Top. cap. 1. exponitur, *ὅτι τὸ ἀξίωτον*, h. e. vi & efficientiâ præmissarum; ità ut ad sequelæ necessitatem, nihil extra syllogismum quærendum sit. Ex. gr. si verum sit, bonum esse, quicquid secundum naturam est; & omnem voluptatem esse secundum naturam: necessariò efficitur, omnem voluptatem esse bonam; idque vi istorum terminorum qui in duabus præmissis continentur, sine ullo aliorum terminorum auxilio.

II. Syllogismus vel absolutè consideratur, vel cum respectu ad diversam effectum, quæ producit ob conditionum materiæ suæ diversitatem.

Sec. 1. Aristoteles agit de syllogismo absolutè ac sine relatione ad conditiones materiæ, duobus libris Analyticorum priorum, quos ob eam causam libros de syllogismo vocat lib. 1. Post. cap. 3. & 11. In lib. poster. Analyticorum, in Topicis, & in libro de Elenchis Sophisticis consideratur syllogismus cum relatione ad diversas materiæ conditiones, atque effectum; quæ sunt opinio, scientia, error, ut postea patebit.

III. Prior tractatus constabit tribus membris: primum erit de *genesis* sive derivatione firmandi syllogismum; alterum de *ὁρτογία*, sive de rationi inveniendi medium terminum; tertium de divisione syllogismi ac varis speciebus argumentationum.

IV. Genesis intelligitur explicatione materiæ, tum remotæ tum proximæ; & formæ.

V. Materia remotæ sunt tres termini; duo extremi, major scilicet, qui est prædicatum, & minor, qui est subiectum quæstionis: & unus medius; qui est argumentum, quod ad probandam quæstionem extrinsecus assumitur.

Sec. 1. Terminum (Græcè *ὅρον*) definit Aristoteles, *εἰς ὃν διαλύται ἡ πρότασις*, hoc est, in quem dissolvitur propositio. Partes quæstionis dicuntur *τὰ ἄκρα*, id est, extrema, sive termini extremi: & argumentum, *τὸ μέσον*, h. e. medium, sive terminus medius; idque non propter situm (nam in sola figura prima argumentum situ medium est) sed propter officium. Ut enim ad homines dubiæ voluntatis conciliandos, arbitrer adhibetur; ità etiam adhibetur argumentum, ad prædicatum cum subiecto conjungendum, aut ab eo sejungendum.

2. Prædicatum quæstionis vocatur ab Aristotele lib. 1. Prior. cap. 4. *τὸ μείζον ἄκρον*, id est, majus extremum, & *τὸ πρῶτον ἄκρον*, id est, primum

primum extremum, & τὸ πρῶτον absolutè, Lib. 2. Post. cap. 24. etiam ἀκρον absolutè nominatur. Subiectum appellatur τὸ ὑπάρχον ἀκρον, id est, minus extremum, & τὸ ἴκτων ἀκρον, id est, ultimum extremum, & τὸ ἴκτων absolutè; ut patet ex dicto cap. 1. lib. 4. Prior. Dicitur etiam τὸ τρίτον, hoc est, tertium absolutè. Hujus appellationis ratio est, quòd prædicatum subiecto suo, aut majus semper est, hoc est, universalius, sive communius; aut certè æquale; nunquam minus, aut angustius: quòdque in syllogismo priori loco cum medio combinetur. Prædicatum enim quæstionis debet in prima propositione cum medio disponi; subiectum, in secunda.

3. Medium, sive argumentum, tantùm unum esse debet. Quod enim unit, id ipsum debet esse unicum. Si duo media adhiberentur in uno syllogismo, tertio medio opus esset, ad explorandam duorum illorum mediorum convenientiam aut pugnam: sicuti, cum duarum magnitudinum æqualitas aut inæqualitas exploratur duabus diversis mensuris, tertiâ mensurâ opus est, ad explorandam æqualitatem aut inæqualitatem ipsarum mensurarum.

VI. *Materia proxima syllogismi sunt tres propositiones quæ ex tribus terminis combinatis efficiuntur.*

VII. *Ex iis due antecedunt, & inferunt; tertia sequitur, & infertur.*

VIII. *Prima vocatur πρότασις, Latine propositio, vel major propositio; secunda, assumptio, vel minor propositio; tertia, συμπερίεσμα, Latine collectio, conclusio, complexio.*

Señ. 1. Prima propositio vocatur πρότασις ὅτι τὸ ἀρχαῖον, quod significat pretendere; quia cæteris propositionibus in syllogismo prætenditur, hoc est, præponitur. Eadem vocatur major propositio, quia ex majore extremo & medio componitur; sicuti secunda vocatur minor, quia componitur ex minore & medio. Tertia vocatur conclusio, quia partes quæstionis in præmissis separatas, colligit ac conjungit.

2. Ex hac duplici materia syllogismus efficitur, hoc modo. Primum quæstio aliqua se offert; verbi gratiâ, *An Logica sit ars?* Hæc quæstio duas partes habet; subiectum, quod est *Logica*; & prædicatum, quod est *ars*. Ad probandum *Logicam esse artem*, sumatur argumentum sive medium, idque sit *habitus effectivus*. Hoc argumentum conjungatur primum cum prædicato quæstionis, & efficietur major, *Omnis habitus effectivus est ars*; deinde cum subiecto, & efficietur minor, *Logica est habitus effectivus*: Hinc jam sequetur conclusio, *Logica est ars*.

3. Conclusio revera non differt à quæstione. Nam quod ante factum syllogismum quæstio, sive problema dicebatur, id in syllogismo dicitur conclusio. Unde obiter colligitur conclusionem non esse effectum, sed partem syllogismi. Nam cum syllogismus sit oratio in qua conclusio sequitur ex præmissis, omnino sequitur conclusionem effectum quidem esse præmissarum, sed partem syllogismi.

IX. *Forma syllogismi est apta trium propositionum dispositio ad conclusionem ex præmissis necessario colligendam.*

X. *Hæc aptitudo posita est in figura & modo.*

XI. *Figura est dispositio legitimæ mediæ cum partibus questionis.*

*Señ. 1.* Quemadmodum se habet punctum ad lineam, & linea ad figuram, in Geometria; ita se habet terminus ad propositionem, & propositio ad figuram syllogismi, in Logica. Et quemadmodum ad constituendam figuram rectilineam, puta triangulum, tribus minimam rectis lineis opus est, & totidem punctis, in quibus rectæ lineæ coeunt, angulos efficiunt; ita in syllogismo, tribus propositionibus opus est, & totidem terminis.

XII. *Modus est legitimæ propositionum secundum quantitatem & qualitatem determinatio.*

*Señ. 1.* Conclusio enim non sequitur ex quibuslibet præmissis, aut saltem non sequitur necessarii; sed tantum ex præmissis certâ quantitate affectis, certâque lege ac modo affirmatis & negatis.

XIII. *Modi syllogismorum alii directi sunt, alii inversi.*

XIV. *Modi directi sunt, in quibus concluditur majus extremum de minore:*

*Ut, Omnis homo est animal:*

*Socrates est homo:*

*Ergo Socrates est animal.*

XV. *Modi inversi sunt, in quibus concluditur minus extremum de majore:*

*Ut, Omnis homo est animal:*

*Nullus lapis est homo:*

*Aliquod ergo animal, non est lapis.*

Horum modorum nullus, aut admodum exiguus est usus.

XVI. *Modi directi vel universales sunt, vel singulares.*

XVII. *Modi universales sunt, in quibus utraque, vel altera præmissarum, universalis est:*

*Ut, Omne animal vivit:*

*Omnis homo est animal:*

*Ergo omnis homo vivit.*

*Vel, Omnis homo est animal rationale:*

*Socrates est homo:*

*Ergo Socrates est animal rationale.*

XVIII. *Modi singulares, in quibus utraque præmissarum singularis est:*

*Ut, Judas fuit improbus:*

*Judas fuit Apostolus:*

*Aliquis igitur Apostolus fuit improbus.*

Hujusmodi argumentationes non dignatus est Aristoteles appellatione syllogismi, sed eas vocat *enabireis*, expositiones, sive exhibitiones; quia necessitatem sequelæ in terciæ figuræ syllogismis exponunt, & sensibus exhibent. A Peripateticis appellantur *syllogismi expositorii*; à Ramo, *syllogismi proprii*; ab aliis, *syllogismi singulares*.

## CAP. VII

## De tribus syllogismorum figuris, &amp; eorum modis.

## THEOREMA I.

**F**igura syllogismorum sunt tres. Tot enim modis disponi potest argumentum cum partibus quæstionis.

II. Prima figura est, in qua argumentum majori extremo subijcitur, & de minore prædicatur.

## COMMENTARIUS.

Scilicet. I. In prima figura tres termini, inquit Aristoteles lib. 1. Prior. cap. 1. ita affecti sunt, ut extremus sit in toto medio, & medius sit in toto primo, vel non sit. Medium ergo in prima figura fuerit, & ὅ ἐστιν αὐτῷ ἐν τῷ πρώτῳ ὅτι ἐστὶν ἐν τῷ μέσῳ hoc est, Quod & ipsum in alio est, cum aliud in ipso sit. Ac proinde medium hic non solum officio, sed & διὰ τοῦτο, hoc est, situm, medium est. Ex. gr. in hoc syllogismo:

Omne animal sentit:

Omnis homo est animal:

Ergo omnis homo sentit.

Terminus extremus, sive subiectum, est homo; primus terminus, sive prædicatum, sentit; medius, animal: atqui homo sub animali continetur, & animal sub eo quod sentit. Sit alius syllogismus:

Nullum animal est lapis:

Omnis homo est animal:

Ergo nullus homo est lapis.

Hic minor terminus sive subiectum homo, continetur quidem in medio termino, qui est animal; at medius terminus animal non continetur in prædicato, quod est lapis.

III. Secunda figura est, in qua argumentum de utroque extremo prædicatur.

Scilicet. I. Argumentum enim in secunda figura ponitur ἡ δὲ δευτέρα ἀπὸ τοῦ ἐκτὸς ἐκείνου, id est, extra extrema, & primum situm. Nam medium ambobus extremis attribuitur, & majus extremum situm est prope medium, minus extremum longius abest à medio, ut docetur lib. 1. Prior. cap. 5. Ex. gr.

Omne animal sentit:

Nulla planta sentit:

Igitur nulla planta est animal.

Hic medius terminus sentit primo summoque loco collocatur, prædicatum animal secundo, subiectum planta tertio. Nam sentire de animali dicitur, & animal de planta. Atque hoc est, quod dicitur, minus extremum longius abesse à medio, quam majus extremum.

IV. Tertia figura est, in qua argumentum utriusque extremo subijcitur.

Scilicet. I.

*Señ. 1.* Argumentum in hac figura ponitur *λέγεται ἡ μέση*, id est, extra extrema, atque ultimum positione. Nam medium utrique extremo subicitur, & majus extremum longius abest à medio, minus extremum ad illud propius accedit, ut docet Arist. cap. 6. ejusdem lib. Ex. gr.

*Omne animal sentit :*

*Omne animal vivit :*

*Quoddam ergò vivens sentit.*

In hoc syllogismo medium *animal* utrique extremo subiectum, ultimum locum pbcinet; minus extremum *vivit*, secundum; majus extremum *sentit*, primum ac supremum: ex quo patet majus extremum longius abesse à medio, quàm minus extremum.

2. Non desunt quibus videtur medium quarto modo cum partibus questionis disponi posse, ac proinde dari quartam figuram, in qua argumentum de majori extremo prædicetur, & minori subiciatur. Ex. gr.

*Omnis homo est animal :*

*Omne animal sentit :*

*Quoddam igitur sentiens est homo.*

Sed ejusmodi syllogismi indirectè concludunt in prima figura. Nam ex duobus terminis extremis, is censerì debet major, qui de medio prædicatur, & is minor, qui medio subicitur. Si uterque terminus prædicetur de medio, ut fit in secunda figura, aut si uterque subiciatur medio, ut fit in tertia, tum is major terminus censerì debet, qui prius; & minor, qui deinde cum medio conjungitur. Ex propositionibus ea major est, in qua major terminus; & minor, in qua minor terminus cum medio combinatur. Conclusio ità inferenda est ex præmissis, ut major terminus sit prædicatum, & minor subiectum conclusionis. Si aliter fit, conclusio infertur indirectè. Ex. gr. in syllogismo quartæ figuræ quem supra posui, *animal* est terminus medius: *sentit* ergò est major terminus, quia prædicatur de animali; & *homo* est minor, quia subicitur animali. Ex quo sequitur hanc propositionem, *Omne animal sentit*, esse propositionem majorem, quia in eo major terminus cum medio ponitur; & hanc, *Omnis homo est animal*, esse minorem, quia in ea ponitur medium cum minore termino. Ac proinde hanc esse conclusionem, *Ergò omnis homo sentit*; non hanc, *Quoddam sentiens est homo*. Cum enim minor terminus de majore colligitur, syllogismus est indirectus.

3. Si syllogismus quartæ figuræ habeat majorem negatam, transpositis præmissis, erit syllogismus primæ figuræ, concludens indirectè in *sapesmo*, aut *frisesmo*: de quibus modis agimus sub finem hujus capitis. Ex. gr. fit syllogismus quartæ figuræ;

*Nullus lapis est homo :*

*Omnis homo est animal :*

*Ergò quoddam animal non est lapis :*

ex eo formatur syllogismus primæ figuræ in *sapesmo*, hoc modo;

*Omnis*

*Omnis homo est animal :*

*Nullus lapis est homo :*

*Ergo aliquod animal non est lapis.*

V. Modi universales certo & directe concludentes, sunt quatuordecim: quatuor in prima figura, barbara, celarent, darii, ferio; quatuor in secunda, cesare, camestres, festino, baroco; sex in tertia, darapti, selapton, disamis, datisi, bocardo, ferison.

Señ. 1. Qui omnes hisce versiculis memorie causâ continentur;

*Barbara, celarent primæ, darii ferioque.*

*Cesare, camestres, festino, baroco secundæ.*

*Tertia darapti sibi vendicat, atque selapton;*

*Adjungens disamis, datisi, bocardo, ferison.*

VI. Harum vocum singule syllabæ singulis propositionibus præfiguntur, earumque quantitatem & qualitatem suâ vocali indicant.

VII. Vocales modorum sunt quatuor; A, E, I, O. Quarum A denotat universalem affirmantem, E universalem negantem, I particularem affirmantem, O particularem negantem.

Señ. 1. Atque id hoc disticho exprimitur;

*Afferit A, negat E, verum generaliter ambæ :*

*Afferit I, negat O, sed particulariter ambæ.*

VIII. Propositiones indefinite habentur hoc loco pro particularibus, ut & singulares, si propositioni universali, aut particulari in eodem syllogismo adiunguntur. Nam si singulares solæ sint, constituunt syllogismos singulares, sive expositorios.

IX. Modi singulares syllogismorum expositorios in unaquaq; figura duo sunt; quorum qui in prima & secunda figura fiunt, minus naturales sunt, quia singulare de nullo naturaliter affirmatur.

Señ. 1. Exempli modorum universalium certo & directe concludentium in prima figura.

Bar- *Omne animal sentit :*

ba- *Omnis homo est animal :*

ra. *Omnis ergo homo sentit.*

Ce- *Nullum animal est lapis :*

la- *Omnis homo est animal :*

rent. *Igitur nullus homo est lapis.*

Da- *Omnis color est visibilis :*

ri- *Quedam qualitas est color :*

i. *Quedam ergo qualitas est visibilis.*

Fe- *Nulla virtus est extremum :*

ri- *Quidam habitus est virtus :*

o. *Quidam igitur habitus non est extremum.*

2. Modorum singularium in prima figura alter affirmat, alter negat. Ex. gr.

*Messias debuit crucifigi :*

*Iesus Christus est Messias :*

*Ergo Iesus Christus debuit crucifigi.*

*Aristoteles non fuit Atheniensis :*  
*Præceptor Alexandri fuit Aristoteles :*  
*Igitur præceptor Alexandri non fuit Atheniensis.*

3. Exempla modorum universalium certò & directè concludenti-  
 um in secunda figura.

Cel. Nullus dives est egenus :

a- Omnis avarus est egenus :

re. Ergò nullus avarus est dives.

Cam- Omne animal est mortale :

es- Nullus angelus est mortalis :

tres. Nullus igitur angelus est animal.

Fel- Nullum animal est planta :

ti- Quoddam vivens est planta :

no. Quoddam ergò vivens non est animal.

Ba- Omnis homo est animal :

ro- Quædam substantia rationalis non est animal :

co. Quædam igitur substantia rationalis non est homo.

4. Modi singulares in secundâ figurâ ambo concludunt negativè  
 Ex. gr.

*Plato non fuit Stagirita :*

*Aristoteles fuit Stagirita :*

*Ergò Aristoteles non fuit Plato.*

*Plato non fuit Stagirita :*

*Aristoteles fuit Stagirita :*

*Ergò Plato non fuit Aristoteles.*

5. Exempla modorum universalium certò & directè concluden-  
 tium in tertia figura.

Da- Omnis virtus est ardua :

rap- Omnis virtus est honesta :

ti. Quoddam ergò honestum est arduum.

Fe- Nullus lapis vivit :

lap- Omnis lapis movetur naturaliter ad suum locum :

ton. Aliquid igitur quod naturaliter ad suum locum movetur, non  
 vivit.

Dis- Aliquis homo fuit :

am- Omnis homo est animal rationale :

is. Igitur aliquod animal rationale furit.

Da- Omnis avarus eget :

rif- Quidam avarus est locuples :

i. Quidam ergò locuples eget.

Bo- Aliquod corpus non est corruptibile :

car- Omne corpus constat materiâ & formâ :

do. Aliquid ergò, quod materiâ & formâ constat, non est corru-  
 ptibile.



Fe- Nulla virtus adfert miseriam :

ris- Quedam virtus est molesta :

on. Quidam igitur molestum non adfert miseriam.

6. Modorum singularium in tertia figura, alter affirmat, alter negat. Ex.gr.

Judas fuit impius :

Judas fuit Apostolus :

Ergo quidam Apostolus fuit impius.

Socrates non fuit improbus :

Socrates fuit Ethnicus :

Quidam ergo Ethnicus non fuit improbus.

7. Atque hi sunt modi directi, quorum usus in disputationibus est multo maximus. His addidit Aristoteles lib. 1. Prior. cap. 7. modos quosdam inversos, qui ex majore affirmata, sive universali sive particulari, & ex minore negata, concludunt negationem particularem termini minoris de majore. Tales modi duo sunt in prima & tertia figura: in prima, *sapemo, frifemo*; in tertia, *sapemo, frifemo*: quorum hæc sunt exempla.

Fap- Omnis homo est animal :

esm- Nullus equus est homo :

o. Aliquod igitur animal non est equus.

Fris- Aliquod animal est homo :

esm- Nulla planta est animal :

o. Aliquis igitur homo non est planta.

Fap- Omnis ars est habitus :

em- Nulla ars est scientia :

o. Quidam igitur habitus non est scientia.

Fris- Quidam improbus est dives :

em- Nullus improbus est beatus :

o. Quidam ergo dives non est beatus.

8. Omnes hi modi concludunt inverso ordine. At si præmissæ transponantur, & debito modo convertantur, fiunt exiis syllogismi primæ figuræ, concludentes majus extremum de minore, idque in serio. Quomodo autem ad modos directos reduci debeant, ex consonantibus F, S, M, P, cognosci potest, quarum idem usus est hoc loco, qui in modis directis secundæ & tertiæ figuræ ad primam reducendis. De qua re dicemus cap. 8.

9. Sunt, qui alios etiam modos inversos in prima figura collocant, quos *baralipson*, *celantes*, *dabitis* vocant. Sed non oportebat hos modos distinguere à tribus modis prioribus primæ figuræ. Nam *baralipson* nihil aliud est quam *barbara*, conclusione per accidens conversâ; & *celantes* nihil aliud est quam *celarent*, & *dabitis* nihil aliud quam *darii*, conclusione conversâ simpliciter. Atqui sola conclusionis mutatio non mutat modos; sed mutatio qualitatis aut quantitatis in præmissis. Ad hunc modum licet etiam modos universales secundæ,

de, & modos affirmantes tertiæ figuræ geminare. Aristoteles certe hos modos non recensuit lib. 1. Prior. ubi agit de modis syllogismorum; sed lib. 2. cap. 1. ubi agit de potestate plura concludendi ex iisdem præmissis.

10. Idem iudicium esto de *fasesmo*, & *firesmo*, quos indirectos syllogismos in secunda figura quidam esse volunt, eoque formant hoc modo;

Fa- *Omne animal sentit:*  
resm- *Nulla planta sentit:*  
o. *Ergo quoddam animal non est planta.*

Fi- *Aliquod vivens est animal:*  
resm- *Nulla planta est animal:*  
o. *Ergo aliquod vivens non est planta.*

Nam in *firesmo* concludendum erat directè, *Aliqua planta non vivit:* ex quo per conversionem simplicem sequitur, *Aliquod vivens non est plantam.* In *fasesmo* concludendum erat, *Nulla planta est animal*, ex quo per simplicem conversionem colligitur, *Nullum animal esse plantam*, & hinc per subsumptionem, *quoddam animal non esse plantam.* Ità ut etiam hi modi potius ad potestates plura concludendi (de quibus & nos agemus in fine sequentis capitis) quam ad modos indirectos referri debeant.

## CAP. XM. VIII

## De regulis, legibus, &amp; proprietatibus syllogismorum.

## THEOREMA I.

**N**ecessitas consecutionis, quam animam syllogismi esse diximus, nititur quibusdam fundamentis sive regulis ita certis & notis, & à nullo negari possunt.

II. Syllogismi universales affirmantes nituntur dicto sive regulæ de *Omni*, quæ ita se habet; Quicquid de aliquo universali dicitur universaliter, id etiam dicitur de omnibus quæ sub isto universali continentur.

## COMMENTARIUS.

Ex. gr. *vivere* dicitur universaliter de animali; ut *Omne animal vivit:* *Homo* continetur sub animali; ut *Omnis homo est animal:* ergo *vivere* potest etiam de homine affirmari; ut *Omnis homo vivit.* Atque hic est syllogismus affirmans in prima figura.

III. Syllogismi universales negantes nituntur dicto sive regulæ de *Nullo*, quæ ita se habet; Quicquid de aliquo universali negatur universaliter

versaliter, id etiam negatur de omnibus iis quæ sub isto universaliter continentur.

*Señ. 1. Bx. gr. lapis* negatur de animali; ut *Nullum animal est lapis*: *Homo* continetur sub animali; ut *Omnis homo est animal*: Ergò lapis poterit etiam de homine negari; ut *Nullus homo est lapis*. Hic est syllogismus negans in prima figura. Quàm igitur necessariû est Leidam in Belgio esse, cum constet Hollandiâ esse in Belgio, & Leidam esse in Hollandia; aut Leidam non esse in Anglia, cum constet Belgiû non esse in Anglia, Leidam esse in Belgio: tam necessariû est, conclusionem sequi ex præmissis legitimè dispositis. Quod facilius intelligitur, si dictû de Omni & de Nullo paraphrasticè proponatur, & syllogismis accommodetur, hoc modo; *Quodcumq;* prædicatum universaliter affirmatur aut negatur de aliquo medio, id etiam de subiecto affirmatur aut negatur, quod sub illo medio continetur; ubi tres sunt distinctæ partes, quarum prima repræsentat majorem, secunda conclusionem, tertia minorem.

IV. *Syllogismi singulares nituntur hoc axiomate*, *Quæcumq;* uni tertio singulari conveniunt, ea quoque inter se conveniunt: & quorum unum alicui tertio singulari convenit, alterum non convenit, ea quoque inter se non conveniunt.

*Señ. 1. Quemadmodum*, si duæ traves sint æquales eidem mensuræ, rectè colligitur traves inter se quoq; æquales esse; ita quoque, si Davidi conveniat fuisse Prophetam simul & homicidam, sequitur aliquem Prophetam fuisse homicidam; idque tali syllogismo,

*David fuit homicida:*

*David fuit Propheta:*

*Ergò aliquis Propheta fuit homicida.*

Contrà quemadmodum, si duarum trarum altera sit æqualis alicui mensuræ, altera non item, sequitur eas inter se inæquales esse; ita quoque, si Judæ convenit fuisse Apostolum & non fuisse Domino suo fidelem, sequitur aliquem Apostolum non fuisse Domino suo fidelem; idque tali syllogismo,

*Judas non fuit Domino suo fidelis:*

*Judas fuit Apostolus:*

*Ergò quidam Apostolus non fuit Domino suo fidelis.*

Si duo fiat, quorum neutrum alicui tertio convenit; incertum est, an inter se conveniant, necne.

V. *Qui cum hisce regulis conveniunt, sunt veri syllogismi*: qui ab iis dissentiunt, sunt paralogismi sive syllogismi vitiosi.

VI. *Quòd facilius syllogismi à paralogismis discerni possint, observande sunt aliquot leges*: quarum alie communes sunt omnibus figuris, alie singulis figuris peculiares.

VII. *Leges communes sunt septem*: Prima, *In syllogismo non debent esse plures termini nec pauciores tribus.*

*Señ. 1. Hæc lex præcipitur, lib. 1. Prior. cap. 25. eaq;* sic probatur. Quæstio duos terminos habet, majorem & minorem, sive prædicatum & subiectum; medium, sive argumentum forinsecus assumitur, idque debet esse unicum, ut ostendimus cap. 6. hujus libri.

3. Sæpe contingit, ut in syllogismo quatuor termini sint, cum tres tantum esse videantur; idque fit tribus potissimum de causis primò, quia vox aliqua, aut oratio in syllogismo ambigua est; ut in hoc syllogismo,

*Quod caret principio & fine, est æternum;*

*Mundus caret principio & fine;*

*Ergò mundus est æternus.*

Hic sunt quatuor termini: quia principium & finis in majore de duratione intelliguntur; in minore, de magnitudine.

3. Secundò, quia abstracta cum concretis, aut concreta cum abstractis confunduntur; ut in hoc syllogismo,

*Albò est qualitas;*

*Nix est alba;*

*Ergò nix est qualitas.*

4. Tertiò, quia casus mutantur in nominibus, aut tempora in verbis; ut in his exemplis,

*Omnes servi sunt domini sui;*

*Davus est servus;*

*Ergò Davus est dominus sui.*

*Nullus puer diu vixit;*

*Nestor fuit puer;*

*Ergò Nestor non diu vixit.*

5. Si tamen mutatio casuum, aut temporis, in præmissis facta, etiam fiat in conclusione, non efficit quartum terminum; ut patet ex his exemplis,

*Omnes servi sunt domini sui;*

*Davus est servus;*

*Ergò Davus est dominus sui.*

*Nullus puer diu vixit;*

*Nestor fuit puer;*

*Ergò Nestor, quamdiu fuit puer, non diu vixit.*

VIII. Secunda lex, Non debet esse plus aut minus in conclusione, quàm fuit in præmissis.

Señt. I. Id est, extrema, quæ cum medio fuerant in præmissis disposita, ita debent poni in conclusione, ut erant posita in præmissis, sine ulla additione aut deductione. Si enim aliquid extremis addatur, aut detrahatur, fiunt quatuor termini; ut liquet ex subiectis exemplis,

*Qui placent Deo sunt beati;*

*Omnes fideles placent Deo;*

*Omnes igitur fideles sunt beati, nullisque calamitatum affliguntur.*

*Omnes peccatores resipiscentes recipiuntur in gratiam;*

*Quidam homines non recipiuntur in gratiam;*

*Quidam igitur homines non sunt peccatores.*

Uterque enim syllogismus vitiosus est: prior, quia plus; posterior, quia minus in conclusione est, quàm fuerat in præmissis.

IX. Tertia, Medium non debet ingredi conclusionem.

Señ. 1. Medium enim non est, quod concluditur, neque id, de quo aliquid concluditur. Viciosi ergo sunt syllogismi, cum aut medium integrum, aut illius pars in conclusione ponitur: Ex. gr.

*Omnis equus differt ab homine:*

*Socrates non differt ab homine:*

*Ergo Socrates non differt ab equo.*

Hic syllogismus vitiosus est, quia differt est pars medii. Inferendum enim erat, Ergo Socrates non est equus.

X. Quarta, Extrema ita collocanda sunt in conclusione, ut erant sita in præmissis.

Señ. 1. Hoc est, quod de medio prædicatur in præmissis, debet in conclusione prædicari, & quod medio subjicitur, debet in conclusione subjici: aut, si utrumq; extremum medio subjiciatur, vel si utrumq; de medio prædicetur; illud debet in conclusione prædicari, quod in majore propositione cum medio conjungitur; & illud debet subjici, quod in assumptione cum medio collocatur. Erit ergo hic syllogismus vitiosus

*Omne animal vivit:*

*Omnis homo est animal:*

*Ergo omne vivens est homo.*

Debebat enim inferri, Ergo omnis homo vivit. Cum alius est situs extremorum in præmissis, alius in conclusione, syllogismus vel nihil omnino concludit, vel concludit indirecte.

XI. Quinta, Ex duabus negantibus nihil concluditur.

Señ. 1. Hæc lex præscripta est lib. 1. cap. 24. Prior. hæcque ratione nititur; quod dictum de Omni utramq; propositionem, dictum de Nullo, alteram requirat affirmatam. Est ergo hic syllogismus vitiosus,

*Nullus lapis est animal:*

*Nullus homo est lapis:*

*Nullus igitur homo est animal.*

2. Si tamen negatio sit pars medii, bonus syllogismus ex duabus negantibus conficitur: Hic enim syllogismus,

*Quod non sentit, non est animal:*

*Planta non sentit:*

*Ergo planta non est animal:*

recte concludit, quia particula non juncta cum sentit in majore, non faciebat negationem, sed solummodo reddebat medium infinitum, eandemq; vim debet in assumptione exercere. ac proinde, licet minor in speciem sit negans, habetur tamen pro affirmante prædicati infiniti. Potest etiam dici concludere syllogismum hunc vi dispositionis secundæ figuræ, majoremq; per contrapositionem conversam positam esse pro convertenda. Nam si pro, *Quod non sentit, non est animal*, dicatur, *Omne animal sentit*, erit syllogismus secundæ figuræ in camestres.

XII. Sexta, Ex duabus particulis nihil concluditur.

Señ. 1. Hæc lex ibidem proponitur, eademq; ratione nititur; nempe quod dictum de Omni & de Nullo, vel utramq; vel alteram saltem propositionem requirat universalem. Hic ergo syllogismus vitiosus est,

*Quoddam animal est homo :*

*Quoddam animale est bestia :*

*Quædam igitur bestia est homo.*

2. Quod ex duabus singularibus aliquid rectè concludatur, & non ex duobus particularibus, hæc est causa: Individua vaga, quæ particulares propositiones constituunt, sunt homonyma. Ideoque in syllogismo ex puris particularibus, sunt quatuor termini. Individua determinata, quæ propositiones singulares constituunt, homonymia non sunt obnoxia.

XIII. *Septima, Conclusio sequitur partem debiliorem, siue deteriore.*

Señ. 1. Quare, cum propositio negans deterior sit affirmante, particularis, universalis; si altera præmissarum negans sit, conclusio quoque debet esse negans; & si altera sit particularis, conclusio quoque debet esse particularis. Propositiones enim præmissæ sunt causa conclusionis: at causa non potest esse deterior effectu: quare, si qua debilitas hæret in præmissis, ea transit ad conclusionem, sicuti morbi hæreditarii ad posteros. Hæc regula se extendit etiam ad conditionem materiæ; ita ut, si altera præmissarum sit necessaria, altera contingens, conclusio debeat esse contingens; ut docetur lib. 1. Prior. cap. 24. Arque hæc leges generales sunt.

XIV. *Leges speciales sunt tres: Prima, Major primæ figure debet esse universalis, & minor affirmans.*

Señ. 1. Hæc lex colligitur ex cap. 4, lib. 1. Prior. Itaque hi syllogismi vitiosi sunt,

*Aliquod animal est bestia :*

*Omnis homo est animal :*

*Omnis igitur vel aliquis homo est bestia.*

*Omnis homo est animal :*

*Nullus equus est homo :*

*Ergo nullus equus est animal.*

Si tamen negatio sit pars medii, syllogismus non est vitiosus, ut supra diximus.

XV. *Secunda, Major secundæ figure debet esse universalis, & altera præmissarum negans.*

Señ. 1. Hæc lex extat ibi 1. cap. 5. Itaque hi syllogismi vitiosi sunt,

*Aliquod animal est homo :*

*Nullus equus est homo :*

*Aliquis igitur equus non est animal.*

*Omnis homo est animal :*

*Omnis equus est animal :*

*Omnis homo igitur equus est homo.*

XVI. *Tertia, Minor tertiæ figure debet esse affirmans, & conclusio particularis.*

Señ. 1. Hæc lex continetur cap. 6. ejusdem libri. Itaque hi syllogismi sunt vitiosi,

*Omne animal vivit :*

*Nullum animal est planta :*

*Ergo aliqua planta non vivit.*

*Omnis homo est animal :*

*Omnis homo vivit :*

*Omne vivens igitur est animal.*

XVII. *Proprietates quæ syllogismis secundum has regulas formatis conveniunt, due sunt: Prima, Quod ex veris nihil sequatur nisi verum.*

*Seff. 1. De hac proprietate agit Aristoteles lib. 2. Prior. cap. 2. Itaque, si ex veris præmissis sequatur falsa conclusio, signum est viciosam esse syllogismi formam, & peccatum esse in aliquam ex legibus supra dictis. Itaque hic syllogismus,*

*Omnis homo est animal :*

*Omnis equus est animal :*

*Omnis equus igitur est homo ;*

*paralogismus est, quia conclusio falsa colligitur ex veris præmissis ; idque, quia utraque præmissarum affirmata est in secunda figura. Si forma syllogismi bona sit, nihil vetat ex falsis præmissis veram conclusionem colligi. Sic in hoc syllogismo,*

*Omnis lapis est animal :*

*Omnis homo est lapis :*

*Omnis igitur homo est animal,*

*forma bona est, & utraque præmissarum apertè falsa, & tamen conclusio est vera : sed hoc casu contingit. At ex veris præmissis legitime dispositis nunquam sequitur falsum.*

XVIII. *Altera proprietas est, Quod ex uno syllogismo rectè formato, plures conclusiones colligi possint ; idque vel per conversionem conclusionis, vel per subalternationem.*

*Seff. 1. Hæc proprietas traditur cap. 1. ejusd. lib. Etenim qui probavit, omnem hominem esse animal, aut nullum hominem esse lapidem, aut aliquas plantas esse noxias ; is iisdem præmissis probavit, aliquod animal esse hominem, nullum lapidem esse hominem, & aliquod noxium esse plantam, quia conclusiones illæ in has converti possunt, vel per accidens, vel simpliciter. Hos modos appellant Scholastici baralipton celantes, dabit is, ut supra diximus.*

2. *Subalternatio, sive subsumptio, vel sub-subjecto contingit, vel sub medio, vel si b prædicato. Sub subjecto, cum quis ex conclusione universali inferat propositionem particularem, quæ in illa continetur ; veluti si quis probasset, omnem sensum fieri receptione objecti, indeq ; colligeret, visum quoque fieri receptione objecti. Sub medio fit subalternatio, cum ex majore universali primæ aut tertiæ figuræ inferatur particularis, quæ sub illa continetur ; ut, si quis ex hoc syllogismo ;*

*Omne animal nutritur :*

*Omnis homo est animal :*

*Ergo omnis homo nutritur ;*

*inferret, etiam leonem nutriri. Sub prædicato contingit subsumptio, cum*



cùm ex maiore universali secundæ figuræ, inferitur particularis, quæ sub illa continetur; veluti si quis ex hoc syllogismo,

*Nullum corpus inanime nutritur:*

*Omnis planta nutritur:*

*N. lla planta igitur est inanimis;*  
inferret, lapides non nutriri, cùm sint inanimæ.

## C A P. IX.

De declaratione secundæ ac tertiæ figuræ, per reductionem ad primam, & per expositionem.

### T H E O R E M A I.

**S**yllogismi primæ figuræ cæteris perfectiores sunt. Idque duplici de causa: primò, quia in ea concludi possunt omnia genera problematum affirmantia, negantia, universalis, particularia: cùm in secunda figura tantum concludi possint problemata negantia; in tertia, tantum particularia.

### C O M M E N T A R I U S.

SECT. I. Ob hanc causam dicit Aristoteles lib. 1. Prior. cap. 14. primam figuram esse μέγιστα σημαίνουσαν, id est, aptissimam ad gignendam scientiam.

II. Secunda causa, ob quam prima figura cæteris perfectior habetur, hæc est; Quod in ea appareat necessitas sequelæ syllogisticæ, ac dictum de Omni & de Nullo: quæ in cæteris figuris non ita liquido conspiciuntur, quin declaratione indigeant.

SECT. I. Medium enim in prima figura, situ medium, & inter extrema positum est; ita ut prædicatum obtineat primum ac supremum locum, medium secundum, subiectum tertium. In reliquis figuris medium officio tantum medium est, situ extremum. Nam in secunda figura, ponitur medium primo ac supremo loco, prædicatum secundo, & subiectum tertio ac infimo; in tertia, ponitur prædicatum primo loco, subiectum secundo, & medium tertio. Hoc voluit Aristoteles, cum lib. 1. Prior. cap. 5. & 6. dixit, majus extremum in secunda figura esse τὸ πρὸς τῷ μέσῳ κείμενον, id est, quod situm est prope medium; minus extremum, τὸ πρὸς ἄκρην τῷ μέσῳ, h. e. quod longius abest à medio: in tertia figura contrà, majus extremum esse τὸ πρὸς ἄκρην τῷ μέσῳ, h. e. quod longius abest à medio; minus extremum, τὸ ἐγγύτερον, h. e. quod propius accedit ad medium.

2. Ob hanc causam est, quod syllogismus primæ figuræ ad amussim dicti de Omni & de Nullo constructus, conclusionem non solum necessariò inferat, sed etiam tam evidentem, ut cuius ea sequela pateat; secus quàm sit in syllogismis secundæ ac tertiæ figuræ, qui ad amussim dicti de Omni & Nullo non sunt constructi. Acque hoc nomine dicuntur syllogismi primæ figuræ perfecti; & syllogismi secundæ

cundæ ac tertiæ figuræ, illorum respectu, imperfecti: appellatione multum diversâ ab ea, quâ postea syllogismus dividemus in perfectum & imperfectum. Perfectus enim syllogismus hoc loco dicitur, definiente Aristotele lib. 1. Prior. cap. 1. ὁ μὲν ἐστὶν ὁ καὶ ἀπὸ τῶν ἀρχικῶν. Hoc est, qui præter ea quæ accepta sunt nullâ aliâ re indiget, ut appareat necessitas consecutionis. Imperfectus vocatur, ὁ ἀπὸ τῶν ἀρχικῶν ἢ ἐκ τῶν, ἢ πλείονων, ἃ ὅτι πρὶν ἀναγκαῖα διὰ τῶν ὑποκειμένων ὄντων, ἢ πρὶν εἰληπῶν διὰ τῶν ἐκτάκτων. Hoc est, qui unâ re purioribusve indiget, quæ quidem per suppositos terminos sunt necessaria, non tamen sumptæ sunt per propositiones, ut appareat scilicet necessitas consecutionis. Quæ res illæ sint, quibus syllogismus imperfectus indiget, jam dicemus.

III. Necessitas consecutionis in syllogismo secundæ ac tertiæ figuræ, declaratur duobus modis, reductione ad primam figuram, & expositione.

IV. Syllogismi secundæ ac tertiæ figuræ vel δευτέρους, ἢ ε. ostensivè, ad primam reducuntur, vel δια τὴν ἀδυναμίαν, sive per impossibile.

V. Reductio ostensiva est, quæ fit propositionibus conversis, vel etiam transpositis.

VI. Reductio per impossibile est, quæ fit alterâ præmissarum manente, & contra dicente conclusionis loco alterius positâ.

VII. Utrique reductioni inserviunt consonantes, quæ in nominibus modorum continentur.

VIII. Consonantes initiales indicant modum quemlibet secundæ ac tertiæ figuræ, ad eum modum primæ figuræ reducendum esse, qui eandem habet consonantem initialem; celare, camestres, ad celarent; festino, selapton, ferison, ad ferio; darapti, disamis, datisi, ad darii; baroco, bocardo, ad barbara.

IX. Ex consonantibus mediis notandæ sunt hæc quatuor, S, P, M, C. Quarum S denotat propositionum eam, cui præfigitur, simpliciter convertendam esse: P, convertendam per accidens; M, præmissas esse transponendas, alteram alterius loco; C, syllogismum reducendum esse per impossibile.

Señt. 1. Atque hoc exprimitur disticho vulgato;

S vult simpliciter verti; P, verò per accid.

M vult transponi; C, per impossibile duci.

Ex gr. sit syllogismus in celare;

Cel- Nullus dives est egenus:

a- Omnis avarus est egenus:

re. Ergo nullus avarus est dives;

litera S in prima syllaba majori præfixa, indicat eam convertendam esse simpliciter, in hanc, Nullus egenus est dives. Hæc conversione factâ, & minore & conclusione servatâ, erit syllogismus in celarent. Eodem modo reducuntur festino & ferison ad ferio; datisi ad darii; nisi quod in ferison & datisi minor simpliciter convertenda sit, quia S minori præfixum est.

2. Sic etiam syllogismus in *darapti*,

Da- Omnis virtus est ardua :

rap- Omnis virtus est honesta :

ti. Aliquod igitur honestum est arduum ;

in quo si pro, Omnis virtus est honesta, dicatur, Quoddam honestum est virtus, quæ est conversio minoris per accidens, cui præfigitur P, manente majore & conclusione, erit syllogismus in *darui*. Eodem modo reducitur *selapton* ad *serio*.

3. Sit denique syllogismus in *camestres*,

Cam- Omne animal est mortale :

es- Nullus angelus est mortalis :

tres. Nullus igitur angelus est animal ;

ubi litera M denotat majorem loco minoris, & minorem loco majoris collocandum esse. Deinde litera S præfixa minori, & conclusioni, denotat utramque convertendam esse simpliciter. Quibus peractis, erit talis syllogismus in *celarent* ;

Nullus mortalis est angelus :

Omne animal est mortale :

Nullum igitur animal est angelus.

Eodem modo reducitur *disamis* ad *darui*, nisi quod hic non minor, sed major, cui S præfixum est, convertenda sit simpliciter.

X. Omnes modi secunde ac tertie figure, non solum ostensivè, sed etiam per impossibile reduci possunt ad primam, præter baroco & bocardo, qui hoc tantum modo, & non etiam ostensivè reduci possunt, ut indicat litera C.

XI. In secunda figura servatur major, contradictione conclusionis in locum minoris suffectâ.

XII. In tertia servatur minor, contradictione conclusionis suffectâ in locum majoris.

Señt. 1. Atque hoc indicant vulgares versiculi,

Servat majorem, va idque secunda minorem ;

Tertia majorem variat, servatque minorem.

Ex. gr. sit syllogismus in baroco,

Ba- Omnis homo est animal :

ro- Aliquod vivens non est animal :

co. Ergo aliquod vivens non est homo ;

Si fortè quis, concessis præmissis, neget hujus syllogismi consecutionem, quia in eo non videt dictum de Omni aut de Nullo, demonstranda erit necessitas consecutionis, relictaque majore, & contradictione conclusionis loco minoris positâ, absurda conclusio colligenda in *barbara*, hoc modo ;

Omnis homo est animal :

Omne vivens est homo :

Ergo omne vivens est animal.

Hujus syllogismi conclusio est falsa, vel eo ipso iudice, qui in priore syllogismo necessitatem consecutionis requirebat. Atqui hæc conclusio ex præmissis apertè sequitur ; quia inferitur ad normam dicti de  
Omni.

Omni. Itaque cum ex veris præmissis in syllogismo bene formato, non sequatur falsum, necesse est alteram præmissarum esse falsam. At major non potest judicari falsa ab eo, quicum nobis res est; quia fuit in priore syllogismo ab illo concessa. Relinquitur ergo, ut minor falsa sit, ejusque contradictio vera; quia duæ contradicentes non possunt simul esse falsæ. Atqui conclusio prioris syllogismi contradicit minori falsæ. Ergo conclusio prioris syllogismi est vera, quod debet demonstrari.

2. Si syllogismus in baroco constet minore singulari, reduci debet ad darii. Sic syllogismus,

*Omnis homo est risibilis:*

*Bucephalus non est risibilis:*

*Ergo Bucephalus non est homo.*

ponaturque conclusionis contradictio loco minoris, manente majore, & erit ejusmodi syllogismus in darii;

*Omnis homo est risibilis:*

*Bucephalus est homo:*

*Ergo Bucephalus est risibilis.*

3. Sit etiam syllogismus in bocardo,

*Aliquod animal non est homo:*

*Omne animal vivit:*

*Ergo aliquod vivens non est homo;*

si servata minore, contradictio conclusionis ponatur loco majoris, erit ejusmodi syllogismus in barbara;

*Omne vivens est homo:*

*Atqui omne animal vivit:*

*Ergo omne animal est homo.*

Hæc conclusio est falsa; ergo alterutra quoque præmissarum. Non minor, quia in priore syllogismo concessa fuit. Si ergo major falsa est, prioris syllogismi conclusio est vera, quæ illi contradicit.

4. Hoc modo reduci possunt omnes modi secundæ & tertiæ figuræ ad primam: *selapton* cum *baroco* & *bocardo*, ad *barbara*; *festino*, *darapti*, & *disamis*, ad *celarent*; *camestres* & *ferison*, ad *darii*; *cesare*, & *datisi*, ad *ferio*. Sed reductio ostensiva est facilior. Demus tamen exemplum unum aut alterum. Sic syllogismus in *camestres*;

*Omne animal est mortale:*

*Nullus angelus est mortalis:*

*Ergo nullus angelus est animal;*

ex quo, majore manente, & contradictione conclusionis loco minoris positâ, fiet ejusmodi syllogismus in darii;

*Omne animal est mortale:*

*Aliquis angelus est animal:*

*Aliquis igitur angelus est mortalis.*

Sit etiam syllogismus in *darapti*;

*Omnis virtus est ardua :*

*Omnis virtus est honesta :*

*Aliquod igitur honestum est arduum :*

si, minore manente, contradictio conclusionis ponatur loco majoris, erit syllogismus ejusmodi in celarent ;

*Nullum honestum est arduum :*

*Omnis virtus est honesta :*

*Ergo nulla virtus est ardua.*

**XIII.** Et si syllogismi primæ figuræ cæteris meliores sint evidentia consecutionis, conditio tamen materiæ sepe ratiocinantem trahit ad secundam aut tertiam figuram, ita ut ead. conclusio non possit, eodem medio servato, in prima figura colligi, sine conversione; aut saltem non possit colligi ex præmissis finitis, & æquè naturalibus.

**SECT. 1.** Quod propterea moneo, nè quis putet secundam & tertiam figuram propterea inutiles esse, quia omnia problematum genera in prima figura concludi possunt, & quidem necessitate, si non majore, saltem manifestiore. Sæpe enim conclusio in prima figura non admittit syllogismum, nisi ex propositionibus infinitis. Nam si quis probare velit, *aliquod vivens non esse hominem per medium animal*, struendus est syllogismus ejusmodi in baroco.

*Omnis homo est animal :*

*Aliquod vivens non est animal :*

*Aliquod igitur vivens non est homo ;*  
aut ejusmodi in bocardo ;

*Aliquod animal non est homo :*

*Omne animal vivit :*

*Aliquod igitur vivens non est homo.*

Si quis eandem conclusionem colligere velit in prima figura, servato eodem medio, eum necesse erit mutare præmissas finitas in infinitas, hoc modo ;

*Quod non est animal, non est homo :*

*Aliquod vivens non est animal :*

*Aliquod igitur vivens non est homo.*

Atqui propositiones finitæ simpliciores haud dubiè sunt, & naturaliores, quàm infinitæ.

**2.** Sic etiam syllogismus indistans ;

*Alquis homo est albus :*

*Omnis homo est animal :*

*Quoddam igitur animal est album.*

Hic formari quidem poterit in darii, hoc modo ;

*Omnis homo est animal :*

*Aliquod album est homo :*

*Aliquod igitur album est animal :*

sed quis non videt minorem hujus syllogismi, & conclusionem, minus naturales esse, quàm sunt propositiones syllogismi prioris? Atque hæc de reductione.

**XIV**

**XIX.**

Expositione declaratur necessitas consecutionis in tertia figura,

*gura, cum loco medii universalis sumitur medium singulare, quod sub illo universalis continetur, ad colligendam eandem conclusionem.*

*Señ. 1. Ex. gr. fit syllogismus in datisi;*

*Omnis homo potest errare:*

*Aliquis homo est Philosophus:*

*Aliquis igitur Philosophus potest errare:*

*Si quis de hujus illationis necessitate dubitet, sumatur medium singulare, puta Aristoteles loco hominis, & erit ejusmodi syllogismus expositivus;*

*Aristoteles potuit errare:*

*Aristoteles fuit Philosophus:*

*Ergo quidam Philosophus potuit errare.*

*Hæc illatio evidentior est, quia habet medium sensibile, quo conformis est huic evidentissimo axiomati; Quæcunque eidem singulari congruant, ea inter se quoque congruant.*

*2. Syllogismi secundæ figuræ non declarantur expositione, quia medium in secunda figura debet prædicari: at singulare naturaliter non prædicatur, sed tantum subjicitur. Atque hæc de genesi, sive de ratione struendi syllogismos.*

## C A P. X.

### De inventione medii accommodata ad figuras & modos.

#### T H E O R E M A I.

*Sequitur ὁρμηξ, sive ratio inveniendi medium idoneum, ad conclusionem in qualibet figura & modo colligendam.*

#### C O M M E N T A R I U S.

*Señ. 1. De ὁρμηξ, sive de ratione inveniendi medii termini, agitur hoc loco, non quatenus ea ad veritatem & falsitatem, aut ad necessitatem & contingentiam conclusionum pertinet (sic enim de illa agemus in speciali consideratione syllogismi) sed quatenus spectat ad formam syllogisticam, & ad figurarum ac modorum diversitatem. Hoc modo disputat Aristoteles de medii inventionem, lib. 1. Prior. cap. 26. usque ad cap. 32.*

*II. Inventio idonei medii consistit in præcognitione conclusionis, & in collatione medii cum partibus questionis.*

*III. In conclusione spectanda est quantitas & qualitas: idque ut appareat, in quibus figuris ac modis illa probari ac refutari possit.*

*Señ. 1. Quod in pluribus figuris & modis probari potest, illud est probatu facilius, quam id quod in paucioribus probari potest. Itaque universalis affirmans probatu difficillima est, quia potest tantum probari*

probari in *barbara*. Proxima est universalis negans, quæ probari potest in tribus modis, in *celarent*, *cesare* & *camestres*. Tertia est particularis affirmans, quæ potest probari in quatuor modis, in *darii*, *darapti*, *disamis*, & *datisi*. Omnium probatu facillima est particularis negans, utpote quæ probari potest in *ferio*, *festino*, *baroco*, *selapton*, *bocardo*, *ferison*. Similiter, cujus oppositum in pluribus figuris & modis concludi potest, illud est refutatu facilius, quàm id quod in paucioribus concluditur. Itaque universalis affirmans refutatu est facillima. Refutatur enim probatione universalis aut particularis negantis, quod fit in novem modis, in *celarent*, *cesare*, *camestres*, *ferio*, *festino*, *baroco*, *selapton*, *bocardo*, *ferison*. Proxima est universalis negans, quæ refutatur in quinque modis affirmantibus, in *barbara*, *darii*, *darapti*, *disamis*, *datisi*. Particularis affirmans sequitur, quæ refutatur in tribus tantum modis, in *celarent*, *cesare*, *camestres*. Particularis negans difficillimè refutatur, idque in uno tantum modo, nempe *barbara*.

IV. Medium cum utroque extremorum comparari potest, ut antecedens, ut consequens, & ut repugnans.

V. Medium dicitur antecedens, cum in enunciatione affirmata subijcitur; consequens, cum in enunciatione affirmata prædicatur; repugnans, cum subijcitur aut prædicatur in enunciatione negata.

SECT. I. Hinc facile est colligere, cujusmodi medium figura quæque ac modus postulet. In *barbara* & *Darii*, medium est antecedens prædicati, & consequens subiecti; in *celarent*, *ferio*, *cesare*, *festino*, repugnans prædicati, & consequens subiecti; in *camestres* & *baroco*, consequens prædicati, & repugnans subiecti; in *darapti*, *disamis*, & *datisi*, antecedens utriusque extremi; in *selapton*, *bocardo*, & *ferison*, repugnans prædicati, & antecedens subiecti. Si medium sit consequens prædicati & antecedens subiecti, erit syllogismus indirectus in prima (vulgò in quarta) figura; si sit repugnans utriusque extremi, erit paralogismus ex duabus negantibus; si antecedens prædicati, & repugnans subiecti, erit paralogismus ex minore negante in prima, aut in tertia figura; si denique sit consequens utriusque extremi, erit paralogismus ex duabus affirmantibus in secunda figura.

2. Hæc doctrina paucissimis vocibus docetur à Scholasticis, sicut figurarum modi; sed quarum usum difficulter intelligas. Earum vocum ratio facilior est, quæ hoc disticho continentur;

Per *NAPCAS*, *NIPCIS*, vel *NIPIS*, *REPCES* & *CEPRES*,

Et *ROPPOS*, *COPROS*, *NOSROP* medium invenis omne.

In quibus vocibus consideranda primùm sunt vocales A, E, I, O, quæ qualiter & quantitatem conclusionis consueto valore denotant; deinde consonantes N, C, R, S, P: quarum N denotat antecedens; C, consequens; R, repugnans; S, subiectum; P, prædicatum. Itaque, si probanda sit conclusio universalis affirmans,

*NAP*



*NAPCAS* indicabit suis consonantibus *N*, *P*, *C*, *S*, medium requiri, quod sit antecedens prædicati, & consequens subiecti: si particularis affirmans, *NIPCIS* indicabit medio opus esse, quod sit antecedens prædicati, & consequens subiecti; *NIPIS*, quod sit antecedens utriusque extremi. Si universalis negans, ex voce *REPCESE* deprehenditur, medium debere esse repugnans prædicati & consequens subiecti, & sic de cæteris.

3. Pro exemplo sit vulgatum problema, *An voluptas sit bona?* Quære primum consequentia prædicati, eligendum, conducibile; deinde antecedentia, felicitas, sanitas, &c. denique repugnantia, fugiendum, turpe, &c. Quære etiam consequentia subiecti, tranquillum, secundum naturam; deinde antecedentia, voluptas ex *Musica*; denique repugnantia, molestum, labor, &c. Fiat nunc conclusio universalis, *Omnis voluptas est bona*. Ea reperitur in *NAPCAS* duntaxat, quæ vox indicat medium debere esse antecedens prædicati & consequens subiecti. Sumatur verbi causâ secundum naturam, & erit syllogismus in *barbarâ*; *Quicquid est secundum naturam, est bonum: Omnis voluptas est secundum naturam: Ergo omnis voluptas est bona*. Si concludi debeat, aliquam voluptatem esse bonam, ex voce *NIPIS*, sumi debet antecedens utriusque, putâ voluptas musica, eritque syllogismus in *darapti*, *disamis*, aut *datisi*; ut, *Omnis voluptas musica est bona: Omnis voluptas musica est voluptas: Ergo quedam voluptas est bona*.

Addamus diagramma, in quo hæc doctrina apertè conspiciatur.

L

DIA-



## CAP. XI.

## De Inductione, Enthymemate, &amp; Exemplo.

## THEOREMA I.

**S**uperest, ut agamus de syllogismi divisione & speciebus.

II. Syllogismus quinque potissimum modis dividi potest: Primò, in syllogismum strictè & propriè dictum, & in syllogismum iē *ἰνὰ πῶς*, i. e. ex inductione; Secundò in syllogismum perfectum & imperfectum; Tertio, in simplicem & compositum; Quarto, in purum & modalem; Quintò denique, in directum & indirectum.

## COMMENTARIUS.

Señ. 1. Syllogismus est *ἐκ τῶν ἀπὸ τῶν*, sive ex eorum numero, quæ suis speciebus inæqualiter communicantur. Itaque quæ hæcenus de syllogismo dicta sunt, ea de syllogismo strictè & propriè dicto, perfecto, simplici, puro, & directo præcipuè intelligenda sunt; de inductione, syllogismo imperfecto, composito, modali, atque indirecto, (secundariò tantum, ac quatenus ad primariæ speciei naturam accedunt.

III. Syllogismus strictè & propriè dictus est, in quo extremum de extremo per medium colligitur.

IV. *Ἐπαγωγή ἐστὶν ὅ ἐστιν ἰνὰ πῶς συλλογισμὸς ὅστις, ἐκ τῶν διὰ τῶν ἰσχυρῶν ἀκροῦν τῶν μὲν συλλογίζεται.* Hoc est, Inductio & syllogismus ex inductione est, in qua alterum extremum per alterum de medio concluditur. Inductio definitur etiam, *ἢ δὲ τῶν καὶ ἀπὸ τῶν ὅτι τὰ καὶ ἀπὸ τῶν ἰσοδυναμῶν*, id est, progressio à singularibus ad universalia.

Señ. 1. Inductio dicta est, quia ab iis, quæ certa sunt, auditoris animum inducit ad credendum, quod incertum est. Inductio (inquit Aristoteles lib. 2. Prior. cap. 23.) colligit extremum, nempe majus, hoc est, prædicatum, de medio per alterum extremum, nempe minus, sive per subiectum, eaque omnia, quæ subiecto sunt similia. Itaque inductio quodammodo syllogismo opposita est. Nam in syllogismo colligitur extremum de extremo, hoc est, prædicatum de subiecto, per medium. Non tamen hinc sequitur, medium in conclusione poni, cum inductio formatur. Medium enim dicitur in definitione inductionis, non quod conclusionem arguit, sed quod suâ naturâ medium est, quòdque in syllogismo strictè dicto argumentum esse debuisset. Sumamus tres terminos ex. gr. *longævum esse; vacabile; homo, equus, asinus*. Siquis naturæ ductum sequeretur, probaret hominem, equum, &c. *longævum esse*, quia *vacabile*: isque esset syllogismus propriè & strictè dictus, in quo prædicatum, *longævum esse*, probatur de subiecto, *homine, equo, asino*, &c. per medium *vacabile*. At in inductione probatur *animalia quæ bile vacant, esse longæva*; quia *homo, equus, asinus, &c. sunt longævi*. Atque hoc est Aristoteli extremum de extremo per medium colligi.

2. Cùm inductio lib. 1. Top. cap. 11. definitur, *progressio à singularibus ad universalia*, definitionis verba non sunt nimis stricte accipienda. Nam duæ sunt species inductionis, ut rectè observat Rul. Agricola lib. 2. cap. 18. de Inv. Dial. una, quæ ex speciebus colligitur genus, aut ex singularibus universale; altera, quæ ex partibus concluditur totum. Utriusque exempla passim sunt obvia apud bonos scriptores. Sic probat Aristoteles, lib. 8. Eth. cap. 1. amicitiam omnibus hominibus necessariam esse: quia divitibus eâ opus est ad exercendam beneficentiam, & ad conservandam prosperam fortunam; pauperibus, ad perfugium, & ad sublevandam egestatem; senibus, ut colantur, utque quibus rebus gerendis ipsi interesse non possunt propter infirmitatem, extransigantur ab amicis; adolescentibus, nè peccent; iis qui in vigore ætatis sunt, ad res præclare gerendas. Hæc est inductio prioris generis, eaque propriè est *progressio à singularibus ad universale*, aut saltem à minus universalibus ad universalium. Exemplum posterioris inductionis fuerit, siquid probet totam Scripturam sacram esse *Θεόμνητον*, quia Lex, Prophetæ, Evangelia & scripta Apostolorum sunt divinitus inspirata. Hæc inductionis species impropriè dicitur *progressio à singularibus ad universale*.

V. Ut Inductio firma sit, enumerari debent omnia singularia, aut in universale; aut omnes partes, ut ex iis concludatur totum.

VI. Vel, si illud nimis sit molestum, post plurimum singularium, aut partium enumerationem, subjiciendum est, cæterorum eandem esse rationem; aut simile quid.

Sec. 1. Sic Horatius præbare volens nullos homines suâ sorte contentos esse, postquam dixisset neque mercatores, neque milites, neque agricolas, neque jurisconsultos, suâ sorte contentos esse, inductionem claudit, hoc modo;

*Cætera de genere hoc (adèò sunt multa) loquacem  
Delassare valent Fabium.*

VII. Inductio evertitur, cùm dissimile cæteris exemplum exhiberi potest: idque *ἐναντιον*, hoc est, instantia, dicitur.

Sec. 1. Ex. gr. si quis colligat quamlibet corporis partem amputandam esse, si ita malè affecta sit ut de illius salute nemo sperare possit, & periculum sit nè totum corpus suâ lue inficiat; quia pes, manus, auris, in ejusmodi eventum amputanda est: responderi potest, in cæteris partibus quæ prætereuntur, dissimilem esse rationem: Nam ridiculum foret, etiam caput amputare, reliqui corporis servandi causâ. Et si capitis quoque mentio fuisset facta in inductione, nemo concessisset illam partem etsi malè affectam, amputandam esse. Atque hæc de prima syllogismi divisione.

VIII. Secundo, dividitur syllogismus in perfectum & imperfectum. Syllogismus perfectus est, in quo nulla pars desideratur.

IX. Imperfectus, in quo desideratur aliqua propositio, ut enthymemas vel pars a gumentum, ut exemplum.

Sec. 1. Aristoteles passim recenset quatuor argumentorum species,

cies, syllogismum, inductionem, enthymema, & exemplum. Enthymema ait esse imperfectum syllogismum; & exemplum, imperfectam inductionem: tum Dialecticum uti syllogismo & inductione; Rhetorem, sive oratorem, enthymemate & exemplo. Etsi enim orator syllogismo etiam utatur & inductione; magis tamen gaudet enthymematibus & exemplis, tum ut celet artificium, tum ne videatur auditorum ingenio diffidere, quasi necesse sit cum iis agi, veluti cum ignaris rerum vulgarissimarum.

X. Enthymema est syllogismus altera propositione truncatus.

XI. Itaque constat duobus propositionibus; quarum prior vocatur antecedens, posterior consequens.

XII. Si subiectum consequentis ponitur in antecedente, suppressa est maior; si prædicatum, minor. Virumvis accidat, enthymema poterit reduci ad syllogismum categoricum, addita propositione quæ omissa est.

XIII. Si neque subiectum neque prædicatum consequentis in antecedente est, maior suppressa est: eaque addita, reducitur enthymema ad syllogismum hypotheticum.

Señt. 1. Enthymema dicitur *παρὰ τὸ ἐνθυμῆναι*, id est, cogito, quia altera propositio voce exprimitur, altera cogitanda relinquitur. In hoc enthymemate, *Avarus eget*: Ergo *avarus non est dives*, ponitur subiectum consequentis in antecedente, ex quo colligitur deesse majorem: quæ addita erit plenus syllogismus, hoc modo; *Nullus dives eget*: *Omnis avarus eget*: Ergo *nullus avarus est dives*. Aliud, *Qui non peccat, non est autor peccati*: Ergo *Deus non est autor peccati*: hic prædicatum consequentis in antecedente expressum est: ergo deest minor; quæ addita, erit talis syllogismus, *Qui non peccat, non est autor peccati*: *Deus non peccat*: Ergo *Deus non est autor peccati*. Addamus tertium; *Virtus efficit felices*: Ergo *vitium efficit miseros*: hic neque subiectum, neque prædicatum consequentis exprimitur in antecedente: ex quo sequitur majorem deesse; quæ addita, erit syllogismus hypotheticus, ad hunc modum; *Si virtus felices efficit, vitium efficit miseros*: Sed *virtus efficit felices*; Ergo *vitium miseros*.

2. Aristoteles lib. 2. Prior. cap. 27. definit enthymema hoc modo, *ἐνθυμημα δὲ συλλογισμὸς ἀπὸ τοῦ ἑξ ἐκδότων καὶ σημείων* hoc est, Enthymema est syllogismus imperfectus ex verisimilibus & signis. Hæc definitio non convenit enthymemati per se ac ratione formæ, sed tantum ratione materiæ: ideoque non omni enthymemati convenit, sed tantum enthymemati Rhetorico. Quia enim Dialectici frequentius utuntur syllogismis quàm enthymematibus, Rhetores contra frequentius utuntur enthymematibus quàm syllogismis; factum est, ut Aristoteles illa solum enthymemata suâ definitione complexus sit, quæ Rhetoribus in usu sunt: qualia sunt ea, quæ argumentum petunt ex loco verisimilium, & signorum.

3. Quintilianus lib. 5. cap. 10. vertit enthymema commentum, sive commentationem; idque dicit triplicem habere intellectum: unum, quo omnia mente concepta significat; alterum, quo sententiam cum ratione;

tertium, quo certam quandam argumenti conclusionem, vel ex consequentibus, vel ex repugnantibus. Ciceroni in *Top. ad Treb. entymema* est quaelibet sententia, sed imprimis ea, quæ ex contrariis conicitur, quia videtur acutissima; ut, Eam quam nihil accusas, damnas: Bene quam meritam esse autumas, dicis male mereri.

XIV. Παράδειγμα δὲν, ὅταν τὸ μέγα τὸ ἄρρον ἰσχυρὸν δειχθῇ διὰ τὸ ὅμοιον τὸ ἥττον hoc est, Exemplum est, quando extremum medio inesse ostenditur per simile tertio.

Señt. 1. Hoc est, quando majus extremum, sive prædicatum, colligitur inesse medio per exemplum aliquod, quod sit simile tertio, hoc est, subiecto. Constat enim exemplum quatuor terminis, ex quibus fiunt duæ ratiocinationes; una perfecta, in qua ex majore universali colligitur aliquod particulare; altera imperfecta, in qua ex particulari, quod simile est subiecto conclusionis illatz, colligitur universa propositio, quæ continet similitudinem utriusque rei particularis, quæque fuerat major primæ ratiocinationis. Ex. gr. sit majus extremum, perniciosum esse; medium, inferre bellum finitimis; minus extremum sive subiectum, Athenienses inferre bellum Thebanis; simile minori extremo, sive subiecto, Thebanos inferre bellum Phocensibus. Ex his fiat exemplaris argumentatio talis; Finitimis inferre bellum, est perniciosum: Atqui si Athenienses inferunt bellum Thebanis, finitimis bellum inferunt: Ergo si Athenienses inferunt bellum Thebanis, est perniciosum. Addatur huic ratiocinationi exemplum, eoque confirmetur propositio major; Perniciosum fuit Thebanis inferre bellum Phocensibus: Atqui illud erat inferre bellum finitimis, Ergo bellum inferre finitimis est perniciosum. Hic jam concluditur prædicatum de medio, per aliquid simile subiecto præcedentis syllogismi.

2. Exemplum non concludit necessariò, ideòque non efficit certam notitiam; quia progreditur à particulari ad universale: persuadet tamen & generat opinionem, idque ex hoc fundamento, Similibus similia convenire consentaneum est. Sed tum demum persuadet, si exploratum sit, medium convenire subiecto, nempe, Athenienses inferre bellum Thebanis, esse bellum inferre finitimis, & prædicatum convenire ei, quod est simile subiecto, nempe, perniciosum fuisse Thebanis inferre bellum Phocensibus.

3. Exemplum habet rationem partis ad partem, quia ex uno particulari notiori, alterum colligitur quod ignotius est. Neque verò hoc pugnat cum tradita definitione, in qua dicitur majus extremum de medio probari, ac proinde inferri conclusionem universalem ex particulari: quia non monstratur in exemplo universa propositio propter se, sed ut ex ea alterum particulare simile colligatur.

4. Exemplum definitur à Quintiliano, lib. 5. cap. 11. rei gestæ aut ut gestæ, utilis ad persuadendum id quod intenderis, commemoratio. Unde duo sunt exemplorum genera, teste Aristotele, lib. 2. *Rhet. cap. 20.* unum, cum res præteritas commemoramus; alterum, cum ipsi fingimus aliquid, ut gestum. Hoc genus iterum in fabulam

lam & parabolam dividitur. Atque hoc modo sumitur exemplum à Rhetoribus, & quidem propriè. Logicis exemplum est omne id, quo rem singularem alià simili re probamus.

## CAP. XII.

## De Syllogismo hypothetico, disjunctivo, &amp; relativo.

## THEOREMA I.

**T**ertio, dividebatur syllogismus in simplicem & compositum. Syllogismus simplex est, qui neque constat propositionibus compositis, neque in plures syllogismos resolvi potest.

II. Compositus, qui ex altera vel utraque præmissarum composita, vel etiam ex pluribus syllogismis conflatus est.

III. Syllogismus ex altera vel utraque præmissarum composita conflat, vel est hypotheticus, vel disjunctivus, vel relativus.

IV. Syllogismus hypotheticus est, cujus major, aut minor, aut utraque propositio est hypothetica.

V. Si sola major sit hypothetica, conclusio est categorica: at si minor hypothetica sit, necesse est conclusionem quoque hypotheticam esse.

## COMMENTARIUS.

Señ. 1. Quemadmodum omnis enunciatio composita vulgò hypothetica nuncupatur; ita etiam appellatur omnis syllogismus hypotheticus, qui ex altera vel utraque propositione composita conflat, cujus species est syllogismus *di' adu' d' r' u' s*, id est, per impossibile; ut videre est lib. 1. Prior. cap. 23. de quo nos agimus cap. 14. Adjiciamus exempla;

1. Si Deus est, mundus regitur providentiâ:

Atqui Deus est:

Ergo mundus regitur providentiâ.

2. Quicquid nutritur, habet partes heterogeneas.

Atqui si lapis vivit, nutritur:

Ergo si lapis vivit, habet partes heterogeneas.

3. Si homo sentit, etiam vivit:

Atqui si homo est animal, sentit:

Ergo si homo est animal, etiam vivit.

VI. Syllogismi hypothetici habentis solam majorem hypotheticam, duo sunt modi bene concludentes: prior, à positione antecedentis ad positionem consequentis; alter, à remotione consequentis ad remotionem antecedentis.



VII. Totidem sunt modi fallaces: prior, à remotione antecedentis ad remotionem consequentis; alter, à positione consequentis ad positionem antecedentis.

Señ. 1. Ponere antecedens aut consequens, est illud assumere servatâ qualitate; hoc est, affirmatum affirmare, aut negatum negare. Removeere antecedens aut consequens, est illius contradictionem assumere; hoc est, affirmatum negare, aut negatum affirmare contradictoriè; Ex. gr.

1. Si homo sensit, est animal:

Atqui homo sensit:

Ergo homo est animal.

2. Si lapides vivunt, nutriuntur:

Atqui lapides non nutriuntur:

Ergo lapides non vivunt.

Horum syllogismorum prior procedit à positione antecedentis ad positionem consequentis, hoc est, assumit antecedens majoris hypotheticæ, indèque insert illius consequens: posterior procedit à remotione consequentis ad remotionem antecedentis, hoc est, assumit contradictionem consequentis, indèque insert contradictionem antecedentis. In disputationibus studemus compendio, & cum volumus ex antecedente inferre consequens, propositrâ majore, dicimus; Atqui verum est antecedens, ergò & consequens: vel, Atqui verum prius, ergò etiam posterius. Si volumus ex consequente colligere antecedens, dicimus, Atqui falsum consequens, ergò & antecedens; vel, Atqui falsum posterius, ergò etiam prius.

1. Addamus exempla syllogismorum vitiosorum.

1. Si planta est animal, vivit:

Atqui planta non est animal:

Ergò planta non vivit.

2. Si planta est animal, vivit:

Atqui planta vivit:

Ergò planta est animal.

Horum syllogismorum prior vitiosus est, quia procedit à remotione antecedentis; posterior, quia procedit à positione consequentis.

3. Sed & hic vitiosus est.

Si omne animal est rationale, omnis etiam bestia est rationalis:

Atqui nulla bestia est rationalis:

Ergò nullum animal est rationale.

Causa peccati est, quòd minor contraria sit consequenti, & conclusio contraria sit antecedenti, non contradictoria. Debebat enim inferri, Ergò aliquod animal non est rationale. Hoc enim est removeere antecedens, ut diximus.

VIII. Si idem sit subiectum antecedentis & consequentis in majore hypothetica, syllogismus hypotheticus fieri poterit categoricus & simplex, abjecto cum conditione S I communi antecedentis & consequentis subiecto.

IX. Et syllogismus à positione antecedentis erit in prima; à remotione consequentis in secunda figura.

Señ. 1. Sint exempli loco syllogismi illi duo, quos dixi suprà bene conc. uderet: horum prior erit in prima; alter, in secunda figura, si cum particula *S I* subiectum conclusionis majori detrahatur hoc modo;

1. *Omne sentiens est animal:*  
*Omnis homo sentit:*  
*Ergò omnis homo est animal.*

2. *Omne vivens nutritur:*  
*Nulli lapides nutriuntur:*  
*Ergò nulli lapides vivunt.*

2. Atque hinc liquet, ceteros modos syllogismorum hypotheticorum vitiosos esse. Si enim syllogismus à remotione antecedentis fiat categoricus, erit paralogismus ex minore negante in prima figura. Si Syllogismus à positione consequentis fiat categoricus, erit paralogismus ex duabus affirmantibus in secunda figura. Sint exempli loco duo syllogismi vitiosi, quos suprà proposui; ex iis fient categorici, hoc modo;

1. *Omne animal vivit:*  
*Atqui planta non est animal:*  
*Ergò planta non vivit.*

2. *Omne animal vivit:*  
*Atqui omnis planta vivit:*  
*Ergò omnis planta est animal.*

X. Si aliud sit subiectum antecedentis, aliud consequentis in maiore, & prædicatum idem; syllogismus hypotheticus, poterit quidem fieri categoricus, sed non poterit fieri syllogismus simplex.

XI. Si etiam prædicatum diversum sit, nè categoricus quidem fieri poterit ex iisdem terminis.

Señ. 1. Hic enim syllogismus,

*Si Abraham iustificatus est ex fide, nos quoque ex fide iustificabimur;*

*Atqui Abraham iustificatus est ex fide:*

*Ergò nos quoque iustificabimur ex fide:*

poterit quidem fieri categoricus, sed qui habeat maiorem partium relatione compositam; ut,

*Quo modo iustificatus est Abraham, eo modo nos quoque iustificabimur:*

*Atqui Abraham iustificatus est ex fide:*

*Ergò nos quoque ex fide iustificabimur.*

At hic syllogismus,

*Si ex lege est iustitia, Christus frustra mortuus est:*

*Atqui Christus non frustra mortuus est:*

*Ergò ex lege non est iustitia:*

nullo pacto potest fieri categoricus: quia medium quod assumitur ad probandam conclusionem, non est simplex, sed integra hæc enunciatio, *Christus frustra mortuus est*; ac proinde sunt in eo quatuor termini,

termini, *iustitia, esse ex lege, Christus, frustra mortuum esse*: At in syllogismo categorico non possunt esse quatuor termini simplices. In quo differt à syllogismo hypothetico, qui potest ex quatuor terminis simplicibus componi, sed ita tamen, ut duo eorum coalescant in enumerationem, quæ est terminus complexus, & tota sumitur ut medium, eodémque munere fungitur in syllogismo hypothetico, quo terminus simplex in syllogismo simplici.

2. Ex quibus liquet syllogismos hypotheticos non esse rejiciendos, imò sæpe esse necessarios. Interim præstat inter disputandum, si fieri potest, adhiberi categoricos, quia si fortè consequentia syllogismi hypothetici à respondente negetur, ejus probatio difficilis est, & multis verborum ambagibus involuta.

XII. *Syllogismus disjunctivus est, cujus major est propositio disjunctiva.*

XIII. *Quæ si constat duobus membris immediatè oppositis, procedi potest à positione alterius membri ad everisionem alterius; aut ab everisione alterutrius ad positionem alterius.*

Señ. 1. Ex. gr. ex hac positione, *Aut dies est, aut nox, inferri potest, Sed est dies, ergò non est nox; vel, Sed est nox, ergò non est dies; vel, Sed non est dies, ergò est nox; vel, Sed non est nox, ergò est dies.*

XIV. *Si major habeat plura membra duobus, cæteris sublatiis, quod reliquum est, concluditur.*

Señ. 1. Ut, *Aut hyems est, aut æstas, aut ver, aut autumnus: Atqui hyems non est, neque autumnus, neque æstas: Ergò ver est.*

Si membra propositionis disjunctæ non sint opposita, aut non plene enumerata, syllogismus est vitiosus; ut in hoc syllogismo,

*Aut Jurisconsultus est, aut Medicus, aut Philosophus:*

*Sed non est Jurisconsultus, neque Medicus:*

*Ergò est Philosophus.*

Ubi illatio vitiosa est, quia Jurisconsultum, Medicum, Philosophum esse, non sunt opposita. Idem enim & Jurisconsultus esse potest, & Medicus, & Philosophus. Tum membra non sunt plene enumerata. Potest enim aliquis nihil istorum omnium esse; qui aut doctus non sit, aut etiam Theologus sit, aut Philologus.

XV. *Cum remotis ambobus vel omnibus membris, removetur totum, est syllogismus ab enumeratione partium.*

Señ. 1. Ex. gr. *Qui injuriam facit, id facit aut furto, aut adulterio, aut contumeliâ, aut tali aliquo modo:*

*Sed nemo sua furatur, aut seipsum adulteratur, neq; afficit contumeliâ: Ergò nemo sibi facit injuriam.*

XVI. *Syllogismus disjunctivus fit hypotheticus, cum major disjuncta fit hypothetica.*

Señ. 1. Ex. gr. hæc propositio, *Aut dies est, aut nox, mutari potest in hypotheticam, hoc modo; Si dies est, non est nox; Si nox non est, est dies.*

XVII. *Syllogismus relativus est, cujus major partium relatione composita est.*

Ut,

Uc, Vbi est Christus, ibi etiam erunt fideles:

Atqui Christus est in cælo:

Ergo fideles quoque erunt in cælo.

Huc pertinent syllogismi proportionales: ex. gr.

Ut se habent duo ad quatuor, ita se habent tria ad sex:

Sed duo se habent ad quatuor, ut dimidium ad totum:

Ergo tria se habent ad sex, ut dimidium ad totum.

Huiusmodi syllogismi non multum differunt figurâ à simplicibus. Cæterum, quàm perperam syllogismi hypothetici & disjunctivi confundantur cum iis, quos Aristoteles vocat syllogismos *καὶ μεταλλήν*, & relativi cum iis, quos appellat *καὶ ἀντιθέτην*, postea dicemus. Hac de syllogismo qui constat ex propositionibus compositis.

## CAP. XIII.

## De Dilemmate, Prosyllogismo, &amp; Sorite.

## THEOREMA I.

**S**yllogismus ex pluribus syllogismis compositus, vel est dilemma, vel prosyllogismus, vel sorites.

II. Dilemma est argumentatio duorum membrorum, quorum unumq; adjunctum habet incommodum.

## COMMENTARIUS.

Señ. 1. *Διλήμμα* dicitur quasi *διε λαμβάνων*, hoc est, syllogismus anceps, & utrinque capiens, sive constringens adversarium. Sic pro exemplo illud Biantis apud Gellium, l. 5. c. 11. Si ducenda est uxor, aut pulchra ducenda est, aut deformis: si pulchram ducis, habebis commuam; si deformem, seres penam.

III. Dilemma constat syllogismo disjunctivo, quo à partium remotione concluditur remotio totius; & duobus syllogismis categoricis, quibus partium remotio confirmatur.

Señ. 1. Dilemma jam allatum sic resolvi potest.

Si ducenda est uxor, aut formosa ducenda est, aut deformis:

Atqui non est ducenda formosa, neque deformis:

Ergo uxor non est ducenda.

Uxor communis non est ducenda:

Atqui formosa communis erit:

Ergo formosa non est ducenda.

Que ducenti futura est pena, non est ducenda:

Atqui deformis ducenti futura est pena:

Ergo deformis non est ducenda.

IV. Dilemma inefficax est: primo cum membra non sunt immediatè opposita: secundo, cum non satis gravi incommodo urgentur: tertio, cum pari efficacità retorqueri potest in auctorem.

Señ. 1.

*Señ. 1.* Duplici ergò nomine infirmum est dilemma Biantis de uxoria : primo, quia membra non sunt immediatè opposita : datur enim *media forma*, inquit Gellius, *que à nimia pulchritudinis periculo, & à summo deformitatis odio vacat*, *que ab Ennio perquam eleganti vocabulo, statim dicitur; à Favorino. uxoria.* Deinde non sequitur necessariò, ut aut formosa communis sit futura; aut deformis, odio. Exemplum retorsionis apud Gellium etiam extat *cod. lib. cap. 10.* nimis quàm scitum, Euathlus eloquentiæ discendæ, causarumque orandi cupidus, sese dedit in disciplinam Protagoræ, dimidiùmq; mercedis jam tunc dedit statim, priusquam disceret, pepigitque ut reliquum dimidium daret, quo primo die causam apud judices orasset, & vicisset. Postea, cum longum tempus transcurreret, Protagoras licem cum Euathlo contestatur, & in hunc modum disputat; *Sive contra te pronunciatum erit, sive pro te, reddas oportet, quod peto: Nam si contra te lis data erit, merces tibi ex sententia debebitur, quia vicero; sin verò contra me judicatum erit, merces tibi ex pacto debebitur, quia tu vicisti.* Euathlus primùm ait, isti captioni potuisse obviam iri, si verba non ipse faceret, sed patrono uteretur. Deinde retorquet dilemma hunc in modum; *Sive contra me pronunciatum erit, sive pro me, non reddam, quod petis: Nam si judices pro mea causa senserint, nihil tibi ex sententia debebitur, quia ego vicero; sin contra me pronunciant, nihil tibi ex pacto debebo, quia non vicero.*

*V.* *Prosyllogismus* est, cum duo syllogismi quinque propositionibus ità continentur, ut prioris conclusio sit major vel minor sequentis.

*Señ. 1.* *Ex. gr.* *Omne vivens nutritur: Omnis planta vivit: Ergò omnis planta nutritur: Atqui nulli lapides nutriuntur: Ergò nulli lapides sunt plantæ. Vel sic, Omne animal sentit: Omnis homo est animal: Ergò omnis homo sentit: Quicquid autem sentit, est mortale: Ergò omnis homo est mortalis.* Horum syllogismorum posterior utrobique est principalis; prior est auxiliaris, & accessus ad probationem, vel majoris, ut in primo; vel minoris, ut in secundo exemplo.

*VI.* *Sorites* est argumentatio constans multis propositionibus ità connectarum, ut prædicatum propositionis præcedentis fiat subiectum sequentis, indeque prædicatum ultimum concludatur de subiecto primo.

*Señ. 1.* *Sorites* dicitur à *σωγῆς*, hoc est, *acervus*, quia est quædam propositionum veluti coacervatio. Exempli loco sit illud Apostoli ad Rom. cap. 8. *Quos Deus præcognovit, prædestinavit: quos prædestinavit, vocavit: quos vocavit, justificavit: quos justificavit, glorificavit: hinc collige, Ergò quos præcognovit, glorificavit.*

*VII.* *Sorites* continet tot syllogismos, quot termini inter primæ propositionis subiectum, & ultimæ prædicatum interpositi sunt.

*Señ. 1.* Itaque *Sorites* Pauli continebit tres syllogismos, qui hoc modo formari possunt. 1. *Quos Deus prædestinavit, eos vocavit: Atqui quos præcognovit, prædestinavit: Ergò quos præcognovit, vocavit.* 2. *Quos Deus vocavit, justificavit: Atqui quos prædestinavit, vocavit: Ergò quos prædestinavit, justificavit.* 3. *Quos Deus justificavit, glorificavit: Atqui quos vocavit, justificavit: Ergò quos vocavit, glorificavit.*

## CAP. XIV.

## De Syllogismo modali &amp; indirecto.

## THEOREMA I.

**Q**uarto dividebatur syllogismus in purum & modalem. Syllogismus purus est, qui constat utrâque propositione purâ.

II. Modalis, qui constat utrâque vel alterâ propositione modali.

## COMMENTARIUS.

Señt 1. De syllogismo modali agit Aristoteles capite 8. & sequentibus usque ad caput 23. lib. 1. Prior. Syllogismi modalis quinque sunt ordines: primus ordo est eorum, qui constant utrâque propositione modi *necesse*; ut,

*Necesse est omne animal sentire:*

*Atqui necesse est hominem esse animal:*

*Ergo necesse est omnem hominem sentire.*

Secundus ordo est eorum, qui constant alterâ propositione modi *necesse*, alterâ purâ; ut,

*Necesse est omne animal sentire:*

*Atqui omnis homo est animal:*

*Ergo necesse est omnem hominem sentire.*

Tertius ordo est eorum, qui constant ex utraque propositione modi *contingit*; ut,

*Contingit omnem hominem ambulare:*

*Atqui contingit aliquem hominem esse album:*

*Ergo contingit aliquod album ambulare.*

Quartus ordo constat ex altera propositione pura, & altera modi *contingit*; ut,

*Contingit omne animal currere:*

*Atqui omnis homo est animal:*

*Ergo contingit omnem hominem currere.*

Quintus ordo constat ex altera propositione modi *necesse*, & altera modi *contingit*; ut,

*Contingit omne animal dormire:*

*Atqui necesse est omnem hominem esse animal:*

*Ergo contingit omnem hominem dormire.*

Propositiones modi *impossibile* annumerantur propositionibus modi *necesse*; & propositiones modi *possibile*, iis, quæ sunt modi *contingit*. In syllogismis modalibus observandæ sunt multæ regulæ, & cautiones, quas Aristoteles citato loco diligenter tradit: verum, quia syllogismorum modalium non est ita magnus usus, & hæ regulæ admodum difficiles sunt, non duxi operæpretium eas sollicitè inculcare. Siquis tamen eas cognoscere desideret, legat doctissimam paraphrasin Jo. Monlorii in lib. 1. Prior.

III. Quinto denique dividebatur syllogismus in directum & indi-

rectum

rectum. Syllogismus directus est, qui ex sumptis pronunciatis ipsam questionem colligit.

IV. Syllogismus indirectus est, qui non ipsam questionem colligit, sed aliud quid: ex quo tamen probatur questionis quādam conventum sequitur.

Señ. 1. Arist. lib. 1. Prior. cap. 23. appellat syllogismum directum, syllogismum *δεξιόν* & indirectum, syllogismum *εξ αὐθιγίας*. hoc est, ex conventionione aut constituto, & recte. Syllogismus enim indirectus non ipsam questionem probat, sed aliud quid: idque eo pacto ac conditione, ut eo probato, ipsa quoque questio probata habeatur.

V. Syllogismus indirectus, vel est syllogismus *δι' ἀδυνατίας*, hoc est, deducens ad incommodum, vel *δι' ὁμολογίας*, hoc est, concludens ex concessione.

VI. Syllogismus ducens ad incommodum est, cum ex contradictione questionis quam volumus probare, & alia propositione manifestè verum colligimus aliquid quod est manifestè falsum.

Señ. 1. Syllogismus, quo *πὶ ἀδυνάτων*, sive falsum atque incommodum concluditur, est syllogismus directus: at proposita questio, ex falsa conclusione indirecte, & per ambages colligitur. Ea collectio nititur duobus fundamentis, in quibus utrinque consentitur. Prius est, Ex veris præmissis non sequitur falsa conclusio. Alterum, *Due contradicentia non possunt simul esse falsa*. Declaremus rem exemplo, sitque questio, *An lapides vivant?* Tu negas lapides vivere: adversarius, ex Cardani sententia, ait vivere. Sume ergò sententiam Cardani, quæ tuæ contradicit, *Lapides vivunt*; eique adijunge hoc pronunciatum, vel ipsius adversarii iudicio verum; *Quicquid vivit, nutritur, habetque partes organicas*: indeque sic argumentare;

*Quicquid vivit, nutritur, habetque partes organicas:*

*Atqui lapides vivunt:*

*Ergo lapides nutriuntur, habentque partes organicas.*

Hæc certè conclusio est falsa, vel ipsa experientiâ teste. Quare, eum ex veris non sequatur falsum, necesse est alteram propositionem falsam esse. Jam verò, majorem concedit adversarius. Si ergò minor falsa sit, (quod certè necesse est) sequitur ejus contradictionem, *Lapides non vivunt*, veram esse, quod erat probandum.

VII. Syllogismus *δι' ὁμολογίας*, hoc est, concludens ex concessione, est, cum questio proposita in aliam transferitur, hac conventionione factâ, ut illâ probatâ, questio proposita probata sit.

Señ. 1. Questio proposita probatur indirecte; sed illa, in quam proposita questio transfertur probatur directe. Sic probat Aristoteles, lib. 2. de Cælo, cap. 11. *Omnia astra esse rotunda*. Quia autem difficile est unâ ratiocinatione id de omnibus astris simul concludere, transfert questionem ad Lunam, probatque *Lunam rotundam esse*, indeque colligit, *Omnia astra esse rotunda*, præsupponens omnium astrorum eandem esse rationem. *Lunam esse rotundam* probat ex eo, quod ejus lumen portionibus sphericis creseat, atque minuatur.

2. Aristoteles lib. 1. Prior. cap. 44. appellat syllogismos ejusmodi, syllogismos



syllogismos διὰ συνθήκης ἀμολογημάτων, hoc est, ex conventionione concessos; & cap. 23. syllogismos πρὸς τὸ μεταλαμβάνειν, hoc est, qui concludunt transumptum; item, cap. 29. syllogismos καὶ μεταλλάξιν, ex transumptione, hoc est, ex commutatione quæstionis propositæ. Huc debet revocari syllogismus καὶ ποιότητι, quem vocat Aristoteles, quo scilicet probatur, quod minus probabile est, eâ conditione, ut probatum sit, quod magis probabile est. Atque hæc de syllogismo absolute, & ratione formæ, considerato.

## CAP. XV.

## De Syllogismo Dialectico.

## THEOREMA I.

SEquitur syllogismus ratione materiæ, sive in certis materiæ conditionibus considerandus, & in ordine ad diversos effectus, qui diversas materiæ conditiones sequuntur.

II. Atque hæc consideratione dividitur syllogismus in verum & falsæcem: & verus, in dialecticum & apodicticum.

## COMMENTARIUS.

SEct. 1. Duplex est notitia thematis complexi, sive enunciationis: una, quæ partes enunciationis seorsum apprehenduntur; altera, quæ judicatur enunciationem esse veram aut falsam. Illa vocatur vulgò notitia apprehensiva; hæc, notitia judicativa, vel etiam assensus. Notitia apprehensiva antecedit syllogismum: Non potest enim thema complexum syllogismo probari aut refelli, nisi partes cognitæ sint, & mente præconceptæ. Assensus, si opus sit, efficitur syllogismos ita ut existimatio generale sit effectum syllogismi. Assensus vel verus est vel falsus: unde & syllogismus, alius ad errorem deducit, alius ad veritatem. Si deducit ad errorem, vocatur syllogismus ἀπαγωγικός, sive fallax, lib. 1. Post. cap. 16. & si deceptor victoriam tantum spectet & gloriam, dicitur ἐριστικός, hoc est, contentiosus; si etiam lucrum respiciat, σοριστικός, id est, sophisticus, cap. 11. Soph. elench. Sophista enim est, qui lucrum captat ex ea, quæ videtur esse sapientia, & non est, Ibid. cap. 1. Si syllogismus ad veritatem ducit, vel generat scientiam, vel opinionem, aliūve assensum, aut existimationem quæ non est scientia. Si scientiam generat, dicitur ἀποδεικτικός, hoc est, demonstratio, ut lib. 1. Post. cap. 2. Cap. 2. Soph. elench. vocatur syllogismus demonstrativus, & syllogismus didascalicus; & lib. 8. Top. cap. 11. philosophema. Si generat opinionem, aut aliam aliquam assensionem, dicitur syllogismus dialecticus: & si aliquid concludit ex iis quæ adversario videntur probabilia, πιθανός, hoc est, tentativus, ut videre est cap. 11. Elench. Sophist. ubi dicitur, πιθανολογῶν εἶναι διαλεκτικὴν τινα, id est, pariter aliquam dialecticis.

III. Syll.

III. *Syllogismus dialecticus*, est syllogismus generans opinionem, aut alium quemlibet assensum præter scientiam.

*Señ. 1.* Aristoteles lib. 1. *Top. cap. 1.* definit syllogismum dialecticum, συλλογισμὸν ἐξ ἐσθλῶν συλλογισμῶν, hoc est, syllogismum, qui ex probabilibus colligitur : & Dialecticam, ejus instrumentum est syllogismus dialecticus, methodum ἀφ' ἧς διανοησάμεθα συλλογισμῶν ἀπὸ πάντων ἀρετῶν πρὸς ἐκείνην πρὸς ἐκείνην ἐξ ἐσθλῶν, ἢ αὐτοὶ λόγῳ ὑπὸ ἰσχυρῶς μὲν ἰσχυρῶς ἐναντίας, hoc est, quā poterimus de quolibet proposito problemate argumentari, & ipsi disputationem sustinentes, nihil dicemus repugnans. Dux igitur sunt partes dialecticæ; pro utraque parte adferre quicquid facit ad probandam sententiam suam; & diluere, quicquid ab aliis contrā affertur, aut verò afferri potest. Hisce partibus censetur dialecticus bene defungi, cum nihil prætermittit eorum, quæ ad hosce fines consequendos conducunt, eod. lib. *cap. 3.*

2. Methodus sive ars dialectica ad tria potissimum utilis est; *πρὸς μαθήσας*, hoc est, ad exercitationes scholasticas, ingenii acuendi & iudicii confirmandi causā instituendas; *πρὸς ἐπιβύσεις*, hoc est, ad conventus & colloquia, quæ in quotidiana conversatione cum quibuslibet hominibus instituenda sunt; & *πρὸς τὰς κατὰ φιλοσοφίαν ἐνστάμας*, hoc est, ad comparandas scientias Philosophicas. Atque hoc quidem duplici ratione: primò, quia in questione perplexa, expensu & ponderatis utrinque rationibus, facilius est statuere, quid verum sit; ut testis est Aristoteles lib. 2. *Met. cap. 2.* secundò, quia ad scientiarum principia confirmanda, si fortè in dubium vocentur, Dialectica plurimum adfert auxilii. Nam cum principia propriis rationibus in sua scientia non possint confirmari, unum superest, ut confirmentur rationibus communibus, sive dialecticis.

3. Atque hoc modo tradit Aristoteles artis Dialecticæ, & syllogismi dialectici naturam, & definitionem: quàm rectè jam non disputabo. Hoc tantum dicam, in aperto errore versari eos, qui syllogismi dialectici nomine eas solum argumentationes intelligunt, quæ ex probabilibus præmissis generant opinionem; & tamen syllogismum verum partiuntur in dialecticum & apodicticum. Multa enim sunt loca, quæ argumenta suppeditant, non apodictica quidem, sed tamen necessaria: quæ, etsi non generant scientiam strictè dictam, efficiunt tamen assensum firmum & indubitatum: quem, qui opinionem vocat, nimis audacter opinionis vocabulo abutitur. Ut igitur omnes argumentationes non apodicticas, syllogismi dialectici appellatione concluderemus, definitionem proposuimus laxiorem, eamque à fine petitam. Ut enim demonstratio est syllogismus scientiam patiens, ita syllogismus dialecticus dicitur, non is solum qui opinionem generat, sed quicunque generat assensum qui non est scientia.

IV. In syllogismo dialectico consideranda sunt problemata, propositiones, & inventio argumentorum.

V. *Questio dialectica*, sive problema debet esse tale, ut neq; pietati aut bonis moribus, neque sensui communi adversetur.

*Señ. 1.*

Señ. 1. Nihil refert, sitne problema, quod syllogismo dialectico probandum est, necessarium an contingens, probabile an paradoxum, verum an falsum; modò non adversetur pietati, boni moribus, aut sensui communi. Non enim oportet (inquit Aristoteles lib. 1. Top. cap. 11.) omne problema in quæstionem vocare, sed illud solùm, de quo dubitare possit quispiam. ἢ λόγῳ δεικνύμενον, καὶ μὴ καλῶς ἢ αἰσθητικῶς, h. e. eorum, adversus quos rationalis agendum est, non pænâ, aut sensuum testimonio. Siquis enim in dubium vocet, *Sine Deus colendus parentes honorandi, magistratui parendum, &c.* supplicio potius quàm rationibus dialecticis coeundus est. Similiter, si quis dubitet, *An nix sit alba* non aliâ ratione quàm sensuum testimonio confutandus est: quod qui spernit, quid tandem concedet?

VI. De subiecto problematum dialecticorum non est laborandum. Attributa dialectica vel sunt prima, vel secunda, vel notiorum: quorum illa constituunt problemata realia; hæc notionalia.

VII. Problemata notionalia tam latè patent, quàm ipsæ affectiones sive notiones Logicæ, primo libro traditæ.

Señ. 1. Ex gr. cum quæritur, *An locus sit superficies*; est problema primæ notionis, sive reale, quia attributum est vera res: at cum quæritur, *An superficies sit loci genus*; est problema notionale; quia attributum non est vera aliqua res, sed notio tantum Logica, sive secunda, quæ nihil aliud est quàm aliquid ratione confictum. Aristoteles lib. 1. Top. cap. 4. facit quatuor classes attributorum dialecticorum, ad quas vult omnia problemata revocari. Hæ classes sunt genus, definitio, proprium, & accidens. Differentiam generi adjungit, si sit latior specie; definitio ni, si cum specie reciprocetur. Species, si fortè attribuitur in problemate, revocatur ad genus. Problemata de eodem & diverso, ait ad definitionem pertinere.

2. Problemata generis, definitionis, & proprii, sunt problemata secundarum notionum sive notionalia. Problemata realia revocantur ad problemata accidentis; & ex problematibus notionalibus ea, in quibus quæritur, an aliquid sit alicujus accidens. Non enim id solùm Aristoteli problema accidentis est, cum quæritur, verbi gratiâ, *An nigror sit accidens corvi*, sed etiam cum quæritur, *An corvus sit niger*; *an crociter*; *an sit avis*, &c.

3. Hæc attributorum dialecticorum divisio fortè apta est ad scopum consequendum, quem Aristoteles sibi habet in Topicis propositum. At nostro instituto accommodatius est, notionalia attributa ad istum modum dividere & disponere, quo libro primo simplicium thematum affectiones divisimus, ac disposuimus. Nulla enim Logica affectio est, de qua non possit problema proponi. Sic quæritur in Theologia, *An Antichristus sit futurus unum certum individuum*. *An fides sit causa electionis*: *An fides sit causa instrumentalis justificationis*: *An eba: ias sit forma fidei*, &c. Quæ problemata difficulter possunt revocari ad illas classes attributorum, quas Aristoteles proposuit.

VIII. Problemata realia vel sunt absoluta, vel comparata.

IX. Problemata absoluta sunt, cum quæritur, an attributum subiecto conveniat, necne.

X. Problema comparatum est, cum propositis duobus pluribusve subiectis, queritur utri magis, vel cui maxime conveniat attributum: vel cum propositis duobus pluribusve attributis, queritur utrum subiecti magis, vel quodnam ex omnibus maxime conveniat.

Señ. 1. Ex.gr. cum queritur, An gloria sit in bonis numeranda, est problema absolutum: ac cum queritur, Sitne virtus, an gloria magis expetenda: Fuerint Alexander fortior an temperantior, est problema comparatum.

XI. Problemata dialectica cujuscunque sint generis, peti possunt omnibus disciplinis.

Señ. 1. Dialectica enim est ars universalis, quæ omnibus disciplinis inservit. Aristoteles lib. 1. Top. cap. 11. & 14. tria tantum problematum dialecticorum genera enumerat: Ethica; ut, An voluptas sit bonum: Physica; ut, An mundus sit æternus: & Logica; ut, An detur quarta figura syllogismorum. Sed videtur Aristoteles speciasse divisionem Philosophiæ in naturalem, moralem, & rationalem sive Logicam, tum temporis receptam. De qua vide Diog. Laërtium in vita Zenonis Cittienis.

XII. Propositiones dialecticæ debent esse certæ, aut saltem probabiles, non paradoxæ.

XIII. Probabile est, quod, cum certum non sit, magis tamen videtur verum esse, quàm falsum.

XIV. Probabilitatis gradus sunt quinque. Probabile enim dicitur, & quod omnibus videtur, & quod plerisque, & quod sapientibus; illis vel omnibus, vel plerisque, vel nobilissimis ac celeberrimis.

XV. Paradoxum dicitur, quod verum est præter opinionem vulgi.

XVI. Itaque quod paucis, illisque celeberrimis sapientum videtur, tum demum probabile est, cum idem non est paradoxum.

Señ. 1. Propositio dialectica definitur ab Aristotele, lib. 1. Top. cap. 10. *ἡ ἐρώτησις ἰσχυρὰ*, hoc est, interrogatio probabilis; *ἡ ἐρώτησις ἰσχυρὰ ἀντιφασίας*, hoc est, interrogatio contradictionis; item, *ἡ ἡμετέρα ἐρώτησις ὅτι ἐστὶν ἀληθὲς*, hoc est, sumptio ejus quod apparet esse verum, quodque probabile est. Etenim dialecticus olim interrogando eliciebat assensum ejus cum quo disputaret, & quod concessum esset, assumebat ad ratiocinandum, ut respondentem ex concessis redargueret. Quæ disputandi ratio apparet in dialogis Platonis, eamque docet Aristoteles lib. 8. Topicorum. Igitur propositio dialectica dicitur interrogatio, quoad eum qui percontatur; & sumptio, quoad eum qui ratiocinatur. Cum autem interrogatio sit multiplex (nam queri potest, an res sit, quid sit, quanta, qualis, quoruplex, aut unde sit) ea sola interrogatio dialectica dicitur, ad quam responderi potest, *ita*, vel *non*.

2. Probabile definitur, quod, cum certum non sit, magis tamen videtur esse verum, quàm falsum. Nam Aristoteles non tam definit probabile, quàm illius gradus ac modos recensuit. Propositio dialectica debet esse *ἰσχυρὰ*, non *παράδοξος*, hoc est, contraria opinioni vulgi, aut respondentis. Quomodo enim concedet respondens, quod judicat esse falsum? Propositiones dialecticæ vel certæ sunt, ac  
necessariæ,

necessariæ, ( nam & hæc probabiles sunt ) vel contingentes, hoc est, tales ut interdum falsæ sint. Hæc enim propositio, *Matres diligunt liberos suos*, omnibus hominibus videtur vera : etsi repetæ sint matres, quæ liberos suos oderunt.

## CAP. XVI.

De Inventione argumentorum dialecticorum ;  
sive de locis & regulis topicis.

## THEOREMA I.

**A**d inventionem argumentorum dialecticorum spectat locus & regula.  
II. Locus est sedes, & nota quædam communis, cujus admonitu argumentum invenitur.

III. Regula sive canon, est propositio continens rationem consequentie syllogismi dialectici.

## COMMENTARIUS.

SECT. I. Nomen loci ait Cicero, in *Topicis ad Trebatium*, ab Aristotele acceptum esse pro sede sive domicilio argumenti, vel etiâ pro nota undè omnis in utramq; partem trahitur oratio. Addit etiam in l. 2. de *Orat.* aptam hujus acceptionis causam: *Ut enim, inquit, si cui aurum, quod esset multifariam defossum, commonstrare vellem, satis esse deberet, si signa & notas ostenderem locorum, quibus cognitis ille sibi foderet, & id, quod vellet, parvulo labore, nullo errore inveniret: Sic has argumentorum novi notas, quæ illa mihi querenti demonstrant, ubi sint: reliqua, curâ & cogitatione evolvuntur.* Boëthius lib. 1. *Comment. in Top.* Cicero, ait ipsos canones, quos maximas vocat, ab Aristotele locos appellari in *Topicis*, quia reliquas propositiones, eo modo, quo loci corpora, complectuntur. Ipse ait locum esse sedem argumenti: quâ definitione vult partim intelligi propositionem maximam, sive regulam, partim maximæ propositionis differentiam. Vide lib. 2. de *diff. Top. cap. 2.* Quicquid sit de sententia Aristotelis, aliquantò magis videtur rationi consentaneum, propositiones universalissimas & notissimas appellare canones sive regulas. Ex iis enim, veluti ex quibusdam axiomatibus dialecticis, omnis ratiocinatio fluit. Ex. gr. cum probatur, *Logicam esse artem*, quia est habitus cum recta ratione effectivus, argumentum sumptum est à definitione, nititurq; hoc canone. Cui convenit definitio, ei convenit etiam definitum. Hujus argumenti locus, sedes, ac nota, est definitio: canon, quo hæc ratiocinatio nititur, est maxima, sive axioma dialecticum. Locus facit ad inventionem argumentorum; canon ad iudicium, sive ad discernenda argumenta firma ab infirmis.

IV. Argumenta dividuntur in *ἰντὶχρα* sive artificialia, & *ἀντὶχρα* sive inartificialia.

V. *Argumenta artificialia sunt, quæ ex consideratione partium problematis, non sine arte eliciuntur.*

VI. *Inartificialia, quorum inventio artem non requirit. Sûntque nihil aliud quàm testimonia.*

*Señt. 1.* Argumenta artificialia appellantur à Cicerone, in *Part. orat. insita* inartificialia, *assumpta*: quia illa in ipsis rebus infixæ sunt; hæc verò, foris assumuntur. Et quanquam sine arte inveniuntur, non tamen sine arte tractantur.

VII. *Argumenta inartificialia eodem modo adhibentur ad confirmanda aut refellenda problemata notionalia & realia; argumenta artificialia non item.*

VIII. *Argumenta artificialia, quæ adhibentur ad confirmanda aut refellenda problemata notionalia, sumuntur ex natura aut proprietate illius affectionis, sive notionis, de qua in problemate queritur.*

*Señt. 1.* Hoc est, Sumitur definitio illius affectionis, sive notionis, quæ controversa est, vel canon aliquis ad eam pertinens (quales in doctrina thematum simplicium nonnullos collegimus) isque ponitur loco majoris, & ex eo, factâ assumptione, concluditur affectionem controversam inesse subjecto. Hoc modo concluditur, *Aerem non esse genus venti, quia est illius subjectum sive materia: Immortalitatem non esse genus viæ æternæ, quia est illius affectio.* Eaque argumentatio hoc canone nititur; *Quod est subjectum aut proprietates rei, non potest esse illius genus; quem nos posuimus cap. 11. lib. 1. theor. 15.* Sic probant Theologi, *Bona opera non esse causam nostræ justificationis; quia omnis causa prior est effectu suo: atqui bona opera sunt posteriora justificatione.* Hæc argumentatio nititur theor. 3. cap. 15. lib. 1. Hujusmodi syllogismi vocantur ab Aristotele lib. 2. *Post. cap. 8.* syllogismi Logici, hoc est, notionales, eorumque usus maximus est in omnibus disciplinis. Et Aristoteles videtur præcepta sua Topica præcipue ad illius fabricandi rationem & usum accommodasse, nisi quòd libro secundo & tertio quædam tradat, quæ spectant ad inventionem argumenti realis. Quare nobis fuit aliquantulum recedendum ab Aristotelis methòdo in tradenda doctrina de argumentorum dialecticorum inventionem; quia non idem Aristoteli consilium fuit, quod nobis esse debuit.

IX. *Argumenta artificialia, quæ adhibentur ad probanda aut refellenda problemata realia, sumuntur ex affectionibus ad naturam subjecti aut prædicati pertinentibus, tanquam ex locis suis.*

X. *Quorum tamen ea præstantiora sunt, quæ sumuntur ex natura prædicati: quia non queritur, an sit subjectum, sed an sit prædicatum sive an prædicatum insit subjecto.*

*Señt. 1.* Ex. gr. si quis probet, *Commodatum non esse mutuum, quia non fit de meo tuum*, argumentum sumptum est à notatione prædicati: at si quis probet, *Logicam esse artem quæ dirigit rationem*, quia dicitur *λόγος τῆς ἀρετῆς*, argumentum ductum est à notatione subjecti.

XI. *Argumenta artificialia vel sunt absoluta, vel comparata.*

XII. *Argumenta absoluta vel sunt consentanea vel dissentanea.*

XIII. *Argu-*

XIII. *Argumenta consentanea dicuntur, quæ cum aliqua parte questionis consentiunt.*

XIV. *Edque vel à nomine ducuntur, vel à re ipsa.*

XV. *Argumentorum, quæ à nomine ducuntur, duo sunt loci; notatio, & conjugata.*

XVI. *Argumentorum consentaneorum quæ ducuntur à re, sunt novem loci; definitio, genus, species, totum, pars, causa, causatum, subiectum & adjunctum.*

SECT. 1. Ad definitionem referenda est differentia specifica, quæ cum specie reciprocatur: differentia generica revocatur ad genus; ut & species collata cum suis individuis. Individua se habent ad species, ut species se habent ad genera: idcirco; inductio individuorum pertinet ad locum speciei. Locus totius & partis, admodum angustus est: nam totum integrale solum, ejusque partes complectitur. Totum potentiale, ejusque partes, pertinent ad locum generis & speciei; totum formale cum suis partibus, ad locum definitionis & generis; totum essentialiale cum suis partibus, ad locum causæ & causati. Proprietates, objecta, signa, sive antecedentia ea sint, sive consequentia, sive conjuncta, item circumstantiæ, pertinent ad locum adjunctorum.

XVII. *Argumenta dissentanea sumuntur ab oppositis. Horum quinque sunt loci; disparata, contraria, relata, privantia, & contradicentia.*

XVIII. *Argumentorum comparatorum loci sunt quinque; majora, minora, paria, similia, dissimilia.*

XIX. *Testimonia vel divina sunt, vel humana.*

XX. *Ex omnibus hisce locis non sunt sumenda argumenta ad quodlibet problema probandum, aut refutandum; sed in tanta copia, rejeccis levioribus, graviora, & propositio problemati convenientiora, nunc ex his, nunc ex illis locis seligenda sunt.*

## C A P. XVII.

### De canonibus ad locos consentaneos pertinentibus.

#### THEOREMA I.

**S**inguli loci suos habent canones sive regulas; edque vel absolutæ, vel comparatæ: quarum illas prius, has deinde recensebimus.

#### COMMENTARIUS.

SECT. 1. Canones ad unumquemque locum pertinentes promiscuè proponemus, singulosque singulis exemplis illustrabimus: tum etiam, qui necessarii sint ac certi, qui verò probabiles, & quæ exceptiones in singulis observandæ sint, subiciemus.

II. *Locus à notatione habet duos canones: Primus canon, Cui conve-*



nit etymologia nominis, ei convenit & nomen; &, Cui etymologia nominis non convenit, ei neque nomen convenit.

Seff. 1. Sic concludas, *servari fidem, quia fit quod dictum est*. Fides enim, teste Cicerone, sic appellata videtur, quia fit quod dictum est. Item, *non esse murum, quia non fit de meo tuum*.

III. Secundus, Cui convenit nomen, ei etiam convenit etymologia nominis; non contrd.

Seff. 1. Ut, *Est σωφρον, ergο σωζεί τὸν φρόνουν*, hoc est, non patitur iudicium suum de rebus practicis voluptate aut dolore depravari. Ambo hi canones incerti sunt; minùs tamen fallunt in nominibus generum aut specierum, quàm in nominibus individuorum.

IV. Locus à conjugatis habet tres canones: Primus, Cui convenit unum conjugatorum, ei convenit & alterum; &, Cui unum non convenit, ei neque alterum convenit.

Seff. 1. Huc pertinet illud Mirionis apud Terentium, *Homo sum, humani nihil à me alienum puta*. Sic in jocos in Cæsarem dictis apud Suetonium, concluditur, *Bibulum non fuisse consulem, quia non consuluit Reip. Verba sunt,*

*Non Bibulo quicquam nuper, sed Cesare factum est:*

† Nam Bibulo fieri consule nil memini.

In hoc canone hæc cautio adhibenda est, Nè conjugata solà vocis, & non etiam naturæ affinitate juncta sint. Nam in iis quorum unum significat potentiam naturalem aut habitum, alterum actionem, admodum fallax est illatio. Non enim sequitur, *Habet visum; ergο videt*: Est ebrius; ergο est ebriosus: *Facit iusta; ergο est iustus*, & sic in aliis.

V. Secundus, Conjugatorum sunt conjugata consequentia.

Seff. 1. Ut, si ità argumenteris, *Logicus ea facit, quæ artis regulis reguntur; ergο Logica est ars*. Hic cavendum est, nè ex concretis, quæ per accidens prædicantur de se invicem, colligatur etià abstracta de se invicem prædicari. Nam, etsi aliquid dulce sit, quod album est, v.g. lac; non sequitur tamen, aliquam dulcedinem esse alborem.

VI. Tertius, Conjugata contrariorum inter se contraria sunt.

Seff. 1. Ut Si sanitas & egritudo sint contraria, etiam sanum esse, & egrum esse, erunt contraria. Canones à conjugatis, si hoc modo limitentur, rarò fallunt.

VII. Locus à definitione habet duos canones: Primus, Cui convenit definitio, ei convenit & definitum; &, Cui definitio non convenit, ei neque definitum convenit.

Seff. 1. Ut si probes, *Logicam esse artem, quia est habitus cum recta ratione effectivus; ant, non esse scientiam, quia non est certa rei necessarie cognitio per proximam causam*.

VIII. Secundus, Quod convenit definitioni, etiam convenit definito; &, Quod definitioni non convenit, neque definito convenit.

Seff. 1. Ut, *Qui mediocritatem consuevit servare in omnibus rebus, is est felix: Vir bonus consuevit mediocritatem servare in omnibus rebus; improbus non item: Ergο vir bonus est felix; improbus non est felix.*

*felix.* Hic cavendum est, nè quod de definitione dicitur, ut est definitio, de definito concludatur; ut fit in hoc syllogismo, *Animal rationale sunt due voces: Homo est animal rationale: Ergò homo est due voces.* In cæteris, canones à definitione sunt certissimi, modò sumantur definitiones reciproce.

IX. *Locus à genere habet duos canones: Primus, Quod universè de genere affirmatur, id etiam affirmatur de speciebus; & , Quod universè negatur de genere, id negatur etiam de speciebus.*

*Señt. 1.* Sic probes, *Visum errare posse, quia omnis sensus errare potest: & , Fusitiam non esse à natura, quia nulla virtus à natura est.* In hoc canone cavendum est, nè quod generi ex accidente tribuitur, & non secundum essentiam, id alià acceptione de specie concludatur: veluti, si quis ità argumentetur, *Animal est genus aut trissyllabum: Homo est animal: Ergò homo est genus aut trissyllabum.*

X. *Secundus, Sublato genere, tollitur species; sive, Cui adimitur genus, ei & species adimitur.*

*Señt. 1.* Ut, si probes, *Sensum non esse scientiam, quia non est habitus.* Solet hic canon sic proferri, *A genere ad speciem valet illatio negata; non etiam affirmata: quia enim genus latius patet specie, non necesse est, ut posito genere etiam species ponatur.* Canones à genere sunt certissimi.

XI. *Locus à specie habet tres canones: Primus, Positò à specie ponitur genus; sive, Cui tribuitur species, ei etiam tribuitur genus.*

*Señt. 1.* Sic concludi potest, *Logicam esse habitum, quia est ars.* Hic canon sic quoque proponitur, *A specie ad genus valet illatio affirmata; non etiam negata: non enim necesse est, si species alicui adimatur, ut ei etiam adimatur genus: neque enim sequitur, Non est homo; ergò non est animal.*

XII. *Secundus, Sublatis omnibus speciebus, tollitur genus; sive, Cui adimuntur omnes species, ei & genus adimitur.*

*Señt. 1.* Ut, *Amicitia non est fortitudo, non temperantia, non iustitia, non prudentia; ergò non est virtus.* Hujusmodi argumentatio est syllogismus ab enumeratione partium.

XIII. *Tertius, Quod convenit omnibus speciebus, id convenit etiam generi; & , Quod nulli speciei convenit, id neque generi convenit.*

*Señt. 1.* Hic canon est fundamentum inductionis, tum affirmatæ, tum negatæ; de qua egimus suo loco: indè exempla petantur. Cæterum omnes canones hujus loci sunt fidelissimi.

XIV. *Locus à toto habet duos canones: Primus, Posito toto, ponuntur omnes partes principales.*

*Señt. 1.* Sive, Cui tribuitur totum, ei etiam tribuantur omnes partes principales; ut, *Sempronio legata sunt alimenta; ergò & vestes & victus & habitatio.* Dixi partes principales. Nam posito toto, ut etiam ponatur quælibet minutissimarum partium, quæ ad integritatem quidam rei, non ad essentiam pertinent, non est necesse.

XV. *Secundus, Quod convenit toti similari, convenit etiam singulis partibus; & , Quod toti similari non convenit, nulli partium convenit.*

Señ. 1. Ut, *Aqua sua natura est humida: ergo quælibet aqua gutta est humida: Cælum non est corruptibile; ergo neque stellæ.* Hic cavetur, ne quod toti tribuitur, quæ totum est, de parte concludatur: non enim, quia aqua ubique terrarum est, etiam unaquæque gutta ubique esse debet. Canones hujus loci sunt certi.

XVI. *Locus à partibus habet quatuor canones: Primus, Positis omnibus partibus, atque unitis, ponitur totum.*

Señ. 1. Ut, *Cæsar Belgium occupavit, Aquitaniam, & Celticam; ergo totam Galliam occupavit. Dixi unitis: nam positis omnibus partibus domus, si quæ non unitis, domus non est.*

XVII. *Secundus, Sublatâ parte principali, tollitur totum.*

Señ. 1. Ut, *Infantes deserviuntur cognitione Christi; ergo etiam deserviuntur fide. Dixi, principali: quia sublatâ manu non interit homo, sed tantum efficitur, ut mutilus sit; at capite, aliâve parte necessariâ sublatâ, necesse est ut intereat.*

XVIII. *Tertius, Quod convenit omnibus partibus, etiam toti convenit; & Quod nulli parti convenit, id etiam toti non convenit.*

Señ. 1. Ut, *Lex, Prophetæ, Evangelia, scripta Apostolorum, sunt S. Spiritus, id est, divinitus inspirata; ergo tota scriptura est divinitus inspirata. Parietes, columnæ, tigna, tabes, tectum, præ se non ferunt antiquitatem: ergo non videtur ædificium antiquum.*

XIX. *Quartus, Quod convenit parti similari, etiam convenit toti; & Quod parti similari non convenit, id neque toti convenit.*

Señ. 1. Ut, *Unaquæque aqua gutta est humida; ergo aqua est humida: Stellæ non sunt corruptibiles; ergo neque cælum.* Hoc in canone cavendum est, ne quod parti similari convenit ob externam causam, & non ob propriæ naturæ conditionem, id de toto similari concludatur. Non enim sequitur, quia aqua gutta quælibet est rotunda, totum elementum aquæ esse rotundum. Nam præterquam, quod nullum elementum sit determinatæ figuræ, præter terram, etiam guttarum rotunditas non est à natura aquæ, sed à paucitate materiæ, quâ fit, ut aqua diffuere non possit. In cæteris, canones hujus loci sunt certi.

XX. *Locus à causis in genere, habet unum canonem: Positâ causâ in actu, necesse est poni causatum; & vicissim.*

Señ. 1. Causa in actu dicitur, quæ causat, sive quæ munus atque causalitatem suam exercet. Atqui implicat contradictionem, si quis dicat, causam causare, & causatum non causari; fabros ædificare, & domum non ædificari; aut domum ædificari, & non esse qui ædificet.

XXI. *Locus à materia habet duos canones: Primus, sublatâ materiâ, tollitur compositum & forma materialis.*

Señ. 1. Ut, si probes, *Ubi non sunt ligna, illuc non esse naves; aut, quia lapides non habent corpus organicum, nec animam habere. Dixi forma materialis: forma enim immaterialis, qualis est anima humana, sublatâ materiâ non tollitur.*

XXII. *Secundus, Qualis materia, talis compositum.*

Señ. 1. Ut, *Statua est ex carioso ligno: ergo ipsa est cariiosa.* Hic canon

non obinet tantum in rebus ab arte factis in naturalibus est fallax.

XXIII. Locus à formâ habet unum canonem : Positâ formâ, ponitur compositum ; eâque sublata, tollitur.

Seç. 1. Ut, *Pygmæi habent animam rationalem; ergo sunt homines: Stelle non habent animam; ergo non vivunt.* Hic canon est firmissimus, modò prima pars intelligatur de forma materiali. Nam positâ animâ rationali, hominem poni, non est necesse. Hoc tamen necesse est, ut homo sit, quicumque animam rationalem habet.

XXIV. Locus ab efficiente habet duos canones: Primus, *Qualis causa, talis effectus.*

Seç. 1. Ut, *Deus est bonus; ergo ejus opera sunt bona.* Hic canon fallax est, nisi causa limiteur. Primò enim fallit in causis per accidens. Neque enim sequitur, *filium esse bonum aut malum, quia pater talis fuit.* Filius enim non producitur à patre, quatenus bonus aut malus est, sed quatenus homo est. Huc pertinet argucia Martialis, *Epigr. 33. lib. 7.*

*Quo possit fieri modo, Severe,  
Ut vir pessimus omnium Charinus  
Unam rem bene fecerit, requiris?  
Dicam, sed citò: Quid Nerone pejus?  
Quid thermis melius Neronianis?*

Charinus enim balneas, & Nero thermas, extruxerant, non quatenus erant homines impuri & improbi, sed quatenus usi fuerant operâ peritissimorum artificum. Deinde fallit in causis æquivocis. Non enim sequitur, *solem animatum esse, quamvis simum animet; aut cœtem esse acutam, quamvis ferrum acuat.* Denique fallit in causis voluntariis, cum deditâ operâ aliquid efficiunt, quod suæ peritiæ non responderet: veluti cum pictor minus eleganter pingit, quàm pio arte sua.

XXV. Secundus, *Quod est causa causæ, etiam est causa causati.*

Seç. 1. Ut, *Virtus partim à natura est, partim ab institutione, partim à consuetudine: Virtus est causa felicitatis civilis: Ergo felicitas civilis partim à natura est, partim ab institutione, partim à consuetudine.* Hic canon solum locum habet in causis per se subordinatis. Nam in causis subordinatis per accidens, ut plurimum fallit. Non enim sequitur, *Deus est causa voluntatis nostræ: Voluntas est causa peccatorum: Ergo Deus est causa peccatorum.*

2. Ad locum causæ efficientis etiam hi canones referri solent; *Positâ, aut sublata causâ proximâ, ponitur aut tollitur effectum; & Sublatâ causâ remotâ, tollitur effectum.* Verum eos ad doctrinam de demonstratione referendos judicavimus, quia pariunt scientiam.

XXVI. Locus à fine habet unum canonem: *Posito fine, ponuntur media ad finem.*

Seç. 1. Sic concludit Ovidius, *Hominem condendum fuisse erecto vultu, quia debuit contemplari cœlestia, qui est finis erectæ figuræ.* Verba poëtæ sunt,

*Omnia cum spectent animalia cætera terram,  
Os homini sublime dedit, cœlûmque tueri  
Jussit, & erectos ad sydera tollere vultus.*

Media

Media sæpe exprimuntur negatione eorum rerum, quæ finem impediunt; ut, *Pupilla debet admittere omnes colores; ergo debet esse sine colore: Electi debent servari; ergo non debent peccare ad mortem.* Interdum fit, ut finis sit causa simpliciter proxima; & tum scientiam efficit, & ad demonstrationem pertinet. Sublato fine media tollitur, non est necesse. Non sequitur enim, ut libris & præceptoribus destitutus fuerit, quicumque non est eruditus.

XXVII. *Locus à causato, habet quatuor canones: Primus, Posito composito, ponitur materia & forma; eoque sublato, tollitur forma materialis.*

Señ. 1. Ut, *Plantæ sunt res viventes; ergo habent corpus & animam: Lapides non sunt res viventes; ergo non habent animam.* Dixi, sublato composito, tolli solummodo formam materialem: nam, ut sublato composito materia tollatur, aut forma immaterialis, non est necesse. Non enim sequitur, ut ferrum non sit, si non sit gladius; aut, ut non sit anima hominis, si homo interierit.

XXVIII. *Secundus, Posito effectu, ponitur causam efficientem esse, aut fuisse.*

Señ. 1. Ut, *Est ædificium; ergo est, aut fuit architectus; Hic sunt vestigia; ergo hæc transferunt homines.* Hoc loco recenseri solet etiam hic canon, *Sublato effectu, tollitur causa proxima.* Sed præstat eum ad doctrinam de demonstratione referre. Quin & eum quem expressimus, eodem retulissimus, si de sola causa proxima intelligi potuisset. Jam verò, quoniam de qualibet causa accipi debet, quæ ad rei effectum necessaria est, hoc loco præteriri non potuit.

XXIX. *Tertius, Qualis effectus, talis causa.*

Señ. 1. Ut, *Pictura est elegans; ergo à perito artifice depicta est.* Huic canoni eadem limitationes addendæ sunt, quas addidimus primo canoni loci à causa efficiente.

XXX. *Quartus, Sublatis mediis, tollitur finis.*

Señ. 1. Ut, *Lapides non nutriuntur; ergo non vivunt: Multis hominibus non annuntiatur evangelium; ergo non omnes homines servabuntur.*

XXXI. *Locus à subiecto habet hunc caninem; Posito subiecto, ponitur proprietates; eoque sublato tollitur.*

Señ. 1. Ut, *Christus est Deus; ergo habet potestatem remittendi peccata. Scripta Patrum non sunt verbum Dei; ergo non sunt divina autoritatis.* Hi canones sine limitatione certi & firmi sunt.

XXXII. *Locus adjunctorum latè patet, sub eoque continentur proprietates, objecta, signa & circumstantiæ.*

XXXIII. *Locus à proprietate habet duos canones: Primus, Cui proprietas tribuitur, ei subiectum tribuitur; & Cui non tribuitur proprietas, ei neque subiectum tribui potest.*

Señ. 1. Ut, *Christus est omniscius; ergo est Deus: Angeli non implent locum; ergo non sunt corpora.*

XXXIV. *Secundus, Quod dicitur de proprio, id dicitur etiam de subiecto; & Quod de proprio dici nequit, id etiam de subiecto dici nequit.*

Señ. 1.

Seſt. 1. Talis eſt illa illatio ; Percontatorem ſugito, quia garrulus idem eſt : hoc eſt, Garrulus eſt fugiendus ; ergo & percontator. Tale eſt illud Seneca in Hippolyto ; Res eſt forma fugax : quis ſapiens bono Confidat fragili ? h. e. Sapiens non debet confidere rei fragili ac fugaci ; ergo nec forma.

XXXV. Locus ab objecto habet hunc canonem, Cui tribuitur objectum ei tribuitur etiam ſubjectum ; & Cui objectum non tribuitur, ei neque ſubjectum tribui poteſt.

Seſt. 1. Ut, Doctrina de fallaciis Sophiſticis dirigit mentem in cognitione rerum ; ergo eſt pars Logica : Logica non agit de rebus neceſſariis ; ergo non eſt ſcientia. Argumenta huius loci admodum firma ſunt, ſi ducta ſint ab objectis propriis : in cæteris tantum ſunt probabilia ; veluti, ſi quis ita colligat, Loquitur de re militari, ergo eſt miles ; de re literaria, ergo eſt ſtudioſus : Non delectatur mundo muliebri, ſed armis ; ergo non eſt puella.

XXXVI. Locus à ſignis habet hunc canonem, Poſito ſigno antecedente, conſequenti, aut conjuncto, ponitur res ſignata ; eoque ſublato tollitur.

Seſt. 1. Ut, Aurora apparet ; ergo ſol oritur : Coguntur nubes ; ergo pluit. Mulier laborat picâ ; ergo concepit : Fugit ; ergo conſcius eſt detectæ conjurationis. Pulsus eſt inæqualis ; ergo febricitat : Eſt hiſpidus ; ergo ſalax. Non conſcribitur miles ; ergo non erit bellum : Non fuit Sempronii inimicus ; ergo non occidit. Non agit pœnitentiam ; ergo non peccavit invitus : Non pallet ; ergo brevi non ægrotabit. Non eſt plenilunium ; ergo non eſt eclipſis : Non amat puerum ; ergo non eſt illius mater. Argumenta à ſignis firma ſunt, cum ſigna ſunt neceſſaria & propria rebus ſignatis ; in cæteris, probabilia, & aptiora ad generandam ſuſpicionem, quàm certam rei cognitionem. Oratoribus argumenta ejusmodi familiariffima ſunt, in quaſtionibus præſertim facti : Philoſophi iis utuntur parcius.

XXXVII. Locus à circumſtantiis hunc habet canonem ; Poſitâ circumſtantiâ rei, ponitur res ipſa ; & ſublata, tollitur.

Seſt. 1. Ut, Furatus eſt aliquid ex loco ſacro ; ergo eſt ſacrilegus. Ver venit ; ergo flores inveniuntur. Incedit cucullatus ; ergo eſt monachus. Chriſtus debuit naſci ſtanæ politiâ Moſaicâ, idque Bethlehemi : Atqui politiâ Moſaica deleta eſt, unâ cum Bethlehemo : Ergo Chriſtus non eſt naſciturus, ſed jam natus. Non eſt pullatus ; ergo non luget. Argumenta huius loci partim neceſſaria ſunt, ac firma ; partim probabilia tantum, atque infirma : Ideoque non ex canone, ſed ex uſu diſcernenda ſunt.

## CAP. XVIII.

De canonibus ad locos dissentaneos, comparatos  
& testimonia pertinentibus.

## THEOREMA I.

**L**ocus ab oppositis in genere habet duos canones: Primus, De quo affirmatur unum oppositorum, de eo negatur alterum.

## COMMENTARIUS.

Señ. 1. Ut, *Est equus*; ergo non est homo: *ager*; ergo non sanus, &c. Hic servandæ sunt leges oppositionis, quas recentimus lib. I, cap. 22.

II. Secundus, Oppositorum prædicata sunt opposita.

Señ. 1. Ut, *Fustus est*; qui servat leges; ergo injustus est, qui leges transgreditur. Hic cavendum est, ne de oppositis prædicetur differentia, aut affectio generica. Neque enim sequitur, *Homo est corpus animatum*; ergo *bestia est corpus inanime*: Nec etiam hoc, *Albor est visibilis*; ergo *nigror invisibilis*: quia *animatum esse*, est differentia hominis generica; & *visibilem esse*, affectio coloris, non alboris. Ac hoc sequitur, *Albor disgregat*; ergo *nigror congregat visum*.

III. Locus à contrariis habet tres canones: Primus, *Quod suscipit unum contrariorum, id etiam suscipit alterum*; & *Quod unum non suscipit, id neque alterum suscipit*.

Señ. 1. Ut, *Amor est in appetitu concupiscente*; ergo & *odium*: *Bestiis non convenit jus*; ergo non afficiuntur injuriâ.

IV. Secundus, Contrariorum sunt contrariæ causæ, effecta & adjuncta.

Señ. 1. Ut, *Virtus est à bona*, ergo *vitium à pravâ consuetudine*; illa beatos efficit; ergo hoc miseros: illa est optanda; ergo hoc fugiendum. Hic duo vitanda sunt: Primò, ne accipiantur causæ aut effecta per accidens: Neque enim sequitur, *Vir bonus amat ac defendit suos*; ergo *improbis odit ac deserit suos*: quia *amare suos*, non est virtutis, sed naturæ. Secundò, ne adhibeantur causæ, quarum effecta pendunt à dispositionibus materiæ. Nam ob materiæ dissimilitudinem fit sæpe, ut eadem causa contrarios producat effectus; aut causæ contrariæ, effectus similes: nam calor indurat lutum, & emollit ceram; & minæ non rarò idem efficiunt in quibusdam, quod in aliis preces: nimirum, quia causa efficiens non agit secundum modum virtutis suæ, sed secundum modum subjæctæ materiæ.

V. Tertius, Contrariorum immediatorum necesse est alterum inesse subjecto capaci, alterum non inesse.

Señ. 1. Ut, *Libertus non est servus*; ergo est liber: *Numerus non est par*, ergo est impar. Canones hujus loci, adhibitis limitationibus propositis, satis firmi sunt, præsertim tertius.

VI. Locus



VI. Locus à relatis hunc habet canonem; Posito uno relatorum, ponitur alterum; eoque sublato, tollitur.

Señ. 1. Ut, Cui pater dominus est, ille patris servus est. Huc pertinet illud Martia is,

A servo scis te genitum, blandèque fateris,  
Cum dicis dominum, Sosibiane, patrem.

Socii Romanorum non sunt subditi Romanis; ergò Romani non sunt eorum magistratus. Hic canon certissimus est.

VII. Locus à privantibus habet unum canonem: Privantium alterum necesse est inesse subjecto capaci, alterum non inesse.

Señ. 1. Ut, Est cæcus, ergò non videt. Ego, inquit Servator noster, sum lux mundi: qui me sequitur, non ambulat in tenebris. Subjectum capax dicitur, tum ratione naturæ, tum ratione temporis à natura præstituti. Hic canon firmus est.

VIII. Locus à contradicentibus habet hunc canonem, Posito uno ex contradicentibus, removetur alterum; & contrd.

Señ. 1. Hic canon est fundamentum, quonituntur omnium scientiarum principia: quem qui negat, eum fugit ratio.

IX. Locus à majori habet duos canones: Primus, Cui convenit majus, ei etiam minus convenit.

Señ. 1. Ut, Deus dedit vitam hominibus; ergò dabit alimentum: dedit corpus; ergò dabit amictum.

X. Secundus, Quod non convenit majori id neque minori convenit. Ut, Angeli non sunt puri coram Deo; multò minus homines: Capto ab hostibus non licet condere testamentum; multò minus perducere.

XI. Locus à minori habet duos etiam canones: Primus, Cui non convenit minus, ei neque majus convenit.

Señ. 1. Ut, Non licet i. ascii fratri suo temerè; multò minus occidere.

XII. Secundus, Quod convenit minori, convenit etiam majori.

Señ. 1. Ut, Impudicus saminæ alienæ intuitus peccatum est: ergò ipsum adulterium: Deus præbet victum & amictum bestiis; quanto magis hominibus?

XIII. Locus à pari habet tres canones: Primus, Paribus paria conveniunt.

Señ. 1. Ut, Davidi licuit edere panes propositionis ad sedandam famem; ergò licuit discipulis Christi spicas vellere die sabbathi ad famem similiter sedandam.

XIV. Secundus, Cui unum parium convenit, ei & alterum convenit; & Cui unum non convenit, ei neque alterum convenit.

Señ. 1. U, Christus habuit potestatem miraculosè sanandi paralyticum; ergò habuit etiã potestatem remittendi peccata. Virum magnanimum non decet incussus concitatus; ergò neq. oratio concitata ac præceps.

XV. Tertius, Quod convenit uni parium, id etiam convenit alteri; & Quod uni non convenit, id neque alteri convenit.

Señ. 1. Ut, Orpheus, Pollux, Theseus, Hercules potuerunt inferos adire: ergò hoc beneficium Æneæ non videtur denegandum, qui generis nobilitate illis non est inferior. Sic disputat Æneas apud Virgilium, cum ait,

Si

*Si potuit manes accersere conjugis Orpheus,  
Threiciâ fretus citbarâ, fidibûsque canoris :  
Si fratrem Pollux alternâ morte redemit,  
Ilique reditque viam toties : quid Theseus magnum  
Quid memorem Alciden ? Et mi genus ab Fove summo.*

*Tyrus non sustinuit impetum Alexandri; ergo neque Hierusalem sustinisset, si Alexander eam oppugnasset.*

2. Omnes canones à comparatis magnam habent probabilitatem, & penè certi sunt, si argumentum cum partibus quæstionis aptè comparatur; hoc est, si comparatur cum ipso subiecto aut prædicato quæstionis, non cum re aliqua, quæ subiecto aut prædicato determinando est addita: hoc enim si fit, inepta est illatio. Veluti, si quis sic argumentetur, *Luscus potest eminùs videre bovem; ergo & aviculam*: idque ex hoc canone; Cui majus convenit, ei etiam minus convenit. Causa erroris consistit in prava comparatione: nam ei bos major sit aviculâ; majoris tamen perspicaciæ est, eminùs aviculam, quàm bovem cernere.

3. Quidam hos locos sic instituunt, ut non considerent paritatem aut imparitatem rerum, (quod nos fecimus) sed probabilitatis: quod etiam fecit Aristoteles lib. 2. Top. cap. 10. Hi quatuor canones complectuntur omnes ratiocinationes à majori, à minori, & à pari, 1. Si quod magis videtur esse, non est, non erit etiam, quod minùs videtur esse; ut, *Angeli non sunt pari coram Deo; multò minùs homines. Non licet irasci fratri suo temerè; multò minùs occidere.* Hic canon respondet duobus nostris negatis, alteri à majori, alteri à minori. 2. Si quod minùs videtur esse, est, erit & illud quod magis videtur esse, ut, *Deus dedit vitam; ergo dabit alimentum. Impudicus famine intuitus peccatum est; ergo & adulterium.* Hic canon respondet duobus nostris affirmatis, alteri à majore, alteri à minori. 3. Si unum eorum, quæ æquè videntur esse, est, erit & alterum; ut, *David licuit edere panes propositionis; ergo licuit discipulis Christi velle de sabbato die sabbati ad sedandam famem. Christus habuit potestatem edendi miracula suâ virtute; ergo etiam habuit potestatem remittendi peccata. Orpheus, Pollux, Theseus, & Hercules potuerunt inferos adire; ergo & Aneas.* 4. Si unum eorum, quæ æquè videntur esse, non est, neque alterum erit; ut, *Virum magnanimum non decet incessus concitatus; ergo neque concitata oratio. Tyrus non sustinuit impetum Alexandri; ergo neque Hierusalem sustinisset.* Hi duo canones respondent tribus nostris à paribus.

4. Ex quibus liquet, idem argumentum sæpe esse à minori & à majori simul; à minori scilicet probabilitate, & à majori re; ut, *Deus dedit vitam, ergo dabit alimentum.* Minùs enim probabile est, Deum vitam dare, quàm dare alimentum, & tamen illud revera majus est. Etsi autem parùm in eo situm sit, utram rationem in hisce locis incamus, facilius tamen, & planior erit doctrina de majori & minori, si in hisce locis instituamus comparationem quantitatatis in rebus, (quod nos fecimus) quàm si instituamus comparationem probabilitatis

habilitatis in propositionibus. Hæc enim comparatio convenientior est enthymematibus, quàm integris syllogismis.

XVI. *Locus à simili habet hunc canonem, Similibus similia conveniunt.*

Scß. 1. Intelligitur hoc loco non simplex, sed composita similitudo, sive analogia; Ut, *Vascula angusti oris superfusam abundè humoris copiam respuunt, sensim instillatam admittunt: ergò tenella discipulorum ingenia præcepta disciplinarum paulatim proposita capiunt facilius, quàm confertim.* Argumenta ex loco similium perita magis illustrant, quàm probant; & ut ait Molinæus, afferunt magis dissentiendi pudorem, quàm assentiendi necessitatem.

XVII. *Locus à dissimili habet unum canonem: Dissimilibus similia convenire, non est necesse.*

Scß. 1. Hic locus non valet ad probandum, aut ad refellendum, sed ad solvendas rationes à simili petitas. Si quis enim probet, omnia inter homines debere esse communia, quia omnia sunt communia inter bestias; respondendum est, dissimilem esse rationem hominum & bestiarum: ac proinde necesse non esse, ut iis eadem aut similia convenient.

XVIII. *Locus à testimoniis habet decem canones: Primus, Testimonium divinum est firmissimum, atque aded αὐτόμσον.*

Scß. 1. Assensus, quem testimonium efficit, propriè vocatur fides, quæ tantò est firmitior, quântò major est dicentis auctoritas, sive ἀξιοματία. Testimonium divinum est, quod ab ipso Deo profertur; ut illud, *Hic est Filius meus dilectus: hunc audite, & similia;* vel etiam quod à hominibus dictum aut scriptum est, quos constat fuisse θεοπνεύματους, quales fuerunt Prophetæ & Apostoli. Hodie nullum testimonium ut divinum recipiendum est, præter illud quod in sacri codicis libris canonicis continetur.

XIX. *Secundus, Ad certitudinem testimonii divini proximè accedit testimonium sensus, tum externi, tum interni; quod etiam pertinet testimonium conscientie.*

Scß. 1. *Conscientiæ magna vis est, inquit Cicero pro Milone, idque non in judicio tantum, ut neque timeant, qui nihil commiserint, & pœnam semper ante oculos versari patent, qui peccarint; sed in tota vita, in omnibusque rebus.* Naturæ enim nostræ insēvit Deus vim quandam assentiendi universalissimis quibusdam, & notissimæ veritatis propositionibus, quibus nituntur artes, & scientiæ, tum theoreticæ, tum practicæ; quales sunt hæc enunciata, *Totum est majus sua parte: Deo debetur religio, parentibus honor, magistratui obedientia, &c.* Qui ejusmodi propositionibus non habet fidem, is certè conscientiam suam & propriæ naturæ vim ejurare videtur.

2. Non minor est vis externorum sensuum; quorum judicium qui certum esse negant, sublati scientiis, omnique animi assensione, ἀκαταλλήτως, atque ἰσχυρῶς induxerunt, ut Academici, & Sceptici.

XX. *Tertius, Nullum testimonium humanum per se αὐτόμσον est, aut necessaria veritatis: sunt tamen alia aliis firmitiora.*

Scß. 1.

*Señ. 1.* Nullum testimonium humanum, quatenus humanum, hoc est, quatenus ab homine prolatum, ita certum est, ut de illo non liceat dubitare: tum quia supra humanam conditionem est, non posse errare, tum quia homines facillimè abripiuntur affectibus, quorum impeccu ut verum amplectuntur, quod sedaro affectu non ignorant esse falsum.

XXI. *Quartus, Quod tacito omnium consensu nititur, præ cæteris verisimile est.*

*Señ. Ut, Animam hominis esse immortalem.* In hoc tamen numero non sunt habendæ vulgi quædam inveteratæ opiniones; veluti, *Cygnos moribundos suavissimè canere: Ursus parere catulos informes, &c.* quas cordati homines respuunt.

XXII. *Quintus, Disidentibus hominum testimoniis, quod plures & sapientiores testantur, credibile est esse verum.*

XXIII. *Sextus, Artifci perito credendum est in sua arte.*

XXIV. *Septimus, Si de ve bis sit quæstio, usitatissima sunt optima.*

XXV. *Octavus, in quæstionibus de jure, plurimum valent leges, plebiscita, senatûs consulta, placita principum, edicta, responsa prudentium, acta publica, consuetudo, sententiæ in simili causa latæ.*

XXVI. *Nonus, In quæstionibus de factò, adhibentur testes, chirurgrapha, confessio.*

XXVII. *Decimus, Testimonium negatum non probat.*

*Señ. 1.* Neque enim sequitur, *Aristoteles aut Plato non dixerunt; ergo ita se non habet.* Sed si qua vis probandi in testimonio sit, hoc sequitur; *Aristoteles, Plato, alitque sapientiæ consulti, hoc dixerunt ita se habere; ergo ita se habet: aut, dixerunt ita se non habere; ergo ita se non habet.* Nam et si testimonium non debeat esse negatum, nihil tamen vetat, quò minùs negata conclusio testimonio proberur. Testimonia sacrarum literarum etiam negata probant in rebus ad salutem factu aut creditu necessariis; in cæteris non item: nimirum, quia omnia ad salutem necessaria, sacris literis perfectè continentur. Atque hæc de canonibus absolutis.

## C A P. XIX.

### De Canonibus comparatis.

#### T H E O R E M A I.

**C**anones comparati, vel sunt certi, vel incerti loci.

II. *Canones certi loci, vel sunt generales, vel speciales: quorum illi comparisonem continent in quocunque, hi in certo tantum genere.*

## COMMENTARIUS.

Señ. 1. Ex.gr. hic canon, *Cujus effectum est magis tale, illud est magis tale*, est certi loci, quia exprimit locum effecti, ex quo argumentum sumptum est; & est generalis, quia potest omnibus rebus aptari, quæ in aliquo genere comparisonem admittunt. At hic, *Quod convenit præstantiori subjecto, illud ipsum est præstantius*, est certi quidem loci, quia indicat argumentum petitum esse ex loco subjecti; sed non est generalis, quia potest iis solum rebus aptari, quæ comparantur in bonitate. Hic verò, *Quod est diuturnius, est melius*, incerti loci est, & specialis; quia nec locum argumenti exprimit, neque omnibus rebus, quæ inter se comparantur, aptari potest.

III. Canones comparati certi loci, ex canonibus absolutis secundum locorum seriem formari possunt. Pauci enim loci sunt, quorum canones affirmati non admittunt comparisonem.

Señ. 1. Aristoteles tradit canones comparatos lib. 3. Top. sed qui maximâ parte speciales sunt & incerti loci. Ex iis primùm selegimus eos, qui ad certos locos revocari possunt: & qui generaliter effferri possunt, proponemus generaliter; qui non possunt generaliter effferri, proponemus specialiter. Qua in re sequemur eandem seriem locorum, quam sumus capite superiori secuti, & canones absolutos, prout fieri poterit, in comparatos convertemus. Negati non sunt ad comparisonem idonei: quia in negatione non sunt gradus. Pòst etiam adjiciemus præcipuos ex iis, qui ad locos certos non possunt revocari.

2. Notatio non admittit comparisonem: quia eadem etymologia, aut pluribus non convenit, aut certè non convenit secundum magis & minus.

3. Canones comparati à conjugatis: 1. *Cui unum conjugatum magis convenit, ei & alterum magis convenit*; ut Cæsar magis consuluit Reipub. quàm Bibulus; ergò fuit magis consul. 2. *Si unum conjugatum uno præstantius est, & alterum altero præstantius est*; ut si pietas sit præstantior eruditione, præstat pium esse, quàm eruditum.

4. A definitione: 1. *Cui definitio magis convenit, ei magis quoque convenit definitum*; ut si definitio alboris sit, color disgregans visum, sequetur, id esse albius albo, quod visum magis disgregat. 2. *Quod magis convenit definitioni, id magis convenit definito*; ut, habitus revocans affectus animi & actiones nostras ad mediocritatem, magis confert ad felicitatem quàm divitiæ; ergò & virtus, cujus ista est definitio.

5. A genere & specie: 1. *Quod generi magis convenit, etiam magis convenit speciebus*; &, *Quod magis convenit speciei, etiam magis convenit individuis*: ut, si substantia immaterialis perspicacior est corporeâ, anima hominis separata perspicacior est, quàm est in corpore. 2. *Quod continetur sub præstantiori genere aut specie, id ipsum præstantius est*. Sic, quia vivens est nobilius non vivente, mulca erit nobilior cælo.

6. A toto & parte: 1. Si totum homogeneum est magis tale, etiam pars est magis talis parte; & vicissim: ut, si aurum est gravius ære, etiam qualibet auri pars gravior erit qualibet parte æris, servatâ eâdem proportionem magnitudinis. 2. Quod absolute tale est, aut aliquid efficit, ut tale sit, illius totum magis tale est, magisque efficit, ut aliquid tale sit, quàm pars: ut, si rhabarbarum vim habet purgandi bilem; drachma maiorem vim habebit purgandi, quàm scrupulus, qui tertia pars drachmæ est. Sub hac generali maxime multæ speciales continentur: ut, 1. Plura bona paucioribus anteprehenda sunt. Sic virtus cum nobilitate præstantior est virtute sola. 2. Quod honestum, iucundum & utile est, id melius est eo, quod honestum, iucundum, aut utile tantum est. 3. Quod bonum suo accessu augetur abscessu minuit, melius est eo, quod bonum accessu suo non auget, aut abscessu non minuit. 4. Quod quid bonum accessu suo magis auget, aut abscessu magis minuit, eò melius est.

7. A materia & forma: 1. Cuius materia est magis talis, illud ipsum est magis tale. Sic, quia aurum præstantius, & durabilius est lapide, aut saxo; sequitur auream statuam præstantiorem, & durabiliorem esse lapideam. 2. Quod habet nobiliorem formam, id ipsum nobilius est. Sic, quia hominis forma est præstantior formâ bestie (illa enim immaterialis est & immortalis, hæc materialis & mortalis) sequitur hominem nobiliorem esse bestiis. Simili ratione suadere possis, muscam præstantiorem esse cælo: quia illius forma est anima; huius forma quædam non vitalis.

8. A causa efficiente: 1. Quod per se, simpliciter, ac naturâ suâ est tale, illud est magis tale, quàm id quod per accidens, secundum quid, aut per participationem tale est. Sic cibus est salubrior pharmacis; quia ille per se salubris est, pharmaca per accidens: & lux est utilior renebris; quia illa omnibus utilis est, hæc furibus tantum, aut iis qui latere volunt. Denique sol est splendidior lunâ; quia ille suâ naturâ splendet, hæc per participationem. 2. Quod per se, ac naturâ suâ magis tale est, illud efficit magis; & vicissim. Sic ignis calefacit magis, quàm aqua calefacta, quia est calidior. Sic cognoscas ferrum esse gravius ligno, quia celerius descendit. Hic canon tantum adhiberi potest in causis per se: in causis enim per accidens sæpe fallit. Nam ferrum candens, etsi non sit calidius flammâ, urit tamen vehementius, densitate materiæ ustionem adjuvante, & calorem patienti fortius imprimente. 3. Cui causa magis convenit, ei magis convenit effectum; & vicissim. Sic probes senes esse prudentiores juvenibus, quia habent maiorem experientiam rerum. 4. Propter quod unumquodque est tale, illud est magis tale. Sic quia aqua calet ab igne, colligi potest ignem magis calere. Hic canon sæpe fallit: ac primò, in causis per accidens, & æquivocis: Non enim sequitur, Aliquis est ebrius ob vinum; ergo vinum est magis ebrium: Culus est acutus operâ eotis; ergo eotus est acutior culro. Secundò fallit canon in effectis, quæ non recipiunt magis & minus: ut, si probes patrem esse magis hominem filio, quia filius est homo operâ patris. Terriò fallit

fallit in iis, quæ non pendent ab una causa. Nam etsi discipulus doctrinam habuit à præceptore, non tamen sequitur, præceptorem semper esse doctiorem discipulo. potest enim fieri, ut discipulus præceptorem suum ingenio & industriâ superet. 5. Quorum operatio, opus, effectum, aut usus melior est, ea ipsa meliora sunt, & quanto melior, tanto meliora. Sic mens præstantior est sensu, quia illius operatio præstantior est; & ars architectonica præstantior est futuriâ, quia domus præstantior est calceis; & virtus divitiis, quia illius usus ad animum, harum, ad corpus pertinet.

9. A fine & mediis; 1. Cui magis convenit finis, ei magis conveniunt media; & vicissim. Sic probes aliquem habere plus ingenii, librorum, otii, industriæ, quia est doctior; aut esse doctiorem, quia habet plus ingenii, otii, industriæ, &c. 2. Finis præstantior est mediis; ut sanitas, medicinâ. Huic canoni alter affinis est; Quod propter se expeditur, melius est eo, quod expeditur propter illud, aut propter aliud, aut etiam eo, quod expeditur diâ dôgâ, hoc est, opinio- nis, aut ostentationis causâ. Sic probes eruditionem præstare bibliothecæ, amicos divitiis, valetudinem pulchritudini. 3. Quod propius accedit ad finem, melius est. Sic ars imperatoria præstantior est equestri, quia propius accedit ad victoriam. 4. Quod ad meliorem finem refertur, id melius est. Sic probat Aristoteles sapientiam præstare virtuti morali, quia ducit ad felicitatem speculativam: quam ait tantò præstantiorem esse felicitate practicâ, ad quam refertur virtus moralis, quântò æterna præstantiora sunt caducis, lib. 10. Eth. cap. 5.

10. A subjecto & adjuncto: 1. Quod est in nobiliori subjecto, id, si bonum sit, melius est; si malum, deterius eo, quod est in subjecto ignobiliori. Sic virtus melior est sanitate, & vitia morbis deteriora sunt, quia animus nobilior est corpore. 2. A quo subjectum bonum nominatur, id melius est eo, à quo non nominatur bonum. Sic bonum honestum melius est utili, quia ab illo boni nominamur, ab hoc non item. 3. Eorum, quæ ambo subjectum bonum faciunt, id melius est, quod subjectum majori bonitate afficit. Sic virtutes Theologicæ, fides, spes, charitas, præstantiores sunt virtutibus civilibus. 4. Quod versatur circa præstantius objectum, id ipsum quoque præstantius est. Sic philosophia præstantior est medicinâ: quia illa circa animum, hæc circa corpus versatur. 5. Id melius est, ex quo majora bona, aut minora mala sequuntur. Hæc ratione præfert Cicero lib. 1. Off. consilium Solonis, quo primùm constituit Areopagitas, victoriæ Themistoclis ad Salaminâ; quia hæc semel tantùm profuit, illud semper proderit civitati.

11. A disparatis: Cum duorum alterum negamus nobis inesse, ut alterum nobis arrogemus, illud, quod videri volumus inesse nobis, iudicamus esse præstantius. Sic, quia plerique se laboriosos esse negant, ut videantur esse ingeniosi; ingenio valere, melius esse iudicant, quàm laboriosum esse.

12. A contrariis: 1. Quod à suo contrario longius abscedit, illud est



est magis tale. Sic albius est, quod habet minus admistum nigroribus.

2. Cujus contrarium est deterius, illud ipsum est melius; & contrā: ut, si improbitas sit deterior morbo, probitas erit melior sanitate.

3. Cujus absentia, interitus, aut amissio deterior est, id ipsum melius est; & contrā: ut, si jactura bonæ ex estimationis sit majus malum jacturā pecuniæ, bona ex estimatione erit majus bonum pecuniā.

13. A majori, minori, & pari: 1. Quod est magis tale majori, etiam est magis tale minori. 2. Si minus est magis tale, etiam majus erit magis tale. Sic, cum sanitas sit majus bonum divitiis, si virtus sit præstantior sanitate, erit etiam præstantior divitiis. 3. Si unum parium est magis tale, etiam alterum erit magis tale. 4. Quod est magis tale uno parium, etiam est altero magis tale. Ex. gr. si duorum ponderum æqualium alterum tertio gravius fuerit, aut levius, etiam alterum erit; aut si tertium altero gravius aut levius fuerit, erit etiam altero. Et sic in cæteris. 5. Si unum genus sit magis tale altero, quod in excellentiori genere est maxime tale, id magis tale erit eo, quod maxime tale est in genere minus excellenti: ut, si scientia sit præstantior arte, nobilissima scientia erit præstantior nobilissimā arte. 6. Si prædicatum absolutum absoluto subjecto suā naturā conveniat, incrementum prædicati conveniet incremento subjecti: ut, si quod honestum est, bonum sit; id quod honestius est, erit melius; & quod honestissimum, optimum. Dixi suā naturā: Nam si prædicatum subjecto non conveniat suā naturā, fallit canon: neque enim sequitur, Si exercitatio corporis est bona; major, erit melior; & maximā optima: quia exercitatio non est ex se, ac naturā suā bona, sed quatenus est moderata.

14. A simili & dissimili: Quod similis est ei, quod tale est aut magis tale, id ipsum quoque est magis tale; & contrā. Sic Ajax censetur fortior Ulysse, quia similior est Achilli fortissimo Græcorum. Hic observandum est, ut similitudo instituat in propriogenere: Non enim, si quis Achilli similior est iracundiā, ideo quoque fortior erit, sed tantum iracundior.

15. A testimoniis confirmantur problemata comparata eodem modo, quo absoluta. Ut enim Aristotelis testimonio probari potest, avaritiam esse malam; ita etiam probari potest, eam deteriorem esse prodigalitate. Itā ut canonibus comparatis hoc in loco non sit opus, nisi quod forte ad discernendam testimoniorum auctoritatem hic canon notandus sit, Quod Deus esse dicit, credibilius est, quam quod homines; quod sapientes, quam quod vulgus; quod plures, quam quod pauciores; quod periti artifices, quam quod imperiti; & quod quisque contra se, quam quod pro se testatur.

16. Atque hi sunt canones comparati, qui certi loci designationem, vel apertè, vel latenter continent. In quibus omnibus eadem limitationes intelligi debent, quæ absolutis canonibus, quibus respondent, sunt additæ. Ex. gr. primus canon comparatus à conjugatis, respondet primo canoni absoluto ejusdem loci. Is sic se habet; Cui convenit unum conjugatorum, ei convenit & alterum.

Huius

Huic canoni hæc est addita cautio, nè adhibeatur conjugata, quæ solâ vocis, & non etiam naturæ affinitate juncta sunt. Hæc eadem cautio adhiberi debet in canone comparato, qui ita prolatus fuit; *Cui unum conjugatorum magis convenit, ei & alterum magis convenit.* Itaque sicuti non sequitur, *Hic est ebrius, ergo est ebriosus;* ita quoque non sequitur, *Hic est magis ebrius, ergo est ebriosior.* Et sic in cæteris.

17. Restant ex canonibus comparatis ii, qui certi loci designationem non continent, quales quàm plurimi extant lib. 3. Top. Nos ex iis præcipuos selegimus. 1. *Bona diuturniora & constantiora magis expetenda sunt;* ut, bona animi, bonis corporis. 2. *Unumquodque tum magis optandum est, cum opportunius, & magis usui est.* Ut, fortitudo in juventute, prudentiâ in senectute. 3. *Quod semper aut sape usui est, id melius est eo, quod raro;* ut, temperantia fortitudine. 4. *Quæ seipsis contenta sunt, magis eligenda sunt, quàm ea quæ aliis egent;* ut, abundantia rerum, pecuniâ. Nam qui pecuniâ abundat, rebus indiget: qui abundat rebus, non indiget pecuniâ. 5. *Quod splendidius est, id est optabilius;* ut, gloria, divitiis. 6. *Difficilia præstant facilibus;* 7. *Et propria, communibus.* Per communia hîc non intelliguntur publica, sed ea quæ multi habent: per propria, quæ soli habemus, aut cum paucis communia. Hæc enim maximè amamus. 8. *Quæ communicari aliis non possunt, præstant iis quæ communicari queunt;* ut, scientia, divitiis. 9. *Non necessaria (τα ἐκ περισσεύσεως) præferenda sunt necessariis.* Sic optamus commodè vivere potius, quàm vivere. Hunc canonem non evertit Cicero, cum in Topicis suis ait, *Necessaria non necessariis præsta et;* nam per *non necessaria* intelligit superflua. At Aristoteli *non necessaria* sunt, quæ pertinent ad bene esse, (ut loquar cum Scholasticis) *necessaria*, quæ pertinent ad esse. 10. *Quæ ab aliis præberi nequeunt, meliora sunt iis quæ ab aliis accipiuntur;* ut, virtus & eruditio, divitiis. 11. *Quod quis sibi parare mavult, melius est eo quod mavult sibi ab aliis relinqui;* ut, amici, opibus. Amicos enim ipsi parare cupimus; opes malimus nobis ab aliis relinqui.

18. Atque hi sunt præcipui canones, quibus problemata comparata confirmanda sunt, qui vel ex canonibus absolutis, vel ex Aristotelis Topicorum lib. 3. erui potuerunt. In quibus omnibus, ac imprimis in iis quæ i comparationem rerum continent in bonitate, hæc cautio adhibenda est, ut ea, quæ comparantur, in cæteris sint paria. Ex, gr. bonum diuturnius præferendum quidem est minùs diuturno; sed tum dènum, cum in cæteris sunt paria. Atque hæc de syllogismo dialectico.

## CAP. XX.

## De Demonstratione.

## THEOREMA I.

**S**equitur demonstratio, quæ definitur *συμμετρικὴ ἐπιστήμη*, hoc est, syllogismus scientiam pariens.

## COMMENTARIUS.

**SECT. I.** Demonstratio (*ἀπόδειξις* Græcè) Geometris est delineatio diagrammatis, in quo propositionum suarum veritatem oculis spectandam exhibent. Ei opponitur *ψευδὺς ἀπόδειξις*, hoc est, descriptio, sive delineatio falsa. Hæc vocabula (ut alia pleraque quæ in doctrina syllogismorum usurpantur) è Geometria translata sunt in Logicam: ibique demonstratio sumitur; interdum quidem pro qualibet probatione certa, & perspicua; ac hoc loco usurpatur strictè, pro syllogismo scientifico: & *ψευδὺς ἀπόδειξις*, pro syllogismo errorem pariente, scientiæ contrarium.

2. Demonstrationis genus est *syllogismus*: in quo cum dialectico syllogismo consentit. Differentia est à fine petita, qui est scientia. Vocabulum scientiæ vel latè sumitur, pro qualibet cognitione, sive assensu vero; vel strictè, pro assensu firmo & infallibili; vel denique strictissime, pro assensu propositionum, quæ per causam aut effectum cognoscuntur. Cognitionis enim firmæ & infallibilis, vel à sensu est, veluti cum cognoscimus meridie lucere solem; vel à intellectu, veluti cum agitur de propositionibus universalibus, ad quarum veritatem sensus non pertingit, ut qui in singularibus subsistit. Cognitionis propositionum universalium vel sine syllogismo generatur, vel per syllogismum. Sine syllogismo generatur cognitio, cum propositiones suæ luce conspicuas, pleno mentis assensu amplectimur, sine ulla probatione. Sic cognoscimus, *Totum esse majus sua parte*, *Deum esse coleandum*, & id genus cetera. Ejusmodi cognitionem appellat Aristoteles lib. 2. Post. cap. ult. 187, hoc est, intelligentiam, eamque distinguit à scientia, quam ait esse *μετὰ λόγῳ*, hoc est, cum rationatione conjunctam. Cum autem ratio ex variis locis peti possit, et solum cognitio scientiæ nomine hic venit, quæ gignitur à causa, ac ab effectu. Atque hæc est strictissima scientiæ acceptio, & huic loco propria, ut ex sequentibus liquebit.

II. Demonstratio alia est *τὸ διότι*, sive cur sit; alia, *τὸ ὅτι*, sive quod sit.

III. Demonstratio *τὸ διότι* est, quæ non solum probat rem esse, aut non esse; sed etiam addit causam, cur res sit, aut non sit.

IV. Demonstratio *τὸ ὅτι*, quæ solum probat rem esse, aut non esse.

SECT. I.

Señ. 1. Hæc divisio petita est à fine demonstrationis. Cum enim demonstratio sit syllogismus scientificus; omnino sequitur, ut, quotuplex est scientia, totuplex etiam sit demonstratio. Jam verò scientia alia est τὴν διότι, sive cur sit; alia τὴν ὅτι, sive quòd sit; ergò & demonstratio istoc modo dividenda est. Vide cap. 13. lib. 1. Post.

2. Scientia τὴν διότι est cognitio dianoëtica, quâ cognoscimus causam propter quam res est, esse illius rei causam, nec posse eam rem aliter se habere. Aristot. lib. 1. Post. cap. 2. scientiam τὴν διότι definit hisce verbis, Ἐπιστήμη δὲ οὐκ ἔστιν ἀπλῆς, ὅτι τὴν τ' αἰτίαν οὐκ ἔστιν ἀπλῆς, δι' ὃν τὸ πρὸς αὐτὴν ὅτι, ὅτι ἐκείνη αἰτία ὅτι, καὶ μὴ ἐκείνη τ' ἀλλὰ ὅτι. Hoc est, Scire putamus unamquamque rem simpliciter, cum putamus causam, propter quam res est, cognoscere illius rei causam esse, nec posse eam rem aliter se habere. In hac Aristotelis definitione non est expressum genus; in nostra genus scientiæ est cognitio dianoëtica, hoc est, syllogistica. Hæc parte non solum cognitio sensualis à scientia distinguitur; sed etiam cognitio definitionum; & principiorum, quæ non est cognitio dianoëtica, hoc est, discursiva; sed noëtica, hoc est, intellectiva. Essentia enim rerum, quæ definitione explicatur, & primorum principiorum veritas, sine discursu apprehenditur. Differentia, quâ scientiâ τὴν διότι tum ab opinione, tum à scientiâ τὴν ὅτι distinguitur, petita est partim à qualitate medii quo scientia generatur, partim à conditione quæ in animo scientis esse debet. Medium quo scientia τὴν διότι generatur, debet esse causa, & quidem propter quam res est; hoc est, talis, quâ positâ, res ponitur; & sublata, tollitur. Nam cognitio quæ per effectum, aut per adjunctum comparatur, non est scientia τὴν διότι, ut nec illa quæ comparatur per causam remotam, & non reciprocam. Qui scientiam τὴν διότι adipiscitur, ita animo affectus esse debet, non modò ut cognoscat rei causam, sed etiam, ut agnoscat eam rem esse causam rei quam quærit, utque credat rem illam non posse aliter se habere hoc est, fieri non posse, ut positâ illâ causâ, res non ponatur; aut sublata, non tollatur. Ex quo efficitur, ut scientis animus sit αἰσθητικὸς, καὶ μεταβατικὸς, hoc est talis, qui mutari, aut ratione fieri non possit. Scientia τὴν ὅτι à scientiâ τὴν διότι in eo differt, quòd non ex causa proxima propter quam res est, sed ex effectû proximo, aut ex causa remota tantum generetur.

3. Porro scientia & demonstratio sunt ἐν ᾧ ποὺς ἐν λογισμῶν, id est, ex earum numero quæ ad unum dicuntur. Quare fit, ut scientia & demonstratio τὴν διότι serè ἀπλῆς, & sine adjectione dicantur scientia & demonstratio; scientia & demonstratio τὴν ὅτι, non item. Sunt enim scientia & demonstratio τὴν διότι, præcipuè species sui generis; atqui ea est generis æquivoci natura, ut præcipua species nomine generis serè intelligatur. Ut autem accuratius cognoscas, quo nomine scientia & demonstratio τὴν διότι præstant scientiæ & demonstrationi τὴν ὅτι res tota paulò plenius explicanda est. Quatuor sunt quæstiones scientiales, quæ de re aliqua, instipi possunt, εἰ ἔστι, τί ὅτι, ὅτι ὅτι, καὶ διότι ὅτι hoc est, an res sit, quid sit,

*an infit, & cur infit.* Harum duæ priores, quia pertinent ad themata simplicia, dicuntur quæstiones simplices: reliquæ, quia pertinent ad themata complexa, nuncupantur quæstiones complexæ. Ex. gr. *An sint Pygmæi, & quid sint Pygmæi,* sunt quæstiones simplices: *An Pygmæi sint cholericici, & cur sint cholericici,* sunt quæstiones complexæ. Τί τὸ λαζυρῶν ὄν, hoc est, *quid sit id, quod dicitur,* sive quid significat vocabulum quo res proposita nominatur, non est quæstio Logica, sed præcognitio, in Logica cujuscunque thematis tractatione necessaria. Frustrâ enim queritur, *an sint,* aut, *quid sint Pygmæi,* vel etiam, *an Pygmæi sint cholericici,* aut, *cur sint cholericici,* si vocabulorum significatio non sit præcognita.

4. Substantiis simplices tantum quæstiones conveniunt; accidentibus, etiam complexæ. Quæri enim potest, *An sit, & quid sit eclipsis;* item, *An eclipsis infit lunæ, & cur infit;* sive, *An luna eclipsin patiatur, & cur patiatur.* At de luna, aliisque substantiis, *an sit, & quid sit,* quæri potest; *an infit* alicui, & *cur infit,* minime. Substantiæ enim non sunt in subiecto. Quæstio *an sit,* non est in accidente separata à quæstione *an infit.* Nam quærere, *An sit eclipsis,* nihil aliud est, quam quærere, *An luna patiatur eclipsin.* Sed nec quæstio *quid sit,* in eo separata est à quæstione *cur sit.* Eadem enim causa solvit utramque. Qui enim novit *cur luna patiatur eclipsin,* is novit etiam *quid sit eclipsis.*

5. Ex quibus liquet scientiam & demonstrationem τὴν διότι ad omnes quæstiones pertinere. Qui enim causâ novit alicujus accidentis, v.g. eclipses, is novit, *An sit, & quid sit eclipsis:* *An luna patiatur, & cur patiatur eclipsin.* Scientia & demonstratio τὴν ὅτι pertinet tantum ad quæstionem εἰ ἴσται, καὶ ὅτι ὄν, hoc est, *an sit, & an infit.* Hinc jam patet, quo nomine scientia & demonstratio τὴν διότι præstent scientiæ & demonstrationi τὴν ὅτι, nimirum, quia illæ versantur circa quæstionem τὴν διότι, quâ solutâ, nihil restat, quod quæri possit: at hæc versantur circa quæstionem, εἰ ἴσται, καὶ ὅτι ὄν, hoc est, *an res sit, & an infit:* quibus solutis, manet integra quæstio τί ὄν, καὶ διότι ὄν, hoc est, *quid sit, & cur sit.* Quibus adde demonstrationem τὴν διότι esse finem ad quem altera species referatur.

6. Ex dictis liquet demonstrationem τὴν διότι sic non appellari, quia concludit τὴν διότι, sed quia ita solvit quæstionem τὴν ὅτι, ut simul satisfaciât quæstioni τὴν διότι, cùm demonstratio τὴν ὅτι solam quæstionem τὴν ὅτι solvat. Ex. gr. cùm sic concludo; *Omne quantum est in loco: Atqui omne corpus est quantum: Ergo omne corpus est in loco;* conclusio non est enunciatio causalis, colligens τὴν διότι, hoc est, *cur corpus sit in loco;* sed simplex, colligens tantum τὴν ὅτι, hoc est, *corpus esse in loco.* Et tamen est demonstratio τὴν διότι, quia causam continet, *cur corpus in loco sit:* ita ut ex minore & conclusione contexti possit hujusmodi enunciatio causalis, *Omne corpus est in loco, quia est quantum.*

7. Averroës, & qui eum sequuntur, comminiscuntur tertiam quandam speciem demonstrationis, quam appellant *demonstrationem*

potissimam: & aiunt demonstrationem τὸ δὲ π esse, quā τὸ δὲ π so-  
lūm; potissimam, quā τὸ δὲ π simul, & τὸ δὲ π innotescit. Hæc ter-  
tia demonstrationis species, neque Aristotelis autoritate, qui illius  
nusquam meminit, neq; ratione confirmari potest. Nam quod de-  
monstratio, quæ per causam proximam solvit quæstionem τὸ δὲ π,  
interdum solam notitiam τὸ δὲ π generet, interdum etiam notitiam  
τὸ δὲ π, hoc non proficiscitur à diversitate demonstrationis, sed à  
nobis, quibus interdum τὸ δὲ π ante demonstrationem est perspectum,  
interdum non est perspectum: & tum innotescit τὸ δὲ π & τὸ δὲ π si-  
mul. Quin fieri potest, ut uni τὸ δὲ π sit notum, alteri ignotum: his,  
si demonstratio proponatur à causa proxima petita, alteri erit de-  
monstratio τὸ δὲ π, alteri potissima. Plura vide hac de re apud  
Zab. cap. 11. de Specieb. Dem.

## CAP. XXI.

## De præcognitionibus.

## THEOREMA I.

**O**Mnis demonstratio δὲ π, omnisque demonstrativa scientia, ver-  
satur circa tria. Hæc tria sunt, subiectum, affectio, & causa, quæ  
demonstratur affectionem inesse subiecto.

II. Ex subiecto & affectione componitur quæstio demonstranda: ex  
causa cum affectione primum, deinde cum subiecto combinata, fiunt  
præmissæ, sive principia, quibus quæstio demonstratur.

## COMMENTARIUS.

SECT. 1. Tria sunt, inquit Aristoteles, lib 1. Post. cap 7. & 10. quæ  
in omni demonstratione spectantur, & circa quæ omnis demonstrati-  
va scientia versatur: primum est conclusio quæ demonstratur, sive  
τὸ π δὲ π τὸ ὑποκείμενον ἔχει τινὲ κατὰ αὐτὸ, h. e. affectio, quæ alicui ge-  
neri, i. e. subiecto, per se inest: alterum sunt axiomata, ex quibus  
conficitur demonstratio, h. e. principia, & causæ: tertium est τὸ γ-  
νῶσθαι τὸ ὑποκείμενον, h. e. subiectum, cujus affectiones & accidentia,  
quæ illi per se insunt, demonstratio declarat.

III. In hisce omnibus duo considerata sunt: præcognitiones, quæ  
demonstrationem præcedunt, & conditiones, quæ in ipsa demonstra-  
tione observandæ sunt.

IV. Præcognitio alia est τὸ δὲ π ὅτιν, h. e. est, an sit; alia, τὸ τί τὸ  
λεγόμενον ὅτιν, hoc est, quid sit id quod dicitur, sive, quid significet  
vocabulum.

V. De tribus terminis, ex quibus demonstratio constata est, præ-  
cognoscendum est, quid significet nomen; de subiecto, causa, & præ-  
missis sive principiis, etiam an sint. Id verò de affectione ac conclusio-  
ne demonstrandum est.

SECT. 1.

Seſſ. 1. Omnis cognitio dianoetica, inquit Aristoteles lib. 1. Post. cap. 1. ἐν τοῦτο παρὰ τὸν ἑαυτοῦ γινώσκων, h. e. ex præcedente cognitione gignitur. Quare necesse est, ut omnia, circa quæ demonstratio & demonstrativa scientia versatur, ante demonstrationem aliquo modo præcognoscantur. De qua re vide Arist. lib. 1. Post. cap. 7. & 11. De tribus terminis, nominis significatio præcognoscenda est, quia alioqui de ignotis disputaretur. Quidam volunt etiam essentialem subiecti definitionem præcognoscendam esse. Verùm illud in integra aliqua scientia, putà Physica, aut Geometria, locum tantum habet. At cum de singulis demonstrationibus, deque ea scientia quæ ex singulis demonstrationibus gignitur, sermo est, essentialem definitionem subiecti præcognosci, non est necesse, nisi in iis demonstrationibus, in quibus medium est forma subiecti.

2. Τὸ ὅτι ὁρίν hic latè sumitur, complectiturque τὸ εἰ ὁρίν an res sit simpliciter, & τὸ ὅτι ὁρίν, an res insit. De subiecto Demonstrationis, deque causa per quam affectio de subiecto demonstratur, præcognoscendum est τὸ εἰ ὁρίν, an sit simpliciter. Cum enim incertum est, an sit causa, argumentatio infirma est, & scientiam non efficit. Cum non constat, an sit subiectum, frivola est atque inepta. Frustrà enim probes, Pygmæos esse cholericos, quia sunt brevis stature, si non constet, esse Pygmæos. De præmissis sive principiis demonstrationis præcognoscendum τὸ ὅτι ὁρίν, h. e. quòd vera sint. Superest ergò ut de affectione demonstretur, τὸ εἰ ὁρίν, an sit, deque integra conclusionem, quæ constat subiecto & affectione, τὸ ὅτι ὁρίν, quòd vera sit, sive quòd affectio subiecto insit.

3. Hæc eadem præcognoscenda sunt in integris scientiis. Sic in Physica præcognoscitur, quid sit, aut saltem, quid significet subiectum, putà, corpus naturale; quid significant affectiones, trina dimensio, locus, tempus, motus, quies, generatio, corruptio, &c. tum quid significant harum affectionum causæ ac principia, materia, forma, privatio, natura, qualitates primæ, antiperistasis, &c. Præterea præcognoscitur, esse corpus naturale, ejusque species; esse materiam, formam, &c. Quòd dictæ affectiones corpori naturali ejusque speciebus insint, id per eorum causas & principia demonstratur. Cæterarum scientiarum eadem est ratio.

VI. Harum præcognitionum quæ evidentes sunt & omnibus obvie, solà mente sunt; quæ non sunt ità evidentes, quin ignorari possint, in ipso scientiarum limine exprimuntur.

VII. Et si prolata statim à discipulo credantur, propriè dicuntur ἐκδοθέντες, suppositiones; si discipulus de iis dubitet, vel etiam in contrariam opinionem propendeat, dicuntur αἰτιώμενα, postulata.

Seſſ. 1. Quædam adhibentur in scientiis, quæ non possunt ignorari, ut axiomata: quædam ignorari quidem possunt, sed tamen simul ac à præceptore sunt proposita, à discipulo creduntur si ne ulla probatione, ut definitiones: quædam non statim creduntur, adhibentur tamen precario, ac veluti ex pacto; quia eorum probatio (si fortè probari possint) pertinet ad Metaphysicam. Sic præ-



præsupponitur in Physica, esse animam; cum tamen Dicarchus quidam, teste Cicerone lib. 1. Tuscul. voluerit, nihil esse animam, & hoc esse nomen totum inane.

## CAP. XXII.

## De questione demonstrabili, deque medio demonstrationis.

## THEOREMA I.

**C**onditiones, quæ in demonstratione ad id præsertim servandæ sunt, partim ad questionem pertinent, partim ad causam sive medium demonstrationis, partim ad præmissas sive principia.

II. Non omnis questio admittit demonstrationem ad id præsertim, sed ea solum, quæ vera est, & veritatis suæ certam atque immutabilem causam habet.

## COMMENTARIUS.

Señ. 1. Primò debet esse vera; quia *ἡ ἀληθεία τὸ μὴ ὄν ἀντιφασκεῖ*, h. e. quod non est, sciri non potest, lib. 1. Post. cap. 2. Secundò, debet habere causam veritatis suæ certam atque immutabilem. Cum enim scientia sit cognitio rei per suam causam, scientia non erit certa, ac proinde neque scientia, si non nitatur immutabili causâ.

III. Itaque neque propositiones immediatæ, neque fortuita demonstrari possunt; sed tantum accidentia propria.

Señ. 1. Harum conditionum prior extat lib. 1. Post. cap. 3. posterior, eod. lib. cap. 8. Cæterum propositiones immediatæ demonstrari nequeunt, sed sine demonstratione sciuntur, quia non habent causam veritatis suæ. Hujusmodi sunt propositiones, in quibus definitio, aut partes definitionis de definito prædicantur. Hæ enim propositiones, *Homo est animal*, *Homo est ratione præditus*, constant prædicato, quod ita arctè cum subiecto coheret, ut nulla media causa interjecta sit illius connexionis, cum *esse animal* & *esse ratione præditum*, sit ipsa hominis essentia. Itaque non magis demonstrari potest, *cur homo sit animal*, aut, *ratione præditus*, quàm, *cur homo sit homo*.

2. Fortuita quoque demonstrari nequeunt, quia non pendent à certa, atque immutabili causâ; unde neque certâ lege contingunt. Sola accidentia demonstrari possunt, & quidem propria. Nam substantiæ non habent causam, cur sint in illo subiecto de quo prædicantur; quia prædicantur semper ut genus, aut ut differentia. Et accidentia non propria, non habent certam atque definitam causam. Neque verò refert quicquam, utrùm accidentia propria emanent ab essentia subiecti, an à causa externâ; utrùm perpetua sint, an sæpiusculè eveniant: hoc tamen requiritur, ut proprium accidens cum causa sua ita necessario coheret, ut eâ positâ ponatur, & sublatâ tollatur. Ex. gr. etsi luna non semper deficiat, demonstrari tamen potest,

test, lunam deficere; quia semper deficit, cum terra inter solem & lunam è diametro interposita est; & nunquam deficit, cum terra inter solem & lunam non est interposita. Hæc de quæstione demonstrabili.

IV. *Medium demonstrationis debet esse causa proxima prædicati, ed. que vel efficiens, vel finis; & efficiens, vel interna, vel externa.*

Señ. 1. Cum causa proxima duobus modis dicatur, vel absolute, vel in suo genere proxima; hoc loco intelligitur causa absolute proxima, hoc est, talis, quâ posita ponitur effectum, & sublata tollitur. Cum enim sint quatuor causarum genera, & in unoquoque genere aliqua causa proxima, ex quatuor causis proximis una tantum est, quæ absolute proxima est. Porro requiritur, ut hæc proxima causa sit causa prædicati: ut etiam sit causa subiecti, non est necesse; quia non quæritur, an sit subiectum (hoc enim præsupponitur) sed, an sit prædicatum, sive, an insit subiecto.

2. Hæc causa proxima debet esse causa efficiens aut finalis. Nam cum prædicatum sit accidens, non habet materiam aut formam propriè dictam. Causa finalis adhibetur in iis, quæ fiunt ob aliud: qualia sunt media, & instrumenta naturalia; item actiones, & habitus, siqui demonstrari possunt. In cæteris adhibetur causa efficiens. Interdum contingit, ut causa proxima efficiens sit etiam forma aut materia subiecti: & huiusmodi demonstrationes præstantissimæ quidem sunt, non tamen specie differunt ab aliis. Sed hæc facilius innotescunt idoneis exemplis.

1. *Omne rationale est capax scientiæ:*

*Omnis homo est rationalis:*

*Ergo omnis homo est capax scientiæ.*

In hac demonstratione medium rationale est causa efficiens interna prædicati, & forma subiecti.

2. *Omne terrestre mergitur in aqua:*

*Hebenus est terrestris:*

*Ergo hebenus mergitur in aqua.*

Hic medium est causa efficiens interna prædicati, & materia subiecti.

3. *Quicquid constat materiâ & formâ, habet trinam dimensionem;*

*Omne corpus constat materiâ & formâ:*

*Ergo omne corpus habet trinam dimensionem.*

Hic medium est causa efficiens interna, prædicati & forma simul atque materia subiecti.

4. *Quod trinâ dimensione præditum est, non admittit aliud corpus secum simul in eodem loco:*

*Atqui omne corpus præditum est trinâ dimensione:*

*Ergo, &c.*

Hic mediû est causa efficiens interna prædicati, & proprietas subiecti.

5. *Quod à solis radiis, obiectâ terrâ, illustrari nequit, id patitur eclipsin luminis à sole accepti:*

*Atqui luna à solis radiis, obiectâ terrâ, nequit illustrari:*

*Ergo luna, &c.*

Hic

Hic medium est causa efficiens externa prædicati.

6. *Qui factus est ad cælestium rerum contemplationem, debuit esse sublato vultu :*

*Homo factus est ad cælestium rerum contemplationem ;*

*Ergo homo, &c.*

Hic medium est causa finalis prædicati.

3. Interdum fit, ut una eadémque quæstio demonstrari possit per causam efficientem simul ac finalem. Sic demonstraveris, *animal dormire, vel, quia sensus communis à vaporibus sopitus, sensuumque externorum meatus obstruati sunt ;* (atque hæc est demonstratio à causa efficiente) vel, *ut resocillentur spiritus, ac reparentur vires animalis ;* & hæc est demonstratio à causa finali.

4. Porro demonstrationes τῷ δῖοτι non solum affirmatæ sunt, sed etiam negatæ. Nam sicuti demonstramus *hominem esse capacem scientiæ, quia est præditus ratione :* ità quoque demonstrari potest, *bestiam non esse capacem scientiæ, quia ratione non est prædita.* Nam cum affirmatio est causa affirmationis, negatio est causa negationis ; & vice versâ : ut dicitur lib. 1. Post. cap. 13.

5. Medium demonstrationis, ut hoc postremo loco adjiciam, non solum causa, sed etiam definitio prædicati dicitur. Cum enim causa proxima proprii accidentis præcipua pars definitionis sit ; fit, ut ea synecdoche dicatur definitio. Cum causa proxima prædicati, subjecti forma est, medium etiam dicitur definitio subjecti. Sed hoc neq; necessarium, neque perpetuum est. Quomodo intelligendum sit, quod Aristoteles lib. 2. Post. cap. 11. dicit, *omnes causas medium demonstrationis esse posse,* omnium optimè interpretatur Zarabella t. de Med. Dem. & in Comm. ad c. 11. l. 2. Post.

## C A P. XXIII.

### De conditionibus principiorum demonstrationis

τῷ δῖοτι.

#### THEOREMA I.

**C**onditiones principiorum sive propositionum demonstrationis τῷ δῖοτι, aliæ sunt absolutæ, aliæ relatæ.

II. *Conditiones absolutæ dicuntur, quæ competunt propositionibus in se, atque absolutè consideratis ; relatæ, quæ conveniunt illis ad conclusionem collatis ;*

III. *Conditiones absolutæ sunt : primò, ut propositiones sint necessariò veræ, ac reciproce : secundo, ut sint immediatæ, sive primæ.*

#### COMMENTARIUS.

Seft. 1. De conditionibus principiorum demonstrationis agit Aristoteles lib. 1. Prior. cap. 2. & cap. 6. Propositiones demonstrativæ debent

debent esse *veræ* (fallum enim sciri non potest) & quidem *necessariis*: nam ex propositionibus non necessariis non potest colligi necessaria conclusio, nisi casu & per accidens. Quare cum conclusio demonstrationis debeat esse necessaria, idque propter propositiones præmissas, ipsæ quoque propositiones debent esse necessariae. Neque verò hoc satis est; sed debent esse necessariae in summo gradu, hoc est, reciprocae ac *καθόλου προσητον*. Continent enim causam proximam prædicati, quæ talis est, ut cum effectu suo reciprocetur.

2. Propositio dicitur duobus modis immediata: nempe vel ratione subjecti, vel ratione causæ. Propositio dicitur immediata ratione subjecti, in qua prædicatum dicitur de primo ac reciproco subjecto. Hoc sensu etiam conclusio debet esse immediata. Omnis enim propositio *καθόλου προσητον* ac reciproca, hoc modo immediata est. Ratione causæ dicitur propositio immediata, quæ non habet causam veritatis suæ extra se, per quam demonstrari potest. Hoc sensu dicitur requiri, ut propositiones demonstrationis sint immediatæ ac primæ. Et certè, si propositiones non essent immediatæ, tolleretur scientia. Nam quicquid causam habet suæ veritatis illud non scitur, nisi per causam illam demonstretur. Si igitur principia demonstrationis per alia principia demonstrari possent, ista pariter per alia, & sic porro, daretur progressus in infinitum, qui pugnat cum natura scientiæ. Cæterum cum dicimus propositiones demonstrationis non posse demonstrari, id de demonstratione *τῆς δὲ ὁρί* intelligendum est. Sequenti enim capite docebimus, eas demonstratione *τῆς ὁρί* innotescere posse.

IV. *He due conditiones requiruntur in maiore necessario: minore, dummodo vera sit, non necesse est necessariam, aut immediatam esse.*

Set. 1. Major propositio constat affectione & illius causâ proximâ, quæ non solum reciprocantur inter se, sed etiam necessario ac immediatè cohærent: ac minor conflata est ex affectionis causa & subjecto, quæ non necesse est tam arctè cohære, ut propositionem necessariam, reciprocam, atque immediatam constituent; cum affectionis, non subjecti quæratur scientia.

2. Minor non est necessaria, nedum ut sit reciproca, ac *καθόλου προσητον*, cum medium demonstrationis est causa efficiens externa prædicati. Ex. gr. *Quod radiis solis, objectâ terrâ, nequit illustrari, id patitur defectum luminis à sole accepti: Luna radiis solis, objectâ terrâ, nequit illustrari: Ergò, &c.* In hac demonstratione minor nullum habet gradum necessitatis, cum non sit perpetua. In demonstrationibus à causa efficiente interna, aut à causa finali, minor semper quidem necessaria est, sed tamen non semper reciproca est: quia sæpe subjectum proximum, ac reciprocum non habet nomen. Ex. gr. *Omnis planta, cuius humor in pediculis foliorum congelatur, defrondescit: Humor vitis congelatur: Ergò, &c.* Hujus demonstrationis minor non est reciproca, quia non soli viti contingit ista humoris congelatio. Sed id propterea fit, quia non est proprium nomen, quo significantur omnes & solæ plantæ, quibus humoris congelatio, & fluxus foliorum accidit. Ob eandem causam fit, ut etiam conclusio

clusio non sit reciproca. Vide lib. 1. Post. cap. 5. & lib. 2. cap. 16.

3. Minor non est immediata, cum causa proxima prædicati priorem causam habet, per quam demonstrari potest. In omnibus enim causis, quæ demonstrationem ingrediuntur, quædam series ac subordinatio est, ita ut posterior quæque sit effectum præcedentis. Quoties ergo effectum aliquod per ejusmodi causam demonstratur, quæ prioris causæ effectum est, minor necessariò debet esse mediata. At tum minor ista in priorem causam resolvenda est, & sic porro, donec ad primam causam istius seriei perveniatur, quæ demonstrationem constituat ex utraque propositione immediata. Hæc demonstratio cæterarum omnium fundamentum est, quæ sunt ejusdem seriei. Itaq; in docenda scientia, à prima demonstratione progrediendum est ad sequentes, ordine synthetico: & tum minor mediata, censetur quasi immediata, quia jam antè demonstrata est. Propositio enim demonstrata non minùs apta est ad pariendam scientiam, quàm propositio immediata atque indemonstrabilis. Si quis tamen incidit in demonstrationem, cujus minor est mediata, ei ordine analytico progrediendum erit, versùs demonstrationem primam ac fundamentalem: hec priùs scientiam affecutus, quàm ad primam causam pervenerit: in hac enim acquiescit animus. Addamus exempla, ut res melius intelligatur: *Quod trinà dimensione præditum est, non admittit aliud corpus secum simul in eodem loco: Omne corpus præditum est trinà dimensione: Ergò, &c.* Hujus syllogismi minor demonstrari potest hoc modo: *Quod constat ex materiâ & formâ, est præditum trinà dimensione: Omne corpus constat materiâ & formâ: Ergò omne corpus, &c.* Hujus demonstrationis minor æquæ ac major immediata est, quia constare materiâ & formâ est definitio corporis.

4. Similis series est in demonstrationibus à causa finali, in quæ subordinatus finis per ulteriorem demonstratur, donec ad ultimum finem in unoquoque genere perveniatur, in quo animus acquiescit. Ex. gr. *Animal habet pulmones, ut respiret: respirat ad cordis refrigerium: cor refrigeratur, ut servetur temperies caloris: temperies caloris servanda est, ut animalis vita conservetur.* Si hæ demonstrationes in forma proponantur, omnes, exceptâ ultimâ, habebunt minorem mediatam: ultima, cæterarum fundamentum est.

5. Interdum fit, ut demonstrationes à causa efficiente resolvi nequeant in propositiones immediatas, nisi demonstrationes à causa finali commisceantur cum demonstrationibus ab efficiente causa. Ex. gr. *Homo est acutissimi tactus, quia est cutis tenerrima: Est cutis tenerrima, quia habet copiosos & elaboratos spiritus animales: Habet copiosos & elaboratos spiritus animales, quia habet cerebrum (spirituum animalium officinam) amplissimam.* Hactenus causæ efficientes. *Hominem habere perfectissimum & amplissimum cerebrum, demonstrandum est à fine, nimirum, quia debuit ratiocinari: Hominem debere ratiocinari, demonstratur iterum à causa efficiente, nempe, quia est animal rationale.* Hic jam quiescimus, quia minor est definitio hominis, ac proinde immediata atque indemonstrabilis.

V. *Conditiones principiorum ad conclusionem relatæ sunt tres: primò requiritur, ut sint causæ conclusionis; secundò, ut sint priora; tertid, ut sint notiora conclusionem.*

VI. *Hæ conditiones requiruntur in utraque propositione.*

*Scilicet. 1. Ut se habet medium demonstrationis ad affectionem demonstrandam, ita se habent principia, sive præmissa, ad conclusionem. Quare, sicuti medium est causa, cur affectio sit; ita principia causæ sunt, non solum cur conclusio cognoscatur, (hoc enim sensu principia in omni syllogismo causæ sunt) sed etiam cur vera sit. Et sicuti medium prius est affectione, non tempore, sed naturâ; ita quoque obinent principia veritatem, non tempore, sed naturâ priorem veritate conclusionis. Denique sicuti medium notius est affectione, non quoad nos & cognitionem confusâ, sed quoad naturam & cognitionem distinctâ; ita quoque principia notiora sunt conclusionem. Quia enim conclusionem pleno mentis assensu amplectimur propter principia, ipsis principiis magis assentiri necesse est: quia propter quod unumquodque est tale, illud magis est tales; ut docet Aristoteles, lib. 1. Post. cap. 2.*

VII. *Cum principia demonstrationis omnes hæc conditiones obtineant, sunt omnia ad demonstrationem, hoc est, propria ei rei quæ demonstratur.*

VIII. *Principia dicuntur propria rei demonstratæ cum neque heterogenea sunt sive aliena, neque communia.*

*Scilicet. 1. Hoc corollarium de proprietate principiorum ex conditionibus colligitur lib. 2. Post. cap. 2. & explicatur partim cap. 7. ubi docetur, principia non debere esse homogenea; partim cap. 9. ubi ostenditur, ea non posse esse communia. Caterum heterogenea dicuntur principia, quæ ex alia scientia sunt petita: veluti si quis ad probandas quæstiones Physicas, adhiberet principia Mathematica, aut ad probandas quæstiones Geometricas, principia Arithmetica. Atqui hoc est impossibile, ut dicitur in 1. Metaph. 1. 1. hoc est, non licet ex alio genere in aliud transire demonstrare, sive, non licet ex una scientia in aliam transire demonstranti: nimirum, quia medium tertio, hoc est, subiecto, & primum, hoc est, prædicatum, medio per se convenire debet, ut dicitur cap. 6. ejusdem libri: quod fieri non posset, si conclusio & principia non essent ejusdem generis, sive subiecti, hoc est, si non essent ejusdem scientiæ. Una enim scientia dicitur, quæ est unius generis, sive subiecti, ut constat ex cap. 28. ejusdem libri.*

2. Si tamen una scientia alteri subalternata est, ut Musica Arithmeticæ, aut Optica Geometricæ, quæstiones scientiæ inferioris demonstrandæ sunt per principia scientiæ superioris. Nec tamen hæc est mutatio, ut dicitur in 1. Metaph. 1. 1. quia scientia subalternata aliquo modo idem subiectum habet cum scientia superiori: ac proinde non censentur scientiæ diversæ. Dixi aliquo modo: quia scientia subalternata considerat subiectum scientiæ superioris cum aliqua qualitate sensibili, quæ tamen ad formalem rationem subiecti non pertinet. Hinc fit, ut affectiones quidem utriusque diversæ sint: ac in cæteris consentiunt. Sic Arithmetica considerat numerum absolutè; Musi-



ca, quæ Arithmetice subalternata est, considerat numerum in sono. Similiter Geometria considerat magnitudinem absolutè; Optica, quæ illi subalternata est, considerat magnitudinem in colore, luce, aut umbra. Vide cap. 7. libri citati.

3. Principia communia sunt, quæ possunt pluribus scientiis accommodari. Hujusmodi principia non generant scientiam, quia continent medium, quod cum partibus quæstionis non cohæret per se, sed tantum per accidens. Atqui unumquodque tum demum verè scimus, cum illud scimus καὶ ἐν αὐτῷ, καὶ ὁ ὅτι ἀπὸ τοῦ, hoc est, eatenus quatenus inest subjecto, idq; ἐν τῷ ἀπὸ τοῦ ἐν αὐτῷ, ὅ ἐν αὐτῷ, hoc est, ex principiis, quæ illius, quæ illud ipsum est, principia sunt, ut loquitur Aristot. cap. 9. libri citati. Id autem, quod ex rationibus communibus cognoscimus, ex accidenti tantum scimus. Non est autem putandum, principia scientiarum esse communia, quæ, cum sint scientiæ superioris, adhibentur scientiæ subalternatæ: quia scientia subalternata (ut modò dictum est) non censetur diversa à scientia subalternante.

IX. Principia dividuntur in axiomata & theses.

X. Axioma est principium, cujus veritas, cognita significatione vocabulorum, à nemine potest ignorari.

XI. Thesis est principium, cujus veritas non ex sola vocabulorum significatione cognita, sed ex sensuum judicio, aut qualicunque declaratione innotescit.

XII. Estque vel definitio vel hypothesis.

XIII. Definitio est, quæ quid res sit; hypothesis, quæ an sit, aut non sit, enunciamus.

Sec. 1. Hæc principiorum divisio petita est ex lib. 1. Post. cap. 2. & 10. Unde autem dictum sit axioma, dictum est lib. 1. cap. 27. Thesis interdum sumitur pro omni propositione, quæ in utramq; partem proponitur disputanda, ut lib. 8. Top. cap. 4. & 5. Interdum pro sententia paradoxa nobilis alicujus Philosophi, lib. 1. Top. cap. 1. In Rhetoricis sumitur thesis pro quæstione infinita: hoc loco, pro specie propositionis immediatæ.

2. Aristoteles cap. 10. libri citati definit axioma, ὅ ἀνάγκη εἶναι ἀληθὲς καὶ δοξάζειν ἀνδράσιν hoc est, Quod necesse est esse verum per se, & videri necesse est. Atq; quod necesse est esse verum, hoc est, quod est, ἀντίστοιχον, sive quod non habet causam iuxta veritatis, quæ demonstrari possit. Atque hoc est axiomatibus cum thesibus commune. Addit, & videri necesse est, hoc est, à nemine rationis compote negari potest serio atque ex animo. Erit fortè, qui axioma neget potius, quam fateatur se vidum esse: sed non inveniatur quispiam, qui, modò sit rationis compos, ea neget animo suo ac mente. Exempla axiomatum hæc sunt, Nihil potest simul esse, & non esse: Totum est majus sua parte: Quæ eidem æqualia sunt, ea inter se quoque æqualia sunt: Si ab æqualibus auferantur æqualia, reliqua erunt æqualia. Harum propositionum tanta est evidentia, ut cognita significatione vocabulorum quibus efferuntur, non possit eorum veritas ignorari. Qui enim novit quid significet totum, quid pars, quid majus



maius esse, fieri non potest, ut is ignoret totum esse majus sua parte.

3. Atque hæc in re differunt axiomata à thesibus. Ad theses enim cognoscendas, præter cognitam significationem terminorum, requiritur etiam sensuum judicium, & interdum aliqua præceptoris declaratio. Definitionum exempla ex unaquaq; disciplina peti possunt. Ex Physicâ; Corpus naturale est, quod constat materiâ & formâ: Principia sunt, quæ neque ex aliis fiunt, neq; ex se invicem, & ex quibus fiunt omnia; Natura est principium & causa motus & quietis ejus in quo est, primò, per se, & non per accidens, &c. Ex Geometria; Punctum est, cujus pars nulla est. Linea est longitudo longitudinis expers: Linea recta quæ ex æquo sua interjacet puncta, &c. Hypotheses in Physica sunt; Esse corpus naturale, cælum, animam, &c. In Arithmetica; Dari unitatem: Non dari maximū numerum, &c. In Geometria; Dari lineam: A quolibet puncto ad quodlibet punctum duci posse rectam lineam, &c. Hæc omnia talia sunt, ut quamvis non indigeant demonstratione, non tamen ex sola terminorum significatione cognita, si nihil aliud accedat, intelligantur esse vera. Etsi enim aliquis noverit, quid nomine corporis significetur; non propterea tamen sciet, omne corpus ex materiâ & formâ constare: imò ne quidem, an sit corpus naturale, si sensuum non juvetur judicio.

4. Hinc est, quòd necesse sit, axiomata teneri ab eo, qui scientiam aliquam addiscere vult, antequam ad præceptorem accedat; theses teneri, non sit necesse. Hæc enim in limine scientiarum exprimi ferè solent. Et definitiones quidem semper exprimuntur: hypothesis, si sensuum judicio notæ sint, exprimi non est necesse.

5. Etsi autem tanta sit axiomatum evidentia, ut ignorari nequeant, non tamen putandum est, eorum notiones (*νομάς ἐνοίας*: Græci vocant) nobis nascentibus insitas esse, (anima enim nascentis, teste Philosopho lib. 3. de An. cap. 4. est tabula, ἡ μὲν ἐν ἡμῶν ὀφθαλμοῖς ἄγραφοις, id est, cui nihil actû inscriptum est) sed ex singularibus sensu cognitis colligi à naturali facultate: ut demonstratur cap. ult. lib. 2. Post.

6. Præterea notandum est, axiomata ferè esse universaliora thesibus, & pluribus scientiis communia; cùm theses propriæ sint unicuique scientiæ: ideòq; axiomatum considerationem ad Metaphysicam spectare, & in solis demonstrationibus Metaphysicis adhiberi posse, ut partes; cæterarum scientiarum demonstrationibus fulciendis inservire, ut instrumenta quædam externa: ac ne tum quidem accipi universaliter, sed quantum sufficit, hoc est, coarctata ad scientiæ propriæ subiectum. Quæ accuratè explicantur ab Aristotele lib. 1. Post. cap. 10 & lib. 3. Metaph. cap. 3. Ex gr. hoc axioma, Quæ eidem equalia sunt, ea inter se equalia sunt, commune est Arithmeticæ & Geometriæ; utraque eo utitur, sed in proprio subiecto. Geometria dicitur, Magnitudines, quæ eidem equalia sunt, inter se equalia sunt: Arithmeticus, Numeri, qui eidem equalia sunt, &c.

XIV. Cùm ad prædictas leges conformata est demonstratio, non solum probat affectionem inesse subiecto suo, sed etiâ explicat, quid illa sit, ejusque perfectam definitionem continet.

Scilicet, 1.

*Señ. 1.* Demonstratio  $\tau\epsilon\ \delta\iota\sigma\tau\iota\ \theta\iota\sigma\tau\epsilon\ \tau\epsilon\ \epsilon\pi\alpha\nu$ , hoc est, situ terminorum, aut casu differt à perfecta definitione affectionis demonstranda, ut ostendit Aristoteles lib. 2. *Post. cap. 10.* Affectionis enim perfecta definitio constat genere, subjecto, & causâ proximâ. Subjectum & causa semper exprimuntur in demonstratione: genus vel exprimitur (nam interdum pro nomine affectionis ponitur genus) vel saltem præcognoscitur. Nam ante demonstrationem, affectionis nomen, ejusque significatio debet esse præcognita. Continet ergò demonstratio ea omnia quæ ad definitionem perfectam necessaria sunt, sed inverso ordine. Demonstratio enim sic proponitur, *Terra interposita est inter solem & lunam: ergò luna patitur eclipsin, aut deliquium luminis à sole accepti.* Definitio proponitur hoc modo; *Eclipsis est deliquium luminis à sole accepti in luna, propter terram inter solem & lunam interpositam.* Ex quo sequitur, demonstrationem non solum efficere scientiam ejus rei quæ demonstratur, sed etiam intelligentiam. Scientiam efficit, quatenus probat; intelligentiam, quatenus definitionem continet rei demonstratæ.

## C A P. XXIV.

De Demonstratione  $\tau\epsilon\ \delta\iota\sigma\tau\iota$ , deque Regressu.

## THEOREMA I.

**D**emonstratio  $\tau\epsilon\ \delta\iota\sigma\tau\iota$  alia est ab effectu, alia à causa remota :

II. Quamquam illa colligit causam ex effectu sensibili, hæc colligit effectum ex causa remota.

## COMMENTARIUS.

*Señ. 1.* Demonstratio (ut suprà dictum est) est genus æquivocum, sive ex eorum numero quæ speciebus communicantur inæqualiter. Etenim demonstratio  $\tau\epsilon\ \delta\iota\sigma\tau\iota$  in suo genere perfecta est, & perfectâ generat scientiam; demonstratio  $\tau\epsilon\ \delta\iota\sigma\tau\iota$ , imperfecta: quippe oritur ex defectu quorundam conditionum, quas diximus ad demonstrationem  $\tau\epsilon\ \delta\iota\sigma\tau\iota$  necessariò requiri. Quinque conditiones suprà recensuimus, quæ in principiis ac propositionibus demonstrationis  $\tau\epsilon\ \delta\iota\sigma\tau\iota$  requiruntur: ut sint necessariò veræ, immediatæ, causæ conclusionis, priores, & notiores. Ex his, quædam penitus inseparabiles sunt à demonstratione. Si enim propositiones non sint necessariò veræ, notiores conclusioni, & causæ cognoscendi conclusionem, demonstratio erit inutilis, & nomen demonstrationis nullo merebitur modo. Reliquæ conditiones si absint, non efficitur, ut demonstratio non sit demonstratio, sed ut si: demonstratio secundaria. Si enim principia sint immediata, & non sint tamen causæ

illius rei quæ demonstratur, & priora conclusione, efficitur demonstratio ab effectu. Si sint causæ rei demonstratæ, sive conclusionis, non tamen immediatæ, efficitur demonstratio à causa remota. Ex gr. si quis solito seriùs experrectus, videt parietes cubilis sui à sole collustrari, illicò colligit solem jamdudum supra horizontem esse: hæc est demonstratio *τῷ ὄντι* à signo, sive ab effectu sensibili. Talis etiam est hæc demonstratio, Luna illuminatur per incrementa sphaerica; ergò est rotunda: Plantæ crescunt, & emittunt folia; ergò vivunt: Pulsus arteriarum in agro est inequalis; ergò laborat febris, &c. Exemplum demonstrationis à causa remota; Plantæ non habent animam sensitivam; ergò non respirant. Anima enim sensitiva est causa remota respirationis; pulmones sunt causa proxima. Tale est illud Anacharsidis, qui interrogatus, cur in Scythia non essent tibicinz, sicut in Græcia, respondit, Quia ibi non sunt vites. Nempe hoc volebat, tibicinas esse ex ebrietate: apud Scythas autem neminem sese inebriare, quia illíc non est vinum; & non esse vinum, quia non sunt vites.

III. Demonstratio ab effectu potest esse affirmata & negata: demonstratio à causa remota semper est negata, concluditurque in secunda figura in camestres.

Sec. 1. Hæc ab Aristotele præcipiuntur lib. 1. Post. cap. 10. Ratio præcepti est, quòd effectus reciprocetur cum causa proxima; ideòque posito effectu, ponitur causa proxima, eòque sublato, tollitur: At causâ remotâ sublata, tollitur quidem effectum; at eâ posita, non est necesse effectum poni: quia non reciprocantur. Itaque sicuti colligimus, plantas vivere, quia crescunt & nutriuntur; ita colligi potest, lapides non vivere, quia neque crescunt, neque nutriuntur. Et sicuti ex inæquali & concitato pulsu arteriarum, colligitur febris; ita ex pulsu æquali & sedato, colligitur *ἀνσιμία*, hoc est, immunitas à febre. Sed non sequitur, omne animal respirare, quia habet animam sensitivam; etsi sequatur, nullam plantam respirare, quia non habet animam sensitivam.

2. Ob hanc causam non potest demonstratio à causa remota numerari inter demonstrationes *τῷ ὄντι*, ut quidam volunt, quia non solvit quætionem cur res sit, cùm non afferat eam causam in qua possit animus acquiescere. Si enim non habere animam sensitivam, esset proxima causa cur plantæ non respirent, habere animam sensitivam, esset causa proxima respirationis. Si enim negatio est causa negationis, ut supra diximus, affirmatio erit causa affirmationis. Jam habere animam sensitivam, non est causa proxima respirationis, quia non omne animal respirat.

3. Ex duabus hisce speciebus demonstrationis *τῷ ὄντι*, ea quæ ab effectu est, non parùm nobilior est demonstratione à causa remota. Nam primò, magis necessarias habet propositiones, cùm ex iisdem terminis contextatur ex quibus constat demonstratio *τῷ ὄντι*. Secundò, generat scientiam non simpliciter, sed in suo genere perfectam. Nam causa aliâ ratione sciri non potest, quàm eâ, quæ ex effectu

effectu demonstratur. Tertiò; formatur in prima figura, potestque esse affirmata. Demonstratio à causa remota, cum constet propositionibus minùs necessariis & non immediatis, neque scientiam generat in suo genere perfectam, in qua possit mens acquiescere, neque formari potest in prima figura. Utraque tamen tam perfecta est, ut sufficiat ad generandam scientiam, quâ cognoscimus rem esse aut non esse.

IV. Postquam ex sensibili effecto, esse causam deprehensum est, instituitur comparatio illius cause cum effecto: & simul ac mens suâ sagacitate comperit, causam illam esse causam hujus effecti, sit regressus à causa ad effectum, per demonstrationem *in diòti*.

Señ. 1. Interdum effectum esse, ignotum est; esse causam, notum; & tum statim adhibetur demonstratio *in diòti*: quemadmodum videre est in multis demonstrationibus Mathematicis. Interdum effectum in sensu incurrit, & causa ignota est: & tum primùm ex effecto causa, deinde ex causa effectum demonstrandū est. Hæc demonstrandi ratio à Latinis Philosophis *regressus* appellatus est. Regressus ergo constat tribus partibus: prima est demonstratio *in diòti*, colligens causam esse ex sensibili effecto: secunda est mentis quædam commentatio, quâ, comparando causam cum effecto, comperit eam esse causam propositi effecti. Nam ex sensibili effecto nihil aliud colligitur, quàm causam esse, quæ est confusa causæ cognitio. Ut autem ex causa colligi effectum possit, demonstratione *in diòti*; ipsa causa debet distinctè cognosci. Causa dicitur distinctè cognosci, cum cognoscitur eam esse causam hujus aut illius effecti. Siquis enim ex inæquali & concitato pulsu colligit aliquem laborare febri, is nondum novit febrem causam esse inæqualis & concitati pulsus. Non enim necesse est, ut, si duo perpetuò connexa sint, eorum alterum sit causa alterius; cum duo effecta ejusdem causæ possint esse perpetuò connexa, ut inæqualitas pulsus, & sitis, aut tale quid, in febri. Cum jam mens comperit causam ex effecto demonstratam, esse causam illius effecti, formatur demonstratio *in diòti*: atque hæc est tertia pars regressus.

2. Quòd autem causa ex effecto demonstrata, sit causa illius effecti, id nullâ aliâ ratione, quàm sensu, cognoscitur in rebus similibus, aut contrariis. Similium enim effectorum, similes; contrariorum, contrarias esse causas necesse est. Ex. gr. si quis deprehendit in eclipsi lunæ terram inter solem & lunam interponi, & tamen ignoret interpositionem terræ causam esse eclipses; is observet corpus opacum inter eandem & parietem constitutum, suo objectu umbram in pariete efficere; & facillè intelliget, terram efficere, nè luna à sole illuminetur, cum inter utrumque interposita est.

3. Hæ tres partes naturâ semper distinctæ sunt, sed non semper tempore. Interdum enim fit, ut causa cum primùm invenitur, absq; ullo temporis intervallo, distinctè cognoscatur, idque vel propter illius evidentiam, vel propter ingenii nostri perspicacitatem. Ex. gr. si quis ex fumo colligat esse ignem, statim etiam intelligit, cur fumus sit: non quidem ex eadem illa demonstratione *in diòti*,

sed ex alia demonstratione *ἢ διότι*, quam mens format, aut nullos autem exiguo tempore interposito, ut eodem momento fieri videatur.

4. Non est autem ut aliquis existimet, regressum esse circulum, quem Aristoteles solidè refellit *lib. 1. Post. cap. 3.* Magnum enim inter regressum & circulum discrimen est. Nam in circulo sunt tres partes: in prima demonstratur proposita quaestio: in secunda demonstratur maior ex conclusione loco majoris posita, & minore conversa: in tertia probatur minor ex conclusione loco minoris posita, & conversa maiore. In regressu maior non demonstratur, sed tantum minor, idque ex maiore primæ demonstrationis conversa, & conclusione loco minoris posita. Præterea in circulo omnis progressio est à causa ad effectum: at in regressu prius proceditur ab effectu ad causam, deinde à causa ad effectum. Denique in circulo idem est principium & finis. Quicquid enim in secundo & tertio syllogismo demonstratur, id in primo erat distinctè cognitum. At in regressu prius proceditur ab effectu confuse cognito, ad causam confuse cognoscendam: deinde à causa distinctè cognita, ad effectum distinctè cognoscendum. In circulo ergo idem erit prius & posterius, notius & ignotius, & quidem eodem cognitionis genere: Imò idem probabitur per seipsum. Si enim A probetur per B, & B per C, & C per A; certè A probatur per A. At in regressu hæc absurda non habent locum.

5. Regressus maximum habet usum in Physica, quæ magnam partem versatur circa sensibiles effectus, quorum ignotæ sunt causæ. Horum causæ primùm investigandæ sunt ex effectis. deinde inventarum causarum cognitione, derivanda est perfecta & distincta cognitio effectuum, quæ non solum cognoscimus effecta esse (hoc enim sensus dijudicant) sed etiam cur sint, & quid sint, quod ulterius mens nostra progredi non potest. Atque hæc de syllogismo vero.

## CAP. XXV.

## De Sophismate.

## THEOREMA I.

**S**equitur syllogismus amantius, sive fallax, qui speciem unius syllogismi mentiens, errorem gignit, sive ignorantiam præcedit dispositionis.

## COMMENTARIUS.

*Señ. 1.* Ignorantia, teste Aristotele *lib. 1. Post. cap. 16.* duplex est: altera *ἡ ἐν ἀπορίᾳ*, hoc est, secundum negationem: altera *ἡ διὰ τὴν ἀπορίαν*

*διὰ θέναι*, hoc est, secundum dispositionem. Illa contingit animo, *καὶ μὴ ἔχειν*, hoc est, quia nullam habet; hæc *καὶ παύλας ἔχειν τὴν ὁδόν*, hoc est, quia pravam habet opinionem; ut docet Aristot. cap. 12. lib. citati. Illa opponitur scientiæ, omnique veræ existimationi, ut privatio habitui; hæc, ut contrarium contrario.

2. Præcepta de fallaci syllogismo in Logica sunt perquam necessaria, non ut iis instructi alios decipiamus, sed ut ab aliis non decipiamur. Quia enim *ὁ ἐστὶ λυσιγνώστου τῶν ἀσφαδῶν*, hoc est, solvere non potest nodum, qui eum ignorat, lib. 2. Metaph. cap. 1. non est censendus bonus Logicus, nisi is, qui fallere potest, sed non vult. *Ὁ γὰρ σοφιστὴς καὶ ἐν τῇ δυνάμει, ἀλλ' ἐν τῇ ἀρετῇ ἄσφαδῶν*, hoc est, Sophista non est, qui potest, sed qui vult fallere, lib. 1. Rhet. cap. 1. Atque isthoc modo agit Medicus de veneno, Ethicus de vitiiis, Jurisconsultus de injuriâ. Neque verò ad illud solum conducit hæc doctrina, ut non ab aliis, sed etiam, ut non decipiamur à nobis ipsis. *Ὁ γὰρ ὅς ἐστι ἰατρός, παραλογίζεται ἑαυτὸν, καὶ τὸ μὴ αἰσθάνεσθαι, καὶ αὐτὸς ἐπ' αὐτὸ πάθος ποιεῖται*, hoc est, Qui enim ab aliis facile decipitur paralogizatur, nec id animadvertit, ipse quoque hoc à semetipso pari sepe potest, cap. 1. Soph. elench.

3. At rectum (inquiunt, qui fallacis syllogismi doctrinam ad Logicam pertinere negant) & sui, & obliqui norma est; unumque oppositorum sufficit *ἰαυτῷ τε κρῖναι καὶ τὸν ἀνταρῶνα*, hoc est, ad semetipsum & oppositum discernendum, lib. 1. An. cap. 1. Ex quo scilicet qui putant, sufficere præcepta de vero syllogismo ad fucum fallacis syllogismi detegendum, & hanc doctrinam in Logica superfluum esse. Sed non ita est. Nam rectum tum demum obliqui norma est, cum obliquum, ut obliquum est, recto opponitur: & unius oppositi cognitio tum demum sufficit ad utrumque discernendum, cum oppositum, ut oppositum est, cum opposito componitur. At cum obliquum induit speciem recti, aut cum oppositum induit speciem alterius oppositi; non sufficit qualiscunque recti cognitio ad obliquum ab illo discernendum, nec cognitio unius oppositi, ad intelligendum discrimen utriusque. Jam syllogismus fallax non solum vitiosus est, sed ementitur etiam similitudinem boni syllogismi: ac proinde, non sufficiunt præcepta hæcenus de syllogismo tradita, ad rechas & dolos Sophistarum intelligendos. Quid, quod satis non sit, vitium fallacis syllogismi agnovisse; species præterea detrahenda est veri syllogismi, & apertè demonstrandum, ex qua fallaciarum theca fucus petitus est, quem Sophista vitioso syllogismo illeverat.

II. Syllogismus fallax vel est *sophisma*, vel *ἁδωδολογημα*.

III. Sophisma est, quod ementitur speciem syllogismi dialectici.

IV. ἁδωδολογημα, quod ementitur speciem syllogismi apodictici.

Seft. 1. Quot modis dicitur unum oppositorum, tot modis dicitur & alterum. Quare, cum verus syllogismus sit duplex, etiam fallacem syllogismum necesse est esse duplicem. De pseudographemate nihil præcipiendum est hoc loco. Nam sicuti veritas admodum evi-



dens est in propositionibus necessariis & immediatis: ita difficile est conditiones & speciem demonstrationis ita rectè mentiri, ut alicui imponi possit, qui in arte demonstrandi mediocriter versatus sit. Sophismatum fraus occultior est, & detestanda difficilior. Quare de his pluribus agendum.

2. Nomen Sophistæ origine suâ honorificum fuit. Antiquitus enim quilibet artifex, teste Suidâ, sophista dicebatur; & speciatim Medicis, Jurisconsultis, Theologis, Musicis, Poetis, & imprimis Philosophis, illa appellatio tribuebatur: quemadmodum illud prolixè probat Vir Cl. Gérardus Vossius cap. 1. de Nat. Rhet. Dicitur autem sophista *σοφιστής*, hoc est, sapientiam docere: quia Philosophi plerique hoc agebant, non solum ut ipsi saperent, sed etiam ut alios sapientes efficerent. Postquam ii, qui pro sapientiæ magistris sese venditabant, coeperunt animum & professionem suam ad quæstum convertere, nomen Sophistæ quoque versum est in contumeliâ: & sophista dictus est, qui vasis quibusdam quæstiunculis sapientem imitaretur, & verborum præstigiis aliis illuderet, atque hanc artem discipulos suos lucri causâ doceret. Atque hoc patet ex Aristotele, qui sui temporis sophistas appellat *χηματιστὰς* *σοφίας*, hoc est, qui quæstum captant ex ea, quæ videtur esse sapientia, nec est tamen; & Sophisticam, *χειροποιήτων σοφίας*, hoc est, quæ videtur esse sapientia, revera non est. Vide cap. 1. Soph. elench. Sicut autem sophistæ non tam hoc agebant, ut sapientes essent, quàm ut sapientes esse viderentur; ita quoque utebantur argumentationibus, quæ speciem præ se ferrent verorum syllogismorum, revera essent paralogismi.

3. Aristoteles inscribit hanc partem Logicæ *σοφιστικῶν ἐλέγχων*, hoc est, de sophisticis elenchis. Elenchus definitur, *συλλογισμὸς μετ' ἀντιφάσεις ἢ συμπαρασχεματισμῶν*, hoc est, syllogismus cum contradictione conclusionis, nempe ab alio assertæ & defensæ. Etenim duo munera sunt sapientiæ professoris: veritatem docere, & errorem præconceptum profligare sive redarguere. Atque hoc posterius Græcis est *ἐλέγχειν* & argumentationes, quibus error redarguitur, dicuntur *ἐλέγχοι*. Jam verò, quia Sophistis propositum erat aliis contradicere, eorumque opiniones convellere, idque *ἀδύνατον* *εἶναι* *χηματισμὸν*, hoc est, ut sapientiæ opinionem de se apud alios concitarent, quæ si bi ad quæstum prodesset, factum est, ut sophismata Elenchi sophistici dicerentur, hoc est, qui cum elenchi non sint, sed paralogismi, videntur tamen esse elenchi.



## CAP. XXVI.

De Sophismatibus, sive fallaciis  
in voce.

## THEOREMA I.

*Sophismata vel sunt in voce, vel in rebus.*

**S** II. *Sophismatum, quæ in voce consistunt, sunt sex loci, homonymia, amphibolia, compositio, divisio, prosodia sive accentus, & figura dictionis.*

## COMMENTARIUS.

*Seft. 1.* Hanc partitionem proponit Philosophus cap. 4. lib. cit. ubique explicat sophismata in vocibus sita; sequenti capite, quæ pertinent ad res ipsas. Nec mirum est in vocibus esse sitas fallacias. Omnes enim disputationes de rebus quidem fiunt; sed cum res ipsæ non possint in disputationibus adhiberi, adhibendæ sunt voces eo modo, quo calculi adhibentur in arte Logistica. Quare sicut ii, qui calculorum usum ignorant, faciliè circumveniuntur à peritis; ita quæ paralogismis facillimè capiuntur, qui usum vocabulorum ac significationem non satis accuratè callent, putantes rebus continuò convenire, quod vocibus convenit, aut contrà. Vide cap. 1. operis citati.

**III.** *Sophisma homonymiæ est, quod oritur ex unius dictionis ambiguitate.*

**IV.** *Hoc sophisma solvitur distinctione vocis ambiguae.*

*Seft. 1.* In syllogismo tres sunt termini: quapropter potest fallacia homonymiæ tripliciter contingere. Primò, cum medium ambiguum est; ut, *Finis rei est illius bonum: Mors est finis vitæ: Ergò mors est bonum vitæ.* Hæc fallacia solvitur distinctione finis. Finis enim in maiore sumitur pro causa; in minore, pro extremitate rei. secundò committitur fallacia homonymiæ, cum subiectum est ambiguum; ut, *Quantitas non est substantia: Corpus est quantitas: Ergò corpus non est substantia.* Hæc fallacia solvitur distinctione corporis. in minore enim intelligitur corpus Mathematicum; in conclusione, Physicum. Tertio struitur sophisma homonymiæ, cum prædicatum est ambiguum; ut, *Quod est rotundum, caret principio & fine: Mundus est rotundus: Ergò caret principio & fine.* Hoc sophisma solvitur distinguendo principium & finem. Nam in maiore intelligitur principium & finis magnitudinis; in conclusione, principium & finis temporis. Tale erat sophisma, quo utebatur ille, qui, cum triginta dierum pacis essent cum hoste induciæ, noctu populabatur agros, quòd dierum, non noctium essent pacis induciæ. Vide lib. 1. Cic. *Off.*

2. Huc videntur pertinere interrogationes captiosæ, *Desistne facere adulterium, an non? Habesne, quod non perdidisti, an non habes?* Sive enim aias, sive neges, hærebis in captione, propter homonymiam. Si enim te dicas desisse adulterium facere, confiteris te aliquando adulterium fecisse; quia fecimus aliquando, quod facere desimus. Sin neges te desisse facere adulterium, inferet Sophista, etiamnum refacere adulterium. Similiter, si affirmes te habere, quod non perdidisti, dicet Sophista, te habere cornua, quæ non perdidisti: sin neges, dicet te non habere oculos, quos etiam non perdidisti. Quare dicendum est, verbum *non desinere* esse ambiguum. Nam cum *desinere* dicatur, qui fecit aliquid, & non amplius facit, verbum *non desisse* sumi potest, vel pro *non fecisse*, vel pro *etiamnum facere*. Ac proinde *non desisse facere adulterium* dici poterit, & qui nunquam adulterium fecit, & qui etiamnum facere pergit. Similiter, *non perdidisse* dici potest aliquis, & quod nunquam habuit, ut cornua; & quod etiamnum habet, ut oculos: quia *perdidisse* dicitur, qui aliquid habuit, & non amplius habet. Vide A. Gell. lib. 16. Noct. Att. cap. 2.

V. Sophisma amphibolæ est, quod oritur ex ambiguo sensu orationis, cujus singula dictiones per se homonymiæ carent.

VI. Hoc Sophisma solvitur distinctione orationis ambiguae.

Señt. 1. Fallacia amphibolæ struitur bifariam: primo, cum ipsa orationis syntaxis est ambigua; ut, *Quid quis videt, illud ipsum videt.* Aliquis videt arborem? Ergo arbor ipsa videt. Hæc fallacia solvitur distinctione ambiguae orationis, *illud ipsum videt.* Nam illud ipsum vel potest esse nominativus, & tum major erit falsa; vel accusativus, & tum vera quidem erit major, sed tamen ex illa non sequetur hæc conclusio, *Ergo arbor ipsa videt*, quia syllogismus haberet quatuor terminos. Hujus generis etiam est hæc captio; *Qui sunt domini sui, sunt sui juris: Servi sunt domini sui: Ergo servi sunt sui juris.* Ambiguitas enim est in vocibus domini sui, quæ in majori sunt numeri pluralis; in minori singularis. Similis ambiguitas est in hisce enunciatis, *Socrus oderunt nurus; Rumor est uxorem habere te;* Aio te *Æacida* Romanos vincere posse.

2. Committitur etiam fallaciæ amphibolæ, quando ipsum sermonis genus, sive phrasis, patit ambiguitatem & incertitudinem sententiæ; ut, *Qui librum in lucem mittit, vult eum ab omnibus legi: Qui librum in ignem conjicit, mittit librum in lucem:* Ergo, qui librum in ignem conjicit, vult eum ab omnibus legi. Hæc fallacia solvitur distinctione phrasis mittere in lucem; quæ in majori significat edere; in minori, cremare. Talis est eorum captio, qui mortuorum invocationem colligunt, ex eo, quod Jacob Patriarcha, in posteritatis suæ benedictione, cum de Josephi liberis loquitur, inter cætera, sic ait Gen. 48. 16. *Et vocabitur nomen meum in istis pueris & nomen patrum meorum Abrahami & Isaac.* Nam vocari nomen Jacobi in filis Josephi, ex sanctæ linguæ idiotismo, nihil aliud est quam eos vocari de nomine Israelitas.

VII. *Sophisma compositionis est, quod oritur ex conjunctione eorum quæ dividenda sunt.*

VIII. *Sophisma divisionis contrarium est, quod oritur ex divisione eorum quæ conjungenda sunt.*

IX. *Hæc sophismata solvuntur distinctione diversorum sensuum quos habet oratio pro diversa partium compositione aut divisione.*

*Sec. 1.* Multa sunt divisim vera, quæ conjunctim falsa sunt; ut *sedentem stare posse*: multa contrà sunt conjunctim vera, quæ divisim falsa sunt; ut *Omnes peccatores penitentiam agentes, servabuntur.* Cum à divisim ad conjuncta instituitur argumentatio, committitur fallacia compositionis; cum à conjunctis ad divisim, fallacia divisionis. Utraque fallacia committi potest octo modis. Primò, in enunciationibus modalibus; ut *Possibile est sedentem stare.* Si enim participium *sedentem* conjungatur cum verbo *stare*, enuntiatio est falsa; si conjungatur cum modo *possibile*, enuntiatio est vera. Sedenti enim, etiam cum sedet, inest potentia sive facultas standi, sed non standi, quamdiu sedet.

2. Secundò, in enunciationibus, quarum partes conjunctione aliquâ Grammaticâ conjunguntur aut separantur; ut *Omne animal aut est rationale aut irrationale*: *Atqui non omne animal est rationale: Ergo omne animal est irrationale.* Hic fallaciæ causa est majoris divisionis. Major enim est vera, si conjunctim accipiat, & ut simplex enuntiatio, cujus attributum, *rationale aut irrationale*, sumitur tanquam unum quid. At si accipiat divisim, & ut enuntiatio composita, hoc modo, *Omne animal est rationale, aut omne animal est irrationale*, manifestò falsa est.

3. Terziò, cum in majore nota quantitatis accepta collectivè, aut distributivè in genera singulorum, sic usurpatur, ac si sumeretur distributivè in singula generum; ut *Omnes planetæ sunt septem: Sol & luna sunt planetæ: Ergo sol & luna sunt septem.* Hæc fallaciâ consistit in voce *omnis*, quæ si collectivè sumatur, major quidem erit vera sed minor falsa. Hæc enim debebat esse minor, *Sol & luna sunt omnes planetæ.* Si vox *omnis* sumatur distributivè, major erit falsa. Aliud exemplum; *Omne animal fuit in arca Noachi: Multa animalia diluvio perierunt: Ergo multa animalia, quæ diluvio perierunt, fuerunt in arca Noachi.* Hæc quoque fallacia sita est in voce *omnis*, quæ si de singulis generum accipiat, major falsa est; si de generibus singulorum, minor falsa erit. Nulla enim genera animalium perierunt, ex iis, quæ omnia in arca Noachi fuisse dicuntur.

4. Quartò, cum dictio aliqua vel cum antecedentibus, vel cum consequentibus conjungi potest; ut illud Menandri; *Εγώ σε ἔδωκα ἑλεύθερον ὄντα ἡλωθίην.* Hoc est, *Ego te feci servum existentem liberum.* Hæc enim enuntiatio bisariam interpungi potest; nempe, *ego te feci servum, existentem liberum*, hoc est, te redegei in servitutem, cum esses liber; vel, *ego te feci servum existentem, liberum*, hoc est, te liberali asserui mens.

5. Quintò,

5. Quintò, cum citatur locus alicujus auctoris aliquà parte diffimulatr. Hæc fallaciâ usus fuit diabolus *Matth. 4.* cum Christum sollicitaret ut se præcipitem de templi pinnis deiceret, adducto testimonio Davidis, hunc in modum; *Scriptum est, inquit, Angelis suis mandabit de te, & ipsi te attollent in manus, ne forte offendas ad lapidem pedem tuum.* Atqui scriptum est, *Angelis suis præcipiet de te ut te conservent, ambulantem in omnibus viis tuis,* hoc est, sequentem institutum vocationis tuæ: *ambabus manibus sustineant te, ne offendas ad lapidem pedem tuum,* *Psal. 92.*

6. Sextò, cum vox aliqua nunc divisim, nunc conjunctim accipitur; Ut *Omnis incuria meritò vituperatur: Senatus est in curia:* Ergò *Senatus meritò vituperatur.* Hæc fallacia locum habet in sermone potius quàm in scripto.

7. Septimò, cum de toto colligitur, quod de partibus dicitur; aut de partibus, quod dicitur de toto; ut *Duo & tria sunt par & impar: Quinque sunt duo & tria: Ergò quinque sunt par & impar.* Hæc est fallacia compositionis. *Quinque sunt unus numerus: Duo & tria sunt quinque: Ergò duo & tria sunt unus numerus.* Hæc est fallacia divisionis.

8. Octavò, cum conjunguntur, quæ seorsum prædicantur; aut cum dividuntur, quæ prædicantur conjunctim; ut *Hic canis est pater: Hic canis est tuus: Ergò est pater tuus.* Hæc est fallacia compositionis. Item, *Mycillus est bonus futor: Ergò est bonus.* Hæc est fallacia divisionis. Poteest etiam hæc fallacia revocari ad fallaciam à dicto simpliciter ad dictum secundum quid, aut contrâ. Nihil enim vetat in eadem captione plures fallaciarum causas concurrere.

X. *Sophisma accentûs* sive *prosodiæ* est, quod oritur ex scribendi pronuntiandive modo: sive, in quo pronuntiantur eodem modo, quæ diversimodè scribuntur; aut pronuntiantur diversimodè, quæ scribuntur eodem modo.

XI. Hoc *sophisma* solvitur, cum ostenditur, aut eodem modo pronuntiaciari, quæ scribuntur diversimodè; aut pronuntiaciari diversimodè, quæ scribuntur eodem modo.

Seft. 1. Vocabulum *prosodiæ*, sive *accentûs*, hoc loco generaliter usurpatur pro omni vocis varietate. Captiones hujus loci sunt duorum generum, ut ex proposita definitione perspicitur. Captiones primi generis sunt, in quibus descriptionis discernimen dissimulatur similitudine pronuntiationis. Illud fit trifariam: vel enim pronuntiantur eodem modo, quæ literis variant, vel quæ aspiratione differunt, vel quæ notis accentuum distinguuntur. Ex. gr. *Omnis equus est bestia: Omnis justus est equus: Ergò omnis justus est bestia.* Vel, *Quod incipit à se, non incipit à proximo: Caritas incipit à C: Ergò caritas non incipit à proximo.* Hæ captiones sunt in literis. Porro, *Omnis ara est in templo: Stabulum porcorum est bara: Ergò stabulum porcorum est in templo.* Hæ captio consistit in aspiratione. Denique, si quis confundat amare verbum, cum adverbio amare, captio erit

erit in notis accentuum. Hujusmodi captiones sunt in Græca lingua frequentissimæ; postquam cæperunt aspirationem & accentuum notæ vocibus adscribi; ut si quis confundat *Adæcano*, cum *Adæplaceo*; *ἐκτός sextus*, cum *ἐκτός extra*; *Θεὸς Dea*, cum *Θεὸς spectaculum*, &c. Antequam notæ aspirationum aut accentuum in usu essent, pertinebant ejusmodi captiones ad secundum genus.

2. Captiones secundi generis committuntur duobus modis: Primo, cum, quæ ironice scripta sunt, accipiuntur quasi serio; aut contra: veluti si quis servus ab irato hero laudari se putet, scribente, *Heus bone vir, curâsti probè!* Secundò, cum voces penultimâ longâ, accipiuntur ac si essent penultimâ brevi; veluti si quis *leporem* confundat cum *lepore*. Hæc fallacia se porrigebat olim ad omnes voces solâ quantitate differentes (quales sunt *malum* cum sumitur pro fructu, & *malum* cum opponitur bono; *populus* cum sumitur pro arbore, & *populus* cum sumitur pro hominum societate) quia veteres observabant discrimen quantitatis in cujuscunque syllabæ pronunciatione; cum id hodiè solùm in penultima syllabâ observetur.

XII. *Sophisma παρὰ τὸ ὅμοιον τῆς λέξεως*, propter figuram dictionis est, in quo ex dictionum similitudine colligitur eadem in accidentia, aut etiam significationem convenire.

XIII. Hoc *Sophisma* solvitur ostensâ diversitate accidentium, aut significationis, in vocabulis similibus.

Señ. 1. Aristoteles ait *sophisma à figura dictionis contingere*, ὅταν τὸ μὴ ταὐτὸν αἰεαύτως ἰσχυρίζεται, hoc est, quando quis, quod idem non est, interpretatur eodem modo; ejusque duos facit modos: Prior est, cum propter similem terminationem, judicamus genus, aliâque vocabulorum accidentia Grammatica, esse eadem. Ut si quis colligat *Poeta* esse fœminini generis, quia nota est fœminini generis; aut *Glycerium* esse neutrius generis, quia *delirium* est neutrius generis. Alter modus est, cum propter similem terminationem vocabulorum, judicamus res significatas esse ejusdem significationis aut categoriæ. Ut si quis diceret, *Urere*; *verberare*, *movere*, sunt actiones; ergo & *ardere*, *vapulare*, *quiescere*: aut *ingratitude* est qualitas, ergo & *longitudo*.

2. Huc pertinent *sophismata*, in quibus vocabula perperam junguntur cum nominibus, pronomibus, aut adverbis relationis, qualis, *quantus*, *qui*, *quæ*, *quod*, *ubi*, *quando*, *quot*, *quoties*, &c. ut *Quod emptum est in macello*, id appositum tibi est in cœna: *Carnes crudæ emptæ sunt in macello*: Ergo *carnes crudæ tibi appositæ sunt in cœna*. Hic fallacia in eo sita est, quod in minore assumatur qualitas cum substantia, cum quod ad solam rei substantiam referatur, non ad qualitatem. Item, *Quot digitos habet infans*, totidem habet *senex*: *Infans habet decem digitos exiguos*: Ergo *senex habet decem digitos exiguos*. Hic fallacia est, quia in minore assumitur quantitas continua cum discretâ, cum quot referatur ad solam quantitatem discretam.

discretam. Item, *Quod ego sum, tu non es: Ego sum homo: Ergo tu non es homo.* Hic fallacia est, quia in minore assumitur species, cum quod in majori denotet individuum. Et sic de cæteris.

## C A P. XXVII.

## De Sophismatibus sive fallaciis in rebus.

## THEOREMA I.

**S**ophismatum quæ in rebus consistunt, sunt septem loci: accidens, dictum simpliciter & dictum secundum quid, ignoratio elenchi, consequens, petitio ejus quod in questione est, non causa pro causa, & multiplex interrogatio.

II. Sophisma accidentis est, cum colligitur subiecto convenire, quicquid de prædicato dicitur.

III. Hoc sophisma solvitur, cum ostenditur, id quod de subiecto colligitur, per accidens de prædicato dici, aut ipsum prædicatum per accidens dici de subiecto.

## COMMENTARIUS.

Seç. 1. Aristoteles ait sophismata sive paralogismos παρὰ τὸ ἀπο-  
λέγειν, esse, ὅταν ὁμοίως ὀρίσῃ δέ τινος τὸ πρὸς μαρτυρίαν, καὶ τὸ ἀπολέγειν.  
Cuius ὁμοίωσις. Hoc est, cum quidvis postulatum fuerit æque  
rei, atque accidenti inesse; hoc est, cum, quod de prædicato dicitur,  
colligitur de subiecto. Ut hæc definitio intelligatur, notanda est re-  
gula Aristotelis, quæ extat cap. 3. lib. Categ. Cum alterum alteri at-  
tribuitur tanquam subiecto, quæcunque de attributo dicuntur, eadem  
dicuntur de subiecto. Hæc regula tum fallit, cum aliquid de attri-  
buto dicitur per accidens, aut cum ipsum attributum per accidens  
dicitur de subiecto suo: indèque struitur captio accidentis. Id ergo  
fit duobus modis: prior modus est, cum aliquid de attributo dicitur  
per accidens; ut *Homo est species: Socrates est homo: Ergo Socrates  
est species.* Hæc fallacia in eo est sita, quod esse speciem de homine  
dicatur per accidens, cum hominem esse dicatur de Socrate per se. Al-  
ter modus est, cum ipsum attributum de subiecto dicitur per acci-  
dens; ut *Mus rodit caseum: Mus est syllaba: Ergo syllaba rodit caseum.*  
Hic fallacia est, quia rodere caseum dicitur de mure per se; esse syl-  
labam, per accidens ac ratione nominis. Utrobique oritur fallacia  
ex mutata vocabuli acceptione, sive genere suppositionis, ut Scho-  
lastici loquuntur. Nam homo in maiore sumitur acceptione sim-  
plici; in minore, acceptione concretâ: & mus sumitur in maiore  
formaliter, sive pro re significata; in minore materialiter, sive  
pro ipsa voce.



IV. *Sophisma à dicto simpliciter est, cum ex eo quod simpliciter verum est, colligitur aliquid verum esse secundum quid. Contrà, sophisma à dicto secundum quid est, cum ex eo quod secundum quid verum est, colligitur aliquid simpliciter verum esse.*

V. Hoc *sophisma solvitur ostenso discrimine ejus, quod simpliciter, & quod secundum quid dicitur.*

Señ. 1. *Dictum simpliciter vocatur, cujus prædicatum subiecto convenit quovis respectu, parte, tempore, ac loco, sine ulla limitatione. Dictum secundum quid appellatur, cujus prædicatum subiecto convenit certo respectu, parte, loco, aut tempore. Exempla sophismatis à dicto simpliciter; Dextra non est abscindenda; ergò dextra non est abscindenda, cum eam invasis gangræna: Homo est mortalis; ergò etiam secundum animam mortalis est: Depositum est reddendum domino reposcenti; ergò, si gladius apud te depositus est, is etiam reddendus est domino furioso, si eum repositat. A dicto secundum quid; Hominis anima est immortalis; ergò homo est immortalis: Vinum febricitans nocet; ergò vinum noxium est: Mycillus est bonus sutor; ergò est bonus: Homerus est Poeta; ergò est, &c.*

VI. *Sophisma ab ignoratione elenchi est, cum conclusio videtur contradicere assertioni respondentis, sed non contradicere propter conditionem aliquam contradictionis omissam.*

VII. Hoc *sophisma solvitur ostendendo, quenam conditio contradictionis desideretur.*

Señ. 1. *Elenchum esse syllogismum cum contradictione, cap. 25. diximus. De conditionibus contradictionis egimus cap. 22. lib. 1. Et si autem omne sophisma peccet ignoratione elenchi (nam omne sophisma videtur esse elenchus, cum non sit) specialiter tamen igno- ratio elenchi hoc loco dicitur, cum conclusio alterius assertioni opponitur, omis- sa aliqua conditione ad legitimam contradictionem requisita. Ex. gr. si quis probaturus, Christum non esse Dominum Davidis, concluderet, Christum esse Davidis filium, peccaret ignoratione elenchi. Dominum enim & filium esse, sunt opposita, si tribuantur alicui eodem respectu. at Christo hæc attributa tribuuntur diverso respectu: Dominum Davidis esse, secundum divinam naturam; filium esse, secundum naturam humanam.*

VIII. *Sophisma nugæ τὸ ἰσόπυρον, sive c. nsequens est, cum aliqua enunciatio ex altera colligitur, ex qua non sequitur.*

IX. Hoc *sophisma solvitur citata regulâ in quam ista illatio peccat.*

Señ. 1. *Quatuor sunt regulæ, quæ in illatione consequentis ex antecedente sunt servandæ, quarum una si violetur, nulla erit consecutio: & si quis ejusmodi illationem admittat, erit captio sive fallacia consequentis. Prima regula, Universalis affirmans non convertitur simpliciter. Si quis ergò, quia omnis adulator blandus est, putet omnem blandum esse adulatorem, decipitur captione consequentis. Secunda regula, Ex universali affirmante non colligitur universalis negans, nisi per contrapositionem. Si quis ergò sic colligat, Quicquid genitum est, valet principium; ergò quod non est genitum, ut anima humanâ,*



humana, mundus, &c. id non habet principium, committit fallaciam consequentis. Sic enim erat inferendum, Ergo, quod non habet principium, non est genitum, quæ est conversio per contrapositionem. Tertia regula, Minor non debet esse negata in prima figura; &, quod eodem redit. Ex remotione antecedentis non potest colligi remotio consequentis. Quarta regula, Altera præmissarum debet esse negata in secunda figura; &, quod eodem redit. Non debet positio antecedentis colligi ex positione consequentis. Ejusmodi ergo syllogismi sunt paralogismi, Omnis homo est animal: Equus non est homo: Ergo equus non est animal. Vel sic. Si equus est homo, est animal; Sed non est homo: Ergo non est animal. Item, Omnis adulator est blandus, Crispus est blandus: Ergo Crispus est adulator. Vel sic. Si Crispus est adulator, debet esse blandus: Sed est blandus: Ergo est adulator. Si quis ergo ejusmodi paralogismis decipitur aut à seipso, quod sæpe contingit, aut ab aliis, est fallacia consequentis.

2. Verum quia vitium falsæ consequentiæ in ejusmodi syllogismis apertum est, sophistæ solent illud occultare, vel aliter præmissæ suppressione; ut, Crispus est blandus; ergo est adulator: Nōtu obambulat; ergo est fur. Vel ambagibus verborum; ut, Qui dicit te esse animal, dicit verum: Qui dicit te esse asinum, dicit te esse animal: Ergo qui dicit te esse asinum, dicit verum. Hæc enim argumentatio perinde se habet, ac si sic strueretur, Tu es animal: Asinus est animal: Ergo tu es asinus. Quæ est argumentatio ex duabus affirmantibus in secunda figura.

X. *Sophisma πᾶρὰ τὸ ἐν ἀρχῇ λαμβάνειν*, hoc est, quia sumitur quod ab initio quaesitum fuit, dicitur, cum aliquid probatur per seipsum, aut per aliud quod æquè ignotum est.

XI. Hoc sophisma solvitur ostendendo medium non esse diversum à questione, aut saltem non esse questione notius.

Seç. 1. Hoc sophisma vulgò dicitur petitio principii, cum sit petitio ejus quod in principio quaesitum fuit. Captiones hujus loci struuntur bifariæ: primum, cum idem probatur per semetipsum: secundò, cum ignotum probatur per æquè ignotum. Idem per seipsum probari dicitur, cum subiectum aut prædicatum questionis, mutato nomine, adhibetur tanquam medium ad questionem probandam. Ut, si quis prober, Animam humanam esse ex traduce, quia generatur ex semine parentum. Dixi, subiectum aut prædicatum questionis adhiberi mutato nomine. Nam si nè nomen quidem mutaretur, argumentatio esset nugatoria, & merus κοκκυσμός. Non tamen quilibet argumentatio, in qua medium idem est cum subiecto aut prædicato questionis, ut sophisma rejicienda est, sed ea tantum, cujus medium non solum recipia ac naturâ suâ questioni idem est, sed etiam quoad nos: qualis est illa, quam paulò antè proposuimus. At si medium suâ naturâ idem sit questioni, & non etiam quoad nos, sive quoad nostrum concipiendi modum, argumentatio rejicienda non est: nisi quis putet, omnia argumenta quæ pecuntur ex locis essentialibus, generis, speciei, definitionis, totius, partis, efficere captiosam argumentationem.

2. Alter modus est, cum medium æquè ignotum est ac ipsa quæstio; veluti, si quis probet, *visionem fieri emissione, quia non fit receptione*. Sophisma hoc eò facit, partim ut sophista videatur argumentis abundare; partim ut mutatâ verborum formulâ, speciem probabilitatis suis conciliet enunciatis.

XII. Sophisma non-causæ pro causa est, in quo id quod causa non est, aut causa per accidens, pro causa vera, ac per se obtruditur.

XIII. Hoc sophisma solvitur designatione veræ causæ, à qua effectus per se dependet.

Señ. 1. Captio non-causæ pro causa, vel in syllogismo ducente ad incommodum hæret, vel in syllogismo directo. In syllogismo ducente ad incommodum, cum falsitas illatæ conclusionis imputatur alicui ex præmissis, quæ illius causa non est; veluti, si quis probare volens, animam humanam mortalem esse, ita argumentetur, *Omne immortale est æternum: Anima humana est immortalis: Ergo etiam est æterna. Atqui hæc conclusio falsa est: Falsitatis causa est in minore; quæ erat, Anima humana est immortalis: Ergo anima humana est mortalis*. Hæc enim argumentatio est sophisma non-causæ pro causa. Ait enim hanc propositionem, *Anima est immortalis, esse causam falsæ conclusionis; cum sit illa, Omne immortale est æternum*. In syllogismis directis committitur hæc fallacia, cum causæ per accidens tribuitur, quod non convenit nisi causis per se; ut, *Religio excitat bella civilia: Ex lectione sacræ Scripturæ sunt hæreses ortæ: Vinum inebriat, &c. Ergo Religio, lectio sacræ Scripturæ, vinum, non sunt in Repub. ferenda*.

XIV. Sophisma plurium interrogationum est, cum due pluresve interrogationes ita proponuntur, ut unus speciem præ se ferant.

XV. Hoc sophisma solvitur distinctione questionum, & responsionis ad singulas seorsim applicatione.

Señ. 1. Sophisma plurium interrogationum struitur duobus modis: primò, cum duo subjecta, aut duo prædicata, vel etiam plura, distinctis nominibus proponuntur; ut, *Estne mundus æternus & perfectus?* Hæc captiosa interrogatio est. Si enim affirmative respondeas, aggredietur te sophista, ac si concessisses, *mundum esse æternum*: si respondeas negatè, hoc sic excipiet, ac si negares, *mundum esse perfectum*. Secundò struitur fallacia plurium interrogationum in una voce; ut, *Desistine facere adulterium an non? Perdidistine cornu an non?* Sed de his, quantum satis est, diximus in loco homonymiæ. Atque hæcenus de syllogismo.

## CAP. XXVIII.

## De methodo.

## THEOREMA I.

**S**upereſt ordo ſive methodus. Methodus eſt apta diſpoſitio rerum eodem pertinentium, ut quàm optimè, facilimèque intelligantur, & memoriæ quàm tenaciſimè inhereant.

II. Quod ut fiat, præmittenda ſunt, quæ faciunt ad cognitionem ſequentium; aut ſaltem, quæ cæteris facilis intelliguntur.

## COMMENTARIUS.

ſc. 1. Eſſi ordo latiùs patet, quàm methodus; cùm tamen de diſciplinis ſermo eſt, hæc vocabula promiſcuè, ac ſine diſcrimine uſurpari poſſunt. Zabarella & Piccolhomineus, in iis libris, in quibus inter ſeſe acutè de methodi natura diſputant, volunt ordinem nihil aliud eſſe quàm rerum tractandarum nudam diſpoſitionem; methodum eſſe illationem rei ignotæ ex re cognita: ac proinde methodum efficere, ut, quæ ignota ſunt, innotescant; ordinem nullam cognitionem efficere per ſe, ſed tantùm ad id conducere, ut res ignotæ, methodi alicujus beneficio facilis meliùsque cognoscantur. Sed hoc diſcrimen neque à Philoſophis ſemper ſervatur (non certè ab Ariſtotele, qui paſſim methodi vocabulum ſumit pro diſpoſitione doctrinæ, ſive pro ipſa diſciplina methodicè diſpoſita) neque ratione niti videtur. Instrumenta enim Logica ſuis officiis diſtinguuntur: quare, cùm ignotum ex notis inferre, ſit officium ſyllogiſmi, perpetuam illud methodo tribuitur, ut methodus eſt: niſi methodi nomine omnia instrumenta Logica complecti velis.

2. Genus methodi diſpoſitionem eſſe dicimus potiùs, quàm habitum aut habitum instrumentalem cum Zabarella. Non enim hîc ſpectamus diſponendi facultatem, ſive peritiâ in artifice, ſed ipſam diſpoſitionem, quæ rebus ab artifice impoſita eſt. Si enim methodus definienda ſit habitus instrumentalis, etiam definitio, diſviſio, & ſyllogiſmus eodem genere debent definiri; cùm eodem modo hæc omnia debeant in Logica conſiderari.

3. Differentiam methodi petimus ab objecto, & fine. Objectum ſive materia in qua methodus verſatur, ſunt quælibet res eodem, hoc eſt, ad idem ſubjectum aut ad eundem finem, pertinentes. Ad idem ſubjectum, cùm res tractandæ ſunt neceſſariæ; ad eundem finem, cùm ſunt contingentes, & in noſtro arbitrio ſitæ.

4. Finis methodi eſt, ut intellectui & memoriæ inſerviat ad res propoſitas me ius facilis que percipiendas, fidelis que cuſtodiendas. Hoc ut fiat, præmittenda ſunt notiora ignotioribus. Notiora dicuntur

non ea solùm, quæ conducunt ad cognitionem sequentium, sed etiam, quæ faciliùs cognoscuntur. Aliquid dicitur ad alterius cognitionem conducere, vel quia medium est, ex quo inferri potest quod ignotum est (sic dicuntur principia esse notiora iis, quæ ex principiis sunt) vel quia tale est, ut aliud sine eo cognosci nequeat (sic animal est notius equo, & omnino genus suâ specie) vel denique quia non necessarium quidem est, sed utile tantùm ad aliud cognoscendum: sic dicuntur animalia notiora stirpibus. Licet enim stirpes cognosci possint, animalis naturâ ignoratâ, faciliùs tamen cognoscuntur, si animalium cognitio præcessit.

III. *Methodus alia est naturalis, alia arbitraria.*

IV. *Methodus naturalis est, in qua servatur ordo nature, & cognitionis nostræ distinctæ.*

Señ. 1. Inter cætera, quæ in doctrina de methodo, sive ordine, controversa sunt, præcipuum est, An methodus didascalica (ea est quam nos naturalem vocamus) sumi debeat à naturâ rerum, an à nostra faciliiori ac meliori cognitione: sive, An in methodo didascalica præmittenda sint, quæ naturâ priora, an ea quæ nobis notiora sunt. Prius tueretur Piccolhomineus, cap. 17. & 18. *Introd. & part. 5. Com. pol.* posterius, Zabarella, lib. 1. de *Metb. cap. 5. & seq. & lib. 1. Apol. cap. 3. & seq.* Ego utrumque verum esse existimo, & methodum sumendam esse à naturâ, & à nostra faciliiori cognitione. Si enim nobis res est cum ejusmodi hominibus, quibus ratio rectâ disposita est, methodus ita instituenda est, ut inserviat distinctæ rerum propositarum cognitioni faciliùs acquirendæ. Jam verò, quæ nobis notiora sunt quoad cognitionem distinctam, eadem priora sunt naturâ. Cognitionis enim distinctæ est, quæ rebus ipsis responderet, & ordini naturæ. Res enim ipsæ sunt mensura cognitionis nostræ, & unaquæque res *αὐτὴ τῆ ὁμοιοῦς*, *ἡ τῆ αὐτῆς*, hoc est, ita se habet ad veritatem, ut se habet ad esse suum; ut dicitur lib. 1. *Met. min. c. 2.* Ambo igitur, Piccolhomineus & Zabarella, videntur errasse in eo, quod putarint, aliquid altero interdum notius esse nobis quoad cognitionem distinctam, quod non est naturâ prius, vel etiam, quod est posterius. Hæc hypothesi haud dubiè falsa est. Si tamen ea verâ foret, hoc est, si aliquid altero prius esset suâ naturâ, quod nobis foret ignotius quoad cognitionem distinctam; aut aliquid notius nobis quoad cognitionem distinctam, quod foret naturâ posterius; methodus, ex Zabarellæ sententia, instituenda foret secundum ordinem cognitionis nostræ, non, ut Piccolhomineus censet, secundum ordinem naturæ.

V. *In methodo naturali omnes partes debent esse homogeneæ.*

Señ. 1. Hæc lege non id solum sancitur, ut disciplinæ non commisceantur, utque in Mathematicis non tradantur Ethica, aut in Ethicis Mathematica; sed hoc quoque, ut unumquodque tradatur loco suo, utque, quæ cum genere reciprocantur, generi; quæ cum specie, speciei tribuantur: atque ita omnia sint, quoad fieri potest, reciproca.

2. Hæc lex exigenda quidem est in ipsis præceptis, quæ spectant ad disciplinarum essentiam; non verò in commentariis, quibus præcepta disciplinarum explicantur ac confirmantur. Sæpe enim faciendum est præceptorum, ut Physicam tractanti, aliquid ex Logicis repetat, aut tractanti Ethicam, ex Physicis. Quin Theologia, aliæque disciplinæ omnes, quàm multa necesse habent petere ex Philosophia ad suarum controversiarum explicationem, quæ tamen partem istarum disciplinarum non constituunt? Hæc si considerasset censor ille Aristotelis, æquid haud dubie de tam eximii Philosophi scriptis ac Methodo judicasset: in quibus præcepta non distinguit à præceptorum commentariis, quod vel imprimis facere debuerat..

VI. *Methodus naturalis semper debet progredi ab universalibus ad particulariora; in eoque progressu partes omnes aptis transitionum vinculis connectendæ sunt.*

Seß. 1. *Ab universalibus*] nimirum, quia universalia non solum notiora sunt particularioribus quoad cognitionem distinctam, sed etiam faciunt ad distinctam cognitionem particularium acquirendam; quandoquidem in eorum definitione continentur. Progressus ab universalibus ad particularia fit per divisionem. Partes ejusdem divisionis aptâ transitione connectendæ sunt. Hæc connexio consistit in hac aut simili formâ; *Atque hæc de hac re dicta sufficiant, sequitur ex ordine instituto, &c.* quæ formulæ legentis memoriam, incredible dictu, quantum juvant.

VII. *Methodus naturalis, vel est totalis, vel partialis.*

VIII. *Methodus totalis est, quâ disponitur integra aliqua disciplina.*

IX. *Estque vel synthetica, vel analytica.*

X. *Methodus synthetica est, quæ progreditur à principiis simplicissimis ad ea, quæ ex istis principiis componuntur.*

XI. *Hæc methodo traduntur discipline speculative.*

XII. *Methodus analytica est, quæ factò initio à fine, progreditur ad media proxima, & ab his ad alia remotiora, donec ventum est ad prima ac simplicissima.*

XIII. *Hæc methodo traduntur artes & disciplina præctica.*

Seß. 1. *Disciplinæ speculative non habent finem à se diversum, sed ipsa rerum propositarum cognitio ipsis finis est. In ea enim acquiescit animus. At artes & disciplinæ præctice non acquiescunt in cognitione rerum propositarum, sed finem habent ulteriorem, nempe opus aliquod, aut æstiv, sive operationem cum cognitione consentientem. Unde sequitur, disciplinas theoreticas, quales sunt Physica, Metaphysica, & Mathematica, disponendas esse methodo syntheticâ, progrediente à primis rerum principiis, ad ea, quæ ex istis principiis conficiuntur. Sic in Physicis agitur primò de principiis rerum naturalium; deinde de iis, quæ ex principiis fiunt: idque primò in genere, deinde in specie donec ad species infimas perventum est. At in artibus, quales sunt Grammatica, Rhetorica, Logica, Medicina, Architectonica; item in disciplinis præctis, ut in*  
Ethica,

Ethica, Politica, Oeconomica, progrediendum est à fine ad media. Nam quod nobis primum est in rerum effectione, id ultimum est in destinatione sive intentione; & vice versâ. Quare, cum dictæ disciplinæ progrediantur à mediis ad finem in effectione (nam architectus primum jacet fundamenta, præparat trabes, tigna, columnas, &c. atque ex iis efficit domum) sequitur, ut in destinatione, finis primum locum teneat, & ex mediis, ea finem propius sequantur, quæ posterius efficiuntur. Nam disciplinæ non effectiõnis, sed destinationis ordinem servare debent. Quia destinatio nihil aliud est, quàm ipsa practica rerum propositarum cognitio. Et certè finis in practicis ita se habet ad media, ut hypotheses sive principia se habent in Mathematicis ad conclusiones, quæ ex illis colliguntur; ut ait Aristoteles *lib. 7. Eth. cap. 8.*

2. In utraque methodo servatur ordo naturæ: in synthetica, ordo naturæ generantis sive efficientis; in analytica, ordo naturæ intendentis sive destinantis. Errat ergò Piccolomineus, *cap. 21. Introd. & part. 7. Com. Polit.* qui, etsi fateatur methodum syntheticam aptiorem esse disciplinis speculativis; analyticam, artibus & disciplinis practicis; contendit tamen omnes disciplinas utràque methodo conscribi posse; & in decem gradibus Philosophiæ moralis, syntheticam servavit; sed instituto non admodum felici: Ut satis solide ostensum est à Zabarella, *lib. 2. Apol. suæ cap. 4. & seq.*

3. Galenus tres species methodi enumerat; & duabus speciebus explicatis, tertiam addit, nempe methodum definitivam. Sed nihil necesse est, imò verò fieri non potest, ut alia methodus servetur in disciplinis, præter syntheticam & analyticam. Definitio enim non tam est methodus, quàm methodi instrumentum aut pars. Omnis enim methodus initium sumit à definitione totius alicujus, & factâ divisione, progreditur ad partes, aut ad species sub illo toto contentas. Plura vide adversus Galenum de definitiva methodo disputata apud Zabarellam, *lib. 2. de Meth. cap. 4.*

XIV. *Methodus partialis est. quâ pars aliqua disciplinæ disponitur, aut aliquod thema seorsim tractatur.*

Seçt. 1. Methodi enim partialis usus aut consideratio duplex est: vel enim considerari potest, ut est pars totalis methodi, vel ut est methodus alicujus thematis seorsim ac per se considerati, sine relatione ad methodum aliquam totalem. De methodo partiali, quatenus est pars methodi totius, hoc unum præcipiendum est, (præterea, quæ de methodo in genere diximus) sæpe evenire, ut in aliqua disciplinæ parte, quæ tota disponitur methodo synthetica, servetur ordo analyticus; aut contrâ, ut in partibus methodi analyticæ, servetur ordo syntheticus. Ex gr. Physica disponitur ordine synthetico, si tota consideretur: attamen in ea parte, ubi agitur de corpore animato, aptè servari potest ordo resolutivus, factò initio ab operationibus, quæ sunt corporis animati finis. indèque progrediendo ad causas & principia, quæ sunt animæ facultates, temperamentum, partes corporis animalis organicæ, &c. Similiter, Medicina, Grammatica,



Logica, si totæ spectentur, traduntur methodo analyticâ; cùm tamen in partibus fervetur ordo syntheticus. Nam Physiologia, quæ pars est Medicinæ, traditur ordine synthetico: & in Grammaticâ prius agitur de literis, ac syllabis, deinde de dictione, ac tandem de oratione ejusque structura. Sic in Logica agitur prius de themate simplici, deinde de complexo: quod certè est *συνθετικὴ*, hoc est, componere, sive progredi ordine compositivo. Quatenus tamen Medicina, Grammatica, & Logica inchoantur à notione finis, indeque progrediuntur ad media, dicuntur totæ disponi ordine analytico, ut rectè observavit Zab. lib. 2. de Meth. cap. 20.

2. Themata, quæ seorsum tractari possunt, vel sunt simplicia, vel complexa: utrobique opus est methodo. Themata simplicia tractantur hâc methodo; Primò expendendum est nomen propositi thematis, in eoque investiganda etymologia, discutienda homonymia, atque explicanda vocabula synonyma, vel in eadem, vel in aliis linguis, inter doctos usitatis, præsertim in Latina, Græca & Hebræa, si aliquid scilicet conferunt ad propositi thematis explicationem. Post nominis examen, proponendum est thematis propositi genus proximum, & causæ; & si thema sit accidens, etiam subiectum & objectum: atque ex his contexenda est definitio. Definitioni subjienda sunt adjuncta, ( præcipuè quidem propria; sed tamen interdum etiam communia ) effecta, similia, dissimilia, ac tandem opposita. Postremò addenda est thematis divisio vel in species, vel in partes integrantes, si id instituti ratio requirit: & species deinde, aut partes eodem modo tractandæ sunt.

3. Sunt, qui primo loco tradunt definitionem, eamque deinde resolvunt. Et in hac resolutione primò expendunt nomen definiti thematis, eo, quo dictum est, modo: deinde explicant genus & differentiam, quibus definitio constat; & ex differentia eliciunt causas, subiectum & objectum, quantum scilicet ea necessaria sunt ad propositi thematis notitiam. His addunt adjuncta, effecta, &c. Prior methodus similis est syntheticæ; posterior, analyticæ. In utraque apprime observandum est, nè quid temerè adhibeatur ad explicationem speciei, quod pertinet ad explicandum genus.

4. Thema complexum tractatur hâc methodo; Primò, status controversiæ rectè constituendus est, deinde propria sententia confirmanda rationibus & testimoniis; & singulis argumentis subjienda sunt refutationes solutionum, & exceptionum, quibus adversarii solent argumenta nostra eludere. Denique adversarii quoque argumenta proponenda sunt, & cum omnibus munimentis refellenda. Sed de tractatione thematis simplicis & complexi plura dicenda sunt in doctrina de usu & praxi Logicæ. Atque hæc de methodo naturali sive didascalica.

XV. *Methodus arbitraria est, quæ relicto ordine nature, accommodata est ad cognitionem confusam, sive ad captum vulgi, vel ad persuadendum, aut delectandum.*

Sec. 1. Si nobis docendi sint homines *τοὺς ἀπὸ τῆς φύσεως τῶν διδασκῶν*, hoc



hoc est, qui mentem habent bene dispositam, utendum est haud dubiè methodo naturali. Sed si nobis res est cum vulgo, & cum hominibus qui sensum habent exercitatioiorem quàm intellectum, consulendum est illorum captui; & priori loco tradenda sunt, non quæ naturâ priora sunt, & simpliciter, sive quoad cognitionem distinctam, notiora; sed quæ illis notiora sunt.

2. Hâ methodo utuntur Oratores & Poetæ, quibus, præter docendi institutum, propositum est, ut auditorem, lectorémve moveant, atque oblectent, eisque persuadeant quod à sua opinione sæpe alienum est. Hos fines non faciliè assequuntur, nisi quâdam crypsi auditorem lectorémve decipiant. Hæc crypsis consistit in omissione, additione, & inversione. Omittunt enim Oratores, quæcunque sibi nocitura sunt, aut tædium paritura auditoribus, etiam si maximè ad causam videantur pertinere: qualia sunt inter cætera, partes argumentationum infirmæ, accuratæ definitiones, partitiones, transitiones, &c. Adhibent etiam digressiones, quæ etsi ad causæ contentionem non adeò pertineant, faciunt tamen ad auditorem reficiendum, & detinendum. Denique probationes miro artificio invertunt, nè ars ab auditore animadversa, suspecta sit, ejusque assensum impediatur.

---

F I N I S

---

Series Institutionum Logicarum per  
tabulas disposita.

TABULA PRIMA.

Leges partes duae sunt, cap. 1.	Prior Thematica, qua agit de Themate; vel	Simplici, quod vel universale, vel singulare cap. 2. In quo spectanda	Categoriae	In genere, cap. 3.	In specie	Substantia, cap. 4.
						Quantitas, cap. 5.
						Qualitas, cap. 6.
						Relatio, cap. 7.
						Actio, } cap. 8.
						Passio, }
						Ubi, } cap. 9.
						Quando, }
						Situs, }
						Habitus, }
						In genere, cap. 10.
						Genus, } c. 11.
						Species, }
						Differentia, c. 12.
						Proprium, } c. 13.
						Accidens, }
						Constituens, sive u- niversale.
						Definitum, sive formale.
						Compositum, si- ve essenziale.
						Integrum, } Homo- geneum
						Hetero- geneum
						Per accidens.
						Causa & causatum, tab. 2.
						Subiectum & adjunctum, tab. 3.
Posterior Organica, tab. 8.						Coniuncta, tab. 4.
						Interpretatio, tab. 5.

## TABULA SECUNDA.

In genere cap. 15.

Causa consideratur vel

In specie ; Estque vel

Materia ; eâque vel	I.	Rerû	Prima, Secunda,	cap. 16.
	II.		Naturalium, Artificialium	
	III.		Generationis, Compositionis,	
Forma ; eâque vel	I.		Materialis,	cap. 16.
	II.		Immaterialis,	
	III.		Substantialis, Accidental,	
	IV.		Naturalis, Artificialis, Principalis, Disponens.	
Efficiens ; eâque vel	I.		Activa,	cap. 17. Procatar- tica, Proegumena, Instrumentum.
	II.		Emanativa.	
	III.		Immanens, Transiens.	
	IV.		Libera,	
	V.		Necessaria.	
	VI.		Per se,	
	VII.		Per accidens.	
	VIII.		Principalis, Minus prin- cipalis.	
Finis ; is/que vel	I.		Prima, Secunda.	cap. 18.
	II.		Universalis, Particularis.	
	III.		Proxima, Remota.	
	I.		Cui,	cap. 18.
	II.		Cujus.	
	III.		Principalis, Secundarius.	
			Subordinatus Ultimus.	

## TABULA TERTIA.

Subiectum & Adianctum, cap. 15.  
Quorum hoc dividitur trifariam;

I.	In	{ Absolutum, Limitatum.	
II.	In	{ Proprium, Commune.	
Internum,			
III. In	Externum: quod est vel	Objectum	{ Per se, { Proprium, Commune. Per accidens.
		Signum; idque	I. { Naturale, Arbitrarium.
			II. { Formale, Materiale.
			III. { Antecedens, Consequens, Conjunctum.
		Circumstan- tia.	IV. { Necessarium, Contingens, Locus, Tempus, Festitus, &c.

TABU-

## TABULA QUARTA.

Affectioes conjunctae sunt	Conveni- entia, cap. 20.	Simplex	Essentialis, five Iden- titas,	Subordinatorum,	Numerica, Specifica, Generica,
			Accidenta- lis,	Coordinatorum	
	Diversitas eâque cap. 21.	Analogica.	I. Realk, Modalk, Rationis.	Interna,	Paritas, Similitudo.
				Externa.	
	Oppositio; eâque	II.	Essentialis,	Subordinata,	Numerica, Specifica, Generica.
			Coordinata,	Coordinata,	
	Ordo: in quo spe- tatur, cap. 23.	Acciden- talis,	I. Tempore, { Causalitate, II. Naturâ, { Existendi consecutione. III. Dispositione, IV. Dignitate, V. Cognitione.	Interna,	Imparitas, Dissimilitudo.
				Externa.	
	Disparata, Contraria, Relativa, Privativa, Contradictoria.	cap. 22.	Priorius Posterior	Simul; cujus modi notissimi sunt, simul	Tempore, Naturâ.
	Species,	Simplex	I. Nomen, Verbum,	cap. 24.	
In Interpretatione spectandae sunt	Affectioes,	I.	Composita, five oratio,	cap. 25.	
			Etymologia,		
	II.	Conjugatio,	Synonymia,	cap. 26.	Ob Tropum, Ob inaequali- tatem generis.

## TABULA QUINTA.

In Interpretatione spectandae sunt	Species,	Simplex	Nomen,	cap. 24.	
			Verbum,		
	Affectioes,	I.	Composita, five oratio,	cap. 25.	
			Etymologia,		
			Conjugatio,		
	II.	Synonymia,	Homonymia, c. 26.	a casu, a consilio,	Ob Tropum, Ob inaequali- tatem generis.

## TABULA SEXTA.

In Themate complexo, siue Enunciatione, spectanda	Species, qua sunt	Primò	Simplex,	Copulativa, Hypothetica, Disjunctiva, Adversativa Relativa,	cap. 17
			Composita,		
		Secundò	Pura,	Necesse, Impossibile, Possibile, Contingens,	cap. 18
			Modalis,		
		Affectiones, tab. 7.			

## TABULA SEPTIMA.

Affectiones thematis complexi vel sunt	Absoluta, eaque vel	Quantitas, cujus ratione dicitur enunciatio	Primò	Universalis, Particularis, Singularis, Indefinita,		cap. 19.
				{ Affirmans, { utraq; } Finita,		
				{ Negans, { } Infinita,		
				{ } cap. 30.		
	Relata	Qualitas, cujus ratione dicitur enunciatio	Secundò	Necessaria, { De omni, Per se, Universaliter prima,		cap. 31.
				{ Vera, } Contingens.		
				{ Falsa, cap 31.		
				{ } cap. 32.		
	Relata	Converso,	Simplex,	{ Per accidens, Per contrapositionem.		cap. 32.
				{ } cap. 33		
				{ Vera, } Contrarietas, Contradictio.		
				{ Apparens, } Subcontrarietas, Oppositio indefinita,		

## TABULA OCTAVA.

Pars Organica agit de instrumentis Logicis, quæ sunt,	I. Definitio, cuius spectanda sunt	Species { Definitio Rei { Perfecta; Leges, in qua Par- Genus, spectanda ies { Differentia } cap. 2. Imperfecta, cap. 3. Modus eam investigandi, cap. 4.
	II. Divisio; cuius spectanda sunt	Species { Divisio Nominis, Di- { visio { Per se; eaq. { Universalis, Rei { Totius { Formalis, { Per accidens { Essentialis, { Integralis. } cap. 3. Leges.
	III. Syllogismus; qui consideratur vel ratione	Formæ; ubi agitur { De genesi, { in qua spectanda { 1. Definitio & partes syllogismi, cap. 6. 2. Figura & modi, c. 7. 3. Axiomata, regula & proprietates, cap. 8. 4. Reductio, cap. 9. De euporia, sive de ratione inveniendi medii accommodata ad figuras & modos, cap. 10. De speciebus Syllogismorum, tab. 9. Materia, tab. 10.
	IV. Methodus; eaque vel	Naturalis { Totalis { Synthetica, { Analytica. Partialis eaque simplicis, vel thematis { Complexi. } cap. 28. Arbitraria.



## TABULA NONA.

Syllogismus quintupliciter dividitur in species:

I.	{ Syllogismus strictè dictus, Inductio.	}	cap. 11.	
II.	{ Perfectus, Imperfectus, { Enthymema, Exemplum.			
III.	{ Simplex, Compositus,	{ Ex compositis nunciacionibus Ex pluribus syllogismis,	{ Hypotheticus, Disjunctivus, Relativus. Dilemma, Prosyllogismus, Sorites.	{ cap. 12. cap. 13
IV.	{ Purus, Modalis.		}	cap. 14.
V.	{ Directus, Indirectus.			

## TABULA DECIMA.

Syllogismus ratione materiae, vel est	Verus, sique vel	Dialecticus, in quo spectanda	Proble-	{	Notionalia,	{	cap. 15.
			mata		Realia,		
			Propositiones.		Absoluta,		
					Comparata.		
			Inventio	{	Loci,	{	cap. 16.
			argumen-		Absoluti,		
			torum, quò		pertinen-	{	cap. 18.
			spectant		tes ad lo-		
				{	cos	{	cap. 19.
					Comparati,		
					Consentaneos,	{	cap. 17.
					Dissentaneos,		
				{	Testimonia,	{	cap. 18.
					Comparati,		
					Præcognitiones,	{	cap. 20.
					Conclusionem,		
				{	Medium,	{	cap. 21.
					Prin-		
					Axiomata,	{	cap. 22.
					Theses,		
				{	Ab effectu, ubi	{	cap. 23.
					de regressu,		
					A causa remota,	{	cap. 24.
					Pseudographema,		
				{	Homonymia,	{	cap. 16.
					Amphibolia,		
					Compositio,	{	cap. 17.
					Divisio,		
				{	Accentus,	{	cap. 18.
					Figura dictionis.		
					Accidens,	{	cap. 19.
					Dictum simpliciter & se-		
				{	cundum quid,	{	cap. 20.
					Ignoratio elenchi,		
					Consequens,	{	cap. 21.
					Peritio quaestionis,		
				{	Non causa ut causa,	{	cap. 22.
					Multiplex interrogatio		

(115)

AMERICAN

AND

EUROPEAN

ARTS

AND

SCIENCE

AND

GENERAL

KNOWLEDGE

AND

PHILOSOPHY

AND

RELIGION

AND

ETHICS

AND

LOGIC

AND

PSYCHOLOGY

AND

PHYSICS

AND

CHEMISTRY

AND

METHEMATHICS

*Fr. Burgersdicii*

*This edition  
not in use*

# INSTITUTIONUM LOGICARUM SYNOPSIS,

five

## RUDIMENTA LOGICA.

In quibus præcipuæ definitiones, divisiones, & regulæ, ad  
artem Logicam pertinentes, per quæstiones & respon-  
siones, breviter & dilucidè proponuntur.

*Ut vascula angusti oris superfusam humoris copiam respuunt,  
sensim autem influentibus, vel etiam instillatis, complentur:  
sic, animi puerorum quantum excipere possint, videndum.  
Quint. lib. 1. Inst. Orat.*



CANTABRIGIÆ,  
Apud JOANN. FIELD, Celeberrimæ  
Academiæ Typographum. 1668.

Fr. Burgeyhdici

# INSTITUTIONUM LOGICARUM SYNOPSIS

five.

RENDIMENTA LOGICAE

In quibus praecipue definitiones, divisiones, & regulae, ad  
methodum logicam pertinent, per quaestiones & respon-  
siones, breviter & dilucide proponuntur.

in quibus agitur de methodo philosophiae, & de  
methodo logicae, & de methodo mathematicae,  
in quibus agitur de methodo philosophiae, & de  
methodo logicae, & de methodo mathematicae,  
in quibus agitur de methodo philosophiae, & de  
methodo logicae, & de methodo mathematicae.



Cambridge  
JOHN FIELD, Colchester  
Academiae Typographus, 1808.

(1)  
INSTITUTIONUM  
LOGICARUM  
SYNOPSIS,

*Sive*

Rudimenta Logica.

*Capita respondent capitibus Institutionum  
Logicarum.*

LIB. I.

CAP. I.

*Unde dicta est Logica?*

\*\*\* Voce λόγος, quæ  
\* inter cætera, tum  
\* A \* rationem tum ora-  
\* tionem, significat.  
\*\*\* Logica enlm dirigit  
intellectus nostri rationem, five  
conceptus, eosque docet aptâ o-  
ratione interpretari.

*Quid est Logica?*

Logica est ars conficiens in-

strumenta, iisque dirigens intel-  
lectum in cognitione rerum.

*Quot sunt partes Logica?*

Dux: prior agit de themati-  
bus, eorumque variis affectioni-  
bus; posterior differit de ipsis  
instrumentis, quibus themata  
tractantur, five quibus intelle-  
ctus dirigitur, cum in thematum,  
five rerum cognitione querenda  
versatur.

CAP. II.

*Quid est thema?*

Thema est, quicquid intel-  
lectui cognoscendum pro-  
poni potest.

*Quomodo dividitur thema?*

In simplex & complexum.

*Quid est thema simplex?*

Quod sine notionum complexio-  
ne, five sine affirmatione aut ne-  
gatione, apprehenditur; ut, Socra-  
tes, disputat, res publica, hic cecidit.

*Quid complexum?*

Quod apprehenditur duabus pluribusve notionibus affirmati-  
one aut negatione copulatis; ut  
*Socrates disputat: Nigrit, pluit,*  
*itur, statur.*

*Quotuplex est ibiema simplex?*

Duplex; Universale & singu-  
lare.

*Quid est universale?*

Universale est, quod de pluri-  
bus suapte natura predicari  
aptum est; ut, *homo, equus, planta.*

*Quid singulare?*

Quod de uno tantum suapte  
natura predicari aptum est; ut  
*Alexander, Bucephalus, haec pyrus.*

*Quomodo vocantur singularia?*

Individua.

*Quare?*

Quia dividi non possunt in plu-  
ra ejusdem nominis ac naturae.  
*Alexander enim dividi non po-  
test in plures Alexandros, nec*

*Bucephalus in plures Bucepha-  
los: at homo dividi potest in plu-  
res homines, puta, in Socratem  
& Platonem; & equus in plures  
equos, puta, in Bucephalum &  
Cyllatum, &c.*

*Quotuplicia sunt individua?*

Duplicia; determinata & vaga.

*Quot modis determinantur in-  
dividua?*

Quatuor modis: 1, nomine  
proprio; ut, *Plato, Socrates, Bu-  
cephalus, Melampus.* 2, nomine  
communi sive appellativo, quod  
per excellentiam sumitur pro  
proprio; ut, *Philosophus pro Ari-  
stotele, Orator pro Cicerone.* 3, pro-  
nomine demonstrativo; ut, *hic,*  
*ille homo.* 4, periphrasi; ut, *A-  
postolus gentium, id est, Paulus.*

*Quid est individuum vagum?*

Quod effertur pronome in-  
certae partis; ut, *aliquis, quidam  
homo.*

### CAP. III.

*Quae sunt spectanda in themate simplici.*

**P**rimo, categoriarum, & affectio-  
nes, quae ex varia rerum ha-  
bitudine ad se invicem, & ex mo-  
do quo intellectus eas concipit,  
atque inter sese comparat, oriun-  
tur deinde, interpretatio, & af-  
fectiones, quas intellectus voca-  
bulis assignat ex modo conceptis  
suis interpretandi.

*Quid est categoria?*

Categoria est series rerum sub  
eodem summo genere gradatim  
dispositarum.

*Quot sunt categoriae?*

Decem: substantia, quantitas,  
qualitas, relatio, actio, passio, ubi,  
quando, situs, & habitus.

### CAP. IV.

*Quid est substantia?*

**S**ubstantia est res per se subsi-  
stens, & subsistens accidentibus;  
ut, *spiritus, corpus, caelum, ignis,  
aqua, lapis, arbor, equus, &c.*

*Quid est per se subsistere?*

Non esse in alio ut in subiecto.  
Hac enim ratione distinguitur

substantia ab accidentibus, utpo-  
te quae semper alicui subiecto in-  
herent: quorum adeo esse nihil  
aliud est quam inesse.

*Quid est esse in subiecto?*

Esse in subiecto dicitur, quod  
cum in alio sit, non separatur, non  
perit.



potest tamen existere separatum ab eo in quo est.

*Quotuplex est substantia?*

Duplex; prima & secunda.

*Quid est substantia prima?*

Substantia singularis; ut, *Alexander, Bucephalus.*

*Quid secunda?*

Substantia universalis; ut, *homo, equus.*

*Quomodo discernis primam substantiam à secunda?*

Prima substantia non dicitur de subiecto, cum ipsa omnibus subijciatur. *Alexander* enim de nullo dicitur, nisi de seipso. At substantia secunda, quamvis in subiecto non sit, dicitur tamen de subiecto, nempe de primis substantiis sibi subiectis. *Homo* enim dicitur de *Alexandro, Soerate, Platone, &c.* *equus* de *Bucephalo, Cyllaro, &c.*

*Quot sunt notæ substantiarum?*

Sex. *Quæ est prima nota?*

Non esse in subiecto: nimirum quia per se subsistit.

*Quæ secunda?*

Dici de aliis synonymas; hoc

est, quoad nomen, & quoad definitionem. Hæc nota convenit secundis substantiis, non primis.

*Quæ tertia?*

Significare *non est in hoc, ali-* quid, id est, tale quid, quod digito demonstrari potest. Hæc nota convenit potissimum primis substantiis.

*Quæ quarta?*

Non habere contrarium. Substantia enim substantiæ non est contraria per se, sed per qualitates; ut, *aqua & ignis.*

*Quæ quinta?*

Non recipere magis & minus. Una enim eademque substantia non fit magis aut minus substantia, quam erat antea. Nam puer crescens, non fit magis homo, aut magis substantia, quam erat primo natiuitatis sue momento.

*Quæ est sexta nota?*

Unam eandemque numero substantiam suscipere contraria. Sic licet aqua frigida, mutatione sui, calida fiat, manet tamen una eademque numero aqua.

## CAP. V.

*Quid est quantitas?*

**Q**uantitas est accidens, quod per se partem habet extra partem.

*Quotuplex est quantitas?*

Duplex; continua & discreta.

*Quid est quantitas continua?*

Cujus partes communi termino copulantur.

*Quotuplex est?*

Duplex; magnitudo & tempus.

*Quid est magnitudo?*

Magnitudo est quantitas permanens.

*Quæ sunt species magnitudinis?*

Tres; linea, superficies, & corpus.

*Quid est linea?*

Linea est magnitudo uno modo divisibilis; ut, *ulna, milliare, stadium.*

*Quid est superficies?*

Superficies est magnitudo duobus modis divisibilis; ut, *fugerum.*

*Quid corpus?*

Corpus est magnitudo tribus modis divisibilis. Huc pertinet omnis quantitas substantiarum corporum.

*Qui sunt termini magnitudinis?*

Termini lineæ sunt puncta, superficies, lineæ; corporis, superficies.

*Quid est tempus?*

Tempus est quantitas fluens; ut, hora, dies, annus, olympias.

*Qui sunt termini temporis?*

Momenta, sive *ta vna*. His enim copulantur partes temporis, sicut partes lineæ copulantur punctis.

*Quid est quantitas discreta?*

Quantitas discreta est, cujus partes non copulantur communi termino; ut, duo, tria, decem.

*Quid de loco, oratione, ac modo statuendum?*

Locus definitur superficies corporis ambiens: atque hæcenus

referri debet ad superficiem. Oratio & motus non sunt species quantitatis, sed quanta per accidens.

*Quot sunt note quantitatis?*  
Tres.

*Quæ est prima nota?*

Non habere contrarium.

*Quæ secunda?*

Non recipere magis & minus. Quantitas quidem major fit, sed non fit magis quantitas.

*Quæ tertia?*

Res ab illa dici æquales aut inæquales.

## CAP. VI.

*Quid est Qualitas?*

**Q**ualitas est accidens, à quo subiectum quale duntaxat denominatur.

*Quot sunt species qualitatis?*

Quatuor: 1, habitus & dispositio; 2, potentia & impotentia naturalis; 3, patibilis qualitas & passio; 4, forma & figura.

*Quid est habitus?*

Habitus est qualitas adventitia ad operandum cum facilitate.

*Quid dispositio?*

Dispositio est habitus imperfectus.

*Illustra rem exemplo.*

Si quis in arte aliqua, scientia, aut virtute, puta Logica, Physica, aut iustitia, aliquantulum profecerit, is dispositione affectus est: si quis artis, scientiæ, aut virtutis culmen attingit, is dicitur esse præditus habitu.

*Quid est potentia naturalis?*

Potentia naturalis est qualitas sensibus non obvia, quæ subie-

ctum naturæ suæ aptum est ad agendum vel patiendum.

*Quid impotentia?*

Impotentia est diminuta potentia.

*Adde exemplum.*

Ingenium, indoles, memoria, sensus, robur, &c. sunt potentia, sive facultates naturales: quum hæc dotes admodum imperfectæ sunt, veluti si quis obtruso sit ingenio, labili memoriâ, infirmâ valetudine, &c. dicuntur impotentia.

*Quid est qualitas patibilis?*

Patibilis qualitas est, quæ esse passionem in sensu.

*Quid passio?*

Passio est patibilis qualitas, quæ subito fit, & cito perit.

*Da exemplum.*

Lux, calor, sensus, sapor, odor, calor, frigus, humiditas, siccitas, gravitas, levitas, &c. sunt qualitates patibiles, si alioquin permancant in subiecto: si vero cito

evanescent, ut pallor ex metu, rubor ex verecundia, dicuntur passionibus.

Quid est figura?

Figura est qualitas orta ex terminatione magnitudinis; ut, triangulum, circulus, sphaera, pyramis, cylindrus.

Quid est forma?

Forma est figura cum coloribus, ut, pulchritudo, deformitas.

Quomodo differat figura & forma à patibili qualitate.

Patibilis qualitas uno tantum;

figura & forma pluribus sensibus percipitur.

Quae sunt nota qualitates?

Tres.

Quae est prima nota?

Habere contrarium. Nam calor frigori, & album nigro contrarium est.

Quae secunda?

Recipere magis & minus. Alium enim alio doctior, melior, aut prudentior est.

Quae tertia?

Res ab illa dici similes aut dissimiles.

## CAP. VII.

Quid sunt relata?

**R**elata sunt, quae id ipsum, quod sunt, aliorum esse dicuntur, vel alio aliquo modo ad aliud referuntur.

Explica definitionem exemplis.

Pater dicitur filii pater; dominus, servi domini; majus, minore majus; simile, simili simile. Haec enim referuntur ad aliud hoc quod sunt, ideoque sunt relata. Ac tenebrae dicuntur quidem lucis, verum non dicuntur lucis tenebrae, sed lucis privatio. & Alexander dicitur quidem Philippi, sed non dicitur Alexander Philippi, sed filius. Haec ergo dicuntur quidem aliorum, sed non dicuntur aliorum hoc quod sunt; ac proinde non sunt relata.

Quae duplicia sunt relata?

Duplicia, alia secundum dici, alia secundum esse.

Quae vocantur relata secundum dici?

Quae, cum sint res absolutae, nominoseque referuntur ad aliud; ut, sonans & scibile, sensus & sensibile.

Quae secundum esse?

Quorum tota essentia consistit in referendo ad aliud; ut pater & filius, mare & uxor.

Non aliter etiam dividuntur relata?

Dividuntur etiam in relata realia, & relata rationis.

Quenam sunt relata?

Quae sua naturam referuntur ad aliud; ut, dominus & servus, magistratus & subditus.

Quae rationis?

Quae sola mentis opera referuntur ad aliud; ut, dextram & sinistram.

An haec omnia perveniunt ad hanc categoriam?

Non. Nam relata secundum dici, cum habeant essentiam absolutam, sunt aliarum categoriarum.

Quenam sunt in utroque relatione consideranda?

Subiectum, fundamentum, terminus, relatum & correlatum.

Quid est subiectum?

Subiectum est, cui inhaeret relatio.

*Quid fundamentum?*

Fundamentum est, quo mediante relatio inheret subjecto.

*Quid terminus?*

Terminus est, cum quo subjectum in relatione comparatur.

*Quid est relatum?*

Relatum est subjectum cum relatione.

*Quid correlatum?*

Correlatum est terminus cum relatione opposita.

*Illustra haec omnia exemplis.*

In relatione patris ad filium, subjectum est aliquis homo, pater;

Philippus; fundamentum, generasse; terminus, alius homo, puta, Alexander generatus; rela-

tum, pater; correlatum, filius. Philippus enim propterea est pater Alexandri, quia Alexan-

drum generavit. *Consequenter in relatione filii ad patrem, subjectum est Alexander; fundamen-*

*tum, generatum esse; terminus, Philippus qui generavit; relatum,*

*filius; correlatum, pater.*

*An relatum & correlatum semper differunt appellatione?*

Non semper: saepe enim idem

## CAP. VIII.

*Quid est actio?*

**A**ctio est a qua dicimur agere.

*Quid est agere?*

Agere est aliquid efficere.

*Quid est passio?*

Passio est a qua dicimur pati.

*Quid est pati?*

Pati est recipere effectum agentis.

*Da exempla.*

Generare, augere, calefacere, movere, &c. sunt actiones: generari, augeri, calferi, moveri, sunt passiones.

nomen utriusque est; ut, amicus, hospes, rivalis, &c. Atque haec vocantur relata aequiparantiae. Cetera, quae appellatione differunt, ut, dominus & servus, pater & filius, dicuntur relata disquiparantiae.

*Quot sunt nota relatorum?*

Quinque.

*Qua est prima nota?*

Habere contrarium. Amicus enim & inimicus, simile & dissimile, contraria sunt.

*Qua secunda?*

Recipere magis & minus. Aliud enim alio similis est aut dissimilis ei cum quo comparatur.

*Qua tertia?*

Reciprocari. Nam pater est filii pater, & filius vicissim est patris filius.

*Qua quarta?*

Esse simul natura: nimirum, quatenus relata sunt. Etsi enim, qui pater est, prius fuit, quam filius; non tamen prius pater fuit, quam filium haberet.

*Qua quinta?*

Esse simul cognitione. Unum enim relatum nequit sine altero cognosci.

*Quenam sunt in actionibus speculanda?*

Agens, patiens, terminus a quo, & terminus ad quem.

*Declara haec omnia exemplis.*

In calefactione, agens est ignis aut sol; patiens, in qui caluit; terminus a quo, frigus; terminus ad quem, calor; a quo calefactio nominata est. Similiter in generatione hominis, agens est pater; patiens, semen; terminus a quo, privatio humanae formae in semine,

mine, five, non esse hominem; terminus ad quem, is qui generatur. Nam qui generatur, ex non homine fit homo.

*Quot sunt affectiones passionis?*

## CAP. IX.

*Quid est ubi?*

**U**bi est modus quo res finit alicubi esse dicuntur.

*Quomodo differt ubi a loco?*

Locus solis corporibus tribuitur, ubi etiam spiritibus. Deinde, loci vocabula pertinent ad questionem quā quaeritur, quanta res sit; at vocabula hujus categoriæ spectant ad questionem quā quaeritur, ubi aut unde res fit, quā abit; ut, domi, foris, ruri, in foro, in curia, &c.

*Quid est quando?*

Quando est modus quo res finit aliquando esse, fuisse, aut fore dicuntur.

*Quomodo differt quando a tempore?*

Eodem fere modo, quo ubi a loco. Nam tempus proprie tribuitur rebus physicis, quæ in successione

Dux: habere contrarium, & recipere magis & minus. Nam calefactio frigidationi contraria est; & alia magis, alia minus calefaciunt aut frigidant, calefiunt aut frigidant.

consistunt, & mutationibus obnoxie sunt. Quando tribuitur etiam rebus permanentibus, & momentaneis. Deinde, tempore vocabula solvunt questiones quæ sunt per quādiu, vocabula hujus categoriæ solvunt questiones quæ sunt per quando; ut, hodie, cras, heri, estate, vere, calendis, nonis, consule Martio, &c.

*Quid est situm?*

Situs est ordo partium inter se, sedere stare, pronum, supinum esse.

*Quid est habitus?*

Habitus est modus, quo vestis, aut aliquid instar vestis, corpori circumpositum, appensum, aut alio aliquo modo adjunctum est; ut, vestitum, armatum, tegatum, galeatum, bastatum, barbatum, apertibus instratum esse, &c.

## CAP. X.

*Atque hec de thematum simplicium categoriis; quid porro sequitur?*

**A**ffectiones, quas diximus ex varia rerum in categoriis dispositarum collatione oriri.

*Quotuplices sunt affectiones thematum simplicium?*

Duplices; alie sunt simplices, alie conjunctæ.

*Quæ vocantur simplices?*

Quæ singulis rebus seorsum conveniunt; ut, predicabilia, totum & pars, causa & causatum, subjectum & adjunctum.

*Cur vocantur affectiones simplices?*

Quia, licet genus referatur ad

speciem, totum ad partem, causam ad causatum, subjectum ad adjunctum, alterumque sine altero non consistat; unaquæque tamen res seorsum genus, totum, causam, aut subjectum dici potest.

*Quid sunt predicabilia?*

Predicabilia sunt, quæ de pluribus verè, propriè, naturaliter, atque immediate affirmantur.

*Quot sunt predicabilia?*

Quinque; genus, species, differentia, proprium, & accidentis.

## CAP.

## CAP. XI.

## Quid est genus?

**G**enus est, quod de pluribus specie differentibus prædicatur in questione, quæ queritur quid res sit; ut, *Quid est homo, aut bestia? Animal. Quid pyrus, aut pomus? Arbor.*

## Quid est species?

Species est, quæ collocatur sub genere, ita ut de eo genus prædicetur in questione, quæ queritur quid sit.

## Quotplex est genus?

Duplex; summum five generalissimum, & medium five subalternum.

## Quotplex est species?

Item duplex; infima five specialissima, & media five subalterna.

## Quid est genus summum?

Quo non est aliud superius genus.

## Quid est species infima?

Quæ non est alia inferior species.

## Quid est genus subalternum?

Quod respectu inferioris est genus, & respectu superioris species.

## CAP. XII.

## Quid est differentia?

**D**ifferentia est, quæ res a re differt.

## Quotplex est differentia?

Duplici; accidentalis & essentialis.

## Quid est differentia accidentalis?

Quæ non differunt accidentibus, sedque vel ab aliis; sic *Europæus*

## Quid species subalterna?

Quæ respectu superioris est species, & respectu inferioris genus.

## Illustra rem exemplo.

In categoria substantiarum, substantia est summum genus; homo, infima species; quæ inter substantiam & hominem interjecta sunt, ut animal, vivens, corpus, sunt genera & species subalterna. Nam animal est hominis genus, & species vivens; vivens est genus animalis, & species corporis; corpus est genus vivens, & species substantie. Eodem modo res se habet in categoriis.

## Quenam species constituit secundum prædicabile?

Infima: species enim subalterna prædicatur ut genus.

## Quomodo definitur species specialissima?

Hoc modo: Species est, quæ de pluribus & numero differentibus prædicatur in questione, quæ queritur quid sit res; ut, *Quid est Socrates, Plato? Homo. Quid Bucephalus, Cyllarus? Equus. Quid Phylax, Melampus? Canis.*

differt ab Afro, color; vinum ab aceto, sapore; vel etiam a se invicem; sic doctus differt a seipso indocto, senex a seipso puero.

## Quid est differentia essentialis?

Quæ addita generi speciem constituit, & ab aliis speciebus essentialiter differt.



*Quenam sunt munera differentie essentialis?*

Dividere genera, & speciem cum genere constituere.

*Da exemplum.*

Facultas ratiocinandi dividit animal, & addita animali constituit hominem.

*Quenam differentia constituit tertium predicabile?*

Differentia essentialis: differentiae enim accidentales perti-

nent ad quartum & quintum predicabile.

*Quomodo definitur differentia essentialis?*

Hoc modo; Differentia est, quae de pluribus, vel numero, vel etiam specie differentibus, essentialiter praedicatur in quaestione, quae queritur, qualis sit res; ut, *Quale animal est homo? Rationale. Qualis ars est Logica? Quae instrumenta conficiuntur, iisque dirigis intellectum in cognitione rerum.*

### CAP. XIII.

*Quot modis dicitur proprium?*

**Q**uatuor modis. Proprium primo modo dicitur, quod convenit soli alicui speciei, sed non omnibus illius individuis; ut, *hominem esse statuarium*. Secundo modo, quod convenit omnibus individuis alicujus speciei, sed non solis; ut, *hominem esse bipedem*. Tertio modo, quod convenit soli alicui speciei, omnibusque illius individuis, sed non semper; ut, *hominem ridere, aut causare*. Quatto modo, quod convenit soli alicui speciei, omnibusque illius individuis, & semper; ut, *hominem risibilem esse*.

*Quenam propria constituunt quartum predicabile?*

Propria quarti modi; reliqua pertinent ad quintum predicabile.

*Quid est proprium quarto modo?*

Proprium est, quod non declarat quid res sit, & tamen soli inest, & cum ea reciprocatur. Sic risibilitas reciprocatur cum homine, (omnis enim homo risibilis est, & quicumque risibilis est, etiam est homo) *facultas biuivendi*, cum

*equo; laurandi*, cum cane, &c.

*Quid est accidens?*

Accidens est, quod abest & adest sine subjecti interitu; hoc est, quod sine contradictione de subjecto suo affirmari & negari potest.

*Quotuplex est accidens?*

Duplex; separabile, & inseparabile.

*Quid est accidens separabile?*

Quod naturaliter a subjecto suo separari potest; ut, *seorsum sedere, simitas, graditia, &c.*

*Quid inseparabile?*

Quod naturaliter nequit a subjecto suo separari; ut, *corus, albor in cyano*.

*Quomodo dici potest accidens inseparabile esse?*

*Si non possit separari a subjecto suo?*

Accidens inseparabile nequit a subjecto separari, & non dicitur inseparabile, sed tamen separari potest a subjecto in cogitatione, & haec est differentia accidentis, in eoque a proprio distinguitur, quod ne cogitatione quidem potest a subjecto separari.



## CAP. XIV.

Quid est totum?

**T**otum est, quod constat plurimum convenienti unione.

Quotuplex est totum?

Duplex; aliud per se, aliud per accidens.

Quid vocas totum per se?

Cui partes per se insunt.

Quid per accidens?

Cui partes insunt per accidens.

Quenam partes dicuntur toti inesse per se, & quæ per accidens?

Partes per se inesse dicuntur, cum aut ipsum totum partibus essenziale est, aut partes toti.

Explica rem exemplo.

Animal est totum per se respectu hominis & bestie, & respectu corporis & animæ; at homo est totum per accidens respectu servorum & liberorum, bonorum & malorum. Nam animal pertinet ad essentiam hominis & bestie; illiusque essentia ex corpore & anima constituitur. At liberum aut servum, bonum aut malum esse, non conveniunt homini ratione essentiae, sed sunt accidentia, quæ ad essentiam extrinsecus accedunt.

Quotuplex est totum per se?

Quadruplex; universale, formale, essenziale & integrale.

Quid est totum universale?

Totum universale nihil aliud est, quam genus respectu specierum, aut species respectu individuum. Et quia species in genere, & individua in specie non actu, sed potentia continentur, sedum est, ut totum universale sit appellatum totum potentiale; ceteræ species totius dicuntur partes illius.

Quid est totum formale?

Totum formale nihil aliud est, quam species respectu generis & differentie, quibus definitur.

Quid est totum essenziale?

Quod constat materia & forma.

Quid totum integrale?

Quod partem habet extra partem.

Declara harum specierum discrimen exemplo aliquo partem, animalis.

Animal est totum universale respectu hominis & bestie; & totum formale, respectu corporis viventis, & sensus; (definitur enim corpus vivens sentiens) totum essenziale, respectu corporis & animæ; denique totum integrale, respectu capitis, ventris, artuum, &c.

Quomodo dividitur totum integrale?

In homogeneum & heterogeneum, sive simile & dissimile.

Quid est totum homogeneum?

Quod partes habet ejusdem nominis ac naturæ; ut substantie inanimatae, aqua, vinum, caro, lapis; item magnitudo, tempus, numerus, motus, &c.

Quid est totum heterogeneum?

Quod partes habet diversi nominis ac naturæ; ut substantie animatae; item, exercitus, ecclesia, mundus, & id genus alia.

Quotuplex est totum per accidens?

Quadruplex; vel enim causa diversorum effectuum totum dicitur, vel effectum diversarum causarum, vel subiectum diversorum adjunctorum, vel adjuncta diversorum subiectorum. Sed hoc de re plura in doctrina de divisione.

CAP.

## CAP. XV. &amp; XVI.

## Quid est causa?

**C**ausa est cuius vi res est.  
 Quid est causatum?  
 Quod à causis constituitur.  
 Quot sunt causa?  
 Quatuor: materia, forma, efficiens, & finis.

An ut causa, ita quoque causatum dividitur?

Non: una enim & eadem res est causatum omnium causarum: idque compositum dicitur respectu materiae & formae; effectum, respectu efficientis; & medium sive destinatum, respectu finis.

Quid est materia?

Materia est causa interna, ex qua res fit, aut constat. Ex, gr. semen est materia viventis, ex qua fit; corpus est materia, ex qua constat: illa solet appellari

materia generationis; hæc, materia compositionis.

An materia generationis & materia compositionis semper diverse sunt?

Non semper. Nam scamnum fit & constat ex ligno; nubes, ex vapore; glacies, ex aqua.

Quid est forma?

Forma est causa interna, per quam res est id quod est. Si anima est forma viventis; figura, forma statum, &c.

An res non est etiam per materiam?

Omnino: sed per materiam non est id quod est, hoc est, non est certa species. Quod enim res fit, hæc æque materia debetur ac formæ: sed quod fit hoc potius quam illud, id totum debetur formæ.

## CAP. XVII.

## Quid est causa efficiens?

**C**ausa efficiens est causa externa, à qua res verà causalitate proficiscitur.

Cur dicis causalitatem verà?

Ut causam efficientem à fine distinguerem. Nam res effecta etiam proficiscitur à fine; sed causalitate sive motione metaphorica.

Quot modis dividitur causa efficiens.

Octo potissimum modis.

Quæ est prima divisio?

Causa efficiens alia est emanativa vulgò dicta, alia activa.

Quenam causa vocatur vulgò emanativa?

À qua res immediate, ac sine ulla actione media emanat. Sic ignis est causa caloris sui, omnisque forma est causa ema-

nativa suarum proprietatum;

Quid est causa activa?

Quæ effectum producit agendo. Sic ignis est causa caloris in eo qui calefit.

Quæ est secunda divisio?

Causa efficiens vel est immanens, vel transiens.

Quæ est causa immanens?

Quæ producit effectum in se ipso. Sic dicitur intellectus causa suorum conceptuum.

Quæ transiens?

Quæ producit effectum extra se. Sic architectus est causa domus; qui projicit, causa projecti lapidis.

Quæ est tertia divisio?

Causa efficiens alia libera est, alia necessaria.

Quamvis

*Quenam causæ dicuntur liberae?*

Quæ consulto causant. Sic, qui pro arbitratu suo ambulat, domum struit, bella gerit, aut aliud aliquid agit, dicitur causa libera istarum rerum, quas efficit.

*Quenam dicuntur necessariae?*

Quæ causant necessitate naturæ. Sic lapis descendens, ignis ascendens, aut urens materiam idoneam, dicitur causa necessaria motus, aut ustionis.

*Quæ est quarta divisio?*

Causa efficiens alia est per se, alia per accidens.

*Quid est causa per se?*

Quæ producit effectum naturæ suæ, aut consilio consentaneum.

*Quid causa per accidens?*

Quæ effectum producit præter consilium, aut naturæ suæ propensionem.

*Explica rem exemplis.*

Cum piscator pisces capit, dicitur causa per se capturæ piscium; cum extrahit aurum tripodem, dicitur causa per accidens; illud enim proposuerat, hoc evenire præter consilium. Similiter, cum animal sibi simile generat, dicitur causa per se generati animalis; cum generat monstrum, dicitur causa per accidens: quia hoc accidit præter propensionem naturalem animalis. Dicitur etiam alio modo causa per accidens: ut vide hæc de re Institutiones.

*Quæ est quinta divisio?*

Causa efficiens alia est principalis, alia minus principalis.

*Quam vocas principalem?*

Quam suâ virtute effectum producit.

*Quam minus principalem?*

Quæ principali causæ interservit ad effectum producendum.

*Quotuplex est causa minus principalis?*

Triplex; causa procacitæ, causa proëgumena, & instrumentum.

*Quam vocas causam procacitæ?*

Quæ causam principalem intrinsecus incitat ad agendum.

*Quam proëgumenam?*

Quæ causam principalem intrinsecus disponit vel etiam promittit ad agendum.

*Quid est instrumentum?*

Quod causa principali in ipsi rei effectum subservit.

*Declara hanc divisionem exemplo.*

Causa principalis ædificii, est architectus, sive faber; causa procacitæ, merces, aut is, qui mercedem pollicetur; causa proëgumena, lucri cupiditas; instrumenta, ferra, securis, &c.

*Quæ est sexta divisio?*

Causa efficiens, vel est prima, vel secunda.

*Quæ causa dicitur prima?*

Quæ non pendet à causa priorē, estq; vel absolute prima; ut, Deus; vel prima in suo genere; ut, *colaris, anima*. Deus enim est prima causa omnium rerum; colaris est prima causa motuum ac mutationum naturalium; anima prima causa operationum vitalium, non absolute, sed in genere causarum naturalium.

*Quenam dicuntur causæ secundæ?*

Quæ pendent ab aliqua priorē causa, idq; vel à causa absolute prima (sic omnes causæ creatæ secundæ causæ dicuntur) vel etiam à causa priorē in suo genere; sic instrumentū dicitur causa secunda respectu causæ principalis.

*Quæ*

*Quæ est septima divisio?*

Causa efficiens alia est universalis, alia particularis.

*Quid est causa universalis?*

Quæ eadem efficientiâ cum aliis causis concurrat ad plura effecta; ut, cælum.

*Quid particularis?*

Quæ suâ efficientiâ tantum unum effectum producit: ut, natura cujusque rei naturalis.

*Quæ denique est octava & ultima divisio?*

Causa efficiens alia est proxima, alia remota.

*Quanam dicitur proxima?*

Quæ effectum producit immediate, sive quæ ipsa cum effecto

conjungitur; vel ratione existentiz suæ, vel ratione virtutis, vel ratione utriusque. Quarum, quæ suâ existentia cum effecto conjungitur sine ulla virtute media, speciali appellationis proxima dicitur.

*Quæ remota?*

Quæ effectum producit mediâ causâ propinquiore; sive, quæ neq; existentia, neq; virtute suâ cum effecto conjuncta est.

*Da exempla.*

Avus est causa remota nepotum, pater est causa proxima filii; sed appellatione generali: cause emanativæ sunt cause proximæ, appellatione speciali.

## CAP. XVIII.

*Quid est finis?*

**F**inis est causa, ejus gratia res est: hoc est, quæ suâ amore incitat causam efficientem ad agendum, & ad consecutionem sui. Sic eruditio dicitur finis studiorum, quia studiosus eruditionis amore impellitur ad studendum. Hic impulsus vocatur *motus metaphoricus*.

*Quotplex est finis?*

Duplex: subordinatus & ultimus.

*Quid est finis subordinatus?*

Qui refertur ad finem ulteriorem.

*Quid ultimus?*

Qui non refertur ad ulteriorem.

*Quot modis dicitur finis ultimus?*

Duobus modis. Vel enim finis absolute ultimus est: ut *salus*; vel in suo tantum genere: sic *cognitio veritatis* est ultimus finis Logicæ.

## CAP. XIX.

*Quid est subjectum?*

**S**ubjectum est, cui aliquid præter essentiam adjungitur.

*Quid est adjectum?*

Quod alicui præter essentiam adjungitur.

*Quot modis dicitur adjectum?*

Triplex: per se, per accidens, & per modum.

*Quid est per se?*

Adjectum aliud est propri-

um, aliud commune. Hæc distinctio ex illis, quæ ante dicta sunt, facis intelligitur.

*Quæ est secunda divisio?*

Adjuncta alia absoluta sunt, alia limitata.

*Quanam sunt absoluta?*

Quæ subiecto simpliciter ad-

sine limitatione conveniunt; ut, hominem mortalem esse.

Quæ limitata?

Quæ subjecto conveniunt secundum quid; ut hominem immortalem esse.

Quæ est tertia divisio?

Adjunctum aliud est internum, aliud externum.

Quid est adjunctum internum?

Quod subjecto inhæret.

Quid externum?

Quod extrinsecus tantum ad subjectum ordinatur.

Da exemplum.

Color, magnitudo, figura, in-  
doles, mores, &c. sunt interna  
adjuncta hominis: actiones, de-  
cus, tempus, vestes, &c. sunt ad-  
juncta externa.

Quotuplex est adjunctum  
externum?

Triplex; objectum, signum,  
& circumstantia.

Quid est objectum?

Objectum est, circa quod res  
operando versatur; sic objectum  
visus est color; auditus, sonus.

Quid est signum?

Signum est; quod sensibus se-  
ipsum, & id, cujus signum est, in-  
tellectui offert. Sic aurora est  
signum orituræ solis, vestigium,  
pedis; hedera suspensæ, venalis  
vini.

Quid est circumstantia?

Circumstantia est, quod circa  
rem est, eive adjacet, aut appo-  
situm est. Huc pertinet locus,  
tempus, vestitus, armatura, &c.

## CAP. XX.

Quæque habemus de affectionibus simplicibus & quas vocas  
affectiones conjunctas.

Quæ pluribus rebus con-  
junctim conveniunt. Quales  
sunt, convenientia, diversitas,  
oppositio, & ordo. Una enim res  
dici potest alterius genus, pars,  
causa, subjectum, &c. at uni rei  
scorum, ut est una, non potest  
tribui convenientia, diversitas,  
oppositio, aut ordo.

Quid est convenientia?

Convenientia est, quâ plura,  
aut quasi plura, uniuntur.

Quomodo dividitur conveni-  
entia?

In simplicem & analogicam.

Quid est convenientia simplex?

Convenientia unius cum alio  
in eodem tercio.

Quid analogia?

Analogia est rationum similium,  
sive convenientia plurium cum  
pluribus in eadem habitudine.

Da exemplum.

Homo & bestia conveniunt in  
communi natura animalis; mel  
& fel conveniunt colore. Hæc est  
convenientia simplex. At auriga  
& gubernator, & radix,  
sunt analogæ: quia, ut auriga se  
habet ad currum, ita se habet  
gubernator ad navim; & ut os se  
habet ad animal, ita radix se ha-  
bet ad plantam: utrobique est  
quædam similitudo habitudinis  
ad aliud.

Quotuplex est convenientia  
simplex?

Duplex; identitas, & con-  
venientia accidentalis.

Quid est identitas?

Identitas est unitas essentia,

Quotuplex est  
identitas?

Duplex; substantiva, & coor-  
dinata.

*Quam vocat subordinatam  
identitatem?*

Qua conveniunt superiora cum inferioribus: puta, genus cum speciebus, aut species cum individuis sibi subjectis; & vicissim. Sic conveniunt *animal* & *homo*, *homo* & *Socrates*, *homo* & *ars*, *ars* & *Logica*, &c.

*Quotuplex est identitas coor-  
dinata?*

Triplex; numerica, specifica, & generica.

*Quid est identitas numerica?*

Qua unumquodque individu-um convenit cum seipso. Sic *Socrates* senex est idem numero *homo* qui fuerat puer.

*Quid specifica?*

Qua plura individua conveniunt in eadem specie; ut, *Socrates* & *Plato* in natura humana?

*Quid generica?*

Qua plures species earumque individua conveniunt sub eodem genere, vel proximo, vel remoto; ut, *homo* & *equus*, *Bucephalus* & *Alexander*, sub *animali*;

*homo* & *equus*, *planta* & *lapis* sub *corpore*.

*Quotuplex est convenientia  
accidentalis?*

Duplex; interna (quæ iterum in paritatem & similitudinem dividitur) & externa.

*Quid est paritas?*

Paritas est convenientia in quantitate. Paria dicuntur, quæ æquæ magna sunt.

*Quid est similitudo?*

Similitudo est convenientia in qualitate aut in passione. Similia dicuntur, quæ eadem qualitate affecta jam sunt, aut etiamnum afficiuntur.

*Quid est convenientia externa?*

Convenientia externa est convenientia in causis, effectis, subjectis, aut adjunctis externis; hoc est, quæ non pertinent ad essentialiam. Sic duo fratres germani conveniunt causa efficiens, *pluvia* & *grando*, materia; artifices ejusdem professionis, effectis virtutes & vicia, subjecto, *agitudo* & *amor*, signo, nempe *pallore*.

## CAP. XXI.

*Quid est diversitas?*

**D**iversitas est, qua res à se invicem distinguuntur.

*Quotuplex est diversitas?*

Duplex; alia essentialis, alia accidentalis.

*Quomodo dividitur diversitas  
essentialis?*

In subordinatam & coordinatam.

*Quid est diversitas subordinata?*

Qua superiora differunt ab inferioribus; puta, genus à speciebus, & species ab individuis sibi subjectis; & vicissim. Sic differt *animal* ab *homine* & *bestia*; *homo* à *Socrate* & *Platone*.

*Quotuplex est diversitas co-  
ordinata?*

Triplex; numerica, specifica, & generica.

*Quid est diversitas numerica?*

Qua distinguuntur individua ejusdem speciei; ut, *Socrates* & *Plato*.

*Quid specifica?*

Qua distinguuntur species ejusdem generis, & earum individua; ut *homo* & *equus*, *Alexander* & *Bucephalus*.

*Quid generica?*

Qua distinguuntur genera, cum summa



summa, tum subalterna, eorumque species & individua; ut, substantia & quantitas, corpus & spiritus, animal & planta, homo & pyrus, Socrates & hæc pyrus.

*Quoruplex est diversitas accidentalis?*

Duplex; interna (quæ in imparitatem & dissimilitudinem subdividitur) & externa.

*Quid est imparitas?*

Imparitas est diversitas in quantitate. Imparia sunt, quorum alterum altero majus est aut excellentius.

## CAP. XXII.

*Quid est oppositio?*

**O**ppositio est pugna rerum.

*Quam res dicuntur pugnare?*  
Quæ neque de se invicem, neque de eodem tertio, secundum idem, eandem, eodem modo atque tempore, verè affirmari possunt.

*Quot sunt species oppositorum?*

Quatuor: disparata, contraria, relativè opposita, privativè opposita, & contradicentia.

*Quid sunt disparata?*

Disparata sunt, quorum unum pluribus opponitur eodem modo; ut, homo & equus, album & rubrum. Etenim homo non equo tantum, sed & leoni, lupo, &c. & album non solum rubro, sed & viridi, flavo, ceruleo, ceterisque modis coloribus opponitur eodem modo, hoc est, eodem oppositionis genere.

*Cur dicitur eodem modo?*

Quia servus & domino opponitur & libero: non, tamen dominus & servus disparata sunt: quia servus opponitur domino relativè; libero, contrariè.

*Quid est dissimilitudo?*

Dissimilitudo est diversitas in qualitate, aut passione. Et dissimilia dicuntur, quæ diversâ qualitate jam affecta sunt, aut etiamnum afficiuntur.

*Quid est diversitas externa?*

Diversitas externa est diversitas in causis, effectis, subjectis, aut adjunctis externis; hoc est, quæ non pertinent ad essentiam. Sic mures à sole geniti ex putredine differunt causâ efficiente & materiâ ab iis muribus qui ex semine generantur.

*Quid sunt contraria?*

Contraria sunt duo absoluta, quæ sub eodem genere plurimum distant; ut album & nigrum, calidum & frigidum, virtus & vitium, par & impar.

*Quomodo dividuntur contraria?*

In mediata & immediata.

*Quæ vocas mediata?*

Quæ admittant medium participationis; ut, calor & frigus, album & nigrum.

*Quæ immediata?*

Quæ non admittunt medium participationis; ut, par & impar, rectum & obliquum.

*Quid sunt relativè opposita?*

Quæ id ipsum, quod sunt, oppositorum esse dicuntur, vel alio quovis modo ad illa referuntur; ut, pater & filius, dominus & servus.

*Quid sunt privativè opposita?*

Privativè opposita sunt habitus & illius privatio.

*Quid intelligitur hæc loci nominis habitus?*

Quodlibet accidentis, quod à sub-



jecto suo separari potest, puta, vel potentia naturalis, vel habitus in qualitate, vel patibilis qualitas, vel operatio, vel habitus in decima categoria.

*Quid est privatio?*

Privatio est absentia habitus in subiecto, quod per naturam suam, & per tempus à natura definitum, aptum est habitum recipere.

*Da exempla eorum quæ opponuntur privativæ.*

*Visus & cæcitas, scientia & ignorantia, lux & tenebræ, motus & quies, nudum & vestitum esse, &c.*

*Quid sunt contradicentia?*

Contradicentia sunt ens & non-ens; ut, homo, non-homo; album, non-album; videre, non videre.

## CAP. XXI II.

*Quid est ordo?*

**O**Rdo est secundum quem aliquid altero prius aut posterius, vel etiam simul cum illo dicitur.

*Quot modis dicitur prius & posterius?*

Quinque modis; tempore, naturâ, dispositione, dignitate, & cognitione.

*Quid est prius tempore?*

Quod altero vetustius & antiquius dicitur. Sic Pythagoras dicitur prior Socrate; & bellum Trojanum, bello Punico.

*Quid prius naturâ?*

Quod prius est existendi consecutione, aut causalitate.

*Quid vocatur prius existendi consecutione?*

A quo non recipiatur existendi consecutio. Sic animal prius est hominibus; & numerus binarius, ternario. Posito enim homine, ponitur animal; ac posito animali, non necesse est poni hominem: similiter, posito ternario numero, binarius quoque ponitur; ac posito binario, non necesse est poni ternarium.

*Quid vocatur prius causalitate?*

Quod recipiatur secundum existendi consecutionem, & alterum quomodocumque causa est,

cur alterum existat. Sic sol est prior suâ luce, non tempore, sed naturâ sive causalitate.

*Quid est prius dispositione?*

Quod minus abest ab initio. Sic exordium prius est ceteris partibus in oratione.

*Quid prius dignitate?*

Quod prestantius est. Sic magistratus prior est subditis, dominus, servis; pater, liberis.

*Quid prius cognitione?*

Quod notius est.

*Quot modis dicitur aliquid alteri notius?*

Duobus: vel quoad naturam, vel quoad nos.

*Quanam dicitur natura secundum naturam?*

Quæ naturâ priora sunt, & universaliora singularibus; partem toto, causæ effectis, &c.

*Quæ quoad nos?*

Quæ naturâ posteriora, sensibilibusque nostris viciniora sunt, & singularia universalibus, totius suis partibus, effectum causæ.

*Quot modis dicitur simul?*

Totidem fere modis, quod prius & posterius dicitur. Sed duo modi ceteris uberioribus sunt; simul tempore, & simul naturâ.

*Quanam dicuntur simul tempore?*

Quæ eodem tempore existunt; ut æquales, & σύγχροτοι, h. e. contemporanei.

*Quæ simul naturâ?*

Simul naturâ dicuntur primò, quæ reciprocantur quidem se-

cundùm existendi consecutionem, sed itâ, ut alterum non sit causa, cur alterum existat; ut, relatum & correlatum, putâ, pater & filius. Deinde, quæ in ejusdem generis divisione sibi invicem opponuntur: ut, homo & bestia.

## CAP. XXXIV.

Atque hætenus egimus de thematum simplicium categoriis, & affectionibus, quæ ex rerum in categoriis dispositarum collatione oriuntur: quid porro sequitur?

**I**nterpretatio thematum simplicium, & affectiones, quas intellectus noster vocabulis assignit, ex modo conceptus suos interpretandi.

*Quid est interpretatio?*

Interpretatio est vox articulata, animi conceptus ex institutione significans.

*Quæ simplex est interpretatio?*

Duplex; dictio, quæ est interpretatio simplex, & oratio, quæ est interpretatio composita.

*Quid est dictio siue interpretatio simplex?*

Cujus nulla pars significat separatim: ut, homo, piscis, lapis.

*Quid est oratio siue interpretatio composita?*

Cujus partes significant aliquid separatim: ut, homo est animal: piscis non respirat.

*Quomodo dividitur dictio?*

In nomen & verbum:

*Quid est nomen?*

Nomen est dictio, quæ sine tempore significat, & conjuncta verbo substantivo est, effert verum aut falsum; ut, homo, animal.

*Quid est verbum?*

Verbum est dictio, quæ tempus adsignificat, & semper signum est eorum, quæ, de altero dicuntur; ut, disputat, currit.

*Quomodo dividitur nomen, & verbum?*

Utrumque dividitur in finitum & infinitum.

*Quid est nomen aut verbum finitum?*

Quod habet significationem definitam; ut, homo currit.

*Quid infinitum?*

Cujus significationem negandi nota non indefinitam facit; ut, non-homo, non-currit.

## CAP. XXV.

*Quenam sunt spectanda in dictionibus?*

**P**rimò, etymologia & conjugatio; deinde, homonymia & synonymia.

*Quid est etymologia?*

Etymologia est ratio vocis in significando, ex origine declarata; veluti, cum murum dicitur, quasi de meo murum.

*Quid sunt conjugata?*

Conjugata sunt, quæ vocis & significationis affinitate juncta, terminatione differunt; ut, justitia, justus, justè & sapientia, sapiens, sapienter, sapere.

*Quot partibus constat conjugatio?*

Tribus; voce primitiva, paro-

nyma

nymâ sive denominatâ, & casu.

*Quid est vox primitiva?*

Vox primitiva est vox abstracta, quæ ab alia voce non est denominata.

*Quid paronyma sive denominata?*

Vox paronyma est vox concreta, quæ à voce primitivâ sic derivata est, ut ab ea terminatione solâ differat.

*Quid casus?*

Casus hoc loco est adverbium à nomine aut verbo suæ conjugationis deductum: aliàs casus est quilibet vocis inflexio.

*Adde exemplum.*

*Iustitia, sapientia*, sunt voces abstractæ sive primitivæ; *iustus, sapiens, sapere*, voces concretæ, sive paronymæ; *iuste, sapienter*, casus.

## CAP. XXVI.

*Quid est vox synonyma sive univoca?*

Quæ res significat, quibus ratio essentia, sive definitio communi nomini accommodata, est eadem.

*Quid vox homonyma?*

Quæ res significat, quibus ratio essentia, sive definitio communi nomini accommodata, est diversa.

*Da exemplum.*

Vox *animal*, cum animali vivo simul & picto tribuitur, est homonyma; quia non est una communis essentia aut definitio vivi & picti animalis: at cum homini & bestia tribuitur, est synonyma: quia una eademque essentia est & definitio animalis, quæ homini & bestia cum ipso communi nomine *animalis* communis est.

*Quotuplex est vox homonyma?*

Duplex; alia à casu, alia à consilio.

*Quenam voces dicuntur homonymæ à casu?*

Quæ diversis rebus significandis sine causa sunt impostæ; veluti, cum *ius* dicitur, tum quod forbesi potest, tum quod injuriæ opponitur.

*Quenam à consilio?*

Quæ diversis rebus significan-

dis certâ ratione sunt impostæ.

*Quotuplex est ratio homonymia?*

Duplex; alia enim in rebus est; alia in nobis.

*Quotuplex est ea, quæ in rebus esse dicitur.*

Iterum duplex; tropus scilicet, & inæqualis attributio generis. Omnia enim vocabula tropica sunt ambigua; veluti cum *anima* ponitur pro homine, *autor* pro libro, &c. Tum etiam vocabula generum, quæ suis speciebus communicantur inæqualiter; ut, *ens*, cum dicitur de substantia & accidente; *sanum esse*, de animali, de cibo, & de urina. Inter vocabula tropica maxime elucet metaphorica in quibus spectatur similitudo rerum, vel simplex; veluti, cum homo vaser *vulpes* dicitur, aut homo impurus, *proculus*: vel analogica; veluti, cum minister ecclesiæ *pastor* vocatur.

*Quando voces homonymæ dicuntur propter rationem in nobis sitam?*

Cum nomen propinque aut charæ personæ indimus libris nostris, ad conservandam illius memoriam; aut personæ pie aut illustris, ob spem similitudinis, aut ad exemplum.

## CAP. XXVII.

*Atq; hæc de themate simplici: quid porro sequitur?*

**T**hema complexum, ejusque interpretatio, quæ enunciatio dicitur.

*Quid est enunciatio?*

Enunciatio est oratio, in qua aliquid de aliquo verè aut falsò pronuntiatur; ut, *Terra est rotunda: Mare non est altius terrâ.*

*Cur non discernis thema complexum ab illius interpretatione, ut factum fuit in themate simplici?*

Quia eadem species, eademq; affectiones in themate complexo, atque in illius interpretatione, five enunciatione considerandæ sunt.

*Quenam sunt spectanda in enunciatione?*

Species & affectiones.

*Quanam sunt species enunciationis?*

Primò, simplex & composita; deinde, pura & modalis.

*Quid est enunciatio simplex?*

Quæ non potest in plures enunciationes resolvi; ut, *Canis latrat: Verres est fur.*

*Quæ sunt partes enunciationis simplicis?*

Subiectum & prædicatum.

*Quid est subiectum?*

Cui aliquid in enunciatione simplici tribuitur.

*Quid prædicatum?*

Quod alicui in enunciatione simplici tribuitur.

*Quid ergò de copula verbali*

*EST statuendum?*

Copula est censetur pars prædicati: ut in hac enunciatione, *Homo est animal*; subiectum est homo, prædicatum, est animal.

*An copula EST semper in enunciatione exprimitur?*

Non: sæpe in verbo continetur; ut, *Socrates sapit*: hoc enim idem est, ac *Socrates est sapiens*.

*Quid est enunciatio composita?*

Quæ constat ex pluribus enunciationibus inter se copulatis.

*Quotuplex est?*

Quintuplex; copulativa, hypothetica, disjunctiva, adversativa, & relativa.

*Quid est enunciatio copulativa?*

Cujus partes connectuntur conjunctione copulativâ, & quæ, quoque, aut simili; ut, *Credidit Abraham Deo, & imputatum ei fuit ad justitiam.*

*Quid est hypothetica?*

Cujus partes connectuntur conjunctione conditionalis; ut, *Si Deus est, mundus regitur providentiâ.* In his prior pars dicitur antecedens; altera, consequens.

*Quid disjunctiva?*

Cujus partes connectuntur conjunctione disjunctivâ, aut, vel, five, seu, aut simili; ut, *Aut justificamur fide, aut operibus.*

*Quid adversativa?*

Cujus partes connectuntur conjunctionibus adversativis, quamvis, tamen, non, sed, aut similibus; ut, *Non formosus erat, sed erat facundus Ulysses.*

*Quid relativa?*

Cujus partes connectuntur multiplici relatione; ut, *Qualis rex, talis grex*: *Quod non est compositum, est immortale*: *Dum spero, spero.*

C A P.

## CAP. XXVI.

Atque hæc de prima divisione: accedamus ad alteram.  
*Quid est enunciatio pura?*

**I**N qua non exprimitur, quomodo partes coherent; ut, *Homo est animal: Homo non est lapis.*

*Quid modalis?*

In qua exprimitur, quomodo partes coherent; ut, *Necesse est hominem esse animal, aut non esse lapidem.*

*Quot sunt modi?*

Quatuor; necesse, impossibile, possibile, & contingens.

*Quæ sunt partes enunciationis modalis?*

Dictum & modus: ut, in hac enunciatione, *Necesse est hominem esse animal; dictum est, hominem esse animal; modus, necesse.*

*Quomodo disponendæ sunt hæ partes?*

Ita ut dictum sit subiectum, & modus prædicatum.

## CAP. XXIX.

Atque hæc de speciebus: quoruplices sunt affectiones enunciationum?

**D**uplices; absolutæ & relatæ.  
*Quanam sunt affectiones absolutæ?*

Quantitas & qualitas.

*Quomodo dividitur enunciatio ratione quantitatis?*

In universalem, particularem, indefinitam, & singularem.

*Quid est enunciatio universalis?*

In qua subiectum universale accipitur universaliter, hoc est, cum nota universalitatis, *omnis, nullus, aut simili; ut, Omnis homo est animal: Nullus cometa est stella.*

*Quid particularis?*

In qua subiectum universale accipitur particulariter, hoc est, cum nota partis incertæ, *aliquis, quidam, aut simili; ut, Aliquis homo est dives: Non cuius homo ni contingit adire Corinthum.*

*Quid indefinita?*

Cujus subiectum universale nullâ quantitatis notâ definitur; ut, *Matres amant liberos suos.*

*Quid singularis?*

Cujus subiectum est singulare; ut, *Milo occidit Clodium.*

## CAP. XXX.

*Quomodo dividitur enunciatio ratione qualitatis.*

**P**rimò, in affirmantem & negantem; deinde, in veram & falsam.

*Quid est enunciatio affirmans?*

Quæ partes conjungit; ut, *Omnis homo est animal: Si Deus est, mundus regitur providentiâ: Necesse est Deum esse justum.*

*Quid negans?*

Quæ partes dividit; ut, *Terra non movetur: Non, si casus est in natura, providentiâ Dei tollitur: Non necesse est Socratem disputare.*

*Quomodo dividitur enunciatio affirmans, tum negans?*

In finitam & infinitam.

*Quam vocas finitam?*

Quæ constat subiecto & prædicato finitis; ut, *Omne corpus est in loco.*

*Quam infinitam?*

Quæ constat subiecto, aut prædicato, aut etiam utroque infinito; ut, *Non-ens excluditur à categoriis: Quidam homines sunt non-mali: Quidam non adeò divites sunt minimè sordidi.*

*In quo differt enunciatio negans ab infinita affirmante?*

In enunciatione negante ponitur negatio proxime ante copu-

lam, aut ante verbum quod vim copulæ continet, aut ante notam quantitatis, vel etiam in nota quantitatis includitur: ut, *Quidam homines non sunt electi: Lepides non vivunt: Non omnis homo est impius: Nullæ bestie ratiocinantur.* Si duæ negationes concurrant, enunciatio censetur affirmata; ut, *Nullus homo non peccat.* Si negatio alio loco ponatur, efficit enunciationem infinitam affirmantem; ut, *Quidam non locuples potest esse dives: Omne animal non-rationale est bestia: Adam potuit non peccare.*

### CAP. XXXI.

*Hæc de affirmatione & negatione. Porro quid est enunciatio vera?*

**Q**uæ conjungit ea, quæ revera conjuncta sunt: aut dividit quæ revera sunt divisa.

*Quid falsa?*

Quæ conjungit ea, quæ divisa sunt; aut dividit, quæ conjuncta sunt.

*Quomodo dividitur enunciatio vera?*

In necessariam & contingentem.

*Quam vocas necessariam?*

Quæ non potest esse falsa; ut, *Homo est animal, aut non est lapis.*

*Quot sunt gradus necessitatis in enunciatione?*

Tres: *κατὰ τὴν οὐσίαν, κατὰ τὸν τόπον, & κατὰ τὸν χρόνον.* hoc est, de omni, per se, & universali primum.

*Quæ dicitur enunciatio de omni.*

In qua prædicatum omni subiecto convenit, & semper; ut, *Corvus est niger: homo est bipes.*

*Quæ dicitur per se?*

Oujus subiectum & prædica-

tum essentiali nexu coherent.

*Quot sunt modi enunciationis per se?*

Duo: vel enim prædicatum ponitur in definitione subiecti, vel subiectum in definitione prædicati.

*Quanam enunciationes pertinent ad primum modum?*

In quibus vel genus prædicatur de specie; ut, *Homo est animal?* vel differentia; ut, *Homo est rationalis:* vel integra definitio; ut, *Homo est animal rationale.*

*Quanam pertinent ad secundum modum?*

In quibus proprietates prædicantur de subiecto suo; idque vel singulæ seorsum; ut *Homo est risibilis:* vel duæ distinctim; ut, *Numerus est par aut impar.*

*Quanam enunciatio dicitur universaliter prima?*

In qua prædicatum subiecto convenit, quatenus ipsum est id



id quod est; five, quæ constat terminis reciprocis: ut, *Homo est risibilis.*

*Quomodo se habent hi gradus ad se invicem?*

Posterior includit priorem, non vicissim. Enunciatio enim per se, est etiam de omni, & enunciatio universaliter prima, est etiam per se; sed non vice versâ.

*Quid est enunciatio contingens?*

Quæ potest esse falsa; ut, *Socrates disputat.*

*Quot sunt modi enunciationum contingentium?*

Tres: quædam plerunque veræ sunt; ut, *Matres diligunt liberos suos:* quædam raro, ut, *Homines nascuntur bicipites:* quædam ancipiti conditione nunc veræ sunt, nunc falsæ; ut, *Alator vincit.*

*Quotuplex est enunciatio falsa?*  
Duplex; possibilis & impossibilis.

*Quæ est enunciatio possibilis?*

Quæ potest esse veræ; ut, si falsò dicas pluere.

*Quæ impossibilis?*

Quæ non potest esse veræ; ut, *Homo est lapis.*

### CAP. XXXII.

*Quot sunt affectiones enunciationum compositæ?*

**D**Uæ sunt præcipue considerandæ; conversio, & oppositio.

*Quid est conversio?*

Conversio est transpositio prædicari in locum subjecti, salvâ veritate enunciationis.

*Quotuplex est conversio?*

Triplex; conversio simplex, conversio per accidens; & conversio per contrapositionem.

*Quid est conversio simplex?*

In qua servatur qualitas & quantitas enunciationis.

*Ubi habet locum?*

In enunciatione universalis negante, & particulari affirmante; ut, *Nullus homo est lapis;* ergò *nullus lapis est homo:* Aliquod

*animal est album;* ergò aliquod *album est animal.*

*Quid est conversio per accidens?*

In qua, servatâ qualitate, diminuitur quantitas.

*Ubi habet locum?*

In universalis affirmante; ut, *Omnis homo est animal;* ergò aliquod *animal est homo.*

*Quid est conversio per contrapositionem?*

In qua, loco subjecti & prædicati; ponitur utriusque contradictio.

*Ubi habet locum?*

In universalis affirmante; ut *Omnne mortale est genitum;* ergò quod *non est genitum, non est mortale.*

### CAP. XXXIII.

*Quid est oppositio?*

**O**ppositio est pugna enunciationum in affirmando & negando.

*Quenam enunciationes dicuntur pugnare?*

Quæ idem, de eodem, secundum idem, ad idem, eodem mo-

do, & eodem tem. ore, affirmant & negant.

*Quotuplex est oppositio enunciationum?*

Duplex; contrarietas & contradictio.

*Quia*



*Quid est contrarietas?*

Contrarietas est oppositio inter duas universales; ut, *Omnis homo est justus, Nullus homo est justus.*

*Quæ est regula contrariorum?*

Enunciationes contrariæ possunt simul esse falsæ, non simul veræ.

*Quid est contradictio?*

Contradictio est oppositio inter universalem & particularem; ut, *Omnis homo est justus, Non omnis homo est justus: Nullus homo est justus, Aliquis homo est justus.* Vel inter duas singulares; ut, *Aristides fuit justus, Aristides non fuit justus.*

*Quæ est regula contradictorium?*

Enunciationum contradicentium altera semper vera est, altera semper falsa.

*An non aliæ species oppositionum vulgè tribuuntur enunciationibus?*

Ita.

*Quæ?*

Subcontrarietas, & oppositio indefinita.

*Quanam dicuntur enunciationes subcontrariæ?*

Dux particulares, quarum altera affirmat, altera negat; ut, *Aliquis homo est justus, Aliquis homo non est justus.*

*Quæ dicuntur indefinitæ oppositæ?*

Dux enunciationes indefinitæ, quarum altera affirmat, altera negat; ut, *Homines sunt justis, Homines non sunt justis.*

*Quæ est regula veritatis in hisce enunciationibus.*

Enunciationes subcontrariæ & indefinitæ oppositæ possunt esse simul veræ, non simul falsæ.

*Cur non recensuisti subcontrarietatem & oppositionem indefinitam inter species oppositionum?*

Quia enunciationes subcontrariæ & indefinitæ non sunt revera oppositæ, sed videntur tantum. Possunt enim simul esse veræ.

# SYNOPSIS LOGICÆ

## LIBER SECUNDUS.

### CAP. I.

*Absoluta est prima pars Logicæ, quæ agit de thematibus, eorûmq; variis affectionibus: veniamus ad partem alteram, in qua dixisti agi de instrumentis, quibus themata tractanda sunt. Quot sunt ergo ejusmodi instrumenta.*

Uatuor; definitio, divisio, syllogismus, & methodus. Ex quibus definitio & divisio inserviunt tractandis thematibus simplicibus; syllogismus, complexis; methodus utrisque.

*Quæ est materia, ex qua hæc instrumenta conficiuntur.*

Affectiones thematum simplicium. Ex his enim definitiones & divisiones formantur: hinc argumenta petuntur syllogismis: hæc denique debito ordine dispositæ, methodum constituunt.

*Quid est definitio?*

Definitio est oratio explicans quid sit id quod quæritur.

*Quotplex est definitio?*

Duplex; alia nominis, alia rei.

*Quid est definitio nominis?*

Quæ nominis significationem explicat.

*Quot modis explicatur nominis significatio?*

Tribus modis: 1, notatione, five etymologiâ; ut, *Triangulum est, quod habet tres angulos*; 2, voce conjugatâ; ut, *Qualitas est, à qua quales aliqui dicuntur*; 3, denique voce synonymâ notiore; ut, *Bovinator est tergiversator*. Huc pertinent lexica.

### CAP. II.

*Quid est definitio rei?*

Quæ explicat, quid res ipsa sit, quomodo dividitur?

In perfectam & imperfectam.

*Quam vocas definitionem perfectam?*

Quæ rei essentiam attributis essentialibus explicat perfectè; ut, *Homo est animal rationale*.

*Quot sunt l'ges perfectæ definitionis?*

Sex. Enumera.

1. Definitio perfecta debet esse brevis.

2. Debet esse perspicua.

3. Debet cum definito reciprocari.

4. Debet

4. Debet esse affirmata.
5. Debet sine copulatione aut disjunctione partium proponi.
6. Debet constare ex attributis prioribus & notioribus naturā; atque adēo ex indemonstrabilibus.

Quibus partibus constat definitio perfecta?

Genere & differentiā.

Ut de genere nihil dicam, unde petitur differentia?

Differentia substantiarum petitur à forma: & cū formæ sunt ignotæ, proprietas adhibetur loco formæ. Differentia accidentium sumitur à subiecto, objecto, causā efficiente, aut finali.

Quomodo definiuntur accidentia propria?

Genere, subiecto, & causā proximā; eaq; vel efficiente; ut, *Eclipsis est defectus luminis in luna q̃ terram inter solem & lunā in-*

*terpositam: vel finali; ut, Appetitus est facultas naturalis in animali, ad consequendum quod sibi bonum, & vitandum quod sibi malum videtur: vel deniq; utraq; ut Respiratio est attractio & expulsio aeris reciproca, à pulmonibus facta, ad cordis refrigerium.*

Quomodo definiuntur accidentia communia?

Variis modis, ex quibus hi sunt præcipui. 1, Definiuntur genere & subiecto; ut, *Sinitas est civitas nasi.* 2, Genere & objecto; ut, *Physica est scientia corporis naturalis.* 3, Genere & fine; ut, *Grammatica est ars bene loquendi.* 4, Genere, objecto & fine, ut, *Liberalitas est virtus servans mediocritatem in eroganda & accipienda pecunia.* 5, Genere & causā efficiente; ut, *Albor est color ortus ex prædominio perspicui.*

### CAP. III, & IV.

Quid est definitio imperfecta?

Quæ rei essentiam non explicat attributis essentialibus, aut saltem non explicat perfectè: eaque proprio vocabulo descriptio dicitur.

Quando adhibetur imperfecta definitio?

1, Quando res ipsa non caput perfectam definitionem. 2, Quando nos rei essentiam non percipimus. 3, Quando desunt idonea vocabula, quæ in perfecta definitione requiruntur. 4, Quando aliorum capiti definitio attemperanda est. 5, Denique, quando proposita definitione alios delectare magis aut movere volumus, quàm docere.

Quæ res respiciunt perfectam definitionem?

1, Res infinitæ; ut, *Deus.* 2, Quæ non habent veram essentiam; ut, *privaciones.* 3, Quæ non habent unam essentiam; ut, *entia concreta & aggregata.* 4, Quæ non habent essentiam perfectam; ut, *partes, principia rerum, res in fieri.* 5, Summa genera. 6, Individua.

Quarum rerum essentiam non possumus assequi?

Quæ per se non incurrunt in sensus nostros; ut substantiæ cū corporeæ, tum incorporeæ.

Quot modis formatur definitio imperfecta?

Septem modis potest formari.

Enumerata

Enumerabo hos modos.

1. Cum accidens proprium definitur solâ causâ externâ; ut, *Eclipsis est interpositio terræ.*

2. Cum definitur genere & subiecto; ut, *Eclipsis est defectus luminis in luna.*

3. Cum res aliqua definitur genere & proprietate unâ aut pluribus; ut, *Canis est bestia latrans.*

4. Cum res definitur enumeratione partium aut specierum; ut, *Logica est ars definiendi, divi-*

*dendi, argumentandi & ordinandi.*

5. Cum res definitur remoti-  
one oppositi; ut, *Virum est viri-  
um fugere.*

6. Cum relatum definitur cor-  
relato; ut, *Dominus est qui ha-  
bet servum.*

7. Cum res definitur concera-  
vatione circumstantiarum; ut,  
*Homo est animal bipes, implum-  
crecto vultu, manibusque præ-  
ditum.*

## CAP. V.

## Quotuplex est divisio?

**D**uplex; alia nominis, alia rei.

Quid est divisio nominis?

Enumeratio significationum homonymi vocabuli, aut distinctio ambiguae sententiae; ut, si quis recenscat significationes *iuris*, aut distinguat hanc orationem, *Aio te Accida Romanos vincere posse.* Hæc improprie divisio appellatur; rectius distinctio dicitur.

Quid est divisio rei, siue divisio proprie dicta?

Divisio est explicatio totius per partes.

Quomodo distribuitur?

Eodem modo quo totum. Ac primò, in divisionem totius per se, & in divisionem totius per accidens.

Quotuplex est divisio per se?

Quadruplex: vel enim dividitur genus in species; ut, *animal in hominem & bestiam*; vel definitum in partes definientes; veluti, cum *homo*, siue humana essentia dividitur, siue resolvitur in *animal & rationale*: vel compositum in materiam & formam; ut, *homo in corpus & animam ra-*

*tionale*; vel deniq; integrum in sua membra; ut, *homo in caput, pectus, ventrem, artus, &c.*

Quotuplex est divisio per accidens?

Item quadruplex: vel enim dividitur causa per effecta; ut, *Plantæ aliæ calefaciunt, aliæ frigefaciunt*: vel effectum per causas; ut, *Testimonia aliæ sunt divina, aliæ humana, statua aliæ sunt ex ære, aliæ ex marmore; supellex aliæ est ad ornatum, aliæ ad usum, &c.* vel subiectum per adjuncta; ut, *Homines alii sunt liberi, alii servi*: vel adjunctum per subiecta; ut, *Morbi alii corporis sunt, alii animi.*

Quot sunt leges bonæ divisionis?

Septem potissimum.

Enumerabo omnes.

1. Partes debent in toto consistere.

2. Et inter se opponi.

3. Partes proximæ & immediatæ semper sumendæ sunt in divisione, non remotæ.

4. Partes singulæ minus continere debent, quàm totum.

5. Universæ, neque plus neque minus.

6. Divisio

6. Divisio debet constare partibus paucissimis, & si commodè fieri possit, duabus.

7. Modus dividendi adhibendus est, ne subdivisionum numerus nimium excreseat.

## CAP. VI.

## Quid est Syllogismus?

**S**yllogismus est oratio, in qua quibuscumque positis, diversum quid a positis propter ea quae posita sunt, necessario sequitur.

Quot modis consideratur syllogismus?

Duobus modis: vel enim consideratur absolute ac ratione formae, vel relatè ad conditiones materiae ac varios effectus.

Prior consideratio quot habet partes?

Tres vel enim agendum est de generi sive ratione struendi syllogismum, vel de *analogia* sive ratione inveniendi argumenti, vel de imperfectis speciebus syllogismi.

Quenam sunt in genere spectanda?

Materia, tum remota, tum proxima; & forma.

Quae est remota materia syllogismi?

Tres termini; minor, major, & medius.

Quis est minor terminus?

Subiectum quaestionis.

Quis maior?

Praedictum quaestionis.

Quis medius?

Argumentum, quod ad probandam quaestionem extrinsecus assumitur.

Quae est materia proxima?

Tres propositiones: quarum prima vocatur maior propositio,

vel absolute, propositio; secunda, minor propositio, vel assumptio; tertia, conclusio, complexio, quaestio.

Quibus terminis constat propositio maior?

Majore & medio.

Quibus minor?

Minore & medio.

Quibus conclusio?

Minore & majore.

Quid est forma syllogismi?

Est apta trium propositionum dispositio ad conclusionem ex praemissis colligendam.

In quo consistit forma syllogismi?

In figura & modo.

Quid est figura?

Figura est legitima dispositio medii cum partibus quaestionis.

Quid est modus?

Modus est legitima propositionum secundum quantitatem & qualitatem determinatio.

Quotuplices sunt modi?

Duplices; alii universales, alii singulares.

Quos vocas universales?

In quibus utraque vel altera propositionum praemissarum est universalis.

Quos singulares?

In quibus utraque praemissarum est singularis.

## CAP. VII.

## Quot sunt figure?

T<sup>Res.</sup>

Quæ est prima figura?

In qua a gumentum majori termino subicitur, & de minore prædicatur.

Quæ secunda?

In qua argumentum de utroque termino prædicatur.

Quæ tertia?

In qua argumentum utrique termino subicitur.

Quot sunt modi universales in prima figura?

Quatuor; barbara, celarent, datii, ferio.

Asserit A, negat E; verum generaliter ambo:

Asserit I, negat O; sed particulariter ambo.

Da exempla in singulis modis: ac primam primæ figuræ.

Bar- Omne animal sentit;  
ba- Omnis homo est animal;  
ra. Ergo omnis homo sentit.

Ce- Nullum animal est lapis;  
la- Omnis homo est animal;  
rent. Ergo nullus homo est lapis.

Da- Omnis color est visibilis;  
ri- Aliqua qualitas est color;  
i. Ergo aliqua qualitas est visibilis.

Fe- Nullum vitium est positum  
in medio:  
ri- Aliquis habitus est vitium:  
o. Ergo aliquis habitus non est positus in medio.

Da exempla secundæ figuræ.

Ce- Nullus dives est egenus.  
a- Omnis avarus est egenus;  
re. Ergo nullus avarus est di-  
ves.

Quot in secunda?

Item quatuor; cesare, came-  
stres, festino, baroco.

Quot in tertia?

Sex; darapti, selapton, disampli,  
datisi, bocardo, ferison.

Quid sibi volans vocales harum vocum?

Indicant quantitatem & qualitatem propositionum; quibus præfiguntur: idque hoc modo;

Cam- Omne animal est mortale;  
es- Nullus angelus est mortalis;  
tres. Ergo nullus angelus est animal.

Fes- Nullum animal est planta;  
ti- Quoddam vivens est planta;  
no. Ergo quoddam vivens non est animal.

Ba- Omnis homo est animal;  
ro- Quoddam vivens non est animal;  
co. Ergo quoddam vivens non est homo.

Da exempla tertiæ figuræ.

Da- Omnis virtus est ardua;  
rap- Omnis virtus est honesta;  
ti. Ergo aliquod beneficium est arduum.



**Fe-** Nullus lapis vivit :  
**lap-** Omnis lapis descendit natura-  
**ton.** liter :  
 Ergo aliquid, quod natura-  
 liter descendit, non vivit.

**Di-** Aliquis homo furit :  
**am-** Omnis homo est animal ra-  
**is.** tionale :  
 Ergo aliquod animal ratio-  
 nale furit.

**Da-** Omnis avarus eget :  
**tis-** Quidam avarus est locuples :  
**i.** Ergo quidam locuples eget.

**Bo-** Aliquod corpus non est cor-  
**car-** ruptibile :  
**do.** Omne corpus est compositum :  
 Ergo aliquod compositum  
 non est corruptibile.

**Fe-** Nulla virtus adfert mise-  
**ris-** riam ;  
**on.** Quedam virius est molesta :  
 Ergo quoddam molestum non  
 adfert miseriam.

Da etiam exempla modo-  
 rum singularium in  
 unaquaque  
 figura.

In prima figura.

Messias debuit crucifigi :  
 Jesus est Messias :  
 Ergo Jesus debuit crucifigi.

In secunda figura.

Præceptor Alexandri fuit Sî-  
 girita :  
 Plato non fuit Stagirita :  
 Ergo Plato non fuit Præceptor  
 Alexandri.

In tertia figura.

Judas fuit impius :  
 Judas fuit Apostolus :  
 Ergo quidam Apostolus fuit im-  
 pius.

## CAP. VIII.

Quibus fundamentis nititur necessitas consecutionis  
 in syllogismis universalibus.

**S**Yllogismi affirmantes nitun-  
 tur regulâ de omni ; negan-  
 tes, regulâ de nullo.

Quæ est regulâ de omni ?

Quicquid de aliquo universali  
 universaliter affirmatur, id affir-  
 matur etiam de iis quæ sub illo  
 continentur. Ex, gr. de omni ho-  
 mine affirmatur animal ; sub ho-  
 mine continetur Petrus, Paulus,  
 &c. ergo de his quoque affirma-  
 tur animal.

Quæ est regulâ de nullo ?

Quicquid de aliquo omni nega-  
 tur universaliter, id negatur etiam

de omnibus iis, quæ sub illo conti-  
 nentur. Ex, gr. lapis negatur de  
 omni animali : sub animali con-  
 tinetur homo, equus, leo, &c. ergo  
 de his quoque negatur lapis.

Quo fundamento nituntur

syllogismi singulares.

Regulâ proportionis.

Quæ est regulâ proportionis ?

Quæcunque in uno tertio singu-  
 lari conveniunt, ea quoque inter  
 se conveniunt. Ex, gr. Davidi  
 convenit fuisse Prophetam, &  
 fuisse homicidam : hinc sequitur,  
 aliquem Prophetam fuisse homi-  
 cidam ;



cidam; aut, aliquem homicidam fuisse Prophetam. Vel sic, Quorum duorum unum alicui tertio singulari convenit, alterum non convenit, ea quoque inter se non conveniunt. Ex, gr. Aristoteli convenit fuisse Philosophum, non convenit fuisse Atheniensem: hinc sequitur, aliquem Philosophum non fuisse Atheniensem; aut, aliquem Atheniensem non fuisse Philosophum.

*An omnes syllogismi dictis  
fundamentis confor-  
mes sunt?*

Omni. Qui enim ab hisce fundamentis dissentiunt, non syllogismi, sed paralogismi sunt.

*Unde cognoscis discrimen syllogismo-  
rum & paralo-  
gismo-  
rum?*

Ex quibusdam legibus, quarum alie communes sunt omnibus figuris, alie singulis peculiare.

*Quenam sunt leges communes?*

I. In syllogismo non debent esse plures termini, hec pauciores tribus.

II. Non debet esse plus aut

minus in conclusione, quam fuit in præmissis.

III. Medium non debet ingredi conclusionem, neq; totum, neque ex parte.

IV. Extrema ita collocanda sunt in conclusione, ut erant sita in præmissis.

V. Ex duabus negantibus nihil concluditur.

VI. Non etiam ex duabus particularibus: sed bene ex duabus singularibus.

VII. Conclusio sequitur partem debiliorem: hoc est, si altera præmissarum negata est, conclusio quoque debet esse negans; & si altera præmissarum est particularis, conclusio quoque est particularis.

*Quæ sunt leges speciales?*

I. Major primæ figuræ debet esse universalis, & minor affirmans.

II. Major secundæ figuræ debet esse universalis, & altera præmissarum negans.

III. Minor tertiæ figuræ debet esse affirmans; & conclusio particularis.

## CAP. IX.

*An syllogismi omnium figurarum sunt æque perfecti?*

**M**inimè: syllogismi primæ figuræ cæteris perfectiones sunt.

*Quas ob causas.*

Primò, quia in ea concludi possunt omnia genera problematum, affirmantia, negantia, universalis & particularia: cum in secunda figura tantum negantia concludi possint; & in tertia, tantum particularia. Deinde, quia in prima figura appa-

ret necessitas sequelæ syllogisticæ, & regula de omni & de nullo, quæ in cæteris figuris non ita liquido conspiciuntur.

*Cur ergò non semper adhibentur syllogismi primæ figuræ?*

Quia, licet hi syllogismi cæteris meliores sint evidentia sequelæ, conditio tamen materiæ tampe ratioeinantem trahit ad secundam aut ad tertiam figuram.

## CAP. X.

Satis dictum de genesi, siue de ratione struendi syllogismos: Quam in re consistit *diaplosa*, siue ratio inveniendi medii?

UT medium idoneum eligatur ad conclusionem in qua libet figura & modo colligendam. Id verò quomodo fieri debeat, ex Institutionibus petendum est.

## CAP. XI.

Pergamus ergo ad tertium membrum nostri instituti. Quot sunt species imperfecti syllogismi?

Septem præcipue: inductio, enthymema, exemplum, syllogismus hypotheticus, syllogismus disiunctivus, dilemma, & sorites.

Quid est inductio?

Inductio est argumentatio, in qua ex individuis colligitur species, aut ex speciebus genus, aut ex partibus totum.

Illustra singulos modos singulis exemplis.

Ex individuis species colligitur hoc modo; Abel, Enoch, Noach, Abraham, Isaac, Jacob, Joseph, Moses, Gedeon, Samson, Samuel, David; alique multi, non aliter placuerunt Deo, quam per fidem: ergo sine fide impossibile est Deo placere. Ex speciebus colligitur genus hoc modo; Milites, mercatores, agricola, opifices, homines eruditi, non sunt suâ sorte contenti: ergo nullum genus hominum suâ sorte contentum est. Ex partibus colligitur totum hoc modo; Libri Moysi, Prophetarum, Evangelistarum & Apostolorum sunt divinae auctoritatis: ergo tota Scriptura est divinae auctoritatis.

An in inductione omnia individua, species, aut partes enumerande sunt?

Auc enumerandæ sunt, aut uendum hæc aut simili formula;

Nec potest dari dissimile exemplum.

Quomodo evertitur inductio?

Cum dissimile cæteris exemplum exhibetur; vulgò instantia dicitur.

Quid est enthymema?

Enthymema est syllogismus alterâ propositione truncatus; ut, Avarus eget; ergo avarus non est dives: Qui non peccat, non est auctor peccati; ergo Deus non est auctor peccati.

Unde dignoscitur utra duarum propositionum desit?

Ex conclusione, siue consequente. Si enim in antecedente exprimitur subiectum consequentis, deest major, ut sit in primo exemplo: si in antecedente exprimitur prædicatum consequentis, deest minor, ut sit in altero exemplo.

Quomodo perficiuntur eiusmodi enthymemata?

Additâ propositione quæ desideratur.

Quid si neque subiectum neque prædicatum consequentis sit in antecedente?

Tunc deest major: eâque additâ sit syllogismus hypotheticus. Sit enthymema, Virtus est optanda; ergo vitium est vitandum: ad vitandum

adjiciatur hæc major hypothetica, Si virtus est optanda, tum vitium est vitandum, & erit plenus syllogismus hypotheticus.

*Quid est exemplum.*

Exemplum est inductio imperfecta, in qua ex uno singulari

colligitur universale, ut ex eo aliud singulare sequatur; ut, Bellum Syllæ & Marii fuit Reipublica perniciosum; ergo bella civilia sunt Reipublica perniciofa; ac proinde etiam bellum Cesaris & Pompeii.

## CAP. XII.

*Quid est syllogismus hypotheticus?*

Cujus major est hypothetica; ut, Si Deus est, mundus regitur providentiâ: Atqui Deus est: Ergo mundus regitur providentiâ.

*An non etiam minor potest esse hypothetica?*

Ita: sed hoc fit, cum ipsa questio est hypothetica.

*Unde dignoscitur, sintne syllogismi hypothetici boni, an vitiosi?*

Ex hac regula: Ex syllogismis hypotheticis ii boni sunt, qui procedunt à positione antecedentis ad positionem consequentis, vel à remotione consequentis ad remotionem antecedentis; ut, Si homo est animal, sentit: Atqui homo est animal: Ergo homo sentit. Vel sic, Si lapides vivunt, nutriuntur: Atqui lapides non nutriuntur: Ergo lapides non vivunt. Qui procedunt à remotione antecedentis ad remotionem consequentis, vel à positione consequentis ad positionem antecedentis, vitiosi sunt; ut, Si planta est animal, vivit: Atqui planta non est animal: Ergo planta non vivit. Vel sic, Si planta est animal, planta vivit: Atqui planta vivit: Ergo planta est animal.

*Quomodo revocantur syllogismi hypothetici ad categoricos?*

Syllogismi hypothetici, in qui-

bus idem est subiectum antecedentis & consequentis, sunt categorici abjectâ conditione Si, & communi antecedentis & consequentis subiecto.

*Quid si non subiectum, sed prædicatum antecedentis & consequentis idem sit?*

Major hypothetica convertenda est in relativam. Ex. gr. fit syllogismus hypotheticus, Si Abraham justificatus est ex fide, nos quoque ex fide justificabimur: Atqui Abraham, &c. fiatque hujus syllogismi major relativa, erit syllogismus categoricus, hoc modo; Quo modo Abraham justificatus est, eodem modo nos justificabimur: Atqui Abraham, &c.

*Quid si neque subiectum neque prædicatum antecedentis & consequentis idem sit?*

Syllogismus hypotheticus non poterit fieri categoricus. Ex. gr. hic syllogismus, Si ex lege justitia, Christus frustra mortuus est: Sed ex lege justitia: Ergo, &c. nullo modo fieri potest categoricus.

*Quid est syllogismus disjunctivus?*

Cujus major est propositio disjunctiva.

*Quotplex est?*

Duplex; bimenbris, vel plurium membrorum.

*Quomodo formatur bimembris?*

Vel à positione alterutrius membri proceditur ad everfionem alterius; vel ab everfione alterutrius ad positionem alterius; ut, *Aut dies est, aut nox; sed dies est; ergò non est nox; vel, sed nox est, ergò non est dies; vel, sed non est dies, ergò nox; vel, sed non est nox, ergò dies.*

*Quomodo formatur syllogismus disjunctivus plurium membrorum?*

Cæteris membris sublatiis, quod reliquum est, concluditur; ut,

*Aut ver est, aut æstus, aut autumnus, aut hyems: Sed neque ver est, neque æstus, neque hyems: Ergò est autumnus.*

*Quid si ambobus, vel omnibus membris sublatiis, tollitur totum?*

Est syllogismus ab enumerati-  
one partium; ut, *Qui injuriam facit, id facit aut suæ rei, aut adulterio, aut contumeliâ, aut alio aliquo modo: Atqui nemo sua furatur, nemo seipsum adulteratur, nemo seipsum afficit contumeliâ: Ergò nemo sibi facit injuriam.*

### CAP. XIII. & XIV.

*Quid est dilemma?*

**D**ilemma est argumentatio duorum membrorum, quorum utrumque adjectum habet incommodum; ut, *Si ducenda est uxor, aut pulchra ducenda est, aut deformis: si pulchram ducis, eris solitudinis; si deformem, eris fastidio.*

*Quot modis est dilemma infirmum?*

Duobus modis; nempe si membra non sint immediatè opposita, aut si non satis gravi incommodo urgeantur. Utroque modo infirmum est dilemma propositum. Nam inter pulchritudinem, & extremam deformitatem, medi-

um aliquod interpositum est; & non necesse est, ut aut pulchritudo solitudinem marito, aut deformitas fastidium pariat.

*Quid est sorites?*

Sorites est argumentatio constans multis propositionibus ita collocatis, ut prædicatum propositionis præcedentis fiat subiectum sequentis, indeq; prædicatum ultimum de primo subiecto concludatur; ut, *Quos Deus præcognovit, eos prædestinavit; quos prædestinavit, vocavit; quos vocavit, justificavit; quos justificavit, glorificavit: hinc collige, Ergò quos præcognovit, glorificavit.*

### CAP. XV.

*Atque hætenus de syllogismo absolute ac ratione formæ considerato. Quomodo dividitur syllogismus ratione materiæ?*

**I**N syllogismum dialecticum, apodicticum sive demonstrativum, & sophisticum sive fallacem.

*Quid est syllogismus dialecticus?*

Syllogismus dialecticus est syl-

logismus generans opinionem, aut alium quemlibet assensum præter scientiam.

*Quenam spectanda sunt in syllogismo dialectico?*

Quæstiones sive problemata, propositi-

propositiones, & inventio argumentorum.

*Quales debent esse quæstiones  
sive problemata dialectica?*

Nihil refert sive vera sint sive falsa, sive probabilia sive paradoxa, sive necessaria sive contingentia; modò pietati, bonis moribus, aut sensui communi non adversentur. Neque enim disputandum est, *an Deus sit colendus, an parendum sit magistratui*; quia illud pietati, hoc bonis moribus contrarium est; neque, *an nix sit alba*, quia illud cum sensu pugnat.

*Quotuplicia sunt problemata.*

Duplicia; alia realia, alia notionalia.

*Quæ vocas realia?*

In quibus attributum est verum; ut, *An Logica sit ars*; *An justificemur operibus*.

*Quæ notionalia?*

In quibus attributum est notio aliqua aut terminus artis; ut, *An ars sit genus Logicæ*; *An opera sint causa justificationis nostræ coram Deo*.

*Quando dividuntur problemata realia?*

In absoluta & comparata.

*Quæ vocas absoluta?*

In quibus quæritur, an attributum subjecto conveniat, necne; ut, *An gloria sit in bonis numeranda*.

*Quæ comparata?*

In quibus, propositis duobus pluribusve subjectis, quæritur utri magis, vel cui maxime conveniat attributum: vel in quibus, propositis duobus pluribusve prædicatis, quæritur, utrum magis, vel quodnam maxime subjecto insit; ut, *Sine virtute an gloria magis in bonis numeranda*; *Fueritne Alexander fortior an temperantior*.

*Quales debent esse propositiones dialecticæ?*

Propositiones dialecticæ debent esse certæ, aut saltem probabiles, non paradoxæ.

*Quid est probabile?*

Quod videtur omnibus, vel plerisque, vel sapientibus; atque iis vel omnibus, vel plerisque, vel nobilissimis, ac celeberrimis.

*Quid est paradoxum?*

Quod verum est præter opinionem vulgi.

## CAP. XVI.

*Quenam requiruntur ad inventionem argumentorum dialecticorum?*

**L**ocus & regula.

*Quid est locus?*

Locus est sedes & nota quædam communis, cujus admonitu invenitur argumentum.

*Quid est regula sive canon?*

Canon est propositio continens rationem consequentiæ syllogismi dialectici.

Quomodo dividuntur argumenta dialectica?

In artificialia, & inartificialia, sive testimonia.

Unde petuntur argumenta artificialia ad confirmanda aut refellenda problemata notionalia?

Ex definitione aut proprietate notionis sive affectionis, de qua in problemate queritur. Sic probes, Aerem non esse genus venti: quia aer non predicatur de vento in questione quā queritur quid sit.

Unde petuntur argumenta artificialia ad confirmanda aut refellenda problemata realia?

Ex affectionibus subiecti aut prædicati. Ex enim sunt horum argumentorum loci.

Quomodo dividuntur argumenta artificialia problematum realium?

In absoluta & comparata.

Quomodo dividuntur absoluta?

In consentanea & dissentanea.

Quenam dicuntur argumenta consentanea?

Quæ cum aliqua parte questionis consentiunt.

Quotuplicia sunt ea?

Duplicia: vel enim à nomine sumuntur, vel à re ipsa.

Quot sunt loci argumentorum, quæ sumuntur à nomine?

Duo; etymologia sive notatio, & conjugata.

Quot sunt loci argumentorum, quæ sumuntur à re ipsa?

Novem; definitio, genus, species, totum, pars, causa, causatum, subiectum, & adjunctum.

Quot sunt loci argumentorum dissentancorum?

Quinque; disparata, contraria, relative opposita, privative opposita, & contradicentia.

Quot sunt loci argumentorum comparatorum?

Quinque etiam; majus, minus, par, simile, & dissimile.

Quotuplicia sunt testimonia?

Duplicia; alia divina sunt, alia humana.

## CAP. XVII, & XVIII.

Ostende aliquot exemplis quomodo ex his locis argumenta peti debeant ad confirmanda aut refellenda problemata realia?

**C**Um sic argumentor; Non est de meo tuum, ergo non est mutuum, argumentum petitur est ab etymologia: Homo sum, humani nihil à me alienum puto, à conjugatis: Logica est habitus cum recta ratione effectivus, ergo est ars, à definitione: Homo dignus contemplari celestia, ergo de-

buit creari erecto corpore, à fine: Fugit, ergo est in culpa, à signo: Justus servat leges, ergo injustus transgreditur leges, à contrariis: Deus dat vitam hominibus, ergo dabit victum, à majori. Canones ad unumquemque locum pertinentes peti debent ex Institutionibus plenioribus.



## CAP. XIX.

*Hæc sunt exempla problematum absolutorum: declarata porro, quomodo confirmantur aut refellantur problemata comparata.*

**A**rgumenta ad confirmanda aut refellenda problemata comparata, petuntur ex iisdem locis, canonibus absolutis (quatenus illud fieri potest) in comparatos commutatis: Ex. gr. sicuti probari potest, *Deum esse bonum, quia ejus opera sunt bona*, ducto argumento ab effectis; ita quoque concludi potest, *Deum infi-*

*nitis modis meliorem esse creaturis, quia illius opera infinitis modis meliora sunt quam opera creaturarum.* Quia autem canones absoluti non semper possunt mutari in comparatos, necesse est singulis locis adungi canones peculiare, quibus comparata problemata probanda sint: sed hi etiam ex Institutionibus petendi sunt.

## CAP. XX.

*Cum ergo satis dictum sit de syllogismo dialectico, pergamus ad demonstrationem.*

*Quid est demonstratio?*

**D**emonstratio est syllogismus scientiam pariens.  
*Quomodo dividitur demonstratio?*

In demonstrationem *in diota*, sive *cur res sit*, & demonstrationem *in ota*, sive *quod res sit*.

*Quid est demonstratio cur res sit?*

*Quæ non solum probat rem esse aut non esse, sed etiam reddit causam, cur res sit, aut non sit.*

*Quid est demonstratio quod res sit?*

*Quæ solum probat rem esse aut non esse.*

*Unde petita est differentia harum specierum?*

**A** fine. Finis enim demon-

strationis est scientia: atqui scientia dividitur in scientiam *in diota*, sive *cur res sit*, & in scientiam *in ota*, sive *quod res sit*.

*Quid est scientia cur res sit?*

Est cognitio *diagnosticæ*, quæ cognoscimus causam propter quam res est, esse illius rei causam, nec posse eam rem aliter se habere.

*In quo differt hæc scientia à scientia quod res sit?*

Scientia *in ota*, sive *quod res sit*, non gignitur ex causa propter quam res est, hoc est, ex causa proxima; sed ex effectu, aut ex causa tantum remota.



## CAP. XXI.

*Quot sunt partes demonstrationis cur res sit?*

**T**Res; subjectum, affectio demonstranda, & causa quæ est medium demonstrationis. Ex subjecto & affectione constat questio, ex causa cum subjecto & affectione seorsum combinata sunt præmissæ, sive principia demonstrationis.

*Quenam sunt in his spectanda?*

Præcognitiones & conditiones.

*Quenam sunt præcognitiones?*

De tribus terminis, sive partibus demonstrationis, præcognoscendum est, quid significet nomen: de subjecto & causa, etiam an sint; de principiis, quod vera sunt; de affectione demonstratur, quod sit; deque conclusione, quod vera sit.

## CAP. XXII.

*Quotuplices conditiones spectanda sunt in demonstratione?*

**T**riplices: aliæ ad questionem pertinent, aliæ ad causam sive medium, aliæ denique ad præmissas sive principia.

*An igitur non omnis questio admittit demonstrationem?*

Non omnis; sed ea solum, quæ vera est & veritatis suæ certam causam habet, veluti cum accidentia propria prædicantur de subjecto; ut, *Homo est capax scientiæ: Luna patitur eclipsin: Humor oculi crystallinus debet esse coloris expers.*

*Quenam igitur respondent demonstrationem?*

Primo, propositiones, in quibus definitio aut partes definitionis prædicantur de definito; ut, *Homo est animal, aut rationalis: virtus est habitus, &c.* Ejusmodi enim propositiones immediatæ sunt, nullamque causam habent suæ veritatis. Deinde, propositiones, in quibus accidentia fortia & mutabilia prædicantur

de subjecto; ut, *Homo ambulat, egrotat, &c.* hæc enim certam causam non habent.

*Quale debet esse medium demonstrationis?*

Causa proxima affectionis. *Quid vocas hoc loco causam proximam?*

Quâ positâ, effectum ponitur; & quâ sublata, tollitur: atque adeo in qua mens acquiescit.

*Ex quo genere causarum petitur hæc causa proxima?*

Ex genere causæ efficientis aut finalis.

*Quomodo dividitur causa efficiens proxima, quæ medium demonstrationis esse potest?*

In internam & externam.

*Quam vocas causam efficientem internam?*

Quæ est in eodem subjecto, in quo est effectum.

*Quam vocas externam?*

Quæ non est in eo subjecto, in quo est effectum.

Da exempla demonstrationis;  
ac primò exemplum à causa  
efficiente interna?

Omne rationale est capax sci-  
entiae:

Omnis homo est rationalis:

Ergò omnis homo est capax sci-  
entiae.

Da exemplum demonstrationis à  
causa efficiente externa.

Quod à solis radiis, objecta ter-  
rà, nequit illustrari, id patitur e-  
clipsin luminis à sole accepti.

Luna nequit à solis radiis, ob-  
jecta terrà, illustrari:

Ergò luna patitur eclipsin, &c.

Da exemplum à causa finali.

Quod debet colores omnes ad-  
mittere, id debet esse expers coloris:

Humor oculi crystallinus debet  
omnes colores admittere:

Ergò humor oculi crystallinus  
debet esse expers coloris.

An medium demonstrationis

non debet esse causa pro-  
xima subiecti?

Fit quidem aliquando, ut cau-  
sa efficiens proxima prædicati,  
sit etiam forma subiecti; verùm  
illud neque necessarium est, neq;  
perpetuum.

### CAP. XXIII.

Quot sunt conditiones spectandæ in præmissis sive principiis  
demonstrativis?

**Q**uinque. Requiritur enim  
primò, ut sint necessariò  
vera, & quidem necessitate sum-  
mà ac reciproca: deinde ut sint  
immediata atque prima: tertio,  
ut sint causâ conclusionis: quarto,  
ut sint notiora; quinto, ut sint  
priora conclusione.

Quenam proprietates sequuntur  
ex his conditionibus?

Ut principia sint *oxoia* & *dequ-  
vumia*, id est, propria ei rei quæ  
demonstratur, hoc est, neq; hete-  
rogenæ, neque communia.

Quenam dicuntur principia  
heterogenæ?

Quæ ex alia scientia petita  
sunt; veluti, si quis ad probandas  
quæstiones Physicas adhibeat  
principia Mathematica.

Quanam vocas communia?

Quæ pluribus scientiis accom-  
modari possunt.

Quomodo dividuntur principia?

In axiomata & theses.

Quid est axioma?

Axioma est principium, cujus

veritas, cognitâ significatione  
vocabulorum, à nemine potest  
ignorari; ut, Nihil potest simul  
esse & non esse: Totum est majus  
sua parte.

Quid est thesis?

Thesis est principium, cujus  
veritas non ex sola vocabulorum  
significatione cognita, sed ex sen-  
suum judicio, aut qualicunque  
declaratione innotescit.

Quotuplex est thesis?

Duplex; definitio & hypothesis.

Quid est definitio?

Definitio est, quæ quid res sit  
enunciamus; ut, Corpus natu-  
rale est, quod constat materiâ &  
formâ: Natura est principium &  
causa motus & quietis, ejus, in  
quo est primò; per se, & non per  
accidens.

Quid est hypothesis?

Quæ, an res sit, aut non sit,  
enunciamus; ut, Esse animam,  
Deum, &c. A quolibet puncto ad  
quodlibet punctum duci posse re-  
ctam lineam.

## CAP. XXIV.

Quotplex est demonstratio tu òn, siue quòd res sit?

**D**uplex; alia enim est ab effectu, alia à causa remota.

Quam vocas demonstrationem ab effectu?

Quæ ex effectu sensibili causam colligit; veluti, si quis solito serius experrectus, videt parietes cubilis sui à sole collustrari, indeque colligit, solem jamdudum ortum esse.

Quam vocas demonstrationem à causa remota?

Quæ ex causa remota colligit effectum non esse; ut, Plantæ non habent animam sensitivam; ergò non respirant.

Quid est discriminis inter has

duas species demonstrationis.

Demonstratio ab effectu potest esse affirmata & negata, quia effectum cum causa proxima recipitur; eòque posito, causa proxima ponitur, & sublato, tollitur: at demonstratio à causa remota, debet semper esse negata. Cum enim causa remota latior sit effectu, fit quidem, ut eà sublata effectum tollatur; sed non ut eà posita effectum etiam ponatur. Rectè colligitur, Plantæ non respirare, quia non habent animam sensitivam: sed non sequitur, Omnia animalia respirare, quia habent animam sensitivam.

## CAP. XXV.

Atque hæc de syllogismo dialectico & apodictico. Quid est syllogismus sophisticus siue fallax?

**Q**ui siquid species syllogismi dialectici errorem gignit.

## CAP. XXVI.

Quotuplicia sunt sophismata?

**D**uplicia: alia sunt in voce, alia in re.

Quot sunt loci sophismatum eorum quæ in voce consistunt?

Sex; homonymia, amphibolia, compositio, divisio, prosodia siue accentus, & figura dictionis.

Quid est sophisma homonymiæ?

Quod oritur ex unius dictionis ambiguitate; ut, Finis rei est illius perfectio: Mors est finis vite: Ergò mors est vite perfectio.

Quomodo solvuntur hæc sophismata?

Distinctione vocis ambiguz. Ex. gr. in proposito sophismate vox finis in maiore significat causam finalem; in minore, extremum.

Quid est sophisma amphiboliæ?

Quod oritur ex ambiguo sensu orationis cujus singulæ voces carent homonymiâ; ut, Qui sunt domini sui, sunt sui juris: Servi sunt domini sui: Ergò servi sunt sui juris.

Quomodo

Quomodo solvuntur hæc sophismata?

Distinctione orationis ambiguae. Ex. gr. voces domini sunt pluralis numeri in maiore propositione prolatis exempli; in minore, sunt singularis numeri.

Quid est sophisma compositionis?

Quod oritur ex conjunctione eorum quæ dividenda sunt; ut, Duo & tria sunt par & impar: Quinque sunt duo & tria: Ergo quinque sunt par & impar.

Quid est sophisma divisionis?

Quod oritur ex divisione eorum quæ coniungenda sunt; ut, Planetae sunt septem: Sol & Luna sunt Planetae: Ergo Sol & Luna sunt septem.

Quomodo solvuntur hæc sophismata?

Distinctione diversorum sensuum, quos habet oratio pro diversa partium compositione aut divisione. Ex. gr. in priori exemplo, duo & tria sumuntur divisim in maiore; in minore, conjunctim. In altero exemplo sumitur vox Planetae collectivè in maiore propositione; in minore distributivè.

Quid est sophisma prosodie?

In quo eodem modo pronunciantur, quæ scribuntur diversimodè; aut pronunciantur diversimodè, quæ scribuntur eodem

modo; ut, Omnis equus est bestia: Omnis iustus est equus: Ergo omnis iustus est bestia. Similiter si quis confundat leporem cum lepore, amare cum amare, malum cum malum.

Quomodo solvuntur hæc sophismata?

Cum ostenditur, aut eodem modo pronunciar, quæ scribuntur diversimodè; aut pronunciantur diversimodè, quæ scribuntur eodem modo.

Quid est sophisma figurae distinctionis?

In quo, ex dictionum similitudine, colligitur eadem iis accidentia, aut etiam significationem convenire. Ut, si quis ita colligat, poeta esse foeminini generis, quia nota est foeminini generis: aut ardere, vapulare esse actiones; quia docere, verberare, sunt actiones.

Quomodo solvuntur hæc sophismata?

Ostensa diversitate accidentium aut significationis in vocibus similibus. Nam licet poeta & nota terminatione convenient, non tamen sequitur, ut ejusdem generis sint: non sequitur etiam verberare & vapulare esse ambo significationis activæ, quævis sint voces terminatione simillimæ vocibus activis.

## CAP. XXVII.

Quot sunt loci sophismatum eorum quæ in rebus sunt?

Septem; accidens, dictum simpliciter & dictum secundum quid; ignoratio elenchi, consequens, petitio ejus quod in questione est, (vulgò, petitio principii) non-causa pro cau-

sa. & plures interrogationes.

Quid est sophisma accidentie?

Cum colligitur subiecto convenire, quicquid dicitur de predicato; ut, Homo est species: Socrates est homo: Ergo Socrates est species.

*Species. Mus rodit panem: Mus est syllaba: Ergo syllaba rodit panem.*

*Quomodo solvuntur hujusmodi sophismata?*

Cum ostenditur id, quod de subiecto colligitur, per accidens de prædicato dici, ut in priori exemplo fit; aut ipsum prædicatum per accidens dici de subiecto suo, ut fit in exemplo posteriori. Ex. gr. quamvis Socrates sit homo, & homo sit species; non tamen sequitur, ut Socrates sit species: quia *speciem esse*, dicitur de homine per accidens. Similiter, quamvis mus sit syllaba, & mus rodit panem; non tamen sequitur, ut syllaba rodit panem: quia *syllabam esse*, convenit muri per accidens, ac ratione nominis, non ratione essentiae.

*Quid est sophisma à dicto simpliciter?*

Cum ex eo, quod verum est simpliciter, colligitur aliquid verum esse secundum quid; ut, *Dextra non est abscindenda; ergo ne tum quidem abscindenda est, cum eam invasit gangrena: Homo est mortalis; ergo & anima hominis mortalis est.*

*Quid est sophisma à dicto secundum quid?*

Cum ex eo, quod secundum quid verum est, colligitur aliquid simpliciter verum esse; ut, *Vinum nocet febrienti; ergo vinum est noxium, ideoque fugiendum: Homerus est poeta; ergo Homerus est.*

*Quomodo solvuntur hæc sophismata?*

Ostenso discrimine ejus, quod simpliciter, & quod secundum quid dicitur.

*Quid est sophisma ab ignoratione elenchi?*

Cum conclusio videtur contra dicere assertioni respondentis, sed non contradicit, propter conditionem aliquam contradictionis omissam; ut, si quis probaret, *Christum non esse Dominum Davidis*, concluderet, *Christum esse filium Davidis*, peccaret ignoratione elenchi; quia *Dominum & filium esse*, non tribuuntur Christo secundum idem. Nam Dominus Davidis est secundum divinam; filius, secundum humanam naturam.

*Quomodo solvuntur hæc sophismata?*

Ostendendo, quænam condicio contradictionis omissa sit.

*Quid est fallacia consequentis?*

Cum aliqua enunciatio ex altera colligitur, ex qua non sequitur.

*Quot modis contingit illud?*

Quatuor modis: primo, cum universalis affirmans convertitur simpliciter; ut, si quis, quia *omnis adulator blandus est*, putet *omnem blandum esse adulatorem*. Secundo, cum ex universali affirmante colligitur universalis negans; ut, *Quicquid genitum est, habet principium; ergo quod non est genitum, non habet principium*. Tercio, cum minor est negans in prima figura, aut, quod eodem redit, cum ex remotione antecedentis colligitur remotior consequentis. Quarto, cum utraque præmissarum affirmans est in secunda figura, aut quod eodem redit, cum ex positione consequentis colligitur positio antecedentis.

*Ejusmodi*

*huiusmodi paralogismi non videntur esse sophismata, quia aperte peccant in regulas syllogisticas.*

*Ita est: sed sophistæ solent vitium formæ occultare, aut alterius præmissæ suppressione; ut, Cyprianus est blandus, ergo est adulator: vel ambagibus verborum; ut, Qui dicit te esse animal, dicit verum: Atqui qui dicit te esse asinum, dicit te esse animal: Ergo qui dicit te esse asinum, dicit verum. Hæc enim argumentatio perinde se habet, ac si sic strueretur: Tu es animal: Asinus est animal: Ergo tu es asinus: quæ est argumentatio ex duabus affirmantibus in secunda figura.*

*Quomodo solvantur hæc sophismata?*

*Citatâ regulâ, in quam peccat illatio sophistica.*

*Quid est sophisma petitionis ejus quod ab initio in questione est?*

*Cum aliquid probatur per seipsum, aut per aliquid, quod æquæ ignotum est; ut, si quis probet, Animam humanam esse ex traduce, quia generatur ex semine parentum: aut, Visionem fieri emissionem, quia non fit receptione.*

*Quomodo solvantur sophismata huius loci?*

*Ostendendo medium non esse*

*diversum à questione, aut saltem non esse notius questione.*

*Quid est sophisma non-causæ pro causâ?*

*In quo id, quod causâ non est, aut causâ per accidens, pro causâ verâ ac per se, obtruditur; ut, Vinum inebriat; ergo exterminandum est ex republica.*

*Quomodo solvantur sophismata huius loci?*

*Designatione veræ causæ, à qua effectus per se dependet. Ex. gr. in sophismate prolato, neganda est consequentia; quia vinum non est verâ causâ ebrietatis, sed hominum intemperantia vino abutentium.*

*Quid est sophisma plurium interrogationum?*

*Cum duæ pluresve interrogationes ita proponuntur, ut unius speciem præ se ferant; veluti si quis quærat, Estne mundus perfectus & æternus?*

*Quomodo solvantur huiusmodi sophismata.*

*Distinctione questionum, & responsione ad singulas seorsum applicatâ. Ex. gr. ad interrogationem jam propositam, non debet responderi. Ita, aut Non; sed mundum perfectum esse, non æternum.*

### CAP. XXVIII.

*Atque hæc de syllogismo. Quid est methodus?*

**M**ethodus est apta dispositio rerum eodem pertinentium, ut quàm optimè facillimèq; intelligantur, & memoriæ quàm tenacissimè inhæreant.

*Quidnam requiritur ad eam rem?*

*Ut præmittantur, quæ faciunt ad cognitionem sequentium, aut*

*saltem, quæ cæteris facilius intelliguntur.*

*Quomodo dividitur methodus?*

*In naturalem & arbitrariam.*

*Quam vocas naturalem?*

*In qua servatur ordo naturæ, & cognitionis nostræ distinctæ.*

*Quæ*



*Quot sunt in naturali metho-  
do observanda?*

**Duo potissimum.**

*Quenam?*

Primò, ut omnes partes sint homogeneæ, h. e. ut non commisceantur, quæ ad diversas disciplinas, aut ad diversas ejusdem disciplinæ partes pertinent. Secundo, ut progressus instituatur ab universalibus ad particulariora, utque partes aptis transitionum vinculis connectantur.

*Quomodo dividitur metho-  
dus naturalis?*

In syntheticam & analyticam.

*Quid est methodus synthetica?*

Quæ progreditur à principiis simplicissimis ad ea quæ ex istis principiis componuntur.

*Ubi habet hæc methodus  
locum?*

In disciplinis speculativis; Physicæ, Mathematicæ, & Metaphysicæ.

*Quid est methodus analytica?*

Quæ factò initio à fine, progreditur ad media proxima, & ab his ad remotiora, donec ventum est ad prima ac simplicissima.

*Ubi habet hæc methodus  
locum?*

In artibus & disciplinis practi-  
cis; ut in Grammatica, Rhetorica, Logica, Medicina, Architectonica; itemque in Ethica, Politica, & Oeconomica.

*Quid est methodus arbitraria?*

Quæ relicto ordine naturæ commodata est ad captum nostrum.

*Ubi habet hæc methodus locum?*

In Oratoria & Poesi. Oratoribus enim & poetis propositum est, auditorem lectorémve movere. Ad eam rem opus est crypti, quæ potissimum consistit in omissione, additione, & inversione. Omitti solent, quæ notitura videntur dicenti, aut tardium paritura auditoribus, etiam si ad causam videantur pertinere. Tum multa addenda sunt, quæ ad causam magnopere non faciunt, ut auditorem lectorémve reficiant, ac detineant. Omnia denique miro artificio inverrenda sunt, ne ars ab auditore animadverti suspecta sit, & assensum impediatur.



b. II

is

raſ  
etom  
chin  
Po

ia  
e ad  
no

im?  
con  
tum  
mo  
cry  
it a  
ver  
no  
tz  
en  
per  
un  
con  
ove  
nia  
oda  
ad  
um

I

T

A

‘E R M H N E I A  
L O G I C A.

Seu

SYNOPSIS LOGICÆ

BURGERSDICIANÆ

Explicatio,

Tum per NOTAS tum per EXEMPLA;

Authore

ADRIANO HEEREBOORD,

*Phil. Profess. Acad. Leid. Primario.*

---

*Editio nova accurata.*

---

Accedit ejusdem Authoris  
P R A X I S L O G I C A.

---

CANTABRIGIÆ,  
Ex Officina Joan. Hayes, celeberrimæ  
Academiæ Typographi, 1670.

LOGICA

2m

STUDIOSUS LOGICAE

ET PHILOSOPHIAE

PRINCIPALIS

INSTITUTIONUM

LOGICAE

ADRIANO HERNANDEZ

PRINCIPALIS

PRINCIPALIS

ADRIANO HERNANDEZ

PRINCIPALIS


CANTABRIGIA

EX OFFICINA REGIAE

ACADEMIAE TYPOGRAPHIAE

URBIUM HOLLANDIÆ, &c.  
MAGISTRATUI SUPREMO

*Nobilissimi, amplissimi, spectatissimi*  
*Vir.*

 Rigesimus primus labitur annus, ex quo, communi suffragio & publica authoritate *Illustriss. ac Prepotentiss. D. D. Ordinum Hollandiæ West-frisiæque*, in hujus *Provinciae Scholas*, ne tenera Juventus nimium distraheretur, alios præter libros, introducta est *Logica Cl. Viri, Præceptoris ac Prædecessoris mei, Franconis Burgersdicii*, in eum finem ab ipso, eorundem jussu conscripta, eorumque nominibus inscripta, *magna minorque*. Verum enim-vero, cum *magnam* tyronibus hujus artis nimium longam ac difficilem, *parvam* nimis brevem ac sterilem esse, experientia comprobasset, rogatus fui ac postulatus non semel à diversis diversarum Scholarum Rectoribus, ut *Synopsin* ejus, breviorē ac steriliorem, *Notis* atque *Exemplis*, ad captum tyronum accommodatis, auctiorem redderem ac fertiliorem: quod, tandem me exorari passus, ante sexennium præstiti;

# DEDICATIO.

stiti; & res ista conatusque noster ( quod  
præfiscine dictum esto ) feliciter cessit cecidit-  
que. Has curas cogitationesque, tertio nunc  
recusas, *Nobiliss. Amplitud. Vestrarum Nomi-  
nibus Illustriss.* inscriptum eo, ut *Synopsis*  
istam *Burgersdicianam* in Scholas vestrarum  
Urbium introducatis, aut in eas invecam, *No-  
tis* ità à me & *Exemplis* illustratam, & tertio  
editam, atq; emendatius auctiusque, in iisdem  
retineatis, ad juventutis vestræ commodum,  
& ut me *Authorem* in clientelam vestram re-  
cipere dignemini. Scripsi *Lugduni Batavorum,*  
*Nonis Aprilibus, Anno 1657.*

*Illustriss. Amplitud. Vestrarum Devotiss. cultor,*

Adrianus Heereboord, *Philosophia in*

*Academia patria Professor primarius.*

PRÆ-

# P R Æ F A T I O

AD SCHOLARUM

Hollandiæ West-Frisiæq; &  
aliarum Rectores.

**S**isto vobis jam tertio, eruditissimi Viri, Synopsin Logi-  
cæ Burgerſdicianæ, Notis à me, quantum potui, perſpi-  
cuis & Exemplis illustratam. Quid me moverit ut  
hunc laborem ſuſceperim, paucis olim expoſui verbis, Quinde-  
cim ſunt præter præter anni, ex quo Logicam publicè privatimq;  
expono; ac jam aliquoties hoc curriculum à carceribus ad me-  
tam decurri, in publicis lectionibus, nulli adſtriſtus textui,  
per locos inceſſi communes & generales rerum Logicarum  
titulos, ſilum tamen ſemper ſecutus & ſeriem Logicæ majoris  
Burgerſdicianæ, quod eam aut in Scholis jam prælibaſſent  
Logica ſtudioſi recenter ad Academiam promoti, aut privatis  
enarrationibus à me explicari audirent: in iis enim, ipſi In-  
ſtitutionum Logicarum textui, de verbo ad verbum, tum  
quoad theoremata, tum quoad commentarios, exponendo,  
inſiſtere atq; immorari, conſuetudo mihi fuit, à longo tempore.  
Sed enim, ut verum fatear, ipſa multorum annorum experien-  
tia deprehendi, multa eſſe in Inſtitutionibus iſtis minùs com-  
moda, ut pro privata prælectionis textu inſervire valeant, ne-  
dum ut idonea ſint ad caput tyronum in triviali adhuc pulve-  
re uſtantium; quippe & ſublimia nimis ſunt ac uſta & uſta & te-  
ta. quæ de prædicabilibus & affectionibus Logicis ibi tra-  
duntur & multa quoq; in iis exiſtunt, (ut eſt Modalium & E-  
nunciationū & Syllogiſmorum doctrina,) quibus abſq; detri-  
mento Scholaſtica atq; Academica juvenis carere poteſt: atq;  
hinc factum quoque eſt, ut ſua prolixitate tediū fere pepererint  
Logica ſtudioſis, qui ſæpe dimidia tantū earū parte audita, reli-  
quam, & tamen longe utiliſſimam, inſuper neglectui habuerunt.  
Sed ne illarum Inſtitutionum Synopſis hîc mihi unquā ſatis  
facere potuit, quod ſterilis nimium illa eſſet & jejuna. Quare,

id



# P R Æ F A T I O.

id consilii annos ante sex cepi, quod nunc me executum vident  
ut operam meā conferrem, & horas aliquot darem isti Synopsi  
per notas perspicuas & exempla illustranda: quod an assecum  
fuero, vestri erit iudicii. Quicquid sit, nihil hūc egi ad pompam  
vel ostentationem ingenii, vel magnæ existimationis gloriam,  
sed ad utilitatem tantum studiosæ juventutis: neque aliquid de-  
tractum iri Clarissimi D. Burgerſdicii τὸ μαθητῆς, Pra-  
ceptoris item & Prædecessoris mei, laboribus; nam textum ejus  
in Synopsi reliqui integrum, notaſq; solum meas & exem-  
pla apposui. Neq; aliquid hūc tentatum est aut factum contra  
decretum Illust. D. D. Ordin. Hollandiæ ac West-Frisiæ,  
quo statuerunt publica auctoritate, in Scholis suæ Provinciæ  
trivialibus recipiendam esse Logicæ Burgerſdicianæ juxta  
Institutiones Synopsin: quia retinetur eadem, sed ad usum  
tantum & commodum majus Scholastica atq; etiam Academica  
juventutis accommodatur magis. Vos itaque, Viri clarissimi,  
doctissimi, operam hanc meam non tantum boni consulite, sed  
ea utimini, ad juventutis commissæ vobis studia felicius pro-  
movenda, qui laboris mei fuit scopus.

Ceterum & hoc monitos vos velim, Viri ornatissimi, tentid  
hanc epulentiâ nostræ Logicæ editionem, esse tertiam fere par-  
tem notis exempliſque auctiorem, atque ita institutam, ut Lo-  
gica tyronibus tum in schola triviali, tum in Academia inser-  
vire valeat: atq; ideo, quæ provec̃toribus, exercitioribus, atq;  
Academicis conveniunt studiosis, magis quam tyronibus scho-  
lasticis, uncis [ ] inclusi; atq; in illis ipsis quæ soli juventuti  
in Scholis etiamnum versanti proponenda atque exponenda ve-  
niunt, quadam adhuc, pro captu tyronum, amitti possunt; quod  
iudicio & prudentia Præceptorum, & laboris mei fructum  
atque eventum Deo committo.

Ludg. Bat. Poſtridie Nonas Aprilis MDCLVII.

Adrianus Heereboord, Philosophia in

Academia patria Professor primarius.

In

In summi piæ memoriæ

VIRI,

D. F. B U R G E R S D I C I J,

*Philosophia quondam in Academia Lugduno-  
Batava Professoris,*

S Y N O P S I N L O G I C A M,

à dignissimo ejus discipulo ac successore,

D. ADRIANO HEEREBOORDIO,

Leidenſi, Notis & Exemplis auctam, illustratam.



Qui Sophia Doctor caput, Francone Magistro,

De ratione loqui, cum ratione loqui;

Qui patriis seſſo Batavum ſucceſſit Athenis

Vel novus Alcides vel novus alter Atlas;

Cui vel in arte ſua jam lampada tradere Franco,

Discipulique velin vivere diſcipulus;

Exhibet hunc alium nobis Adrianus, eundem

Exhibet hunc nobis de ratione librum.

Hinc Burgerſdicj, ſimul hinc Heereboordia cura,

Summaque dexteritas hujus & hujus adest.

Improbe quid dentes acuiſti, Momie! ſiniſtro,

Improbe, quid ſpectas lumine? pulſurabi,

Candidus interpres quod Burgerſdicius ipſe,

Ipſe quod acturus, ſi ſupereſſet, erat,

Explicuit præcepta notis Heereboordius, & quæ

Nota minus fuerant, reddidit ille magis.

Siqua viderentur dubia tenebroſa juvenia,

Prætulit obſcuris, prætulit ille facem.

Qua bene præceſſit, ſalvo præeunſ honore.

Hac bene promovit lucis amator iter.

Per Præceptoris veſtigia tria tenellas

Dirigat ut mentes, porrigit ille manum.

Ingenue, ſub quo proſecerit ante, proſeſſus,

Diſcipulum docte ſe probat ille pium.

*Improbe, quid dentes acuisſi, Mome ? ſiniſtro,  
Improbe, quid ſpectas lumine? pulſus abi.  
Quin potius dedisſe tuos ſemel, improbe, mores.  
Quin tandem mecum diſcere diſce ſemel;*

**Demere nil operi, ſed & addere plurima; grates  
Hoc bis agentis erit, bis referentis erit.**

*Henricus Bruno.*



## PROLEGOMENA,

Sive

## PRÆCOGNITA

AD

## LOGICAM.

**V**OX *Philosophia* origine est Græca, & primum introducta à *Pythagora*; qui, cum coram *Leone* & *Phliaforum* rege multa præclare & sapienter differuisset, rogatus quamnam profiteretur artem, & in qua re esset sapiens, ex modestia respondit, se non σοφός, sed φιλόσοφος id est, non sapientem sed sapientiz studiosum esse: ab illo tempore, quæ sapientia antea dicebatur simplici voce, σοφία, dicta est φιλοσοφία, mansitque illud vocabulum in hoc usque tempus; ac licet proprie ex vocis origine significet amorem sapientia, hic tamen ipsam notat sapientiam, & quidem illam quæ naturæ viribus & naturali intellectus lumine acquiri potest.

*Philosophia* perfecte definiri nequit, quia est ens aggregatum, nam complectitur sub se plures habitus; qualicunque tamen descriptione explicari valet. Et, ut varias ac remotas *Philosophiæ* descriptiones omittamus, quæ videri possunt apud *Scheiblerum* in *Introductione ad Logicam*, & *Keckermannum* in *Præcognitiis Philosophicis*, nobis dupliciter definitur: vel, quod sit *Notitia rerum divinarum & humanarum*, quantum homo eas naturali intellectus lumine percipere potest; vel, quod sit *Compages ordinata scientiarum, prudentiarum & artium*: ubi tamen observetur, non ab omnibus philosophis, Artes sub ambitu *Philosophiæ* comprehendendi. Utramque definitionem explicatam dabimus.

Cum *Philosophia* dicitur *Notitia*, intelligenda est non actualis, sed habitualis; vox enim *notitia* ambigue sumitur: nam interdum significat actum ipsum cognoscendi,

A

interdum

interdum habitum, id est, facilitatem cognoscendi intellectui inditam. posteriori modo hic accipitur. Per *res divinas* intelliguntur, tum Deus ipse, tum illa quæ à Deo immediate sunt creata, vel mediante natura sic sunt producta, ut ea facere nec potestatis, nec arbitrii sit humani. Per *res humanas* intelliguntur illa, quæ à Deo quidem fiunt, sed mediâte homine, & in quæ homo potestatem accipit pro suo arbitrio ea faciendi vel non faciendi. Res divinæ vocantur aliis necessariae, res humanæ contingentes: de utriusque vide caput ultimum *Logicæ Synopses Burgerſiciæ quaest. prima, in commentario*. Cum additur in definitione *quantum homo naturali intellectus lumine percipere valet*, distinguitur Philosophia à Theologia: & ut hoc discrimen clarius pateat, notandum est, triplex dari lumen, quo intellectus humanus in intelligendo quasi illuminetur, nempe, lumen naturæ, gratiæ, gloriæ. Lumen naturæ omnibus hominibus commune est, estque nihil aliud quàm naturalis, & omnibus, sive Christianis sive Paganis, cōnata facultas intelligendi. Lumen gratiæ solis Christianis est proprium, vocaturque aliàs lumen fidei ac revelationis, & per illud cognoscuntur res Theologicæ ex verbo Dei. Lumen gloriæ dicitur id quo illuminatur beatæ animæ, & angeli cōfirmati in statu glorificationis. Philosophia respicit solum lumen naturæ.

Porro, quod alteram spectat definitionem Philosophiæ, cum Philosophia dicitur *compages ordinata*, ejus significatur genus: constat autem ista ordinatio in eo quod certo ordine præcepta tradantur in Philosophia de rebus divinis & humanis. Cum additur, *scientiarum, prudentiarum & artium*, exprimuntur ista, ex quibus Philosophia aggregatur, & ut sic loquar, compaginatur.

Genuinâ Philosophiæ definitionem explicatam excipit ejus Partitio seu Distributio, quæ institui solet vel in duo, vel in tria membra. Qui *Aristotelem* sequuntur pressius Philosophiam dividunt in Theoreticam & Practicam: alii addunt membrum tertium, partem *ποιντικὴν*. Pars Theoretica complectitur scientias, Practica prudentias, *ποιντικὴν* artes. Sciētiae tres sunt, Metaphysica, Mathematica, Physica:

physica: totidem sunt Prudentiæ, Ethica, Oeconomica, Politica: totidem Artes, Grammatica, Rhetorica, Logica. Si Philosophia tantum dividatur in duas partes, Logica non erit philosophiæ pars, sed instrumentum: si in tres. erit & pars philosophiæ, & instrumentum simul cognoscendi reliquas duas philosophiæ partes, quin & omnes omnino disciplinas.

Philosophiæ partes distinguuntur per objectum & finem. Objectum philosophiæ theoreticæ sunt res divinæ: finis est contemplatio, id est, solius veritatis perceptio. Objectum philosophiæ practicæ & ποιητικῆς sunt res humanæ, id est, tales, quæ sunt sitæ in potestate hominis ut fiât vel nō fiât. Finis utriusque est operatio tum moralis tum artificialis. Exemplis hæc singula declarabimus. In Physica, verbi causâ, agitur de cœlo, stellis, elementis, nive, grandine, lapidibus, plantis, animalibus, &c. quæ omnia ut fiât, in nullius hominis potestate est collocatum; ideoque in illorum contemplatione mens humana acquiescit; nam quid ulterius intenderet? In Ethica agitur de virtutibus & vitiis moralibus, quæ ab homine unoquoque vel fieri possunt vel non fieri; ideoque non tantum explicantur ut cognoscantur, sed ut in actum & exercitium deducantur. In Logica agitur de definitione, divisione, syllogismo, &c. quæ cognoscendi instrumenta non sufficit scire, sed oportet ea cognita ad praxin revocare. Hinc liquet finem Philosophiæ theoreticæ esse nudam veritatis contemplationem; nam stultum foret, intendere productionem aut cœli, aut stellarum, aut elementorum, aut ullius corporis naturalis, cum illa producere sit solius Dei, & nullius hominis: At verò cum homini concesserit Deus esse liberalem vel non, fortem vel non, iustum vel non, &c. id est, hanc vel illam virtutem exercere vel non, non tantum sufficit naturam virtutum & vitiōrum cognoscere, sed oportet virtutes exercere, vitia fugere, quod est non tantum cognoscere, sed aliquid agere: Sic, cum in hominis potestate posuerit Deus, syllogismum facere vel non facere, non sufficit quoque cognoscere, quomodo syllogismus sit faciendus, sed oportet eum facere. Hoc tamen discriminis est inter opera-

tionem moralem, quæ pertinet ad Philosophiam practi-  
cam, & artificialem, quæ pertinet ad Philosophiam *ποιν-  
νικήν*, quod operatio moralis denominet operantem boni  
vel malum, probum vel improbum; sed operatio artifi-  
cialis tantum denominat operantem peritum vel imperi-  
tum, scientem vel ignorantem. Sic, verbi causa, qui libe-  
ralitatem, justitiam, aut alias exercet virtutes, dicitur vir  
bonus aut probus, & qui contraria exercet vitia, dicitur  
vir malus & improbus; at qui bonum facit syllogismum,  
non ideo est vir bonus, nec, qui malum, ideo est vir malus.  
Operationem moralem Græci vocant *πράξις*, Latini acti-  
onem; artificialem vocant Græci *ποίησις*, Latini effectio-  
nem: hinc ars Aristoteli definitur *habitus effectivus*. Hoc  
discrimen inter illa duo vocabula extra philosophiam *A-  
ristotelis* non observatur, in ea tamen accurate observari  
solet. De singulis scientiis Philosophiæ theoreticæ, Meta-  
physica, Mathematica, Physica, ut & de singulis pruden-  
tiis, Ethica, Oeconomica, Politica, nihil dicemus spe-  
cialius; videri possunt *Scheiblerus in Logica & Metaphysica*,  
*Keckermannus in præcognitis Philosophiis*, *Alstedius in sua*  
*Encyclopædia*, *Pererius in Physica*, &c.

Ad nostrum institutum pertinet tertia philosophiæ pars,  
cujus membrum est Logica: cum enim ars sit habitus ali-  
quid efficiendi, Logica autem bene percepta, in nobis effi-  
ciat syllogismos, definitiones, divisiones, &c. merito ad  
artes reducitur, quæ sub tertia Philosophiæ parte cõpre-  
henduntur. Hoc insuper est notandum, & scientias, & pru-  
dentias, & artes, esse concessas generi humano, ut ejus  
ignorantia circa res quascunque succurreretur: speciatim,  
donum est divinum Logica, quippe quæ non quidem ex-  
plicat res, sed modum tamen docet res quascunque cogno-  
scendi, cujuscunque fuerint disciplinæ, & sic quasi univer-  
salis est animi medicina, quæ omnis ignorantie tenebras  
depellit. Dicitur enim Logica à voce *λόγος*, quæ vox sig-  
nificat rationem, aut mentem, aut intellectum, quia ejus  
nebulas removet & fugat, ut clarius ex ipso hujus *Synopses*  
*Logica & Commentariorum* corpore patebit.



(5)

INSTITUTIONUM  
LOGICARUM  
SYNOPSIS,

Sive

RUDIMENTA  
LOGICA.

*Capita respondent capitibus Institutio-  
num LOGICARUM majorum.*

---

LIBER PRIMUS.

---

CAPUT. I.

Quæstio I. Unde dicta est Logica?

**A** Voce λόγος, quæ, inter cætera, tum *rationem* tum *orationem* significat. Logica enim dirigit intel-  
lectus nostri *rationem*, sive conceptus, eosque  
docet apta *oratione* interpretari.

1. Logica) Vox Logica est adje-  
ctiva, & subintelligitur discipli-  
na, ars, scientia, aut simile sub-  
stantivum, est autem hæc vox o-  
rigine Græca, derivata à voce

λόγος, quæ significat, inter alia,  
*rationem* & *orationem*, utraq; si-  
gnificatio hujus est loci. Ratio-  
nem alii vocant sermonem in-  
ternum; orationem sermonem

A 3

exter-

externum : quia ratio in mente latet, oratio in lingua patet. Logica aliis vocatur *Dialectica* ; quamvis Peripateticis, id est, iis qui Aristotelem pressè sequuntur, hæc vox tantum illam partem Logicæ notet, quæ agit de Syllogismo topico, sive contingenti.

2. *Rationem*) Ratio significat vel ipsam facultatem ratiocinandi, quæ dicitur quoque *mens* & *intellectus*, vel ipsam ratiocinationem : illa vocatur ratio in actu primo, hæc, ratio in actu secundo. Posteriori modo hic sumitur, significatque ipsam intellectionem mentis humanæ, seu conceptum ejus, sic ut *Intellectus nostri ratio*, seu *conceptus*, idem sit quod cognitio, intellectio, notio, apprehensio, cogitatio, conceptus.

3. *Actus primus* in Philosophia significat principium operandi, *actus secundus* ipsam operationem : sic, verbi causa, principium videndi, seu *visus*, est *actus primus*, ipsum *videre*, *actus secundus* ; ita hoc loco, ratio in actu primo vocatur principium ratiocinandi, ratio in actu secundo dicitur ipsa ratiocinatio. Logica dirigit propriè, non rationem in actu primo, hoc est, ipsum intelligendi principium ; sed dirigit rationem in actu secundo, id est, ipsas nostras intellectiones.

[ 4. *Conceptus* ] sive notio, definitur, *representamen rei in intellectu* : illa representatio fit per imagines rerum in intellectu receptas : nam ab omnibus rebus quædam profuunt effluvia, sive imagines, quæ res representant, quando illæ per aerem devehun-

tur ad oculum aut cerebrum, ipsæ tamen nec videntur, nec intelliguntur, sed per illas omnia & videntur & intelliguntur. Representationes rerum in oculo vocantur species visibiles, & ingenerare, sensibiles representationes rerum in cerebro vocantur species intelligibiles : ipsum vero cerebrum idoneum est hisce imaginibus recipiendis quia est substantiæ flaccidæ, humidæ, & mollores.]

[ 5. *Species* dicitur ab inusitato verbo *specio*, quod olim significabat *video* ; ut propriè *species* sit imago rei delata ad oculum, quæ res videtur, sed per synecdochen hæc vox translata est ad imagines receptas in intellectu, quibus res intelliguntur. Est autem hoc plane admirandum, quod, cum nulla res quæ videtur aut intelligitur, vel oculum vel intellectum subeat, ab omni re effluant tales species, id est, imagines, quibus omnia videntur & intelliguntur, quæ vel oculo vel intellectui res representant, atque ibi quasi pingunt : quemadmodum enim pictura representat rem pictam, ita istæ species sive imagines representant rem visam aut intellectam.]

[ 6. Quando anima ad representationem rerum factam in cerebro attendit, dicitur *intelligere*, & vocatur tum *intellectus* ; & ipsa *intellectio* nihil aliud est quam representatio rei ab intellectu perceptæ.]

7. Est vero cognitio mentis nostræ triplex, quæ à Logica dirigitur : una, quæ dicitur *apprehensio simplex*, & *prima mentis operatio* ;

peratio; altera, quæ dicitur *compositio & divisio*, & *secunda mentis operatio*; tertia, quæ dicitur *discursus*, & *tertia mentis operatio*. I. *Apprehensio simplex* est unius rei unica impressio, aut representatio, facta in intellectu aut cerebro per speciem intelligibilem unam; ut, cum simpliciter intelligitur *lapis*. Quemadmodum cum in speculum aut in ceram aliquam imprimitur unum sigillum, est representatio simplex sive una; & si speculum vel cera foret animata, esset apprehensio simplex: ita quoque cū in intellectu aut cerebro, quæ sunt instar speculi aut ceræ, una imprimitur res, *apprehensio dicitur simplex*, & ipsa res apprehensa, *thema simplex*. II. Duarum rerum impressiones duæ, in intellectu aut cerebro factæ per duas species intelligibiles, vocantur *conjunctio & divisio*, si scilicet affirmantur vel negentur res simpliciter apprehensæ; & res ipsæ vocantur *thema complexum*, *conjunctio & divisio* idem significant, quod affirmatio & negatio: utraq; fundatur in ipsarum rerum consensu & dissensu, omnes enim res ita sunt conditæ à Deo, naturæ autore, ut, aliquo modo inter se convenient, (hæ in intelligendo inter se debent conjungi, & in enunciando de se invicem affirmari) atque aliquo modo inter se discrepent, (quæ in intelligendo debent à se invicem dividi, & in

enunciando de se invicem negari:) hæc rerum conjunctio & divisio in intellectu facta nuncupatur *Judicium*. III. Quando plures impressiones rerum plurium inter sese disponuntur, tribusque enunciationibus comprehenduntur, & se mutuò notificant, vocantur *discursus*: ut, si mens apprehendat quid sit *lapis*, quid sit *figura quadrata*; & tum prober, aliquod corpus esse figuratum figura quadrata, per tertium & medium terminum *lapis*, (qui hoc notificat) erit *discursus*: ut, *Lapis habet figuram quadratam. Lapis est corpus. Ergo aliquod corpus habet figuram quadratam. Vel si prober lapidem esse quadratum, quia constat 4. lateribus: ut, Quod constat 4. lateribus, est quadratum. Lapis constat 4. lateribus. Ergo est quadratum.*

8. In hisce tribus cognoscendi vel concipiendi modis, intellectum aut rationē dirigit Logica.

[9. Omnis intellectio humana ad tres hæc mentis operationes referri potest: quicquid enim intelligas, vel apprehendis simpliciter, vel affirmas aut negas, vel ratiocinando ex præmissis conclusionem inferis, quod est *discursus*.]

10. *Appa* id est, perspicua ac distincta, & quæ clare exprimat ac significet res intellectas. *Orationis ornatum* Rhetorica, *commendationem* Grammatica spectat, *claritatem* Logica.

### Quæst. II. Quid est Logica?

Logica est Ars conficiens instrumenta, iisque dirigens intellectum in cognitione rerum.

1. Trium sunt generum præcepta, quibus artes omnes, scientiæ, ac disciplinæ, docentur & discuntur. 1. *Definitio*, quæ explicat quid res sit: 2. *Divisio* quæ docet quoruplex sit: 3. *Canon*, qui exponit proprietatem, quæ nec definitione nec divisione percipi potuit: dicitur, etiam *maxima* aut *regula*.

2. Ab hisce trium generum præceptis, definitione, divisione, canone, accurate debent discerni *commentarii* quibus explicantur; quia plus libertatis est in commentariis quam in præceptis. Nam præcepta debent esse singulis disciplinis propria, & nullum præceptum, quod ad unam pertinet disciplinam, inferendum est aut inferendum disciplinæ alteri: sic, verbi causa, in hac ipsa Logica nullum debet inseri præceptum quod pertinet ad Physicam aut Metaphysicam, aut ullam aliam disciplinam: Idem singulis disciplinis suæ sunt definitiones, divisiones, & regulæ propriæ. At vero in commentariis, ibi licet ex quacunque disciplina proferre quæ faciunt ad explicationem præcepti præsentis: ita, verbi causa, in commentario alicujus vel definitionis, vel divisionis Logicæ, licet proferre exempla & alia, ex Physica, ex Metaphysica, Theologia, & quacunque disciplina. ]

3. *Logica est ars*. In omni definitione duo sunt, *Genus* & *Differentia*. *Genus* significat naturam communem rei definitæ cum rebus aliis: *Differentia*, naturam rei definitæ propriam. Exempli

gratia, *Animal* est genus, quia significat naturam, homini, tantumquam rei definitæ, cum rebus aliis, scilicet brutis, communem: *Rationale* differentia est, quia significat naturam soli homini propriam. Sic in definitione Logicæ, *Ars* genus est, quia significat naturam Logicæ cum Grammatica, Rhetorica, Medicina, aliisque artibus communem: reliqua verba *differentiam* designant, quia describunt naturam Logicæ propriam. Desumpta vero est *differentia* à fine, qui est *cognitio rerum*, ab officio quod est *conficere instrumenta*, à subiecto circa quod versatur, quod est *Intellectus*, seu potius intellectus operatio.

4. *Ars*. Duxum sunt generum potentie in homine cum nascitur, quædam statim à nativitate operantur, uti facultas nutrix, accretrix, videndi, &c. quædam non item, ut facultas loquendi, ambulandi, intelligendi, &c. & hæc, ut in actum prorumpant, egent frequenti actuum exercitio, quod inducit habitum, id est, aliquam producit qualitatem, quæ potentias, ante ineptas ad operandum, reddat faciles, promptas, atque expeditas in operando: talis habitus, intellectum facilitans in intelligendo, dicitur Logica, & vulgo *Logica habitus*.

[ 5. Atque hæc distinguitur à Logica extra mentem, libro contenta, quæ, quia nihil est aliud quam congeries præceptorum, id est, definitionum, divisionum, & canonum, recta methodo dispositorum, *systematica* dicitur, Logica

habitualis sic vocatur, quia habetur, hoc est, possidetur ab intellectu hominis in quo est, & quia eum reddit habilem, hoc est promptum & expeditum ad intelligendum; ideoque hæc in mente hominis, non extra eam, est: at systematica dicitur à systemate, id est, congerie præceptorum, quæ in unum librum ac codicem sunt compacta; ut cum aliquem rogamus, an Logicam discat *Aristotelis*. An *Rami*. Definitur vero hoc loco Logica habitualis, non systematica, ob hanc causam: Quia Logica illa debet definire, quæ finis est docenti ac discenti propositus; traditur enim Logica methodo analytica, quæ initium facit à fine, atque ab eo transit ad media, quibus finis acquiritur. Sed finis docenti ac discenti propositus, est Logica habitualis, quæ intellectum reddat habilem ad intelligendum; non systematica, quæ solo codice comprehenditur. Hujus Logicæ habitualis genus ponitur *ars non scientia*, non *habitus instrumentalis*. Tres sunt opiniones de genere Logicæ. Nonnulli illud faciunt Scientiam, ut *Conimbricenses* & *Scholastici*: nonnulli habitum instrumentalem, ut *Zabarella* & alii: nonnulli Artem, ut *Keckermannus* & *Author noster*. Sententia postrema est vera, quod per membra probatur.]

[6. *Ars* est genus Logicæ, quia est habitus, quo intellectus aliquid efficit, puta, definitiones, divisiones, syllogismos, & methodum, secundum præscriptum

rectæ rationis, id est, secundum præcepta quæ à recta ratione profluxere. Per rectam vero rationem intelligitur iudicium intellectus, nullis præjudiciis aut affectibus abreptum. Male nonnulli intelligunt per rectam rationem, incorruptam, & peccato originali carentem: talis quippe nulla datur; omnis enim intellectus humanus nascitur corruptus, sed illa dicitur recta ratio, quæ libera est ab affectibus pravis & præjudiciis. Quid affectus pravi sunt, experientia constat, & unusquisque in se nimis quam sæpe deprehendit; ut est ira, metus, &c. cum excedunt modum. Quid præjudicia sint, multi ignorant, aut ignorare volunt, qui tamen iis laborant: nempe, præjudicia voco, iudicia mentis lata de rerum veritate, antequam illa debite sint examinata, aut sæpe ad examen ne quidem vocata; ut, cum quis aliquid accepit tanquam verum ob auctoritatem solam alicujus, verbi causa, *Aristotelis*, vel quia hoc iudicium ab infantia sua circumgessit, & per solos sensus accepit, atque in eo acquievit, nullo unquam facto per intellectum, aut instituto per rationem examine.]

[7. Non est vero genus Logicæ *Scientia*: quia hæc in sola contemplatione subsistit & acquiescit; Logica vero non est contenta nuda cognitione præceptorum, de definiendo, dividendo, argumentando, &c. sed istam cognitionem transfert ad operationem, actum scil. definiendi, dividendi, &c. Non est genus

genus Logicæ, habitus instrumentalis aut instrumentum: quia nulum relatum, est genus entis absoluti; sed instrumentum seu habitus instrumentalis est relatum, Logica vero ens absolutum: ergo Logicæ genus esse non potest instrumentum, vel habitus instrumentalis. Probatur minor: Nam instrumentum refertur tum ad causam principalem cui inservit, tum ad effectum quod eo producitur: Logica autem est ens absolutum, quia ponitur in prædicamento qualitatis, & quidem in prima specie, puta habitus; at qualitas tantum entia continet absoluta.]

[ 8. Habitus instrumentalis dicitur *Ars*; quæ instrumenta suppeditat alteri arti; quemadmodum ars frænaria & ephippiaria, fræna & ephippia suppeditat, tanquam instrumenta, arti equestri: talis quidem habitus est Logica; nam suppeditat omnibus

aliis artibus modum conficiendi instrumenta cognitionis, definitionem, divisionem, syllogismum &c. attamen habitus instrumentalis non est ejus genus, ob rationem allatam.]

9. *Instrumenta*) scil. interna, quibus aliquid cognoscitur, sunt Definitio, Divisio, Syllogismus & Methodus: non externa, quibus aliquod opus extra nos & mentem nostram producitur, vid. l. 2. cap. 1. quest. in commentario.

10. *Dirigens*) proprie id dirigitur, quod à recta via aberrat. Intellectus noster ante lapsum primi parentis nostri, in cognoscendo erat perfectus; post lapsum vero multum corruptus perfectionem istam amisit, & à via perfectæ cognoscendi procul aberravit; utque jam rem bene cognoscamus, opus nobis est Logica, quæ nos in rectam quasi viam reducat, & in ea retineat.

### Quæst. III. Quot sunt partes Logicæ?

Dux: prior agit de *Thematibus*, eorumque variis affectionibus; posterior differit de ipsis *Instrumentis*, quibus themata tractantur, sive quibus intellectus dirigitur, cum in thematum sive rerum cognitione quærenda versatur.

1. *Dux*) Divisio Logicæ est non generis in species distributio, sed integri in membra. Prior pars Logicæ vocatur *Thematica*, quia circa themata versatur: posterior *Organica*, quia explicat organa, seu instrumenta cognoscendi, Prior libro primo, posterior secundo traditur.

[ 2. Dividitur hæc Logica systematica, cum tamen fuerit de-

finita habitualis. Et ratio est, quia illa Logica definienda erat quæ erat finis, talis est habitualis; & illa dividenda quæ comprehendebat media, & talis erat systematica.]

3. *Thematibus*) Materia instrumentorum alia est ex qua, alia circa quam: materia circa quam sunt ipsa themata; & de his agitur in Prædicamentis: materia



ma ex qua sunt affectiones dicabilibus usque ad finem libri  
thematum; de his agitur à Præ- primi.

## CAPUT. II.

## Quæst. I. Quid est thema?

**T**hema est, quicquid intellectui cognoscendum pro-  
poni potest.

1. *Thema*) proprie significat quodcumque ponitur; per synecdochen generis, id quod ponitur ad cognoscendum. Cognitioni nihil aliud est, quam imago & similitudo rei quæ est extra mentem, in mentem impressa; quemadmodum in speculum aut ceram imprimitur imago rei quæ est extra speculum aut ceram.

[1. *Thema* differt à conceptu: quod conceptus sit rei in intellectu representatio; thema sit res representata, & per representationem cognita; sive res cognita sit vera, ut lapis, sive ficta, ut regia solis: ideoque *Thema* est omne ens & non ens quod cognosci potest.]

## Quæst. II. Quomodo dividitur thema?

In simplex & complexum.

## Quæst. III. Quid est thema simplex?

Quod sine notionum complexione, sive, sine affirmatione aut negatione, apprehenditur: ut, *Socrates, disputat*, id est, (men disputeert) *respublica, bircocervus*.

1. *Quod sine*) *Thema simplex* definitur clariùs, cum unius rei imago imprimitur in intellectum; *complexum*, cum plurium rerum imagines, eæque inter se conjunctæ seu affirmatæ, vel disjunctæ seu negatæ, imprimuntur in intellectum: omnium clarissime definitur *Thema simplex*, de quo nihil affirmatur vel negatur; & *complexum*, in quo aliquid de alio affirmatur vel negatur.

2. *Thema simplex* unico mentis actu & ictu cognoscitur, quia res est una; ut, *lapis*.

3. *Disputat*) debet sumi indefinite pro *disputare*, vel actu *disputandi*: si enim subintelligatur definita persona, scilicet hic vel ille, esset aut significaret *thema complexum*. Melius dixisset Author *Disputatur*: quia sumitur & indefinite & impersonaliter; at nunquam sic sumitur vox *disputat*.

## Quæst. IV. Quid complexum?

Quod apprehenditur, duabus pluribusve notionibus affirmatione



affirmatione aut negatione copulatis : ut, *Socrates disputat; Ningit, pluit; itur, statur.*

1. Non sufficit, ut thema complexum pluribus mentis nostræ actionibus cognoscatur ; sed requiritur, ut per intellectiones alias aliquid de alio vel affirmetur vel negetur. Exempli gratia, *Amor Parentum erga liberos* non est thema complexum, licet apprehendantur & parentes & liberi & amor, quia nihil affirmatur aut negatur : sed cum dico, *Amor Parentum erga liberos est laudabilis*, est thema complexum.

2. Ergo, nec vocum, nec notio-  
num multitudo aut coacervatio  
facit thema complexum ; sed af-  
firmatio aut negatio de aliqua re.

Hic quidem multæ sunt voces ac  
notiones ; est vox ac notio *amo-  
ris, parentum, liberos* : sed de  
istis nihil affirmatur aut negatur,  
nihil dicitur, & una vox inter-  
dum thema complexum signifi-  
cat, quia affirmationem aut ne-  
gationem involvit, ut, *ningit* :  
nam verba impersonalia activa  
significant thema complexum,  
quia subintelligitur, aut involvi-  
tur nominativus tertiæ personæ,  
ut, *ningit*, scilicet cælum, aer, vel  
nubes ; non item sic impersona-  
lia passiva. Ideoque *itur, statur*,  
non sunt exempla thematis com-  
plexi, sed simplicis.

Quæst. V. Quotuplex est thema simplex ?

Duplex ; universale, & singulare.

Quæst. VI. Quid est universale ?

Universale est, quod de pluribus sumpsit natura prædi-  
cari aptum est ; [sic ut nomen & natura rei universalis  
multiplicetur in illis pluribus, de quibus dicitur.] ut,  
*homo, equus, planta.*

1. *Prædicari*) est idem id Lo-  
gicis quod de alio dici, seu po-  
steriori loco in enunciatione po-  
ni ; quemadmodum id quod po-  
nitur loco priori, dicitur *subjici* :  
unde exorta sunt nomina *subje-  
cti & prædicati*, quæ significant  
partes enunciationis. [Dicitur  
vero aut prædicatur universale  
de pluribus, & quoad nomen &  
quoad definitionem, quatenus  
& nomen & definitio thema-  
tis universalis de pluribus enun-  
ciari potest : sicuti de Petro,

Paulo, Joanne, singulisque ho-  
minibus, enunciatur & nomen  
& natura hominis. Hæc uni-  
versalium de pluribus prædica-  
tio fundatur in eo, quod eorum  
natura pluribus inest ; natura  
enim hominis inest Petro, Pau-  
lo, Joanni, reliquisque homini-  
bus.]

2. Notanda hic sunt verba *su-  
apte natura* : quia ad thema uni-  
versale non sufficit, ut de plu-  
ribus prædicetur ; sed & debet  
natura illa, quæ prædicatur, in-  
esse

esse illis pluribus, de quibus prædicatur, sic *canis* non est universale thema respectu canis domestici, marini, & cœlestis, quia non inest illis natura communis canis.

[3. Vulgo quidem dicunt, prædicari sequitur inesse, & modus prædicandi sequitur modum essendi, aut inessendi; ideoque quod prædicatur de pluribus, etiam pluribus inest, & thema universale de pluribus prædicari non posset, si non inesset pluribus, saltem inesse per naturam posset: sic autem inest pluribus, ut & natura & nomen thematis universalis in singulis multiplicetur quibus inest, & de quibus prædicatur; sic ut ista plura, singula sibi naturam universalem possideant, distinctam in singulis. Ita, verbi causa, homo prædicatur de Petro, Paulo, Joanne, quia natura humana singulis inest, sunt enim singuli, homines: ac sic inest, ut in singulis multiplicetur. sunt enim multi homines, scilicet tres; & singuli habent naturam humanam sibi propriam, distinctam à natura humana alterius; quæ enim natura humana, id est, quod corpus, & quæ anima rationalis est Petri, ea natura humana illud corpus, illa anima, non est Pauli, non est Joannis. Hinc liquet, cur Deus non possit dici thema universale, quamvis de pluribus personis, scil. tribus, Patre, Filio, & Spiritu Sancto, prædicetur, & natura divina illis pluribus inest: quia scilicet illa non multiplicatur in illis, sic ut singulæ personæ habeant

distinctam naturam divinam singulis propriam, & sunt tres dii; sicuti Petrus, Paulus, Joannes habent distinctam naturam, singulis propriam, & sunt tres homines: ideoque, Deus non est universale thema respectu trium personarum Patris, Filii, & Spiritus Sancti, sicuti homo quidem est respectu Petri, Pauli, Joannis.]

[4. *Est aptum*) Universale non exigit actu plura, de quibus re ipsa & de facto prædicetur; sed sufficit, ut natura universalis sit talis, quæ de pluribus prædicari potest, si ista plura existant. Ita animal erat universale, solo existente bruto, nondum condito homine; quia licet tum de solo bruto prædicaretur actu, tamen, quia poterat prædicari etiam de aliis, scil. hominibus, universale fuit, sic homo, solo existente Adamo, non poterat nisi de illo uno prædicari actu, nam reliqui homines non erant, de quibus prædicaretur; fuit tamen universale, quia non repugnabat naturæ hominis, ut de pluribus aliis prædicaretur, si, & quando crearentur.]

[5. *Universale* vulgo dici solet Logicis, totum *potentiale*, & non *actuale*; quia nec genus, ut *animal*, exigit ut actu plures sint species, hominis; nec species, *homo*, exigit ut actu plura sint individua, ut *Petrus, Paulus, &c.* hinc natum est illud axioma philosophorum. *Genus conservari potest in una specie, & species in uno individuo.*]

6. Sol, etsi unus est, est tamen thema

thema universale, quia per naturam aptus est prædicari de pluribus, si plures soles condantur; ha-

berent enim & isti eandem naturam calefaciendi, illuminandi, &c. cum nostro sole.

### Quæst. VII. Quid est singulare?

Quod de uno tantum suapte natura prædicari aptum est [quia uni tantum inest, sc. enti reali] ut, *Alexander*, *Bucephalus*; hæc *pyrus*.

1. *Singulare* thema proprie & per se non prædicatur, sed subicitur: verum cum prædicatur, prædicatur tantum de uno.

[2. Cum natura Dei non uni tantum inest, sed pluribus, nempe tribus personis, nec de uno tantum, sed de tribus, Patre, Filio, Spiritu Sancto, prædicatur, non videtur esse thema singulare.]

3. Resp. primo hic intelligitur tantum & definitur thema

singulare finitum, non autem infinitum, quale est Deus. Secundo cum thema singulare dicitur de uno prædicari tantum, & uni inesse tantum, intelligitur illud unum tanquam inferius & subordinatum, non tanquam collaterale, & coordinatum. At Deus non dicitur de tribus personis, nec natura divina illis inest, ut inferioribus aut subordinatis, sed ut collateralibus ac coordinatis.]

### Quæst. VIII. Quomodo vocantur singularia?

Individua. ἰδιώματα.

### Quæst. IX. Quare?

Quia dividi non possunt in plura ejusdem nominis ac naturæ, [sc. singularis.] *Alexander* enim dividi non potest in plures *Alexandros* tales, qualis fuit rex Macedonum, nec *Bucephalus* in plures *Bucephalos*: at homo dividi potest in plures homines, puta in *Socratem* & *Platonem*; & equus in plures equos, puta in *Bucephalum* & *Cyllarum*, &c.

[1. Etsi plures obtinuerint nomen *Alexandri*, non tamen ideo ejusdem numero fuerunt nominis, quia non omnibus nomen *Alexandri* impositum est ab iisdem scilicet parentibus, eisdem ob causas, eodem tempore ac loco, & sub iisdem singularibus

circumstantiis: nec eadem natura fuit *Alexandri* hujus, quæ fuit *Alexandri* alterius, intelligendo naturam singularem; quia hic *Alexander* non fuit iste: hic Rex fuit, doctus, fortis; at ille, subditus, indoctus, ignarus, &c.

### Quæst. X. Quotuplicia sunt individua?

Duplicia; determinata, & vaga.

Individua dicuntur determinari, quando certo loco & tem-

pore circumscribantur: vaga contra.

Quæst.

Quæst. XI. Quos modis determinantur individua?

Quatuor modis. 1. nomine proprio; ut, *Plato Socrates, Bucephalus, Melampus*. 2. nomine communi sive appellativo, quod per excellentiam sumitur pro proprio; ut, *Philosophus pro Aristotele, Orator pro Cicerone*. 3. pronomine demonstrativo; ut, *hic, ille homo*. 4. periphrasi; ut, *Apostolus gentium, id est Paulus*.

Cum nomen appellativum sumitur pro proprio, est Synecdoche generis.

Quæst. XII. Quid est individuum vagum?

Quod effertur pronomine incertæ partis; scil. in numero singulari; ut, *aliquis, quidam homo*.

1. *Aliquis, Quidam* dicuntur pronomina incertæ partis; quia non designant certam aliquam personam, scilicet, *Petrum vel Paulum*. Græci eleganter hoc exprimunt per *ὁ τις*.

2. *Individuum vagum* non habetur pro individuo; quia additum subiecto non facit enunciationem singularem; sed particularem; ut, *aliquis homo est doctus*, vid. quæst. 9. cap. 29. lib. 1.

### CAPUT III.

Quæst. I. Quæ sunt spectanda in themate simplici?

**P**rimo, *Categoria & Affectiones*, scil. rationis, quæ ex varia rerum habitudine ad se invicem, & ex modo quo intellectus eas concipit, atque inter sese comparat, oriuntur: deinde *Interpretatio & Affectiones*, sc. orationis, quas intellectus vocalibus affingit ex modo conceptus suos interpretandi.

[1. *Categoriae* sunt inventæ in hunc finem, ut tanto facilius intellectus humanus versaretur circa res cognoscendas, qui admodum juvatur, si res cognoscendæ ipsi distinctæ, & certo ordine ac serie proponantur, quod fit in *Categoriis*: sunt enim ex sicuti mappæ geographicæ, in quibus varia mundi regna, regiones, provinciæ, urbes, pagi, maria, flumina, aliæque mundi loca representan-

tur, ut tanto facilius cognoscantur; ita etiam in *categoriis*, res cognoscendæ, quæ in hoc universo sunt innumerabiles seu ordine ac serie digeruntur, & per suas classes disponuntur, ut uno quasi intuitu conspiciantur, & sic facilius cognoscantur: in quem finem tabulæ categoricæ adornatæ sunt à Keckermanno aliisque, quas sæpius contemplari utilissimum fuerit Logicæ studiosis: nam præter hunc generalem

ralem usum quem Categoriz præstant, quod res omnes cognoscendas redigant in certum ordinem, ut tanto facilius cognoscantur, specialem habent usum in doctrina definiendi; ex his enim, tabulis prædicamentalibus inspectis, facile est invenire & genus & differentiam, uti hoc postea docebitur; inserviunt quoque divisionibus instituendis, ex iisdem enim facile est reperire cujusvis generis partes, in quas divisio institui solet: sed ante omnia inserviunt conficiendis syllogismis; ex iis enim accipere est ingentem copiam ac segetem terminorum mediorum, quibus in omni syllogismo ad probandum est usus.]

2. Spectantur in themate simplici *Categoriz*, quando consideratur ad quam categoriam thema simplex pertineat.

3. *Categoriz*. Quia res cognoscendæ sunt quamplurimæ, & numero fere infinitæ, non potest commode intellectus versari circa illas cognoscendas, nisi ad certas classes & capita certa reducantur, quæ solent vocari *Categoriz*.

[4. *Categoria* vox est forensis, notatque idem quod *accusatio*; quæ quia non potest fieri, nisi actor aliquod crimen de reo prædicet, per synecdochen speciei translata est in Logicis, ad significationem generalem, significatque idem quod *prædicatio*: hic tamen non ipsum actum prædicandi notat, sed rem quæ prædicatur. Latini philosophi barbare dixerunt *Prædicamentum*.]

5. *Affectiones rei* vocantur quæ conveniunt rebus in se, & se, ex natura sua, etsi nec a ratione intelligantur, nec oratione proferantur: sic *risibilis* & *eruditio* conveniunt homini.]

[6. *Affectiones rationis* dicuntur, quæ conveniunt rebus, quatenus menti nostræ obijciuntur cognoscendæ, & quæ extra cognitionem mentis rebus non competunt, nec sunt, nisi quando & quamdiu mens intelligit: sic *speciem* convenit homini.]

7. *Affectiones vocis* sunt, quæ conveniunt rebus quatenus oratione proferuntur; ut, esse *subiectum* aut *prædicatum*.

[8. Hic intelliguntur affectiones secundi & tertii ordinis, quæ & rationem & orationem dirigunt Logica.]

[9. Logica nullas tradit, explicat *affectiones rei*, unde neque est disciplina realis; sed illæ exponuntur in aliis Philosophiæ partibus. Ita affectiones rei quæ Deo competunt per naturam suam, explicat *Metaphysica*, ut sunt Dei simplicitas, unitas, immensitas, æternitas, &c. eadem explicat affectiones rei, quæ Angelis conveniunt ex natura sua, ut sunt spiritualitas, incorruptibilitas, &c. eadem explicat affectiones rei, quæ animæ rationali competunt per naturam suam, ut sunt immortalitas, indivisibilitas: affectiones rei quæ competunt quantitati, sive numero, sive magnitudini, ut varias figuras, & cæteras, explicat *Mathematica*: affectiones rei quæ competunt corporibus ut sunt locus, motus, tempus, calor, frigus, gravitas,

gravitas, levitas, color, sonus, &c. explicat Physica. Logica vero explicat tantum affectiones tum rationis, tum orationis, id est, docet tantum modum per rationem cognoscendi, & per orationem proferendi affectiones rei in aliis disciplinis explicari solitas; unde hæc dicitur disciplina Rationalis, aut etiam Notionalis.]

10. Per *habitudinem rerum* intelligitur, partim rerum convenientia, partim discrepantia.

[11. Deus ita res omnes sapienter condidit, ut aliquo modo inter se convenient, & aliquo modo discrepent: sic videmus hominem cum bruto convenire in animali, discrepare in rationali; terram cum aqua convenire in frigore, differre in siccitate; plantas & animalia convenire in eo, quod nutriantur & crescant, discrepare in eo, quod hæc sentiant, illæ non item. Hæc convenientia rerum & discrepantia, vocatur *habitus*, quia per eam utraque res diverso modo ad se invicem habent: & hanc mutuam rerum habitudinem contemplari, non tantum jucundum est philosophanti, sed & utile ad affectiones rationis & orationis inveniendas; quod, quomodo fiat, in commentario statim subjuncto docetur.]

12. *Concipit* id est apprehendit, intelligit.

[13. *Affectiones rationis* in themate simplici dicuntur *oriri* ex eo, quod mens hominis, contemplando res in prædicamentis dispositas, in iis deprehendat quandam vel convenientiam,

vel discrepantiam: verbi causa, cum mens contemplatur prædicamentum substantiæ, cognoscit in eo collocatū hominem & brutum, & deprehendit ea convenire in communi natura & ratione animalis; hinc hominem & brutum, *species* facit, ut animal, *genus*. Deinde, cum mens genus de specie (animal de homine aut bruto) enunciat, & sic conceptus suos exprimit, vocat animal, *predicatum*, & hominem vel brutum, *subjectum*. Illæ sunt affectiones *rationis*, hæc *vocis*.]

[13. Intellectus hominis formaturus affectiones rationis, quæ vulgo dicuntur entia rationis, aut etiam notiones secundæ, ut sunt genus, species, &c. primo simpliciter apprehendit res in categoriis dispositas: secundo, eas inter se comparat; comparando quandam earum inter se deprehendit & convenientiam & discrepantiam: tertio, aut convenientiam rejicit, cognoscendo solam discrepantiam, aut discrepantiam rejicit, cognoscendo solam convenientiam: & sic aut unum aut alterum abstrahit, ac cognoscendo præscindit à rebus simpliciter apprehensis, & inter se comparatis; & sic format affectionem rationis. Verbi causa, intellectus, contemplando categoriam substantiæ, apprehendit simpliciter hominem, brutum, ibi collocata; apprehensa inter se comparat; comparando deprehendit hominem & brutum convenire in eo; quod ambo sint animalia, id est, quod sint substantiæ corporeæ, viventes, sentientes; discrepare in



eo, quod homo sit rationalis, brutum irrationale: quando nunc tantum intelligit id in quo homo & brutum conveniunt. scilicet in animal, abstracta & precisa, id est, non intellecta rationalitate aut irrationalitate, format de animal, affectionem rationis, quæ vocatur genus, de homine, quæ vocatur species: si abstracto & preciso, id est, non

intellecto, animali aut homine intelligat tantum id in quo homo & brutum discrepant, scilicet rationalitatem, aut irrationalitatem, format affectionem rationis, quæ dicitur differentia: & sic se res habet in aliis affectionibus rationis, quæ sequuntur categorias, uti affectiones orationis sequuntur interpretationem.]

### Quæst. II. Quid est categoria?

Categoria est series seu ordo rerum sub eodem summo genere gradatim dispositarum.

1. Res in prædicamentis disponuntur, vel secundum gradus superiores & inferiores, vel secundum gradus collaterales. Genera & species priori modo; ut, animal & homo: differentia posteriori modo disponuntur; ut, rationale & irrationale.


2. Rerum ) Ergo non vocum, non affectionum rationis, quas vulgo entia rationis vocant.

3. Errant autores illi, qui putant in categoriis disponi tantum genera, species, differentias,

& individua hoc est, ipsas illas notiones secundas sive affectiones rationis; nihil minus: sed hic disponuntur ipsæ res & affectiones, quæ sub istis vocabulis affectionum rationis latent ac significantur.]

4. Dispositarum) Dispositio rerum in prædicamentis secundum gradus inferiores & superiores dicitur subordinata; sed in eodem gradu collateralis aut coordinata: utramque videre est in hac tabula.

Substantia.



Dispositio rerum in prædicamentis, tum subordinata, tum

coordinata, fundamentum est quo nititur doctrina convenientiæ



tie & diversitatis coordinatæ ac sum in syllogismo qui vocatur subordinatæ: habet quoque u- Sorites, & alibi.

### Quæst. III. Quot sunt categoriæ?

Decem: substantia, quantitas, qualitas, relatio, actio, passio, ubi, quando, situs, & habitus.

[ 1. Quare sint decem Categoriarum non plures, non pauciores, solida ac sufficiens ratio dari nequit. Quot vero sunt categoriæ, tot sunt summa genera prædicamentorum, *ἡ κατὰ γένος μὲν*, id est, eorum quæ diverso modo prædicantur; non vero entium, *τῶν ὄντων*, quasi quæcunque in diversis sunt prædicamentis, diversa sint entia reipsa inter se distincta. Nihil minus. ]

[ 2. Res in prædicamentis dispositæ dupliciter possunt spectari: vel ratione prædicationis de se invicem, quo modo spectantur in Logica; vel ratione entitatis quæ singulis competit; quo modo considerantur in Metaphysica. Priori modo falsum est, illa omnia esse diversa entia, quæ in diversis collocantur prædicamentis; posteriori modo verum est; sed tum non fuerint

decem prædicamenta ut fortasse priori modo constitui possent; sed vel duo tantum, substantia & qualitas; vel ad summum tria, si addatur quantitas, & hæc distinguatur à materia; nam certe relatio non potest dici ens, est enim tantum habitudo & respectus unius entis ad aliud; nec actio nec passio sint entia, quia significant tantum modum, quo aliquid agit aut patitur, aut quo aliquid sit; multo minus ubi, quando, situs & habitus, sunt entia; nam significant tantum modos, qui non sunt entia, & semper distinguuntur à rebus modificatis, quæ sunt entia. ]

3. Notandum, vero est bene, id quod in uno est prædicamento, non reperiri in alio; quemadmodum miles qui sub uno vexillo militat, non potest militari sub alio.

## C A P U T IV.

### Quæst. I. Quid est substantia?

Substantia est res per se subsistens, & subsistans accidentibus; ut, spiritus, corpus, cælum, ignis, aqua, lapis, arbor, equus, &c.

1. Res idem est quod ens vel ens reale, habetque hic locum generis communis substantiæ & accidenti [significat vero id quod non est nihil, sive id quod existit in hoc universo, aut saltem

existere potest. Vulgo dicunt philosophi, quod habet essentiam vel existentiam. Per essentiam intelligunt rei uniuscujusque naturam, quæ est aliquid, non vero nihil, & quæ ab aliis

B 2 rebus

rebus distinguitur, & qua cognoscitur ac definitur, sive illa res inveniatur in mundo, sive non: per existentiam intelligunt id, quo unaquæque res stat, & reperitur extra causas producentes. Hæc duo vocabula multum distinguuntur: nam tempore hyberno rosa non habet existentiam, quia non invenitur tunc in mundo posita extra causam sui producentem; habet tamen essentiam, qua non est nihil, sed qua definitur, atque ab aliis plantis, rebusque omnibus distinguitur: nam etiam cum rosa non existit, verum est, *rosa est rosæ rubri coloris, grati odoris, &c.* quæ est ejus qualiscunq; definitio. Jam vero utrumque hoc, & essentiam habere, & existentiam, convenit enti, sive rei, prout est genus tum substantiæ tum accidentis.]

[2. Ens sumitur, vel ut participium, vel ut nomen; quemadmodum multa participia, amissa significatione temporis, degenerant in nomina; ut cum dico *amans vini*, *amans* est nomen, *amans vinum*, est participium. Ens, ut participium præsentis temporis, significat id quod jam nunc est in rerum natura, & ei respondet in abstracto existentia: ens ut nomen, amittit significationem temporis, nec significat id quod nunc est, sed saltem quod esse potest, & ei respondet in abstracto essentia; ipsum enim ens est concretum, quia est adjectivum. Substantia utroque modo dicitur ens, sed potissimum cum sumitur ens ut nomen: ac tum iterum accipitur

vel late, vel stricte. Late, ens significat omne id quod non est nihil; quo sensu etiam relationes, actiones, passionēs, & omnes modi rerum possunt dici entia. Tam late hic non sumitur, cum substantia dicitur ens; sed stricte, prout ens vulgo dicitur reale, atque comprehendit sub se hæc quatuor, substantiam, accidentis, Deum, creaturam; quod ens reale, quidnam sit, vix aliter definiri potest, quam enumeratione istorum quatuor.]

[3. Quærun philosophi quale genus sit ens, an univocum, an analogum, respectu substantiæ & accidentis: univocum vocatur, quod æqualiter convenit suis speciebus; analogum, quod inæqualiter. Scotistæ tenent prius; Thomistæ posterius: & hoc quidem videtur probabilius, nam accidentis debet substantiæ quod sit ens, est enim à substantia, tanquam à causa, & in ea existit, & extra eam esse quidem potest; at substantia non debet accidenti quod sit ens: ergo majori jure ens dicitur de substantia quam de accidente: consequenter, ens inæqualiter dicitur de utroque, ideoque est genus analogum; nam absolute dicitur de substantia, sed de accidente secundum quid, id est, per & propter substantiam; inde Aristoteles fere semper accidentia vocat *ὅτι ἐκ τῆς οὐσίας*, id est, entis entia, substantias vocat simpliciter *ὅτι ἐκ τῆς οὐσίας*, id est, entia.]

4. Cum substantia dicitur per se *subsistere*, non significatur omnimoda

nimoda ejus independentia, hæc enim convenit soli Deo; sed tantum indicatur, eam non dependere ab alio, scil. ente creato, tanquam à subjecto, scil. inhæfionis; licet ab alio, scil. Deo, dependeat tanquam à causa efficiente: sic enim omnis substantia creata dependet à Deo.

[ 5. Aliquid dependet ab alio, vel tanquam à subjecto, scil. inhæfionis, vel tanquam à causa efficiente. Quod dependet à subjecto, sc. inhæfionis, dependet à re creata, in qua est & non subsistit per se, sed per rem creatam: hoc modo omnis substantia est independens, & subsistit per se; nulla enim dependet ab alia re creata, tanquam à subjecto inhæfionis. Quod dependet à causa efficiente, dependet ab ente increato; à quo est: sic nulla creatura est independens, aut subsistit per se; omnis enim subsistit per Deum, createm & sustentantem omnia. Nam res omnes, præter Deum, vel dependent à Deo, tanquam à causa, & efficiente & conservante: (ut enim nihil seipsum potest producere, ita nec seipsum potest conservare, & sic nulla substantia creata per se subsistit) vel res creatæ dependent, quædam ab aliis rebus creatis, non tanquam à causa efficiente & conservante sed tanquam à subjecto, in quo sunt, ut extra illud inveniri atq; existere nequeant; tales res creatæ vocantur *accidentia*, ac dicuntur inhærere substantiæ. Sic ut hæc duo opponantur, *per se subsistere*, quod convenit substantiæ, diciturque eam non esse in alia re, tan-

quam in subjecto, scil. inhæfionis; & *inherere substantiæ*, ut subjecto scil. inhæfionis, quod convenit accidenti, diciturque, id non per se subsistere. ]

6. *Substare accidentibus* ) significat, esse subjectum accidentium, scil. inhæfionis.

7. Illa verba, *substans accidentibus*, proprie non pertinent ad definitionem substantiæ in genere, sed tantum spectant definitionem substantiæ creatæ. [ Deus enim substantia est, non accidens; & substantia est, quatenus est ens sumptum, & ut participium, & ut nomen, tum late, tum stricte; præterea, per se subsistit, quia nulli subjecto inhæret: sed non potest dici substare accidentibus, nam in Deo nulla sunt accidentia, quippe quæ imperfectiorem aliquam important, Deus autem est perfectissimus. ]

8. Clarius potest definiri *Substantia*, res, seu ens reale, quod nullius creaturæ eget operâ, ut existat, atque in illa sit; *Accidens*, res, seu ens reale, quod alterius creaturæ eget operâ, ut existat, & in illa sit. Vel sic: Substantia est res seu ens reale, quod nulli rei creatæ inhæret, ut subjecto inhæfionis; *Accidens* est res, seu ens reale, quod alteri rei creatæ inhæret, ut subjecto inhæfionis.

[ 9. Subjectum inhæfionis denominatur ab accidente quod inhæret, denominatione intrinseca; subjectum adhæfionis denominatur sive ab accidente, sive à substantia, quod velque adhæret, denominatione extrinseca, sic cum dicitur *paries*

*est albus*, est denominatio intrinseca; cum dicitur, *Petrus est togatus*, est denominatio extrin-

seca, aut, *paries est visus*, quia nec toga Petro, nec visio parieti inest.]

[Quæst. II. *Quid est per se subsistere?*

Non esse in alio, ut in subiecto. Hæc enim ratione distinguitur substantia ab accidentibus, utpote quæ semper alicui subiecto inhaerent; quorum adeo esse nihil aliud est quam inesse.]

[Quæst. III. *Quid est, esse in subiecto?*

Esse in subiecto dicitur, quod cum in alio sit non ut pars, non potest tamen existere separatum ab eo, in quo est.]

[1. Subiectum in philosophia aliud est inhaesionis, aliud denominationis. Prius vocatur illud, cui illud ens inest, & quidem accidens. De hoc hic est sermo, cum quaeritur, quid sit esse in subiecto: sic paries est subiectum inhaesionis respectu alboris. Posterius est, quod denominatur ab alio tale vel tale, licet ei non inest: sic quis denominatur togatus à toga, quæ tamen non inest ipsi, sed adest. De hoc subiecto hic non agitur. Ut vero aliquid sit in subiecto inhaesionis, requiritur.]

[2. Primo, ut id quod inhaeret sit ens reale, aliud & distinctum ab illo in quo inhaeret, quod significatur, cum accidens dicitur esse in alio.]

[3. Secundo, debet illud quod inhaeret in alio, non esse pars subiecti in quo inest, nec debet esse pars compositi, ut compositum ex illo & subiecto ipso constituitur: hoc est quod dicitur, accidens nec partem esse essentialem, quia nec subiecti, nec compositi essentiam constituit;

nec integrale, quia & subiectum & compositum sine illo integrum esse potest.

[4. Tertio, debet accidens, siue illud quod est in subiecto, ita arte conjungi cum subiecto, ut non possit in hoc mundo existere alio loco & tempore, quam quo loco & tempore existit subiectum. Potest quidem accidens, verbi causa, albor, tolli, auferri, separari à subiecto in quo est, verbi causa, pariete, si scilicet hic denigretur: sed hoc fieri non potest, ut ille arbor qui est in pariete hoc, inveniatur extra parietem in quo est, alibi existere in rerum natura: hinc est quod dicant Logici, accidentis esse est inesse.]

[5. Substantia ergo, aut in nullo est subiecto, ut *Petrus*; aut, si sit in subiecto, est in eo ut pars, ut *homo in Petro*, aut *animal in homine*; aut potest extra subiectum, in quo est, existere, ut *anima rationalis in homine*: sic substantia secunda, *homo*, est in prima scilicet *Petro*, ut pars primæ, scil. *Petri*, & *anima rationalis* est

in corpore, sic ut possit extra corpus existere.]

[6. Si una ex tribus hisce conditionibus in accidente requisitis abest, res substantia est: ita anima canis substantia est, quia deest conditio secunda; est enim pars essentialis totius compositi, canis, quia est ejus forma. Non vero deficit prima conditio; anima enim canis revera est in

subiecto suo, scil. corpore, tanquam in alio: neque etiam tertia; cum enim mortuus est canis, mortua etiam anima est, quia non potest existere, mortuo cane. Anima hominis est substantia, quia deficit & secunda & tertia conditio: est enim pars essentialis hominis ejus forma; & extra corpus, subiectum suum, existere separatim potest.]

Quæst. IV. Quomplex est substantia?

Duplex, prima, & secunda.

Quæst. V. Quid est substantia prima?

Substantia singularis: ut, Alexander, Bucephalus.

Quæst. VI. Quid secunda?

Substantia universalis: ut, homo, equus.

[Quæst. VII. Quomodo discerni primam substantiam à secunda?

Prima substantia non dicitur de subiecto, nec inhaesionis nec denominationis, cum ipsa omnibus subijciatur. Alexander enim de nullo dicitur, nisi de seipso. At substantia secunda, quamvis in subiecto non sit, scil. inhaesionis, dicitur tamen de subiecto, scil. denominationis, nempe de primis substantiis sibi subiectis: Homo enim dicitur de Alexandro, Socrate, Platone, &c. Equus de Bucephalo, Cyllaro, &c.]

[1. Dicit de subiecto] idem est, atque quoad nomen & definitionem subiecto tribui: sic & nomen & definitio substantiæ secundæ (verbi causa, hominis) tribuitur substantiæ primæ (verbi causa, Petro.) Nomen hominis, ut cum dico, Petrus est homo; Definitio autem, ut cum dico, Petrus est animal rationale.]

[2. Cum substantia secunda sive universalis dicatur de prima sive singulari, ut Petrus est

homo, & accidens quoque dicatur de eadem, ut, Petrus est doctus, quæritur, an eodem modo prædicentur & accidens & substantia universalis de singulari. Resp. quod non: Nam accidens dicitur de substantia singulari, ut Petrus est doctus, tanquam de subiecto inhaesionis; nam doctrina est ens aliud & distinctum à Petro, cui inhaeret, nec est pars Petri, nec potest existere separatim à Petro; præterea prædica-

tur de Petro in concreto & adjective, nam non licet mihi dicere in abstracto & substantive, *Petrus est doctrina*: Sed substantia secunda sive universalis dicitur de prima sive singulari, ut *Petrus est homo*, sed sic, ut non sit ens distinctum ab ea, & sit pars ejus; neque enim homo est ens distinctum à Petro, & est pars Petri,

unde etiam Petro non inhaeret, sed tantum eum denominat, estque Petrus subiectum non inhaerentis, sed denominationis tantum praeterea homo dicitur de Petro substantive & in abstracto, non adjective aut in concreto neque enim dico, *Petrus est humanus*, adjective, sed *Petrus est homo*, substantive.]

**Quaest. VIII. Quot sunt nota substantiarum?**  
Sex.

**Quaest. IX. Quae est prima nota?**

*Non esse in subiecto*: nimirum, quia per se subsistit.

1. Hæc non tam est nota, quam quidè essentia ipsius substantiæ, quia per se subsistere, quod idem est cum *res* non esse in subiecto, definitionem substantiæ ingreditur; at vero, quod alicujus rei definitionem ingreditur, ejus essentiam constituit: omnis vero nota aliquid significat, quod nec ex definitione, nec ex divisione rei potuit cognosci, & notat aliquid, essentiam rei consequens, exprimiturque *canone*, *maxima*, aut *regula*. Cum vero dicitur, substantiam non esse in subiecto, intellige subiectum inhaerentis;

nam secunda substantia est in prima, ut in subiecto denominationis, ut *homo* in *Petro*.

2. Subiectum inhaerentis est id, in quo aliquid est tanquam accidens: sic *homo*, seu natura humana, non est in *Petro*, ut in subiecto inhaerentis: quia accidens non est pars subiecti aut compositi, at natura humana est pars Petri. Subiectum denominationis est, de quo res simpliciter prædicatur: sic *homo est in Petro*, ut subiecto denominationis, quia de Petro prædicatur.

**Quaest. X. Quae secunda?**

*Dici de aliis synonymis*; hoc est, quoad nomen & quoad definitionem. Hæc nota convenit secundis substantiis, non primis, quia primæ de nullis dicuntur.

1. *Sic homo* dicitur de *Petro*, & *Paulo*, & cæteris individuis, quoad nomen & quoad definitionem: nam dico, & *Petrus est homo*, & *Petrus est animal rationale*.

2. *Dici de aliis quoad nomen*

& definitionem) est, quando & nomen & definitio unius, tribuitur alteri: sic & nomen & definitio hominis tribuitur Petro.

[3. *Quæri hic solet à Logicis*, cum definitio hominis tribuitur Petro, ut, cum dico, *Petrus est animal*



animal rationale, an illa definitio tribuatur Petro, ut definitio hominis, an, ut definitio Petri. Resp. utroque modo; nam eadem est definitio individui, quæ est speciei, si quis enim rogetur ut definiat hominem, speciem, dicet, est animal rationale, si rogetur, ut definiat Petrum, iterum dicet, est animal rationale, quæ est definitio hominis, quoque itaque animal rationale Petro attribuitur, & de eo prædicatur, tum ut definitio hominis, tum ut definitio Petri. Et causa hujus rei hæc est, quia individua non habent differentiam essentialem propriam, imo non habent essentialiam aliam, quam quæ est specierum, & ei tantum addunt varia accidentia, quibus individua à se invicem distinguuntur: ut ergo eadem est essentia speciei quæ est individui hominis, scilicet quæ Petri, eadem etiam utriusque est definitio, scilicet animal rationale. Sed cum definitio generis tribuitur speciei, animalis homini, tribuitur ei, ut definitio generis tantum, non item, ut definitio speciei; hæc enim propriam ac peculiarem habet definitionem, distinctam à definitione generis. Verbi causa, animal, genus, definitur substantia corpo-

rea, mixta, vivens, sentiens: at hæc non est definitio hominis, speciei: est quidem pars ejus definitionis, sed non tota ejus definitio; ut enim homo definiatur, præter ista quæ definiunt animal, requiritur et rationale, quod in definitione animalis non reperitur, & in definitione hominis poni debet, quippe quod significat ejus differentiam specificam. facitque alteram partem definitionis, qua definitur homo.]

4. Dici de aliis quoad solum nomen est, cum nomen alicui tribuitur, non vero definitio: ut, albor tribuitur parieti quoad nomen in concreto, id est, per adjectivum. cum dicitur, *Paries est albus*; at definitio alboris, parieti tribui nequit per substantivum in abstracto.

5 Accidens dicitur in concreto, tribui substantiæ, quando per adjectivum de subiecto suo enunciat: nam si propria voce ac substantive enuncietur, ne quidem quoad nomen substantiæ tribui potest: sic non licet mihi dicere, *paries est albor*, substantive, sed *paries est albus*, adjective; sed substantiæ secundæ dicuntur de primit quoad nomen, etiam substantive: sic, *Petrus est homo*, & *Petrus est animal rationale*.

#### Quæst. XI. Quæ tertia.

*Significare rē dē π, hoc aliquid, id est, tale quid quod digito demonstrari potest.* Hæc nota convenit tantum primis substantiis.

1. Sic Petrus Paulus, hæc arbor, hic lapis, &c. possunt monstrari digito.

[ 2. Vulgo dicitur, & vere, Universalia non incurrunt in sen-

sus ideoq; substantiæ secundæ non possunt digito monstrari, quia sunt entia aut themata universalis. ]

Quæst.



Quæst. XIII. *Qua quarta?*

*Non habere contrarium.* Substantia enim substantiæ non est contraria per se, sed per qualitates: ut, *aqua & ignis.*

[1. Vox illa, *contrarium*, sumitur vel late, vel stricte, Late dicuntur contraria quælibet opposita: sic Aristoteles in *Physicis*, principia corporum naturalium, formam & privationem, vocat contraria, quæ non sunt contraria stricte dicta; nam hæc sunt duo entia, at privatio est non ens, & opponitur formæ non contrarie, sed privative: & tam late in hac nota sumitur quoque vox, *contrarium*, nam si stricte sumas, prout contrarietas significat certam oppositionis speciem, qua duo entia sub eodem genere plurimum distant; certe substantia una alteri est contraria. nam homo & brutum sunt substantiæ, & sunt contraria; sunt enim duo entia, habent commune genus, animal, sub quo, tanquam duæ species, plurimum distant, nempe per differentias suas específicas, rationale & irrationale: sunt vero contraria, non per qualitates, sed per se, seu per suas formas substantiales, quæ sunt substantiæ, & non qualitates; & ipsæ, scilicet anima rationalis & irratio-

nalis, æque sunt contraria, atque homo ac brutum: præterea, aqua & ignis non tantum per qualitates, calorem & frigus, siccitatem & humiditatem, sunt contraria, sed per ipsas suas formas substantiales: consequenter, sunt contraria quatenus sunt substantiæ; quomodo enim fieret, ut à formis non contrariis emanarent qualitates contrariæ, quales sunt aqua & ignis?] 3.

2. Contraria hic dicuntur, quæ se mutuo expellunt ex eodem numero subjecto, inhesionis scilicet: sic substantia substantiæ non est contraria, quia nullo est in subjecto ergo non possunt ex eo se expellere; ut homo & brutum.

3. Si vero contraria definiantur, ut *cap. 22. hujus lib. 1.* omnino una substantia alteri est contraria: verbi causa, homo & brutum sunt duo entia absoluta, & quidem substantiæ, quæ sub eodem genere, sc. animali, plurimum distant; nam differunt formis contrariis; homo enim est animal rationale; brutum, irrationale.

Quæst. XIII. *Qua quinta?*

*Non recipere magis & minus.* Una enim eademque substantia non fit magis aut minus substantia, quam erat antea. Nam puer crescens non fit magis homo, aut magis substantia, quam erat primo nativitatæ suæ momento.

1. *Recipere magis & minus* nem substantiæ uni magis tribui quam alteri, vel prædicari per

per adverbia magis & minus.

[2. Dicimus vulgo, substantiæ sunt positæ in indivisibili, quin quoad essentiam non possunt augeri: aut minui, ut quidem quoad quantitatem: ideoque vir est quidem major homo quam puer, sed non est magis homo; nam definitio hominis, & essentia ejus, quod sit animal rationale, non magis competit viro quam puero, & non minus puero quam viro.]

3. In hac nota, substantia universalis cum altera universali, ut homo cum bruto, vel singularis cum altera singulari ejusdem ordinis, ut, Petrus cum Paulo; vel substantia una eademque cum seipsa confertur, ut, Petrus juvenis cum seipso sene, nam si substantiam primam cum secunda contuleris, nota hæc fallit: ut, Petrus collatus cum homine, est magis substantia, & homo est minus substantia.

[4. Quod autem homo dicatur minus substantia, Petrus magis substantia, ejus rei ratio hæc est,

quia homo existit per Petrum, & reliquos singulares homines, ad non contra.]

[5. Non dicitur Petrus magis substantia, aut homo minus substantia, respectu definitionis substantiæ, quæ essentiam ejus exprimit, quod non sit ens per se subsistens & substans accidentibus; hoc enim & homini & Petro convenit ex æquo: sed cum dicitur Petrus magis substantia, homo minus substantia, respicitur modus existendi aut subsistendi; quia enim universalis existunt in singularibus, genera in speciebus, species in individuis, etiam homo, ens ac thema universale, existit in Petro, Paulo, Joanne, reliquisque hominibus singularibus, istæ vero substantiæ singulares in nulla alia existunt. Hinc est quod Logici dicunt, substantiis primis tolli secundas: nam si tollantur Petrus, Paulus, Joannes, reliquique homines singulares, tollitur omnis homo universaliter.]

### Quæst. XII. Quæ est sexta nota?

Unam eademque numero substantiam suscipere contraria; [scilicet, quando potest subire mutationem.] sic licet aqua frigida, mutatione sui calida fiat, manet tamen una eademque numero aqua.

1. Exceptio est, nisi qualitas à substantia sit inseparabilis: sic ignis calidus nunquam potest sic mutari, ut recipiat frigus.

## CAPUT V.

### Quæst. I. Quid est quantitas?

**Q**uantitas est accidens, quod per se partem habet extra partem.

1. Per se id est, non per aliud: nam substantia & qualitas habent partem extra partem, non

per se, quatenus sunt tales, sed per quantitatem.

[2. Dis-

[ 2. Disputari solet inter philosophos, an quantitas sit ens distinctum à materia. Si fuerit accidens, haud dubie erit ens distinctum à materia, quæ est substantia; nam, accidens & substantia sunt entia distincta. Multi existimant quantitatem esse aut ipsam essentiam materiæ, aut modum quandam materiæ proprium, & ab illo inseparabilem, ergo sic judico, quantitatem non esse ens, multo minus accidens, distinctum à materia; non tamen eam facio eandem cum materia; sed habet se quantitas ad materiam, ut proprium quarto modo ad subiectum, & uti se habet unitas, veritas, bonitas, ad ens: sunt quidem multæ proprietates, entia distincta à subiectis, sed ut sunt quædam, tantum modi subiectorum, atque inter has est quantitas. ]

3. *Quantitas* ) primum tenet locum inter accidentia, quia illa sequitur materiam, reliqua accidentia, formam: sicut autem materia est prior forma, ita accidens quod requiritur materiam, est prius accidente quod sequitur formam.

4. *Habere partem extra partem* ) significat, habere partes situ, loco, & spatio diffusas & disjunctas. [ vocantur hæ partes integrales & quantitativæ, oppositæ essentialibus vel entitativis, quæ loco, situ, & spatio non sunt diversæ, sed quæ se mutuo penetrant, permeant, pervadunt; ut sunt, *anima & corpus* ] *Brachium, manus, digitus, pes, caput*, sunt

partes quantitativæ, situ & spatio differentes; distat enim brachium à manu, manus à digito, capite, pede, &c. *Animarum & corpus* sunt partes quædem hominis, sed non sunt loco, situ, aut ipatio diverso contenta; ubi enim anima est, ibi & corpus, & vice versa; quæ diu scilicet constituunt hominem.

[ 5. Et hoc disputari solet, an essentia quantitatis, seu ratio formalis ejus, consistat in extensione entitativa, an quantitativa. Pontificii eam collocant in extensione entitativa, nos in quantitativa. Extensionem entitativam vocant extensionem partium in ordine ad se; quantitativam appellant extensionem partium in ordine ad locum. Sed extensio entitativa nulla est; nam *extendi & extensio* nihil aliud significant, quam loco & situ & spatio disjungi: est quidem alia entitas capitis, pedis, brachii, & singulorum membrorum, sed etiam loco disjunguntur ac situ; nam quo loco situm est caput, non eodem situs pes, aut brachium: ideoque impossibile est; ut membra corporis Christi sint quoad entitatem distincta, & non sint distincta quoad locum, aut dabitur dimensionum penetratio. Ergo extensio entitativa nulla est, nisi eadem sit quantitativa; & nihil est extensionem extensione partium in ordine ad se, nisi idem sit extensum extensione partium in ordine ad locum. ]

Quæst. II. *Quotuplex est quantitas?*

Duplex: continua, & discreta.

Quæst.

Quæst. III. Quid est quantitas continua?

Cujus partes, communi termino copulantur.

[1. Sedulo cavendum est, ne partes quantitatis continuæ confundantur cum terminis; nam multum differunt: ex partibus enim quantitas componitur, ex terminis non item, sic linea non componitur ex punctis, quia puncta sunt termini, & inchoantes & claudentes lineam; sed componitur ex lineis minoribus, tanquam partibus sui: sic tempus non componitur ex momentis, quia sunt termini inchoantes, copulantes, & claudentes tempus; sed componitur ex præterito & futuro, partibus temporis.]

[2. Distinguendum est accurate inter terminos & partes quantitatis continuæ. Partes sunt id, quod copulatur alteri: Termini sunt id, quod sit copulatio, & quia quantitas continua dividi potest in infinitum, ideo non dividitur in terminos, sed in partes minores, & usque minores. Et hinc est quod linea non componatur ex punctis, sed ex lineis minoribus; quia, in quæ aliquid dividitur, ex iisdem componitur: sed linea major dividitur in minores, non in puncta: ergo ex minoribus componitur lineis, non ex punctis.]

3. Terminus quantitatis vel

quantitatem inchoat, vel claudit, vel partes in medio conjungit: sic punctum & inchoat lineam, claudit, & ejus partes medias conjungit.

C                      D

A ——— I ——— I ——— B

In hac magnitudine, terminus A lineam inchoat, B claudit, terminus C & D partem partem conjungit.

[4. Partes quantitatis continuæ sunt divisibiles, suntque semper minor quantitas continua ejusdem generis: ita partes lineæ sunt lineæ minores. Terminus est, aliquid in quantitate indivisibile, scilicet eo modo, quo dividi potest ipsa magnitudo quam terminat: sic punctum est terminus lineæ, quia non potest dividi in longitudinem, imo nullo modo; & linea est terminus superficiei, quia non potest dividi in latitudinem, ut quidem dividi potest superficies; & superficies est terminus corporis, quia non potest dividi in crassitiem, ut quidem potest corpus; alioquin linea & superficies suo modo sunt divisibiles sed tum non ut termini, verum ut species quantitatis spectantur. Vide commentarium quæst. 10. hujus cap.]

Quæst. IV. Quotuplex est?

Duplex: magnitudo, & tempus.

Quæst. V. Quid est magnitudo?

Magnitudo est quantitas permanens.

1. *Quantitas permanens*) dicitur, cujus omnes partes simul sunt, & coëxistunt, & simul possunt conspici. Sic omnes partes

(nimirum longitudo, latitudo, crassities) alicujus corporis simul coëxistunt, & conspiciuntur.

**Quæst. VI. Quot sunt species magnitudinis?**  
Tres; linea, superficies, & corpus.

**Quæst. VII. Quid est linea?**

Linea est magnitudo uno modo divisibilis; ut, *milliare, stadium*.

1. *Uno modo*) id est, in longitudinem. Per *ulnam* intellige, non ulnam corpoream, quæ mensurat active, sed longitudi-

nem, quæ ulna mensuratur passively: sic per *milliare* & *stadium* intelligitur longitudo, quæ utraque mensuratur.

**Quæst. VIII. Quid est superficies?**

Superficies est magnitudo duobus modis divisibilis; ut, *jugerum*.

1. *Duobus modis*) id est, in longitudinem & latitudinem.

2. Per *jugerum* non intelligitur ipse campus, sed planities campi, quæ & longa est & lata.

[ 3. Dicitur linea vulgo. longitudo sine latitudine, & superficies, latitudo sine crassitie, non quod in rerum natura detur corpus vel tantum longum, vel tantum latum, nam omne corpus est præditum trina dimensione, scil. longitudine, latitudine, & crassitie; sed linea & superficies sic dicuntur, quia potest longitudo concipi & cogitari, non concepta & non cogitata latitudine; & latitudo, non concepta aut cogitata crassitie, quemadmodum in atramento simul reperiuntur quidem fluiditas & nigror, potest tamen nigror concipi sine fluiditate, & fluiditas, non concepto nigrore: sic aliquis mensuraturus jugerum,

mensurat tantum latitudinem & longitudinem, neque ullo modo cogitat de crassitie ipsius jugeri. ]

[ 4. Certe nulla datur magnitudo ullius corporis, quin sit longa, lata, & crassa: sed potest tamen intellectus hominis concipere longitudinem alicujus rei, non concepta ejusdem latitudine, & utramque, non concepta crassitie. Longitudo sola concepta, vocatur linea; longitudo & latitudo simul concepta, dicuntur superficies; longitudo latitudo & crassities simul conceptæ dicuntur corpus seu corpulentia: nihil enim impedit, ut mens humana rem unam cogitet, non cogitata re alia, licet inter se sint conjunctissimæ. Atque hoc etiam hîc notandum venit, quod *vocula, sine*, interdum neget, interdum præscindat: ut, cum dico, *brutum est sine anima*

*anima rationali*, hinc negat; sed cum dico de homine erudito, quod sit homo sine eruditione, non nego eruditionem de ipso, nam est eruditus, sed dico, hominem concipi posse, non concepta eruditione. Hinc oritur distinctio inter abstractionem negationis, qualis est prior, & præcisionis, qualis est posterior, de qua utraque in doctrina de Proprio, cap. 13. hujus lib. 1. ]

5. Accurate hæc duo debent distingui, ex rebus conjunctis unam rem intelligere, non intellecta re alia, & res duas intelligere, sed intelligendo unam rem de alia negare: nunquam potest corpus intelligi, negata aut longitudine, aut latitudine, aut crassitie; sed potest intelligi longitudo, non intellecta latitudine, & latitudo, non intellecta crassitie. ]

### Quæst. IX. Quid est corpus?

Corpus est magnitudo tribus modis divisibilis. Huc pertinet omnis quantitas substantiæ corporeæ, quia omne corpus trina dimensione prædictum est. ]

1. *Dimensio* vocatur, qua res aliqua potest mensurari; diciturque illa, trina in corpore, quia corpus mensurari potest & secundum longitudinem, & secundum latitudinem, & secundum crassitiem. [ Quæritur, an non detur quarta dimensio, aut quinta, nempe profunditas, aut altitudo, nam secundum utramque corpus mensurari potest. Resp. profunditatem & altitudinem non esse distinctam dimensionem à crassitie: nam omne quod est crassum, respectu termini supe-

rioris est altum; respectu inferioris est profundum; quod liquet in monte, qui est longus, latus, & crassus, & respectu apicis aut fastigii dicitur altus, respectu pedis aut *basius* dicitur profundus. ]

2. *Tribus modis* id est, in longitudinem, latitudinem, & crassitiem, ut cubus.

3. *Corpus* hinc significat, non substantiam materialem, oppositam spiritui, ( ut in prædicamento substantiæ ) sed corpulentiam, id est, crassitiem.

### Quæst. X. Qui sunt termini magnitudinis?

Termini lineæ, sunt puncta; superficiæ, lineæ; corporis, superficies.

[ 1. *Terminus* ] omnis, qui magnitudinem vel inchoat, vel claudit, vel continuat, semper est indivisibilis, id est, nunquam potest dividi in istam magnitudinem quam terminat: & sic dicitur *linea* terminus *superficiæ*, quia non potest dividi in latitu-

dinem, nam in longitudinem divisibilis est; sic & *superficies*, quamvis possit dividi in longitudinem & latitudinem, quia tamen non potest dividi in crassitiem, dicitur terminus *corporis*, Ideoque distinguendum est inter lineam ac superficiem spe-



Atas ut species quantitatis, & sic sunt divisibiles; & ut terminos, sic sunt indivisibiles, scilicet ista divisione, qua dividi potest ipsa magnitudo quam terminant.]

[2. Omnis terminus cujuscunque quantitatis est indivisibilis, vel simpliciter, ut *punctum* quod est terminus *lineæ*, hoc enim nullo modo dividi potest; vel secundum quid, hoc est, non

potest dividi eo modo quo dicitur ipsa magnitudo quam terminat, licet dividi possit alio modo: sic *linea*, quæ est terminus *superficie*, non potest dividi in latitudinem; in quam dividitur *superficies*, & sic est indivisibilis; licet dividi possit in longitudinem, ac sic non est terminus *superficie*, sed species magnitudinis distincta à *superficie*.]

### Quæst. XI. Quid est tempus?

Tempus est quantitas continua fluens; ut, *hora*, *dies*, *annus*, *olympias*.

[1. Ut natura temporis recte intelligatur, sciendum est, quod tempus partim sit ens reale, partim ens rationis: ens reale est, in quantum significat durationem corporum: ens rationis est, in quantum istam durationem mensuramus; hoc enim à nobis est, durationem rerum per dies, menses, annos numerare.]

[2. Tempus] Aristoteli definitur, *numerus motus secundum prius & posterius*, in qua definitione, *numerus* sumitur, non pro numero numerante, sed pro numero numerato; ut hic sit sensus, tempus est numerus, id est, tempus est duratio corporis numerata. *Motus* intelligitur potissimum celestis, & post celestem artificialis, qualis est in gnomonibus. Secundum prius & posterius, si-

gnificant partes temporis priores & posteriores: pars temporis prior est, quæ præterit, pars posterior temporis est quæ futura est. momenta non sunt partes temporis, sed termini tantum, & inchoantes, & continuantes, & claudentes tempus.]

3. Omnis quantitas habet partes extra se invicem, sed interdum simul existunt, uti sunt partes magnitudinis; interdum non simul existunt sed una post aliam, uti sunt partes temporis, quæ nunquam sunt simul: quemadmodum unus quadrans horæ existit post alterum; sic hora decima existit post nonam, undecima post decimam; sic dies Martis existit post diem Lunæ, Mercurii post Martis, dies Jovis post Mercurii, &c.

### Quæst. XII. Qui sunt termini temporis?

Momenta, sive *τὰ νῦν*. His enim copulantur partes temporis, sicut partes *lineæ* copulantur punctis.

1. Partes temporis sunt præteritum & futurum, præsens non est pars temporis, sed terminus, partem temporis præteritam



ritam conjungens futuræ parti : nam omne tempus divisibile est ; at presens est indivisibile.

[ 2. *Recepta est opinio*, Omne continuum est divisibile in infinitum : at tempus est continuum : ergo & divisibile in infinitum : omne autem divisibile, in par-

tes dividitur, aut saltem dividi potest, quæ ipsæ partes ulterius dividi possunt : sed momenta omnimodo sunt indivisibilia ; ergo non possunt dici partes temporis ; nam nihil tam velox est ac momentum, si enim concipias, jam aufugerit.

### Quæst. XIII. Quid est quantitas discreta ?

Quantitas discreta est, cujus partes non copulantur communi termino ; ut, duo, tria, decem.

1. Decem unitates nullo communi vinculo colligantur.

2. *Quantitas discreta* vocatur una voce, *numerus* ; estque is vel numerans, vel numeratus : numerans, aliis abstractus, formalis, ut, unum, duo, tria, atque hic pertinet ad hoc prædicamentum ; numeratus, aliis concretus, materialis, dicitur ipsa res quæ numeratur, ut, decem libri, mille pedes, estque aliorum prædicamentorum.

[ 3. Disputari solet, an unitas sit numerus, quia unitas est indivisibilis, quantitas autem, ut omnis numerus, est divisibilis. Resp. si rem ex vero iudicemus non est unitas numerus : nam numerus est unitatum collectio ; at unitas non est collectio ; ergo non est numerus : præterea, unitas est principium numeri ; at principium non est idem cum principio ; ergo nec unitas est eadem cum numero.

### Quæst. XIV. Quid de loco, oratione, ac motu statuendum ?

Locus definitur, superficies corporis ambientis : atque hætenus referri debet ad superficiem. Oratio & Motus non sunt species quantitatis, sed quanta per accidens, ]

[ 1. *Superficies* ) idem est quod latitudo seu planities ; estque vel convexa, vel concava, locus est superficies utriusque generis. Dicitur vero *superficies corporis ambientis*, quia non quilibet latitudo, sed ea tantum est locus, quæ proxime aliud corpus cingit, & rem locatam intra se continet. ]

[ 2. Cum locus definitur, superficies corporis ambientis, non est existimandum illam definitionem esse perfectam ; nam omnis

locus est trijæ dimensionis ; at superficies est tantum duarum dimensionum, est enim tantum longitudo & latitudo : insuper extremum cælum non esset in loco, si locus esset superficies corporis ambientis, quia nullam superficiem ullius corporis extra se habet, alioquin non foret extremum. Melius definitur, *spatium rei locatæ*. ]

[ 3. *Oratio & motus* ) dicuntur quanta per accidens, quatenus partes habent diversas, & sibi

C invicem

invicem succedentes : orationis partes sunt voces ; & partes motus, sunt partes termini ad quem, id est, ejus quod motu producitur, ut partes calefactionis sunt partes caloris.]

[ 4. *Oratio* ) spectari potest, ut vox ; & sic est qualitas tertiæ speciei, est enim sonus : vel spectari potest, ut constat dictionibus, & ut dictiones constant syllabis, syllabæ literis : hoc posteriori sensu dicitur *oratio*, quantitas, quatenus dividi potest in vo-

ces, & voces in syllabas, & syllabæ in literas.]

[ 5. *Motus* ) dicitur quantitas respectu termini ad quem : quia enim is semper est divisibilis, & *motus* non distinguitur à termino ad quem, ipse motus dicitur quoque divisibilis, & consequenter quantus ; nam nihil est divisibile, nisi quantum : quodcumque enim dividitur, in partes dividitur ; sed solum quantum aut quantitas habet partes ; ergo solum dividi potest.]

### Quæst. XV. Quos sunt nota quantitatis ?

Tres.

### Quæst. XVI. Quæ est prima nota ?

*Non habere contrarium.*

1. Illa non sunt confundenda, habere contrarium, & suscipere contrarium : hoc certum est, quantitatem unam non esse contrariam alteri, sic, verbi causa, unus dies non est contrarius alteri, quatenus est temporis : sed potest dici contrarius alteri, ratione frigoris aut caloris, & sic potest suscipere qualitates contrarias.

[ 2. Contraria se mutuo expellunt ex eodem subjecto : expellere est agere : at quantitas cum ejus nulla sit efficacia, non agit, quia sequitur materiam quæ est principium passivum, non activum.]

3. Quantitas una, alteri non

est contraria per se ac ratione sui, quamvis possit esse contraria ratione qualitatis advenientis: sic tempus hybernium est contrarium æstivo, non per se, sed per frigus & calorem, qualitates utrinque advenientes.

4. Quantitas potest recipere contrarium ; ut, linea recta potest fieri curva, scilicet mutatione sui.

5. Debet distingui accurate inter hæc duo, habere contrarium, & suscipere contrarium : quantitas nulla alteri contraria est, nec linea superficiei, nec superficies corpori ; sed tamen potest eadem linea suscipere contrarium, ut, ex recta fieri obliqua.

### Quæst. XVII. Quæ secunda ?

*Non recipere magis & minus.* Quantitas quidem major fit, sed non fit magis quantitas.

1. *Recipere magis & minus* ) significat, definitionem uni magis com-

competere quam alteri : atqui definitio quantitatis, quæ definitur accidens, quod per se partem habet extra partem, non magis competit quantitati magnæ quam parvæ, non magis giganti quam nano.

2. Quantitas major, non est magis quantitas quam minor, quia definitio & essentia quanti-

tatis, quæ definitur accidens habens partem extra partem, non magis convenit majori quantitati quam minori. Sic trabs centum-pedalis, est quidem major trabe decem-pedali; sed non est magis quantitas trabs centum-pedalis quam decempedalis, quia non minus convenit definitio quantitati huic quam illi.

### Quæst. XVIII. Quæ tertia?

*Res ab illa dici æquales, aut inæquales.*

1. In prædicamento substantiæ, quantitatis, & qualitatis, fundatur ratio triplex, tum convenientiæ, tum discrepantiæ : quæ conveniunt in substantia dicuntur eadem, quæ discrepant, diversa; quæ conveniunt in quantitate, dicuntur aut æqualia, aut paria, quæ discrepant, aut inæqualia, aut imparia, prout fuerit quantitas continua, aut discreta;

quæ conveniunt in qualitate, dicuntur similia, quæ discrepant, dissimilia.

2. A quantitate continua res dicuntur æquales aut inæquales : sic trabs decempedalis, est æqualis trabi decempedali.

3. A discreta quantitate res dicuntur pares aut impares : sic duo equi, sunt pares duobus hominibus.

## CAPUT VI.

### Quæst. I. Quid est qualitas?

**Q**ualitas est accidens, à quo subiectum quale duntaxat denominatur.

1. Definitio qualitatis hæc est imperfecta, quia ipsa est summum genus, quod perfecte definiti nequit; ideoque hæc definitio non est exigenda ad leges perfectæ definitionis. Porro cum qualitas definitur *accidens*, intelligi potest vel physicum, quod inhæret, vel Logicum, quod denominatur; est enim qualitas accidens utriusque generis : ita color, & inhæret parietii albo, & eum denominat, unde qualitatis subiectum est tum inhærentis,

tum denominationis.]

2. Res in aliis accidentium prædicamentis dispositæ, ab his quoque *quales* dicuntur, sed non *quales* tantum, verum etiam alio nomine denominantur : quod ut intelligatur, notandum est, quod variæ sint formulæ, quibus aliquid de alio quæritur; scilicet, quid est res? qualis est res? quomodo res se habet? quanta est res? quid agit? ubi est res? quando est res? &c.

3. Ad primam questionem;

C 2

quid

quid est res? responderetur ex primo prædicamento substantiæ: ad secundam quæstionem, qualis est res? responderi potest ex omnibus reliquis novem prædicamentis; sed ex iisdem responderi potest ad alias & reliquas interro-

gandi formulas, excepta qualitate, ex qua tantum responderetur ad solam hanc, quæstionem, qualis est res? non item ad alias; & hoc est quod significat Authoꝝ, cum inquit, à qualitate subiectum quale duntaxat denominari.

### Quæst. II. Quot sunt species qualitatis?

Quatuor: 1. habitus & dispositio, 2. potentia & impotentia naturalis. 3. patibilis qualitas & passio. 4. forma & figura.

1. Quod singulis qualitatibus duo dentur nomina, id non est factum, quasi sub nominibus duobus distinctæ dicentur qualitates: sed significatur tantum una qualitas, gradu, tempore, perfectione, aut alia circumstantia accidentali distincta à seipsa, vel alia suæ speciei.

2. Levis aliqua hujus aut illius artis perceptio, verbi causa, Musica, vocatur *dispositio*; ejusdem

peritia plena perfecta que, vocatur *habitus*: quibus duobus vocabulis non significatur duplex qualitas, sed est una eademque qualitas, quæ nunc venit nomine *dispositionis*, quando scilicet adhuc est imperfecta, nunc venit nomine *habitus*, quando est perfecta; ut hîc tantum sit discrimen graduum perfectionis aut imperfectionis; & sic sexies habet in aliis speciebus qualitatis.

### Quæst. III. Quid est habitus?

Habitus est qualitas adventitia ad operandum cum facilitate.

[*Adventitium* hîc opponitur naturali, prout illud dicitur tale, quod vel naturam rei constituit, vel constitutam immediate sequitur: priori modo, dicitur naturalis homini rationalitas, posteriori, risibilitas; & hoc sensu secunda species qualitatis, scil. potentia, dicitur naturalis. *Adventitium* ergo est, quod nec constituit naturam subiecti, nec eam constitutam immediate consequitur: sic nullus

habitus essentiam hominis constituit, neque enim est ejus anima, neque ejus corpus; nullus quoque essentiam hominis immediate consequitur, neque enim ullus, est proprietas hominis, aut cum illo recipiatur: nam non licet mihi dicere, omnis homo est eruditus, aut, omne eruditum est homo, ut quidem dico, omnis homo est risibilis, &, omne risibile est homo, Habitus ergo dicitur adventitius

venticius, quando præter naturam & proprietates subjecto superaccedit, sive infundatur à Deo, sive frequenti actuum exercitio comparatur ab homine: prioris exemplum est donum linguarum, quod Deus infudit Apostolis tempore Pentecostes; posterioris exemplum est eruditio, quæ frequenter studendo acquiritur: priores habitus dicuntur infusi, posteriores acquisiti. Finis autem omnium habituum est promptitudo & facilitas in operando: sic per donum linguarum, Apostoli prompte & facile linguas qualvis sunt locuti; per eruditionem acquisitam, homo prompte & facile res qualvis cognoscit.]

[1. Non debent hæc duo vocabula confundi, *acquisitum* & *adventitium*, omnis habitus est qualitas adventitia, sed non omnis est qualitas acquisita: habitus enim infusus est qualitas adventitia, sed non acquisita; nam repugnat eundem habitum esse infusum, & acquisitum: sic & habitus innatus & concreatus sunt qualitates adventitiæ, sed non acquisitæ. Nempe quatuor generum sunt habitus: innati, ut peccatum originis; concreati, ut iustitia originalis; infusi, ut donum linguarum in Apostolis; acquisiti, ut Musica, sive ars canendi. Hi omnes sunt qualitates adventitiæ, quia nullus istorum habituum, aut essentiam hominis constituit, aut constitutam immediate sequitur, quod in singulis patet. Nam peccatum originis nec essentiam hominis constituit, nec eam

immediate sequitur, quia ab ea abesse potest, absuit enim ab essentia humana Christi; at quod essentiam rei constituit, aut eam immediate sequitur ab ea abesse nullo modo potest: sic iustitia originalis adventitia est qualitas, quia ab essentia humana abesse potest, uti nunc ab omni homine abest; ideoque nec essentiam hominis constituit, nec eam immediate sequitur: non tamen est qualitas acquisita, nec hæc prior; nam primus homo iustitiam originalem suis viribus non acquisivit, sed fuit ei concreata; nec nos peccatum originis acquirimus, sed illud nobis est connatum. Sic & habitus infusi sunt quidem qualitates adventitiæ, quia neque essentiam constituunt, neque eam immediate sequuntur, nam donum linguarum in Apostolis nec fuit essentia illorum, nec proprietas: non tamen hic habitus loquendi diversis linguis, fuit qualitas ab Apostolis acquisita studio & labore, neque enim studuerant, sed cœlitus à Deo infusa. At quarti generis habitus, ut artes omnes & scientiæ, verbi causa, Musica, sunt qualitates simul & adventitiæ & acquisitæ, Musica enim nec essentiam hominis musici constituit, neque eam, ut proprium, immediate sequitur, ergo est adventitia: præterea, quia neque connascitur musico, neque concreatur, neque infunditur, sed frequenter canendo acquiritur, est insuper qualitas acquisita.]

3. Habitibus alii sunt corporis, alii sunt animi. Priores sunt

qui opere & beneficio organorum corporis exercentur, ut ars nandi. Posteriores sunt, vel intellectus vel voluntatis. Habitus intellectus vulgo dicuntur intellectuales; suntque, intelligentia, scientia, sapientia, prudentia, &

ars: Voluntatis habitus sunt vel boni, vel mali; boni sunt virtutes morales, mali sunt vitia. Hi omnes sunt adventitii & acquisiti crebris actionibus. Fides est qualitas quidem adventicia, sed non acquisita, verum infusa,

**Quæst. IV. Quid dispositio?**  
**Dispositio, est habitus imperfectus.**

Dispositio, differt ab habitu, gradu tantum, seu imperfectione.

**Quæst. V. Illustra rem exemplo.**

Si quis in arte aliqua, scientia, aut virtute, puta Logica, Physica, aut Iustitia, aliquantulum profecit, is dispositione affectus est: si quis, artis, scientiæ, aut virtutis culmen attingit; is dicitur esse præditus habitu.

**Quæst. VI. Quid potentia naturalis?**

Potentia naturalis, est qualitas sensibus non obvia, qua subjectum natura sua aptum est ad agendum vel patiendum.

[ 1. Omne operandi principium, est vel potentia naturalis, vel habitus, inter accidentia; vocaturque utrumque in Philosophia actus primus, quemadmodum ipsa operatio dicitur actus secundus. ]

[ 2. Notanter dico, inter accidentia. Ipsa forma substantialis, à qua potentiæ naturales fluunt, & in qua habitus recipiuntur, est principium operandi, sed inter substantias; & est actus primus, sed substantialis: at vero potentiæ naturales, habitus sunt actus primi, sed accidentales: hinc, cum anima, quæ est forma, definitur actus primus, additur substantialis, quia est substantia: at visus est actus primus, quia principium est vi-

dendi; sed accidentalis, quia est accidens. ]

3. Nullus actus primus, sensu externo percipitur; bene tamen actus secundus: sic nec potentia canendi, nec habitus canendi ipsa Musica, auditur; sed vero utriusque operatio, tunc canere, & sic in aliis.

[ 4. Actus primus, cum est naturalis potentia, vel spectatur ut proprietas animam consequens; vel, ut certæ parti corporis alligatus: priori modo nunquam tolli potest à subjecto; posteriori modo potest tolli & impetollitur una cum actu secundo. Verbi causa, potest tolli & tollitur a surdo tunc audire, actus secundus; item potentia audienti, actus primus, prout alligatur auribus,



auribus, ex quarum indispotione aufertur: sed non potest tolli potentia audiendi, in quantum immediate sequitur animam hominis sentientem, sic enim una ab homine tolleretur ipsa anima sentiens, atque homo surdus, non amplius foret animal, quod est absurdum.]

[5. Omnis potentia naturalis, in rebus animatis & organicis, dicitur vel prima, vel secunda: prima, quæ cum ipsa anima per totum corpus est diffusa; secunda, quæ certæ parti corporis & organo alligatur, illa tolli non potest, hæc potest. Verbi causa, visus, prout est proprietas animæ sentientis, cum ipsa anima sentiente diffunditur per totum corpus; & sicutam parum tolli potest ab homine, quam parum tolli potest ipsa anima sentiens: sed cum spectatur visus, prout potentia videndi alligatur oculo, quatenus eâ parte corporis, & isto tantum organo videmus, tolli potest. Priori modo, visus, ut est potentia prima, nullo modo aufertur à cæco, quia sic cæcus exueretur anima sentiente, consequenter & natura animalis, ac non esset animal, quod est falsum: sed posteriori modo, visus, ut est potentia secunda, est actus primus & principium operandi,

æq; ac potentia prima, sed actus secundus est ipsa operatio; verbi causa, videre est actus secundus, visus est potentia secunda, & actus primus. Potentia videndi, ut extra oculum, immediate sequitur animam sentientem, & cum ea diffunditur per totum corpus, est & potentia prima, & actus primus.]

[6. Nec potentia naturalis, nec habitus, incurrunt in sensus, ut quidem tertia & quarta species qualitatis: possumus videre aliquem ambulantiem, sed non potest videri potentia ambulandi, neque habitus. Differt tamen potentia naturalis ab habitu, quod potentia naturalis fluat à natura, habitus non item: nascimur enim præditi potentiâ sentiendi, vivendi, tangendi, audiendi; sed non nascimur præditi habitu; ille vero crebris actionibus acquiritur, aut inditur aliunde: illa facit subiectum agere vel pati; hic facilitatem confert agendi vel patiendi. Unusquisque quidem canere potest, sed non cum facilitate, servans modulos, & iis sese accommodans: qui vero servant istos modulos, illi canunt cum facilitate. Possesse canere est à potentia naturali; facile & bene canere est ab habitu.]

### Quæst. VII. Quid impotentia?

Impotentia, est diminuta potentia.

Quamvis particula *in* plerumque neget, ut, *indolens*, *injustus*; hic tamen non negat potentiam naturalem, sed eam ponit, verum imperfectam & imminu-

tam. Notandum hic venit discrimen inter potentiam naturalem primam & secundam, quod in rebus animatis & organicis locum habet tantum. Pri-



ma fluit immediate ab anima, estque proprietas ejus, à subiecto suo inseparabilis. Potentia secunda est eadem quæ prima, sed prout certæ portioni corporis

aut organo adstringitur, cujus beneficio functiones suas exercet. Hæc tolli potest atque imminui: & de hac intelligitur definitio impotentia.

Quæst. VIII. *Adde exemplum.*

*Ingenium, indoles, memoria, sensus, robur, &c.* sunt potentia, sive facultates naturales: quum hæc dotes admodum imperfectæ sunt, veluti si quis *obtusio* sit ingenio, *labili memoria*, *infirma valetudine*, &c. dicuntur impotentia.

Quæst. IX *Quid est qualitas patibilis?*

Patibilis qualitas est, quæ efficit passionem in sensu, [ hoc est, quæ facit sensum pati. ]

1. Clarius, Patibilis qualitas est, quæ percipitur uno sensu externo.

2. Dicitur hujus tertie speciei qualitas, *patibilis*, active, non passive; non quia ipsa aliquid patiatur, sed quia ipsa facit aliud pati: sic *frigus* nihil patitur, sed facit manum vel tactum pati.

3. Quodcunque aliud recipit, id dicitur *pati* ab eo, quod recipit; *pati* enim, est recipere affectum agentis in se; quia igitur patibilis qualitas recipitur in sensu, facit sensum pati.

4. *Pati* non significat, primo, tolerare injuriam, nec secundo, commoveri, quo sensu affectus dicitur *passio*; sed tertio, recipere in se qualitatem: vel realem, ut cum manus recipit calorem; vel intentionalem, ut, cum oculus recipit colorem, id est, coloris imaginem, quam vocant speciem visibilem.

[ 5. Omnis *passio* à patibili qualitate in sensum introducta, duplici sit modo: vel sic, ut ipsa

qualitas organon sentiendi subeat, illudque penetraret tali modo calor ipsum subit tactum: vel sic, ut non ipsa qualitas, sed ejus imago atque simulachrum organon sentiendi attingat; sic color ipse visum aut oculum non intrat, cum videtur; nam manet in re colorata, sed ejus tantum imago aut simulachrum visum in oculo, subit atque attingit: hanc vulgo vocant speciem visibilem, & intentionalem, quia à visu quasi intenditur, tanquam medium ad videndum. ]

6. Sic visus videndo patitur, quia recipit effectum coloris & lucis in se scil. species visibiles, quibus in oculo impressis, videt. Species visibiles & omnes sensibiles, vulgo intentionales, sunt imaginēs rerum visibilium ac sensibilium, quæ ab iis fluunt, per aërem vagantur, & in oculo atque cæteris organis sentiendi recipiuntur; & sic efficiunt visionem, cæterasque sensiones.

cujus  
ercet,  
minui;  
finitiopo.  
mo-  
abi-  
x.

su,

sub-  
odo  
vel  
jusca-  
or  
n-  
et  
m  
co  
i

7. Per sensum intellige exter-  
num, non internum.

8. Sensus dicitur externus, qui  
in exteriori parte corporis fun-  
ctiones suas exercet; ut visus in  
oculo, auditus in aure, &c. inter-  
nus, qui in interiori parte corpo-  
ris, puta cerebro, operatur; ut  
phantasia, memoria &c.

[9. Quia patibiles qualitates  
sunt objecta sensuum externo-  
rum, & objecta agunt in sensus,  
eisque movent, ipsi sensus pati-  
untur, ideoque dicuntur potentie  
passivæ: itaque licet *videre*, *au-  
dire*, &c. Grammaticæ sint verba  
activa; Logice tamen passionem  
significant.]

Quæst. X. *Quid passio?*

Passio est patibilis qualitas, quæ subito fit & cito perit.

Quæst. XI. *Da exemplum.*

*Lux, color, sonus, odor, sapor, calor, frigus, humiditas, siccitas, gravitas, levitas, &c.* sunt qualitates patibiles, si ali-  
quandiu permaneant in subjecto: at si cito evanescant, ut  
*pallor ex metu, rubor ex verecundia*, dicuntur passionēs.

Quæst. XII. *Quid est figura?*

Figura, est qualitas orta ex terminatione magnitudi-  
nis: ut, *triangulum, circulus, sphaera, pyramis, cylindrus*.

1. Tria hic sunt distinguenda  
accurate.

I. Quantitas sive magnitudo ut  
linea.

II. Termini magnitudinis, ut  
lineæ sunt puncta.

III. Id, quod oritur ex magni-  
tudinis (puta, lineæ aut linea-  
rum) terminatione, punctis facta.

b ab } quantitas, scil.

Δ } 3. linearum, aut

a c ac } 3. lineæ

a b c sunt termini linearum.

2. Quod ex lineis cum suis  
terminis oritur, est figura. Hoc  
tertium, vocatur figura: quæ in  
rebus quantis est quidem cum  
& sub colore, consideratur ta-  
men sine colore; quando enim  
spectatur cum colore, vocatur  
forma, & definitur quæstione  
sequente.

Quæst. XIII. *Quid est forma?*

Forma est figura cum colore; ut, *pulchritudo, deformitas*.

1. Forma) hic non significat al-  
teram partem corporeæ substantiæ,

sed formositatem, quo sensu dici-  
mus, aliquem esse formam venustam

Quæst. XIV. *Quomodo differt figura & forma*

*à patibili qualitate?*

Patibilis qualitas uno tantum; figura & forma pluri-  
bus sensibus peritur.

Quæst.

## Quæst. XV. Quot sunt nota qualitatis?

Tres.

## Quæst. XVI. Quæ est prima nota?

*Habere contrarium.* Nam calor frigori, & albor nigro-ri contrarius est.

[1. Hæc nota, non convenit secundæ aut quartæ speciei qualitatibus, sed tantum primæ aut tertiæ: quia qualitates secundæ & quartæ speciei sibi invicem quidem opponuntur, ut cæcitas visui, surditas auditui, sed privative, non contrarie; quia alterum eorum, quæ hic opponuntur, non est vera res, sed veræ rei negatio; at contrarietas est inter duo veræ entia: cæcitas autem & surditas sunt veri entis, scilicet visus & auditus, negationes; sic & deformitas, est pulchritudinis negatio. Non tamen omnibus qualitatibus primæ & tertiæ speciei convenit hæc nota: quædam enim earum opponuntur privative, non contrarie; ut *lux* & *tenebræ*, *scientia* & *ignorantia*, scilicet *privæ negationis*, non *privæ dispositionis*.]

2. *Ignorantia privæ negationis* dicitur, quando ipsi termini atque voces ignorantur, quibus aliquid effertur, qualis est in rustico, respectu rerum mathematicarum. *Ignorantia privæ dispositionis* dicitur, quando termini & voces quidem sciuntur, sed sub illis cognitis, errore tenetur opinio, atque totius enunciationis veritas ignoratur: ut, si quis sciat quid significet vox cælum, quid igneum, atque existimet cælum esse igneum, quod falsum est; is dicitur laborare ignorantia privæ dispositionis, quia ipsius intellectus, dum errat circa hujus enunciationis veritatem, prave disponitur. Prior ignorantia privatio est; posterior, habitus contrarius scientiæ.

## Quæst. XVII. Quæ secunda?

*Recipere magis & minus.* Alius enim alio doctior, melior, aut prudentior est.

[1. *Recipere magis & minus*, idem est quod *intendi & remitti*.

[2. Res duobus modis auge-  
tur & minuitur: vel per partes,  
vel per gradus. Cum res augeatur  
per partes, dicitur extendi, cum  
minuitur per partes, dicitur  
contrahi; & habet utrumque  
locum in quantitate, cum res  
sit vel major, vel minor. Res au-  
getur per gradus, cum manens

sub eadem quantitate, atque  
sub iisdem partibus, in iis reci-  
pit plures essentia suæ gradus;  
ac tum dicitur intendi; minui-  
tur per gradus, cum manens ite-  
rum sub eadem quantitate, at-  
que iisdem partibus, aliquot  
gradus essentia amittit, & tum  
dicitur remitti: hoc utrumque,  
habet locum in qualitate. Hæc  
nota non competit omni quali-  
tati,

cati, non solum figuræ; unum enim triangulum non est magis triangulum quam alterum; sed iis tantum competit qualitatibus quæ contrarium habent, ut in prima & tertia specie; vel etiam iis, quarum subiectum inæqualiter disponi potest, ut in secunda specie: ita verbi causa, visus acutior est in juvene, minus acutus in sene quia oculus, subiectum ejus, melius est dispositus tempore juventutis, quam senectutis. Qualitas dicitur remitti, cum admiscetur ei qualitas contraria; intendi dicitur, cum liberatur à contraria qualitate: sic tantum intenditur calor aquæ, quantum liberatur à frigore; & tantum remittitur calor, quantum ei admiscetur frigoris.]

3. Si aqua, certa quantitate, in omnibus sui partibus incalcescat, primum tepescet, tum incalcescet, tandem effervesceat: illa caloris accessio successive facta, dicitur fieri per gradus, & ipse calor intendi; si aqua calefacta sibi relinquatur, sensim redibit ad pristinum frigus: cum sic frigescit in iisdem sui partibus, dicitur calor remitti. Sed quando aqua jam calefacta ad aliquot gradus affunditur nova aqua frigida, calor prioris aquæ, quia ad affusam quoque aquam sese extendit, eam calefaciendo,

dicitur non intendi, sed extendi, & quia per frigus affusæ aquæ aliquot gradus sui perdit, dicitur remitti.

[4. *Recipere magis & minus*] significat, vel adverbia *magis & minus* prædicari de qualitatibus, vel definitionem qualitatis in genere aut in specie magis uni qualitati quam alteri. huic quam illi, vel minus convenire. Si priori modo sumantur adverbia, conveniunt qualitatibus in concreto spectatis; dico enim recte, Petrus est magis doctus, Joannes est minus doctus: si secundo sensu accipiantur ista vocabula & applicentur qualitatibus in abstracto consideratis, nota ista fallit; quia non est verum, nec recte dictum, doctrina Petri, est magis doctrina, & Joannis, est minus doctrina, quasi definitio doctrinæ, ejusque essentia magis competat doctrinæ Petri, quam doctrinæ Joannis; nam essentia & definitio cujuscunque rei in indivisibili sunt positæ.]

5. Dicitur qualitas spectari in concreto, quando spectatur cum subiecto in quo est; sic doctus significat doctrinam in docto: in abstracto consideratur, quando consideratur absque subiecto in quo est; sic doctrina significat doctrinam animi, non significato homine docto, in quo est.

### Quæst XVIII Quæ tertia?

*Res ab illa dici similes, aut dissimiles.*

Duo entia, quæ conveniunt in substantia, dicuntur eadem; quæ non conveniunt in substantia, dicuntur diversa: quæ conveniunt in quantitate, dicuntur æqualia;

quæ non, inæqualia; vel paria, aut imparia: quæ conveniunt in qualitate, similia dicuntur; quæ non, dissimilia.

CAP.

## CAPUT VII.

## Quæst. I. Quid sunt relata?

**R**elata sunt, quæ, id ipsum quod sunt, aliorum esse dicuntur, vel alio aliquo modo ad aliud referuntur.

1. *Relata* ) dicuntur à *referendo*; Græce Aristoteli τὰ πρὸς τὰ quasi dicas, quæ ad alia scilicet sunt: nam relatio non inest proprie subiecto, uti quidem quantitas & qualitas; sed significat tantum respectum unius ad aliud.

2. *Aliorum vel alio modo* ) id est, quæ de alio prædicantur in casu genitivo, vel in casu alio, dativo, ablativo, &c.

3. Distinguendum est relatum à relatione; hæc significat habitudinem ejus quod refertur, ad aliud ad quod refertur; at relata significantea, quæ ad se invicem referuntur.

[ 4. Quantum differunt abstractum & concretum, tantum distinguuntur relatio & relatum: relatio enim est abstractum, ut paternitas, dominium; relatum est concretum, ut pater, dominus.] Relatio nihil aliud est quam *quies* five habitudo unius ad aliud; relatum est id quod se habet ad aliud quocunque modo; itaque hæc duo non debent confundi, non magis, quam albor & album.

[ 5. Accidentia sunt duorum generum: alia sunt in subiecto, & vulgo vocatur physica, quæ sunt entia vera distincta a substantiis quibus insunt, ut quantitas & qualitas & exigunt subiectum in præfessionis; alia non sunt pro-

prie in subiecto, sed ordinantur ac referuntur ad subiectum in quo non sunt, quod tamen denominant, & de quo prædicantur, unde exigunt subiectum denominationis aut prædicationis, & vocantur accidentia Logica: suntque relatio, & sex postrema reliqua prædicamenta. hæc, accidentium eorum quæ sunt, verentia, nomen non merentur, quia non sunt talia: sed sunt tantum modi fiendi, existendi, operandi, & denominationes extrinsecæ, quæ omnia impune possunt tribui Deo; unde non absurdum est, relationes Deo tribuere.]

6. Deo nulla accidentia tribui debent quæ insunt subiecto, ut quantitas & qualitas, hæc enim imperfectionem involvunt, & compositionem inferunt ex pluribus entibus realibus ac distinctis, nimirum ex substantia & accidente; sed in Deum non cadit imperfectio, nec talis compositio: at vero accidentia quæ non insunt subiecto, sed quæ illud tantum denominant, logica, non physica, Deo tribui possunt, quia nullam includunt imperfectionem, & nullam inferunt compositionem, utpote quæ non sunt entia realia, ac distincta à substantiis, sed tantum habitudines, vel modi, vel denominationes

Lib. I.  
nes ext  
sunt en  
gationis

Pat  
minore  
ad ali  
cuntur  
luck p  
non d  
cuntur  
quod

D

C  
ad a  
& f

ut,

mo  
die  
se  
qu  
tu  
fi  
fi

nes externæ, quæ omnia non huius interjecta. de quibus vide sunt entia realia, sed media negationis, inter ens reale & negative. Metaphysic. Burgersdicii lib. 1. cap. 3.

Quæst. II. *Explica definitionem exemplis.*

*Pater* dicitur, *filii* pater; *dominus*, *servi* dominus; *maius* *minore* maius; *simile*, *simili* simile. Hæc enim referuntur ad aliud, hoc quod sunt, ideoque sunt relata. At *tenebræ* dicuntur quidem *lucis*, verum non dicuntur *lucis* *tenebræ*, sed *lucis* *privatio*; & *Alexander* dicitur quidem *Philippi*, sed non dicitur *Alexander Philippi*, sed *filii*. Hæc ergo dicuntur quidem aliorum, sed non dicuntur aliorum, hoc quod sunt; ac proinde non sunt relata.

Quæst. III. *Quotuplicia sunt relata?*

Duplicia; alia secundum dici, alia secundum esse.

Quæst. IV. *Quæ vocas relata secundum dici?*

Quæ cum sint res absolutæ, nomine tenus referuntur ad aliud: ut, *scientia* & *scibile*, seu id quod scitur; *sensus*, & *sensibile* seu id quod sentitur.

Quæst. V. *Quæ secundum esse?*

Quorum tota essentia, consistit in respectu ad aliud: ut, *pater* & *filii*, *maritus* & *uxor*.

[1. *Relata secundum dici*, primo, & per se ponuntur in prædicamentis aliis; sic *scientia* & *sensus* ponuntur in prædicamento qualitatis: relata tamen vocantur, quia *scientia* non est, nisi sit aliquid quod scitur; nec *sensus* est, nisi sit aliquid quod sentitur. Vocantur ergo relata respectu objecti sui, ad quod referuntur.]

[2. *Scientia* & *sensus*, si spectentur in ordine ad subiectum, verbi causa, hominem, qui scit & sentit, sunt in prædicamento qualitatis; *scientia* enim est habitus, qui intellectum hominis reddit facilem ad sciendum, & *sensus* est potentia qua homo à

natura aptus est ad sentiendum; & sic ambo sunt entia absoluta: sed quia nulla datur *scientia*, nisi detur res quæ scitur, nec *sensus*, nisi detur res quæ sentitur; propter illam habitudinem & respectum *scientiæ* & *sensus* ad objecta sua, ambo collocantur in hoc prædicamento relationis.]

3. *Relata secundum esse* sunt, quæ in nullo alio prædicamento quam relationis reponuntur, ille homo quidem qui est pater, est in prædicamento substantiæ; sed non pater non item.

4. *Relata secundum dici* sunt, cum voces ex primaria significatione vi significant res absolutas,

tas, in nullo respectu positas, ut *scientia*; hæc vox audita atque intellecta, infert animo notionem habitus, rei absolutæ: sed relata secundum esse sunt, cum voces ex prima significandi vi

significant res sitas in respectu ad aliud; ut vox *pater* ad intellecta, menti importat relationem ejus qui genuit, cum respectu ad eum quem genuit.

**Quæst. VI. An non aliter etiam dividuntur relata?**  
Dividuntur etiam in relata realia, & rationis.

**Quæst. VII. Quanam sunt realia?**

Quæ sua natura referuntur ad aliud: ut, *dominus servus, magistratus & subditus*.

1. *Relata dicuntur realia, quæ ex parte sui, nulla cogitatione hominis intercedente, inveniuntur ad se invicem referri: quem-*

admodum Philippus est pater & Alexander filius, nemine cogitante.

**Quæst. VIII. Quæ rationis?**

Quæ sola mentis opera referuntur ad aliud: ut, *dextrum & sinistrum?*

1. *Relata rationis dicuntur, quæ ad aliud referuntur eatenus tantum, quatenus à mente humana cognoscuntur, extra quam cognitionem ad aliud non refe-*

runtur; ut genus & species: quod hoc sit sinistrum, illud dextrum, ab homine est, quæ istam relationem & rationem recipere potest.

**Quæst. IX. An hæc omnia pertinent ad hanc categoriam?**

Non. Nam relata secundum dici, cum habeant effectum absolutam, sunt aliarum categoriarum: [relata rationis, cum sint à mente, huc quoque non pertinent.]

[1. Est & alia divisio relatorum utilissima, in prædicamentalia & transcendentalia: priora dicuntur, quæ in hoc prædicamento tantum inveniuntur, ut, *pater & filius*; posteriora, quæ

transcendunt omnium prædicamentorum limites; ut *causa & causatum, subiectum & adjectivum, &c.* Huc proprie faciunt relata priora.

**Quæst. X. Quanam sunt in unaquaque relatione consideranda?**

Subiectum, fundamentum, terminus, relatum & correlatum.

[1. Non est existimandum, quod hæc quatuor vocabula, Subiectum, fundamentum, terminus, relatum & correlatum,



Quam, terminus, relatum, correlatum, significant quatuor res; sed subiectum & relatum significant unam eandemque rem, uti & terminus & correlatum: nempe Philippus absolute spectatus ut homo generans, dicitur subiectum. & Alexander, ut homo generatus, dicitur terminus; idem Philippus spectatus ut pater, cum respectu ad eum quem genuit, dicitur relatum: & idem Alexander spectatus ut filius, cum respectu ad eum a quo genitus est, dicitur correlatum. Fundamentum quoque interdum significat rem distinctam à subiecto & termino, interdum non, ut in commentat. quæst. 12. dicitur.]

2. Relatio, nihil est aliud, quam mutua rerum habitudo & respectus, Græce *ῥεσις* *ἁπλῆς* *ἐν* *τῷ* *ἑαυτῷ*, ut habitudo ab habere: itaque duo semper exigit, unum

quod refertur; alterum ad quod refertur prius. [Atque hic interrim omnium ad se invicem rerum respectus, extendit se latissime comprehenditque præterea rerum inter se convenientiam, atque à se invicem discrepantiam. Id quod refertur ad aliud vocatur subiectum, id ad quod aliud refertur dicitur terminus. Hæc duo sunt in omni relatione: sed interdum aliqua causa datur, cur unum referatur ad aliud, eaque distincta ab utroque, & subiecto & termino, vocaturque fundamentum; interdum nulla datur causa, distincta à subiecto & termino, cur unum referatur ad aliud. Quando illud quod refertur, sc. subiectum, spectatur cum ista habitudine qua refertur ad aliud, vocatur *Relatum*. quando illud aliud, pura terminus, spectatur cum habitudine opposita vocatur *Correlatum*.]

### Quæst. XI. Quid est subiectum?

Subiectum est, cui inhæret relatio. [Sic melius; Subiectum est, quod refertur ad aliud.]

1. Relatio proprie non inheret, sed significat habitudinem, & respectum, quo unum refertur ad aliud. Hoc quod refertur,

subiectum dicitur: sic Philippus, qui refertur ad Alexandrum, ut pater, est subiectum paternitatis.

### Quæst. XII. Quid fundamentum?

Fundamentum est, quo mediante, relatio inhæret subiecto [Melius; Fundamentum est, quo mediante, subiectum ad aliud refertur.]

1. Non omnia relata exigunt fundamentum distinctum à subiecto & termino, sed illa tantum, in quibus relatio non existit, subiecto & termino positis. Ita relatio dominii non existit,

etiamsi existat Petrus & Paulus, subiectum & terminus; sed opus est, ut accedant conductio & locatio, dominii fundamentum: sed, ut existat relatio similitudinis inter duo ora, non requiritur

ritur fundamentum distinctum ab ipsis rebus similibus, aut earum existentia; nam unum ovum coëxistens alteri ovo, eo ipso, alteri est simile.

[4. Omnis rerum convenientia & diversitas, nihil est aliud, quam unius rei ad aliam relatio: neque enim potest una res convenire cum alia, neque ab alia distinguui, nisi una ad aliam referatur. Sic convenientia inter Petrum & Paulum, qua conveniunt in substantia, relatio est quædam, qua referuntur ad se invicem in quantum ambo sunt homines, ac conveniunt in communi natura humana, prout ambo constant ex anima & corpore; hæc convenientia duorum in substantia vocatur identitas: sic inter duo ligna, quæ ambo sunt decem pedum, & conveniunt quantitate, est relatio quædam, quæ hic dicitur æqualitas: sic convenientia ovi unius cum altero in

oblonga figura, & colore alteri est relatio unius ovi tanquam subiecti ad alterum tanquam terminum, & hæc dicitur similitudo. In hisce tribus relationum generibus, fundamentum non est distinctum a subiecto & termino, sed illis tantum existentibus, ipsæ existunt relationes.]

[3. Totidem sunt oppositæ relationes diversitatis, inæqualitatis & dissimilitudinis: nempe cum duæ substantiæ a se invicem discrepant, ut homo & brutum, in eo quod homo sit substantia rationalis, brutum sit substantia irrationalis; hæc substantiarum discrepantia, seu diversitas, seu distinctio, est relatio quædam: sic inæqualitas duarum magnitudinum, quæcum altera sit centum, altera sit decem pedum, est relatio quædam: sic dissimilitudo duarum qualitatum, ut alboris & nigroris, est relatio quædam.]

### Quæst. XIII. Quid terminus?

Terminus est, cum quo subiectum in relatione comparatur.

*Terminus*) id est, ad quod subiectum refertur: sic Alexander est terminus paternitatis, quia ad eum Philippus refertur, ut pater.

### Quæst. XIV. Quid est relatum?

Relatum, est subiectum cum relatione.

*Relatum*) non differt re ipsa a subiecto, sed tantum ratione ac respectu: sic Philippus spectatus cum paternitate, ut pater, est relatum; sine ea consideratus, est subiectum.

### Quæst. XV. Quid correlatum?

Correlatum, est terminus cum relatione opposita.

*Correlatum*) idem quoque est cum termino; & differunt quoque solo respectu ac ratione: sic Alexander spectatus cum filiatione, ut filius, est correlatum; sine ea consideratus, est terminus.

Quæst.

Quæst. XVI. *Illustra hæc omnia exemplis.*

In relatione patris ad filium, subiectum est aliquis homo, puta, *Philippus*; fundamentum, *generasse*; terminus, alius homo *Alexander generatus*; relatum *pater*; correlatum, *filius*, *Philippus* enim propterea est pater *Alexandri*, quia *Alexandrum* generavit. Contra, in relatione filii ad patrem, subiectum est *Alexander*; fundamentum, *generatum esse*; terminus, *Philippus qui generavit*; relatum *filius*; correlatum, *pater*.

1. Ex exemplo hoc patet, relationes esse mutuas, hoc est, inter subiectum & terminum intercedere relationes duas; in quarum una quod fuerat subiectum fit terminus in altera, & vice versa. Relatio patris ad filium vocatur paternitas, incipitque à patre, & definit in filium: relatio filii ad patrem vocatur filiatio incipitque à filio, & definit in patrem: hinc, quod in una relatione est relatum, in altera est correlatum, & vicissim.

[ 2. Quod videantur relationes duæ non mutue, id proficiscitur ex defectu & inopia vocabulorum; sæpe enim fit, ut, vel relato vel correlato, non sit positum idoneum vocabulum: sic relatio quædam est inter partem & totum, & sæpe alterutri significando non est posita idonea vox, actum, ut appareat relationem esse mutua, vocabulum aliquod est fingendum, v. c. ala ut pars refertur ad totum, tanquam subiectum ad terminum, relatum ad correla-

tum; & hic est relatio mutua, sed quæ non apparet, quia terminus sive correlato non est positum idoneum vocabulum: quodnam enim illud est? an avis? ut dicas, ala est avis ala; sed non licet reciproce dicere, omnis avis habet alas, dantur enim aves quæ careant alis: hic itaq; fingendum est vocabulum, & dicendum, omnis ala est alati ala, &, omne alatum habet alas. Sic in alio exemplo, caput ut pars refertur ad totum, tanquam subiectum, & relatum ad terminum & correlatum: hic iterum terminus & correlato nullum positum est nomen; nam non illud est vocabulum corpus; quamvis omne caput sit corporis caput, non tamen, vice versa, omne corpus est capitis corpus, quia dantur corpora quædam interdum *ἀσφαλα*, id est, sine capite: ergo & hic fingendum est vocabulum, dicendumque, omne caput est capitati caput, & omne capitatum est capitis capitatum. ]

Quæst. XVII. *An relatum & correlatum semper differunt appellatione?*

Non semper: sæpe enim idem nomen utriusque est:

D

ut,

ut, *amicus, hospes, rivalis, &c.* Atque hæc vocantur relata æquiparantiz. Cætera, quæ appellatione differunt, ut *dominus & servus, pater & filius*, dicuntur relata disquiparantiz.

Et Petrus, qui refertur ad Paulum in relatione amicitiz, vocatur amicus, & Paulus, ad quem

refertur Petrus, vocatur amicus; uterque eodem nomine.

**Quæst. XVIII. Quot sunt notæ relatorum?**  
 Quinque.

**Quæst. XIX. Quæ est prima nota?**

*Habere contrarium.* Amicus enim & inimicus, simile & dissimile, contraria sunt.

Sensus hujus notæ non est, quod relatum sit contrarium correlato, nam se mutuo ponunt; nam pater est filii pater, & contra; at contraria se mutuo tollunt: sed sensus est, quod subiectum unius relationis, sit contrarium subiecto alterius relationis; aut, quod fundamentum unius relationis, sit contrarium fundamento alterius relationis; non

quidem semper, & in omni relatione, sed interdum in quibusdam. sic *amicus & inimicus* sunt contraria, quia fundamentum unius, scil. amicitiz, est contrarium fundamento alterius, scil. inimicitiz, concordiamque discordiz: sic *simile & dissimile* sunt contraria, quia subiecta, v. c. albor & nigror, sunt contraria.

**Quæst. XX. Quæ secunda?**

*Recipere magis & minus.* Aliud enim alio *similius* est aut *dissimilius* ei cum quo comparatur.

1. Hæc nota non convenit omnibus relatis, ut nec præcedens prima; sed iis tantum, quorum vel subiecta vel fundamenta contrarium habent, aut recipiunt magis & minus.

[ 2. Nota hæc, *recipere magis & minus*, convenit relatis in concreto spectatis, non in abstracto consideratis; ut & nota præcedens, *habere contrarium*. ]

**Quæst. XXI. Quæ tertia?**

*Reciprocari:* nam pater est filii pater, & filius vicissim est patris filius.

1. *Reciprocari* dicuntur, duo quæ in enunciatione convertuntur, hoc est, quorum subiectum ponitur loco prædicati, & vice

versa: hoc aut fit, vel in casu recto, vel in casu obliquo. In casu recto reciprocantur subiectum & proprium; in obliquo, rela-

tum

tum & correlatum. Exemplum prioris est, homo & risibile; nam omnis homo est risibilis & omne risibile est homo: exemplum posterioris est in textu quæst. 21.

2. Reciprocatio relatorum, & conversio mutua subiecti ac præ-

dicati, sæpe non apparet, quia defunt vocabula idonea ad exprimendum vel subiectum, relatum, vel prædicatum; correlatum: & hinc fit, quod nonnullis videantur ac dicantur esse relationes non mutue.

### Quæst. XXII. *Quæ quarta?*

*Esse simul natura*: nimirum, quatenus relata sunt. Et si enim qui pater est, prius fuit quam filius; non tamen prius pater fuit quam filium haberet.

Subiectum prius quidem natura sæpe & tempore est terminus, v. c. Philippus Alexandro: sed relatum non est prius correlato; non enim prius est in Phi-

lippo ut sit pater, quam in Alexandro ut sit filius: simul enim & Philippus est pater Alexandri, & Alexander est filius Philippi.

### Quæst. XXIII. *Quæ quinta?*

*Esse simul cognitione*; Unum enim relatum nequit sine altero cognosci.

1. Prius quidem potest cognosci subiectum, sc. ille homo qui est pater, quam terminus, sc. ille homo qui est filius; sed non cognoscitur prius aliquem esse patrem, nisi simul cognoscatur illum habere filium: sic cum cognosco Philippum esse patrem Alexandri, simul cognosco etiam Alexandrum esse filium Philippi.

[ 2. Illa res quæ refertur ad aliam, ut est res absoluta, prior natura est, sæpe etiam cognitione ac tempore, illa re ad quam refertur, prout & illa est res absoluta, & sic subiectum est

prius natura, & sæpe etiam cognitione ac tempore, terminus; sed tamen relatum nunquam aut natura, aut cognitione est prius correlato. Hoc est, quod scholastici efferunt suis terminis; Relata sunt simul natura & cognitione formaliter, non vero materialiter aut subjective: clarius; esse absolutum relati, prius natura aut cognitione est, vel saltem esse potest, esse absoluto correlati; sed esse respectivum unius, nunquam prius est ullo modo quæ esse respectivo alterius. ]

## CAPUT VIII.

**A**ctio est [modus] à quo dicimur agere.

[1. *Actio & passio* constituunt duo prædicamenta, propter diversum modum prædicandi; alioquin, si respiciatur diversa entitas, non sunt diversa prædicamenta, quia non sunt diversa entia: vocantur autem una voce communi *modus*, qui, ut est à movente, dicitur actio, ut est in mobili, dicitur passio; ut calefactio est actio in quantum est ab igne, & est passio in quantum est in aqua, quæ calefit.]

2. *Actio & passio* non sunt duæ diversæ res, sed sunt unius ejusdemque rei habitudines diversæ, quibus refertur dum fit, nunc ad agens, & dicitur actio, nunc ad patiens & dicitur passio.

[3. Quando categoria dicitur *series rerum*, vox ista *rerum* sumenda est latissime, prout comprehendit & vera entia, & verorum entium modos.]

[4. Vocula *ens* sumitur vel latissime, pro eo quod est aliquid, & non est nihil; sic comprehendit non tantum substantiam & accidens, sed & illa quæ neutram sunt, ut privationes, relationes, modos rerum: vel strictius, pro ente reali, quod est vel substantia vel accidens, vel Deus, vel creatura, & sic excludit relationes, privationes, ac modos entium. Totidem modis sumitur vocabulum *res*: ac latissime quidem accipitur in definitione categoriæ, quando definitur *series rerum*; & sic actio & passio,

quamvis sint modi, sub hac latissima significatione vocalæ *res* constituunt prædicamenta.]

[5. Per *modus* intelligo aliquid in rebus, quod non est res ipsa, quod non est nihil: suntque modi, vel fiendi, vel essendi, ut unitas, vel existendi, vel operandi; id est, res diverso modo vel existunt, (Deus existit independentem, creatura dependentem à causa efficiente; substantia per se, accidens in alio ut subiecto) vel operantur & fiunt, vel sunt. Actio & passio sunt modi quibus res operantur & fiunt: sic calefactio non est ipse ignis qui calefacit, non aqua quæ calefit, non calor qui fit; non est tamen nihil, sed est ipsum fieri caloris, & modus quo ignis operatur, & calorem efficit in aqua.]

[6. *Modus*) nullus, est vel substantia, vel accidens, quia nullus est ens reale, quod in substantiam & accidens dividitur: sic nullus modus est Deus, vel creatura, quia nullus est ens reale, quod in Deum & creaturam dividitur: sed omnis modus est vel in substantia, vel in accidente, vel in Deo, vel in creatura; estque medium negationis inter omnia ista, quia de omnibus istis, quatenus sunt talia, modus negatur.]

[7. Deus dicitur existere independentem, quia à nullo existentiam

stentiam suam accepit; creatura dependenter, quia eam accepit à Deo: substantia dicitur existere per se, quia nulli creaturæ existentiam suam debet; accidens existere dicitur in alio ut in subiecto, quia existentiam suam debet substantiæ creatæ, cui inest, tanquam subiecto inhærentis.]

[ 8. *Modus* in genere potest describi, quod sit aliquid veritatis ac realis, quo illud vel fit, vel est, vel existit, vel operatur; atque tam late sese extendit, ut non tantum in rebus creatis, sed & in Deo inveniantur, in quo sunt tres modi subsistendi, constituentes tres personas, Patrem, Filium & Spiritum S. sunt & modi operandi, creatio, conservatio, cooperatio. In creaturis, tum substantiis tum accidentibus, varii occurrunt modi; & quibus fiunt, & quibus sunt; & quibus existunt, & quibus operantur.]

*Actio* est *modus*, quo res operatur. *Passio* est *modus*, quo res fit.

[ 9. Notandum autem bene est, nunquam debere confundi modum cum illa re, cuius est modus; sic calefactio est modus quo ignis calefacit, & qua calefit, neque debet, illa confundi cum igne, neque cum aqua, nam distinguitur ab utroque: sic in alio exemplo gradus luminis, quibus illud in meridie est lucidius, circa auroram & crepusculum est mi-

nus lucidum, sunt modi luminis, & distincti ab ipso lumine; sic & gradus caloris, quibus nunc magis nunc minus incalescit, sunt modi caloris. Ubi & Quando sunt modi existendi: Actio est modus operandi respectu agentis, est modus fiendi respectu termini ad quem, est modus existendi respectu patientis.]

10. Actio & passio diversas constituent categorias, propter modum prædicandi diversum; alia enim est quæstio, quid agit res, & alia, quid patitur, sunt quoque inter se distinctæ aliquo modo; nam aliud est verberare, aliud vapulare; aliud calefacere, aliud calefieri: attamen non sunt aut modi aut motus diversi, multo minus res diversæ; nam unus idemque est modus, & motus & operatio, qua ignis calefacit ut agens & aqua calefit ut patiens; qua Petrus verberat, & Paulus vapulat. Quemadmodum eadem est via, qua Haga Leidam, & Leida Hagam tenditur, & idem est spatium in monte, quod respectu fastigii est acclive, respectu basis est declive; ita quoque eadem est operatio & actio respectu agentis, ut calefactio respectu ignis, & passio respectu patientis, ut eadem calefactio respectu aquæ: sic quoque est eadem calefactio qua frigus expellitur, tanquam terminus à quo, & calor acquiritur, ut terminus ad quem, in aqua.

## Quæst. II. Quid est agere?

Agere est aliquid efficere.



Quæst. III. *Quid est passio?*

Passio, est [modus] à quo dicimur pati.

Quæst. IV. *Quid est pati?*

Pati, est recipere effectum agentis.

1. *Pati*) hic non significat tolerare aut perferre; nam sic paries, tanquam res inanimata, dici non posset pati: attamen patitur, quando denigratur, & sic sumitur vox passio, in definitione patibilis qualitatis.

[ 2. *Effectum*) vel realem ut cum manus recipit calorem ignis; vel intentionalem (qui sic dicitur, quia intenditur ut medium sentiendi aut intelligendi) ut cum oculus recipit species seu imagines rei visæ. ]

Quæst. V. *Da exempla:*

*Generare, augere, calefacere, movere, &c.* sunt actiones; *generari, augeri, calefieri, moveri,* sunt passiones.

Quæst. VI. *Quanam sunt in actionibus spectanda?*

Agens, patiens, terminus à quo, & terminus ad quem.

[ 1. In omni actione tria semper inveniuntur, *agens, terminus à quo, terminus ad quem*; sed non semper invenitur *patiens*, verum tunc tantum, quando terminus ad quem actio terminatur, est accidens, quod requirit substantiam tanquam subiectum inhaesionis: ita calor, terminus ad quem calefactionis, quia est accidens, requirit substantiam in qua sit, atque hæc est subiectum, sive patiens, in quo est calefactio: sed cum terminus ad quem actionis est substantia aliqua completa, actio non requirit subiectum sive patiens: ut in creatione est tantum agens Deus; terminus à quo, non esse creaturæ; terminus ad quem, esse completum creaturæ; sed nullum est patiens aut subiectum, in quo sit creatio, Deus enim omnia creavit ex nihilo. ]

[ 2. Substantia completa dicitur, quæ utramque sui partem obtinet essentialem: substantia incompleta dicitur altera pars essentialis, vel materia tantum, vel forma tantum. ]

[ 3. Quando Deus dicitur omnia creasse ex nihilo, id dupliciter intelligi potest: vel ex nihilo materiæ sive subiecti, cum nulla creationem præcedit materia aut subiectum, quæ dicitur creatio immediata, quo modo Deus creavit cælum & terram; vel ex nihilo sui, sive termini ad quem, quando quidem præcedit creationem aliqua materia, sive subiectum, sed tamen in illa, aut in illo, nihil præcedit ipsius rei creandæ, quæ dicitur creatio mediata, quo modo Deus creavit Adamum ex gleba terræ, & Evam ex costa Adam; nam nihil Adam creandi

di erat in ista gleba terræ, nec Evæ erat creandæ in costa Adami, ante utriusque creationem.]

4. *Agens* est principium à quo est actio. *Patiens* est subiectum in quo est actio. *Terminus à quo* est id, quod in actione deponitur atque amittitur. *Terminus ad quem* est id quod per actionem acquiritur & possidetur.

5. Oppositio inter terminum à quo & ad quem, est vel priva-

tiva, quando terminus à quo est privatio termini ad quem, ut in illuminatione, tenebræ sunt privatio lucis; vel est contraria cum terminus à quo est res positiva, vere opposita termino ad quem, ut in calefactione, frigus est calori contrarium. Cum terminus à quo & terminus ad quem opponuntur privative, actio est perficiens; cum contrarie, corrumpens.]

### Quæst. VII. Declara hæc omnia exemplis.

In calefactione, agens est ignis aut sol; patiens, is qui calefit; terminus à quo, frigus; terminus ad quem, calor, à quo calefactio nominata est. Similiter in generatione hominis, agens est pater; patiens, semen; terminus à quo, privatio humanæ formæ in semine, sive, non esse hominem; terminus ad quem, is qui generatur: nam qui generatur, ex non homine fit homo.

### Quæst. VIII. Quot sunt notæ actionis & passionis?

Dux; habere contrarium, & recipere magis & minus: nam calefactio frigefactioni cōtraria est; & alia magis, alia minus calefaciunt aut frigefaciunt, calefiunt ac frigefiunt.

1. Hæ notæ non conveniunt omni actioni aut passioni; sed tantum iis quæ habent terminos ad quem contrarios, aut recipientes magis & minus,

[2. Dicitur actio habere contrarium, id est, una actio alteri contraria est, propter terminos ad quem contrarios, id est, quando terminus ad quem unius actionis, est contrarius termino ad quem alterius actionis: ut v. c. exsiccatio est contraria humectationi, quia exsiccationis termi-

nus ad quem, *siccitas*, est contrarius humectationis termino ad quem, *humiditati*. Quando terminus ad quem unius actionis, non est contrarius termino ad quem actionis alterius, actio non habet contrarium; sic *figurare* non habet actionem contrariam, quia terminus ad quem figurationis est quantitas aut figura; at *quantitas* aut *figura* non habet contrarium; figura enim sexangularis, non est contraria octangulari. Interdum una actio alteri contraria est non

quia termini ad quem utriusque sunt contraria, sed quia uni eademque utriusque termino ad quem accidunt contraria: sic generatio & corruptio, auctio & diminutio, sunt contraria, quia substantiæ

& quantitati, quæ contrarium non habent, accidit, isti esse & non esse, huic, magnum & parvum. Hæc eadem applicanda sunt notæ secundæ de receptione *magis & minus*.

## CAPUT IX.

Quæst. I. Quid est *ubi*?

**U**bi est modus, [sc. existendi] quo res finitæ alicubi esse [i. e. existere] dicuntur.

[1. Cum modus sit triplex, fiendi, essendi, id est, existendi, & operandi, *Ubi est modus secundæ operis*. Existere autem dicitur id quod stat, id est, constitutum est in hoc universo, sive rerum natura, extra causas suas producentes.]

[2. Modus, quo res finitæ alicubi sunt, duplex est: unus, qui convenit corporibus; alter, qui spiritibus. Corpora alicubi sunt *circumscriptione*, id est, ita ut ab aliis corporibus circumscribantur, & alia excludant ex eodem loco. Causa est quantitas; quia si duo corpora possent esse in eodem loco, daretur corporum ac dimensionum penetratio: idemque, quo loco est corpus Pauli, eo non est corpus Petri. At spiritus sunt alicubi *definitive*, id est, definiuntur quidem certo spatio, ut hic sint, & non alibi, multo minus ubique (hoc enim soli Deo convenit;) ita tamen sunt in spatio, ut non circumscribantur à partibus spatii, neque ex eodem spatio alia corpora excludant, quia quantitate carent, ideoque nulla hic est dimensionum penetratio: ita potest angelus esse in eodem

spatio in quo est Petrus, & anima est in eo spatio, in quo est corpus.]

[3. Circumscribi ab alio corpore dicitur id, quod sic est in loco, ut partes ejus respondeant partibus loci: ita ut quæ pars corporis, verbi causa, pes, est in una parte loci, in eadem non sit pars alia corporis, ut caput; quo enim loco pes est, eodem non est caput.]

[4. Dimensio vocatur in philosophia, magnitudo qua unumquodque corpus potest mensurari: estque triplex, longitudo, latitudo, & crassities; unde omne corpus dicitur prædictum trinâ dimensione. Penetratio dimensionum vocatur, quando unius corporis longitudo, aut latitudo, aut crassities, est in eodem loco in quo est alterius corporis qualiscunque dimensio; quod si possibile esset, jam unum corpus fieret ac foret alterum, & non amplius essent duo corpora, sed unum corpus: nam, quemadmodum physice dimensiones si invicem penetrant, fieret una dimensio; sic & materia unius corporis, quæ penetrat materiam alterius corporis,

poris, sit eadem cum illa, consequenter unum corpus sit aliud, atque sic non erit amplius unum: ergo duo corpora non possunt esse in eodem loco simul, quia hinc sequeretur dimensionum & materię penetratio, quæ est impossibilis; quæ admissa, duo corpora non amplius essent duo, sed facta essent unum, quod est contra hypothesin ipsam adversariorum.]

[5. Notandum est, omne quod existit, esse in loco. Deus est in omni loco; omnia enim replet, quia immensus est; & ideo *ubi*, in quo est Deus, vocant *repleti-vum* philosophi: Creaturæ sunt in certo loco, non omni; verum

modo diverso, qui expositus est nunc.

6. Nota, in hoc prædicamento collocari, non rem quæ est in loco, illa enim ad substantiam pertinet; non ipsum locum, qui pertinet ad quantitatem; sed modum, quo creatura est in loco. Nota insuper, vocem *ubi* non hic sumi interrogative, ut cum dico, *ubi* est Petrus? sed definitive, pro ubicunque; idemque dicendum est de *quando*. Et, si liceret per Latinæ linguæ genium, melius hoc prædicamentum vocaretur *ubietas*, quam *ubi*; quia significatur tantum ratio & modus existendi in loco.

### Quæst. II. Quomodo differt *ubi* à loco?

*Locus*, solis corporibus tribuitur; *ubi*, etiam spiritibus. Deinde, *loci* vocabula pertinent ad quæstionem, quæ quæritur, *quanta* res sit; at vocabula hujus categoriæ spectant ad quæstionem, quæ quæritur, *ubi* aut *unde* res sit, vel *qua* & *quo* abierit; ut, *domi*, *foris*, *ruri*, *in foro*, *in curia*, &c.

[Quia *locus* ab Aristotele definitur per superficiem, & superficies est species quantitatis, & quantitas soli corpori convenit; ideo locus pertinet ad quantitatem, & tantum convenit corpo-

ribus: at si locus definatur per spatium rei locatæ, etiam angeli & spiritus dici possunt esse in loco. Locus strictè dictus competit corporibus solis; sed late sumptus, etiam spiritibus.]

### Quæst. III. Quid est quando?

Quando est modus, [sc. existendi,] quo res finitæ aliquando [existere, seu] esse, fuisse, aut fore dicuntur.

1. *Finitæ* id est, creatæ: nam Deus non *aliquando*, sed semper esse dicitur, quia est æternus.

[2. Quodcunque existit, existit in tempore. Deus est in omni tempore, quia ab æterno fuit, in æternum est, & erit, Creaturæ

existunt in certa temporis parte, nam aliquando non fuerunt, quædam nunc sunt, quædam adhuc erunt. Sed modus quoque hic diversus est, quo res creatæ sunt in tempore; nam spiritus alio modo, quam corpora dicuntur

euntur esse in tempore : nempe, cum tempus dicat successione partium (nam unus dies aliam sequitur, & hora una aliam) corpora quoque habent in se suarum partium successione, spiritus vero, non item unde, ut nullæ

spiritus partes respondent partibus loci, ita nec respondent partibus temporis.]

3. Nota hic quoque, quando non sumi interrogative, ut, cum dico, quando veniet Petrus? sed definitive, pro aliquando.

#### Quæst. IV. Quomodo differt quando à tempore?

Eodem fere modo, quo ubi à loco. Nam tempus proprie tribuitur rebus physicis, quæ in successione consistunt, & mutationibus obnoxie sunt : quando tribuitur etiam rebus permanentibus. Deinde, temporis vocabula solvunt quæstiones quæ sunt per quamdiu; vocabula hujus categoriæ solvunt quæstiones, quæ fiunt per quando; ut, *hodie, cras, heri, æstate, vere, calendis, nonis, consule Manlio, &c.*

[1. Tempus ideo tribuitur corporibus tantum, quia consistit in partium, id est, præteriti & futuri, successione, quæ in solis corporibus locum tenet, in quibus una pars alteri succedit, quod patet ex eorum incremento: cum enim manus crescit, aut digiti, aut totus homo, una particula in accretione ad alterum accedit. Sed quia angeli non crescunt, nec habent partes sibi invicem succedentes, (nam essentiam possident totam simul :) hinc est quod eorum duratio non dicatur tempus, sed ævum. Præterea, tempus est species quantitatis continuæ, i-

deoque iis convenit tantum quæ quantitatem habent continuam: at eam habent sola corpora, non spiritus : ergo tempus est tantum corporum.]

3. Nota ex textu, res recte dispesci in *successivas*, ut corpora; & *permanentes* ut spiritus.

4. Res successivæ sunt, in quibus dantur partes essentialiæ, quæ diversis temporis partibus sibi invicem succedunt : ut fit in omnibus corporibus. Res permanentes sunt, in quibus nullæ sunt partes, quæ diverso tempore sibi invicem succedant; at non sunt tales in angelis, & animabus rationalibus.

#### Quæst. V. Quid est situs?

Situs, est modus seu ordo partium [seu integrantium] inter se : ut *sedere, stare, pronum, supinum, esse.*

[1. Partes integrantes sunt quæ loco & situ à se invicem distant; ut, pes, caput, &c.]

2. Ordo partium) qui à natura est, ut, quod caput loco supremo sit, pedes infimo, vocatur situs

naturalis : qui est à voluntate, dicitur voluntarius, ut, *sedere, stare, &c.*

3. Situs) tantum invenitur in corporibus, quia sola corpora partes habent, spiritus, non item.

Quæst.

## Quæst. VI. Quid est habitus?

Habitus est modus, quo vestis, aut aliquid instar vestis, corpori circumpositum, appensum, aut alio aliquo modo adjunctum est: ut, *vestitum, armatum, togatum, galeatum, hastatum, barbatum, tapetibus instratum esse, &c.*

[1. *Habitus*] hoc loco distinguatur debet ab habitu in prima specie qualitatis, & ab habitu qui opponitur privationi, de

quo cap. 22. quæst. 12.]

2. *Habitus* hic nec significat vestem, nec substantiam quæ vestitur, sed modum quo vestitur.

## CAPUT X.

## Quæst. I. Atque hæc de thematum simplicium categoriis; quid porro sequitur?

**A**ffectiones, quas diximus ex varia rerum in categoriis dispositarum collatione oriri.

[1. *Affectiones*] thematum simplicium, vel sunt philosophicæ, vel logicæ: illæ reales. hæc notionales dicuntur, ac rationis. Hic intelliguntur *affectiones* logicæ, seu notionales, seu rationis, quæ conveniunt rebus, in quantum menti proponuntur cognoscendæ: nam affectiones reales, seu philosophicæ, quæ conveniunt rebus in se & naturæ suæ, absque respectu ad mentem cognoscentem, in aliis disciplinis ac philosophiæ partibus traduntur. Exempla affectionis philosophicæ, sunt risibilitas, eruditio, probitas, magnitudo, &c. in ho-

mine; figura, color, &c. in lapide. Exempla affectionum logicarum, sunt genus, species, &c.]

[2. *Affectiones logicæ* sic dicuntur, quia in Logica explicantur: vocantur & *notionales*, quia earum adminiculo res noscuntur: vocantur & *rationis* quia ratio intelligentiis utitur tanquam instrumentis. Contra, affectiones *philosophicæ* dicuntur, quæ in aliis præter Logicam, philosophiæ partibus doceri solent: vocantur & *reales*, quia rebus conveniunt per naturam suam, sive cognoscantur ab intellectu, sive non.]

## Quæst. II. Quotuplices sunt affectiones [sc. rationis] thematum simplicium?

Duplices; aliæ sunt simplices, aliæ conjunctæ.

## Quæst. III. Quas vocas simplices?

Quæ singulæ singulis rebus seorsim conveniunt: ut, prædicabilia, totum & pars, causa & causatum, subiectum & adjunctum.

*Affe-*

*Affectus simplex* dicitur, quæ in una aliqua re invenitur; ita una aliqua res est causatum, ut mundus; res una alia est subiectum, ut paries; alia adjunctum, ut bor: vid. c. 20. quæst. 1. in com.

Quæst. IV. *Cur vocas has affectiones simplices?*

Quia, licet genus, *animal*, referatur ad speciem, *hominem*; totum, *corpus*; ad partem, *caput*; causa, *Deus*, ad causatum, *mundum*; subiectum, *homo*, ad adjunctum, *simplicitatem*; alterumque sine altero non consistat; unaquæque tamen res seorsim, genus, totum, causa, aut subiectum dici potest.

Exempli gratia, corpus non fit totum, nisi in respectu, ad membra tanquam partes: tamen esse totum, convenit uni rei, puta,

corpori, sicut esse partem, convenit uni quoque rei, puta, vel manui, vel pedi, &c.

Quæst. V. *Quid sunt prædicabilia?*

Prædicabilia sunt, quæ de pluribus vere, proprie, naturaliter atque immediate affirmantur.

[1. *Prædicabilia*) debent distinguî à prædicamentis. Licet utraque vox deriveretur à prædicando; hoc discrimen est: quod prædicamenta significant ipsas res quæ prædicantur, prædicabilia modum quo prædicantur, sic homo & animal, ambæ istæ res, sunt in prædicamento substantiæ; sed cum animal dicitur de homine, modus ille quo prædicatur, ut genus de specie, est inter prædicabilia inveniendus, genus enim & species sunt prædicabilia: modus autem quo animal prædicatur de homine hic est, quod prædicetur de eo in quid, & de pluribus specie differentiibus prædicetur; nam prædicatur non tantum de homine, sed & de bruto, quæ sunt duæ species distinctæ: atque hic modus prædicandi facit animal genus, hominē speciem, utrumque prædicabile.]

[2. Exstat in Aristotelis organo tractatus cujusdam Porphyrii, sub nomine *Isagoriarum*, in quo agit de prædicabilibus, qui ab interpretibus Aristotelis præmitti solet doctrinæ categoriarum, quia in eo explicantur hæc nomina, genus, species, differentia, proprium, accedens, quia horum vocabulorum maximus est usus in categoriis intelligentibus; nam in illis, sub uno summo genere disponuntur species cum suis differentiis, & proprietatibus sæpe, atque accidentibus. Eum tamen ordinem non secutus est author, quia hæc prædicabilia oriuntur & eruantur ex rebus per categoriarum classes dispositis, inter se collatis, & à se invicem abstractis, eo, quo capite tertio explicatum est, modos itaque primum dispositionem oportet



porter cognoscere, ipsam in categoriis rerum dispositionem, ex quarum comparatione & alia affectiones rationis oriuntur, antequam & ipsa & hæ tradantur, ]

[ 3. *Prædicabile* in genere quidem dicitur de omni eo, quod de altero enunciat, sive affirmetur sive negetur : sed speciatim hoc loco dicitur de iis quæ affirmantur de alio, sic, ut quæ de alio negantur, huc non pertineant. *Prædicabilia* dicuntur aliis *Logicis* universalia, non tamen bene : quia non omnia prædicabilia prædicantur de pluribus, ut quidem universalia ; solum enim genus & species prædicantur de pluribus, nempe genus de pluribus speciebus, quia natura generis pluribus speciebus inest ; & species de pluribus individuis, quia natura speciei pluribus individuis inest : sed differentia, proprium, & accidens, sunt quidem prædicabilia, non tamen universalia, quia, si referantur ad subiecta sua quibus insunt, prædicantur tantum de uno, quia uni tantum insunt. Si dicas, rationalitatem, quæ est differentia, & risibilitatem, quæ est proprietas, inesse pluribus hominibus, scilicet Petro, Paulo, Joanni, &c. respondeo, id quidem verum esse, sed non sunt tamen aut differentia, aut proprietas Petri, Pauli, Joannis, &c. sed ipsius atque unius hominis, de quo immediate prædicantur solum : non sic de Petro, Paulo, Joanne ; quod enim de iis dicantur, id sit, quia sunt homines : & cum rationalitas ac risibilitas prædicantur de

rationalitate Petri, Pauli, Joannis, amittunt & deponunt notionem & rationem differentie ac proprii, atque induunt notionem ac rationem generis vel speciei : atque idem dicendum est de accidente, quod omne & unumquodque, quia uni inest subiecto ( neque enim unius albor potest inesse pluribus subiectis, ) de uno quoque tantum dicitur subiecto ; sed cum albor prædicatur de albore parietis, chartæ, nivis, lactis, &c. non habet rationem accidentis, sed, vel generis, vel speciei. Itaque prædicabilia non tantum de pluribus, sed & de uno prædicantur, ut differentia, proprium, & accidens, quatenus sunt talia, id est prædicabilia. Ita rationalitas, ut differentia est, dicitur de uno & solo homine : risibilitas, ut est proprium, de eodem tantum : color, ut est accidens, de corpore tantum. Quando ista tria prædicantur de pluribus, verbi causa, rationalitas & risibilitas de rationalitate & risibilitate Petri, Pauli, Joannis, &c. color de albore, nigrore, rubedine, &c. non sunt amplius differentia, proprium, & accidens, sed prædicantur ut genera & species, respectu eorum de quibus dicuntur ; & quia prædicantur de pluribus, dicuntur universalia, sicut quoque ipsa genera & species : sed cum prædicantur de uno tantum, non sunt universalia, sed prædicabilia solum. ]

4. *Vere* id est, non falso : quæcunque igitur prædicantur falso, non sunt prædicabilia : ut cum dico, *Lapis est homo*, homo, quia

quia prædicatur falso de lapide, non est lapidis genus, nec species, nec differentia, nec proprium, nec accidens.]

5. Prædicatio propria dicitur, quæ fit verbis usitatis in nativa significatione; ut, *homo est animal*.

6. Impropria, quæ fit verbis tropicis; ut, *mors est somnus*.

7. Prædicatio naturalis est, cum prædicatur superius de inferiori; ut, *homo est animal*: concretum de abstracto; ut, *lac est dulce*: accidens de substantia; ut, *homo est doctus*: si contra fiat, prædicatio est non naturalis.

[8. Prædicatio immediata est, quando inter prædicatum & sub-

jectum nullum est subjectum medium; ut, *animal sentit*: medium contra; ut, *Petrus sentit*; inter *Petrum* & *sentit*, medium subjectum est animal; *Petrus* enim sentit, quia est animal, vide lib. 2. cap. 22. quæst. com. pag. 214. Talis prædicatio dicitur immediata ex parte subjecti ac distinguitur à prædicatione immediata ex parte causæ, quando non datur causa media, cui prædicatum subiecto insit.]

9. Notandum est, has conditiones in definitione generalis prædicabilium positas, esse repetendas ad speciales singulorum prædicabilium definitiones.

### Quæst. VI. Quot sunt prædicabilia?

Quinq: genus, species, differentia, proprium, accidens.

## CAPUT XI.

### Quæst. I. Quid est genus?

**G**enus est, quod de pluribus specie differentibus prædicatur, in quæstione qua quæritur, quid res sit; ut,

*Quid est homo, aut bestia? animal. Quid pyrus, aut pumus? arbor.*

1. Genus generis est Prædicabile; quod hæc, & in reliquorum prædicabilium definitione subintelligitur.

2. Variæ sunt formulæ, quibus aliquid de re aliqua quæri potest: sed duæ potissimum eminent, scilicet, *quid res sit, qualis sit*, atque hæc tantum spectantur in prædicabilibus. Dicitur vero hoc vel illud prædicabile prædicari in hac vel illa quæstione,

qua responderetur ad quæstionem hanc vel illam de re institutam. Genos & species tantum prædicantur ad quæstionem factam hac formula, *quid est hæc animal res?* Differentia, proprium & accidens, ad quæstionem factam hac formula, *qualis est hæc animal res?*

3. Genus prædicatur in quibus sed imperfecte ac confuse: ut, si quis roget, *quid est Petrus?* an-

que ipsi respondeatur, est animal, eo ipso, tantum imperfecte & confuse cognoscitur natura Petri. Species prædicatur in quid perfecte, at tamen confuse: ut, si quis roget, *quid est Petrus?* atque ipsi respondeatur, *est homo*; cognoscitur quidem perfecte natura Petri, non tamen distincte; utraque enim pars essentialis Petri, materia ejus & forma, puta, corpus & anima ejus rationalis, involvuntur ambo in una voce, *homo*. Sed definitio prædicatur in quid & perfecte & distincte: ut, si quis roget, *quid est Petrus?* & ei respondeatur, *est animal rationale*, eo ipso, perfecta cognitio Petri gignitur, & distincta partium ejus.

[ 3. *Specie* dicuntur differre, quæ differunt essentialiter, id est, quæ ita sese habent, ut aliqua pars essentialis inveniatur in uno, quæ non inveniatur in alio: sic in homine invenitur anima rationalis (pars ejus essentialis) quæ non invenitur in bruto; & in bruto invenitur anima irrationalis, (pars ejus essentialis) quæ non invenitur in homine. ]

4. Solent in philosophia hæc duæ phrasæ distingui; differre essentialiter, & differre essentia. Individua, ut Petrus & Paulus, differunt essentia, sed non essentialiter: species, ut homo. & brutum, differunt essentialiter. Differre essentia dicuntur illa, quæ sic se habent, ut essentia unius non sit essentia alterius, licet nulla pars essentiæ inveniat in uno, quæ non item repetiatur in altero: sic essentia Petri non est essentia Pauli, nec e-

nim materia & forma ejus, corpus & anima rationalis illius, sunt materia & forma, corpus & anima rationalis alterius, scilicet Pauli, nulla tamen pars essentiæ est in uno, quin eadem sit in altero: uti enim materia Petri est corpus organicum, forma est anima rationalis: ita materia quoque Pauli est corpus organicum, & forma est anima rationalis. At vero, quæ differunt essentialiter, sic se habent, ut in uno sit vel alia materia, vel alia forma, quàm est in altero: sic in bruto quidem est eadem materia, quæ in homine, corpus scilicet utrobique organicum, sed in homine forma est alia, anima scilicet rationalis, quæ non est in bruto; & ideo non tantum essentia, sed essentialiter differunt. Quæ essentia, tantum differunt numero; quæ essentialiter, differunt specie. ]

5. Partes essentielles compositi, sunt materia & forma: quando earum altera invenitur in uno composito, non item in alio, ea dicuntur differre specie: sicuti contra, quando materia & forma eadem reperiuntur in compositis duobus, ea dicuntur differre numero, quia materia & forma unius compositi non est materia & forma alterius compositi. ]

6. Verba significantia actum in definitionibus; plerumque per potentiam explicari debent: sic, *prædicatur hic* significat, quod prædicari potest; & in definitione accidentis, *quod adeest & abest*, id est, *adesse & abesse* potest.

Quæst.

## Quæst. II. Quid est species?

Species est, quæ collocatur sub genere, ita ut de ea genus prædicetur in quæstione, qua quæritur quid sit.

*(Species collocatur sub genere)* directe, secundum gradus superiores & inferiores; differentiâ indirecte, secundum gradus collaterales; species enim (ut homo) collocatur directe descendendo ab animali, sub animali; sed diffe-

rentia (rationale) non collocatur directe sub animali, sed à latere, quod liquere potest inspicienti tabulas prædicamentales à Keckermanno, Eustachio, alijque confectas.

## Quæst. III. Quotuplex est genus?

Duplex: summum sive generalissimum, & medium sive subalternum.

[Quomodo dividitur genus? Alium est remotum, aliud proximum. Remotum est, inter quod & speciem, aliud intercedit genus: proximum, inter quod & speciem, nullum intercedit genus, atque hoc semper est unum,

illud scilicet, quod in categoria proxime adjacet speciei; remota vero genera sunt numero plura, sic hominis genus proximum est solum animal; remoti sunt, vivens, mixtum, corpus, substantia.]

## Quæst. IV. Quotuplex species?

Item duplex: infima sive specialissima, & media sive subalterna.

## Quæst. V. Quid est genus summum?

Quo non est aliud superius genus.

[1. Genus summum & species infima opponuntur; nam genus summum nunquam est species, & species infima nunquam est genus: sed genus subalternum & species subalterna non opponuntur; nam eadem res simul est, & genus subalternum, & species subalterna, sed respectu tamen diverso, sic, verbi causa, substantia nunquam est species, homo nunquam est genus; corpus, mixtum, vivens, animal, sunt vel genera vel species: genera, quotiescunque referuntur

ad illa, quæ in tabulis prædicamentalibus sunt infra se; species, quando referuntur ad illa quæ sunt supra se.]

[2. An species, dicta infima, tantum debeat dici species, ut homo, & nunquam genus; atque, an individuum, ut Petrus, tantum debeat dici individuum, & nunquam species: gravissima est inter Peripateticos & Ramos quæstio: illi affirmant, & sic quoque author noster; hi negant; nam Ramus diferte in sua Logica hominem vocat genus,

& Petrum ac Paulum aliaq; individua vocat species. Quod si illa tantum sunt species, quæ constant genere & differentia specifica seu essentiali, non videntur individua esse species, quia hæc talem differentiam non habent: differentia enim essentialis desumitur à forma: ut rationalitas, ab anima rationali; sed in individuis non sunt diversæ formæ; ergo quoque non habent differentiam essentialem, quæ speciem

novam constituat; ideoq; specifica non est, nisi hæc cum Ramo dicas & Ramæis, differentiam essentialem inter Petrum & Paulum quidem dari, sed utramque esse ignotam.]

3. Genera summa sunt decem, totidem puta, quot sunt categoriæ. Si daretur genere summo aliquid *superius*, non esset genus *summum*: summo enim nihil est *superius*.

Quæst. VI. *Quid est species infima?*

Quâ non est alia inferior species.

1. *Species infima*, dicitur aliis ima vel specialissima, quæ proxima est individuis; ut, homo, qui proximus est Petro, Paulo, &c.

2. Si daretur species inferior infima, cum illa non esset *infima*. Datur quidem aliquid inferiorius

specie infima: sed vero illud non est species, sed individuum, quia non est universale, sed singulare; at species est universale. sic homine inferiores sunt Petrus, Paulus, Joannes; sed hi non sunt species: verum individua, quod patet ex c. 2. quæst. 9.

Quæst. VII. *Quid est genus subalternum?*

Quod respectu inferioris est genus, & respectu superioris species.

*Genus subalternum*, respectu inferioris prædicatur, respectu superioris subicitur; quod liquet ex quæst. 9. hujus capituli, & ex tabulis prædicamentali-bus.

Quæst. VIII. *Quid est species subalterna?*

Quæ respectu superioris est species, & respectu inferioris genus.

*Species subalterna* & genus subalternum non sunt duo entia distincta, sed significant unum idemque ens, quod geminum habet nomen: & vocatur genus,

si referatur ad aliquid infra se; & species, si referatur ad aliquid supra se: sic animal est genus hominis, & species viventis.

Quæst. IX. *Illustra rem exemplo.*

In categoria substantiarum, substantia est summum genus

nus; *homo*, infima species; quæ inter substantiam & hominem interjecta sunt, ut, *animal*, *vivens*, *mixtum*, *corpus*, sunt genera, & species subalternæ. Nam *animal* est hominis genus, & species viventis; *vivens* est genus animalis, & species mixti; *mixtum*, genus viventis, & species corporis; *corpus* est genus mixti, & species substantiæ. Eodem modo res se habet in cæteris categoriis.

Quæst. X. *Quenam species constituit secundum prædicabile?*

Infima. Species enim subalterna prædicatur, ut genus, sed subjicitur, ut species.

1. *Infima*) Discrimen inter speciem infimam & subalternam, hoc est, quod species infima, five subjiciatur five prædicetur, semper teneat rationem speciei, at subalterna, non item: sed hæc, cum subjicitur, rationem habet speciei, at cum prædicatur, rationem tenet generis.

[2. Cum dico animal est vivens, animal est species, idem est genus: at cum dico homo est animal, homo est species; & cum dico, Petrus est homo, iterum est species.]

Quæst. XI. *Quomodo definitur species specialissima?*

Hoc modo: Species est, quæ de pluribus & numero differentibus prædicatur in quæstione, qua quæritur, quid sit res: ut, *Quid est Socrates, Plato?* homo. *Quid Bucphalus, Cyllarus?* equus. *Quid Phylax, Melampus?* canis.

[1. *Numero*) dicuntur differre, quæ ita sese habent, ut in uno nulla inveniatur pars essentialis, quin eadem reperiatur in alio: quemadmodum in Petro invenitur anima rationalis, & corpus organicum, seu debitis organis instructum; at hæc utraque pars essentialis reperitur quoque in Paulo, Joanne, aliisque hominibus individuis: sed differunt tantum in eo, quod hæc essentia unius, exempli causa, Petri, non sit essentia alterius, exempli causa, Pauli, & quod corpus & anima Petri non sit corpus & anima Pauli. Et quia numerari possunt essentia & partes essentialis Petri, quæ faciunt hominem unum, puta Petrum, atque insuper numerari possunt essentia & partes essentialis Pauli, quæ faciunt hominem secundum, puta, Paulum; ideo dicuntur Petrus & Paulus differre numero.]

2. Res dicuntur differre, vel genere, vel specie, vel numero. Quæ differunt genere, differunt tota essentia: quæ differunt specie, differunt parte essentia: quæ differunt numero, nec tota differunt.



sentia, nec parte essentia differunt, sed utrinque conveniunt; eandem differunt, quod hæc essentia, & hæc partes essentielles

unius, scilicet Petri, non sint essentia aut partes essentielles alterius, scilicet Pauli.]

## CAPUT XII.

Quæst. I. *Quid est differentia?*

**D**ifferentia est, qua res à re differt.

Hæc generalissima est differentia definitio.

Quæst. II. *Quotuplex est differentia?*

Duplex; accidentalis & essentialis.

Quæst. III. *Quid est differentia accidentalis?*

Qua res differunt accidentibus: idque vel ab aliis; sic Europæus differt ab Afro, colore; vinum ab aceto, sapore: vel etiam à se invicem; sic doctus differt à seipso indocto, senex à seipso puero.

1. *Accidens* hic vocatur id, quod nec materia nec forma est compositi, nec pars essentia ejus; sed quod vel materia, vel forma, vel essentia supervenit.

[2. *Accidens* hic Paulo latius sumitur, quam cum opponitur substantia, diciturque hoc loco, omne id quod est extra essentiam alterius; sive ipsum sit substantia, sive accidens prædicamentale, sive medium aliquod inter substantiam & accidens interjectum, ut privatio: exempli gratia, differentia accidentali differt togatus à palliato, per togam & pallium, quæ sunt sub-

stantia; Æthiops ab alio homine, per nigrorem & alborem, quæ sunt accidentia prædicamentalia; cæcus à surdo, per surditatem & cæcitatem, quæ nec substantia nec accidentia sunt, sed privationes.]

3. Res differunt accidentibus vel separabilibus, vel inseparabilibus. Posteriori modo differunt corvus & cygnus; nam nigror à corvo, & albor à cygno naturaliter non possunt separari; priori modo differunt Petrus doctus & Paulus indoctus; doctrinæ enim & ignorantia naturaliter separari possunt ab homine.

Quæst. IV. *Quid est differentia essentialis?*

Quæ [ut rationalitas] addita generi [ut animali] speciem [ut hominem] constituit, & ab oppositis speciebus essentialiter distinguit.



[ 1. *Differentia essentialis* dicitur, quæ petitur à parte aliqua essentia, quæ est pars definitionis qua species definitur: ut *rationalitas* petitur ab anima rationali (forma, & parte essentiali hominis; ) *rationalitas* addita animali, generi, constituit hominem, speciem, unde vocatur *differentia constitutiva*; atque insuper hominem à bruto, specie opposita, essentialiter distinguit, unde vocatur *differentia divisiva*: & hominem ex parte definit; partes enim definitionis hominis sunt, *animal* & *rationale*. Itaque *differentia constitutiva* & *divisiva* non sunt duæ diversa differentia, utcumque sint diversa nomina, sed ejusdem differentia munera diversa, orta ex respectu diverso quem differentia dicit nunc ad genus, quod dividit, nunc ad speciem, quam constituit: sic *rationalitas*, differentia vocatur *divisiva*, respectu animalis, quod dividitur per *rationale*, & oppositam differentiam *irrationale*; & dicitur *constitutiva*, respectu hominis quem constituit.]

[ 2. Respectus diversi non inferunt aut ponunt diversas res, nec essentias rerum multiplicant, sed reperiuntur sæpe in una eademque re: ita unus idemque

homo respectum dicit diversum, qua pater, ad filium, qua maritus, ad uxorem, qua magistratus, ad subditos. Unde videre est, quod diversitas definitionum non necessario inferat diversitatem rerum, cum fundari illa possit in sola diversitate respectuum: idem enim homo aliter definitur qua pater, aliter qua magistratus, & diversa sunt officia ejusdem hominis, pro triplici isto respectu diverso; ita etiam hic eadem differentia, verbi causa, *rationalitas*, aliter definitur ut dicit respectum ad genus animal, quod dividit, & aliter definitur quatenus dicit respectum ad speciem, hominem quem constituit; unde respectu prioris muneris vocatur *divisiva*, respectu posterioris, *constitutiva*. ]

[ 3. Accurate distinguere debet differentia specifica à differentia numerica. Prior vocatur, quando res duæ aut plures ita se habent, ut aliqua pars essentia sit in uno, quæ non sit in alio; atque hæc proprie est differentia essentialis: posterior dicitur, quæ res ejusdem omnimodo essentia, differunt tantum eo, quod hæc non sit illa, quæ vulgò accidentalis differentia appellatur; an recte nunc non dixerò. Illa dicuntur differre specie, hæc numero.

**Quæst. V. Quanam sunt munera differentia essentialis?**  
Dividere genus, & speciem cum genere constituere.

**Quæst. VI. Da exemplum.**

Facultas ratiocinandi dividit animal, & addita animali constituit hominem.

**Quæst.**

**Quæst. VII. Quanam differentia constituit  
tertium prædicabile?**

Differentia essentialis: differentiarum enim accidentales pertinent ad quartum & quintum prædicabile.

[1. Differentia essentialis dicitur, quando tertium illud, quo differunt duo, est pars essentialis; illud, quo differunt duo, est accidens, sive proprium, sive commune.]  
accidentalis, quando tertium

**Quæst. VIII. Quomodo definitur differentia essentialis?**

Hoc modo: Differentia essentialis est, quæ de pluribus vel numero, vel etiam specie differentibus, essentialiter prædicatur in quæstione, qua quæritur, qualis sit res: ut, *Quale animal est homo? rationale. Qualis ars Logica? quæ instrumenta conficit, iisque dirigit intellectum in cognitione rerum.*

[1. *Prædicari essentialiter*) est prædicari, ut pars essentialis, & quidem ut forma: sic rationalitas est pars essentialis hominis, de quo prædicatur. Per vocem *essentialiter* distinguitur differentia à proprio & accidente, quæ prædicantur accidentaliter, quia non sunt partes essentielles subiecti, de quo dicuntur; unde nec ejus definitionem ingrediuntur: sic nec risibilitas, nec eruditio, hominem vel constituunt, vel definiunt, ut quidem facit utrumque rationalitas. Exemplum differentiarum, quæ prædicatur de pluribus differentibus numero, est rationalitas respectu Petri & Pauli. Exemplum differentiarum, quæ prædicatur de pluribus differentibus specie, est potentia sentiendi seu sensibilitas, differentia animalis respectu hominis & bruti, de quibus prædicatur.

[2. Hæc tria æquipollent; esse

partem essentialem alicujus rei sive essentialiam rei constituere, sive definitionem rei ingredi: nullum istorum competit proprio aut accidenti, sed, præter genus & speciem, differentiarum tantum essentiali.]

[3. Nemo hic errer, nec existimet differentiam, quæ dicitur de pluribus numero, ideo esse differentiam numericam; quia non est differentia individuum, sed speciei, quæ prædicatur de individuis numero differentibus: sicut rationalitas differentia est hominis, speciei, & prædicatur de Petro, Paulo, reliquisque individuis numero differentibus. Sic nemo putet differentiam, quæ de pluribus specie differentibus prædicatur, ideo esse specificam; nam est generica, quia est differentia generis quæ de speciebus dicitur: sic potentia sentiendi, diffe-

rentia animalis, generis, prædicatur de homine & bruto, differentibus specie. ]

Et 4. *Differentia* quæ prædicatur de pluribus differentibus numero, vocatur *specificæ*, quia est differentia speciei; quæ prædicatur de pluribus differentibus specie, est *genericæ*, quia est differentia generis. Exemplum differentię specificæ est rationali-

tas quæ prædicatur de individuis distinctis numero, Petro, Paulo, Joanne. Exemplum differentię genericæ est sensibilitas, quæ prædicatur de homine & bruto, differentibus specie, quia sunt diversæ species. ]

5. Per id quod differentia prædicatur in quale, distinguitur a genere & specie, quæ prædicantur in quid.

### CAPUT XIII.

Quæst. I. Quot modis dicitur proprium?

Quatuor modis. Proprium primo modo dicitur, quod convenit soli alicui speciei, sed non omnibus illius individuis; ut, *hominem esse statuarium*. Secundo modo, quod convenit omnibus individuis alicujus speciei, sed non solis; ut, *hominem esse bipedem*. Tertio modo, quod convenit soli alicui speciei, omnibusque illius individuis, sed non semper, ut, *hominem videre*, aut *canescere*. Quarto modo, quod convenit soli alicui speciei, omnibusque illius individuis, & semper; ut, *hominem risibilem esse*.

1. Quantum discriminis est inter actum primum & secundum, seu principium operandi & ipsam operationem; tantum discriminis est inter proprium quarto modo & tertio modo, *Risibilem esse* significat actum primum, & prin-

cipium operandi, quod est proprium quarto modo; *ridere* significat actum secundum, & ipsam operationem, estque proprium tertio modo.

Hic proponitur tantum distinctio vocis.

Quæst. II. Quanam propria constituunt quantum prædicabile?

Propria quarti modi: reliqua pertinent ad quintum prædicabile.

Quæst. II. Quid est proprium quarto modo?

Proprium est, quod non declarat, quid res sit, & tamen soli inest, & cum ea reciprocatur. Sic *risibilitas* reciprocatur cum *homine*, (omnis enim homo risibilis est; & quicumque risibilis est, etiam est homo) *facultas hinnienti cum equo*, *larrandi cum cane*, &c.

1. Proprium dicitur non declarare quid res, id est subiectum, scilicet quia

nec ex toto nec ex parte coninetur in essentia subiecti, neque

eius definitionem ingreditur : sicut quidem genus & differentia continentur ex parte , in essentia ejus de quo dicuntur , & ambo definitionem ingreditur ; species vero continetur ex toto , in essentia ejus de quo dicitur , totamque ejus definitionem absolvit. Sed proprium neutro modo in essentia subiecti includitur , verum essentiam ejus constitutam immediate sequitur ; ideoque proprium dicitur essentialiale subiecto , non constitutive , (nam non constituit essentiam subiecti , sicut faciunt genus , species , differentia ) sed consecutive , quia essentiam subiecti jam constitutam consequitur proxime. Verbi causa , risibilitas nec ex toto , nec ex parte essentiam hominis constituit ; nam tum deberet ingredi definitionem hominis quod non facit , nam homo definitur *animal rationale* , absque mentione *risibilis* : at genus , *animal* , & differentia , *rationale* , utrumque , ex parte essentiam hominis constituit , atque etiam definit ; homo vero (species) ex toto Petri (individui) essentiam & constituit & definit.

[ 2. Illud dicitur *declarare quid res sit* , quo responderetur ad questionem institutam hæc formulâ , *quid est res ?* quemadmodum sic prædicantur in quid genus & species ; & quamvis differentia non simpliciter prædicetur in *quid* , Logicis tamen dicitur prædicari in *quale quid* , quia est qualitas essentialis : at proprium , uti accidens , nec prædicatur in *quid* , nec in *quale quid* ; id est , nec

prædicatur in *quale essentialiter* , ut differentia , sed tantum in *quale accidentaliter* ; & ideo non declarat quid res sit , id est , quænam sit rei quidditas sive essentia , sed rei constitutæ in sua quidditate sive essentia accidit. ]

[ 3. Hic observandum hoc est quoque , quod esse de essentia alicujus , dupliciter etiam intelligatur , vel constitutive , vel consecutive : priori modo de essentia hominis est rationalitas , posteriori modo risibilitas. ]

[ 4. Contineri in essentia alicujus rei , sive ejus definitionem ingredi , idem significant ; utrumque fit duobus modis , vel ex toto , vel ex parte ; convenitque generi , speciei , differentia. Genus & differentia ambo ex parte tantum ingrediuntur definitionem , & constituunt essentiam ejus , de qua dicuntur ; ita & animal , & rationale & irrationale , ex parte hominem vel brutum definiunt ac constituunt : sed species , homo , ex toto essentiam Petri , Pauli , aliorumque de quibus dicitur , & definit & constituit. At proprium , neutro modo vel constituit vel definit essentiam subiecti sui de quo dicitur ; sic risibilitas , quæ dicitur de homine , nec ex toto , nec ex parte hominis essentiam vel definit , vel constituit ; nihilo minus dicitur essentialis homini & naturalis , quia tam arcta est colligatio inter illam & hominem , ut essentia hominis nunquam inveniri possit , nisi inveniatur quoque risibilitas , & vice versa : atque pariter dicendum est , de omni proprio & subiecto. ]

3. Vox *soli* excludit à proprio alia subiecta; non subordinata, genera, species & individua; sed opposita, scilicet species ejusdem generis contrarias: sic risibilitas inest soli homini, sic, ut non excludat Petrum vel Paulum, & cætera individua quæ homini subordinantur, sed, ut excludat oppositum, brutum.

[6. Cum proprium dicitur inesse *soli* subiecto, significatur illud non posse communicari subiecto alteri alterius speciei oppositæ; at non repugnat, ut proprium unius subiecti cui inest soli, nihilominus communicetur subiectis inferioribus ac subordinatis; quia subordinata non sunt opposita: verbi causa, risibilitas inest soli homini, ideoque non potest inesse speciei oppositæ, scil. bruto; sed non repugnat quo minus inest Petro, Paulo, & inferioribus ac subordinatis, individua enim subordinantur speciei: & ratio est, quia ipsa natura hominis inest Petro, & Paulo, non item bruto; unde & proprietas hominis inesse potest Petro, & Paulo, non item bruto.]

[7. Gravissima est quæstio, an proprium possit communicari subiecto alteri, quam ei cui inest; si enim uni soli inest, non potest inesse alteri: attramen calor, proprium ignis, videtur communicari ferro. Resp. communicatio tripliciter accipi potest. Vel ut superius aliquid communicet inferiori, Genus speciebus, species individuis; & hæc Aristoteli dicitur *μετάξις*:

sic dicitur species *μετάξω* generis, quatenus particeps sit naturæ & proprietatum quæ sunt generis; & sic animal, genus, naturam suam, qua est substantia, corporea, vivens, sentiens, & omnes suas proprietates communicat homini & bruto, speciebus; & homo, species, naturam humanam & proprietates suas, ut risibilitatem, communicat Petro, Paulo, reliquisque individuis: hanc communicationem admittimus. Alia est communicatio quæ dicitur *συνδύσις*, qua duæ naturæ unitæ sibi invicem una alteri communicant suas proprietates; ut qua ignis ferro ignito communicat calorem. Tertia communicatio Græcè dicitur *κοινωνία*, quæ ex duabus naturis ac rebus separatis, una alteri sibi oppositæ, proprietates suas communicat; ut, qua ignis communicat calorem aquæ. Hæc utraque posterior communicatio à nobis hic negatur: nam ignis non communicat ferro calorem suum, aut aquæ calefactæ; sed sui similem, & specie eundem, non numero, in ferro & aqua efficit. Id enim proprie dicitur communicari, quod subiectum, in quo est, deserit, & in aliud in quo non erat transit: at calor non deserit ignem, cum vel ferrum reddit ignitum, vel aquam calefactam; nam ille calor qui in ferro est ignito, aut aqua calefacta, nunquam fuit in igne, sed est ab igne productus, mansitque igni suus calor internus qui est proprietas ejus. Et impossibilis est talis communicatio

natio proprii, & transitus de uno subiecto in aliud, quia accidens non potest migrare de subiecto in subiectum; sed omne proprium est accidens. Itaque distinguatur inter communicationem & effectiorem, in utroque exemplo allato est effectio caloris, non communicatio, aut, si eam placet sic vocare, distinguatur inter communicationem effectivam & subiectivam: ignis quidem calorem alteri rei communicat, cum producendo, ut effectum, sed non eum amittendo, & transfundendo in aliud subiectum. Hinc sequitur, quod nulla detur realis communicatio idiomatum sive proprietatum naturæ divinæ in humanam. Est & alia questio nominis gravis. An propria possint separari à subiecto suo separatione reali, ut

inveniat subiectum, non existente proprio, aut detur proprium, non existente subiecto. Resp. quod non; quia sic subiectum & proprium non reciprocarentur; quæ enim reciprocarentur, se mutuo ponunt & tollunt: at vero si aut proprium à subiecto, aut subiectum à proprio posset separari, ut uno existente, non existeret alterum, non se mutuo ponerent & se mutuo tollerent, & sic non reciprocarentur, quod est contra naturam & definitionem.]

8. Reciprocatio hic fit in casu recto; in relatis fiebat in casu obliquo: dicimus enim, omnis homo est risibilis, & omne risibile est homo; sed non dicimus, omnis pater est filius, aut, omnis filius est pater; sed omnis pater est filii pater, & omnis filius est patris filius.

#### Quest. IV. Quid est accidens?

Accidens est, quod abest & adest sine subiecti interitu: hoc est, quod sine contradictione de subiecto suo affirmari & negari potest.

[1. *Accidens* huius loci, opponitur proprio, estque prædicabile, & distinguitur ab accidente, ut vocat, prædicamentali, quod opponitur substantiæ: sc. hoc accidens latius pater accidente prædicamentali; nam accidens prædicamentale quod est ens substantiæ inherens, nunquam potest esse substantia, quia ei opponitur; sed vero accidens prædicabile, ut vestis, potest esse substantia, & opponitur essentia.]

[2. Totum discrimen inter accidens prædicamentale & prædicabile in eo est situm, quod accidens prædicabile aliquando possit esse substantia, prædicamentale nunquam.]

[3. *Accidens* prædicamentale vocatur illud, quo omne ens in prædicamentis dispositum, dividitur in substantiam & accidens; sunt autem novem prædicamenta accidentium, unum substantiæ: hæc inter se sic pugnant, ut nunquam unum possit esse

*Accidens prædicamentale est ens prædicabile*



esse aliud ; nam sunt species oppositæ, quæ in æternum confundi nequeunt, & quodcumque est in prædicamento substantiæ, id nullo modo esse potest in ullo prædicamento accidentis ; potest tamen id, quod est substantia, contineri sub accidente hujus loci, quinto scilicet prædicabili, ut toga, quia potest abesse & adesse sine hominis interitu.]

4. *Adest & abest.*) Alterum horum verborum intelligendum est de actu, alterum de potentia: ideoque hæc verba sumi debent, non in sensu composito, quasi eodem tempore unum idemque accidens adsit & absit subjecto; sed in sensu diviso, ut accidens, quod nunc adest, possit abesse, & vice versa ; ita, qui albor nunc est in pariete, potest abesse à pariete, sine destructione parietis.

5. Sensus compositus est, cum duo prædicata opposita enunciantur de eodem subjecto, intellecta de eodem tempore, qui sensus est falsus.

6. Sensus divisus est, quando duo prædicata opposita enunciantur de eodem subjecto, sed intellecta de tempore diverso, qui sensus est verus. Hac de re vide in doctrina de sophismate compositionis & divisionis.

[7. *Interitus* est vel physicus, vel logicus. *Physicus* est rei destructio atque corruptio: *Logicus* est enunciationis contradictio. *Interitus logicus* dicitur, quia per contradictionem interit & destruitur veritas prioris enunciationis; ut, cum huic enun-

ciationi, *ignis est elementum*, contradicitur per hanc, *ignis non est elementum*, prioris enunciationis veritas quasi annihilatur & interit. Uterque intelligi potest. Nam 1. sanitas tollitur ab homine, non destructo homine, & si à corvo tolleretur nigror, non tamen interiret corvus: at si ab homine tolleretur risibilitas, ejus proprium, destrueretur ipsa hominis essentia, quia propria emanant ab essentia subjecti, id est, ea posita ponuntur, sublata tolluntur, & vice versa ; ita posita anima rationali ponitur risibilitas, & posita risibilitate ponitur anima rationalis, & sublata alterutra, tollitur altera, unde 2. contradictio est, dicere, *homo non est risibilis* ; nam tantundem est, ac si dicas, *homo non est rationalis*, id est, *homo non est homo*: at nulla est contradictio, si dicas, *homo non est sanus*, aut, *corvus non est niger* ; neque enim hoc idem est, ac si dicas, *homo non est homo*, aut, *corvus non est corvus* ; quia nec sanitas ab hominis essentia, nec nigror ab essentia corvi emanat, nec enim se mutuo ponunt & tollunt.]

[8. Omnis quidem contradictio est falsitas, sed non omnis falsitas contradictio : si dixeris *homo non est rationalis*, & falsum dicis & contradictorium ; tantundem enim est, ac si dicas, *homo non est homo*. Illud autem dicitur contradictorium in enunciatione, quando prædicatum tollit essentiam subjecti, aut id dicit, quo essentia subjecti destruitur ; sed falsum dicitur, quando simpliciter prædicatum



dicatum affirmatur de subiecto, mod erat negandum, & vice versa. Accidens inseparabile, ut est nigror in Æthiope, si negetur de subiecto, dicendo, Æthiops non est niger, est enunciatio quidem falsa, sed non contradictoria, quia prædicatum, non esse nigrum, non tollit nec destruit essentiam subiecti, scilicet Æthiopis; neque enim hæc enunciations æquipollent, Æthiops non est niger, & Æthiops non est homo, aut non est animal, aut non est rationalis: at si proprium negaveris de subiecto, dicendo, homo non est risibilis, non tantum enunciatio hæc est falsa, sed insuper contradictoria; quia non esse risibilem, destruit essentiam hominis, & tantundem est, ac si dicas, homo non est rationalis, aut, homo non est homo, & ratio est, quia risibilitas ab essentia hominis emanat, id est, illa posita ponitur: sed nigror non emanat ab essentia Æthiopis; nam neque ab ejus materia, neque ab ejus forma fluit: at risibilitas fluit à forma hominis, anima scilicet rationali.]

9. Quæ se mutuo ponunt &

tollunt, non possunt à se invicem separari, nec de se invicem simul affirmari & negari, sine contradictione: tali modo se habent proprium & subiectum: sed quia accidens & subiectum possunt à se invicem separari, nec se mutuo ponunt & tollunt, etiam possunt de se invicem affirmari & negari, non quidem absque falsitate, sed tamen absque contradictione. Scilicet accidens non potest affirmari & negari de eodem subiecto sine falsitate; si enim enunciavero eruditionem, negando de homine, qui est eruditus, falsa erit enunciatio: at potest accidens affirmari & negari de eodem subiecto sine contradictione; quia negando eruditionem de homine erudito, non destruitur essentia hominis, nec prædicatum tollit essentiam subiecti. sed vero, cum proprium negatur & affirmatur de eodem subiecto, ut cum dico, homo est risibilis, & homo non est risibilis, posterior enunciatio non tantum falsa est, sed & prædicatum tollit essentiam subiecti; tantundem enim est, ac si dicas, homo non est homo.

**Quæst. V. Quoruplex est accidens?**

Duplex; separabile, & inseparabile.

**Quæst. VI. Quid est accidens separabile?**

Quod naturaliter à subiecto suo separari potest; ut stare, sedere, sanitas, eruditio, &c.

[1. Separari] vel significat simpliciter tolli aut auferri, uti hic; vel significat diverso loco existere, quo sensu dicitur, Quæ-

cunque separantur, aut separari possunt, distinguuntur realiter.]

2. Naturaliter id est, naturalibus mediis, seu naturæ viribus.

Quæst.

## Quæst. VII. Quid inseparabile?

Quod naturaliter nequit à subjecto separari; ut, *nigror in corvo, albor in cygno, nigror in Æthiope.*

Quæst. VIII. Quomodo dici potest, *accidens inseparabile esse accidens*, si non possit separari à subjecto suo?

Accidens inseparabile revera nequit à subjecto separari, & ideo dicitur inseparabile: idem tamen separari potest à subjecto, cogitatione, & hætenus dicitur accidens, in eoque à proprio distinguitur, quod ne cogitatione quidem potest à subjecto separari.

1. *Separatio*, seu abstractio unius rei ab alia, vel sit reipsa, quemadmodum albor separatur à pariete eum denigrando; vel sit per mentem, rationem aut intellectum, idque dupliciter: vel ut mens ex duabus rebus conjunctis alteram de altera neget, quæ vulgo dicitur abstractio negationis, vel remotionis; vel, ut mens ex duabus rebus alteram cogitet atque intelligat, altera non cogitata, non intellecta, quæ dicitur abstractio præcisionis. Separatio præcisionis vocatur abstractio simplex; separatio negationis, abstractio complexa sive composita. Ratio utriusque est, quia prior fit per apprehensionem mentis simplicem; posterior per operationem mentis complexam, scil. per compositionem & divisionem. *Accidens separabile* potest separari separatione reali à subjecto, ut sanitas ab homine, cum sit æger, ut detur homo non sanus: *inseparabile* non potest; nam nunquam invenitur corvus qui non sit niger: hoc tamen potest separari separatione mentali, tum negationis, tum præcisionis, nam potest corvus concipi, & negato & præciso

per rationem nigrore: at proprium à subjecto separari nequit, nec separatione reali, quia non invenitur homo qui non sit rationalis; nec mentali ulla, quia rationalitas non potest concipi, vel negato vel præciso homine: sed potest subjectum separari à proprio separatione mentis simplici, seu abstractione præcisionis; non potest separari à proprio separatione reali, aut abstractione mentis complexa, sive negationis: nam homo potest concipi, non quidem negata, sed præciso, seu non concepta rationalitate. Differentia à subjecto, & subjectum à differentia, nullo plane modo possunt à se invicem separari, nec reali separatione, nec mentali, sive negationis sive præcisionis: nam nec reperitur homo qui non sit rationalis; nec potest homo concipi, negata rationalitate, nec præcisa rationalitate; & vice versa.]

[2. Quod subjectum concipi possit, non concepto proprio, seu quod abstrahi possit à proprio, abstractione mentis simplici, v. c. *homo*, conceptu essentiali, quod sit animal rationale, intelligi possit non intellecta rationalitate.]

itate, ejus rei causa est, quod risibilitas hominis, & proprietates subjecti sui essentiam & definitionem non ingrediatur: contra, quod proprium non possit abstrahi à subjecto, abstractione mentis simplici, v. c. risibilitas non potest concipi, quin in illo contineatur risibilitatis, involvatur conceptus hominis; ejus rei causa est, quod subjectum ingrediatur definitionem & essentiam proprii; risibilitas enim definitur facta mentione hominis, secundum quæst. 8. cap. 2. lib. I.]

3. Discrimen inter abstractionem simplicem & complexam est, quod in priorem non cadat falsitas, unde vulgo dicitur, Abstrahentium non est mendacium; in posteriorem falsitas cadat. V. c. si quis ignem apprehendat, non apprehenso calore, is nec fallit, nec fallitur, nec mentitur, utcumque ignis & calor à parte rei nunquam separentur; sed qui & ignem & calorem apprehendit, utrumque alterum de altero negando, ut concipiat ignem non esse calidum, is & fallit, & fallitur, & mentitur.

4. Quando accidens inseparabile abstrahitur à subjecto, abstractione complexa, sive negationis, ut cum quis concipit & Æthiopem & nigrorem, alterum de altero negando, is quidem falsum concipit; sed non tamen id quod implicat contradictionem, id est, quod essentiam subjecti destruit: sed qui abstrahit proprium à subjecto, aut differentiam, is implicat contradictionem; id est, concipit id, quod essentiam subjecti destruit. V. c. qui concipit hominem non esse risibilem, aut non esse rationalem, is non tantum falsum concipit, sed tantundem ac si conciperet hominem non esse hominem: nam rationalitas est pars essentialis hominis, ideoque homo concipi nequit ut totum, nisi conceptis omnibus partibus; risibilitas, etsi non sit pars essentialis hominis, quia tamen ita arcta necessitudine homini connectitur, ut se mutuo ponant & tollant, hinc fit, ut non possit mens concipere hominem non esse risibilem, quin simul concipiat hominem non esse hominem.]

## C A P U T XIII

### Quæst. I. Quid est totum?

**T**otum est, quod constat plurium convenienti unione.

[1. Caput hoc inscribitur de toto & partibus, quia & hæc est affectio logica, sive rationis, conveniens themati simplici in quantum ab intellectu conferatur cum alio themate simplici:

tum enim deprehenditur omne thema simplex vel esse totum vel pars, sumpta utraque voce quam latissime. Difficile autem satis est intellectu, quomodo res spirituales & indivisibiles dicen-

dicantur esse totæ in loco divisibilis; quemadmodum vulgordicitur anima esse tota in toto corpore, & tota in qualibet parte corporis, sc. hoc sensu, quod nulla pars corporis sit expers animæ rationalis, hæc tamen non sit in partibus corporis per partes sui, sed modo indivisibili, quia ipsa est indivisibilis; qui tamen modus præsentia, difficulter est comprehensibilis: & hoc quoque sensu dicitur Deus totus in hoc mundo, & omnibus mundi partibus.]

2. Vox hæc, *totus, a, um*, vel effertur de substantiis immaterialibus, vel de materialibus: priori modo sumitur negative, posteriori positive; & sic hic definitur. Totum negative partes negat: sic Deus, cum dicitur esse totus ubique, significatur esse ubique non per partes sui. At to-

tum positive ponit partes, & ter eas, *partium unionem*: totius quasi materia sunt partes, quæ significantur voce *plurimum*, & quasi forma sit *unio*. Debetur vox hæc, *partes*, latius extendi.

3. Quemadmodum diversa natura spiritus & corporis (nam spiritus caret materia, ideoque & quantitate, consequenter & partibus; corpus prædictum materia, ideoque & quantitate consequenter & partibus) in alio modo de spiritu, alio de corpore dicitur vox hæc, *totus, a, um*: nempe, spiritus est totus in spatio aut loco divisibili, imò indivisibili, id est, ut non habet partes in se, quibus responderent partibus spatii aut loci; sed corpora sunt in loco divisibili modo divisibili, quia habent partes in se respondentes partibus loci.

**Quæst. II. Quotuplex est totum?**

Duplex; aliud per se, aliud per accidens.

**Quæst. III. Quid vocas totum per se?**

Cui partes insunt per se.

Melius: Quod partibus suis est essenziale, vel cui partes sunt essentielles.

**Quæst. IV. Quid per accidens?**

Cui partes insunt accidens.

1. Melius: Quod partibus suis non est essenziale; vel cui partes non sunt essentielles.

2. Partes dicantur per se inesse, quando aut totum suam essentiam largitur partibus, aut partes largiuntur essentiam suam toti: si neutrum fiat, partes insunt per ac-

cidens, & est totum per accidens. Animal, respectu hominis & bestia, est totum per se, quia essentiam, quæ est substantia, corporea, vivens, sentiens, suam largitur homini & bestia; quia, quod homo aut bestia vivat aut sentiat, ideo est; quia est animal.

Idem animal est totum per respectu corporis & animæ, corpus & anima, partes, etiam suam largiuntur animali, toti; quod enim animal fit mensum in longum, latum, & profundum, debet corpori, quod variatur, crescat, loco se moveat, &c. debet animæ. Sed quando homo dividitur in doctum & indoctum, tanquam totum in partes, nec partes hinc largiuntur essentiam toti, nec totum, partibus.

[3. Ut dijudicari possit, num aliquid sit totum per se, an per accidens, hoc signum infallibile docebit: quotiescunque aliquod totum disponitur in enunciatione cum una ex partibus, sic, ut appareat relatio totius ad partem,

toties est totum per se: contra, quando disponitur in enunciatione totum & una partium, & non apparet relatio totius ad partem, est totum per accidens, ut, si dixerò, herba calefacit, nemo mortalium hinc dijudicare valeat, herbam se habere ut totum, calefacere ut partem, quatenus dividitur in calefacientem & frigefacientem: sed unusquisque facile dijudicabit, esse dispositionem causæ & effecti, uti reuera est: at cum dico, homo est animal, hinc apparet nulla alia relatio quam totius ad partem, non vero causæ ad causatum, vel subiecti ad adjunctum, aut contra, Exempla vid. quæst. 12, & 14, hujus cap.]

**Quæst. V. Quanam partes dicuntur toti inesse per se, & quæ per accidens?**

Partes per se inesse dicuntur, cum aut ipsum totum partibus essentiale est, aut partes toti: per accidens, contra.

**Quæst. XI. Explica rem exemplo.**

*Animal est totum per se respectu hominis & bestie, [scil. priori modo, id est, ut totum partibus essentiale] & respectu corporis ac animæ, [scil. posteriori modo, ut partes respectu servorum & liberorum, bonorum & malorum. Nam animal pertinet ad essentiam hominis & bestie; illiusque essentia ex corpore & anima constituitur: at liberum aut servum, bonum aut malum esse, non convenit homini ratione essentiae, sed sunt accidentia, quæ ad essentiam extrinsecus accedunt.*

1. Priori modo, id est, cum totum suam essentiam largitur partibus, quemadmodum animal facit homini & bestie; posteriori

modo, cum partes largiuntur essentiam suam partialem toti, ut corpus & anima faciunt animali aut homini, Cum neutrum sit,

fit, est totum per accidens; sic *libertas & servitus* non largiuntur essentiam homini, nec homo largitur essentiam libertati aut servituti; ideoque, cum homo dividitur in *servum & liberum*, ut partes, est divisio totius per accidens.

2. Qui dicunt, totum per se esse, cujus partes sunt ejusdem prædicamenti, illi intelligunt hoc non tantum de partibus inter se, sed & cum toto collatis: nam si

eri potest, ut aliquod totum per accidens habeat partes inter ejusdem prædicamenti, ut liquet in exemplis notatis; attamen partes non sunt ejusdem prædicamenti cum toto. Omnia ista tota quæst. 16. notata, sunt tota per accidens, &c.

3. Sic, v. c. *libertas & servitus* sunt in eodem prædicamento relationis: at homo, qui ut totum, dividitur in *liberum & servum* tanquam partes, est substantia.

### Quæst. VII. Quotuplex est totum per se?

Quadruplex; universale, formale, essenziale, & integrale.

1. Totum universale dat essentiam partibus, genus speciei, species individuis: contra, totum formale, essenziale, integrale, ac-

cipit essentiam à partibus, & partes dant essentiam toti; quod in exemplis videre est, quæst. 12.

### Quæst. VIII. Quid est totum universale?

Totum universale nihil aliud est quam genus respectu specierum, aut species respectu individuorum: & quia species in genere, & individua in specie, non actu, sed potentia continentur, factum est, ut totum universale sit appellatum totum potentiale; cæteræ species totius dicuntur totum actuale.

1. Species) hinc vocantur partes generis, in quantum genus, ut totum, in species distribuitur, ut in partes; ut animal in hominem & bestiam: si vero genus spectetur, ut pars definiens speciem, species est totum formale, & genus est tum pars speciei; ut cum homo definitur per animal. Sic & individua sunt partes specierum, prout species est totum universale, quod in individua dividitur; ut, cum homo dividitur in Petrum & Paulum: contra,

species est pars individui, in quantum individuum definit, ut, cum Petrus definitur animal rationale.

[1. Vel genus confertur cum una specie, ut animal cum homine, & sic genus est speciei pars, & quidem formalis, ut animal, hominis, qui, ut totum formale, per animal tanquam partem formalem unam, & per rationale tanquam alteram, definitur: vel genus confertur cum omnibus speciebus suis flum-

mul sumptis, ut animal cum homine & bruto simul; & cum genus est totum universale, ut animal; species sunt partes universales, ut homo & brutum.]

[ 3. Ex hoc præcedenti commentario solvi potest hæc obiectio, Quod est pars speciei, non potest dividi ut totum in species ut partes; sed genus est pars speciei; ergo non potest dividi in species. Resp. Utrumque verum est, & genus est pars speciei, & item, ut totum dividitur in species, ac unaquæque species est pars generis, si distinguatur totum & pars: cum genus dicitur pars speciei, & species totum, quod ex genere & differentia constat, intelligitur totum formale, item & partes formales: at contra, quando genus dicitur totum, & species pars generis, intelligitur totum universale, item & talis pars.]

[ 4. Totum universale nihil est aliud quam thema universale, quod, puta, non requirit ut actu prædicetur de pluribus, sed quia sufficit, ut per naturam de pluribus prædicari possit si illa existant, ideo totum universale recte dicitur totum potentiale.]

[ 5. Totum universale dicitur potentiale, quia universale definitur, quod de pluribus natura sua prædicari potest: itaque, genus non requirit ut omnes suæ species actu sint, nec species requirit ut omnia sua individua actu sint. Sic animal erat genus, cum solum existeret brutum, & homo erat species, cum solus existeret Adam. (hinc videre est, quod genus possit conservari in una specie, & species in uno individuo) Reliqua omnia tota requirunt, ut omnes suæ partes actu sint, ideoque dicuntur totum actuale. Vide exempla Quæst. 12.]

[ 6. Sic, verbi causa, totum formale seu definitum respectu partium definientium, homo respectu animalis & rationalis, generis & differentiarum, quibus definitur, requirit ut ambo actu sint; & idem homo ut totum essentialia respectu partium essentialium, requirit ut ambo actu sint, scilicet & corpus & anima rationalis; & dein homo ut totum integrale respectu membrorum, capitis, pectoris, ventris, &c. requirit ut omnia actu sint, si enim harum partium aliqua absit, non est totum.]

### Quæst. IX. Quid est totum formale?

Totum formale nihil aliud est, quam species respectu generis & differentiarum, quibus definitur.

1. Species) five fit subalterna, five infima; utraque enim est totum formale, quia utraque definiri potest per genus & differentiam.

2. Totum formale) est omnis res definita, respectu partium definientium; ut homo respectu animalis & rationalis, quæ duo hominem definiunt.

F

Quæst.



## Quæst. X. Quid est totum essentiale?

Quod constat materia, [ sc. ex qua, non in qua, non circa quam, vid. comm. quæst. 5, cap. seq. ] & forma.

1. Hinc materia & forma vulgo dicuntur partes essentialis, & totum dicitur compositum.

## Quæst. XI. Quid est totum integrale?

Quod partem habet extra partem.

1. Totum integrale ) differt à toto essentiali; quod partes totius essentialis se mutuo pervadant, & loco ac situ non differant: ut anima permeat totum corpus, nec est in alio loco aut spatio quam ipsum corpus: partes totius

integralis se mutuo non pervadunt, sed loco ac situ differunt ac discernuntur; ut, caput est alio loco, & alibi situm quam per manus, venter, &c. nec se mutuo penetrant.

## Quæst. XII. Declara harum specierum discrimen exemplo aliquo, puta, animalis.

*Animal* est totum universale respectu hominis & bestie, [ quia essentiam suam dat homini & bestie; & homo est totum universale respectu Petri Pauli, &c. quia essentiam suam humanam, animam sc. rationalem & corpus, dat illis; ] & *animal* est totum formale respectu corporis vivens & sensus (definitur enim, corpus vivens sentiens.) totum essentialis respectu corporis, ventris, artuum, &c. [ hæc tria posteriora tota accipiunt essentiam suam à partibus. ]

1. Totum universale vocatur logicum, quia universale ad Logicam pertinet.

2. Totum formale dicitur metaphysicum, quia partes totius formalis, genus & differentia, vulgo dicuntur materia & forma metaphysica, quia conveniunt tam spiritibus quam corporibus: at materia & forma physica, conveniunt solis corporibus.

3. Totum essentialis nuncupatur physicum, quia partes ejus, ma-

teria & forma, ad physicam pertinent.

4. Totum integrale appellatur mathematicum, quia illud considerat mathematica.

5. Partes totius universalis differunt re ipsa; ut, homo & brutum.

6. Partes totius formalis differunt ratione; ut, animal & rationale.

7. Partes totius essentialis differunt re ipsa, sed non loco; ut, anima & corpus.

8. Partes

8. Partes totius integralis differunt reipsa, & simul loco; ut pes, manus, caput, &c.

9. Dicuntur partes differre reipsa, quæ diversa constituunt entia, diversasque habent essentias, ac inter sese distinguuntur, nemine cogitante: ita differunt Petrus & Paulus, homo & brutum, partes universales; anima & corpus, partes totius essentialis; caput, pectus, crura, &c. partes integrales. Ratione vero

differunt partes, quæ non constituunt diversa entia, sed cum unum faciant ens, per rationem tamen ut duo apprehenduntur entia, & quidem duobus actibus: sic differunt animal & rationale, partes formales, quæ constituunt unum ens, unam substantiam, unum hominem, qui cum non possit à nobis uno conceptu intelligi, discernitur quasi in duas partes, scil. animal, & rationale, quibus & concipitur, & definitur.

### Quæst. XIII. Quomodo dividitur integrale?

In homogeneum & heterogeneum, sive simile & dissimile

### Quæst. XIV. Quid est totum homogeneum?

Quod partes habet ejusdem nominis ac naturæ; ut, substantia inanimata, aqua, vinum, caro, lapis; item magnitudo, tempus, motus, &c.

1. Non requiritur ut in toto homogeneo partes sint ejusdem naturæ ac nominis cum toto; sufficit, si eandem habeant naturam ac idem nomen inter se: sic qualibet pars carnis vocatur ca-

ro, & habet hanc naturam ut nutriat; & qualibet gutta maris vocatur gutta, & humectat; non tamen habet idem nomen cum toto mari, quia non potest qualibet gutta maris dici mare.

### Quæst. XV. Quid est totum heterogeneum?

Quod partes habet diversi nominis ac naturæ; ut, substantiæ animatæ; item exercitus, ecclesia, mundus, & id genus alia.

1. In toto heterogeneo requiritur, ut partes sint diversi nominis ac naturæ & inter se, & à to-

to: sic partes humani corporis & nomine & natura differunt à corpore toto, & inter se.

### Quæst. XVI. Quotuplex est totum per accidens?

Quadruplex: 1. vel enim causa diversorum effectuum totum dicitur; 2. vel effectum diversarum causarum; 3. vel subjectum diversorum adjunctorum; 4. vel adjunctum diversorum subjectorum. Sed hac de re plura in doctrina de divisione.

1. Exempla totius per acci-  
dens sunt; 1. cum herbæ divi-  
duntur in calefacientes & frige-  
facientes; 2. cum calor dividi-  
tur in eum qui à sole, & in eum

qui ab igne producitur; 3. cum  
homo in doctum & indoctum;  
4. cum morbi dividuntur in mor-  
bos animi, & in morbos corpo-  
ris.

## CAPUT XV, &amp; XVI.

## Quæst. I. Quid est causa?

**C**Ausa est, cujus vi res est.

[ Multa sunt metaphysicæ & Logicæ communia, ut doctrina de toto & parte, causa & causa-  
ro, subjecto & adjuncto, &c. sed  
modus considerandi utrobique  
est diversus: spectantur enim  
illa in metaphysicis ut dividunt  
ens reale, suntq; notiones primæ,  
id est, affectiones entis realis,  
primo omnium de eo cognitæ; in  
logicis spectantur ut sunt princi-  
pia definiendi, & res qualibet  
cognoscendi, atque ut sunt notio-  
nes secundæ, id est, quæ secundo  
loco de ente cognoscuntur. ]

[ 2. Causa ) spectatur vel me-  
taphysice, ut est affectio rei, ac  
philosophica; & sic ejus genus  
est principium: vel logice, ut  
est affectio rationis, & logica,  
Vulgo ens rationis; & tum genus  
ejus non est principium, sed no-  
tio secunda, aut affectio logica  
seu rationis: hoc enim ei cum  
genere, specie, & differentia, est  
commune. ]

[ 3. Genus causæ spectatæ me-  
taphysice est principium; omnis  
enim causa principium est, sed  
non omne principium causa est;  
ideoque principium latius patet  
causa. Principium est primum  
unde aliquid fit, est, operatur,

aut cognoscitur; atqui multa  
sunt principium rei quæ fit, non  
tamen causæ: sic privatio in phy-  
sicis est principium, & primum  
à quo corpus naturale fit, non  
tamen ejus est causa; rursum  
locus & tempus possunt dici prin-  
cipia conservationis corporum  
naturalium, quatenus hæc sine  
iis existere nequeunt; non sunt  
tamen locus & tempus, causæ  
conservantes corpora naturalia:  
porro adjunctum potest esse  
principium cognoscendi subje-  
cti. Principium cognoscendi est  
vel complexum, vel incomple-  
xum: complexum est axioma sua  
luce clarum: ut *Totum est majus  
sua parte, Idem non potest esse &  
non esse, Nihil est causa sui ipsius,*  
&c. incomplexum est terminus  
simplex deducens in cognitio-  
nem alterius termini simplicis;  
ut subjectum deducit in adjuncti,  
genus in speciei notitiam, & vi-  
ce versa. ]

[ 4. Quod principium latius  
pateat causa, vel ex eo patet,  
quod in divinis Pater dicitur  
principium Filii, at non potest  
dici ejus causa: præterea, adjun-  
ctum est principium cognoscen-  
di saltem ipsius subjecti, sed  
non

non est causa; privatio est principium corporis naturalis, sed non causa.]

[5. Cum principium dicitur esse, unde aliquid fit, est, aut cognoscitur, addi debet, aut operatur; nisi principium operandi sub principio fiendi quis comprehendat.]

[6. De principiis complexis intelligendum est illud vulgatum philosophorum. *Contra negantem principia non est disputandum.*]

[7. Verum ut ratio causæ constet, ratio principii explicanda venit. Duo requiruntur ad rationem principii; primo, ut sit prius alio; secundo, ut illud aliquo modo à priori dependeat, aut dum fit, aut dum existit, aut dum operatur, aut dum cognoscitur, aut omnibus modis simul, aut aliquibus horum. Causa est principium sui causati omnibus modis simul.]

[8. Principium cognoscendi

insuper, non fiendi, non essendi non operandi, est vel complexum vel incomplexum. Principia cognoscendi complexa habent locum in demonstrationibus & scientiis, suntque potissimum axiomata, id est, enunciationes tam manifestæ veritatis, ut absque omni probatione, sola vocabulorum significatione accepta, ab audientibus vel legentibus assensum impetrent: tale principium cognoscendi non est causa; sed incomplexum est, aut terminus, aut thema, aut principium simplex, quo mens nostra provehatur in cognitionem effecti, tanquam alterius thematis aut termini simplicis.]

9. Vi) id est efficacia, seu virtute; ut cum dicimus, vi ignis calefieri aquam: non violentia, quo sensu invicem per vim dicitur in Ethicis.

Res) id est, *causatum.*

Est) id est, *fit vel constat.*

Quæst. II. *Quid est causatum?*

Quod à causis [producitur aut] constituitur.

Quæst. III. *Quot sunt causæ?*

Quatuor; materia, forma, efficiens, & finis.

1. Causæ istæ quatuor dividuntur in internas & externas. Discrimen inter causas internas & externas, est hoc; quod causæ internæ nunquam possint causare sine externis, externæ vero possint sine internis: ut, cum Deus creavit angelos ad gloriam suam, causa efficiens fuit Deus, finis gloria ejus: sed hinc nulla fuit materia, nulla forma,

utraq; enim carebant angeli. Deinde causæ internæ aliquam imperfectionem involvunt in causando, quia sunt partes causati, omnis autem pars imperfecta est; sed causæ externæ nullam imperfectionem involvunt in causando, quia non causant largiendo suam entitatem; sed tantum conferendo suam virtutem: nam architectus, ubi causa

non confert domni suum esse quod habet, sed tantum suam vim adificandi; ideoque causæ internæ de Deo dici nequeunt, externæ ipsi tribui possunt: Deus enim, nullius rei aut materia est aut forma, idem tamen omnium rerum est efficiens ac finis; hæ enim causæ nullam imperfectionem involvunt in causando. *Internæ* dicuntur, quæ ipsam causati essentiam ingrediuntur ut partes constituentes; suntque materia & forma: *externæ*, quæ causatum quidem producant, non tamen illud constituunt ut partes; suntque efficiens & finis, exempli gratia, Anima, forma, & corpus, materia. partes sunt constituentes hominem, vel essentiam hominis; sed vero faber li-

gnarius & inhabitatio, efficiens & finis, non sunt partes domus constituentes, sed eam tantum producentes.

[ 2. Non est absurdum, ut eadem res, & causa sit & pars, licet diversæ sint affectiones logicæ, pars & causa, quia respectus hic est diversus: nam materia & forma, corpus & anima rationalis, dicuntur partes, in quantum constituunt compositum, scilicet hominem; sunt causa, in quantum causant, seu producant suo modo hominem ut causatum: ut eadem res ac substantia, idemque homo, esse potest & pater respectu filii, & maritus respectu uxoris; respectus enim diversi non faciunt diversas res. ]

#### Quæst. IV. An ut causa, ita quoque causatum dividitur?

Non; una enim & eadem res est causatum omnium causarum: idque, *compositum* dicitur respectu materiæ & formæ, *effectum* respectu efficientis, & *medium* sive designatum respectu finis.

1. *Causatum respectu materiæ & formæ* idem habet nomen & vocatur *compositum*, quia materia & forma semper simul causalitatem suam exercent: sic nunquam corpus sine anima, nunquam anima sine corpore, hominem constituit.

2. Quia materia & forma sunt concausæ, id est, simul causant, etiam utriusque causalitas philosophis uno venit nomine, verbi causa, unio; nam ad compositum producendum & constituendum, debet materia uniri formæ, & forma materiæ.

#### Quæst. V. Quid est materia?

Materia est causa interna, ex qua res fit, aut constat. Exempli gratia, semen est materia viventis, ex qua fit; corpus est materia, ex qua constat: illa solet appellari *materia generationis*; hæc *materia compositionis*.

1. *Materia* vulgo dividitur divisione vocis, non rei, in *materiam in qua*, quæ subiectum, ut mensa respectu coloris; *circa quam*, quæ objectum, ut tabula respectu pictoris; & *ex qua*, quæ causa est, æque huius loci, ut lignum respectu mentis.

2. *Materia* ex qua, solis continetur corporibus; *materia in qua*

& circa quam, etiam spiritibus: sic rationalis anima est materia in qua suarum potentiarum & habituum, eadem est materia circa quam creationis.

3. *Materia* generationis vocatur etiam *transmutationis*; & *materia compositionis* dicitur quoque *configurationis*.

**Quæst. VI. An materia generationis & materia compositionis semper diversa sunt?**

**Non semper.** Nam scamnum fit & constat ex ligno; nubes, ex vapore; glacies, ex aqua.

[ 1. *Materia* vulgo dividitur in *primam* & *secundam*. *Materia prima* est materia universalis, *secunda*, particularis seu singularis, quia operatio est simplex in materia singulari. *Materia prima* est capax omnium formarum, non quoad existentiam, sed quoad essentiam: id est, non potest existere sub omnibus formis simul; sed ejus essentia non repugnat, ut successive existat sub omnibus; existit enim in materiis secundis, quæ varias, imo omnes formas sui variationis suscipere valent temporibus diversis. ]

[ 2. De materia prima multa otiose disputantur à philosophis. Brant qui eam faciunt ens, eternum Deo, ut Aristoteles; & illi qui eam, licet creatam, faciunt ens distinctum à materia qualibet singulari, quippe nil est aliud quam universale, at universalis non existunt nisi in singularibus. Nempe sic res habet: quia & cælum habet aliquam materiam, ex qua con-

stat, præter suam formam, & aliquam quoque habent elementa, item & mineralia, & plantæ, & bruta, & homines, & omnia corpora naturalia; illud commune, ex quo omnia constant præter formam, nihil est aliud quam materia prima, id eoq; magis est ens rationis quam ens reale, quia universalis sunt entia rationis; & cum ei tribuitur essentia & existentia distincta, id intelligendum est respectu formæ, non respectu materiæ secundæ seu singularis in qua est: nam essentia & existentia materiæ primæ, ut rei universalis, est ipsa essentia atque existentia omnium materialium singularium; at vero essentia & existentia materiæ, distincta est ab essentia & existentia formæ, quia duo sunt distincta principia corporum naturalium. Notandum autem est hic, non dici materiam primam aut secundam eo sensu, quo divisa fuit substantia in primam & secundam: nam substantia primæ

fuit substantia singularis, & secunda, universalis; at materia prima est universalis, & secunda, singularis. Porro & hoc sciendum est, divisionem materiæ

in primam & secundam, non esse divisionem generis in speciem, imò ne quidem divisionem rei, sed tantum distinctionem vocis.]

### Quæst. VII. Quid est forma?

Forma est causa interna, per quam res est id quod est. Sic anima est forma viventis, figura forma statua, &c.

[1. *Forma*] spectatur vel logice, vel physice; quæ duplex consideratio non debet confundi. Logice spectata, nihil est aliud quam ratio essentia ejusdemque rei, sive sit naturalis, sive artificialis; unde etiam forma dividitur in naturalem & artificialem: sic in exemplis auctoris, forma naturalis viventis est anima; figura autem statua est forma artificialis; illa substantialis, hæc accidentalis. Forma vero physice spectata, est principium corporis naturalis internum activum: estque substantialis, non accidentalis; naturalis, non artificialis. Ex confusione autem formæ logicæ & physice error ille ortus est in communi philosophia, quod in substantiis omnis forma logica, id est, ratio essentia, putetur esse forma physica, id est, substantia; at eo nihil potest cogitari falsius: quidem? in uno eodemque Petro sunt multæ formæ logicæ, seu rationes essentia, una qua est homo, altera qua est animal, tertia qua est vivens, quarta qua est mixtum, quinta qua est corpus, sexta qua est substantia: quid ergo? an totidem erunt Petro formæ physice, id est, totidem substantia, aut formæ substantiales? nihil minus,

& error hic inde ortus est, quod vox græca *οὐσία*, quæ proprie significat essentiam derivatur enim ab *οὐ* & *οὐσία*, interdum sit versa per substantiam, quæ tamen græce dicitur *ὕλη* unde putarunt, omnem diversam rationem essentia, esse diversam rationem substantia, & omnem formam logicam, esse diversam formam physicam. Sed refutatur hic error; primo, quod forma logica, seu ratio essentia, invenitur etiam in accidentibus, atque ipsa sæpe sit accidens, ut figura in statua, & tunc saltem illa non potest dici substantia, ut tum ratio essentia non sit idem, quod ratio substantia, nec essentia, quod est substantia: nam figura est essentia statua, qua est statua, non tamen est substantia; aut est ratio essentia in statua, non tamen ratio substantia. Secundo, si totuplex esset substantia, aut forma substantialis, quotuplex est essentia aut ratio essentia in substantia, ergo totidem dabuntur formæ substantiales in uno eodemque composito, quot sunt rationes essentielles in eodem composito: posterius est falsum; ergo & prius. Minor probatur: Rationes essentielles, sive essentia aliis dicuntur attributa



tributa quidditativa, aut prædicata essentialia; quibus vocibus significatur id, quo responderi potest ad quæstionem, quid est res? ut, si quis rogetur, quid est Petrus? potest, respondere, est homo, est animal, est vivens, est mixtum, est corpus, est substantia: tot sunt, in Petro rationes essentialis tot attributa quidditativa, tot prædicata essentialia; sed non sunt tot formæ substantiales physicae, id est, tot substantia distinctæ: attamen tot sunt in eo rationes essentialis, seu formæ logicae; ergo aliud est forma logica, aliud forma physica, quod erat probandum.]

[ 1. Esse rerum, est vel commune, vel proprium: prius est à materia, posterius à forma, sic corpus homini commune est cum brutis, materia utrisque; anima

rationalis homini propria, & forma ejus, hinc specifica rerum differentia à formis desumi solet.

[ 3. Forma græcis sæpe dicitur *εἶδος*, id est, species, quia speciem constituit, & ab alia specie essentialiter distinguit; ac tum solet vocari differentia specifica, aut essentialis, aut hæc, unde desumitur.]

4. Quod res sit seu existat, hoc debet & materiae & formæ, ut quod sit seu existat homo, debet & animæ & corpori: sed quod res sit talis, aut talis, hujus vel illius speciei, puta, quod sit homo, & non brutum, debet soli formæ & non materiae; ideoque forma est causa per quam res est id quod est, id est, per quam res est talis vel talis speciei, scilicet rationalis potius quam irrationalis, &c.

### Quæst. VIII. An res non est etiam per materiam?

Omnino: sed per materiam, non est id quod est, hoc est, non est certa species. Quod enim res sit, hoc æque materiae debetur ac formæ; sed quod sit hoc potius quam illud, id totum debetur formæ.

1. Utilissima & usitatissima est divisio formæ in materialem & immaterialem: cujus divisionis membra longe aliter sunt intelligenda, quam cum dividitur substantia in materialem & immaterialem; nempe substantia materialis dicitur, quæ materia constat, ut parte componente; immaterialis, quæ non constat illa: sed forma dicitur materialis, non quasi materia constet, tanquam parte componente, hoc enim sensu nulla forma datur materialis, nam cum forma

non foret causa, sed causatum ac compositum: sed dicitur forma materialis, quæ cum sit & existit, & cum operatur, à materia dependet; immaterialis contra dicitur, non quod careat materia, licet hoc sit verissimum, sed quod nec in fieri, nec in esse, nec in operari, dependeat à materia: talis est unica & sola anima rationalis, reliquæ omnes formæ, præter hanc sunt materiales.

[ 2. Cum anima rationalis dicitur forma immaterialis, duplici

placi nomine sit vocatur: primo, quia nulla constat materia tanquam parte componente, uti quidem constat corpus; secundo, quia non dependet à materia in fieri, esse, & operari, ut anima vegetans, sentiens, & omnes a-

liæ formæ, sunt quidem materiales, non quatenus constat materia tanquam parte componente, neque enim sunt corporales; sed sunt materiales, quatenus à materia dependent in fieri, esse, & operari.]

## CAPUT XVII.

## Quæst. I. Quid est causa efficiens?

**C**ausa efficiens est causa externa, à qua res, vera causalitate proficiscitur.

1. De ordine causarum, quænam sit prima disputari solet à philosophis. Multi putant finem esse causarum primam, quia ante efficientem, materiam & formam causat; nam inhabitatio primum movet efficientem, antequam ædificet, & formam domus in materiam introducat: alii primam causarum faciunt materiam, quia illa omni actioni, excepta creatione, præsupponitur. Author noster incipit à materia. Ob illam causam Ramus & alii incipiunt ab efficiente, quia ante ullam aliam causam existit efficiens, puta, Deus. Sed in causarum ordine quænam tractetur primo loco, non multum est situm.]

2. Ut commentarii hujus quæstionis, & etiam quæst. 1. c. 18. bene intelligantur, sciendum est, quod *efficientis causalitas* dicitur vera, quia revera effectui productionem attingit, & ab efficiente quædam virtus derivatur, terminata in ipsum effectum: causalitas vero finis dicitur metaphorica, quia non attingit immediate ipsum effectum, nec in eum terminatur,

& non est alio modo causa effecti, quam impellendo efficientem ad agendum. Itaque accurate debet discerni duplex causæ finalis respectus: unus, quo refertur ad efficientem; alter, quo refertur ad causatum. Causalitas finis respectu efficientis est vera & propria, non metaphorica aut impropria; nam vere impellit efficientem, estque ille impulsus realis: sed respectu causati, finis causalitas non est vera nec realis, quia reapse finis non attingit ullo modo causati productionem, utpote quæ nondum est; & ideo dicitur finis causa causati per causalitatem metaphorica, id est, impropria.]

3. Vocatur *efficientis*, uti finis, causa externa, quia neutra essentiam causati ingreditur, ut pars constituens; sicut quidem faciunt materia & forma, quæ ideo dicuntur causæ internæ, uti notatum est ad quæst. 3. cap. præced.

[ 4. Efficiens & finis attingunt tantum causatum sua virtute, non largiendo essentiam suam: sed differunt in eo, quod effici.

efficientis virtus in ipsum terminatur causatum; virtus vero finis, non nisi per & propter efficientem, quem agendum movet, & sic per ac propter eum, causatum attingit. quæ ipsius motio metaphorica dicitur, non quia efficientem revera non moveat; sed quod efficientem verè movendo, improprie & secundum similitudinem effectui productionem attingat. Ita inhabitatio non movet producit domum, quam inhabitantem movendo ad ædificandum: at ipse architectus, sua ædificandi virtute ipsam domum attingit immediate.]

§. Vera causalitas efficientis opponitur motioni metaphorice finis, quæ idem significat, ac si diceret motionem sive causalitatem impropriam, ac per similitudinem: quemadmodum enim homo pictus, qui est similis homini vivo, non est verus homo, & sicuti significatio vocis metaphorica non est propria, sed impropria; ita causalitas aut motio metaphorica, est causalitas ac motio impropria, & non vera. Notandum vero est, duplicem esse habitudinem & re-

spectum finis: vel enim respicit efficientem, quem movet & impellit ad agendum; vel respicit ipsum causatum, quod ab efficiente producit; sicuti inhabitatio respicit vel ædificantem, vel domum. Respectu efficientis, finis non agit causalitate metaphorica, sed vere ac propria; nam inhabitatio verè ac proprie movet ædificantem sed respectu causati, ipsius domus quæ propter inhabitationem, ut finem extruitur, agit metaphorice, & causalitate impropria, ac non vera; quia cum finis, verbi causa, inhabitatio, ante causati, scilicet, domus, productionem non existat, verè & proprie agere non potest; non entis enim nullæ sunt affectiones aut operationes sive affectiones physicae; licet ei tribui possint operationes morales qualis est impulsus & motio efficientis ad operandum, facta à fine nondum existente: quemadmodum eruditio nondum acquisita, movet & impellit studiosum ad studia. Et hæc faciunt ad intelligendum quoque quæst. 1. cap. 18. & commentarium subiectum.

### Quæst. II. Cur dicis causalitate vera?

Ut causam efficientem à fine distinguerem. Nam res effecta etiam proficiscitur à fine, sed causalitate sive motione metaphorica.

1. Improprie dicitur causatum esse à fine: nam à sive ab proprie est nota solius causæ efficientis; quemadmodum ex materia, per formam, propter finem est symbolum ac character.

### Quæst. III. Quomodo dividitur causa efficiens?

Octo potissimum modis,

[ 1. Divisio causæ efficientis petitur vel ab effectu, vel à modo causandi. Quæ divisiones sunt authoris, petitæ sunt à modo causandi, qui ut est diversus, ita facit causæ efficientis species diversas: sola divisio causæ effi-

cientis in procreantem & conservantem, desumpta est à diversitate effecti; nam aliud est effectum causæ procreantis, aliud conservantis, procreans efficiens causæ existentiam, conservans effecti existentis durationem.]

#### Quæst. IV. Quæ est prima divisio?

Causa efficiens alia est emanativa vulgo dicta, alia activa.

1. Omisit author divisionem causæ efficientis in procreantem & conservantem, quæ tamen maximi est usus. *Procreans* vocatur, quæ producit ipsum rei esse seu existere, facitque ut res, quæ ante non erat seu existeret, nunc sit seu existat. *Conservans* dicitur, quæ rei nunc existenti largitur in existendo continuationem, facitque, ut in existentia quam accepit à causa procreante perseveret. Hæ causæ, interdum sunt distinctæ; ut, cum parentes procreant sobolem, nutrix eam conservat: interdum utraque est eadem; ut, cum Deus dicitur & procreans, & conservans causa mundi. Norandum vero est, causam conservantem æque esse veram speciem causæ efficientis, atque procreans, quia vera causalitate & vero influxu

influxit in causatum quod conservat.

[ 2. Nonnulli Logici causam conservantem exterminârunt ex numero causarum efficientium, quasi causa conservans nihil sit aliud quam non corruptio, aut non destruens: sed plus dicitur causa conservans, quam rei non corruptionem, aut non destructionem: certe ad eam nulla requiritur causalitas: sed causa conservans aliquid dicit amplius, nempe realem influxum in rem ipsam, quæ conservatur. Atque hoc manifestissime patet exemplo solis, qui est causa conservans luminis à se procreati; non tantum quia illud non destruit aut corrumpit, sed quia continuo influxu, eoque vero ac reali, radios suos diffundendo, usque & usque continuat. ]

#### Quæst. V. Quenam causa vocatur vulgo emanativa?

A qua res immediate, ac sine ulla actione media, emanat. Sic ignis est causa caloris sui interni, qui in se manet; omnisque forma est causa emanativa suarum proprietatum.

1. In causa emanativa non est causalitas distincta ab ejus existentia; sed ejus essentia posita,

statim ponitur & causatum existere; unde, hæc causa & causatum suum se mutuo ponunt & tollunt:

ant: sic, posita anima ratio-  
nabili ponitur ejus potentia intel-  
ligendi, & vice versa; & posita  
anima vegetante, ponitur poten-  
tia nutriendi, & vice versa.

3. *Immediate*) id est sine omni  
medio, quodcumque tandem illud  
operit. At activa causa admittit  
non tantum medium, patiens, aut  
conditionem ad agendum requi-  
sitam, sed & actionem mediam,  
quæ distincta est ab existentia  
causæ tum causati: ita ignis,  
præter materiam combustibilem,  
& præter approximationem  
sui ad eam, elicit combustionem,

qua materiam combustibilem  
consumit.

[3. Causa emanativa dividi  
solet in internam & externam:  
interna dicitur, quæ est in eodem  
subjecto, in quo est effectum e-  
manans; ut anima rationalis est  
in eodem homine, in quo est po-  
tentia intelligendi: externa di-  
citur, quæ est in alio subjecto  
quam in quo est effectum ema-  
nans; sic interpositio terræ inter  
solem & lunam, causa emanativa  
eclipseos, non est in luna, in qua  
ut subjecto est eclipseos tanquam  
effectum emanans.]

### Quæst. VI. Quid est causa activa?

Quæ effectum producit agendo. Sic ignis est causa ca-  
loris externi [quem in alio producit] in eo qui calefit.

[1. Cum & actio ipsa, & effe-  
ctum actione productum, sit ab  
efficiente, verbi causa, & cale-  
factio, & calor in aqua produ-  
ctus, ab igne, difficilima est  
quæstio, qualis causa sit effici-  
ens respectu actionis, ignis verbi  
causa respectu calefactionis,  
an activa, an inactiva. Quin sit  
causa activa caloris in aqua pro-  
ducti, nullum est dubium; sed  
qualis sit causa efficiens respec-  
tu calefactionis, non facile est  
dictu. Nam si calefactionis est  
causa activa, oportet dari ali-  
quam aliam actionem, qua me-  
diante ista calefactio sit produ-  
cta ab igne, & sic ibitur in infi-  
nitum, quod est absurdum: si  
sit causa ejus emanativa, ergo  
calefactio nunquam poterit tol-  
li ab igne, quia causa emanativa  
& effectum se mutuo ponunt;  
sed poni potest ignis, non posita

calefactione, quod exemplo ignis  
in fornace Babylonica nec cale-  
facientis, nedum comburentis  
injectos juvenes, probari solet:  
aut danda sic erit tertia spe-  
cies causæ efficientis, quæ nec sit  
activa nec emanativa, Resp.  
non necesse est, ut detur ter-  
tium genus causæ efficientis,  
nec ignem calefactionis esse  
causam activam, nec ullam cau-  
sam efficientem esse causam a-  
ctivam suæ actionis, sed ema-  
nativam: si dicas, effectum non  
posse tolli à causa emanativa,  
& actionem posse tolli, non sub-  
lata causa efficiente, concedo  
prius, nego posterius: nam ne-  
que calefactio, neque combu-  
stio ablata fuit ab igne in for-  
nace Babylonica, licet injectos  
juvenes illos nec calefecerit,  
nec combusserit; nam quomo-  
do non tantum calefacere, sed  
adurere

adurere potuisset circumstantes iste ignis, quod refertur Danielis capite tertio, si sublata fuisset vel calefactio, vel combustio? Quid igitur, quæ causa est, quod non sint calefacti vel combusti isti juvenes? Respond. causam esse, non actionem sublatam vel calefaciendi vel comburendi, sed impeditum à Deo positum in ipsis corporibus juvenum injectorum, quo minus & calefactio & combustio potuerint illa consumere.]

2. *Causa activa* præter existentiam, habet virtutem quæ effectui productionem juret & promoveat, quæ est distincta ab ejus essentia & existentia; quemadmodum calefactio est distincta ab essentia & existentia ignis calefacientis.

3. Ex generali definitione causæ, constat, tria esse consideranda: ipsam causam quæ causat; vim, sive virtutem, sive causalitatem qua causat; & rem, sive causatum quod à causa per causalitatem producit. Hæc tria plerumq; sunt distincta inter se, non tamen semper. Causa quidem & causatum semper distinguuntur: sed causalitas, seu vis ac virtus causandi, non semper distinguitur ab ipsa causa, sive ejus existentia: sicuti hoc patet in causa emanativa, ubi tantum duo reperiuntur, ipsa causa & causatum; causalitas vero nullo modo distinguitur ab ipsa causa existentia, sed simul atque hæc causa existit, eodem momento existit causatum. Sed longe secus res se habet in cau-

sa activa, ubi tria sunt distincta: causa, causalitas, existentia: neque ista causa potest existendo, statim sequi effectum, sive causatum; sed causa potest fuisse in rerum natura, ut tamen non existerit causatum. Exemplum utriusque est in igne, à quo proficiscitur calor duplex; unus igni internus, atque in eo manens, qui est ignis proprietas, & ab eo nunquam separatur; alius igni externus, qui ab igne extra se producit in corpore alio, & non proprietas est ejus, sed effectus caloris interni, qui proprietas ignis est. Caloris interni, ignis est causa emanativa; externi, activa; ratio est, quia simulatque ignis existit, ipso illo instanti existit calor, qui internus est igni, & ejus proprietas; nam subiectum & proprium ne ad momentum quidem à se invicem separari possunt, ideoque hic nulla est causalitas distincta ab existentia ignis, qua calorem sibi internum producat: verum calorem externum producit ignis in aqua per causalitatem, scilicet calefactionem, tanquam actionem mediam, distinctam à sui ipsius existentia; neque enim statim atque ignis existit, eo ipso temporis articulo calorem producit in aqua; potest enim diu in rerum natura existere ignis, ut non calefaciat aquam. Itaque totum discrimen inter utramque causam hanc, emanativam & activam, consistit in voce *immediate*, quæ in causa emanativa excludit omnia media, quæcunque cogitari possunt: sed

causa activa admittit inter  
& causatum mediam actio-  
nem, distinctam à se & causato;  
quemadmodum generatio est  
distincta à patre generante, &  
à genito. Atque hinc oritur,  
quod dicamus vulgo, causa e-

manativa & causatum se mutuo  
ponunt & tollunt, &, posita  
causa emanativa ponitur cau-  
satum: quod neutrum verum  
est de activa; neque enim hic  
causa & effectum reciprocantur.

Quæst. VII. *Quæ est secunda divisio?*

Causa efficiens vel est immanens, vel transiens;

Quæst. VIII. *Quæ est causa immanens?*

Quæ producit effectum in seipsa. Sic dicitur intellectus  
causa suorum conceptuum.

1. Vocatur *causa immanens*  
darius, quando effectum & cau-  
sa sunt in eodem subjecto, scil.  
in actione; quemadmodum in-  
tellectus & conceptus, id est, spe-  
cies intelligibilis qua intellectus  
intellexit, sunt in eadem anima  
rationali.

[ 2. Non est confundenda causa  
immanens cum emanativa; nam  
omnis quidem causa emanativa  
interna est immanens, sed non  
omnis immanens est emanativa;  
datur enim causa activa imma-  
nens, nempe intellectus est cau-  
sa & activa & immanens: sunt  
enim hic tria; intellectus, cau-  
sa; intellectio, actio; species  
intelligibilis in intellectu ma-  
nens, causatum. ]

[ 3. A multis hæc duo solent  
confundi, causa immanens &  
emanativa, sed pessime; nam  
datur causa immanens quæ non  
sic emanativa, sed activa: sic ut  
hæc duo debeant distingui. Om-  
nis causa emanativa est im-  
manens, sed non omnis causa im-  
manens est emanativa: nam  
in causa emanativa tantum duo  
sunt, causa, & causatum; in a-  
ctiva tria sunt, causa, causalitas,  
& causatum: at hæc tria in-  
veniuntur sæpe in causa, imma-  
nente; sic intellectus est causa,  
intellectio, causalitas, species  
intelligibilis, aliis idea, aliis  
verbum mentis, est causatum, &  
tamen intellectus est causa im-  
manens. ]

Quæst. IX. *Quæ transiens?*

Quæ producit effectum extra se. Sic architectus est  
causa domus; qui projicit, causa projecti lapidis.

1. *Causa transiens* dicitur  
quando effectum extra efficien-  
tem abit, sic domus est extra ar-  
chitectum.

[ 2. Circa causam transien-  
tem duo sunt observanda. Pri-  
mum est, ut causa transiens cau-  
satum attingat, vel sua existen-  
tia



tia sive supposito, sicuti aqua abluens manum tali modo attingit manum; vel virtute sive causalitate, quemadmodum ignis tali modo attingit manum, tam calefaciendo, sol aërem, eum illuminando; neque enim ipsum corpus ignis manum, aut corpus solis aërem attingit, sed utriusque tantum virtus, in igne calefaciendi, in sole illuminandi, pertingit vel ad manum, vel aërem: hinc natum est illud axioma, *Nihil agit in distans*, id est, in illud quod tam longe à se est remotum, ut neque sua existentia neque virtute attingere valeat. Alterum requisitum in causa transeunte est, ut illa sit distimilis patienti, vel quoad speciem, vel quoad gradum: sic frigus agit in calorem, ubi est di-

stinctio speciei; vel major calor in minorem, ubi est distinctio graduum.]

[3. Acris est disputatio inter philosophos, utrum aliquid agere possit in distans, id est, an possit agens agendo attingere terminum à se remotum & distantem, sic, ut neque existentia agentis, neque virtus ad illum pertingat. Resp. quod non: nam si objectum eo usque removeretur ac distet ab agente, ut neque existentia, neque virtus agentis eo pertingat nulla dabitur actio: quia in omni actione requiritur ut patiens sive objectum approximetur agenti; at qui nulla erit approximatior, si agens, neque existentia, neque virtute objectum sive patiens attingat.]

### Quæst. X. Quæ est tertia divisio?

Causa efficiens alia libera est, alia necessaria.

### Quæst. XI. Quanam causa dicuntur libera?

Quæ consulto [id est, ex iudicio rationis] causant. Sic, qui pro arbitrato suo ambulat, domum struit, bella gerit, aut aliud aliquid agit, dicitur causa libera istarum rerum quas efficit.

[1. Consulto causare] est agere ex prævio consilio ac rationis iudicio; quo modo agunt tantum causæ rationales, ut Deus, angeli, & animæ rationales. Deus agit ex prævia ratione, non ex consilio proprie, quia non consultat: homines agunt interdum ex prævio iudicio simpliciter, ut dum appetunt finem ultimum; interdum ex præcedenti consilio, cum versantur

circa media indifferentia, quæ non necessario cum fine ultimo coherant. Aliæ omnes causæ agunt necessitate naturæ, à qua instigantur, quia ante actionem non ineunt rationem, an velint agere aut non agere, sed naturæ instinctu ad actionem prouunt: neque enim deliberat ignis, an velit urere, neque etiam iudicat sibi esse urendum, quia ratione caret. Necessitas

naturæ

natura dicitur, quæ oritur ab a-  
liquo principio quam voluntas. Li-  
beritas, quæ causam denominat  
liberam, est potestas faciendi  
quod libet; hoc vero libet quod  
rationi placet; illud rationi  
placet, quod post consultatio-  
nem vel rationem initam, ab  
illa judicatur esse faciendum:  
itaque esse causam liberam,  
tantum cadit in agentia ex rati-  
one, aut prævia consultatione.  
Deus quidem non consultat;  
nam hoc aliquam imperfectionem,  
puta, vel ignorantiam,  
vel dubitationem, in ipso pone-  
ret; at tamen agit ex ratione,  
itaque omnia facit ex consilio  
voluntatis suæ, ad Eph. 1. nam  
sapienter omnia fecit, facitque.  
Præter Deum, non tantum ex  
ratione, sed & ex consultatione  
prævia agunt homines. An &  
consultent angeli, multum dis-  
putari solet: videtur tamen,  
cum non omnia sciant, in illos  
cadere consultatio; agunt sal-  
tem ex præcedaneo rationis ju-  
dicio. In homine vero sunt du-  
o generum actiones; quædam  
sunt ipsi communes cum rebus  
aliis, quædam homini propriæ.  
Quæ sunt prioris generis, circa  
eas interdum est causa libera,  
interdum necessaria: verbi cau-  
sa, quod crescat, quod nutria-  
tur, quod bene vel male valeat,  
quod vitam suam ad certum  
tempus perducatur & non ultra,  
&c. horum omnium causa est  
necessaria; sed quod videatur, au-  
diatur, appetatur, ametur, oderit,  
irascatur, loco se moveatur, vige-  
let &c. harum actionum est  
causa libera: exercet autem eas,

quia vult, & vult, quia judicat  
per rationem: non quod ad sin-  
gulas hujus generis actiones sin-  
gula explicite ferantur judicia,  
neque enim ad singulos motus  
digitorum in clavicymbalo, aut  
ad singulos motus pedum versus  
hunc aut illum locum, singula  
fert judicia homo; sed unum  
tantum generale elicit, in quo  
implicite involvuntur judicia  
specialia ad singulares actio-  
nes requisita. Circa actiones  
vero homini proprias, quales  
sunt intellectus & voluntatis,  
homo semper & tantum est cau-  
sa libera; uti & circa omnes ac-  
tiones quæ ab intellectus judi-  
cio & voluntatis imperio profi-  
ciscuntur, uti sunt omnes actiones  
morales, civiles, domesticæ, fa-  
miliam regere, rempublicam ad-  
ministrare, unicuique suum tri-  
buere, &c.]

2. Illa duo sunt accurate dis-  
cernenda, consilium & judicium  
rationis. Consilium significat de-  
liberationem; sed multa fiunt  
absque deliberatione, & tamen  
libere: appetimus finem ulti-  
mum indeliberate, neque enim  
quisquam deliberat, an velit esse  
beatus; at tamen expetit beati-  
tudinem ex prævio rationis ju-  
dicio; nam non expetit illam,  
nisi ut judicaverit illam esse ex-  
petendam: ad causam tamen li-  
beram plus requiritur quam ju-  
dicium rationis, nam requiri-  
tur insuper consilium, id est,  
consultatio seu deliberatio, quæ  
non cadit nisi circa illa quæ in-  
differenter se habent, qualia sunt  
media omnia quæ non necessa-  
rio cum fine ultimo coherent;

Hinc manifestum est, Deum esse causam liberam, non isto sensu, quasi agat ex consilio, neque enim consultat; sed quia agit ex prævía ratione: nihil enim agit nisi sapienter; at sapientia est aut habitus, aut actus rationis.]

[3. Natura & naturale interdum opponitur violento, interdum voluntati aut voluntario in Ethicis. Dicitur motus hominis delapsi in fossam, quando ex illa extrahitur, motus violentus, quia est contra naturam, principium internum, rei gravis, ut moveatur sursum, & sic ille motus est violentus; sed si spectetur ratione voluntatis ejus qui ex fossa extrahitur, est motus liber, quia

vult extrahi: itaque quantum oriatur à principio externo, scilicet ab extrahente, quia tamen is, qui extrahitur vult extrahi, est motus non necessarius, sed liber.]

[4. Verissimum est, quod omnem actionem voluntatis precedat aliquod rationis iudicium, sed illud est vel explicitum, vel implicitum: explicitum vocatur illud quod fertur in actionibus deliberatis; implicitum dicitur illud quod non quidem ad singulas actiones instituitur, sed quod in genere fertur, & in quo involvuntur atque implicantur iudicia singularia, de actione hac aut illa instituenda.]

### Quæst. XII. Quam dicuntur necessaria?

Quæ causant necessitate naturæ. Sic lapis descendens, ignis ascendens, aut urens materiam idoneam, dicitur causa necessaria motus; aut ustionis.

[1. *Necessitas naturæ*) vocatur, qua corpus aliquod naturale ex instinctu naturæ agit, sine prævia deliberatione aut consultatione, aut rationis iudicio, quo modo lapis necessario tendit deorsum: & distinguitur à necessitate coactionis, quæ est à principio externo cogente, ut cum sur necessario ascendit ad paribulum; & à necessitate determinationis, quæ vel à Deo omnia agentia determinante, quo sensu omnia fiunt necessario quæ fiunt, quia Deus decrevit ea fore, & causas secundas in tempore applicat atque determinat ad ea facienda; vel ab intellectu iudicio determi-

nante voluntatem hominis, quo sensu homo appetit necessario summum bonum, quia intellectus iudicat illud esse appetendum, & ad illud voluntatem determinat. Prima sola necessitas, puta naturæ, libertatem tollit, non item reliquæ. Necessitas actionis libertatem non tollit, quia voluntas cogi non potest, & omnis coactio est in actibus imperatis. Necessitas determinationis libertatem non tollit, quia non tollit voluntatem agentis; nam voluntas consentit in agendo; igitur nec Deus, nec intellectus, determinando voluntatem hominis, hoc efficit, ut homo agens

id ad quod determinatur; agat illud contra voluntatem.]

[2. Vox *necessitas* multis modis sumitur: interdum oritur à principio interno, interdum ab externo. Necessitas quæ hîc intelligitur est à principio interno, quod est ipsa natura, vel materia, vel forma rei. Necessitas quæ oritur à principio externo, libertatem non tollit. Dicitur autem principium externum, quæcunque conditio posita extra ipsam causam, quæ agit necessario: illa vero conditio vel antecedit, vel concomitatur, vel sequitur causam, quæ agit necessario. Quæ conditio antecedit, est vel decretum Dei, vel præscientia ejus, vel concursus prævius: quæ conditio concomitatur causam necessariam, est concursus Dei simulaneus; nam eo præsentem, non potest non fieri, quin causa agat, unde etiam vocatur necessitas temporis præsentis: quæ conditio sequitur causam necessariam, ea facit necessitatem finis; sic necesse est aliquem studere, si velit eruditionem. Omnes autem hæ conditiones, si ve præcedant, si ve concomitentur, si ve sequantur causam necessariam, optime conspirant cum causa libera: nam nulla eorum libertatem tollit, uti quidem facit necessitas interna, quæ ideo vocatur necessitas naturæ; quia natura est principium internum. Quod necessitas actionis dicatur libertatem tollere, id intelligendum est de actibus imperatis, sed non elicitis: vocantur autem actus imperati,

qui à facultatibus inferioribus ex imperio intellectus instruantur; sic videre, & omnes actiones sensuum externorum sunt imperata, quia videmus & sentimus quando volumus, & volumus quando judicamus: actus vero eliciti, sunt ipsum judicium & imperium voluntatis, in quæ non cadit coactio; neque enim cogi potest, ut aliter judicet quam judicat, neque voluntas, ut aliud velit quam vult.]

[3. Præter hominem, angelos, & Deum, reliquæ omnes causæ sunt necessariae. Necessitas autem alia est interna, in ipsis causis, quæ agunt necessario; alia est externa, & aliunde in causas, quæ agunt necessario, derivata. Intelligitur hîc prior, quæ vocatur naturæ necessitas (natura enim est principium agendi internum) non vero posterior, qualis est necessitas coactionis & determinationis divinæ: nam cum quis agit quippiam necessario coactus, id quod ipsum cogit, extra illum est; ita carnifex extra furem est, qui ab eo cogitur ascendere, & coactus ascendit necessario scalas ad patibulum; sic & cum homo agit necessario necessitate determinationis divinæ, uti quando agit illa quæ & Deus decrevit & præscivit, ut ageret, & qui ad agendum ipsum determinat, illa quoque necessitas est à principio extra hominem; neque enim provenit à natura hominis, quæ ipsum ad hoc agendum tantum determinet, quod agit ex necessitate decreti, præscientiæ,

Scientiæ, ac determinationis divini, quia sic auferretur ab ipso potestas non agendi, vel aliud agendi, quod non fit: ideoque, nec necessitas hæc neque prior impedit, quo minus homo fit & maneat causa libera istarum actionum quas agit, coactus ac determinatus à Deo. Sed, neque hinc intelligitur necessitas determinationis factæ à iudicio intellectus humani ultimo, licet sit interna homini, quia externa adhuc est ipsi actioni, quam homo ex illo prævio iudicio instituit: ut cum quis proficiscitur Hagam aut Amstelodamum, quia iudicat pro ratione rerum suarum, omnibus expensis circumstantiis, illud esse faciendum, is, postquam iudicium illud latum est, necessario iter suscipit; non tanen naturæ necessitate, neque enim naturali instinctu determinatur ad hanc actionem; tantam habet enim & servat, etiam cum nunc iter facit, potestatem non faciendi iter, seu illud alio instituendi quam Hagam versus aut Amstelodamum. Sed causæ necessariæ non habent potestatem ullam aut non agendi, aut agendi aliud, quam hoc ipsum quod agunt: ut ignis non habet potestatem frigefaciendi, aut non cale-

faciendi, cum omnia ad calefaciendum sunt requisita, neque namquam deliberat an calefacere velit; sed talem accipit naturam, ut non possit non calefacere, atque ideo dicitur calefacere necessitate naturæ.]

[4. Causæ liberæ libertas consistit in similitate potentia, sed non in potentia simulatis: hoc est, causa libera agit libere, etiam si non possit non agere hoc quod agit, quia habet potestatem & non agendi, & agendi aliud, quam quod agit, in sensu scilicet & tempore diviso; sed non habet causa libera talem potestatem, qua simul agat & non agat, nam hæc potentia simultatis contradictionem implicat; fieri enim nequit, ut aliquid agens simul & agat & non agat, ideoque illa potentia simultatis nullo modo cadit in causam liberam.]

[5. Intellectus, ejusque iudicium, est quidem internum homini, quia est intra hominem: est tamen externum actioni imperatæ, quæ ab homine exercetur: verbi causa, quando aliquis iudicat, esse huc aut illuc eundem, illud iudicium est quidem intra hominem judicantem, & sic ei est internum; attamen externum est respectu ejus abitionis.]

### Quæst. XIII. Quæ est quarta divisio?

Causa efficiens alia est per se, alia per accidens.

### Quæst. XIV. Quid est causa per se?

Quæ producit effectum naturæ suæ, aut consilio consentaneum.

1. *Causa per se* producit effectum *consilio suo consentaneum*, cū est causa libera; & natura sua conveniens, cum est necessaria,

**Quæst. XV. Quid causa per accidens?**

Quæ effectum producit præter consilium, aut naturæ suæ propensionem.

1. *Causa per accidens præter naturæ suæ propensionem*, quando consilium producit effectum) est necessaria, quando est libera; & præter

**Quæst. XVI. Explica rem exemplis.**

Cum piscator pisces capit, dicitur causa per se captura piscium; cum extrahit aureum tripodem, dicitur causa per accidens: illud enim proposuerat, hoc evenit præter consilium. Similiter, cum animal sibi simile generat, dicitur causa per se generati animalis; cum generat monstrum, dicitur causa per accidens: quia hoc accidit præter propensionem naturalem animalis. Dicitur etiam alio modo causa per accidens: sed vide hæc de re Institutiones nostras.

1. Hæc divisio, intelligenda est de causis creatis & secundis, non de prima & increata; scilicet, Deo; nihil enim fit præter Dei intentionem aut consilium: hoc enim si esset, aliquid fieret præter Dei vel scientiam vel voluntatem, quod utramq; in Deo arguit imperfectionem; quicquid enim sit, id Deus & decrevit ut fieret, & scivit fore, antequam fiat: bonum quidem decrevit & scivit fore, sic, ut ipse illud cum creatura faceret; malum vero sic decrevit & scivit fore, ut non faceret, sed ut permitteret tantum fieri à creaturis; & sic Deus nullius, seu rei, seu actionis, est causa per accidens. Mala quidem fiunt contra voluntatem Dei revelatam: hoc est, contra ipsius legem; sed non

præter voluntatem Dei decernentem: sic enim mala eximerentur providentiæ divinæ, quod impium est.

[ 2. Vulgaris est distinctio, apud metaphysicos & theologos, voluntatis divinæ, in voluntatem signi & beneplaciti: priorem vocant revelatam, posteriorem occultam. Voluntas signi aut revelata, dicitur illa, qua Deus significat quid fieri velit ab homine; ac melius diceretur signum voluntatis divinæ: ad hanc pertinent omnes leges verbo Dei expressæ; & contra hanc voluntatem Dei multa fiunt, quando, scilicet, homo illa facit quæ Deus vetat, aut illa non facit quæ Deus jubet. Sed voluntas Dei arcana illa dicitur, qua Deus omnia

decrevit aut ipse facere, aut permittere ut fiant ab homine. Decevit, facit, & ipse facit, ea quæ sunt bona: at mala decrevit quidem ut fierent; non tamen se efficiente, sed permittente tantum: & contra hanc voluntatem arcanam, occultam, decernentem, aut beneplaciti, nihil fit, nec præter eam aliquid fit. Si enim aliquid fieret, sive bonum sive malum, aut præter, aut contra eam, tum aliquid fieret præ-

ter Dei intentionem: atqui illud diceret aliquam imperfectionem in Deo. Si roges, an hac voluntate Deus voluerit aut ordinaverit mala culpæ, seu peccati? Resp. omnino, quia novit ex malis bonum elicere: sunt enim peccata ipsi medium illustrandæ, misericordiæ in condonando, justitiæ in puniendo: si enim peccata permittere non decrevit, non potuisset aut misericordiam suam aut justitiam patescere.

### Quæst. XVII. Quæ est quinta divisio?

Causa efficiens alia est principalis; alia minus principalis.

1. *Causa principalis*) dividitur in univocam & æquivocam. Causa univoca est, quando causa & effectus sunt ejusdem speciei; ut, cum calor efficit calorem, aut mus generat murem, &c. Causa æquivoca est, quando causa & effectus sunt diversæ speciei; veluti cum sol producit mures ex putri materia.

[2. Causa univoca vulgo dicitur effectum suum continere formaliter, quia eadem forma est causæ, quæ est effecti; sic eadem forma est anima sentiens muris

gignentis quæ est muris gentis. Causa vero æquivoca dicitur effectum suum continere eminenter; quia licet non habeat formam eandem quæ est effecti, habet tamen in se virtutem aliquam eminentem, qua formæ effecti productionem attingat: sic licet sol non sit animatus, animæ tamen tum vegetantis tum seminis productionem, tum in plantis tum in brutis, attingit suâ virtute, qua influit in productionem omnium effectuum subcelestium.]

### Quæst. XVIII. Quam vocas principalem?

Quæ sua virtute effectum producit.

1. *Principalis causa*, dicitur sua virtute effectum producere, id est, non tantum virtute quæ in se existit, sed & quæ, nulla causæ secundæ alterius virtute eget ad causati productionem: sicut, ex opposito, causa dicitur

minus principalis, quæ egeat præsentia & virtute alterius causæ secundæ. Dico notante alterius causæ secundæ; quia causa secunda, sive principalis minus principalis, eget virtute causæ primæ ad operandum: id



Deo enim non tantum sumus & vivimus, sed & movemur.

2. Vocula ista *sua* significat non tantum aliquem agendi virtutem inesse causæ principali, nam & illa inest instrumentis singulis, sua, cultro scindendi, penicillo pingendi, calamo scribendi, &c. nec tantum notat, causas principales habere virtutem sibi propriam, licet dependentem à Deo; sed significat, virtutem causæ principalis non dependere à virtute alterius causæ secundæ: cujus contrarium videre est in causis instrumentalibus, quæ licet habeant in se virtutem existentem, atque etiam dependentem à Deo; insuper dependent à virtute causæ alterius secundæ, sine cujus præsentia & auxilio operari non possunt: quemadmodum nec culter scindere, nec calamus scri-

bere potest, etsi habeant virtutes in se & scindendi & scribendi, nisi insuper, præter Dei concursus, applicentur atque adjuvantur à manu scindentis, scribentis, causæ secundæ.

[ 3. Errant, qui causam principalem definiunt, quæ virtute independenti effectum producit: sic enim solus Deus foret causa principalis, utpote cujus virtus à nullo dependet; & creaturæ omnes forent causæ instrumentales, aut minus principales, quia virtutem habent dependentem à Deo: atqui hoc absurdum est, ut nulla creatura sit causa principalis actionis suæ, & effecti: ideoque ad rationem principalis sufficit, ut habeat virtutem non dependentem ab alia causa secunda, licet omnis creaturæ virtus dependeat à causa prima, nempe Deo. ]

### Quæst. XIX. Quam minus principalem?

Quæ principali causæ inservit ad effectum producendum.

### Quæst. XX. Quotuplex est causa minus principalis?

Triplex; causa procatartica, causa proegumena, & instrumentum.

### Quæst. XXI. Quam vocas causam procatarticam?

Quæ causam principalem efficientem extrinsecus incitat ad agendum.

1. Ad causam procatarticam referri quoque debet objectum, quando movet potentias cognoscences, intellectum aut sensum; ut cum color movet visum ad videndum: nam quando movet potentiam appetentem, re-

ferri debet ad finem; ut cum bonum, scilicet, esca, movet voluntatem ad sui appetitionem.

2. Objectum est vel terminativum, vel motivum. Priori modo dicitur, quatenus est terminus actionis cujuscunque, &c

sic pertinet ad adjunctum ; sic tabula est obiectum pictoris, in quantum pingendo terminatur in tabulam. Motivum dicitur, quatenus non tantum terminat actionem agentis, sed movet insuper agentem ad operandum : atque tum refertur vel ad causam efficientem, cum illud movet potentias cognoscentes, sic dicimus vulgo, *objecta movent sensus* ; vel ad finem, ut cum dicimus, eruditio movet studiosum ad studendum. Primo sensu ut motivum, huc ad causam pertinet procatarthica.

[ 3. Obiectum motivum nunquam tribui debet Deo; nam ille a nullo obiecto extra vel impellitur, vel incitatur, vel movetur ad agendum : at obiectum terminativum impune ei tribui potest, sic obiectum divinæ creationis est hic mundus ; quia creando in ipsum terminatur. ]

4. *Causæ procatarthice* quoque species est causa moralis, quæ agit suadendo vel dissuadendo : sic causa moralis lapsus primorum parentum fuit serpens, aut diabolus.

5. Recepta est divisio causæ efficientis in physicam & moralem. Physica dicitur, quæ reali & naturali virtute effectum producit, ut ignis calorem : moralis dicitur, quæ vel activa applicat passivis ; ut si quis ignem

sumat, & admoveat tecto stramineo, est causa combustionis non physica, quasi ipse sua virtute naturali ædes comburat, sed moralis, quia ignem, principium activum combustionis, applicat tecto stramineo, principio combustionis passivo ; vel quæ agit hortando & dehortando, & per rationes motivas, ut David fuit causa moralis occisi Uriæ ; non quod physice sua naturali virtute ipsum occiderit, sed quia hortatus est Joabum, ut ipsum collocaret in prima acie : & sic dicunt jurisconsulti, quod quis per alium facit, per se ipsum facere censetur : posteriori modo hæc pertinet. ]

[ 6. Utilissima est divisio causæ efficientis in physicam & moralem, circa arduam questionem de conversione hominis ad Deum : nam quæri hic solet, siue Deus causa moralis, an physica conversionis nostræ, hoc est, an Deus tantum proponat media, ut hortationes, monita, consilia, de nobis convertendis, an vero ipsam conversionem in nobis operetur, posterior sententia vera est : neque enim Deus tantum nos hortatur, ut nos convertamus ; sed ipse nos convertit, intellectum illuminando, voluntatem renovando ; nam operatur in nobis, & velle, & perficere. ]

Quæst. XXII. *Quam proegumenam ?*

Quæ causam principalem intus disponit, vel etiam pro-  
ritat ad agendum.

1. *Causa proegumena* bonarum & malarum actionum, sunt affectus boni vel mali : quemadmo-

dum bonæ vel malæ valetudinis causa proegumena, est bona vel mala corporis temperatura.

Quæst.

Quæst. XXIII. *Quid est instrumentum?*

Quod causæ principali in ipsa rei effectiōne subservit.

1. Melius definitur, quod à causa principali secunda adjuvatur, elevatur, applicatur ad effectum, quod sola attingere non valet: neque enim calamus ex se solus scribere potest, nisi à manu ad scribendum adhibeatur ac promoveatur.

2. Notandum est, omne instrumentum producere effectum se nobilius, & quod se solo attingere nequit: causa vero principalis effectum producit, vel se igno-

bilis, vel sibi par atque æquale.

3. Causæ instrumentali sua quoque inest virtus qua operatur, quæ in diversis instrumentis est diversa; in cultro ad scindendum, in securi ad findendum: nulla tamen ex se sola est sufficiens ad effecti productionem, sed, præter influxum causæ primæ, indiget adiumento alterius causæ secundæ, à quo ad operandum applicetur. Ac principalis solius causæ primæ influxu eget.

Quæst. XXIV. *Declara hanc divisionem exemplo.*

Causa principalis ædificii, est architectus sive faber; causa procatarctica, merces, aut is qui mercedem pollicetur; causa proegumena, lucri cupiditas; instrumenta, serra, securis, &c.

Quæst. XXV. *Quæ est sexta divisio?*

Causa efficiens, vel est prima, vel secunda.

Quæst. XXVI. *Quæ causa dicitur prima?*

Quæ non pendet à causa priore. Estque vel absolute prima, [qua non datur prior in universum] ut, *Deus*; vel prima in suo genere [creaturarum, qua datur prior in alio genere entis increati] ut, *cælum, anima*. Deus enim est prima causa omnium rerum: cælum est prima causa motuum ac mutationum naturalium & animalium; anima prima causa operationum vitalium; non absolute, sed in genere causarum naturalium.

1. Causa secunda seu inferior, pendet à prima seu superiori tribus modis; vel quoad entitatem, id est, essentiam & existentiam, vel quoad causalitatem, vel quoad utrumque. Primus

modus est, cum causa prima largitur secundæ quod sit; secundus modus, cum ei largitur quod operetur; tertius modus, cum illi largitur utrumque: si-  
lius dependet à patre primo modo;

do; calamus in scribendo à manu, secundo modo; creatura à Deo, tertio modo.

2. Quia nulla creatura potest seipsam producere, in tantum dependet à causa prima, quæ facit illam omnem esse: sed nulla quoque creatura potest seipsam traducere in actum, & potentiam agendi, sic, ut postea operetur, cum ante non operaretur; in Deo enim & ab eo omnia moventur, quia facit ut omnis creatura se moveat, eam præmovendo: sed nec creatura potest seipsam in suo esse, quod accepit à Deo, vel ad momentum conservare: ideoque non tantum quod sit, & quod operetur, Deo debet; sed etiam quod duret ac perseveret. Et hæc est triplex creaturæ indigentia, quæ indicatur commentario ultimo hujus quæstionis.

3. *Causa absolute prima* definitur, *qua in universum* aut totum, *nulla datur prior*: in suo genere prima dicitur, *qua datur aliis prior in alio genere* operationum. Sic in genere operationum supernaturalium, aut fidei aut respiciendæ, & immaterialium, ut intellectus aut volitionis, datur prior causa cælo, scilicet ipse Deus.

4. *Mutationes naturales* vocantur, quæ non pendent à voluntate hominis, sed à natura, prout opponitur voluntati rei cujusque per certas causas operantis: ut, quod planta crescat vel exarescat, est operatio plantæ naturalis; item quod sol ab oriente moveatur in occidentem, est actio naturalis solis.

5. Natura interdum opponitur arti, interdum vi, interdum voluntati. Primo modo corpus naturale distinguitur ab artificiali: estque illud, quod producit ab agente naturali, quod modo producitur planta; hoc, quod ab artificiali, quod modo domus producit ab architecto. Secundo modo motus dividitur in naturalem & violentum: priori sensu dicitur, qui oritur à principio interno, scilicet forma, ut cum lapis naturaliter, sponte sua, movetur deorsum; posteriori sensu dicitur, qui oritur à principio externo, ut cum lapis movetur sursum, à manu projicientis. Tertio modo dicitur causa agens necessitate naturæ, naturalis; & causa libera, voluntaria: uti hoc explicatum est quæstione hujus capituli duodecima: atque hoc tertio sensu hic sumitur, ut *mutatio naturalis* dicatur omnis motus qui producit ab ulla causa, quacunque demum, præter voluntatem hominis.]

6. *Mutationes* sive actiones materiales) sunt, quæ proficiuntur à corporibus, scilicet ab anima vegetante & sentiente, formis corporum materialibus; ut sunt, ambulare; videre, crescere, &c. immateriales sunt, quæ proficiuntur ab anima immateriali, scilicet rationali, ut intelligere, velle: harum actionum causa non est cælum, quod non influit in voluntatem aut intellectum hominis.

7. *Operationes vitales*) dicuntur, quæ proficiuntur à principio vitæ, id est, anima: ut nutrire,

iri, sentire, ratiocinari: contra, descendere deorsum in lapide est actio non vitalis, quia lapis non habet animam qua vivat.

8. Actio Dei, ut causæ primæ, est vel creatio, qua omnia dependent à Deo, dum sunt; vel conservatio, qua creaturæ dependent à Deo, dum fiunt; vel concursus sive cooperatio, qua causæ secundæ dependent à Deo, dum operantur.

9. Triplex est creaturæ omnis indigentia ob quam triplici modo dependet à Deo: primum, nulla creatura potest seipsam producere, nihil enim est causa sui ipsius; ideoque indiget alio à quo producatur, qui est Deus; deinde, nulla creatura potest seipsam vel ad momentum temporis conservare, si enim posset ad unum momentum, cur non ad plura? si ad plura, cur non ad aliquod tempus? si ad aliquod tempus, cur non in æternum hoc præstare valeat? ideoque indiget alio à quo conservetur, qui iterum est Deus; sed & nulla creatura est primum sui movens, ideoque indiget alio à quo ad agendum, cum ante non ageret, applicetur, &, ut lo-

quantur, à potentia ad actum traducatur, qui iterum non est alius quam Deus. Primus modus dependentiæ creaturarum à Deo dicitur creatio, secundus conservatio, tertius cooperatio sive concursus. [Creatio immediata est, cum aliqua res produciatur & ex nihilo subiecti, & ex nihilo termini: creatio mediata est, cum aliquid produciatur ex nihilo termini, non subiecti.]

[10. Creatio immediata fit ex nihilo subiecti, quando ipsum subiectum creatione produciatur (dicitur aliis fieri ex nihilo materiæ); sic Deus creavit cælum & terram immediata, quia nullum subiectum sive materia, utriusque creationem præcessit: at creatio fit mediata, cum eam præcedit aliquod subiectum sive materia, attamen nihil præcedit ipsius termini ad quem creandi, in materia aut subiecto: unde dicitur ista creatio fieri ex nihilo termini, vel sui, vel rei creandæ; quo modo creatus est Adam, cujus creationem præcessit gleba terræ, tanquam materia & subiectum creationis ejus, attamen nihil Adami creandi inerat in ista gleba terræ.]

### Quæst. XXVII. Quenam dicuntur causa secunda?

Quæ pendent ab aliqua priore causa: idque vel à causa absolute prima (sic omnes causa creata secundæ causæ dicuntur;) vel etiam à causa priore in suo genere; sic instrumentum dicitur causa secunda respectu causæ principalis,

### Quæst. XXVIII. Quæ est septima divisio?

Causa efficiens alia est universalis, alia particularis.

Quæst.

Quæst. XXIX. *Quid est causa universalis?*

Quæ, eadem efficientia cum aliis causis concurrat ad plura specie effecta; ut, *cælum*.

1. *Causa universalis* dicitur ad productionem viventium & concurrere ad plura effecta, quia non-viventium. Per efficientiam concurrat ad plures species effectuum; sicut *cælum* concurrat intelligitur virtus aut causalitas efficientis.

Quæst. XXX. *Quid particularis?*

Quæ sua efficientia tantum unum [non numero, sed specie] effectum producit; ut, *natura cujusque rei naturalis*.

1. *Particularis causa effectum producit tantum unum, non numero, sed specie*: ita pater est causa particularis, licet pater producat plures numero filios, quia tantum producit homines, & non alias species corporum naturalium; sic ignis tantum producit calorem & non frigus, &c.

[2. Quando causa universalis & particularis concurrunt ad eundem numero effectum, denominatur effectus tamen à causa particulari tantum, non ab universalis; quia particularis ad istum effectum solum, universalis ad plura aliarum specierum effecta concurrat: ideoque licet Deus, ut causa universalis, & homo, ut particularis, concurrant ad ambulandum, item Deus & ignis ad comburendum; non tamen Deus dicitur ambulare aut comburere, sed homo ambulare, & ignis comburere, quia

homo tantum ambulat, ignis tantum urit, nec homo ad urendum, nec ignis ad ambulandum concurrat: sed Deus & ad ambulationem hominis, & ad ustionem ignis, & ad omnes causarum actiones, eadem efficientia concurrat.]

[3. Hoc commentario veri ratio indicatur, cur, cum causa universalis, ut Deus, concurrat ad omnes omnino actiones omnium causarum, non tamen ab his denominetur, neque enim dicitur, aut ambulare cum homine, aut urere cum igne. Alii hanc causam dant, quia Deus, causa universalis, non potest informari ab ambulatione & ustione, ut quidem homo ambulans & ignis urens ab illis informantur, sed hæc ratio non tam est solida, quia valde improprie homo ambulans, & ignis urens, dicuntur à suis actionibus informari.]

Quæst. XXXI. *Quæ denique est octava & ultima divisio?*

Causa efficiens alia est proxima, alia remota.

Quæst.

Quæst. XXXII. *Quanam dicitur proxima?*

Quæ effectum producit immediate, sive, quæ ipsa cum effectu conjungitur; vel ratione existentia suæ, vel ratione virtutis, vel ratione utriusque. Quarum, quæ sua existentia cum effectu conjungitur sine ulla virtute media, speciali appellatione *proxima* dicitur, [estque sola emanativa.

*Causa* dicitur duobus modis *proxima*.

[1. Vel absolute, inter quam & effectum nihil intercedit medium, nec causa alia alterius, nec causa ejusdem ordinis aut speciei, nec causalitas virtus agendi, nec conditio ad causandum requisita, uti est approximatio patientis ad agens: & talis est sola causa emanativa, uti anima rationalis respectu potentia intelligendi & omnis forma respectu proprietatis.]

[2. Vel dicitur causa proxima in suo genere, inter quam & effectum non intercedit alia causa ejusdem ordinis aut speciei, licet intercedat causa alterius ordinis, causalitas, & conditio ad causandum requisita: sic pater est causa proxima filii, licet ad filii productionem quoque, concurrat mater, sed ut principium passivum, non activum, sicuti pater; licet concurrat semen utriusque, ut instrumentum; licet & ipsa generatio, ut actio; & conditio ad productionem filii requisita. Sensu secundo & posteriori hinc in quæst. 32. sumitur *causa proxima*.]

[3. Tres sunt modi, quibus causa aliqua proxima conjungitur effectu: 1. existentia, qualis est sola emanativa, quia inter

hanc causam & effectum nulla intercedit alia causa media, nec alia causalitas, nec aliquid quod cogitari potest; sed ipsa existentia causæ, sine ullo medio est ratio producens effectum, ideoque existentia causæ emanativæ & effecti immediate conjunguntur.

2. Causa proxima conjungitur effectu quoad virtutem tantum; sic, ut existentia causæ non conjungatur existentia effecti, sed intercedat inter causam & effectum media causalitas atque actio, imo interdum alia causa diversi ordinis, hoc est, vel diversi generis vel diversæ speciei: diversi generis, ut, cum præter efficientem, concurrat materia; diversæ speciei, ut, cum præter causam principalem, concurrat instrumentalis ad effecti productionem. 3. Conjungitur causa proxima effectu & existentia & virtute, quando causa sua existentia attingit existentiam effecti, & simul sua virtute. Primi modi exemplum est anima rationalis, causa proxima & emanativa, & risibilitas, effectum; atque hujusmodi causa proxima dicitur causa proxima absolute. Secundi modi exemplum est pater, causa proxima filii, licet intercedat causa proxima alterius ordinis, id est,



est generis; nimirum in genere causæ materialis, semen utriusque parentis; in genere causæ formalis, anima rationalis: & architectus est causa proxima extructarum ædium, licet intercedat inter ipsum, ut causam efficientem principalem, & inter ipsas ædes. tanquam effectum, causa alterius ordinis & alterius speciei, scil. instrumentalis, nempe alii fabri, ejus ministri, & serra, securis, malleus, & cætera instrumenta; atque hæc dicitur causa proxima in suo ge-

nere. Tertiū modi exemplum est Deus, causa proxima omnium operationum & effectuum, & existentia & virtute sua: nam Deus intime conjungitur omnibus causis secundis operantibus, & quoad existentiam, nam quia immensus est, nullibi includitur, nullibi excluditur; & quoad virtutem suam, quia ejus virtus & potentia ad omnia se extendit, est enim omnipotens, juxta verbum, cum.

*Enter, præsentem Deum est, & ubique potenter. ]*

### Quæst. XXXIII. Quæ remota?

Quæ effectum producit media causa propinquior, five, quæ neque existentia, neque virtute sua cum effecto conjuncta est.

### Quæst. XXXIV. Da exempla.

*Avus* est causa remota *nepotis*, *pater* est causa proxima *filiis*; sed appellatione generali, causæ emanativæ sunt causæ proximæ; appellatione speciali, causæ proximæ absolute.

1. Sic anima rationalis est causa proxima absolute risibilitatis, & ignis, caloris, qui est in se; quia inter causam hanc utramque & effectum utriusque, nihil intercedit medium, sed utraque causa conjungitur effecto suo, existentia. *Avus* neque existentia, neque virtute attingit productionem *nepotis*, & inter eum

& nepotem intercedit *pater*, causa propinquior; ideoque *avus* est causa remota *nepotis*: at *pater*, non quidem existentia, sed virtute generandi attingit productionem *filiis*, & non intercedit causa propinquior, qualis est *pater*; ideoque est causa proxima *filiis*; sed in suo genere.

## CAPUT XVIII.

### Quæst. I. Quid est finis?

**F**inis est causa, cujus gratia res est; hoc est, quæ sui amore incitat causam efficientem ad agendum, & ad consecutionem

tionem sui. Sic eruditio dicitur finis studiorum, quia studiosus eruditionis amore impellitur ad studendum. Hic impulsus vocatur *motio metaphorica*.

1. *Finis*) est causa externa, & efficiens. Ejus nota & signum est præpositio propter: propter finem enim quodvis causatum producit. Finis tamen ipse, causatum non attingit immediate, sed media causa efficiens: est enim finis, causati causa, quatenus efficientem movet ad agendum: unde finis causalitas dicitur *motio metaphorica*, quia, sicut metaphora denotat significationem vocis impropriam; sic hæc motio metaphorica finis, respectu causati est motio impropria, quamvis respectu efficientis sit motio propriissima. Et causa, inhabitatio refertur ad efficientem, quem movet & impellit ad ædificandum: hic motus & impulsus est verus ac proprie dictus; nam inhabitatio vere ac proprie movet & impellit efficientem ad ædificandum: sed si inhabitatio refertur ad domum, dicitur causalitas ejus (qua domus productionem attingit tanquam finis ejus) motio metaphorica; quia domus productio est ab inhabitatione per efficientem, quem movet, quem impellit.

2. *Finis* dupliciter spectari potest: velut intentus, vulgo in intentione; vel ut obtentus, vulgo in executione. Finis intentus dicitur, qui nondum possidetur; sed propter quem possidendum media adhibentur: atque hic solus est causa. Finis obtentus dicitur, qui jam per me-

dia est acquisitus, sic ut media non amplius adhibeantur: & ille est effectum, non causa. Sic, verbi causa, sanitas nondum accepta, & intenta ab ægro & medico, est causa propter quam adhibeantur medicamenta: sed cum nunc medicamentorum & medicorum usu est comparata: non amplius est causa propter quam medicamenta adhibentur, nam illa tunc cessant; sed potius est effectum ipsius medici, ab ægro ante, sed nunc sano, obtentum & possessum.

[ 3. Quia omne bonum spectari potest, vel ut intentum ac nondum acquisitum, vel ut obtentum & acquisitum, atque omnis finis bonus est; etiam finis spectatur vel in intentione, vel in executione. Quando autem dicitur omnis finis bonus, id intelligendum est cum gemina distinctione, & finis, & boni, hoc sensu scilicet: omnis finis, vel ultimus vel subordinatus, est bonus vel vere, vel apparenter. Quis sit finis ultimus vel subordinatus, explicatur questione tertia ac quarta hujus capituli. Bonum autem verum dicitur, quod tale est quale esse apparet; bonum autem apparens tale non est quale apparet: furtum apparet furi bonum, non tamen est tale; virtus & est, & apparet bona.]

[ 4. Nullus finis movet efficientem, nisi cognoscatur; non tamen semper cognoscitur ab illa

illa efficiente causa quam mover. Nempe duum generum sunt causa efficientes: quædam cognoscunt, quædam non item, quæ cognoscunt, vel sensu utuntur vel ratione: sensu, ut bruta; ratione, ut homines, angeli, Deus. Non cognoscunt plantæ & res inanimæ, seu simplices, ut cælum & elementa; seu mixtæ, ut meteora & mineralia: omnes tamen istæ res agunt propter finem cognitum, non à se, sed à Deo, à quo ad finem singulis præfixum per divini numinis providentiam diriguntur. Bruta cognoscunt finem, propter quem agunt, materialiter, non formaliter, hoc est, cognoscunt rem quæ est finis, sed non qua est finis, id est, non cognoscunt rationem & relationem mediõrum ad finem, finis ad media; hoc enim altioris est ordinis, quam ut à sensu percipi valeat, atque soli intellectui patet: ideoque homines, angeli,

Deus, cognoscunt finem formaliter, hoc est, non tantum rem quæ est finis, sed & qua est finis, id est, cognoscunt rationem & relationem mediõrum & finem, & finis ad media.]

[5. Cum finis dicitur movere efficientem, sensus est, quod moveat appetitum efficientis, qui duplex est: unus innatus seu naturalis, qualis est in rebus inanimatis & plantis; alius elicitus, qui iterum est duplex: vel sensitivus, sic dictus, quia eo nihil appetitur, nisi quod sensibus primo fuerit perceptum, & reperitur in brutis; vel rationalis, sic dictus, quia eo nihil appetitur, nisi quod ratione prius fuerit cognitum ac dijudicatum, & reperitur in homine, angelis, Deo, diciturque una voce, *voluntas*. Finis movet appetitum & rationalem in homine, & sensitivum in brutis, & naturalem in rebus omnibus aliis.]

## Quæst. II. Quotuplex est finis?

Duplex; subordinatus, & ultimus.

1. Est & alia divisio finis, in finem cuius, & cui.

2. *Finis cuius*, est id ipsum quod expetitur; ut, *sanitas à medico*.

3. *Finis cui*, est id in cuius gratiam aliquid expetitur; ut, *eger respectu medici*.

4. *Finis cuius*, est res expetita & intenta: *finis cui*, est persona propter quam & expetitur & in-

tenditur. *Finis cuius*, proprie est causa, & magis quam finis cui.

5. In rebus creatis finis *cuius* est ignobilior fine *cui*, & finis *cui* nobilior fine *cuius*; ita *eger* est nobilior *sanitate*: sed cum finis *cuius* est ipse *Deus*, finis *cui* homo, à quo tanquam summum bonum expetitur, finis *cuius* est nobilior fine *cui*; nam *Deus* est nobilior *homine*.

## Quæst. III. Quid est finis subordinatus?

Qui refertur ad finem ulteriorem, [ & vulgo vocatur medium. ]

1. Medium omne, quia quoque finis est, licet subordinatus, bonum est; verum non bonitate sua sed bonitate finis ultimi ad quem ordinatur: sic potio amara, quæ est medium recuperandæ sanitatis, per se non est bona, id est jucunda; attamen fit bona, quia bona seu jucunda est valetudo quæ per eam recuperatur.

## Quæst. IV. Quid ultimus?

Qui non refertur ad ulteriorem.

1. Hoc utrumque intelligendum est de fine spectato in executione, qui vocatur, quando jam post media executioni mandata, est acquisitus, vel per eam etiamnum acquiritur; opponiturque fini in intentione, qui ante actionem efficientis intenditur: sic sanitas in ægro, ante usum medicamentorum, est finis in intentione, quia simpliciter expectitur; sed cum medicamenta usurpantur ab ægro, est finis in

executione; quia sanitas jam executioni mandatur.

2. Finis in intentione: vulgo dicitur, qui nondum est obtentus, sed tantum intentus ab efficiente; estque proprie causa, quia propter eum obtinendum agit efficiens. Finis in executione est is qui nunc obtinetur ab efficiente, estque effectum ejus. Priori modo eruditio est finis studiosi, quamdiu eam non possidet; posteriori modo, cum eam jam possidet

## Quæst. V. Quot modis dicitur finis ultimus?

Duobus modis. Vel enim finis absolute ultimus est, ut felicitas: vel in suo genere; sic cognitio veritatis est ultimus finis Logicæ.

1. Cum felicitas dicitur finis ultimus, intelligi potest vel ultimus in hac vita, vel ultimus post

hanc vitam: utroque modo hic intelligi potest.

## CAPUT XIX.

## Quæst. I. Quid est subiectum?

Subiectum est, cui aliquid præter essentiam [ id est extra essentiam, non supra, non contra ] adjungitur; ut essentiam subiecti nec producat, nec constituat, nec extoro, nec ex parte. ]

[1. *Essentia*] hinc idem est quod natura: diciturque aliquid vel secundum essentiam aut naturam; vel supra eam, vel contra eam, vel præter eam: quæ quatuor loquendi rationes accurate debent discerni. Illud dicitur secundum essentiam aut naturam, quod eam vel producit naturaliter, vel eam constituit: illud dicitur supra essentiam aut naturam, quod supernaturali potentia Dei producit: illud dicitur contra essentiam aut naturam, quod illam destruit ac tollit: illud dicitur præter essentiam aut naturam, quod ei & productæ & constitutæ supervenit, sive naturaliter sive supernaturaliter, & eam non destruit, sed perficit; in ipsa tamen non includitur, nec ex toto, nec ex parte, & hoc quarto modo dicitur subiecto præter essentiam adjungi adjunctum: nam nullum adjunctum essentiam aut naturam sui subiecti producit aut constituit, & nullum in illa includitur, nec ex toto, nec ex parte, quod patet incedenti per omnes subiecti & adjuncti divisiones (unum exemplum adferam pro omnibus: risibilitas adjunctum est hominis, & quidem proprium, quod quidem essentiam ejus immediate sequitur; ei tamen præter essentiam adjungitur, quia nec essentiam hominis producit, nec productam constituit, nec in illa includitur, nec ex toto, ut species in individuo, nec ex parte, ut genus aut differentia in specie) nec est contra naturam hominis, quia

eam non destruit, sed perficit: nec supra naturam, quia nulla actione Dei supernaturali homini advenit, sed simul cum homine producit.

2. *Subiectum*) de quo hic sermo est, distinguendum est à subiecto quod est pars prior in enunciatione: hinc opponitur adjuncto ibi prædicato.

[3. Multa sunt subiecta prædicati, quæ non sunt subiecta adjuncti. De quibus enim aliquid prædicatur falso, ut, homo est lapis; negatæ, ut homo non est equus; essentialiter, id est, ut prædicatum sit vel tota essentia, vel pars essentia subiecti, vel aliquid ad eam producantem conferat, ut, homo est animal, est rationalis, est vivens, est substantia, &c. ea sunt subiecta quidem prædicati, sed non item subiecta adjuncti: hoc enim est, de quo aliquid vere affirmatur præter essentiam, id est, ut in ejus essentia contineatur, nec eam producat: quod tali modo prædicatur, adjunctum dicitur. Exempli gratia, hominum esse brevem, procerum, doctum, indoctum, non continentur in essentia hominis, nec ex toto, nec ex parte essentiam subiecti constituunt, nec eam producant, idque hæc sunt adjuncta hominis, & quando de eo enunciatur, simul prædicata: at in prioribus enunciationibus inveniuntur, prædicata non adjuncta; & subiecta in enunciationibus illis sunt subiecta prædicati prædicationis, denominationis, aut axiomatice, non item adjuncti, inhesionis, adhesionis, aut copulæ.]

[4. *Quantum*

[ 4. Quantum discriminis est inter thema simplex & complexum, tantum quoque est inter subiectum quod refertur ad adjunctum, & est affectio thematis simplicis, & inter subiectum quod refertur ad prædicatum, & est pars thematis complexi; uti videre est cap. 27. Ac discrimen in eo situm est; quod non omne subiectum prædicati, sit etiam subiectum adjuncti, licet omne subie-

ctum adjuncti quoque sit subiectum prædicati: Nempe tres sunt casus, in quibus aliquid est subiectum prædicati, non item adjunctum prædicati, non item adjunctum; scilicet cum aliquid prædicatur de subiecto vel falso, vel negare, vel essentialiter, hoc est, ut prædicatum sit vel tota essentia, vel pars essentiae subiecti: tum quidem id de quo sit prædicatio, est subiectum prædicati, sed non potest dici subiectum adjuncti. ]

Quæst. II. Quid est adjunctum?

Quod alicui præter essentiam adjungitur.

Quæst. III. Quot modis dividitur adjunctum?

Tribus potissimum modis.

Quæst. IV. Quæ est prima divisio?

Adjunctum, aliud est proprium, aliud commune. Hæc divisio ex iis quæ ante dicta sunt satis intelligitur.

1. Adjunctum proprium est proprium quarto modo: adjunctum commune est accidens prædicabile.

Quæst. V. Quæ est secunda divisio?

Adjuncta, alia absoluta sunt, alia limitata.

Quæst. VI. Quenam sunt adjuncta absoluta?

Quæ subiecto simpliciter ac sine limitatione conveniunt; ut, hominem mortalem esse.

[ 1. In hoc exemplo, mortalem esse significat solutionem corporis ab anima possibilem: si enim mortalitas hic significaret nudam tantum corruptibilitatem, seu resolutionem in partes materię, non foret adjunctum ab-

solutum; quia hæc homini tantum convenit secundum corpus, uti immortalitas ei competit secundum animam. ]

2. Limitatione, seu restrictione, seu distinctione.

Quæst. VII. Quæ limitata?

Quæ subiecto conveniunt secundum quid; ut, hominem immortalem esse.

1. *Secundum quid*) id est, secundum aliquam partem, naturam, circumstantiā loci vel temporis; una voce, *quadantenus*.

[ 2. Nunquam licet adjunctum absolutum enunciare de subiecto limitatè, nec adjunctum limitatum de subiecto absolute, nisi per tropum, ac synecdochē partis, & figuratum loquendi genus; quales sunt enunciationes quædam in sacris, in quibus, mori, pati, crucifigi, quæ sunt adjuncta limitata, Christo competentia secundum naturam humanam, enunciantur tamen de ipso toto Christo, non tantum simpliciter, sed & ab altera quoque natura, scilicet divina, denominato: ut cum dicitur, Dominus gloriæ crucifixus, & Deus redimere ecclesiam suo sanguine; ubi, nè falsitatis arguatur verbum Dei, coniungendum est necessario ad tropicum, & synecdochicum, & figuratum loquendi genus. Cavendum tamen est, ne hæc attributa de altera Christi natura enuncientur in abstracto; neque enim licet dicere, natura divina aut Deitas in Christo est passa, mortua, aut crucifixa; aut natura humana, aut humanitas Christi est ubique. ]

[ 3. Sed ut hoc negotium dextre intelligatur, notandum est, quod liceat adjunctum limitatum enunciare de subiecto absolute, modo id intelligatur & explicetur de subiecto secundum certam partem spectato, quatenus est pars subiecti totius: sic totus homo dicitur intelligere, videre, esse magnus,

quamvis non intelligat nisi secundum animam rationalem, nec videat nisi secundum sentientem, nec sit magnus nisi secundum corpus, quia hæc omnia attribuuntur homini secundum partes illas, quatenus sunt partes ejus. Non tamen licet adjunctum unius partis enunciare de parte altera; neque enim licet dicere, anima est magna, aut corpus intelligit: sic non licet dicere de Christi natura divina, quod illa sit passa aut mortua, aut de humana, quod sit ubique; licet bene dicatur de toto Christo simpliciter, Christus est passus, mortuus: imo amplius, licet dicere, Christus homo est ubique, non tamen qua homo; & Christus Deus est passus, non tamen qua Deus; quia attributum unius naturæ potest enunciari de Christo denominato ab altera natura in concreto, nunquam tamen de ipsa natura altera in abstracto, unde sequitur, non esse idiomatum, id est, proprietatum communicationem realem, qua attributum unius naturæ transfundatur & transeat in naturam alteram; sed communicatio tantum est verbalis, quæ fundamentum habet in arctissima unionē istarum duarum naturarum; quemadmodum vultur, attributum ignis, tribuitur toti ferro ignito, ob intimam ignis & ferri unionem. ]

[ 4. Doctrina de adjuncto limitato & absoluto insignem habet usum in loco communi de persona & naturis Christi, divina & humana. Dicimus in Symbolo



bolo Apostolico, *Credo in Jesum Christum, natum ex Maria Virgine, natum, passum, sepultum, &c.* hæc omnia credimus & enunciamus de Christo absolute, & tamen sunt adjuncta limitata, quæ Christo non competunt nisi secundum naturam humanam; nam secundum naturam divinam nec nasci potuit, quia ab æterno est, multo minus mori, aut sepeliri: imo amplius, non tantum Christus, qui est subiectum limitatum passionis, absolute dicitur passus, sed dicitur Christus Deus passus, quia sanguine suo ecclesiam redemit; at, ut Deus, nullum habet sanguinem. Quid igitur? an passio & effusio sanguinis, proprietas naturæ humanæ (hæc enim sola & pati potest & sanguinem habet) transfusa est in naturam divinam, & ei revera communicata, quæ vulgo dicitur communicatio realis? minime gentium; quamvis hoc multi velint, ut sic ab altera parte defendant ubi-quitatem proprietatem na-

turæ divinæ, quæ ipsa transfunditur in naturam humanam Christi, eique communicatur communicatione reali: sed & hoc quoque falsum est, & utrumque refutari potest ex c. 13. hujus libri, quæst. 3. commentario penultimo, & ex iis quæ super eo dictavimus. Roget quis, cur igitur pati, & sanguinem fundere, enunciat de Christo Deo, & sic quoad verba saltem communicatur naturæ divinæ? Resp. ista verbalis communicatio sic propter arctissimam utriusque naturæ in eadem Christi persona unionem; & quod notandum est bene, nunquam pati aut sanguinem fundere enunciat, nec enunciari potest, nec debet, de natura divina Christi, sed quidem de Christo Deo: at hæc longe differunt; Christus Deus est concretum, natura Christi divina est abstractum; at non licet statim enunciare de abstracto quæ enunciantur de concreto: ]

### Quæst. VIII. Quæ est tertia divisio?

Adjunctum aliud est internum, aliud externum.

### Quæst. IX. Quid est adjunctum internum?

Quod subiecto inhæret.

1. Subiectum adjuncti interni vocatur subiectum inhætionis: & quando denominatur à suo adjuncto, est illa denominatio intrinseca. Nota, quod omne ad-

jectum denominet suum subiectum, non in abstracto, sed in concreto, nec substantive, sed adjective; ut, homo est doctus, non doctrina.

### Quæst. X. Quid externum?

Quod extrinsecus tantum ad subiectum ordinatur.

H 3

1. Sub-

1. Subiectum *adjuncti* externi adjuncto, est denominatio externa est subiectum adhaesionis, & na sive extrinseca. quando illud denominatur à suo

**Quæst. XI. Da exemplum.**

*Color, magnitudo, figura, indoles, mores, &c.* sunt interna adjuncta hominis: *actiones, locus, tempus, vestes, &c.* sunt adjuncta externa.

1. *Adjunctum internum* est accidens, sed *externum* est vel substantia vel accidens: substantia, ut pallium respectu palliati; accidens, ut visibilitas alicujus rei respectu oculi.

2. Errant qui omne subiectum putant esse substantiam, & omne

adjunctum esse accidens: nam quantitas parietis est subiectum, in quo est albor tanquam adjunctum, non tamen illa vel quantitas vel latitudo est substantia; & toga est adjunctum hominis tanquam subiecti, non tamen toga est accidens.

**Quæst. XII. Quotuplex est adjunctum externum?**  
Triplex; objectum, signum, aut circumstantia.

**Quæst. XIII. Quid est objectum?**

Objectum est [ adjunctum externum ] circa quod res [ id est subiectum ] operando versatur: sic objectum visus est color; auditus, sonus.

[ 1. *Objecti* ) vox latissime patet, & est omne id circa quod aliquod agens occupatur, sive agat actione reali; sive intentionali, & in quo terminatur actio ejus. Si contingat ut præter terminationem actionis, agens moveatur ab objecto, tum objectum non est tantum terminativum, sed insuper motivum. Notanda hic vero sunt duo: primum, quod objectum proprie tantum respiciat actionem, & quando illud tribuitur substantiis, vel potentiis vel habitibus, seu intellectualibus seu moralibus, iis non tribui nisi quatenus agunt; & principia sunt a-

ctionum: ita aer est objectum solis, tanquam substantiæ, sed non nisi respectu illuminationis; color est objectum visus, tanquam potentiæ, sed non nisi respectu visionis; timor & audacia sunt objectum fortitudinis, tanquam habitus moralis seu virtutis, sed non nisi respectu moderationis, quatenus has affectus fortitudo coercet; objectum Physicæ tanquam habitus intellectualis, scilicet scientiæ, est corpus naturale, sed non nisi respectu demonstrationis aut explicationis, vel quatenus ab affectiones corporis naturalis explicat de corpore naturali: & demo-

demonstrat. Secundum est, quod obiectum interdum ipsa actione quam terminat producat; sic virtutes sunt obiectum Ethicæ, quia ab Ethica, seu disciplina morum, jam percepta, ipsæ producuntur: interdum non obiectum ipsum producit, sed aliquid in eo, vel circa illud; sic charta est obiectum scriptoris, non quod scriptor chartam producat, sed quia aliquid, puta literas, efficit in charta; sic Deus est obiectum Theologiæ, non quod doctrina de Deo percepta ab homine, Deum producat, aut aliquid in Deo, sed quia efficit aliquid circa Deum, nempe producit in homine, cui inest, & cognitionem & cultum Dei, ideoque versatur circa Deum agendo.]

2. *Obiectum* proprie est id quod alicujus actionem terminat, unde & terminativum dici solet. Vocatur *obiectum*, quia obijcitur actioni, ut agens vel id producat, vel aliquid in eo, vel circa illud: ita tabula est obiectum pictoris, discipuli sunt obiectum præceptoris, quia præceptor versatur & occupatus est circa illos docendo, pictor circa tabulam pingendo.

[3. *Habitus practicus*, late sumpta hac voce, dicitur tripliciter: vel quia ipse docet obiectum suum facere; sic Ethica est habitus practicus, quia docet ipsas virtutes producere; vel quia docet aliquid facere in & ex obiecto suo; sic ars sutoria aut sartoria in & ex corio, seu panno docet facere vel calceos, vel vestes: vel quia docet aliquid operari circa suum ob-

jectum: ita Theologia docet exercere cultum circa Deum. Omnes hi habitus sunt practici, & Ethica, & ars sutoria, aut alia similis, & Theologia.]

4. Eadem res interdum est subiectum & obiectum, sed respectu diverso: est enim obiectum respectu operationis & operantis, subiectum respectu accidentium quæ in hærent; sic tabula est obiectum pictoris & picture, subiectum vero colorum & figurarum; sic corpus naturale est obiectum Physicæ, quatenus circa illud versatur explicando, idemque est subiectum sensuum affectionum.

[5. Ramus omne obiectum retulit ad subiectum, vocatque subiectum occupans vel occupationis, & contradistinguit subiecto in hæssionis & adhæssionis? author noster obiectum refert ad adjunctum externum; utrumque sano & suo sensu admittitur.]

6. Cum eadem res & subiectum est & obiectum, dicitur obiectum respectu operationis circa se occupatæ; subiectum vero respectu existentie, hoc est, rerum aut accidentium in sese existentium: sic corpus naturale est obiectum respectu explicationis quam circa id instituit Physica aut Physicus; subiectum vero respectu quantitatis, loci, motus, temporis, aliarumque affectionum sibi in hærentium: sic aer est obiectum illuminationis, sed subiectum suæ levitatis.

7. Quia utilissima divisio est obiecti in materiale & formale,

atque sine ea, objecta habituum intellectualium & disciplinarum ac facultatum intelligi nequeunt, operæ pretium est eam hîc explicare. *Objectum materiale* dicitur, quod pluribus disciplinis est commune, aut circa quod occupantur disciplinæ plures; *formale* est, quod uni disciplinæ est proprium, aut circa quod una tantum disciplina occupatur; hoc vulgo vocatur ratio formalis, & modus considerandi. Sic homo est objectum materiale Physicæ, Ethicæ, Medicinæ, & Theologiæ; omnes enim hæ disciplinæ circa hominem occupantur, sed non eodem modo considerandi; ideoque ratio formalis seu objectum formale hîc est diversum: nam Physica hominem considerat, quatenus

est corpus naturale, constans materia & forma, anima & corpore; Medicina, quatenus corpus sanabile; Ethica, quatenus homo virtutibus ornari potest, & a vitiis purgari; Theologia, quatenus particeps vel salutis vel æterni.

[ 8. Cum disciplinæ five artes fuerint, five scientiæ, five prædientæ, dicuntur distingui per objecta, intelligite, formalia, non materialia: ab unitate & distinctione objecti formalis, non materialis, dependet unitas & distinctio omnium disciplinarum, sic & in illo axioma philosophico, *Potentia naturales, seu facultates animæ, distinguuntur per actus & objecta*, intelliguntur objecta formalia, seu modi quibus operantur. ]

#### Quæst. XIV. Quid est signum?

Signum est [ adjunctum externum ] quod sensibus, externis seipsum, & id cuius signum est, intellectui [ vel phantasiæ ] offert. Sic *aurora* est signum orituræ solis; *vestigium*, pedis; *hedera suspensa*, venalis vini.

[ 1. Notandum est, quod omne signum sic relatum, & omne signatum, correlatum: ideoque non possunt nec debent confundi: imo relati & correlati naturam evertunt, qui hæc duo invertunt, & ex signo faciunt signatum, ex relato, correlatum; uti faciunt qui in sacra cœna ipsum panem & vinum, signa, volunt esse corpus & sanguinem Christi, res signatas: non aliter atque *vestigium* foret ipse pes, aut *hedera suspensa* venale vinum. Relatum hic semper est

res sensibilis, correlatum, res intelligibilis: quantum autem distat sensus & intellectus, tantum differunt signum & signatum. ]

2. Prædicatio rei signatæ de signo, aut est falsa; ut cum dicimus, ignis: aut impropria ac tropica, & quidem metonymica per metonymiam adjuncti; ut cum de imagine Principis dicimus, iste est Princeps; aut annulum fidei matrimonialis signum, vocamus fidem ipsam. Tales sunt locutiones scripturæ

scripturæ sacræ; Septem boves  
sunt septem anni, Petra erat  
Christus, Baptismus est ablutio  
peccatorum, Panis est corpus  
Christi.

3. In signo aliquid est sensi-  
bile, & aliquid intelligibile. He-  
dera *suspensa* sentitur, nam vi-  
detur; & per illam suspensam  
intelligimus ibi vinum esse ve-  
nale.

4. In signo omni duo sunt:  
aliquid quod sensu scilicet ex-  
terno percipitur, quod est ipsum  
signum; & aliquid quod perci-  
pitur vel intellectu in homine,  
vel phantasia in bruto, & est res  
significata.

5. Signum, vel rem signatam  
unde significat, ut *hedera suspen-  
sa venale vinum*, estque signum  
materiale dictum; vel rem signi-  
ficatam etiam repræsentat, & vo-  
catur signum formale, quale sig-  
num est *pedis vestigium*.

6. Species sensibiles & intelli-  
gibiles sunt signa formalia; quia  
non tantum signant, sed repræ-  
sentant etiam rem sensu & in-  
tellectu perceptam.

7. Species sensibiles & intelli-  
gibiles sunt imagines rerum de-  
latæ ad sensum & intellectum,  
quibus omnia & sentiuntur & in-  
telliguntur.

8. Notanda hic etiam est divi-  
sio signi in significans tantum,  
vel confirmans insuper, vel ul-  
terius etiam rememorans. Si-  
gnum significans simpliciter, est  
fumus respectu ignis: confir-  
mans insuper, vocatur sigillum;  
sic principis sigillum appensum  
mandatis publicis, etiam signat  
& confirmat voluntatem prin-  
cipis: signum ulterius rememo-  
rans, est, quod nos ducit in me-  
moriā rei absentis ac præte-  
ritæ; ut Sacramentum, quod est  
signum triplici isto modo; sic  
Baptismus & signat ablutionem  
à peccatis per sanguinem Chri-  
sti, & confirmat eam partem,  
& rememorat eandem; sic Sa-  
cramentum Cœnæ, est signum  
& significans, & confirmans;  
& rememorans corpus Christi  
crucifixum, & sanguinem su-  
sum.

### Quæst. XV. Quid est circumstantia?

Circumstantia est [adjunctum externum] quod cir-  
ca rem est, sive adjacet, aut appositum est.

*Circumstantia* se valde late  
extendit, diciturque id, quod  
præter objectum & signum, a-  
liquo modo ad aliud ordinatur  
aut aliquo modo ad illud re-  
fertur.

## CAPUT XX.

Quæst. I. Atque hætenus de affectionibus simplicibus.

Quas vocas affectiones conjunctas?

Quæ pluribus rebus conjunctim conveniunt: quales  
sunt, convenientia, diversitas, oppositio, & ordo.

Una

Una enim res dici potest alterius genus, pars, causa, subiectum, &c. at uni rei seorsim, ut est una, non potest tribui convenientia, diversitas, oppositio, aut ordo.

1. *Affectiones rerum*, capite 10 hujus libri enarratæ, quas intellectus hominis deprehendit inesse rebus ex rerum dispositione in categoriis facta, propter mutuam rerum inter se habitudinem, fuerunt divise in simplices & conjunctas: simplices fuerunt, quæ singulis rebus conveniunt, id est, quarum unaquæque in una invenitur re; ita, esse causam convenit patri, rei uni, esse effectum, filio, rei item uni; licet hic aliqua sit habitudo gignentis ad genitum; sed affectio conjuncta est, quæ, ut sit, duo exigit; neque unquam invenitur in re una, ut est una: ideoque Deus, ante creationem

mundi, nec convenit cum alio, nec diversus fuit ab alio, nec oppositus alii, nec ordinem habuit ad aliud, quia nihil erat præter ipsum solum & unum, in quem ut talem, non potuit cadere convenientia, diversitas, oppositio aut ordo. Itaque affectio conjuncta ut detur, semper requiritur duo: unum enim non convenit, nec unum ut unum diversum est, aut oppositum, aut ordinatum.

[ 2. *Affectiones conjunctæ sunt affectiones thematis simplicis*, quia conveniunt duobus pluribusve thematibus simplicibus inter se collatis, non tamen enumeratis. ]

### Quæst. II. Quid est convenientia?

Convenientia est, qua plura, aut quasi plura, uniuntur.

1. *Uniuntur* ) scilicet inter se, sed in tertio.

[ 2. *Plura, aut quasi plura* ) opponuntur. *Plura* dicuntur, quæ revera, & ipso actu ac de facto sunt multa, à parte ipsius rei, & non per mentis intellectionem: *quasi plura* dicuntur, cum quod unum est, sese offert intellectui ut multa aut plura, quia multis ac pluribus intellectionibus ab intellectu apprehenditur, at revera non est multiplex, aut multa, seu plura entia, sed unum quid. Quod autem unum ens ab intellectu humano apprehenditur multis ac pluribus conceptibus, ejus ratio est ac causa, sola

intellectus nostri finitas atque imperfectio, qua fit ut rem unam non possit uno sæpe conceptu intelligere. ]

[ 3. *Illæ rerum inter se unitæ* vel fit à parte entis, vel à parte mentis: prior habet locum cum illa quæ uniuntur sunt *quasi plura*; posterior fit, cum extrema quæ uniuntur sunt actu *plura*: atque hinc ortum ducit convenientia rei & rationis. ]

[ 4. *Convenientia* quæ habet actu extrema plura, dicitur convenientia rationis; convenientia rationis est convenientia plurium in uno conceptu; quæ habet extrema quasi plura, id est

non nisi per mentem plura, utur convenientia realis; convenientia realis est convenientia unius rei cum seipsa, vel unum rerum, sed subordinatum, in superiori. Prioris exemplum est, convenientia Petri et Paulo, quod sunt homines; posterioris exemplum est, convenientia Petri juvenis cum seipso, vel Pauli & hominis, quod sunt animal. Utraque species convenientiæ ad res prædicamentales tantum, non item ad Deum aut Trinitatem, applicari debet.]

[ 5. Quotiescunque duo extrema conveniunt convenientia rationis, distinguuntur distinctione reali, & quotiescunque duo extrema conveniunt convenientia reali, distinguuntur distinctione rationis: sic Petrus & Paulus, quia conveniunt in eo, quod ambo consent natura humana, seu anima rationali & corpore, quatenus à mente apprehenduntur, ideo quoque inter se distinguuntur distinctione

reali; & Petrus senex, quia convenit cum seipso juvene convenientia reali, quatenus nullo intellectu cum apprehendente, idem est realiter cum seipso, distinctione rationis. Hoc utrumque verum est in solis rebus creatis, earumque inter se & convenientia & distinctione; neque applicari debet SS. Trinitati, in qua personæ tres à se invicem distinguuntur distinctione reali, & non rationis: alius enim est Pater, alius Filius, alius Spiritus S. nullius hominis intellectu Deum apprehendente, imo antequam ullus homo aut intellectus existeret; & tamen Pater, Filius, & Spiritus S. conveniunt in una eademque essentia divina (sunt enim unus Deus) convenientia non rationis, sed reali; neque enim sunt unus Deus per rationem, aut quia intellectu hominis sic apprehenduntur, nam fuerunt ab æterno unus Deus, antequam ullus ullius hominis intellectus existeret. ]

### Quæst. III. *Quomodo dividitur convenientia?*

In simplicem, & analogicam.

1. *Convenientia simplex* est, cum extrema quæ conveniunt sunt plura quam duo, scil. quatuor aut bis bina, & sunt duo tertia in quibus conveniunt.

### Quæst. IV. *Quid est convenientia simplex?*

Convenientia unius cum alio in eodem tertio, [ vel universali, vel singulari.

1. Ita angelus & homo conveniunt convenientia simplici, nempe in creatione, quia ambo sunt creaturæ,

Quæst.



Quæst. V. *Quid Analogia?*

Analogia est rationum similitudo, sive convenientia plurium cum pluribus in eadem habitudine.

1. *Analogia*) Latinis dicitur *proportio*, quæ vulgo definitur, similitudo rationum. sicut convenientia simplex potest dici ratio: de qua in Arithmetica Analogia est convenientia binorum in duobus tertiis.

Quæst. VI. *Da exemplum.*

*Homo & bestia* conveniunt in communi natura animalium; *mel & fel* conveniunt colore. Hæc est convenientia simplex. At *auriga & gubernator*, *os & radix*, sunt analogi quia ut *auriga* se habet ad currum, ita se habet *naudens* ad navem; & ut *os* se habet ad animal, ita *radix* se habet ad plantam: utrobique est quædam similitudo habitudinis ad aliud.

Quæst. VII. *Quotuplex est convenientia simplex.*

Duplex; Identitas, & convenientia accidentalis?

1. Nota, convenientiam dividi in essentialem, & accidentalem, ac sic dici ratione tertii; non ratione extremorum quæ conveniunt, sed ob tertium in quo conveniunt.

[2. Quotiescunq; hi duo termini, essentialis & accidentalis, dicuntur vel de convenientia, vel de diversitate, duplici sensu possunt accipi; vel ratione extremorum, quæ conveniunt vel diversa sunt, vel ratione

tertii in quo conveniunt, vel per quod diversa sunt extrema. hic sumitur convenientia essentialis & accidentalis sensu postremo.]

3. Tertium illud in quo duo conveniunt, vel est essentia, vel pars essentiae utriusque extremi, & tum vocatur convenientia essentialis, uno nomine, *identitas*; vel tertium illud, in quo duo conveniunt, est accidens, & vocatur *convenientia accidentalis*.

Quæst. VIII. *Quid est identitas?*

Identitas est unitas essentiae [vel totalis, vel partialis.]

1. Vocula *unitas* non hic sumitur arithmetice, pro principio numeri; sed metaphysice, pro indivisione entis in se; hoc est, quod essentiam habet non multam aut multiplicem, sed

certam, determinatam, unam: sic homo dicitur unus, quia ad essentiam ejus non requiruntur multa corpora, nec multæ animæ rationales; sed unum corpus & una anima rationalis facit

hominem; ideoque etiam  
na divisione, & uno conceptu  
essentiali concipi potest. Estque  
hæc unitas hominis, unitas uni-  
versalis; præter quam est quo-  
æ unitas singularis, qua, verbi  
causa, Petrus est unus; ad consti-  
tendum enim Petrum, non re-  
quiruntur quoque plures natu-

rz Petrinæ. *Identitas est unitas  
essentiæ utriusque generis.*]

2. *Identitas* clarius definitur,  
quod intercedat inter extrema  
ea quæ conveniunt in essen-  
tia aliqua aut parte essentiæ  
communi, ut in ea quasi unum  
fiant. Exempla statim sequun-  
tur.

### Quæst. IX. Quotuplex est?

Duplex; subordinata, & coordinata.

1. Hæc subordinatio & coordi-  
natio respicit ordinem prædica-  
mentalem rerum; ubi dicuntur  
*subordinata* quæ sub se invicem,  
& *coordinata* quæ juxta se invi-  
cem, in aliquo prædicamento  
collocantur.

2. Cum identitas dividitur in  
*subordinatam* & *coordinatam*,  
sic dividitur ratione extremo-  
rum, quatenus extrema quæ  
conveniunt, disponuntur in cate-  
goriis secundum gradus superio-  
res & inferiores. Cum extre-  
ma quæ conveniunt sub se invi-

cem ponuntur, & tertium in quo  
conveniunt ponitur supra utram-  
que, uti conveniunt homo & a-  
nimal in eo quod sint vivencia,  
mixta, corpora, substantiæ, est  
illa convenientia *subordinata*:  
quatenus vero extrema quæ con-  
veniunt disponuntur in categoriis  
collateraliter, & in eodem gra-  
du componuntur juxta se invi-  
cem, ut cum homo & brutum  
conveniunt in eo quod sint ani-  
mal, aut vivens, &c. est illa  
convenientia *coordinata*: utra-  
que, essentialis.

### Quæst. X. Quam vocas subordinatam identitatem?

Qua conveniunt superiora & inferiora cum inferiori-  
bus in superiori: puta, genus & species, aut species &  
individua sibi subiecta, in superiori, & vicissim. Sic con-  
veniunt *animal* & *homo*, *homo* & *Socrates*, [in substantia,  
corpore, mixto, & vivente; [ *habitus* & *ars*, *ars* & *Logi-*  
*ca* [in qualitate,] &c.

1. *Identitas subordinata* est, ubi  
extrema quæ conveniunt sunt  
*subordinata*. *Coordinata* est, cum  
extrema quæ conveniunt sunt  
*coordinata*.

2. Per convenientiam subordi-  
natam conveniunt superiora cum  
inferioribus in superiori, ut ani-

mal & homo in vivente, aut in  
corpore, aut in substantia.

[ 5. Convenientia subordina-  
ta est convenientia realis, & ex-  
trema sunt quasi plura, ac ratio-  
ne distincta: nam cum Petrus &  
homo conveniunt in eo quod  
sint animalia, quod sint viven-  
tia

ria; &c. non est alia substantia Petrus, alia homo, nec sunt res diversæ; sed hic eadem est substantia & Petrus & homo, ideoque & ratione tantum distinguuntur, quatenus diversis conceptibus eandem substantiam, quæ est Petrus & homo, nunc concipio ut Petrum, nunc ut hominem: convenientia tamen ejusdem substantiæ Petri & ho-

minis in eo est sic, quod animal, & vivens, &c. non est rationis, sed rationalis, quia non conveniunt in animali & vivente, quod a mente convenire concipiuntur; sed extra omnem mentis intellectum, & Petrus est animal & vivens, & homo item; utrumque parte sui, nullo intellectu cogitante.

### Quæst. XI. Quotuplex est identitas coordinata?

Triplex: numerica, specifica, & generica.

1. Coordinata vulgo dicuntur disponi collateraliter, quia à latere sibi invicem junguntur; sic

conveniunt homo & brutum in animali; Petrus & Paulus in homine, in categorico ordine.

### Quæst. XII. Quid est identitas numerica?

Qua unumquodque individuum convenit cum seipso. Sic *Socrates est idem numero homo qui fuerat puer.*

1. Identitas numerica individui dicitur, quando eadem numero manent partes essentielles: sic idem numero homo est, cum eadem numero animam & idem numero corpus retinet aut recipit; & sic idem numero homo resurget, quia ejusdem numero constabit animæ & corporis.

2. Dicitur *Socrates senex idem numero* esse cum *Socrate juvene*, quia essentia Socratis senis & sui ipsius juvenis una eademque essentia est.

[3. Nonnulli Philosophorum existimant ad numericam identitatem sufficere, si eadem numero maneat forma, licet materia aut mutetur aut annihiletur, quia non per materiam, sed per formam, res est id quod est, & individuum est indivi-

duum; hinc dicunt, eundem numero Petrum resurrexurum, quia ipsius forma, anima rationalis, eadem numero post mortem manet, licet ejus materia, corpus, multis immutemodis, imo licet annihilentur. Ego tamen existimem, ad individui identitatem numericam requiri quoque materiam eadem numero, quia hæc tam essentialis individui pars quam forma; &, ut idem numero resurgat Petrus, præter animam ejus eandem superstitem requiri ut suum idem numero addatur corpus: quia diserte inquit Apostolus I. Corinth. 15. *hoc corruptibile induet incorruptibilitatem, & hoc mortale immortalitatem*; quod non de anima, sed de solo corpore intelligi potest.]

4. Idem

[ 4. Identitas numerica est convenientia realis, & extrema ut quasi plura, ac ratione tantum distincta : nam *Socrates* senex non est alius homo quam *Socrates* puer, & convenit cum senex, quod idem sit homo, & juvenis & senex, idque nullo intellectu cogitante, à parte sui ; atque est convenientia realis :

attamen ideo *Socrates* bis apprehenditur, semel ut juvenis semel ut senex ; & ideo quasi geminum extremum est : verum quia à parte rei non est geminus *Socrates*, sed à ratione bis tantum apprehensus, ideo distinctio inter *Socratem* senem eundemque juvenem, est distinctio rationis. ]

### Quæst. XIII. Quid specifica ?

Qua plura individua [ ejusdem speciei ] conveniunt in eadem specie, [ scil. infima : ] ut, *Socrates* & *Plato* in natura humana.

1. In eadem specie ) id est, in communi natura specifica : ut *Bucephalus* & *Hirpinus* in natura equina, *Melampus* & *Phylax* in natura canina.

[ 2. Identitas specifica est convenientia rationis ; & extrema quæ conveniunt, scil. individua ejusdem speciei, sunt actu plura, & realiter inter se distincta. Ut autem hæc convenientia rationis semel intelligatur, notandum est, intellectui primum occurrere singularia ; quia illa primum deferuntur ad sensus, quorum subsidio in intelligendo utitur intellectus : hic, contemplando singularia, deprehendit primum ea inter sese distingui à parte rei, & unum non esse aliud, *Petrum* non esse *Paulum* ; deinde deprehendit quoque ea in multis convenire, quæ verbi causa, *Petro* & *Paulo* sunt communia, ut, quod intelligant & ratiocinentur, velint & nolint, animam habeant rationalem & corpus ; licet forte in uno anima rationalis sit prædita virtu-

te, in altero sit infecta vitiis & corpus unius sit forte sanum aut procerum, alterius sit morbidum aut brevis staturæ. Cum nunc intellectus, singularibus apprehensis atque inter sese comparatis, naturam illis communem intelligit, abstractis abstractione simplici, id est, præcisus, & non intellectis differentiis singularium propriis, ( verbi causa, apprehensa natura humana, anima rationali & corpore, communibus *Petro* & *Paulo*, abstractis sanitate & longitudine, morbo & brevitate ) oritur inter *Petrum* & *Paulum*, respectu naturæ humanæ, in qua tanquam in tertio conveniunt, convenientia, sed rationis, quia exurgit post triplicem intellectus actionem ; 1. Post apprehensionem simplicem *Petri* & *Pauli*, tanquam singularium. 2. Post eorundem comparisonem, quoad illa quæ sunt singulis propria, & quæ utrique communia. 3. Post naturæ communis utrique abstractionem simplicem, ac præ-

cisionem

cisionem ab illis quæ sunt singulis propria : tali modo, per hæc tres intellectus humani operati-

ones, fiunt omnia entia rationis & universalia. ]

#### Quæst. XIV. Quid generica?

Qua plures species [sive infimæ, sive subalterna] eorumque individua conveniunt sub eodem genere, vel proximo, vel remoto : ut, *homo & equus*, *Bucephalus & Alexander*, sub *animali* ; *homo & equus*, *planta & lapis*, sub *corpore*.

1. *Individua* hîc intelliguntur diversæ species, ut apparet in exemplis subjectis in textu.

[2. Hîc iterum est convenientia rationis, quia per triplicem jam statim explicatam intel-

luctus operationem exoritur ; extrema sunt actu plura, & non per rationem sed à parte rei se realiter inter se distincta ; homo enim est alia substantia, & aliud animal, quam *equus*.

#### Quæst. VX. Quotuplex est convenientia accidentalis?

Duplex ; interna ( quæ iterum in paritatem & similitudinem dividitur ) & externa.

3. Intelliguntur hîc accidentia, tum quæ opponuntur substantiæ, quæ dicuntur & sunt prædicamentalia, quo modo in accidentibus conveniunt *paritas & similitudo* ; tum quæ opponuntur essentiæ, quæ dicuntur & sunt accidentia prædicabilia : quo modo conveniunt accidentibus quæ conveniunt convenientia externa.

2. Omnis convenientia accidentalis, tum interna, tum externa, est convenientia rationis, quæ extrema, quæ conveniunt, sunt *revera & actu plura*.

3. Convenientia accidentalis interna est, quando tertium illud, in quo duo conveniunt, est adjunctum utriusque interni, uti est *quantitas & qualitas*.

#### Quæst. XVI. Quid est paritas?

Paritas est convenientia in quantitate. Paria dicuntur quæ æque magna sunt.

1. *Paritas* ) est proprie convenientia in quantitate discreta, & *æqualitas* in quantitate continua ; sic duo domini & duo servi sunt

pares, & conveniunt numero binario ; duo homines ejusdem staturæ sunt æquales, & conveniunt magnitudine.

#### Quæst. XVII. Quid similitudo?

Similitudo est convenientia in qualitate aut in passione.

Simi-

Similia dicuntur, quæ eadem qualitate affecta jam sunt, ut etiamnum afficiuntur.

1. Sic ovum ovo simile est, quia colore conveniunt.

2. Passio hic opponitur actioni, non vero est tertia species qualitatis.

Quæst. XVIII. Quid est convenientia externa?

Convenientia externa est convenientia in causis, effectis, subjectis, aut adjunctis externis; hoc est, quæ non pertinent ad essentiam. Sic duo fratres germani conveniunt causa efficiente; pluvia & grando materia, [remota] artifices ejusdem professionis, effectis; virtutes & vitia, subjecto, agri- tudo & amor, signo, nempe pallore.

1. Adjectivum illud externis, grando materia, quia ambæ constant ex vaporibus humidis: effectis, ut duo fabri, quæ eandem extruunt domum; subjecto, scil. animo aut voluntate; pallore, quia & æger pallet, & qui amat.

## CAPUT XXI.

Quæst. I. Quid est diversitas?

Diversitas est, qua res à se invicem distinguuntur.

1. Sicut Deus, res una, cum aliis voluit convenire in multis, in multis, & ipsas res distingui inter se. Hæc rerum à se invicem distinctio dicitur diversitas.

Quæst. II. Quotuplex est diversitas?

Duplex; alia essentialis, alia accidentalis.

[1. Diversitas essentialis est, quæ res distinguuntur essentia tota, aut parte essentia: accidentalis, quæ distinguuntur accidentalibus. Diversitas essentialis dicitur, quando illud tertium, quo extrema duo inter se distinguuntur, est vel essentia, vel pars essentia; accidentalis, quando est accidens. Prioris exemplum est, animal & color, item homo & brutum; illa differunt tota essentia, hæc parte essentia. Posterioris exemplum est, Petrus doctus & Paulus indoctus, qui differunt accidentalibus, doctrina & ignorantia.]

[2. Quæ differunt essentia, vel sic differunt, ut nulla sui parte essentiali conveniant, uti animal & color; vel ut aliqua parte essentiali conveniant, alia distinguuntur

quantur, uti homo & brutum; vel tota essentia convenient, & tamen differant essentia, quatenus hæc essentia unius non est essentia alterius, uti differunt Petrus & Paulus.]

[3. Distingui solet in philosophia Aristotelica inter hæc duo, *differre essentialiter*, & *differre essentialiter*. Essentialiter differunt, quæ partem essentiae habent communem, & partem essentiae diversam, ut aliqua pars essentiae sit in uno quæ non est in alio: sic differunt duæ species, homo & brutum; nam corpus habent com-

mane, quod est una pars essentiae scilicet materia utriusque, & formam, alteram essentiae partem, habent diversam, homo animam rationalem, brutum animam irrationalem. Differunt essentialiter quæ nullam partem habent essentiae diversam, nec materiam nec formam; ut duo individua Petrus & Paulus, ambo enim habent corpus, & animam rationalem. In quo igitur differunt? Resp. quod essentia Petri non est essentia Pauli, quia nec corpus nec anima Petri, sunt aut corpus aut anima Pauli.]

### Quæst. III. Quomodo dividitur diversitas essentialis? In subordinatam, & coordinatam.

1. *Diversitas subordinata* dicitur, quando illa quæ distinguuntur, in ordine prædicamentali collocantur sub se invicem; & *coordinata*, quando illa quæ distinguuntur, ponuntur juxta se invicem in scala categorica: itaque hæc divisio intelligitur ratione extremorum, quæ, cum sub se invicem sunt posita, dicuntur differre diversitate *subordinata*: quando juxta se invicem, *coordinata*.

2. *Diversitas subordinata* est diversitas rationis, quia extrema, quæ differunt, ratione differunt; *diversitas coordinata* est diversitas realis, quia ejus extrema distinguuntur distinctione reali.

[3. Antequam species diversitatis essentialis explicentur, tenenda est usitatissima divisio distinctionis, in distinctionem rei & rationis: distinctio rei di-

citur, quæ duo à se invicem sunt diversa, & differunt à parte etiam si ab intellectu non intelligantur; distinctio rationis est, quando unum ens conceptis distinctis ac dissimilibus conceptibus, ut unus ejusdem rei conceptus sit distinctus ab altero dissimilis alteri; sic ut à parte sui non sint duæ res distinctæ, sed ut una eademque res bis apprehensa à ratione, sic per eam distinguuntur. In priori distinctione extrema sunt actu plura: in posteriori, sunt quasi plura. Prioris exemplum est, Petrus & Paulus, qui, nullo intellectu eos apprehendente, sunt diversi homines, diversæque entia, & differunt à se invicem diversitate reali sive rei: posterioris exemplum est, Petrus & homo, quæ duo extrema distinguuntur distinctione rei, quasi sint diversæ res, diversæ substantiæ, nec



eadem substantia est Petrus & homo; sed distinguuntur ratione, quatenus idem Petrus bis concipitur, semel ut homo, in quantum constat natura humana, anima rationali & corpore, quæ ipsi c. m. Paulo aliisque hominibus est communis, semel ut est Petrus, quatenus naturam habet sibi propriam, qua anima rationalis & corpus Petri sunt ejus, & non Pauli: conceptus autem quo Petrus concipitur ut Petrus, non tantum distinctus est, sed & dissimilis conceptui quo idem concipitur ut homo; quemadmodum & dissimilis conceptus est, cum idem Petrus concipitur ut animal, ut vivens, ut mixtum, ut corpus, ut substantia, quæ tamen omnia distinguuntur à Petro, non rei, sed rationis distinctione.]

4. Duplex est rerum esse: unum, quod in se habent, etiam si nec intelligantur nec proferantur, & hoc vocant esse reale;

#### Quæst. IV. Quid est diversitas subordinata?

Quia superiora differunt & inferiora à se invicem; puta, genus ac species, & species atque individua sibi subiecta, à se mutuo; & vicissim. Sic differunt *animal* atque *homo* aut *bestia*; *homo* atque *Socrates* aut *Plato*.

1. Diversitas subordinata est diversitas essentialis, quia superiora & inferiora parte saltem essentiae differunt, ita aliquid est in essentia hominis aut bruti, puta rationale aut irrationale, quod non est in essentia animalis; hæc enim absolvitur eo, quod sit substantia corporea, mixta, vivens, sentiens; ac hominis essentia, rationale

alterum, quod habent, non nisi intelligantur, & hoc vocant esse intelligibile. Huic fundamento innititur hæc divisio distinctionis, in rei & rationis; nam distinctio rei dicitur, qua res distinguuntur in se, secundum suum esse reale, quod habent nemine cogitante, extra omnem mentem intelligentem; quo modo distinguuntur Petrus & Paulus: distinctio rationis rebus competit in quantum intelliguntur, seu concipiuntur, & secundum esse suum intelligibile; ita distinguuntur in Petro homo & animal, quatenus Petrum intelligendo ut hominem, aliud concipio quam eundem intelligendo ut animal; nam concipiendo eum ut hominem, intelligo eundem esse rationalem, quod non intelligo, concipiendo eundem ut animal; & tamen homo & animal in Petro non faciunt distincta entia realia, ideoque nec realiter distinguuntur, sed ratione tantum.]

etiam in se includit.

2. Illud dicitur esse in essentia rei, quod ponitur in ejus definitione: sed in definitione animalis non ponitur rationale, ut quidem in definitione hominis; ergo & rationale non ponitur in essentia animalis, ut quidem in essentia hominis; ideoque animal & homo parte essentiae differunt.

**Quæst. V. Quotuplex est diversitas coordinata?**

**Triplex; numerica, specifica, & generica.**

*Diversitas coordinata est, qua mentali: ut, Petrus & Paulus differunt res ejusdem ordinis, id homo & brutum, animal & est, in eodem gradu prædica- planta.*

**Quæst. VI. Quid est diversitas numerica?**

**Qua distinguuntur individua ejusdem speciei [infimæ] ut, Socrates & Plato.**

*Diversitas numerica est diversitas essentialis: quia essentia Socratis non est essentia Platonis; neque enim corpus & anima Platonis sunt corpus & ani-*

*ma Socratis, sic enim Plato fuit Socrates; & quædam conditiones particulares sunt in essentia Socratis, quæ non sunt in essentia Platonis.*

**Quæst. VII. Quid specifica?**

**Qua distinguuntur species infimæ ejusdem generis, & earum individua; ut, homo & brutum, Alexander & Bucephalus.**

*Diversitas specifica est essentialis: quia aliqua pars essentiae est in homine, scilicet anima ratio-*

*nalis, quæ non est in bruto; & vice versa, scilicet anima irrationalis, quæ non est in homine.*

**Quæst. VIII. Quid generica?**

**Qua distinguuntur genera, tum summa, tum subalterna, eorumque species & individua; ut, substantia & quantitas, corpus & spiritus, animal & planta, homo & pyrus, si-  
araces & hoc pyrus.**

*Genera summa] differunt tota essentia, subalterna, parte tantum essentiae; quod patet exemplis subjectis. Substantia enim & quantitas nec genus habent commune, nec differentiam; nam ens genus non est: at corpus & spiritus genus habent commune scilicet substantiam, non item*

*differentiam; quia corpus est substantia materialis, & spiritus immaterialis.*

*[2. Quando ens dicitur hic non esse genus, intelligitur univorum ac proprie dictum; nam quoddam ens analogum, atque improprie dictum, admitti potest, & communis est sententia.]*

**Quæst. IX. Quotuplex est diversitas accidentalis?**

**Duplex; interna (quæ in imparitatem & dissimilitudinem subdividitur,) & externa.**

**1. Diversitas accidentalis est** bus; ut Petrus & Paulus, qui  
**qua res distinguuntur accidenti-** aliter doctus, aliter sit indoctus.

3. *Accidens* hinc aut opponitur substantiæ, estque hoc vel quantitas vel qualitas, quo sensu diversitas interna dicitur diversitas

accidentalis; vel opponitur essentia, estque illud quod essentiam alterius nec producit, nec constituit.

### Quæst. X. Quid est imparitas?

*Imparitas* est diversitas in quantitate. *Imparia* sunt, quorum alterum altero majus est aut excellentius.

1. *Imparitas*) est diversitas in quantitate discreta; *inequalitas* in continua: sic tres equi & qua-

tuor homines sunt impares numero Petrus procerus & Paulus brevis sunt inæquales magnitudine,

### Quæst. XI. Quid est dissimilitudo?

*Dissimilitudo* est diversitas in qualitate, aut passione. [prout opponitur actioni.] Et dissimilia dicuntur quæ diversa qualitate jam affecta sunt, aut etiam nū afficiuntur.

1. Sic paries albus est dissimilis nigro, & homo indoctus do-

cto, sapiens stulto; & aqua quæ calefit, aquæ quæ frigescit.

### Quæst. XII. Quid est diversitas externa?

*Diversitas externa* est diversitas in causis, effectis, subjectis, aut adjunctis externis, hoc est, quæ non pertinent ad essentiam. Sic mures à sole geniti ex putredine, differunt causa efficiente & materia ab iis muribus qui ex semine generantur.

1. Vox illa externis referri debet non tantum ad vocem adjunctam, sed ad voces etiam præcedentes, causas, effectus, &c.

futuro & factore, effectis; morbi corporis à morbis animi, subjectis; visus ab auditu externalibus, seu adjunctis externis.

2. Faber lignarius differt à

## CAPUT XXII.

### Quæst. I. Quid est oppositio?

**O**ppositio est pugna rerum.

1. *Oppositio*) differt à diversitate, quod multa sint diversa quæ non pugnent, nec sint opposita; qualia sunt, quæ diversa sunt ac distinguuntur ratione; ut Petrus & homo homo & animal, & quæcunque differunt diversitate subordinata.

[ 2. Omnia opposita distinguuntur re; ideoque quæcunque distinguuntur diversitate subordinata, ut Petrus & homo, homo & animal, &c. cum distinguantur tantum ratione, non sunt opposita: at illa in quibus est diversitas coordinata, ut inter

ter Petrum & Paulum, hominem distinguantur re, omnia sunt & brutum, animal & plantam, opposita.] substantiam, & qualitatem, cum

**Quæst. II. Quenam res dicuntur pugnare?**

**Quæ,** neque de se invicem, neque de eodem tertio, secundum idem, ad idem, eodem modo atque tempore, vere affirmari possunt.

1. *De eodem tertio*) scil. singulari; nam de eodem tertio universali, ut de homine, possunt opposita affirmari, ut, doctum esse, & indoctum, etiam secundum idem, nempe secundum animam, & sub reliquis conditionibus oppositorum.

2. *Secundum idem*) id est secundum eandem partem, vel naturam.

3. *Ad idem*) id est, ejusdem respectu.

4. *Eodem modo*) id est, eadem vocis significatione.

5. Si contingat opposita de se invicem affirmari, vel de eodem tertio singulari, una ex hisce conditionibus desideratur.

6. *Opposita* sunt, primo, quæ non possunt de se invicem affirmari: sic homo & brutum sunt opposita, quia non potest dici vere, Homo est brutum, aut, Brutum est homo. Secundo, quæ non possunt vere dici seu affirmari de eodem tertio, subiecto singulari scilicet: sic non potest de eodem Petro dici, Petrus est homo, Petrus est brutum. Tertio, quæ licet dicantur vere de eodem tertio singulari, non affirmantur tamen de eo secundum

eandem partem vel naturam: sic album & nigrum sunt opposita, quia licet de eodem tertio singulari, Æthiope, affirmantur, non tamen vere affirmari possunt secundum eandem Æthiopis partem; nam Petrus Æthiopis (singulare tertium) est albus secundum dentes, Petrus Æthiopis niger est secundum manus, pedes, brachia, pedus, & cætera ejus membra nigra. Quarto quæ licet vere affirmantur de eodem tertio singulari, non tamen dicuntur de eodem *ad idem*, seu respectu ejusdem: sic, licet esse patrem & esse filium dicantur de eodem Isaaco, quia tamen non dicuntur de eo respectu ejusdem sunt opposita; nam respectu Abrahami dicitur filius, at ejusdem respectu Abrahami non dicitur pater; contra, respectu Jacobi dicitur pater, sed respectu ejusdem non dicitur filius. Quinto, quæ licet juxta omnes priores conditiones de eodem tertio affirmantur, non tamen affirmantur *eodem modo*, id est eadem significatione: ut, cum esse leonem dicitur de animali effero, & de signo Zodiaci, aut canis dicitur de sidere celesti, animali marino & terrestri,

**Quæst. III. Quot sunt species oppositorum?**

Quinque: disparata, contraria, relative opposita, privative opposita, & contradicentia,

1. Nota, has oppositorum species intelligendas esse de oppositione directa, qualis cadit tantum inter res in prædicamentis dispositas, & in quinque dividitur species. Potest quoque esse oppositio quædam indirecta & obliqua, quæ ad hæc species referri nequit; qualis est inter ens reale & nihil, inter substantiam & nihil, inter hominem & nihil, inter privationem physicam & formam physicam, &c.

[2. Nihil certius est, quam non posse omnia quæ opponuntur, commode referri ad hæc quinque oppositionum species: nam hæc duo, Petrus & nihil, opponuntur, quia non possunt de se invicem affirmari; neque enim licet dicere, Petrus est nihil, aut, nihil est Petrus; nec de eodem tertio singulari, hoc aut illud est nihil, &c. est Petrus: & tamen Petrus & nihil non opponuntur disparative, quia in disparatis unum pluribus opponitur, hic unum uni; nec relative, quia Petrus & nihil non se habent ut relatam & correlatum; nec con-

trarie, quia non sunt duæ species sub eodem genere plurimum distantes; nec privative, quia se non habent ut habitus & privatio; nec contradictorie, quia sic opponitur Petrus & non Petrus. Quomodo igitur Petrus & nihil opponuntur? Resp. oblique & indirecte, ut addenda foret sexta species oppositionis quinque ejus speciebus ex Aristotele recenseri solitis.]

[3. Distantia essentia dicitur, qua res ab aliis discrepant per essentias, naturas, ac definitiones diversas, quamvis eodem contineantur loco, nec eo discrepent: sic corpus & anima Petri in Petro superstitite, essentia distant, non loco; in eodem mortuo, & essentia & loco distant: sic in lacte albedo & dulcedo, essentia distant, non loco: & contra fieri potest, ut quæ loco distant, non distent essentia; veluti dulcedo lactis & dulcedo mellis, quæ non opponuntur contrarie, quia loco tantum distant, non item essentia.]

[Nota. hunc comm. esse referendum ad quæst. 6.]

#### Quæst. IV. Quid sunt disparata?

Disparata sunt, quorum unum pluribus opponitur eodem modo; ut, *homo & equus, album & rubrum*. Etenim homo, non equo solum, sed & leoni, lupo, &c. & album non solum rubro, sed & viridi, flavo, cæruleo, cæterisque mediis coloribus opponitur eodem modo, hoc est, eodem oppositionis genere, [ob eandem causam.]

[1. Opponuntur *disparate* secundo, una species pluribus individuis alterius speciei, ut homo leoni, equo, tauro, &c. individuis brutorum; tertio, quæ sub diversis generibus collocantur, ut homo sub animali

opponitur disparate quercui, cerato, pyro, &c. quarto, genera summa inter se, ut substantia quantitati, qualitati, &c.]

2. *Album & nigrum* non sunt disparata, licet album non tantum nigro, sed & rubro & viridi, ceterisque coloribus mediis

opponatur, quia non eodem modo illi & his opponitur: nam ponitur nigro sic, ut nihil sit in nigro; opponitur ceteris coloribus, ut aliquid albi in eis itaque non est eadem causa positionis utrobique.

#### Quæst. V. Cur dicis eodem modo?

Quia servus opponitur & domino & libero: non tamen dominus & servus disparata sunt: quia servus opponitur domino, relative [& substantive;] libero, contrarie & adjective.]

#### Quæst. VI. Quid sunt contraria?

Contraria sunt duo absoluta, quæ sub eodem genere plurimum distant; ut, *albor & nigror, calor & frigus, virtus & vitium, par & impar.*

1. Per vocem *duo*, scilicet entia realia ac positiva, &c. *contraria* distinguuntur à disparatis: per vocem *absoluta*, à relative oppositis: per voces *sub eodem genere* à privative oppositis & contradicentibus, quæ non habent commune genus; intelligitur vero vel genus proximum, vel remotum: per verba *plurimum distant*, non tam intelligitur distantia loci, qua unum, verbi causa, est loco superiori, alterum inferiori, quam quidem distantia essentia, qua essentia unius contrarii discrepat ab essentia alterius, non quidem ex toto, sed ex parte, quatenus ali-

quid in essentia unius, quod non est in essentia alterius; sic essentia caloris distat ab essentia frigoris, licet quoad locum in eadem aqua tepida conjungantur.

[2. *Alboris & nigoris* commune genus est color; *caloris & frigoris* commune genus est qualitas prima tactilis; *virtutis & vitii* commune genus est habitus moralis; *paris & imparis* commune genus est numerus. Accidit tradicentia & privative opposita nullum habent commune genus sub quo sunt: sic ens & non ens, visus & cæcitas, nullum habent commune genus, quodnam enim illud erit?]

#### Quæst. VII. Quomodo dividuntur contraria?

In mediata & immediata.

#### Quæst. VIII. Quæ vocas mediata?

Quæ admittunt medium participationis; ut, *calor & frigus, albor & nigror.*

I. Medius

*Medium participationis*) dicitur, quod particeps est utriusque extremi: quo modo repertum est medium caloris & frigoris, quia aliquid habet caloris, & aliquid frigoris; sic rubor habet caloris albi aliquid, & nigri aliquid, ideoque est medium participationis inter utrumque.

[3. Distinctio inter medium negationis & participationis penitus usum habet in doctrina logica de virtute morali, quæ est posita in medio inter duo vitia, non participationis, sed negationis: neque enim liberalis est partim prodigus, partim ava-

rus: sed nec prodigus, nec avarus.]

3. Medium negationis vocatur, de quoutrunque extremum negatur; ut, angelus est medium negationis inter calidum & frigidum, album & nigrum, rectum & obliquum, quia hæc omnia de angelo negantur.

[4. Medium negationis reperitur in omni specie oppositorum, exceptis contradicentibus: in contrariis, non omnibus, sed quibusdam, insuper reperitur medium participationis: at hoc in nulla alia specie oppositorum reperiri potest.]

**Quæst. IX. Quæ immediata?**

Quæ non admittunt medium participationis; ut *par & impar, rectum & obliquum*.

1. Nullus numerus est, qui partim sit *par*, partim *impar*; nulla linea, quæ partim sit *recta*, partim *obliqua*.

**Quæst. X. Quid sunt relative opposita?**

Quæ id ipsum quod sunt oppositorum esse dicuntur, vel quoquo modo ad illa referuntur; ut, *pater & filius, dominus & servus*.

1. *Pater & filius, dominus & servus*, sunt opposita, quatenus tribuntur eidem respectu ejusdem (sic enim pugnant) sed si tribuantur diversis, tantum abesse pugnant, ut potius sese mutuo constituent; sic enim *pater* est qui habet *filium*, & contra: sic, esse *dominum* & esse *servum*, si tribuantur eidem Petro respectu ejusdem Pauli, pugnant; at

si esse dominum tribuatur Petro, esse servum Paulo, se mutuo constituent. Priori modo spectantur hæc relata; posteriori in prædicamentis.

2. Relata hæc considerantur, quatenus suis opponuntur terminis; in prædicamentis vero, quatenus ad suos terminos referuntur sive correlata.

**Quæst. XI. Quid sunt privative opposita?**

Privative opposita sunt habitus & illius privatio.

1. Pri-



1. *Privative opposit.* 1) versantur circa idem, non numero, sed genere aut specie, subiectum: sic, quia animali competit visus, illi quoque competit cæcitas.

2. Cum subiectum dicatur idem, vel generica identitate, vel specifica, vel numerica, hic intelligitur subiectum idem, vel genere, vel specie, non numero; nam fi-

eri nequit, ut idē numero bene puta Petrus, simul & videat & cæcus: sed licet mihi dicere de homine, (aut specie) aut de animali, (aut genere) homo vel animal & videt, & cæcum esse quia non statim, quod verum est de genere uno aut specie eadem, id quoque verum est de uno quoque eodem individuo.

**Quæst. XII. Quid intelligitur hoc loco, nomine habitus?**

Quodlibet accidens, quod à subiecto suo separari potest; puta, vel potentia naturalis, [secunda scilicet, non prima,] vel habitus in qualitate [primæ speciei,] vel patibilis qualitas, vel operatio [seu actio,] vel habitus in decima categoria.

1. *Habitus tria significat.* 1. *Primam qualitatis speciem.* 2. *Categoriam decimam.* 3. *Ut hic, quodlibet accidens à subiecto suo separabile,*

scilicet, reipsa & naturaliter, 2. Sub tertia significatione comprehenditur habitus primæ & secundæ significationis.

**Quæst. XIII. Quid est privatio?**

Privatio est absentia habitus in subiecto, quod per naturam suam, & per tempus [ac locum] à natura definitum, aptum est habitum recipere.

1. *Privatio*) in genere est absentia formæ, scilicet, accidentalis vel substantialis; quæ si inesse tantum potest, dicitur privatio physica; si vero inesse debet, dicitur privatio logica: quamvis privatio logica proprie sit absentia formæ accidentalis, quia habitus quo subiectum privatur est accidens. Intelligitur hic vero privatio quæ habitum sequitur: ideoque tenebræ quæ lucem nondum conditam præcesserunt, in superficie abyssi, non possunt dici privatio lucis. Præ-

terea, debet subiectum quod habitu privatur, esse tale, ut ejus natura habitum recipere valeat: ideoque lapis non est subiectum idoneum cæcitatibus, qui non est lapidis hæc natura, ut videat. Præterea, debet esse tempus certum à natura constitutum, quo subiectum, habitum recipere debet: ideoque ante nonum diem catulus non potest dici cæcus, quia nonum demum diem natura constituit in catulis ad videndum. Denique, debet esse & locus certus quem natura

tera definitur, ut in eo loco  
us privationi succedere que-  
ideoque urinatores sub aqua,  
non audiunt, non possunt di-  
sardi aut privati auditu, quia  
ura, aquam non destinavit pro  
edio aut loco idoneo audiendi.

2. Forma accidentalis dicitur  
accidens, quod per omnes mate-  
riæ partes se insinuat, ut lux, co-  
lor, &c. substantialis dicitur sub-  
stantia, quæ omnes materiæ par-  
tes informat, penetrat, pervadit,  
ut anima respectu corporis.]

#### Quæst. XIV. De exempla eorum, quæ oppo- nuntur privative.

*Visus & cæcitas, scientia & ignorantia, lux & tenebra, mo-  
& quies, nudum & vestitum esse, &c.*

1. *Visus & cæcitas*) sunt exem-  
tum potentie naturalis, tanquam  
habitus, & oppositæ privationis.  
*scientia & ignorantia*, scilicet,  
negationis, non pravi dis-  
positionis, sunt exempli in habi-  
tus in prima specie qualitatis, &  
privationis. Tertium exemplum  
est paribilis qualitatis; quartum,  
operationis; quintum, habitus  
decima categoria; & oppo-  
situm privationum.]

[2. *Quies*) vel antecedit mo-  
tum, vel eum sequitur, tanquam  
terminus ejus ad quem. Quies  
quæ motum antecedit in corpore  
quod motum aliquando fuit, &

moveri solet, est privatio motus,  
qui inesse debet per naturam  
corporis mobilis: sed quies quæ  
antecedit motum in corpore quod  
solet quiescere, & contra natu-  
ram movetur, non est privatio  
logica, quia non est absentia ha-  
bitus qui inesse debet, neque e-  
nim corpus quiescere solitum, ex  
natura sua moveri debet; sed est  
privatio physica motus qui inesse  
potest. Quies, quæ motum se-  
quitur in corporibus quæ contra  
naturam moventur, non est pri-  
vatio; sed tantum in corporibus  
quæ moveri solent, privatio est,  
& quidem logica.]

#### Quæst. XV. Quid sunt contradicentia?

Contradicentia sunt ens & non-ens; ut, *homo, non-homo;  
album, non-album; videre, non-videre.*

[1. *Contradictio* est omnium  
oppositionum maxima, quia ne-  
que ubique & semper: est insu-  
per mensura reliquarum opposi-  
tionum, in iisque includitur, nam  
quod cæcitas opponatur visui  
privative, ideo est, quia cæcitas  
est non-visus; quod albor nigrori  
contrarie, ideo est, quia albor est

non-nigror; quod pater filio re-  
lative, ideo est, quia pater est non-  
filius, respectu scilicet ejusdem;  
quod homo tauro, leoni, dispa-  
rate, ideo est, quia homo est non-  
taurus, &c.]

2. *Contradictio* effertur in ter-  
minis vel transcendentibus, ut,  
*ens & non-ens*; vel prædicamen-  
talibus,

talibus, ut, homo, non-homo.

3. Termini transcendentes sunt, qui transcendunt & transiunt omnes categoriarum omnium limites ac fines, aut, qui in nullo certo vel uno predicamento inveniuntur, sed in omnibus; ut, ens, unum, verum, bonum: termini predicamentales sunt, qui in certo & uno reperiuntur predicamento; ut, homo, longitudo, albor.

4. Contradictio est, vel explicita, vel implicita: prior, cum inter terminos contradictionis interponitur particula *non*; ut, homo, non-homo, albor, non-albor: posterior, cum in alio terminorum, ac praesertim praedicato, implicatur & occulte in-

volvitur negatio alterius sui oris termini, puta subiecti; cum dico homo irrationalis, est ac si dixerem, homo non-rationalis; si enim non sit rationalis, non homo; aut, sacrificium incrementum, quod idem est ac sacrificium non-sacrificium, cum nullo sacrificium. Hae sine sanguinis missio, sacrificium in quo non datur sanguis, nec sacrificium, atque hoc vocant philosophi *contradictionem*, vel *traditionem in adiecto*, vel *positum in appposito*: nam irrationale adiectum aut appositum homini, aut incrementum sacrificii utrumque tollit; cum nullus homo sit irrationalis, nullum sacrificium incrementum.

## CAPUT XXIII.

### Quaest. I. Quid est ordo?

**O**rdo est, secundum quem aliquid altero prius aut posterius, vel etiam simul cum illo, dicitur.

In omni ordine est aliquid primum, aliquid medium, aliquid posterius.

### Quaest. II. Quot modis dicitur prius & posterius?

Quinque modis; tempore, natura, dispositione, dignitate, & cognitione.

### Quaest. III. Quid est prius tempore?

Quod altero vetustius & antiquius dicitur. Sic Pythagoras dicitur prior Socrate; & bellum Trojanum, bello Punico.

1. Prius tempore dicitur vel absolute, quod tota sua duratione prius est; sic Adam prior tempore est Abrahamo, quia ille esse desinit antequam hic coeperit esse:

vel secundum quid, quod partem durationis prius est; ut Plato Aristotele est prior, quia ille quidem prius esse coepit, sed tamen esse non desinit, antequam hic esset.

Quaest.

**Quæst. IV. Quid prius natura?**

Quod prius est, aut existendi consecutione, aut cau-  
sare.

**Quæst. V. Quid vocas prius existendi consecutione?**

A quo non reciprocatur existendi consecutio. Sic ani-  
mal prius est homine, & numerus binarius, ternario: posito  
homine, ponitur animal, at posito animali, non ne-  
cesse est poni hominem; similiter posito ternario nume-  
rus binarius quoque ponitur, posito binario, non necesse  
est poni ternarium.

1. Dicitur reciprocari existendi  
consecutio, quando duorum ter-  
minorum unus alterum infert, &  
vice versa, idque in legitima  
consequentiâ, ratione existen-  
tiae utriusque: qualis reciproca-  
tio locum habet inter causam e-  
fficiantivam & effectum, subje-  
ctum & proprium, relatum &  
correlatum; nam, licet mihi  
interesse, & quidem recte, existit  
sol, ergo & lux; existit ignis,  
ergo & calor; existit aliquis  
pater, ergo aliquis existit fi-  
lius.

2. Reciprocari proprie dicitur  
fieri, quæ a fabris lignariis fin-  
iendo lignum sursum ac deor-  
sum trahitur, ut modo pars ser-  
vetur infra, modo supralignum ap-  
pareat, & sic locum suum mu-  
tet: hinc translata vox est ad  
philosophiam, significatq; trans-  
positionem & transpositionem  
subjecti in locum prædicati, &  
vice versa, in enunciatione; ut  
omne animal sentit & omne  
sentiens est animal, quæ vul-  
go dicitur conversio: significat  
enimque unius enunciationis  
inter alia illationem mutuat;  
existit sol, ergo & lux; exi-

stit lux, ergo & sol. Quando non  
licet sic interire mutuo, dicitur  
ab uno termino ad alium non  
reciprocari existendi consecutio;  
à quo autem termino ad alte-  
rum talem illationem facere non  
licet, ille est prior altero quoad  
existendi consecutionem: sic  
quamvis licet dicere, existit ho-  
mo, ergo & animal; quia omnis  
homo est animal: non tamen  
licet dicere, existit animal, ergo  
& homo, quia non omne animal  
est homo; ideo animal prius est  
homine quoad existendi conse-  
cutionem.

3. Prius existendi consecutione  
est, quod ponitur alio posito, &  
quo posito aliud non ponitur:  
sic, ponitur animal posito homi-  
ne, sed non ponitur homo posito  
animali. Ideoque, quamvis liceat  
dicere, est homo, ergo est ani-  
mal; non valet tamen recipro-  
catio consequentiæ: existit ani-  
mal, ergo existit homo: quia  
potest existere aliud animal  
quam homo, scilicet brutum. Hoc  
modo prius est omne genus suæ  
speciei, & omnis species suo in-  
dividuo, & omne universale sin-  
gulari.

**Quæst.**

## Quæst. VI. Quid vocas prius causalitate?

Quod reciprocatur secundum existendi consecutionem, & alterum quomodocunque causa est cur alter existat. Sic sol est prior sua luce; non tempore, sed natura sive causalitate.

[1. Illa reciprocantur secundum existendi consecutionem, quæ sese mutuo inferunt, & ex se invicem inferuntur: sic dico, est sol, ergo est lux; est lux, ergo est sol. Sol tamen prior est natura luce, quia est causa lucis.]

2. Cavendum est serio, ne illa quæ sunt simul tempore, putentur esse simul natura; nam multa eodem tempore, imo & momento, existunt, quorum tamen alterum altero prius est natura, & quidem causalitate: sic materia prior est quantitate natura, & tamen simul tempore cum ea; sic simul tempore sunt ignis & calor suus qui in se est, sol & lux, omne subiectum & proprium; & tamen ignis calore, sol luce, & subiectum proprio sunt priora natura ac causalitate, quia sunt causæ emanativæ reliquorum, tanquam effectuum. Huc referri debet prioritas ordinis in Deo, quando Pater dicitur prima persona, Filius secunda, Spiritus Sanctus tertia, & in transcendentibus, quando dicitur ens prius unitate, veritate, bonitate: non tamen Pater est causa Filii, nec uterque causa Spiritus Sancti, nec ens causa unitatis, veritatis, bonitatis; sed cum aliquis sic tamen utrobique ordo, ad nullam speciem ordinis vel prioritatis commodius referri possunt,

quam ad hanc. Hinc ortum habet illa, inter disputandum philosophis usitata, qua illa quæ sunt simul tempore, se dicunt distinguere secundum momenta instantia naturæ, ac signa rationis, quatenus ratio humana illis, quorum neutrum alterum prius est tempore, unum tamen prius & in momento prius concipit, quam alterum: ita dicunt, priorem esse essentiam Dei, potentiam, sapientiam, &c. unitate, veritate. &c. quia ratio hominis prius essentiam Dei, quam ejus potentiam, ens prius quam unitatem, concipit.]

[3. Cum ratio hominis, illa quæ sunt simul tempore, vel æterno, concipit distinctis tantum conceptibus, sed temporibus, dicuntur illa philosophi distingui juxta vel secundum diversa signa, momenta, aut instantia rationis, quæ alii vocant naturæ; quia licet, verbi causa, simul sint tempore sol & lux, natura tamen utriusque excedit solis, ut causæ & principii, ut eis, ut causati & principii, prius concipiatur sol quam lux sic, quamvis omnia Dei attributa simul sint ab æterno in Deo, natura tamen Dei est ut prius concipiamus attributum simplicitatis aut perfecti-

quam immutabilitatis, quia  
per illa demonstratur & di-  
citur hi rationis humanæ con-  
ceptus, formati distincto tempo-  
re de rebus, quæ vel tempore vel

ab æterno sunt, simul nobis pe-  
pererunt illa vel naturæ vel ra-  
tionis instantia, momenta,  
signa philosophis dicta.]

**Quæst. VII. Quid est prius dispositione?**

Quod minus abest ab initio: Sic *exordium* prius est ce-  
teris partibus in oratione.

Illud minus abest ab initio quod est propius initio.

**Quæst. VIII. Quid prius dignitate?**

Quod præstantius est. Sic *magistratus* prior est *subditis*,  
*luminis servis*, *pater liberis*.

**Quæst. IX. Quid prius cognitione?**

Quod notius est.

**Quæst. X. Quot modis dicitur aliquid altero notius?**

Duobus; vel quoad naturam, vel quoad nos.

1. Notius quoad naturam, est  
notius cognitione distincta &  
intellectuali; notius vero quoad  
nos, est notius cognitione con-  
fusa & sensuali. Quia à teneris  
transciscimus sensuum uti mini-  
sterio in cognoscendo: & prius  
ascimur sensibus quam ratione,  
scilicet, quod sensibus est vicinior  
dicitur prius cognitione quoad  
nos; quod vero prius intelligitur  
ratione quam sensu, dicitur no-  
tius quoad naturam, quia intel-  
lectus in intelligendo sequitur  
non ordinem sensuum, sed na-  
turæ, & illum quem Deus, au-  
thor naturæ, posuit in rebus.  
Quod autem notius est natura,  
ignotius est quoad nos; & con-  
tra. Cognitione sensuali confusa  
est, quia sensus tantum cogno-  
sunt accidentia, essentias re-  
rum non penetrant; & visus

tantum cognoscit colorem & lu-  
cem, vel lapidis vel hominis, &c.  
neutrius essentiam percipit: sed  
intellectus dicitur distincte cog-  
noscere res, quia ipsas rerum  
essentias suo lumine pervadit;  
nam intelligit & materiam &  
formam, tum lapidis tum homi-  
nis, quibus, utriusque essentia  
absolvitur.

[2. Duo sunt principia res  
quælibet cognoscendi, sensus  
& intellectus; sed modus cog-  
noscendi alter ab altero differt.  
Quæ enim sensibus cognoscuntur,  
ea cognoscuntur confuse, quia  
nullius substantiæ, nec corpo-  
rez nec incorporeæ essentiam,  
sensus percipit; nam objectum  
sensuum est vel commune,  
vel proprium, utrumque acci-  
dens; nullum vero accedens  
nos in substantiæ cognitionem  
adda-

deducere valet, quæ à solo intellectu cognoscitur distincte: hic enim cognoscit 1. substantias incorporeas, item universalia, quæ neutra in sensus incurrunt; 2. cognoscit quoque substantias corporeas, non tantum quoad accidentia, sed & quoad essentiam. Atque hinc liquet, quam sit imperfecta cognitio hominis, si ultra sensus non abeat, quemadmodum non abit vulgus hominum, etiam literatorum; pauci enim, iudicia quæ de rebus per sensus ab infantia cognitis tulere, ad examen rationis vocant; sed plerique res sic tales iudicant, quales dictavit sensus, quod conjunctum est cum maximo errandi periculo: sic enim quis iudicaverit solem esse bipedalem, remum sub aqua esse fractum, terram eminus visam esse rotundam; quia visus sic dicitur. Cum itaque maximus errandi magister sit sensus sapissimeque nobis imponat, aut quia organum sentiendi non est bene affectum, aut quia medium non est bene dispo-

situm, aut quia obiectum non debite approximatum, argui super substantiæ nullius estiam, sed tantum accidentia cognoscat; quis non videt, me facere veritatis studiosum, naturas rerum cognoscendi arduum, si nihil pro vero accipiat, quod ante rationis sum solo sensuum admittit, cognovit, priusquam illud ratione expendit, atque examinaverit intellectu? & quis non videt, cognoscendi certitudinem quaerendam esse ab intellectu, non à sensu? sic ut, quicumque desideret certam sibi claram ac distinctam rerum comprehensionem, debeat necessario incipere ab intellectu, & non à sensu; quia sensus multa non cognoscit, & quæ cognoscit, cognoscit, confuse, obscure, & incerto: at intellectus non quidem omnia, sed quædam saltem, & prima principia, cognoscit, scilicet, certo, clare & distincte, & longe plura alia ad quæ sensus non pertingit.]

**Quæst. XI. Quanam dicuntur notiora secundum naturam?**  
 Quæ natura priora sunt; ut, *universalia singularibus, partes toto, causa effectui, &c.*

Sic genus est notius sua specie, & species individuo, scilicet *natura*: contra, individuum est notius specie, & species genere, *quoad nos*. Sic totum nobis notius

est partibus, & effecta causis, quam multa enim effecta cognoscimus, quorum causas ignoramus? at partes *natura* notiora sunt toto, & causa effectui,

**Quæst. XII. Quæ quoad nos?**

Quæ natura posteriora, sensibusque nostris viciniore sunt; ut, *singularia universalibus, totum suis partibus, effectum causis.*

Quæ



## Quæst. XIII. Quot modis dicitur simul?

Totidem fere modis, quot prius & posterius dicitur : sed duo modi cæteris usitatiores sunt ; simul tempore, & simul natura.

## Quæst. XIV. Quanam dicuntur simul tempore?

Quæ eodem tempore existunt; ut, *æquales*, & *ὁμογενεῖς*, hoc est, *contemporanei*, [ ut Aristoteles & Alexander. ]

Simul tempore dicitur duobus prius quidem vel cæpit, vel desinit; ut cum duo eodem tempore cœperunt, eodemque desinunt; vel cum alterum altero

## Quæst. XV. Quæ simul natura?

Simul natura dicuntur primo, quæ reciprocantur quidem secundum existendi consecutionem, sed ita, ut alterum non sit causa, cur alterum existat; ut, *relatum & correlatum*, puta, *pater & filius* : deinde, quæ in ejusdem generis divisione sibi invicem opponuntur æqualiter ; ut, *homo & bestia*.

1. *Pater & filius* ] sunt simul natura, quatenus sunt *relatum & correlatum* ; non vero, quatenus sunt homines : nam homo qui est pater, est prior & causa eius qui est filius ; sed non est prius pater, quam alter est filius, neque esse *patrem* in uno ( puta Philippo ) magis est causa cur esse *filium*, sit in Alexandro, quam esse *filium* in Alexandro, est causa, cur esse *patrem* sit in Philippo.

2. *Homo & bestia* ] dicuntur simul natura, respectu nimirum animalis, quia animal de illis simul, id est, æqualiter, prædicatur, nec de uno prius quam de altero : continentur enim æqualiter sub animali, & sub eo simul comprehenduntur secundum quid, scilicet, secundum

genus id animal ; utrumque, respectu sui invicem, brutum fuerit prius homine. *Pater & filius* dicuntur simul simpliciter.

3. *Species* dicuntur esse natura simul respectu generis, quando genus uni non magis tribuitur quam alteri, nec una species alteri debet quod naturam ac nomen generis participet ; quemadmodum homo non debet bruto, nec brutum homini, quod utrumque sit animal : at, cum ens dividitur in substantiam & accedens, Deum & creaturam, istæ species, respectu entis tanquam generis, non sunt simul natura quia nomen & natura entis magis & prius convenit Deo quam creaturis, substantiæ quam accidenti ; & creatura debet Deo, accedens

substantiæ, quod nomen & naturam entis participant. Vel sic; Species alicujus generis, vel ita se habent, ut neutra ab altera dependeat, quemadmodum homo & brutum, & tum genus dicitur æqualiter prædicari de illis: vel

ita se habent, ut una dependeat ab altera, quemadmodum substantia & accidens; & tum genus dicitur prædicari inæqualiter, nam quod ens prædicatur de accidente, hoc accidens debet prædicari de substantia, quia hæc illius est causa.

## CAPUT XXIV.

**Quæst. I.** *Aique hætenus egimus de thematum simplicium categoriis, & affectionibus, quæ ex rerum in categoriis dispositarum collatione oriuntur: quid porro sequitur?*

**I**nterpretatio thematum simplicium, & affectiones quæ intellectus noster vocabulis affingit, ex modo conceptis suis interpretandi.

1. Logica dirigit & sermonem internum & externum: hætenus ita sumus perfecti, quæ faciunt ad cognitiones nostras dirigendas; sequuntur nunc quæ faciunt ad dirigendum orationem nostram: ut sic discamus non tantum res quælibet bene intelligere, sed & intellectas aliis bene explicare atque interpretari.

2. Per sermonem externum ab omnibus intelligitur oratio, quæ lingua profertur, auribusque percipitur: per sermonem internum nonnulli intelligunt ipsas animi nostri cogitationes, alii

potius vocabula ipsa sub quibus res cogitantur, conceptusque intelliguntur: quæ duo hic sunt distinguenda; nam cogitationes de re aliqua in diversis hominibus possunt esse eadem, & vocabula sub quibus cogitantur sunt diversa; verbi causa, Galus, Belga, Hispanus, omnes concipiunt homines esse animal rationale, conceptus de re eadem sunt iidem, sed vocabula sub quibus concipiuntur in singulis sunt diversa.

3. *Affectiones* ] intellige affectionis seu vocis, vid. c. 3. præced.

**Quæst. II.** *Quid est interpretatio?*

**I**nterpretatio est vox articulata, animi conceptus instituto significans.

1. *Vox* ] est sonus significativus: significatque vel animi affectus, ut fletus, risus, & vocator vox inarticulata, quia syllabis & literis, tanquam articu-

lis, non constat; vel significans animi conceptus seu cogitationes, & vocantur articulatæ, quia literis & syllabis, tanquam articulis constat; ut, homo, animal, &c.

3. Queritur hic, an voces significant non potius res significantes, quam conceptus mentis humane. Respondeo: voces, quia primum inventæ sunt ad representationes hominum aliis explicandas, primum & proxime significant conceptus animi; sed quia conceptus nulli aut cogitationes instituantur nisi de rebus, ut voces secundario ac remote significant res conceptas ac cogitatas.

4. Non agitur hæc de voce, prout literis constat ac syllabis, quod est Grammaticæ; nec de ea, prout est vel propria vel figurata, quod est Rhetoricæ; sed, prout est index animi, & significat aliquid à mente intelle-

ctum ac perceptum, & aliis explicandum, quod est Logicæ.

4. Ex *instituto*) significat vox quælibet; quia pro variorum hominum ac nationum arbitrio, voces vim significanti acceperunt.

5. Instituti & arbitrii humani, quo acceperunt vim significanti voces, interdum ratio quædam dari potest, interdum non potest. Nullum est dubium, quin certæ ratione vocibus in lingua Hebræa significationes fuerint impositæ, quæ tamen vel peritissimosejus in plebisque latent, in reliquis linguis paucissimæ rationes vocum in significanti assignari possint, quia ex confusione Babylica sunt ortæ.

### Quæst. III. Quotuplex est interpretatio?

Duplex; dictio, quæ est interpretatio simplex; & oratio, quæ est interpretatio composita.

### Quæst. IV. Quid est dictio sive interpretatio simplex?

Cujus nulla pars significat separatim [ scilicet in exemplum lingua ] ut, homo, piscis, lapis.

1. Nulla pars) id est, syllaba.

2. Significat separatim) scilicet quatenus est pars istius distinctionis: ita, quamvis partes hujus

vocis, valebis, scilicet, vale & bis, aliquid significant separatim, non tamen id faciunt quatenus sunt partes istius vocis.

### Quæst. V. Quid est oratio, sive interpretatio composita?

Cujus partes significant aliquid separatim; ut, homo est animal: piscis non respirat.

1. Partes] id est, dictiones: nam hæc sunt partes orationis.

### Quæst. VI. Quomodo dividitur dictio?

In nomen & verbum.

1. Cum Logicis nomen & verbum dicuntur dictiones aut partes orationis, intelliguntur no-

men casus nominativi, & verbum modi indicativi tantum: quia illud tantum intelligunt

nomen, quod potest habere rationem subiecti, & verbum, quod potest habere rationem prædicati; sed nomina casus obliqui non possunt habere rationem subiecti, nec verba aliorum modorum quam indicat. vi possunt habere

rationem prædicati, quia hec huiusmodi verba ac nomina quam sensum efficiunt perfectum, sed imperfectum tantum: at Logici, illa nomina & verba tantum habent pro partibus orationis quæ faciunt sensum perfectum.

### Quæst. VII. Quid est nomen?

Nomen est dictio quæ sine tempore significat, & conjuncta verbo substantivo est, effert verum aut falsum; ut *homo, animal.*

1. Aliud est, tempus non significare, & aliud, *sine tempore significare*: multa nomina significant tempus, ut, *annus, mensis*; multa non significant tempus, ut, *homo, animal*: omnia tamen significant sine tempore, quia nun-

quam significant rem in aliquo differentia temporis, vel præteriti, vel præteriti, vel futuri.

2. *Nomen*] hic intelligitur Logici substantivum tantum, non adjectivum, & nominativi casus non aliorum casuum.

### Quæst. VIII. Quid est verbum?

Verbum est dictio quæ tempus adsignificat, & semper signum est eorum quæ de altero dicuntur; ut, *disputat, currit.*

1. Quando voces, hæc, *disputat, currit*, ponuntur ut exempla verbi, quod est dictio seu interpretatio simplex, sumuntur indefinite, non subintellecto nominativo, sed tantum consignificato tempore præsentis: Belgice melius exponitur, *men disputeret nu, men loopt nu*: nam si subintelligatur nominativus, hic aut ille, sunt exempla interpretationis compositæ, & thematis complexi.

1. *Adsignificare tempus*) est, præter rem significatam denotare temporis differentiam, sub qua res significata esse, fuisse,

vel fore dicitur. Exempli gratia *disputatio* est nomen, *disputat* verbum: discrimen est, quod prius vocabulum significet actionem sine tempore, posterius cum tempore.

2. *Signum est eorum, &c.*] hoc est, *verbum* est signum prædicati ejus quod prædicatur; nam nomen est semper subiectum, verbum est prædicatum.

3. Præter nomen & verbum nullas partes orationis habet Logici: nam pronomen & participium referunt ad nomen, reliquæ partes orationis, Grammaticis dictæ, illis

ant tales, sed tantum addita-  
menta orationis, & ut vulgo lo-  
quuntur, *οὐκ ἐστὶν ὁμοίωμα*: talia  
enimque sunt adjectiva.

• **Divisiones Logicae** dividuntur in categorematicas, & syncategorematicas. Categorematicae dicuntur, nomen substantivum nominativi casus, & verbum indicativi modi, quia illa tantum se invicem *καταγορηστικῶς* seu

prædicari possunt. Syncategorematicæ dictiones sunt, omnia nomina aliorum casuum, & verba aliorum modorum, item ad omnes orationis partes, item adjectiva; atque inter ea speciatim sic vocatur, *omnis, nullus, aliquis, quidam*, & id genus particulae, quæ enunciationis quantitatem denotant, de quibus cap. 28.

Quæst. IX. Quomodo dividitur nomen & verbum?

Utrumque dividitur in finitum, & infinitum.

Quæst. X. Quid est nomen aut verbum finitum?

Quod habet significationem definitam; ut, *homo*,

Quæst. XI. Quid infinitum?

Cujus significationem negandi nota non indefinitam facit ut, non-homo, non-currit.

1. *Nomen aut verbum finitum*  
est, quod rem aliquam certam &  
certo significat, id est, habet cer-  
tam significandi amplitudinem  
aut latitudinem, intra quam  
consistit; ut, *homo: infinitum*  
est, quod non significat rem a-  
liquam certam aut certo, quod  
non consistit intra certam ali-  
quam significandi latitudinem  
aut amplitudinem; ut, *non-homo:*  
hoc enim omnia significat prater  
hominem, cui apponitur parti-  
cula *non*.

2. Ex hac nominis ac verbi, um finiti tum infiniti, definitio-  
e, ortum ducit contraditio,  
est, quando idem nomen  
ut verbum nunc habet signifi-  
cationem definitam, nunc indefi-  
nitam: ut, *homo, non homo; cur-  
rit, non-currit.*

3. Infinitum nomen & verbum semper cognoscitur per præpositam particulam *non*, ut *homo* significat rem aliquam certam nimirum animal rationale, non brutum, non scammum, non lapidem, &c.

4. *Currit* ] significat aliquid certo, nimirum, non stare, non sedere, non ambulare, non jacere, sed talem formam motus quem *cursum* vocamus.

5. *Non homo* ] non significet rem certam: nam scammum, lapis, planta, & quicquid præter hominem rerum est, est *non-homo*.

6. *Non curris* ] non significat aliquid certo: nam significat jacere, stare, ambulare, & omnem, præter id currere, motum & actionem.

## CAPUT XXV.

Quæst. I. Quanam sunt spectanda in dictionibus?

**P**rimo, etymologia & conjugatio; deinde, homonymia & synonymia.

1. *Synonymia* ] hic non sumitur, ut à grammaticis, pro æquipollentia vocum, quo sensu il-

lis dicuntur ensis & gladius, vocabula synonyma; sed alio sensu, de quo cap. seq.

Quæst. II. Quid est etymologia?

**E**tymologia est ratio vocis in significando ex origine declarata; veluti, cum mutuum dicitur, quasi de meo sum.

1. *Dupliciter* vocis significatio, *ex origine declaratur*: vel ut vox composita resolvatur in simplices, vel ut vox derivativa resolvatur in primitivam: exempla utriusque passim sunt obvia.

2. *Etymologia* ] logica distinguitur ab etymologia grammatica, quia logica habet rationem significationis, grammatica non item. Ducuntur vero etymologiae logicæ ab omnibus affectionibus logicis, & notionibus secundis: ex, gratia, à causa efficiente, ut scriptura à scribo; à materia, ut homo ab humo; ab effectu, ut consul à consulendo; ab objecto, ut, logica à λόγος, &c.

3. Quæri potest, ac solet, num etymologiae quoque lo-

gicae ducantur ab oppositis: in quidem vulgo sentiunt, ut, bellum, quasi minime bellum; parca, quia minime parcat: vitæ mortalium; lucus, quia minime luceat, ob arborum densitatem: alii tamen negant, & significandi originem aliunde deducunt; & in exemplis aliter, bellum volunt dici quasi duellum, uti antiquis bonum dictum fuit quasi donum; parca, quod maxime parcat vitæ humanæ, dum non staminis ejus stamina resecant; locus, quia maxime luceat per ignem quo in sylvis densissimis sacra comburebantur. Sed nescio, si in omnibus etymologiis quæ ab oppositis duci solent, ex aliâ origine vocum significatio possit.

Quæst. III. Quid sunt conjugata?

**C**onjugata sunt, quæ vocis [cognitione] & significationis affinitate juncta, terminationis diversitate differunt: ut, *justitia, justus, iuste*; *sapientia, sapiens, sapienter, sapere*.

I. Conju-

1. *Conjugatio* hinc non significat flexionem verbi per modos & tempora, sed locum habet in nominibus etiam & adverbis, quæ à se invicem derivantur;

ut in exemplis authoris patet.

2. In *conjugatis* tria sunt observanda; *vecum cognatio*, *affinitas significationis*, & *terminationis diversitas*.

#### Quæst. IV. Quot partibus constat conjugatio?

Tribus; voce primitiva, paronyma sive denominata, & casu.

#### Quæst. V. Quid est vox primitiva?

Vox primitiva est vox abstracta, quæ ab alia voce non est denominata; [ ut, *justitia*. ]

1. *Vox abstracta* dicitur, quæ significationem habet simplicissimam, ut *justitia*, quæ logicè à nulla alia voce derivatur: nam non *justitia* à *justus*, ut Grammatici volunt, sed *justus* à *justitia* derivatur; quia *justus* habet significationem concretam sive complexam, significat enim virtutem istam, & hominem in quo est. Grammatici rationem habent syllabarum, derivant *justitiam* à *justus*, quia *justitia* quadrissyllabum est, & *justus* dissyllabum: at Logica syllabarum rationem non habet, *Abstractæ* vocis significatio est simplicior, quia plerumque significat nudum accidens, non significato subiecto, ut *justitia*.

2. *Vox abstracta* dicitur ab abstractione simplici seu præcisionis (quæ quid sit, vide cap. 13. quæst. 8. com. 1.) quia significat aliquid quod quidem est in alio, non tamen connotato, sed præciso eo, in quo est; ut *justitia* significat virtutem nudam, non connotato homine in quo est, & *humanitas* significat naturam humanam, non connotato Petro aut Paulo in quo est. Vel sic, *vox abstracta* dicitur ab abstrahendo, quia significat aliquid quod cum aliis rebus conjunctum est sive his inest, sive adsit, ut tamen non significet illas ipsas res: sic *justitia* significat aliquid quod inest justo, non tamen significando ipsum hominem in quo est.

#### Quæst. VI. Quid paronyma sive denominata, [ sive derivativa? ]

Vox paronyma est vox concreta, quæ à voce primitiva derivata est, ut ab ea, terminatione sola differat; ut, *justus*.

1. *Vox concreta* dicitur à connotando, quia significat ali-

quid quod concernit aliud in significando, ideoque illud significat



gnificat seu connotat; ut *justus* significat justitiam, sed quæ concernit & connotat nomen in quo est.

2. *Vox concreta* est, quæ habet significationem compositam: ut, *justus*.

3. *Concreta vox*, vel significat substantiam & accidens, ut *justus*, significat enim hominem & justitiam; vel significat subjectum & relationem, ut pater, significat enim & hominem & paternitatem; vel significat naturam substantialem & substantiam quæ eam habet, ut homo significat humanitatem, & eum qui eam possidet. Voces paronymæ sive *concrete* sunt omnes voces adjectivæ, ut, doctus, albus, &c. omnes item substantivæ quæ significant relata, ut pater, dominus; omnis enim relatio est abstractum relati, ut, paternitas, dominium. An etiam alia substantiva vocabula, & quæ, sint voces paronymæ, usu addiscendum est, & ex definitione vocis paronymæ dijudicandum.

4. *Vox concreta* dicitur vel à concernendo, quod significatio ejus adhuc aliam rem concernat ac connotet; vel à concresecendo, quod ejus significatio ex duabus significationibus concreverit ac coalescerit; ut *justus* significat justitiam, sed quæ est in homine aliquo; ideoque subjectum suum in quo est concernit ac connotat, ejusque significatio conflata est & creverit ex significatione hominis, tanquam subjecti, & justitiæ, tanquam virtutis: sic & *bo-*

*mo* est vox concreta, quia significat naturam humanam, & Petrum aut Paulum, in quo est itaque significat humanitatem sed quæ concernit ac connotat subjectum de quo dicitur.

[ 5. Duobus modis dicitur vox abstracta, vel à connotatione subjecti, vel à connotatione inferiorum. Prioris generis voces abstractæ significant accedens, non connotato subjecto in quo est; ut, *justitia*: posterioris generis voces significant naturam substantialem, non connotatis inferioribus de quibus dicitur; ut, *humanitas*. Totidem modis dicitur vox concreta: vel quæ connotat subjectum; ut, *justus*; vel quæ connotat inferiora, ut, *homo*.

6. Quia *humanitas* non est accidens, non est in subjecto, ideoque non potest abstrahi à connotatione subjecti; neque vox concreta *homo*, potest connotare subjectum verum. Quia *humanitas* est in Petro, Paulo, Joanne, aliisque individuis, homine inferioribus, dicitur abstrahi à connotatione inferiorum; & vox concreta *homo*, dicitur connotare inferiora, Petrum, Paulum, Joannem, & quibus dicitur. Ac *justitia*, quæ est accidens, abstrahitur à connotatione subjecti; & concretum *justus* subjectum connotat. ]

7. *Concreta* sunt, 1. Omnia adjectiva vocabula. 2. Omnia substantiva quæ significant relatum aut correlatum.

8. *Abstracta* sunt, 1. Nomina substantiva in *ia*, ut, *justitia*;

in *is*, ut, *precatio*; in *as*, ut, *vera*.  
 in *os*, ut, *fortitudo*; & in  
 terminaciones desinentia,  
 regulis certis compre-

hendi nequeunt. 2. Omnia no-  
 mina substantiva significantia  
 virtutes & vitia; item rela-  
 tiones.

### Quæst. VII. Quid casus?

Casus, hoc loco, est adverbium à nomine aut verbo  
 conjugationis deductum: aliàs, casus est quælibet  
 vocis inflexio.

1. Casus) apud logicos non  
 uno modo sumitur: interdum  
 significat omnes casus præter no-  
 minativum, interdum omnes  
 modos extra indicativum: hic  
 neutrum notat, sed adverbium

aliunde derivatum.

2. Qualiber vocis inflexio) seu  
 per casus, genitivum, dativum,  
 &c. ut in nomine; seu per mo-  
 dos, imperativum, subjunctivum,  
 &c. ut in verbo fit.

### Quæst. VIII. Adde exemplum.

*Iustitia, sapientia*, sunt voces abstractæ sive primitivæ;  
*iustus, sapiens, sapere*, voces concretæ sive paronymæ;  
*iuste, sapienter*, casus.

## CAPUT XXVI.

### Quæst. I. Quid est vox synonyma sive univoca?

Quæ res [duas aut plures] significat, quibus ratio  
 essentia, sive definitio, communi nomini accommo-  
 data, [id est, communi voce significata] est eadem.

1. In voce synonyma duo sunt:  
 vox communis pluribus rebus  
 significandis accommodata, ea-  
 dem; ac definitio pluribus rebus  
 significatis accommodata, eadem:  
 ut animal respectu hominis &  
 bestia; nam & homini nomen  
 animalis, & bestia idem com-  
 petit, & utrique convenit com-  
 munitis definitio animalis, quod  
 sit substantia corporea, vivens,  
 sentiens.

2. Definitio dicitur ratio essen-  
 tia, quia cum quis interroga-  
 tur, quænam est essentia hujus  
 vel illius rei, is recte respondet  
 per definitionem: ut, si quis ro-  
 getur, quænam est essentia ho-  
 minis, apte respondebit, & ratio-  
 nem reddet per definitionem, di-  
 cendo, quod sit animal ratio-  
 nale.

3. Vox unaquæque significat  
 res in numero plurali, quando  
 significat thema universale;  
 sed significat rem, cum signi-  
 ficat

ficat thema singulare: ideoque omnis vox synonyma, est universalis in significando, sed non vice versa, ut liquet comm. ult. quæst. seq.

[4. Dicitur aliquid universale multis modis: 1. essendo; sic natura sive essentia hominis est universalis, quia pluribus competit individuis, Petro, Paulo, &c. 2. in causando; quo sensu causa aliqua dicitur universalis, quæ

producit effectus plures, sicut ut sol & cælum producant & viventia & non viventia: 3. in præsentando; hoc modo communis, seu species intelligibilis hominibus in intellectu, est quid universale, quia repræsentat naturam universalem, & pluribus communem: 4. in significando; & sic dicitur vox quæ plures significat; & hoc modo, hæc vox synonyma dicitur universalis.]

Quæst. II. Quid vox homonyma, sive æquivoca?

Quæ, res significat, quibus ratio essentia sive definitio communi nomini accommodata, est diversa.

1. In voce homonyma duo sunt: 1. Vox communis, pluribus rebus significandis accommodata, eadem; 2. Definitio, secundum vocem istam communem pluribus rebus accommodata, diversa: ut cum *cancer* sumitur pro morbo, animali, & fidere, nulla hæc definitio communis illis tribus dari potest, cum tamen omnia ista tria communi nomine *canceri* convenient.

2. Conveniunt vox synonyma & homonyma in eo, quod utrobique una vox significet res plu-

res: differunt in eo, quod sub voce una synonyma datur quæ una definitio communis pluribus rebus significatis; at in voce homonyma non item, sed ibi totumplex datur definitio quæ totumplex est unius vocis homonymæ significatio: ita alia est definitio *canceri* prout hæc vox significat morbum, alia prout *fidus*; sed non est alia definitio animalis prout significat hominem, nec alia prout notat brutum, sed una eademque animalis definitio convenit utrique.

Quæst. III. Da exemplum.

Vox *animal*, cum animali vivo simul & picto tribuitur, est homonyma; quia non est una communis essentia aut definitio vivi & picti animalis: at, cum homini & bestia tribuitur, est synonyma; quia una eademque essentia est & definitio animalis, quæ homini & bestia cum ipso communi nomine *animalis* communis est.

1. Voces homonymæ sive æquivocæ Latinis dicuntur *ambi-*

*gue*. De voce paronyma actum est quæst. 6. cap. 25.

Quæst.

Quæst. IV. Quotuplex est vox homonyma?

Duplex; alia à casu, alia à consilio.

Quæst. V. Quanam voces dicuntur homonyma à casu?

Quæ diversis rebus significandis sine causa sunt impositæ: veluti cum *jus* dicitur tum quod sorberi potest, tum quod injuriæ opponitur

1. Homonyma à casu sunt, cum verissimis, idem nomen sit impositum; ut, cum *gallus* dicatur de homine & animali, natura & definitione di-

Quæst. VI. Quanam à consilio?

Quæ diversis rebus significandis certa ratione sunt impositæ.

1. Homonyma à consilio sunt, factum est certo consilio; ut, cum *ridere* significat lætitiā hominis, & statum pascuorum vernantium.

Quæst. VII. Quotuplex est ratio homonymiæ?

Duplex; alia enim in rebus est, alia in nobis.

Quæst. VIII. Quotuplex est ea quæ in rebus esse dicitur?

Iterum duplex; tropus scilicet, & inæqualis attributio generis. Omnia enim vocabula tropica sunt ambigua; veluti, cum *anima* ponitur pro homine, *author* pro libro, &c. Tum etiam vocabula generum, quæ suis speciebus communicantur inæqualiter; ut, *ens*, cum dicitur de substantia & accidente; *sanum esse*, de animali, de cibo, & de urina. Inter vocabula tropica maxime elucet metaphorica: in quibus spectatur similitudo rerum vel simplex, veluti cum homo vafer *vulpes* dicitur, aut homo impurus *porcus*; vel analogica, veluti cum minister ecclesiæ *pastor* vocatur.

1. Cum tropus omnis sit mutatio significationis propriæ in alienam, facta ob certam causam, omnis vox tropica significat res plures, ideoque homonyma est, & quidem à consilio, quia

quia plurium significationum certa subest causa, quæ in Rhetoricis explicari solet; quod etiam ex nominibus troporum sciri potest, ut, metonymia causæ, effecti, &c. synecdoche partis, totius, &c. unde ratio homonymiæ in illis est, quod una vox, causa & effectum, partem & totum, &c. significet: in metaphoricis ratio homonymiæ est similitudo: in ironia ratio homonymiæ est contrarietas.

[2. Vocabuli homonymia, ob inæqualem attributionem generis, scholasticis dicuntur analogia attributionis, sed pessime: nam omnis analogia significat similitudinem; at quæ similitudo est inter Deum & creaturam, ratione quorum *ens* est homonymum genus, aut analogum analogia attributionis? certe inter *ens* infinitum, Deum, & *ens* finitum, creaturam, inter substantiam, quæ per se subsistit, & accidens, quod non per se subsistit, quænam est similitudo, proportio, aut analogia? Rectius tale genus Aristoteli dicitur *ἁπλοῦς* ab uno, *ἁπλοῦς* ἴν ad unum, *ἁπλοῦς* *μία* *τίνα φύσιν* ad unam naturam; quia *ens*, ejusque natura, id est, essentia ac definitio magis refertur ad Deum quam ad creaturam, ad substantiam quam ad accidens, imo quod creatura & accidens nomen ac naturam entis participant, hoc est & provenit à Deo & substantia, quæ sunt causæ creaturæ & accidentis.]

[3. Quæ vocabula sunt homo-

nymia ob inæqualem attributionem generis, ea hanc habent causam homonymiæ, quod genus dicitur prius de una specie quam de altera, idque, quia una species ab altera dependet tanquam causa: sic *ens* est genus homonymum respectu substantiæ & accidentis, quia prius dicitur de substantia quam de accidente, & id fit, quia accidens dependet à substantia, tanquam à causa; ut ratio homonymiæ in voce *ens*, sit dependentia accidentis à substantia tanquam à causa: idem dicendum est de ente respectu Dei & creaturæ; hæc enim dicitur & est *ens*, quia creatura à Deo dependet tanquam à causa. Scholastici vocant tale homonymum seu æquivocum, analogum analogia attributionis.]

[4. Hoc exemplum (*sanum esse de animali, cibo, & urina*) non quadrat; quia *sanum* non est genus animalis, cibi & urinae, nam nec æqualiter nec inæqualiter ab illis participatur; at vero, vocabulum homonymum ratione generis est, cum species inæqualiter generis nomen & naturam participant, & cum hoc utrumque una species alteri debet: sic accidens debet substantiæ, quod nomen ac naturam entis participet, & creatura Deo; ideoque *ens* prius & potius dicitur de substantia quam de accidente, & de Deo quam de creatura. Si roges, ad quam homonymiæ speciem referri debeat *sanum*, cum dicitur de animali, cibo, & urina, respondeo, ad homonymiam ratione tropi:

propi: nam *vinu* dicitur *sana*,  
atenus est signum aut adjun-  
tum sanitatis; *cibus*, quatenus  
est efficiens sanitatis; *animal*, qua-  
tenus est subjectum sanitatis, ubi  
nullus est tropus. ]

3. Quæ sit similitudo simplex,  
analogica, explicatum est c.

20. quæst. 4, 5, 6. hujus libri.

6. *Similitudo simplex rerum est*  
convenientia duorum in eodem  
tertio, ut vulpis & hominis in  
astutia : *similitudo analogica est*  
convenientia terminorum qua-  
tuor; verbi gratia ut pastor pascit  
oves, ita minister ecclesiam.

Quæst. IX. Quando voces homonymæ dicuntur  
propter rationem in nobis sitam?

Cum nomen propinquæ aut charæ personæ indimus  
liberis nostris, ad conservandam illius memoriam; aut  
personæ piæ aut illustris, ob spem similitudinis, aut ad  
exemplum.

Ut cum filio quis indit nomen patris, aut avi, aut patriarchæ, aut regis, aut principis, &c.

CAPUT XXVII.

Quæst. I. *Atque hac de themate simplici. Quid porro sequitur?*

**T**hema complexum, ejusque interpretatio, quæ e-  
nunciatio dicitur.

1. Doctrina de *themate simplici*, ejusque interpretatione seorsim fuit tradita sed vero doctrina de *themate complexo*, & ejus interpretatione, scilicet composita, simul traditur, ob rationem quæ datur quæstione tertia.

3. *Thema complexum*) distinguitur ab interpretatione composita, quemadmodum *thema simplex* ab interpretatione simplici: uti *thema simplex* fuit, quod simplici & una mentis actione fuit intellectum, interpretatio simplex, qua *thema simplex* cognitum una dictione à lingua fuit prolatum; ita *thema*

complexum dicitur, quod pluribus mentis actionibus inter sese vel conjunctis, vel divisis (quæ est operatio mentis complexa,) fuit intellectum, & interpretatio composita est, qua pluribus dictionibus in ratione de se invicem vel affirmatis, vel negatis, thema complexum à lingua fuit prolatum. Interim, licet doctrina thematis simplicis & interpretationis simplicis diversis capitibus fuerit explicata, quia diversæ utriusque sunt affectiones; doctrina tamen thematis complexi & interpretationis compositæ eisdem nunc traditur capitibus.

bus, quia eadem sunt utriusque affectiones.

3. Discrimen inter thema complexum & interpretationem compositam est, quod thema

complexum dicat respectum rationem cognoscentem, interpretatio composita ad orationem proferentem.

### Quæst. II. Quid est enunciatio?

Enunciatio est oratio, in qua aliquid [scilicet prædicatum] de aliquo [scilicet subjecto] vere aut falso pronuntiatur; ut, *terra est rotunda: mare non est altius terra.*

1. *Enunciatio*) aliis dicitur *propositio*, aliis *axioma*. Est oratio, scilicet linguae, externa, sicut ipsum thema complexum est oratio mentis interna. Porro est *interpretatio composita*, quia ejus partes aliquid significant separatim.

2. *Enunciatio* non recte dicitur *propositio*, quia conclusio in syllogismo etiam est enunciatio, nec tamen *propositio*; talis enim est tantum major ac minor syllogismi, quæ utraque proponitur, sive præponitur, sive præmittitur conclusioni, unde & præmissa vocatur utraque, quia ante conclusionem ambæ collocantur. Nec melius enunciatio dicitur *axioma*, quia hæc vox proprie dicitur de enunciatione quæ propter sui claritatem digna est omni fide & assensu, absque ulla explicatione, quia sola vocabulorum, quibus effertur, significatione hausta, veritas ejus cognoscitur; ut, *totum est majus sua parte*; *his bina sunt quatuor*, &c. sed non omnis enunciatio tam clare veritatis est, ut ita facile fidem & assensum impetret, ideoque non omnis enunciatio est *axioma*.

3. Thema complexum sic di-

citur respectu mentis concipientis; respectu vero sermonis externi, sive conceptuum interpretationis, dicitur *Oratio* seu *Enunciatio*, quum res sive conceptus per orationem significantur seu enunciationem.

[4. Veritas est vel metaphysica, vel physica, vel ethica, vel logica. Veritas metaphysica est convenientia entis cujuscunque cum principiis suis vel definitivis vel constituentibus: hoc sensu Deus est verus Deus, & Perrus verus homo, & canis verus canis, quia singuli isti possident quibus vel definitivatur, vel constituuntur. Veritas physica est convenientia judicii, seu intellectus judicantis, cum rebus intellectis ac judicatis: sic cum intellectus judicat nivem esse albam, hominem non esse lapidem, judicium ejus est verum. Veritas ethica, item & logica, est veritas orationis, non vero entis, ut prima; nec mentis, ut secunda; sed sermonis.]

[5. Principia definitiva sunt genus & differentia, quæ cadunt etiam in entia simplicia, ut spiritus, atque adeo in ipsum Deum, qui definitur potest, si non



perfecte, saltem imperfecte; non per genus proprium & differentiam proprie dictam, per saltem improprie dicta describi potest, qualicumque modo. Principia constituentia sunt materia & forma, quæ cadunt in sola corpora, respondentque generi & differentie, in corporibus definiendis. Ergo Deus est verus Deus; quia essentiam habet spirituales, perfectissimam, immensam, æternam, ceterisque attributis præditam, quibus definitur; sed idolum non est verus Deus, quia non habet essentiam spirituales, perfectissimam, æternam, nec ceteris attributis præditam, quibus definitur Deus: sic homo pictus non est verus homo, quia principia constituentia verum hominem non habet, nec materiam, corpus organicum, nec formam, unitatem rationalem; at Petrus est verus homo, quia utrumque habet.

[ 6. Vocantur hæc quatuor veritatis species, prima metaphysica, secunda physica, tertia ethica, quarta logica; quia de prima agitur in metaphysicis, de secunda in Physicis, de tertia in ethicis, de quarta in logicis. Præterea & hoc notandum venit, quod veritas metaphysica dicitur simplex, quia est thematis simplicis; at reliquæ tres veritates vocantur veritates complexæ, quia sunt thematis complexi, vel ratione concepti, ut veritas physica, vel ratione prolata, qualis est veritas ethica & logica. Tertio, observandum est, quod omnis hæc quadru-

plex veritas sit sita in quadam convenientia, seu congruentia, seu conformitate, vel entis cum suis principiis, aut cognoscendi, aut essendi, qualis est veritas metaphysica; vel mentis attractionis cum rebus conceptis, & de se invicem aut affirmatis aut negatis, qualis est veritas physica; vel sermonis aut orationis, cum aut animo proferentis, qualis est veritas ethica, aut rebus prolatis, qualis est veritas logica; postrema hæc tantum in definitione enunciationis, intelligitur, & ei opposita falsitas. ]

[ 7. Oratio dicitur duobus modis vera vel falsa, prout convenit vel cum mente dicentis, vel cum rebus ipsis, aut prout dissenferit ab alterutro. Quando oratio est conformis menti dicentis, dicitur vera ethice; quando non est conformis menti dicentis, dicitur falsa ethice: quando autem est conformis rebus, scilicet sermone prolatis, est vera logice; quando non est conformis rebus, est falsa logice, exempli gratia, cum quis dicit, *Princeps venit Leidam*, neque melius sciat, est oratio vera ethice; si quis eandem orationem proferat. & melius sciat, est falsa ethice: si quis dicat, *Petrus est homo*, est oratio vera logice; si quis dicat, *Petrus non est homo*, est oratio falsa logice. Hinc liquet, posse orationem veram ethice, falsam esse logice, & vice versa. Exempli gratia, si quis nesciens Principem venisse Leidam dicat, ut alterum fallat, *Princeps venit Leidam*, ejus oratio est vera logice,

gice, & falsa ethice. contra, si quis ex viro fide digno acceperit, Principem venisse Leidam; qui tamen non venerit, & tum dicat, *Princeps venit Leidam*, ejus oratio est vera ethice, & falsa

logice. Hoc loco, in definitione enunciationis, per verum vere vel falso intelligitur veritas vel falsitas logica: veritas falsitas ethica ad ethicam pertinet. ]

**Quæst. III.** *Cur non discernis thema complexum ab illius interpretatione, ut factum fuit in themate simplici?*

Quia eadem species, eademque affectiones in themate complexo, atque in illius interpretatione sive enunciatione, considerandæ sunt.

**Quæst. IV.** *Quanam sunt spectanda in enunciatione? Species & affectiones.*

**Quæst. V.** *Quanam sunt species enunciationis?*

Primo, simplex & composita: deinde, pura & modalis.

**Quæst. VI.** *Quid est enuntiatio simplex?*

Quæ non potest in plures enunciationes resolveri; *Canis latrat: Verris est fur.*

1. Clarius dici potest enuntiatio simplex, quæ unam tantum habet copulam verbalem est; aut unum tantum constat verbo quod vim habet copulæ, ut, *latrat*, id est, *est latrans*: si enim duo occurrant verba aut duæ copulæ verbales, aut unum idemque verbum vel copula verbalis, de novo

repetatur vel subintelligatur, ut enuntiatio composita: sic in *Virgilio*,

*Una Euræque Notusque ruit creberque procellis*

*Africus, ---*

verbum *ruit*, bis subintelligitur, ac si dixisset, *Eurus ruit, & Notus ruit, & Africus ruit.*

**Quæst. VII.** *Quæ sunt partes enunciationis simplicis? Subiectum & prædicatum.*

**Quæst. VIII.** *Quid est subiectum?*

Cui aliquid in enunciatione simplici tribuitur.

1. Subiectum quod opponitur prædicato latius patet quam subiectum quod opponitur adiuncto; dicitur hoc loco subje-

ctum, prior pars in enunciatione, de qua aliquid dicitur; prædicatum vero pars posterior, quæ de altera dicitur. Hoc verum

notandum.

notandum est, subiectum & prædicatum non tam ex situ, quam ex sensu, dijudicanda esse, & ex constructione grammatica : ut in illo *Juvenalis* versu,

— *Nobilitas sola est atque unica virtus, nobilitas est prædicatum, & tamen loco ponitur priori, virtus est subiectum, &*

ponitur posteriori : sed constructio & sensus docent nobilitatem dici de virtute, non contra, virtutem de nobilitate.

2. *Petrus est doctus* : ibi *Petro* tribuitur doctum esse, sed non tribuitur *q̃q̃ docto*, quod sit *Petrus* ; ideo *Petrus* est subiectum, & doctus prædicatum.

### Quæst. IX. Quid prædicatum ?

Quod alicui in enunciatione simplici tribuitur.

### Quæst. X. Quid ergo de copula verbali est statuendum ?

Copula est censetur pars prædicati : ut in hac enunciatione, *homo est animal*, subiectum est *homo*, prædicatum est *animal*.

1. Copula est) est quasi forma & anima enunciationis, subiectum & prædicatum sunt quasi materia aut corpus, seu partes integrantes enunciationis.

2. Forma & materia corporibus, corpus & anima viventibus tribuuntur ; sed enunciatio, nec corpus, nec vivens est, unde & quasi materia & quasi forma, vulgo materiale & formale, & quasi corpus ac quasi anima illis tribuuntur. Quemadmodum voci ante tribuimus quasi materiam seu materiale, literas sci-

licet & syllabas, ex quibus constat, & quasi formam seu formale, vim significandi : sic hic enunciationi tribuimus pro quasi materia seu materiali, subiectum & prædicatum, pro quasi forma seu formali, copulam est, ante expressam, aut in verbo quod vim habet copulæ latentem ; sic postea syllogismo tribuimus pro quasi materia seu materiali, tres terminos simplices, & tres enunciationes, pro quasi forma, syllogismo formali, figuras & modos.]

### Quæst. XI. An copula est semper enunciatione exprimitur ?

Non : sæpe in verbo continetur ; ut, *Socrates sapiens* hoc enim idem est ac, *Socrates est sapiens*.

1. Cum copula est in verbo continetur, dicitur enunciatio binaria, quia duabus constat vocibus ; ut, *Petrus disputat* ; cum

à verbo distinguitur, dicitur enunciatio trinararia, quia tribus constat vocibus ; ut, *Petrus est disputans*. Si vocula est simul

fit copula & prædicatum, ut, *Socrates est*, vocatur *est* secundi adjecti, quia secundo loco ad subiectum adicitur: nam *est* in hac enunciatione (*Socrates est*) & copula est, & simul prædicatum; nam *Socrates est*, significat, *Socrates est* existens. *Est* secundi adjecti est pars enunciationis simplicis, ut hic, *Socrates est* primum adjectum, *est* secundum adjectum: at cum dico, *Socrates est disputans*, *est* copula est, & præter *Socrates* & *disputans*, tertio loco adicitur. Si tantum sit copula, & non item prædicatum, ut, *Socrates est philosophus*, vocatur *est* tertii adjecti, quia *est* tertio loco apponitur, cum primo loco sit subiectum, secundo prædicatum.

¶ 2. *Est* secundi adjecti significat existentiam subiecti: ut, cum dico, *Rosa est*, significo nunc temporis, *rosam* existerem. *Est* vero tertii adjecti significat essentialitatem, vel substantialem, vel accidentalem, aut potius connexionem attributi essentialis vel accidentalis cum subiecto, licet nec attributum nec subiectum existat in rerum natura: ut, cum dico,

*Rosa est flos, est rubra*; significo, *rosæ*, licet non existens, existentiam esse *florem*, accidentem, *rubedinem*.]

[3. Fundamentum huius compositionis in eo situm est, quod essentia & attributa essentialia, imo & accidentalia, abstracti possint abstractione simplici, per intellectum hominis, ut metaphysici dicunt, ab omni hic & nunc, id est, loco ac tempore, explicari; ab omni existentia quæ non datur in certo loco ac tempore: ita quævis nunc non existat *Homerus*, nec existat in *Homero* nunc esse rationalem, quod est attributum essentialis, nec esse poetam, quod est attributum accidentale, vere tamen dico per *est* tertii adjecti, *Homerus est rationalis*, & *Homerus est poeta*, quia significatur connectio tantum utriusque prædicati cum subiecto, quæ vera est, etiam nec subiecto nec prædicato existentibus: ac si per *est* secundi adjecti, *Homerus est*, quia hic *verba* significat existentiam, falsum dixero, neque enim nunc temporis in ullo mundi loco *Homerus* existit.]

### Quæst. XII. Quid est enunciatio composita?

Quæ constat ex pluribus enunciationibus simplicibus quam una.

¶ 1. Clarius dicitur enunciatio composita, quæ plures habet copulas verbales, vel plura verba, five expressa, five subintellecta: ut in illo *Poeta est, Et prodesse vo-*

*lunt*; *delectare poetas*, verbum (velunt) semel subintellegitur, tantundem enim est ac si dixisset, *Poetae volunt prodesse, & poetas volunt delectare*.

Quæst.

Quæst. XIII. Quotuplex est?

Quintuplex; copulativa, hypothetica, disjunctiva, adversativa, & relativa.

Quæst. XIV. Quid est enunciatio copulativa?

Cujus partes connectuntur conjunctione copulativa, & que, quoque, aut simili; ut, *Credidit Abraham Deo, & imputatum ei fuit ad justitiam.*

Partes enunciationis copulativæ, quæ cujusvis compositionis sunt, integræ enunciationes simplices, quæ singulæ suas habent partes alias, subiectum & prædicatum: ita in exemplo enunciationis copulativæ, prior pars est, *Credidit Abraham Deo*, quæ suum

habet subiectum, *Abraham*, & suum prædicatum, *credidit Deo*; posterior pars est altera enunciatio, quæ iterum habet suum subiectum quod subintelligitur (scilicet *hoc*) & suum prædicatum, scilicet *imputatum*, &c.

Quæst. XV. Quid est hypothetica seu conditionalis?

Cujus partes [vel duæ enunciationes simplices] connectuntur conjunctione conditionali *si*; ut, *Si Deus est, mundus regitur providentia.* Hic prior pars dicitur antecedens, altera consequens.

1. Accurate notandum est, veritatem enunciationis hypotheticæ non consistere in veritate vel antecedentis vel consequentis, sed tantum in utriusque nexu sive connexionem, *si*. Ideoque potest enunciatio hypothetica esse vera, ut utraque ejus pars sit falsa, quia connexio vera est; quælibet hæc, Si asinus volat, habet alas, nam nec antecedens verum est, scilicet, asinum volare, nec consequens verum est, asinum habere alas, & tamen tota enunciatio hypothetica vera est, quia connexio vera est; quod enim volat, alas habet. Sic contra, potest antecedens esse verum, verum & consequens, ut tamen

tota enunciatio hypothetica sit falsa: ut, Si Abraham fuit dives, etiam fuit sanctus; hic singulæ partes veræ sunt, Abraham fuisse divitem, Abraham fuisse sanctum, tota tamen enunciatio falsa est, quia connexio falsa est; nemo enim propterea sanctus est, quia dives est. Ergo veritas vel falsitas enunciationis hypotheticæ consistit in veritate vel falsitate vinculi. Vinculum est, quo partes enunciationis connectuntur, colligantur, vinciuntur; estque vel copula est, vel verbum in enunciatione simplici; vel aliqua conjunctio in enunciatione composita; ut hic est *si*.

2. Enunciatio conditionalis seu hypothetica nihil ponit in esse, hoc est, non infert esse verum antecedens aut consequens, seorsim sumpta; extra conditionem & conjunctionem conditionalem si: ut, cum dico, Si Deus potest mentiri, potest seipsum

abnegare, hinc non sequitur verum esse antecedens, quod Deus possit mentiri, aut consequens, quod possit seipsum abnegare; utrumque enim falsum est & blasphemum; attamen enunciatio hypothetica vera est.

### Quæst. XVI. Quid disjunctiva?

Cujus partes connectuntur conjunctione disjunctiva, *aut, vel, sive, seu, aut simili*; ut, *Aut justificamur fide, aut operibus.*

1. Ut *disjunctiva* sit vera, partes ejus debent esse oppositæ, & quidem immediate: adeoque hæc falsa est, *Aut homo est, aut animal*, quia partes non sunt oppo-

sitæ; & hæc falsa est, *Aut pax est, aut bellum*, quia partes hinc quidem sunt oppositæ, sed non immediate, nam induciæ sunt medium quid inter bellum & pacem,

### Quæst. XVII. Quid adversativa?

Cujus partes connectuntur conjunctionibus adversativis, *quamvis tamen, non sed, & similibus*; ut, *Non formosus erat, sed erat facundus Ulysses.*

1. Ut enunciatio *adversativa* sit vera, requiritur utriusque partis veritas; ut, *Et si Abraham fuit dives, tamen etiam fuit pius*; ut sit falsa, exigitur tantum alterutrius partis falsitas; ut, *Quamvis pius fuit Moses, non tamen doctus*, falsa est enuncia-

tio, quia altera pars falsa est; nam Moses erat doctus.

2. Sola enunciatio *adversativa* non potest ingredi syllogismum, ut pars: reliquæ omnes enunciationum species syllogismi partes esse possunt.

### Quæst. XVIII. Quid relativa?

Cujus partes connectuntur mutua relatione; ut, *Quilibet rex, talis grex: Quod non est compositum, est immortale: Dum spiro, spero.*

Ut enunciatio *relativa* sit vera, requiritur utriusque partis veritas; quod liquet ex exemplis in textu allatis: ut sit falsa, sufficit unius partis falsitas; ut,

Quanto fuit doctior Seneca, tanto fuit pauperior, falsa est, quia hæc pars falsa est, *Senecam fuisse pauperem*; nam fuit ditissimus.

## CAPUT XXVIII.

Quæst. I. Atque hac de prima divisione : accedamus ad alteram. Quid est enunciatio pura ?

In qua non exprimitur quomodo partes cohærent ; ut, Homo est animal : Homo non est lapis.

Exempla subiecta enunciant cum homine, homo pugnare cum lapide ; sic ut modus huius vel convenientiæ, vel pugnæ, non exprimitur.

## Quæst. II. Quid modalis ?

In qua exprimitur quomodo partes cohærent ; ut, Ne-  
cesse est hominem esse animal, aut, non esse lapidem.

1. Quod enunciatio modalis sit distincta ab enunciatione pura, vel inde liquet, quod cum de Aristotele enuncio eruditionem in enunciatione pura, Aristoteles fuit aut est doctus, verum dico ; si addidero modum necesse, dicendo, necesse est Aristotelem esse aut fuisse doctum, falsum di-

xero : neque enim eruditio necessario fuit in Aristotele, sed contingenter tantum ; potuit enim non fuisse eruditus.

2. Hic in exemplis, præter subiectum & prædicatum, exprimitur modus quomodo vel conveniant vel repugnent : scilicet necessario, non contingenter.

## Quæst. III. Quot sunt modi ?

Quatuor ; necesse, impossibile, possibile, & contingens.

[1. Hi quatuor modi deducuntur ex illo primo principio, De qualibet re vera est affirmatio vel negatio, seu aliquid vel est vel non est : quod est, vel ita est ut non possit non esse, & dicitur necessarium ; vel ita est ut possit non esse, & dicitur contingens : quod non est, vel ita non est ut non possit esse, & dicitur impossibile ; vel ita non est ut possit esse, & dicitur possibile. Deus ita est, ut non possit non esse, ideoque est ens necessarium ; creatura sic est, ut

possit non esse, ideoque est ens contingens : rosa, quæ nunc non est, potest tamen esse, ideoque est ens possibile : corpus actu infinitum, quod non est, etiam non potest esse, ideoque est ens impossibile. Hi quatuor modi si applicentur enunciationibus, necessaria dicitur, cuius prædicatum ita vere enunciatur de subiecto, ut non possit non enunciari, quæ necessitas significatur per vocem necesse ; ut, necesse est hominem esse rationalem ; enunciatio quæ adun-



etiam habet modum *contingens*, ita vera est, ut possit esse falsa; ut, *contingens est Aristotelem esse doctum*: enunciatio quæ habet modum *impossibilem*, ita vera est, ut ejus contrarium implicet contradictionem; ut, *impossibile est hominem esse lapidem*: enunciatio habens modum *possibilem*, ita vera est, ut ejus contrarium quoque verum esse possit; ut, *possibile est hominem esse doctum*.]

2. Notandum est, enunciationem modalem constitui per hosce modos, cum enunciantur adjective, non vero, eum adverbialiter. Verbi causa, homo necessario est animal, aut, Petrus contingenter est doctus, neutra enuntiatio est modalis: at vero, cum dico, necesse est hominem

esse animal, contingens est Petrum esse doctum, utraque est modalis.

3. Isti quatuor modi dicuntur modi formales, quia afficiunt formam enunciationis, hoc est, copulam verbalem, aut verbum quod vim habet copulæ. Modi qui afficiunt materiam, subiectum & prædicatum enunciationis, ut omnia adjective & adverbialia, huc non pertinent: ut, pastor bonus ponit animam pro ovibus suis, & Petrus sit det diligenter; hic vocabula *bonus* & *diligenter* sunt modi materiales, qui alter subiectum afficit, alter prædicatum. Notandum autem est semel, subiectum & prædicatum dici enunciationis materiam, & copulam verbalem dici ejus formam.

#### Quæst. IV. Quæ sunt partes enunciationis modalis?

Dictum & modus: ut, in hac enunciatione, *necesse est hominem esse animal*, dictum est *hominem esse animal*, modus, *necesse*.

Dictum) in enunciatione modali semper est enuntiatio sim-

plex posita in infinitivo modo, ut in exemplo patet.

#### Quæst. V. Quomodo disponenda sunt hæ partes?

Ita, ut dictum sit subiectum, & modus prædicatum,

Modus est quasi prædicatum, quia coheret cum copula, quæ in enunciatione pura est pars prædicati; ut, necesse est hominem esse animal. Subiectum hujus modalis enunciationis est, hominem esse animal, prædicatum est, necesse est. Enunciatio pura est, homo est animal, ubi homo est subiectum, est animal prædicatum; quia vero non necesse coheret

cum copula enunciationis pura est, quæ est pars ejus prædicati, etiam non necesse in modali enunciatione cœnetur prædicatum.

2. Hic judicandum est de subiecto & prædicato, non ex sensu, sed ex sensu; ideoque quævis modus ponatur loco priori, quæ sit sapientissime, & dictum posteriori, nihilominus modus est prædicatum, & dictum subiectum.

CAPUT

## CAPUT XXIX.

Quæst. I. *Atque hæc de speciebus; quoduplices sunt affectiones enunciationum?*

**Duplices; absolutæ, & relatæ.**

*Affectiones absolutæ dicuntur quæ enunciationibus singulis in se conveniunt, id est, uni tantum: Relatæ, quæ iis conveniunt inter se collatis, id est, pluribus.*

Quæst. II. *Quanam sunt affectiones absolutæ?*

**Quantitas & qualitas.**

1. Hæ voces, *quantitas & qualitas*, non significant hic idem quod significant in prædicationis, ubi fuerunt ipsa themata simplicia; hic autem sunt thematum complexorum affectiones.

2. Cum quærimus, *quanta sit enuntiatio, & qualis*, ad has quæstiones respondendum est ex

divisionibus sequentibus. Itaque cum rogo, *quæ, qualis, quanta est enuntiatio*, vox *quæ* petit cujus sit speciei, simplex an composita, pura an modalis; vox *qualis*, an sit affirmans an negans, vera an falsa, necessaria an contingens; vox *quanta*, an sit universalis an particularis, an infinita an singularis.

Quæst. III. *Quomodo dividitur enuntiatio ratione quantitatis?*

**In universalem, particularem, indefinitam, & singularem.**

Quæst. IV. *Quid est enuntiatio universalis?*

In qua subjectum universale accipitur universaliter, hoc est, cum nota universalitatis, *omnis, nullus, aut simili*; ut, *Omnis homo est animal; Nullus cometa est stella.*

1. In enunciatione universali duo requiruntur: 1. ut subjectum sit universale; 2. ut prædicatum de eo enuncietur universaliter; quod fit, cum nota universalitatis est addita subjecto: ut, *Omnis* (nota universalitatis) *homo est animal*; hic, quandoquidem verissime animal dicitur de omni homine,

dicitur de eo universaliter.

2. Causa cur nota universalitatis debeat addi subjecto, & non prædicato, hæc est; quia subjectum plerumque est angustius prædicato, itaque, ut prædicato adæquetur, per notam universalitatis extenditur, ampliat, ac dilatur.

## Quæst. V. Quid particularis?

In qua subjectum universale accipitur particulariter, hoc est, cum nota partis incertæ, *aliquis, quidam* aut simili; ut, *Aliquis homo est dives: quidam homo non est doctus.*

1. Enunciatio particularis habet quidem subjectum etiam universale, sed id quod de subjecto enunciat, enunciat particulariter; quod fit, cum subjecto universali additur nota particularitatis. Exempli gratia, *Aliquis homo est dives.*

2. Ista enunciatio habet quidem subjectum universale (quod est *homo*) sed id (puta *divitem esse*) quod de subjecto dicit, id dicit particulariter; quod facit per additam particularitatis (*aliquis*) notam, subjecto hominis.

## Quæst. VI. Quid indefinita?

Cujus subjectum universale nulla quantitatis nota definitur; ut, *Matres amant liberos suos.*

1. Enunciatio indefinita subjectum quidem habet universale, sed neque universaliter, neque particulariter aliquid de eo enunciat, verum indeterminate, absque ulla nota vel universalitatis vel particularitatis.

2. *Matres amant liberos suos* est enunciatio indefinita, quia

subjecto universali (*matres*) nulla præposita est vel universalitatis (ut, *omnes, nullæ*) vel particularitatis (ut, *aliquæ, quædam*) nota, qua absente, enunciatio est indeterminata sive indefinita: hæ autem notæ locum non habent nisi in subjecto universali, non in singulari.

## Quæst. VII. Quid singularis?

Cujus subjectum est singulare; ut, *Milo occidit Clodium.*

In enunciatione singulari subjectum est individuum determinatum, non vagum; hoc enim facit enunciationem particularem, ut, *Aliquis homo est doctus;*

quæ non debet confundi cum enunciatione singulari. In exemplo authoris, *Milo* est subjectum singulare determinatum.

## CAPUT XXX.

## Quæst. I. Quomodo dividitur enunciatio ratione qualitatis?

PRIMO, in affirmantem & negantem; deinde, in veram & falsam,

Quæst.

## Quæst. II. Quid est enuntiatio affirmans?

Quæ partes conjungit; ut, *Omnis homo est animal: Si Deus est, mundus regitur providentia: Necessè est, Deum esse justum.*

1. Enuntiatio affirmans est, quando vinculum ejus affirmatur.
2. Per partes hic, & in sequenti quæstione, intelliguntur subiectum & prædicatum in enunciatione simplici, antecedens & consequens in hypothetica, dictum & modus in modali: singulorum exempla sunt subiecta in authore. Dicuntur hæ partes conjungi, quando enuntiatio unam partem alteri attribuit, seu inesse dicit.

## Quæst. III. Quid negans?

Quæ partes dividit; ut, *Terra non movetur: Non, si casus est in natura, providentia Dei tollitur: Non necesse est Socratem disputare.*

1. Enuntiatio negans est, quando vinculum ejus negatur.
2. Partes dicuntur dividi, cum enuntiatio unam partem ab altera removel, seu cum significat unam alteri non inesse. Notandum vero est, ut enuntiatio sit negans, particulam negandi non esse addendam 1. copulæ, seu 2. verbo quod vim habet copulæ, vel 3. notæ quantitatis, ut, *non omnis homo est doctus*; vel 4. in ea includendum (ut, *nullus homo est lapis*) in enunciatione simplici, conjunctione in composita, modo in modali: exempla sunt in textu.

## Quæst. IV. Quomodo dividitur enuntiatio tum affirmans, tum negans?

In finitam, & infinitam.

## Quæst. V. Quam vocas finitam?

Quæ constat subiecto & prædicato finitis; ut, *omne corpus est in loco.*

- Enuntiatio finita exigit utrumque, & subiectum & prædicatum, finitum: infinita exigit alterutrum tantum infinitum.
- Quid sit prædicatum ac subiectum finitum, dictum est cap. xxiv. penultima & ultima quæstione.

## Quæst. VI. Quam infinitam?

Quæ constat subiecto, aut prædicato, aut etiam utroque, infinito; ut, *Non-ens excluditur à categoriis: Quidam homines*

mes sunt non-mali: Quidam non adeo divites, sunt minime sordidi.

Quæst. II. In quo differt enunciatio negans ab infinita affirmante?

In enunciatione negante ponitur negatio proxime 1. ante copulam, aut 2. ante verbum quod vim copulae continet, aut 3. ante notam quantitatis, vel 4. etiam in nota quantitatis includitur; ut, *Quidam homines non sunt electi: Lapidēs non vivunt: Non omnis est impius: Nulla bestia ratiocinatur.* Si duæ negationes occurrant, enunciatio censetur affirmata; [Id verum est in lingua latina, non græca, in qua duæ negationes fortius negant,] ut, *Nullus homo non peccat.* Si negatio alio loco ponatur, efficit enunciationem infinitam affirmantem, ut, *Quidam non-locuples potest esse dives: Omne animal non-rationale est bestia: Adam potuit non peccare.*

[1. Discrimen hoc inter enunciationem simpliciter negantem & infinitam affirmantem diligenter est tenendum; nam diversum, imo oppositum habent hæ enunciationes nonnunquam sensum, quemadmodum ultimum exemplum demonstrat: si enim dixerō, *Adam potuit non peccare*, ut illud non ponatur post copulam immediatam ad prædicatum, & illud reddat infinitum, enunciatio est vera & affirmans; sed si ponatur nota negandi ante ipsam copulam, hoc modo, *Adam non potuit peccare*, est enunciatio falsa & negans, sic enim nunquam peccasset: nam à negatione potentie ad negationem actus valet consequentia. Sic in alio exemplo, *Aneas potuit non vincere Turnum*, est enunciatio affirmans infinita vera; *Aneas non potuit vincere Turnum*, est enunciatio

negans finita falsa, sic enim nunquam Turnum vicisset: si enim negandi nota ponitur ante verbum *potuit*, negatur utrobique potentia; cum ponitur ante prædicatum, negatur actus tantum peccandi vel vincendi, qui in Adamo & Ænea sequi non potuit, quamvis in utroque sit secutus.

2. Ut enunciatio sit negans, aut ex affirmante in negantem mutetur, oportet ut negatio 1. vel includatur in nota quantitatis, qualis est *nullus, nemo*, ut, *nullus homo est animal*, ubi includitur in voce *nullus*; 2. vel ut ponatur proxime ante copulam, ut, *Petrus non est lapis*, ubi ponitur *non* ante copulam est; 3. vel ut ponatur ante verbum quod habet vim copulae, ut, *Petrus non studet*, *studet* enim in se continet copulam, tantundem enim est ac si diceret, *non est studens*.

4. vel

vel ut ponatur ante notam quantitatis est, cui negatio non præponitur.  
 quantitatibus, ut, non omnis homo doctus; omnis enim nota

## CAPUT XXXI.

Quæst. I. *Hæc de affirmatione & negatione. Perro quæ est enunciatio vera?*

**Q**uæ [affirmat] conjungit ea quæ revera [affirmata] conjuncta sunt, aut [negat] dividit quæ revera sunt [negata] divisa.

Enunciatio vera enunciat esse quod est, ut, homo est animal; & non esse quod non est, ut, ho-

mo non est bestia: itaque complectitur & affirmantem & negantem enunciationem.

Quæst. II. *Quæ falsa?*

Quæ [affirmat] conjungit ea quæ [negata] divisa sunt, aut [negat] dividit quæ [affirmata] conjuncta sunt.

Falsa enuntiatio vel enunciat esse quod non est, ut, homo est lapis; vel enunciat non esse quod

est, ut, planta non vivit: prior affirmans est, posterior negans, utraque falsa.

Quæst. III. *Quomodo dividitur enunciatio vera?*

In necessariam, & contingentem.

Quæst. IV. *Quam vocas necessariam?*

Quæ non potest esse falsa; ut, *Homo est animal*, aut, *homo non est lapis*.

I. Necessæ seu necessarium dicitur in genere, quod non potest aliter se habere; & respicit vel rei existentiam, vel operationem, vel prædicationem. Priori modo ens dividitur in necessarium & contingens: necessarium est, quod ita existit ut nunquam possit non existere, &que solus Deus; contingens est, quod ita existit, ut possit non existere, atque aliquando non existit, talis est omnis creatura. Secundo sensu divisa sunt

causa efficiens in liberam & necessariam: ubi necessaria dicitur, quæ quando agit, non potest non agere; talis est omnis causa præter Deum, angelos, & hominem. Neutra necessitas huc spectat: ergo sensu tertio, enunciatio dicitur necessaria, quæ ita vera est, ut non possit non esse vera; ut, *homo est animal*: id ita verum est, ut nunquam fuerit aut nunquam possit esse falsum. Hujus vero necessitatis causam si quis querat,

rar, ea non est alia quam ar-  
fima connexio prædicati cum  
subiecto, quæ tanta est, ut à se  
invicem separari nunquam va-  
leat; separatione sollet reali,  
quin interdum ne separatione  
quidem mentali, seu simplici  
seu complexa; at vero in enun-  
ciatione contingenti, non tan-  
tùm mente, sed & re ipsa sepa-  
rari potest prædicatum à subje-  
cto.

2. *Necessitas enunciationis* hoc  
in loco dicitur vulgo *necessitas in  
prædicando*, & distinguitur à ne-  
cessitate *in causando*, & *in exi-  
stendo*: quarum illa est, qua  
causa quæ agit, quando agit, non  
potest non agere; hæc est, qua  
ens quod existit, quando existit,  
non potest non existere: priori  
modo ignis, necessarium est ens  
in causando, quia non potest  
non urere; posteriori modo  
Deus est ens necessarium in ex-  
istendo, quia non potest non  
existere. Necessitas in prædican-  
do consistit in indissolubili parti-  
um, subiecti & prædicati, ne-  
xu; ita *homo* & *animal* indissolu-

biliter connectuntur, nam fieri  
non potest ut homo non sit ani-  
mal.

[3. Necessitas in prædicando  
fundatur in necessitate in essen-  
do, secundum vulgarem cano-  
nem, *modus prædicandi sequitur  
modum essendi*: ideoque, quæ in  
ipsa re non possunt à se invicem  
divelli, ne quidem in enunciati-  
one à se invicem separari pos-  
sunt; contra, quæ re ipsa à se in-  
vicem possunt seungi, ea quoque  
in enunciatione a se mutuo se-  
parari possunt: sic, quia non  
possunt in re, verbi causa, in Pe-  
tro, seungi homo & animal, eti-  
am in enunciatione non possunt  
separari hæc duo; neque enim  
licet dicere, homo non est animal,  
ideoque hæc enuntiatio, *homo est  
animal*, est necessaria: contra  
quia in eadem re, verbi causa,  
Petro separari possunt hæc duo,  
esse hominem & esse doctum, eti-  
am in enunciatione licet dicere,  
homo non est doctus, ideoque  
hæc enuntiatio est contingens,  
nam contingit Petrum, qui est  
homo, esse doctum.]

### Quæst. V. Quot sunt gradus necessitatis in enunciatione?

Tres; κατὰ παντός, καθ' αὐτό, & καθόλου πρῶτον, hoc est,  
*de omni, per se, & universale primum.*

1. Hi tres gradus necessitatis  
in enunciatione necessaria bene  
sunt intelligendi, quia peculia-  
rem usum habent in demonstra-  
tione τῷ δόξιν cuius major sem-  
per debet esse necessaria, his  
tribus necessitatis gradibus:  
quamvis autem de iis actum sit  
ab Aristotele in libris postero-  
rum analyticorum, ubi agit de

syllogismo demonstrativus, τῷ  
δόξιν, tamen proprie huc spe-  
ctant, quia affectiones sunt non  
syllogismi, sed enunciationis  
veræ ac necessariæ. Ramus hos  
gradus enunciationis necessariæ  
extendit ad omnia artium, sci-  
entiarum, ac quarumvis di-  
sciplinarum præcepta, quæ vo-  
luit non tantum esse vera, sed  
&



in necessaria, hisce tribus necessitatibus gradibus: ejus sequaces

Ramzi, leges vocant scientificas.]

### Quæst. VI. Qua dicitur enunciatio de omni?

In qua prædicatum omni subjecto convenit, & semper, [idque naturaliter;] ut, *Corvus est niger; homo est bipes.*

1. In enunciatione de omni, requiritur universalitas subjecti, & universalitas temporis; si alterutra desit, non est enunciatio necessaria de omni, sed est contingens: sic, *homo est justus*, non est enunciatio de omni, quia non o-

mnes homines sunt justi; nec vivens crescit, est enunciatio de omni, quia licet omne vivens crescat, non tamen semper crescit.

2. *Esse nigrum* convenit omni corvo, & *esse bipedem*, omni homini, scilicet naturaliter.

### Quæst. VI. Qua dicitur per se?

Cujus subjectum & prædicatum essentiali nexu coherent.

[1. Essentiali nexu dicuntur coherere prædicatum & subjectum] quando vel prædicatum essentialiam subjecti constituit, sive ex toto, sive ex parte; vel essentialiam subjecti constitutam immediate sequitur, ut subjectum ita se habeat ad essentialiam prædicati, ut, sine respectu ejus ad subjectum, prædicatum essentialiam suam obtinere nequeat. Ut species, cum prædicatur de individuo, sic coheret essentiali nexu cum eo, ut ejus essentialiam ex toto constituat. Genus & differentia prædicantur de specie, atque ei essentiali nexu coherent, sed sic, ut ejus essentialiam constituent ex parte: proprium prædicatur de subjecto suo, eique essentiali nexu coheret, sed sic, ut subjecti essentialiam non quidem constituat, attamen constitutam immediate sequatur. Accidentia inseparabilia dicuntur quidem de subjecto necessario, quia & insunt subjecto, &

semper, non tamen essentiali nexu coherent cum illo, quia subjecti essentialiam nec constituent, nec immediate consequuntur.]

2. Subjectum & prædicatum dicuntur essentiali nexu coherere, quando vel prædicatum est de essentia subjecti, vel subjectum est de essentia prædicati.

3. Prædicatum esse de essentia subjecti, & in definitione subjecti poni, idem sunt. Exemplum est, *Homo est animal*. Hic *animal* ponitur in essentia & definitione hominis, tanquam ejus pars, sed non vice versa: nam, cum definis *animal* per substantiam corpoream, viventem, sentientem, in ista definitione non ponitur *homo*, nec poni debet, nec potest.

[4. Sic ab altera parte, subjectum esse de essentia prædicati, & contineri in definitione prædicati, idem sunt. Exemplum est, *Homo est risibilis*. Hic *homo* ponitur in definitione & essentia præ-

prædicati, *rifibilitatis*. Quod *homo* ponatur in definitione *rifibilitatis*, ejus rei causa est, quia *rifibilitas* est hominis proprium, at propria definiri nequeunt nisi facta mentione subiecti juxta c. 2. lib. 2. quæst. 8. at subiectum definiri potest sine mentione proprii: ideoque non vice versa, *rifibilitas* ponitur in definitione subiecti, *hominis*; nam cum definitur, *homo est animal rationale*, in ista definitione non ponitur *rifibilitas*, quod est manifestissimum, & per se patet. ]

[ 5. Ratio ob quam subiectum

definiri possit absque proprio proprium definiri nequeat absque mentione subiecti, est, quia subiectum abstrahi potest à proprio abstractione simplici, id est concipi non concepto proprio, sicuti homo concipi potest non concepta *rifibilitate*, ideoque sine illa definitur: at proprium non potest à subiecto abstrahi abstractione simplici, id est non potest concipi non concepto subiecto, ideoque nec sine eo definitur; ita *rifibilitas* nec concipi potest, nec definiri, sine *hominine*. ]

Quæst. VIII. Quot sunt modi enunciationis per se?

Duo, vel enim prædicatum ponitur in definitione subiecti, vel subiectum in definitione prædicati.

Cum prædicatum ponitur in definitione subiecti, dicitur enunciatio per se primi modi: cum subiectum ponitur in definitione prædicati, dicitur enunciatio per se secundi modi.

Quæst. IX. Quanam enunciationes pertinent ad primum modum?

In quibus vel genus prædicatur de specie; ut, *Homo est animal*: vel differentia; ut, *Homo est rationalis*: vel integra definitio; ut, *Homo est animal rationale*.

1. Genus) intellige vel proximum, vel remotum.

[ 2. Differentia ) vel proxima, vel remota. Genus & differentia ambo remota ponuntur in definitione subiecti implicite, quia implicantur & includuntur in genere proximo; genus vero & differentia ambo proxima ponuntur in definitione subiecti explicite & verbis expressis: sic, *homo est substantia*, *homo est sensitivus*, est enunciatio per se,

quia & substantiam esse, & sensitivum esse, ponuntur in definitione hominis, sed implicite, quatenus in genere ejus proximo, *animale*, includuntur, tanquam genus remotum & differentia remota; ipsum *animal* & *rationalis* explicite in definitione hominis ponuntur, tanquam genus proximum & differentia proxima.]

[ 3. Explicite illa dicuntur poni in definitione, quæ in definiendo

quando exprimuntur : ut cum definitur homo per animal & rationale ; genus & differentia, homo proxima, in ipsa oratione definita exprimuntur. Incluiduntur in genere proximo, animalia, genera remota hominis,

vivens, mixtum, corpus, substantia, quæ non exprimuntur oratione qua fit definitio ; item implicatur differentia remota, nimirum hominem esse sensitivum, &c. quæ in voce animal, genere proximo, latent.

### Quæst. X. Quanam pertinent ad secundum modum ?

In quibus proprietates prædicantur de subjecto suo : idque vel singulæ seorsim, ut, *Homo est risibilis* ; vel duæ conjunctim, ut, *Numerus est par aut impar*.

1. Subjectum proprietatum semper ingreditur definitionem earum perfectam : ita definitur *risibilis*, potentia ridendi in homine, &c. vid. c. 2. lib. 2. quæst. 8.

2. *Singulæ seorsim*. ) Sic risibilitas dicitur de omni homine, & de unoquoque seorsim ; nam

*Petrus est risibilis, Paulus est risibilis, Joannes est risibilis, &c.*

3. *Disjunctim* ) id est, non copulative ; nullus enim numerus potest esse & par & impar ; nam numerus est aut par tantum, aut impar : binarius par est, ternarius impar.

### Quæst. XI. Quanam enunciatio dicitur universaliter prima ?

In qua prædicatum subjecto convenit, quatenus ipsum est id quod est, sive, quæ constat terminis reciprocis ; ut, *Homo est risibilis*.

1. Dicitur prædicatum subjecto convenire, quatenus subjectum est id quod est, cum nihil est in subjecto, cui prius tribui possit : ut ex hisce duabus enunciationibus, *Homo est sensibilis, Homo est risibilis*, prior non est universaliter prima ; quia *sensibile* esse, homini non convenit in quantum est homo, sed in quantum est animal, cui prius quam homini tribuitur : at *risibile* esse, ei convenit quatenus est homo, quia nulli prius tribuitur quam homini.

2. *Termini* dicuntur reciproci, quando prædicatum & subjectum

possunt converti, alterumque poni loco alterius : sic licet dicere, *omnis homo est risibilis*, & *omne risibile est homo*, sed non licet dicere *omnis homo est sensibilis*, & *omne sensibile est homo*.

3. Ut noscatur, quanam enunciatio sit universaliter prima, talis est, si liceat prædicatum dicere de subjecto cum particula reduplicativa qua vel quatenus, vel causali quia : verbi causa, cum dico, *omnis homo risibilis est*, licet quoque mihi dicere, *homo qua vel quatenus est homo, est risibilis*, &, *homo quia est homo est risibilis* ; sed cum dico,

*omnis*

*omnis homo est sensibilis*, non licet mihi dicere, *homo qua aut quatenus homo est sensibilis*, aut, *homo quia est homo est sensibilis*, nam utrumque falsum est: *homo, qua, quatenus & quia est animal, est sensibilis*; hoc utrumque verum est.

[4. Vulgatum est axioma apud philosophos, & verissimum,

*quatenus & de omni recipitur*, id est, enunciatio universaliter prima, quæ per voculam *qua & quatenus* proponitur, eadem proponi potest per voculam *quia* additam subiecto: sic dico, *homo quia homo est sensibilis & omnis homo est sensibilis.*

### Quæst. XII. Quomodo se habent hi gradus ad se invicem?

Posterior includit priorem, non vicissim: enunciatio enim per se est etiam de omni, & enunciatio universaliter prima est etiam per se; sed non vice versa.

Exempli gratia, *omnis homo est sensibilis*, est enunciatio universaliter prima, quia constat terminis reciprocis: eadem est enunciatio per se, & quidem secundi modi, quia subiectum & prædicatum essentiali nexu coherent, & subiectum ingreditur definitionem prædicati: nam subiectum *homo* hic est de essentia & definitione prædicati *sibilis*: eadem est enunciatio de omni; quia

prædicatum *sibilis* convenit omni homini & semper. At cum dico, *omnis homo est bipes*, est enunciatio de omni, sed non per se, quia nec homo de bipedis, nec bipes de hominis essentia est, aut definitione; multo minus est enunciatio universaliter prima, quia non recipitur; neque enim dico, *omnis homo est bipes*, ita licet mihi dicere, *omne bipes est homo*, nam multæ aves sunt bipedes.

### Quæst. XIII. Quæ est enunciatio contingens?

Quæ potest esse falsa; ut, *Socrates disputat.*

Enunciatio contingens est, cuius partes connectuntur connectione dissolubili: sic *Socrates &*

*disputat* à se invicem possunt dissolvi, ut, *Socrates fit, & tuum non disputet.*

### Quæst. XIV. Quot sunt modi enunciationum contingentium?

Tres: quædam plerumque veræ sunt, ut, *Matres diligunt liberos suos*: quædam raro; ut, *Homines nascuntur bicipites*: quædam ancipiti conditione, nunc veræ sunt, nunc falsæ; ut, *Aleator vincit.*

### Quæst. XV. Quotuplex est enunciatio falsa?

Duplex; possibilis, & impossibilis.

Quæst.

Quæst. XVI. *Qua est enuntiatio possibilis?*

Quæ potest esse vera; ut, si falso dicas, *pluere*.

Quæst. XVII. *Qua impossibilis?*

Quæ non potest esse vera; ut, *Homo est lapis*.

### C A P U T XXXII.

Quæst. I. *Quot sunt affectiones enunciationum relatæ?*

**D**uæ sunt præcipue considerandæ; conversio, & oppositio.

*Conversio & oppositio*) conveniunt enunciationibus inter sese comparatis.

Quæst. II. *Quid est conversio?*

Conversio est transpositio prædicati in locum subjecti, salva veritate enunciationis [ utriusque, & convertendæ, & conversæ. ]

1. Doctrina de *conversione* u-  
sum suum peculiarem habet in  
reductione syllogismorum secun-  
dæ ac tertiæ figuræ ad primam,  
extra quem usum non adeo ma-  
gnè est utilitatis.

2. Non est existimandum, con-  
versionem esse idem quod enthy-  
mema, aut eam speciem imper-  
fecti syllogismi; nam hic subje-  
ctum transit simpliciter in locum  
prædicati, quod non fit in en-

thymemate, aut syllogismo im-  
perfecto.

[ 3. *Salva veritate:* ] itaque  
nulla est conversio, quando ex  
convertenda vera, enuntiatio  
sequitur conversa falsa; ut,  
*omnis homo est animal*, ergo,  
*omne animal est homo*: at vero  
hæc est conversio bona, *omnis ho-*  
*mo est animal*, ergo *quoddam*  
*animal est homo*. ]

Quæst. III. *Quotuplex est conversio?*

Triplex; conversio simplex, conversio per accidens, & conversio per contrapositionem.

Quæst. IV. *Quid est conversio simplex?*

In qua servatur qualitas & quantitas enunciationis.

*Servatur qualitas enunciatio-*  
*nis*] quando affirmans manet af-  
firmans, & negans manet negans:  
*Servatur quantitas enunciatio-*

*nis*, quando universalis manet  
universalis, & particularis ma-  
net particularis. Exempla sunt  
in textu.

M

Quæst.

Quæst. V. *Ubi habet locum?*

In enunciatione universalis negante, & particulari affirmante; ut, *Nullus homo est lapis; ergo, nullus lapis est homo; Aliquid animal est album: ergo, aliquod album est animal.*

1. Habet quoque locum in enunciatione universalis affirmante reciproca; ut, *omnis homo est animal rationale; & omne animal rationale est homo.*

2. Habet quoque locum in enunciatione particulari negante; ut, *Aliquid animal non est album; ergo, aliquod album non est animal.*

Quæst. VI. *Quid est conversio per accidens?*

In qua servata qualitate, diminuitur quantitas.

*Diminuitur quantitas,* ] quando universalis mutatur in particularem, aut vice versa: uti videre est in exemplis quæ, seq. allatis.

Quæst. VII. *Ubi habet locum?*

In universalis affirmante; ut, *Omnis homo est animal; ergo, aliquod animal est homo.*

1. Multi existimant, conversionem per accidens etiam habere locum in particulari affirmante; ut, *quidam homo est poeta; ergo, omnis poeta est homo; & quodam vivens est animal; ergo, omne animal est vivens.* nescio tamen an hoc sit perpetuum.

2. In universalis affirmante, ] autem non reciproca; nam univer-

salis convertitur simpliciter. Quod si universalis affirmante non reciproca quantitas non mutaretur, conversa esset falsa, nec salva esset veritas enunciationis conversæ, contra definitionem conversionis: verbi causa, *omnis homo est animal; ergo, omne animal est homo;* hæc conversa est falsa.

Quæst. VIII. *Quid est conversio per contrapositionem?*

In qua, loco subjecti & prædicati ponitur utriusque contradictio.

*Ponitur utriusque contradictio,* ] quando & subjectio & prædicatio additur particula non.

Quæst. IX. *Ubi habet locum?*

In universalis affirmante, [ sive sit reciproca, sive non; ] ut, *Omne mortale est genitum; ergo, quod non est genitum, non est mortale.*

I. Hoc

1. Hoc exemplum ab auctore male est conversum: particula enim *non*, non debeat poni ante copulam est, sed ante ipsum prædicatum mortale, & ante subiectum genitum, hoc modo; ergo, *Quod est non genitum, est non*

*mortale*: sic enim subiectum & prædicatum enunciationis prioris redduntur infinita, sic in hac enunciatione, *omnis homo est animal*, conversio per contrapositionem fit, ergo, *omne non animal est non homo*.

## CAPUT XXXIII.

Quæst. I. Quid est oppositio enunciationum?

**O**ppositio est pugna enunciationum in affirmando & negando.

1. Hæc oppositio enunciationum differt ab oppositione thematam simplicium: hic spectatur pugna in eo sita, quod vinculum vel copula est, vel verbum quod vim habet copulæ, vel conjunctio, vel modus, in una enunciatione affirmetur, in altera negetur; at oppositio thematum simplicium est oppositio prædicatorum, non vero vinculum. Sic, *Petrus est videns, Petrus est cæcus*, est oppositio thematis simplicis, quia hic prædicatum unius enuncia-

tionis opponitur prædicato alterius enunciationis; sed non est oppositio thematis complexi, quia utraque enunciatio est affirmans, propter vinculum utroque; affirmatum: at si dixerem, *Petrus est videns, & Petrus non est videns*, aut, *Petrus est cæcus, & Petrus non est cæcus*, est oppositio thematis complexi: quia utroque enunciationum altera affirmat, altera negat, propter vinculum in una affirmatum, in altera negatum est.

Quæst. II. Quam enunciationes dicuntur pugnare?

**Q**uæ, idem [scilicet prædicatum] de eodem, [scilicet subiecto singulari] secundum idem, ad idem, eodem modo, & eodem tempore, affirmant & negant.

1. Idem dicitur affirmari & negari, quando prædicato & subiecto manentibus iisdem, vinculum in una enunciatione affirmatur, Conditiones hæc, secun-

dum idem, &c. fuerunt expositæ cap. 22. hujus libri. Hoc addendum est, nullam debere esse vel subiecti vel prædicati ambiguitatem.

Quæst. III. Quotuplex est oppositio enunciationum?

**D**uplex; contrarietas, & contradictio.

1. Hæc utraque oppositio, est pugna vera enunciationum.

2. Non debet confundi oppositio enunciationum cum eundem



dem conversione: nam in oppositione utriusque enunciationis, idem manet subiectum & prædicatum; at in conversione, subiectum mutatur in prædicatum, & vice versa.

#### Quæst. IV. Quid est contrarietas?

Contrarietas est oppositio inter duas universales; ut, *Omnis homo est justus, Nullus homo est justus.*

*Universales* ] scilicet, quarum altera affirmat, altera negat; ut in exemplo patet.

#### Quæst. V. Quæ est regula contrariorum?

Enunciationes contrariæ possunt simul est falsæ, non simul veræ: [ interdum altera vera est, altera falsa. ]

1. Enunciationum universalium duarum; quarum altera affirmat, altera negat, una vera est, altera falsa, quando & quoties ambæ sunt necessariae; ut, *omnis homo est rationalis, nullus homo est rationalis*: sed cum ambæ sunt contingentes, etiam ambæ sunt falsæ; ut, *omnis homo est doctus, nullus homo est doctus*. Nunquam vero fieri potest, ut duæ universales simul sint veræ, quæ idem de eodem affirmant & negent.

2. Quæ enunciationes oppo-

nuntur contrariæ, sunt simul falsæ, cum subiectum & prædicatum contingenter cohererent; quod fit cum prædicatum à subiecto abesse potest, ut in exemplo posito quæstione. 4. Barum altera vera est, altera falsa, cum prædicatum & subiectum coherent necessario, quod fit cum prædicatum à subiecto abesse nequit; ut, *omnis homo est animal* verum est, *nullus homo est animal* falsum est, quia animal ab homine abesse nequit.

#### Quæst. VI. Quid est contradictio?

Contradictio est oppositio inter universalem & particularem; ut, *Omnis homo est justus, Quidam homo non est justus. Nullus homo est justus, Aliquis homo est justus*: vel inter duas singulares; ut, *Aristides fuit justus, Aristides non fuit justus*.

1. Inter universalem & particularem ] scilicet, ut vel universalis neget & particularis affirmet, vel particularis neget & universalis affirmet.

2. Inter duas singulares ] scilicet, quarum altera affirmat, altera negat de eodem subiecto prædicatum idem.

#### Quæst. VII. Quæ est regula contradicentium?

Enunciationum contradicentium altera semper vera est, altera semper falsa: [ nunquam simul veræ, nunquam simul falsæ ]

1. Sive enunciationes contradicentes versentur in materia necessaria, sive in contingenti, semper earum altera est vera, altera

vera falsa: Imo etiam quando  
singulares contradicentes  
constituuntur de prædicato futu-  
ri contingenti, licet nobis scilicet  
non constet, utra duarum  
enunciationum, affirmans an  
negans, sit vera, utra falsa,  
semper respectu divinæ provi-  
dentie omnia decernentis ac de-  
terminantis; altera enunciatio-  
nem singularium de prædicato  
contingenter futuro est vera, al-  
tera falsa; sed respectu causa-  
rum secundarum non est manife-  
stum nobis, utra sit vera, utra  
falsa, an affirmans, an negans.

1. Nunquam possunt duæ e-  
nunciationes contradicentes si-  
mul esse veræ, nunquam simul  
falsæ; unde vulgatum est di-  
ctum, contradictio dividit verum  
in falso: sed nobis non semper  
manifestum, utra enunciationum con-  
tradictantium determinate sit ve-  
ra, utra determinate falsa, præ-  
sertim cum instituuntur enunci-  
ationes singulares de futuro con-  
tingenti; ut harum, *Petrus eva-  
det* vir doctus, *Petrus non evadet*

vir doctus, altera vera est, altera  
falsa, sed nobis non constat, utra  
vera, utra falsa futura.

[ 3. Gravissima est questio,  
utrum enunciationes singulares  
de futuro contingenti sint veræ,  
vel falsæ, quam Aristoteles mo-  
vet libro de interpretatione; sed  
quomodo deciderit, disputent  
interpretes. Nos hæc duo di-  
stinguimus: aliud est simpliciter  
dicere alteram talium e-  
nunciationum esse veram, alte-  
ram falsam; aliud est determi-  
nari ab homine & pronunciari  
quamnam sit vera, & quamnam  
falsa, & quidem determinate,  
respectu Dei, qui ut omnis en-  
ticitatis, ita omnis veritatis est  
causa nullum est dubium; sed  
utrum, verbi causa, hæc affir-  
mans sit vera, *Petrus salvabitur*,  
& an negans sit falsa, *Petrus non  
salvabitur*, à nullo homine deter-  
minari aut pronunciari potest,  
cum tamen alterutrum apud  
Deum decernentem sit verum,  
*Petrum salvandum* vel non sal-  
vandum. ]

### Quest. VIII. An non alie species oppositionum

vulgo tribuuntur enunciationibus?

Ita.

### Quest. IV. Quæ?

Subcontrarietas, & oppositio indefinita.

Hæ oppositiones magis apparent pugnare, quam ut revera pu-  
gent.

### Quest. X. Quanam dicuntur enunciationes subcontrariæ?

Duæ particulares, quarum altera affirmat, altera ne-  
gat; ut, *Aliquis homo est justus*, *Aliquis homo non est justus*.

1. *Due particulares* videntur pugnare propter vinculum in una affirmatum, in altera negatum; revera tamen non pugnant, quia possunt simul esse veræ, si subiecta intelligantur de diversis: ut in exemplo posito, si aliquis homo est justus, intelliga-

tur de *Aristide*. aliquis homo est justus, de *Verre*; utraque enuntiatio est vera. Idem statendum est de indefinite oppositis: *homines* enim sunt justi, verum est de quibusdam; *homines* non sunt justii, verum est de aliis.

### Quæst. XI. Quæ dicuntur indefinite oppositæ?

Due enunciationes indefinite, quarum altera affirmat, altera negat; ut, *Homines sunt justii*, *Homines non sunt justii*.

### Quæst. XII. Quæ est regula veritatis in hisce enunciationibus?

Enunciationes sub contrariæ & indefinite oppositæ possunt esse simul veræ, non simul falsæ, [ & earum altera potest esse vera, altera falsa. ]

1. Quod due particulares, aut due indefinite enunciationes, possint simul esse veræ, ejus rei ratio est, quia intelligantur de diversis subiectis: ut cum dico, aliquis homo est doctus, & homo est doctus, hoc intelligitur utrumque de *Aristotele*: ac cum dico, aliquis homo non est doctus, & homo non est doctus, hoc intelligitur utramque de *Chorocho*: atque id verum est, quotiescunque prædicatum utriusque subiecto inest contingenter, scilicet cum due particulares vel indefinite enunciationes sunt necessariæ, altera semper est vera, altera falsa: ita verum est, cum dico, aliquis homo est ratio-

nalis, & homo est rationalis: falsum est utrumque cum dico, aliquis homo non est rationalis, & homo non est rationalis. At nunquam fieri potest, ut simul sint falsæ.

2. Enunciationes subcontrariæ, & oppositæ indefinite ] sunt simul veræ, si intelligantur & insinuantur de subiecto & prædicato contingenter connexis, ut in exemplis positis; earum altera est vera, altera falsa, cum veritas in subiecto & prædicato connexis necessario: ut, *aliquis homo est animal*, verum est, *aliquis homo non est animal*, falsum est, & *homo est animal*, verum est, *homo non est animal*, falsum est.

### Quæst. XIII. Cur non recensuisti subcontrarietatem & oppositionem indefinitam inter species oppositionum?

Quia enunciationes subcontrariæ & indefinite non sunt revera oppositæ, sed videntur tantum: possunt enim simul esse veræ.

1. *Possunt simul esse veræ* ] quia non habent idem subiectum, ut id statim est ostensum,

scilicet intelligantur de diversis subiectis.

# INSTITUTIONUM LOGICARUM SYNOPSIS,

## LIBER SECUNDUS.

### CAPUT I.

*Absoluta est prima pars Logica, quæ agit de thematibus, eorumq; variis affectionibus: veniamus ad partem alteram, in qua dixisti agi de instrumentis, quibus themata tractanda sunt.*

*Quæst. I. Quot sunt ergo ejusmodi instrumenta?*

**Q**uatuor; definitio, divisio, syllogismus, & methodus. Ex quibus definitio & divisio inserviunt tractandis thematibus simplicibus; syllogismus, complexis; methodus, utrisque.

1. Cum hæc mentio sit *instrumentorum*, intelliguntur instrumenta non externa, sed interna, mentis, rationis, aut intellectus: & his instrumentis eget intellectus humanus, quia corruptus est, & nascitur omnium rerum insciens; est enim intellectus hominis nescientis instar tabulæ rarsæ, cui nihil inscriptum aut insculptum, omnia tamen inscribi aut insculpi possunt.

2. Tanta caligo inducta est in mentem humanam ex primorum parentem lapsu, ut non tantum cæcuetur circa res supernaturales quæ spectant fidem & salutem no-

stram, sed & circa naturales, quæ naturæ lumine intelligi possunt, quin & circa modum cognoscendi res quaslibet. Communi hominum ignorantia circa res supernaturales mæteri Deus voluit per Verbum suum quod est revelatum; circa res naturales per Philosophiam; circa modum cognoscendi per Logicam, quæ mentem docet humanam; quomodo circa rem cognoscendam versari debeat, atque in eum finem docet fabricare *quatuor ista instrumenta* cognoscendi, de quibus in posterum. Hæc quatuor cognoscendi instrumenta inserviunt tollendis

quatuor defectibus mentis nostræ incognoscendo, quibus laboramus in rerum cognitione acquirenda, scilicet, est in nobis multarum rerum crassa quædam & profunda ignorantia, quam tollit *definitio*: deinde multa sæpe scimus, sed confuse, atque imperfecte, quam confusionem & imperfectionem tollit *divisio*, quæ distinctam in nobis & perfectam parit cognitionem: tertio, obnoxia est mens humana multis hæitationibus & dubitationibus, nescit enim, an certo cognoverit, quæ etiam, an certo cognovisse existimat; hanc incertitudinem & dubitationem tollit *sylogismus*: quarto, hoc etiam est vitium humanæ mentis in cognoscendo, ut non servet ordinem debitum; hanc inordinationem tollit *methodus*.

3. Ab hisce quatuor cognoscendi instrumentis, vocatur hæc secunda Logicæ pars, *organica*.

4. Instrumenta hæc sunt immaterialia, quia intervium facultati immateriali, intellectui; ideoque materia carent proprie dicta, quæ per notas sensibiles in sensus incurrit, quali constant instrumenta materialia, malleus, ferra, securis, &c. attamen analogice & per similitudinem hisce cognoscendi in-

strumentis adscribitur materia, ex qua quasi constant & componuntur; ita definitionis materia sunt genus & differentia, divisionis sunt totum & partes, syllogismi materia sunt partim tres termini, partim tres enunciationes, methodi materia sunt varæ enunciationes quæ suo ordine disponuntur: sic & illis (scilicet instrumentis cognoscendi) tribuitur materia circa quam occupantur nempe ipsa themata, circa quæ definienda, dividenda, probanda, ordinanda, occupantur hæc cognoscendi instrumenta; quin & materia in qua illis (scilicet cognoscendi instrumentis) assignatur, ipse scilicet intellectus hominis in quo sunt.

[ 5. Materia & forma proprie conveniunt corporibus: quando tribuuntur rebus immaterialibus, quales sunt hæc intelligendi instrumenta, debent vocari quasi materia & quasi forma, vulgo materiale & formale. Sic genus & differentia vocantur definitionis materia aut materiale: & in syllogismo materia aliqua & forma veniet, id est, materiale & formale; materia in tribus terminis & tribus enunciationibus, forma in figura & modo. Intelligitur utrobique forma & materia intelligibilis, non sensibilis. ]

### Quæst. II. *Qua est materia ex qua hæc instrumenta conficiuntur?*

Affectiones thematum simplicium. Ex his enim definitiones & divisiones formantur: hinc argumenta petuntur syllogismis: hæc denique debito ordine disposita, methodum constituunt.

Quia instrumenta hæc intellectui inserviunt, & sunt entia rationis, eorum quoque materia est intelligibilis, & non sensibilis. Ista materia explicatur lib. 1. cap. 10. usque ad 24. Nemo enim definitionem conficere valet, nisi sciat quid sit genus, quid differentia, quid proprium, quid accidens, quid causa, &c. ex quibus definitiones constant: nemo divisionem, nisi noverit quid

totum & quotuplex, quid pars & quotuplex fuerit; nam omnis divisio est totius in partes distributio: sic nemo syllogismum confecerit, nisi sciverit quid sit causa, effectum, subiectum, opposita, &c. à quibus termini medii solent peti: denique nemo ordinate rem aliquam per notiones secundas digesserit aut tractaverit, nisi earum naturas præcognoverit.

**Quæst. III. Quid est definitio?**

**Definitio est oratio explicans quid sit, quod quæritur.**

Definitio est oratio ] vel interna, vel externa; magis tamen interna, quia Logica tota sermone internum magis regit ac dirigit, quam externum; quia

definitio concipi potest ab homine muto & elingui, ut nunquam sermone externo proferatur: tum sane definitio est oratio tantum interna.

**Quæst. IV. Quotuplex est definitio?**

**Duplex; alia nominis, alia rei.**

**Quæst. V. Quid est definitio nominis?**

**Quæ nominis significationem explicat.**

**Quæst. VI. Quot modis explicatur nominis significatio?**

Tribus modis: 1. notatione sive etymologia; ut, *Triangulum est quod habet tres angulos*: 2. voce conjugata; ut, *Qualitas est à qua quales aliqui dicuntur*: 3. denique voce synonyma notiore: ut, *Bovinator est tergiversator*: Huc pertinent lexica.

1. Quid sit notatio sive etymologia quid item conjugatio logica, vid cap. 15. lib. 1.

2. Synonyma. ] Sumitur hæc vox grammaticè, pro voce æ-

quipollenti aut ejusdem significationis; non vero Logice prout vox synonyma est definita cap. 26. lib. 1.

## CAPUT II.

## Quæst. I. Quid est definitio rei?

**Q**uæ explicat quid res ipsa sit.

Ut nomen differt à re, ita differt definitio nominis à definitione rei.

## Quæst. II. Quomodo dividitur?

In perfectam, & imperfectam.

## Quæst. III. Quam vocas definitionem perfectam?

Quæ rei essentiam attributis essentialibus explicat perfecte; ut, *Homo est animal rationale.*

1. *Essentia rei*) vocatur unius cujusque rei natura, qua unaquæque res constituitur, & ab alia re distinguitur: dicitur quoque *quidditas*, quia per eam responderetur ad quæstionem, qua quæritur *quid est res.*

2. *Essentia*, *natura*, *quidditas*, idem significant, sed respectus dicunt diversos: nam *essentia* dicitur de re in quantum eam constituit; *natura*, in quantum operatur; *quidditas*, in quantum definitur.

3. Præter ista tria, *essentiam*, *naturam*, *quidditatem*; idem quoque significat *definitio*: nam *definitio* est *ratio essentia*, seu *ἡ οὐσία*, & explicat quæ sit *natura rei definiendæ*, & per eam solam responderetur ad quæstionem *quid est res*; ita *definitio hominis*, qua definitur *animal rationale*, explicat *essentiam*, *naturam* & *quidditatem hominis.*

[4. *Attributa essentialia*] vulgo prædicata quidditativa, sunt *genus proximum* & *differentia specifica*, quæ in definitionibus

corporum respondent *materiæ* & *formæ*: ut enim *materia* communis est, ita & *genus*; & ut *forma* unicuique est propria, ita & *differentia.*

[5. *Attributa essentialia* dupliciter dicuntur; vel quæ *essentiam rei* constituunt, vel quæ *constitutam* immediate sequuntur: priori sensu, *genus* & *differentia*, posteriori, *proprietates* intelliguntur: hinc autem sermo est de attributis essentialibus in significatione prima. Quia vero *genus* in definiendis corporibus desumitur à *materia*, & *differentia* à *forma*, factum est ut *genus* vulgo dicatur *materia metaphysica*, & *differentia* *forma metaphysica.*

[6. Cum Deo tribuitur *genus* & *differentia*, *genus* significat *materiam metaphysicam*, uti quoque hæc tribuitur angelis & *animæ rationali*; nam *materia* & *forma*, utraque *physica*, non competunt nisi corporibus, quibus destituuntur *Deus*, *angeli* & *animæ rationales.*

7. *Perfekte*] id est, nullo ex attributis



tributis essentialibus omisso.

8. Perfectum dicitur, cui nihil deest eorum, quæ ad ejus vel integritatem, vel essentialiam requiruntur: prior perfectio dicitur integralis, posterior essentialis, sic corpus perfectum est, cujus

nullum membrum seu pars integrantes abest; & homo perfectus, cum utramque possidet partem essentialem, animam rationalem & corpus. Utrouque modo perfecta dicitur definitio.

Quæst. IV. Quot sunt leges seu regulae perfectæ definitionis?

Sex.

Quæst V. Enumera.

I. Definitio perfecta debet esse brevis.

1. Brevitas definitionis hoc exigit, ne quid in definitione deficiat, ne quid etiam redundet; ut, homo est animal rationale.

2. In primam legem maxime impingitur, cum ponuntur in definitione speciei quæ pertinent ad definitionem generis;

ut, si quis definiat fortitudinem, virtutem quæ servat mediocritatem in audacia & metu: hic enim aliquid redundat, scilicet servare mediocritatem; quod non pertinet ad definitionem fortitudinis, sed virtutis moralis in genere.

II. Debet esse perspicua.

1. Quid sit perspicuitas, ex simili cognosci potest: quemadmodum enim per id quod perspicuum est, verbi causa per vitrum, res alias videmus; ita per definitionem intelligimus rem definitam; quod ut fiat, debent verba definitionis esse distincta, non ambigua, propria, non tropica; (nisi cum tropica significatio est usitatio propria,

ut, cum Logica definitur, quod sit ars bene differendi) usitata, non insolentia.

2. Quia verba valent usu, & vox differere est usitatio est in significatione ratiocinandi quam disseminandi, certe non est culpanda definitio logicæ Ramæ, uti factum à Keckermanno, quod definiatur ars bene differendi.

III. Debet cum definito reciprocari.

1. Quia definitio & definitum eandem notant rem, definitio clarius, definitum obscurius; hinc est quod inter sese recipro-

cantur seu convertantur: Omnis enim homo est animal rationale, & omne animal rationale est homo.

IV. Debet esse affirmata.

1. Quia negatio non tam explicat quid res sit, quam quid

non sit, & definitio explicat quid res sit, ideo definitio debet

debet esse *affirmata*, non negata: interim hæc affirmatio magis intelligitur de re quam de voce; inopia enim vocabulorum interdum cogit uti vocibus negatis, sub quibus aliquid tamen affirmatum debet intelligi: sic, cum *brutum* definitur *animal irracionale*, non significatur nuda animæ rationalis negatio, sed contrariæ positionis, rationali animæ oppositæ.

2. Hæc admonitio præsertim observanda est in definiendo Deo: nam cum Deus definitur

à sua infinitate, immortalitate, immaterialitate, &c. quavis vocabula sint negativa, nostri tamen conceptus sub istis vocibus formati, debent esse positivi; id est, de re positiva: neque enim immaterialitas Dei significat simpliciter negationem materiæ, sed notat essentiam positivam & affirmatam, contrariam essentiae materiali; sic & immensitas non significat, simpliciter, Deum nullo loco excludi, sed etiam & positive, omnem locum implere.

### V. Debet sine copulatione aut disjunctione partium proponi.

1. Quia unaquæque res unam tantum habet essentiam, & definitio est istius essentiae explicatio, non potest nec debet per partes proponi, quia essentia una, ut una, partes negat, scilicet, ut partes.

2. Non negat definitio partes sui; omnis enim definitio ha-

bet partes duas, genus & differentiam, quemadmodum homo definitur per animal & rationale: sed hæc lex vetat ne partes istæ, aut aliæ, per conjunctionem copulativam & disjunctivam proponantur quia in unam naturam rei definitæ coeunt media sui unionem.

### VI. Debet constare & attributis prioribus & notioribus natura, atque adeo ex indemonstrabilibus.

1. Quod definitio sit principium demonstrans, & non attributum demonstratum, liquet ex cap. 22. lib. 2. Quia definitio est causa cognoscendi definitum, debent attributa, genus & differentia, esse propria & notiora naturæ ipsi definito: causa enim est prior & notior effectui, scilicet, naturæ & cognitione distincta. Porro, quia definitio est principium demonstrationis, debet quo-

que constare ex attributis indemonstrabilibus; alioquin daretur progressus in infinitum. Omnis causa prior & notior est effectui: genus & differentia sunt causæ definitionis, definitio est effectus: ergo genus & differentia sunt notiora & priora, scilicet, naturæ & cognitione distincta, definitione.

2. Genus, scilicet proximum, & differentia, scilicet specifica.

3. Cum

3. Cum hic lege sexta dicitur, quod attributa essentialia in definitione debeant esse priora naturali ipso definito, intelligitur utraque prioritas, & quoad existendi consecutionem, & quoad causalitatem. Genus est prius definito, ut animal homine, quoad

existendi consecutionem; differentia est prior definito, ut rationalitas homine, quoad causalitatem: vel sic; Genus est prius specie quæ definitur, existendi consecutione, differentia est prior causalitate: & sic utrumque est prius natura, definitione.

**Quæst. VI. Quibus partibus constat definitio perfecta?**  
**Genere [ proximo ] & differentia [ specifica. ]**

Genus in definiendo invenitur ex reductione rei definiendæ ad suam categoriam: ibi enim, quod loco superiori ex proxime adjacet, est ejus genus proximum;

reliqua omnia sunt genera remota, quæ superius collocantur. Intelligitur autem hic genus proximum, quia superiora in illo continentur.

**Quæst. VII. Ut de genere nihil dicam, unde petitur differentia?**

Differentia substantiarum petitur à forma [ substantiæ ] ultima vel principali, non ab accidentali, vel subordinata seu disponente substantiali: ] & cum formæ sunt ignotæ, proprietas adhibetur loco formæ. Differentia accidentium sumitur à subiecto, objecto, causa efficiente, aut simili.

[ 1. Quin dentur formæ accidentales, ut calor, color, &c. nulum est dubium: sed an dentur substantiales, id est, quæ sunt substantiæ distinctæ à materia, ut olim ante Aristotelem, & nunc post ejus ætatem disputari solet. Si sint præter animam rationalem ullæ formæ substantiales, recte tum dividitur ab auctore forma substantialis in ultimam & subordinatam, aut in principalem & disponentem. ]

[ 2. Differentia intelligitur essentialis & specifica, qualis raro est nota in substantiis, quia illarum formæ in sensus non incurrunt, à quibus tamen omnis

nostræ cognitionis origo ducitur: sic ignis: definitur, elementum calidum & siccum, per proprietates, loco formæ, quæ ignota est. Quia accidentia omnia sunt in subiecto & versantur fere circa aliquod objectum, & habent causam sui efficientem simul & finalem hinc à respectu ad ista accidentis definitur, & ejus differentia petitur à respectu ad ea. ]

[ 3. Subiectum ] quidem est externum accidenti, sed respectus accidentis ad subiectum, non est ei externus. ]

[ 4. Omne accidens est quidem in subiecto; subiectum tamen est extra accidens, id est esse

esse potest & existere sine accidente; & accidens nunquam aut esse aut existere potest sine subiecto; ideoque respectus accidentis ad subiectum inhærens accidenti est internus. ]

Quæst. VIII. Quomodo definiuntur accidentia propria?

Genere, subiecto, & causa proxima; [intellige, causam proximam absolute, quæ dicta fuit emanativa] eaque vel efficiente; ut, *Eclipsis est defectus luminis in luna, ob terram inter solem & lunam interpositam*: vel finali; ut, *appetitus est facultas naturalis in animali, ad consequendum quod sibi bonum, & vitandum quod sibi malum videtur*: vel denique utraque; ut, *Respiratio est attractio & expulsio aeris reciproca in animali, à pulmonibus facta, ad cordis refrigerium*.

1. Quænam accidentia sint propria, quænam communia, vid. cap. 23. & 19. lib. 1. Accidens proprium est proprium quarto modo, & quantum prædicabile commune est accidens prædicabile,

sive quantum prædicabile.

2. In definitione eclipses, defectus luminis est genus; Luna est subiectum; interpositio terre inter solem & lunam est causa efficiens proxima absolute.

Quæst. IX. Quomodo definiuntur accidentia communia?

Variis modis, ex quibus hi sunt præcipui. 1. Definuntur genere & subiecto; ut, *scientia est habitus mentis*: 2. Genere & objecto; ut, *Physica est scientia corporis naturalis*: 3. Genere & fine; ut, *Grammatica est ars bene loquendi*: 4. Genere, objecto, aut fine; ut, *Liberalitas est virtus in eroganda & accipienda pecunia*: 5. Genere & causa efficiente; ut, *Albor est color ortus ex prædomino* per se.

Modus definiendi accidentia communia certis regulis comprehendendi nequit, quia ipsa accidentia communia tam sunt varia.

### CAPUT III, & IV.

Quæst. I. Quid est definitio imperfecta?

Quæ, rei essentiam non explicat attributis essentialibus, aut saltem non explicat perfecte: eaque proprio vocabulo descriptio dicitur.

1. *Definitio imperfecta* induo-  
us recedit à definitione perfe-  
ta: vel quod adhibeat *attributa*  
non *essentialia*, sed *accidental*ia;  
vel si adhibeat *essentialia*, quod  
non sumat omnia; ideoque vere  
dicitur imperfecta.

[ 2. Vocantur hic *attributa es-*  
*entialia* quæ essentiam rei defi-  
nitæ constituunt, non quæ eam  
consequuntur immediate; suntq;  
tantum genus & differentia. Pro-  
prieras quidem dicitur attribu-  
tam *essentiale* non tamen illo  
sensu, ac si essentiam constituat,  
sed quia essentiam rei constitutæ  
immediate sequitur, ideoq; nun-  
quam ingreditur definitionem  
perfectam. ]

3. *Definitio imperfecta* vel est  
necessaria, vel arbitraria. Necessa-  
ria, cum perfecta definitio ad-  
hiberi nequit: atq; hæc impos-  
sibilitas oritur vel ex parte entis,  
vel ex parte mentis, vel ex parte  
orationis. Primo modo non pos-  
sunt definiri perfecte res illæ quæ  
ex imperfectione sua non admit-  
tunt definitionem perfectam; ut  
privations, verbi causa, tenebræ:  
secundo modo non possunt perfe-

cte definiri quæ, licet habeant  
essentiam perfectam, à nobis ta-  
men perfecte non capiuntur; ut,  
Deus: tertio modo, ex parte o-  
rationis, quando res definienda  
essentiam quidem habet perfe-  
ctam, & perfecte capitur, sed non  
dantur vocabula ad illam defini-  
tionem explicandam. Arbitraria  
est definitio imperfecta, quando  
adhiberi quidem potest definitio  
perfecta, sed tamen non adhibe-  
tur, quia ita nobis placet, & res  
est arbitrii nostri.

[ 4. Cum definitio perfecta sit  
explicatio essentia, & essentia  
non possit tribui nisi enti reali,  
quale non est privatio, ultro se-  
quitur, nullam privationem pos-  
se perfecte definiri, quia nulli pri-  
vationi essentia competit; at-  
qui definitio perfecta est essentia  
explicatio.

5. Deus perfecte definiri nequit,  
quia à nullo intellectu humano  
perfecte cognoscitur aut concipi-  
tur; & ratio est, quia illud dictum  
Apostoli, *Deum videbimus sicuti*  
*est*, locum demum habebit in al-  
tera vita, ideoq; in hac vita De-  
us perfecte definiri nequit.

### Quæst. II. Quando adhibetur imperfecta definitio?

1. Quando res ipsa non capit perfectam definitionem.  
2. Quando nos rei essentiam non percipimus. 3. Quando  
defunt idonea vocabula, quæ in perfecta definitione re-  
quiruntur. 4. Quando aliorum captui definitio attempe-  
randa est. 5. Deniq; quando proposita definitione alios  
delectare magis aut movere volumus, quam docere.

Præio & secundo & tertio casu, definitio imperfecta est necessa-  
ria: quarto & quinto casu, est arbitraria.

### Quæst. III. Quæ res respuunt perfectam definitionem?

I. Res infinitæ; ut, Deus.

1. Deus ] non potest perfecte definiri, non ex parte sui, quasi non ad-

admitteret definitionem perfectam, sed ex parte nostri, quia nos ipsius essentiam non capimus.

## II. Quæ non habent veram essentiam ; ut, *privationes*.

1. Quia definitio perfecta est explicatio essentiae, & essentia non competit nisi enti vero, *privatio* autem est negatio entis veri, consequenter ei non competit *essentia vera*, imo ne quidem essentia simpliciter ; ideo, neque definitione perfecta definiri *privatio* potest.

2. *Privationes* ] non possunt perfecte definiri ratione sui, quia ipsæ non admittunt definitionem perfectam : cum enim hæc ( scilicet definitio perfecta ) sit explicatio essentiae, ac *privationes* essentiam nullam habeant, sunt enim non entia, seu negationes entium realium ; non est mirum, quod perfecte non definiantur.

*Privationes*, tantum abest, ut *essentiam veram* obtineant, ut ejus negationem dicant : quemadmodum cæcitas negat visum.

3. *Privationes* nullam habent essentiam, quia non sunt entia realia ; ac essentia convenit solis entibus realibus.

[ 4. Cum *privationes* dicuntur negationes entium, intellige realium : neque enim ( verbi causa ) cæcitas est aut substantia, aut accidens, aut Deus, aut creatura, quæ quatuor sunt entia realia ; sed cæcitas, & omnis *privatio* est negatio entis realis ; non tamen nihil, sed medium negationis inter ens reale & nihil. ]

## III. Quæ non habent unam essentiam ; ut, *entia concreta & aggregata*.

1. *Entia aggregata* ] sunt, quæ ex pluribus substantiis totalibus coalescunt, vel cum aliquo ordine inter se, uti est mundus, exercitus ; vel sine ordine inter se, ut est acervus lapidum vel granorum. Neutrum est unum per se, sed utrumque est unum per accidens ; quia in uno per se, quando ex pluribus coalescit, debet substantia una habere rationem potentiae ad alteram : cui unitur, tanquam ad actum : sic in homine, duæ quidem substantiæ, sed imperfectæ, anima & corpus, uniuntur ; verum ita, ut corpus

sit instar potentiae, anima instar actus.

2. Quid sit unum per se, quid unum per accidens, operæ pretium est bene cognoscere. Unum per se est, aut ens immateriale, ut Deus, angeli, & animæ rationales ; aut materiale, sed tale, cujus partes se habent essentialiter materia & forma ut potentia & actus, & quæ in unam naturam compositi coalescunt. ]

3. *Essentiam* per se *unam* habent aut res simplices ut angeli ; aut, si compositæ sunt, in quibus partes componentes, atque ejusdem naturæ com-

munis ac genericæ, & categoriæ, in unum compositum media unitate coaluerunt; ut, *homo, lapis, &c.*

4. *Entia concreta*] vocantur, quæ concreverunt ac composita sunt ex subiecto & accidente;

ut, *justus, albus.*

5. *Entia aggregata*] sunt, quæ ex diversis substantiis coaluerunt; vel cum unionem, ut, *exercitus*, vel sine ulla media unionem, ut, *aceruus lapidum.*

#### IV. Quæ non habent essentiam perfectam; ut, *partes, [sive essentielles, sive integrales] principia rerum, res in fieri.*

1. *Essentiam perfectam* dicuntur habere, quibus ad essentiam aut integritatem nihil deest: sic in parte una ad essentiam totius pars alia atque alia, quia totum omnes partes requirit.

[ 3. Perfectum metaphysicis dicitur duobus modis: vel cui nihil deest aut deficit requisitum ad essentiam, vel cui nihil deest aut deficit requisitum ad integritatem. sic homo monocus est perfectus perfectione essentiali, quia animam & corpus habet, partes, essentielles; sed non est perfectus perfectione integrali, quia aliqua pars integralis, puta oculus, ipsi deest ac deficit.

3. *Principia rerum*] hic significant ea, ex quibus fiunt composita: neque hæc, ut principia, habent essentiam perfectam; ideoque materia & forma, rerum naturalium principia, non possunt perfecte definiri.

4. *Res in fieri*] dicuntur, quæ adhuc fiunt, ac quamdiu fiunt perfectam essentiam non sunt adeptæ; ut, *motus.*

5. Quæ numero 2. 3. & 4. recensentur, ea non admittunt definitionem perfectam ratione sui: Deus numero readmittit quidem definitionem perfectam ratione sui, sed non ratione nostri.

#### V. Summa genera.

1. *Summa genera*] non possunt perfecte definiri, quia non habent genus supra se, scilicet univocum, alioquin summa non

forent; ideoque substantia, quantitas, qualitas, &c. perfecte definiri nequeunt, idque ratione sui.

#### VI. Individua.

1. *Individua*] non possunt perfecte definiri, quia non habent differentiam, scilicet essentialem, aut si habent, ea nobis ignota est; ideoque Petrus non potest perfecte definiri, quia nullam differentiam essentialem

habet infra se. Ex omnibus ergo rebus solæ species, tum infimæ tum subalternæ, perfecte definiri possunt.

2. Disputatio gravis est, an *individua*, Petrus, Paulus, &c. habeant differentiam essentialem. Ramzi



& multi alii, putant quod sic; quia si substantiæ singulares & primæ sunt maxime substantiæ, uti sunt, etiam debent distingui à se invicem per differentias essentielles: hoc tamen saten-

dum est, illam differentiam essentialem ac substantialem individuum plerumque nobis esse ignotam, & hæc causa est quod individua non possint perfecte definiri.

**Quæst. IV. Quarum rerum essentiam non possumus [intellectu] assequi?**

**Quæ** per se non incurrunt in sensus nostros; [scilicet externos] ut, substantiæ, cum corporeæ, tum incorporeæ.

[1. Hæc ex Peripateticorum sensu dicuntur. Neque tamen ab omnibus nostri seculi philosophis hoc recipitur, nimirum, substantias corporeas, quæ substantiæ sunt, in sensus non incurrere: quod si non sensibus, utique nec intellectu percipi poterunt, juxta sententiam Aristotelis, qui judicat nihil esse in intellectu nisi quod prius fuerit in sensu; quod falsum est, quoniam sic, missis substantiis, circa mera accidentia intellectus noster verfaretur.]

[2. Substantiæ corporeæ non incurrunt in sensus] in quantum sunt corpora aut substantiæ, sed eorum tamen accidentia in sensus incurrunt: cum vero accidentia ad essentiam substantiarum non pertineant, nihil est mirum si substantiarum essentias non assequamur, quum omnis nostra cognitio sit à sensu, & sola accidentia in sensus incurrant.]

[3. Si verum est, quod vulgo fertur, nullas substantias incurrere in sensus externos, & nos tamen ab infantiæ incunabulis assuevimus uti sensuum ministerio in rebus cognoscendis; profecto nulla substantia sub cognitionem nostram cadet: & cum sensus sint fallibiles cognoscendi magistri, quis poterit tuto iis fidere? nam à quibus vel semel sumus decepti, iis non est fidendum; sed sensus externi nos sæpe deceperunt: & cum nullæ substantiæ nec materiales, incurrant in sensus, à quibus est cognoscendi principium, nullas unquam intelligemus substantias, sed cognoscuntur sola accidentia; quæ si non sunt, uti multis non esse judicantur, nihil cognoscemus.]

4. Substantiæ incorporeæ, nec per se nec per accidentia in sensus incurrunt.

**Quæst. V. Quot modis formatur definitio imperfecta?**

**Septem** modis potissimum.

Quæst.

## Quæst. VI. Enumera hos modos.

I. Cum accidens proprium definitur sola causa externa; [hæc definitio imperfecta vocatur causalis] ut, *Eclipsis est interpositio terræ.*

Hic omittitur genus & subiectum.

II. Cum definitur genere & subiecto; ut, *Eclipsis est defectus luminis in luna.*

Hic omittitur causa efficiens proxima.

III. Cum res aliqua definitur genere & proprietate una aut pluribus; ut, *Canis est bestia latrans.*

Hic omittitur differentia specifica & essentialis.

IV. Cum res definitur enumeratione partium aut specierum; ut, *Logica est ars definiendi, dividendi, argumentandi, & ordinandi.*

Hæc est definitio facta per inductionem, seu per divisionem.

V. Cum res definitur remotione oppositi; ut, *Virtus est vitium fugere.*

*Virtus* enim opponitur *vitio*. oppositum definiatur per oppositum mediatum medio participationis, est vitiosissima. Intelligitur hic *oppositum* immediate, quod non admittit medium participationis; nam si

VI. Cum relatum definitur correlato; ut, *Dominus est qui habet servum.*

Dominus enim respectu servi est relatum, & servus correlatum.

VII. Cum res definitur coacervatione circumstantiarum; ut, *Homo est animal bipes, implume, erecto vultu manibusque præditum.*

*Circumstantias* intellige præsertim sensibiles, hoc est, quæ in sensu incurrunt: hæc speciem descriptio dicitur, & à poeticis & oratoribus plerumque ad-

hibetur. Tales quoque sunt descriptiones plantarum, & animalium in physicis, item fluminum, montium, &c. in geographicis & historicis.

## CAPUT V.

Quæst. I. Quotuplex est divisio?

**D**uplex: alia nominis, alia rei.

[1. Quæri potest, cur author hoc caput incipiat non à definitione, quæ est primum docendi præceptum, sed ab ipsius divisionis divisione. Resp. quia ipsa vox *divisio* ambigua est: atqui quotiescunque aliqua vox am-

bigua est, non est tractatio incipienda à definitione, nisi primum ipsa vox fuerit distincta: ideoque hic non à definitione divisionis, sed à distinctione incipiendum fuit.

Quæst. II. Quid est divisio nominis?

Enunciatio significationum homonymi vocabuli, aut distinctio ambiguae sententiæ; ut, si quis recenscat significationes *juris*, aut distinguat hanc orationem, *Aio te Acida Romanos vincere posse*. Hæc improprie *divisio* appellatur; rectius *distinctio* dicitur.

*Divisio nominis*, seu potius distinctio vocabulorum in omni disputatione, ac rei cujuscunque

tractatione, in principio statim adhibenda est, ut constet, de qua re & quo sensu de ea agatur.

Quæst. III. Quid est divisio rei, sive divisio proprie dicta?

Divisio est explicatio totius per partes.

*Divisio rei* tota deperdet ab explicatione capitis 14. lib. 1. de 10 & parte.

Quæst. IV. Quomodo distribuitur?

Eodem modo quo totum. Ac primo in divisionem totum per se, & in divisionem totius per accidens.

Quid sit totum per se & totum per accidens, vid. Quæst. 3. & 4. cap. 14. lib. 1.

Quæst. V. Quotuplex est divisio per se?

Quadruplex: vel enim dividitur [totum universale,] genus in species [& species in individua,] ut, *animal in hominem & bestiam*, [homo in Petrum & Paulum,] estque illa divisio totius logici; vel definitum in partes definientes [scilicet totum formale,] veluti cum *homo*, sive humana, essentia,

essentia . dividitur sive resolvitur in *animal & rationale* [estque illa divisio totius metaphysici ; [ totum essenti-ale,] compositum in materiam & formam , ut , *homo in corpus & animam rationalem*, [estque illa divisio totius physici ;] vel denique totum integrale in sua membra, ut, *homo in caput, pectus, ventrem, artus, &c.* [estque illa divisio totius mathematici.

1. Ex quatuor divisionibus per se, prima & ultima sunt maxime usitate, nempe distributio generis in species, aut speciei in individua, & integri in membra: atque hæc peculiari nomine *partitio* dicitur.

2. Notandum vero est accuratissime discrimen inter utramque hanc divisionem, quod hoc signo dignoscitur infallibiliter: quotiescunque totum divisum de singulis partibus dividendis enunciari potest in casu recto, toties est distributio generis in species, aut speciei in individua; quotiescunque vero totum divisum non potest enunciari de singulis partibus dividendis nisi in casu obliquo, est distributio integri in membra: & causa hujus diversitatis est, quod tota na-

tura generis in unaquaque contineatur specie, & tota natura speciei in unoquoque individuo; at vero, non continetur tota natura integri in unoquoque membro. Exempli gratia, cum *animal* dividitur in *hominem & bestiam*, id *animal* dicitur de *homine & bestia* in casu recto; cum *homo* dividitur in *Petrum, Paulum, Joannem, &c.* *homo* prædicatur de *Petro, Paulo, Joanne, &c.* in casu recto: sed vero, cum *corpus* dividitur in *caput, pectus, ventrem, artus, &c.* partes dividentes, non potest dici *corpus* de singulis partibus in casu recto, licet possit in casu obliquo: neque enim licet dicere, *Caput est corpus, Pectus est corpus*; sed bene licet dicere, *caput, pectus, est corporis*, scilicet pars.

#### Quæst. VI. Quotuplex est divisio per accidens?

Item quadruplex: vel enim dividitur causa per effecta, ut, *Plantæ aliæ calefaciunt, aliæ frigefaciunt*: vel effectum per causas, ut, *Testimonia aliæ sunt divina, aliæ humanæ; statua aliæ sunt ex ære, aliæ ex marmore*; supellex aliæ est ad ornatum, aliæ ad usum, &c. vel subjectum per adjuncta, ut, *Homines alii sunt liberi, alii servi*: vel adjunctum per subjecta, ut, *Morbi alii corporis sunt, alii animi*.

Divisio per accidens faciliè intelligitur ex exemplis subjectis, & questione 5. cap. 14. lib. 1.

**Quæst. VII. Quot sunt leges bonæ divisionis ?**  
**Septem potissimum.**

**Quæst. VIII. Enumera omnes.**

**I. Partes debent in toto consentire.**

1. [Partes] Intellige vel membra respectu integri, quæ vulgo dicuntur partes integrantes; vel individua respectu speciei, vel species respectu generis, quæ utraque partes vocantur universales, melius, totius universalis: nam individua, partes universales dici nequeunt.]

[2. Ratio est, quia partes toti insunt, & ad totum ordinantur, illudque mensurant: at vero mensura & mensuratum consentire debent; ideoque, cum totum quod dividitur est substantia, & partes debent esse substantiæ; si totum fuerit accidens, & partes debent esse accidentia: quod intelligendum est de divisione totius per se; nam

in divisione per accidens, totum potest esse substantia, & partes accidentia, ut, cum homo dividitur in servum & liberum.]

[3. Cum partes dicuntur toti inesse, id sic intelligi non debet, uti accidentia insunt subjecto: sunt enim hæ partes, de quibus hic sermo est, vel substantiæ, ut membra integri, individua specierum, species generum; vel si sint accidentia in ordine ad substantiam, tamen non dicuntur partes, sed in ordine ad accidentia.]

4. Imo vero, omnes hæ leges intelligi debent de toto per se: nam divisio totius per accidens vix habetur pro divisione, uti nec totum per accidens pro toto.

**II. Et inter se opponi.**

1. Ratio est, quia alioquin partes coinciderent, & sic totum dividere nequirent.

**III. Partes proximæ & immediatæ semper sumende sunt in divisione, non remotæ.**

1. Partes proximæ & immediatæ dicuntur quæ sunt maximè vicinæ toti, in quas totum primo dividi debet: ideoque vitiosa est divisio, quando multa membra transiliuntur; ut, si dividero corpus in plantam & animal, cum debeat primum dividi in simplex & mixtum,

2. Tabulæ prædicamentales docent, quænam partes toti viciniores, quænam à toto remotiores, quænam toti vicinissimæ.]

3. Quænam sint partes proximæ rei divisæ, quænam remotæ, optimè perspicui potest ex tabulis prædicamentibus: in quibus quæ proxime infra rem divi-

dividendam collocantur, in sequenti gradu inferiori, sunt partes proximæ; quæ vero habent gradus intermedios inter se & rem dividendam, sunt partes remotæ.

#### IV. Partes singulæ minus continere debent, quam totum.

1. Ratio est, quia totum est majus sua parte unaquaque; alioqui totum & pars adæquarentur, quod est absurdum.

#### V. Universæ, neque plus neque minus.

1. Ratio est, quia partes universæ, idem sunt ac totum, sci licet quando partes sunt unitæ; quod potissimum est intelligendum de toto essentiali.

[2. Gravis quæstio est, quomodo totum differat à partibus. Nos distincte respondemus: partes totius, verbi causa anima & corpus, considerantur, vel ut separata, vel ut conjunctæ sed non unitæ, vel ut conjunctæ & unitæ. Quando partes spectantur (verbi causa anima & corpus) ut sunt separata loco, ut anima sit in celo, corpus in terra, non sunt

idem quod totum scilicet corpus, sed ab eo distinguuntur realiter. Si spectentur, ut loco quidem conjunctæ partes, sed non unitæ, adhuc non sunt idem quod totum, sed distinguuntur à toto realiter: ita si eodem loco ponas & animam rationalem & corpus, sed non unita, non sunt idem quod homo. Verum si partes spectentur, ut conjunctæ loco & unitæ, jam idem sunt quod totum: sic anima rationalis & corpus, loco conjuncta & inter se unita, idem sunt quod homo, nec ab eo distinguuntur realiter.

#### VI. Divisio debet constare partibus paucissimis, & si commode fieri possit, duabus.

1. Ratio est, quia divisio distinctam parit cognitionem; quo autem partes sunt pauciores, eo distinctius cognoscuntur: non tamen semper divisio in partes duas, sive *dyotomia*, utcumque sit optima, haberi potest.

[2. Cum genus dividitur in species, plerumque divisio potest esse bimembris, & si potest, debet: cum species dividitur in individua, rarius potest esse bimembris, neque anxie affectari debet, quia individua plerumque

sunt plura duobus: cum integrum dividitur in membra, divisio bimembris esse debet, si potest; sed non semper potest; divisio definiti in partes definientes, & compositi in partes constituentes, & potest, & debet semper esse bimembris: divisio totius per accidens interdum potest, interdum non potest esse bimembris; neque scrupulose admodum hic querenda est, si commode haberi nequeat.

VII. Modus dividendi adhibendus est, ne subdivisionum numerus nimium excrescat.

1. Ratio est quia cum divisio memoriae quam maxime proficit, memoria magis obruitur, quam juvatur, si subdivisiones instituantur multae.

## CAPUT VI.

### Quæst. I. Quid est syllogismus?

**S**yllogismus est oratio, in qua, quibusdam positis, diversum quid à positis, propter ea quæ posita sunt, necessario sequitur.

1. *Oratio* ] sumitur hic indefinite, non pro una, sed pro orationum complexu, per synecdochen numeri singularis pro plurali.

2. *Oratio intelligitur potissimum interna, secundario externa*: quia syllogismus sine oratione externa esse potest, ut in mutuo; sine interna non potest; & quia tota Logica maxime dicitur à λόγῳ ἐνδιδόντω, sermone interno, minus à sermone externo.

3. *Quibusdam positis* ] id est, duabus enunciationibus præpositis seu præmissis, unde sic vocantur.

4. Quando hoc loco præmissæ dicuntur causa conclusionis, intelligitur causa cognoscendi, non essendi; hæc enim locum tantum habet in syllogismo demonstrativo, non in topico, nec in sophistico, nec in ullo alio: at, quod præmissæ sint causæ conclusionis, id commune est omnibus syllogismis.

5. *Diversum quid* ] id est, nova enuntiatio, quæ vulgo dicitur

*conclusio*. Hæc dicitur diversa formaliter, non materialiter, à propositionibus sive præmissis; non quod alii termini sint in conclusione quam fuerunt in præmissis, sed quod iidem termini aliter disponantur in conclusione quam in præmissis; nam qui termini in conclusione simul disponuntur, in præmissis à se invicem separantur: ut in hoc syllogismo, *Omne animal sentit. Omnis homo est animal. Ergo omnis homo sentit*. Hic simul disponuntur in conclusione *homo & sentit*; qui iidem termini in præmissis à se invicem separantur: nam *sentit*, terminus maior, ponitur in maiore propositione, quæ diversa est & separatur à minore propositione, in qua alter terminus est, *homo*.

6. *Propter ea quæ posita sunt* ] id est, vi & efficientia præmissarum, quia præmissæ sunt causæ, scilicet cognoscendi, interdum essendi, conclusionis, hæc vero effectum præmissarum: hinc est quod vocula propter recte dicitur



ur significare vim, nam causa est cuius vi res est.

[ 7. *Necessaria* ] Intelligitur hic necessitas consequentiae seu conclusionis; non consequentis, seu praedicati in conclusione, quae extra syllogismum invenitur in omni enunciatione necessaria; ut, *homo est animal*: hic est necessitas consequentis, id est praedicati, *non animal* enim necessario cohaeret necessitate *non autem* cum antecedente seu subiecto, *homo*; at hic non est necessitas consequentiae seu conclusionis, quia haec enuntiatio necessaria est extra omnem syllogismum, & ideo non est conclusio, quae veritatem suam & necessitatem tantum habet in syllogismo, non extra illum.]

[ 8. *Necessitas consequentiae* est necessitas thematis complexi seu enunciationis, deducta ex enunciationibus aliis prioribus. Necessitas consequentis est necessitas thematis simplicis & termini unius, & quae non derivatur aliunde: estque vel necessitas quae praedicatum necessario dicitur de subiecto, de qua actum fuit in enunciatione necessaria; vel quae accidens necessario inest subiecto, de qua actum fuit cap. de proprio.]

[ 9. Quantum discriminis est inter thema simplex & complexum, tantum differt necessitas thematis simplicis, a necessitate thematis complexi: sed necessitas consequentis est necessitas thematis simplicis, necessitas consequentiae est necessitas the-

matibus complexi, & quidem illa quae non existit in themate complexo, nisi beneficio syllogismi; nam quae necessitas invenitur in aliqua enunciatione extra syllogismum, uti in hac, *homo est risibilis*, quamvis eadem haec syllogismo inferri possit, quamdiu tamen non inferitur, necessitas consequentiae in illa esse dici nequit: sed & sunt enunciationes necessariae, quarum necessitas nullo syllogismo inferri potest, ut est haec, *homo est animal*; atque in hisce nunquam invenitur necessitas consequentiae. Notandum & illud est, necessitatem hypotheticam seu conditionalem; necessitatem consequentis esse absolutam, & quidem internam.]

[ 10. *Necessitas* vulgo dividitur in internam & externam. Interna est, quae principium habet in ipsa re necessaria: sic necessarium est hominem esse risibilem, quia risibilitas sui causam habet, quae necessario inest homini in ipso homine, scilicet rationali: & haec est necessitas consequentis, quae semper est interna. Necessitas externa est, quae sui principium habet extra rem necessariam: ita necessarium est lunam pati eclipsin, si terra interponatur inter solem & lunam: haec est necessitas externa, quia causa ob quam luna necessario eclipsin patitur, est extra lunam; haec est necessitas consequentiae, quae semper est externa.]

Quaest.

## Quæst. II. Quot modis consideratur syllogismus?

Duobus modis: vel enim consideratur absolute de ratione formæ, vel relate ad conditiones materiæ ac varios effectus.

[1. *Materia & forma* proprie tribuuntur solis corporibus; & quia corpora habent accidentia quibus incurrunt in sensus, eorum materia & forma dicitur sensibilis: sed per analogiam ac similitudinem, materia & forma tribuuntur iis quæ non sunt corpora, neque illas habeant proprietates quibus in sensus incurrant, & hæc materia & forma dicitur intelligibilis: sic materia artium sunt præcepta, forma est methodus; utraque intelligibilis: talis quoque competit syllogismo.]

[2. *Forma*] quæ hic tribuitur syllogismo, & *materia*, utraque est intelligibilis, quia solo intellectu percipitur; non sensibilibus, quia ipse syllogismus est ens rationis, & opus nostri intellectus: sic & *Effectus* qui hic tribuuntur syllogismo, non sunt externi, & incurrentes in sensum, sed interni, & in ipso intellectu existentes, scilicet sunt ista iudicia quæ syllogismi relinquunt in intellectu, de conclusione ab eo cognita.]

3. *Conditiones materiæ*] scilicet proximæ, vocantur hic veritas vel falsitas, necessitas vel contingentia præmissarum.

4. *Effectus* syllogismi sunt iudicia de conclusione relicta in mente.

5. Omnis syllogismus, sive

lectus sive auditus, gignit vel effensum, vel dissensum, hoc est, iudicium aliquod de conclusionis veritate vel falsitate in mente vel legis vel audientis: nam qui syllogismum vel legit vel audit, si in animum ingreditur suum, fieri non potest quin ad conclusionem assentiatur, aut dissentiatur id est, quin iudicet eam esse vel veram, vel falsam. Hæc iudicia in mente hominum per syllogismos genita, quia intellectum nostrum disponunt ad cuiusvis generis conclusionibus assentiendum vel dissentiendum, vocantur *dispositiones*, seu *habitus imperfecti*; & cum iudicia ista sæpe iterantur atque confirmantur, gignunt *habitus perfectos*: & sic oriuntur in intellectu nostro omnes habitus intellectuales, scientiæ, artes, prudentiæ, quippe quæ nihil sunt aliud, quam collectio multorum iudiciorum de rebus variis per syllogismos in mentem nostram illatorum: ita verbi causa, physica nihil est aliud quam collectio iudiciorum de rebus naturalibus, earumque proprietatibus & operationibus, quæ mens humana, præsertim primorum philosophorum, per syllogismos de iis intulit ex præmissis, quarum veritatem in ipsa rerum natura diligenti scrutinio & indagine observavit.

Quæst.

Quæst. III. Prior consideratio quot habet partes?

Tres: vel enim agendum est de genesi [vel fabrica] re ratione struendi syllogismum, vel de *comela*, sive ratione inveniendi argumenti, vel de imperfectis speciebus syllogismi.

Quæst. IV. Quanam sunt in genesi [fabrica syllogismi] spectanda?

Materia, tum remota tum proxima, & forma.

*Materia remota*] syllogismi est, inter quam & syllogismum sunt alia vicinior; *proxima*, ex qua syllogismus constat immediate; ita immediate constat ex enunciationibus tribus; *remote*, ex terminis seu thematibus simplicibus tribus, ex quibus enunciationes componuntur. Videantur exempla in textu.

Quæst. V. Quæ est remota materia syllogismi?

Tres termini; minor, major, & medius.

*Tres termini*] sunt tria themata simplicia, quæ hic vocantur termini, quia syllogismus ultimus in eo terminatur. Horum terminorum duo vocantur extremi, scilicet minor & major, qui sunt subjectum & prædicatum conclusionis, qui extra syllogismum, vocari solet quæstio. Tertius terminus extra quæstionem aut conclusionem dicitur medius, quia est quasi arbiter inter duos priores, scilicet extremos.

Quæst. VI. Quis est minor terminus?

Subjectum quæstionis.

1. *Subjectum quæstionis* vocatur *minor terminus*, quia est, aut angustius prædicato, nimirum non potest reciprocari, ut, *Logica est ars*, *Omnis homo sentit*; aut interdum æquale, ut, *Omnis homo est risibilis*; nunquam latius. Quando subjectum, aut est latius, aut esse videtur prædicato, enuntiatio est non naturalis, sive contra naturam.

2. In enunciatione naturali prædicatum semper est, vel latius subjecto, quando non possunt reciprocari, ut, *homo est animal*; vel æquale subjecto, quando possunt reciprocari, ut, *homo est risibilis*; nunquam angustius: si enim fuerit angustius, ut, *animal est homo*, enuntiatio est contra naturam.

Quæst. VII. Quis major terminus?

Prædicatum quæstionis.

1. *Prædicatum quæstionis*] vocatur terminus major, quia est latius subjecto, quando non possunt reciprocari; vel æquale, quando

quando possunt reciprocari; nunquam angustius.

2. Terminus major, Aristo-

teli dicitur extremum majus, minor, extremum minus.

### Quæst. VIII. Quis medius?

Argumentum, quod ad probandum quæstionem extrinsecus assumitur.

1. Terminus *medius* dicitur plerumque *medium* simpliciter; vel argumentum tertium, & argumentum simpliciter, quia ar-

guit, id est, probat terminum majorem inesse minori.

2. *Extrinsecus*] id est extra conclusionem.

### Quæst. IX. Quæ est materia proxima?

Tres propositiones, [id est, enunciationes:] quarum prima vocatur major propositio, vel absolute propositio; secunda, minor propositio, vel assumptio; tertia, conclusio.

1. *Propositio major*] interdum dicitur *major* simpliciter, & sic vocatur quia in ea semper est terminus major, seu prædicatum conclusionis: & secunda propositio vocatur *minor*, quia in ea semper est terminus minor, seu subjectum conclusionis, si contra fiat, syllogismus non valet.

2. Terminus major & minor semper sunt in ipsa conclusione, propositio major & minor semper sunt extra conclusionem.

3. Notandum hoc est semel, & tenendum semper, quod terminus major & minor sint themata simplicia, propositio ma-

ior & minor sint themata complexa; quare nunquam debent confundi: præterea terminus major est pars propositionis majoris, terminus minor est pars propositionis minoris: quantum ergo differunt pars & totum, tantum differunt terminus major & minor ab uno latere, & propositio major & minor ab alio latere.

4. Accurate hic cavendum est, ne terminus major ac minor confundantur cum propositione majore & minore: sic enim confunderentur themata simplicia cum complexis, materia remota syllogismi cum materia proxima.

### Quæst. X. Quibus terminis constat major?

Majore & medio.

### Quæst. XI. Quibus minor?

Minore & medio.

Quæst.

**Quæst. XII. Quibus conclusio?**

Minore & majore.

In omni quidem bono ac legitimo syllogismo, istis terminis enunciationes constare debent, & singuli termini bis in unoquoque syllogismo poni debent.

**Quæst. XIII. Quid est forma syllogismi?**

Est apta trium propositionum dispositio ad conclusionem ex præmissis colligendam.

**Quæst. XIV. In quo consistit forma syllogismi?**

In figura & modo.

**Quæst. XV. Quid est figura?**

Figura est legitima dispositio medii cum partibus questionis.

1. Figura] respicit materiam syllogismi remotam, tres scilicet terminos, puta medium & duos extremos, qui hic dicuntur partem questionis, quia ex iis conclusio constat: horum trium terminorum combinatio legitima, est, dispositio secundum leges & regulas facta, vocatur figura.

2. Quando tres termini disponuntur quidem, sed non legiti-

me, nec secundum naturæ ordinem, utrumque videatur figura non est tamen.

3. Atque hæc ratio est, cur non debeat admitti figura quarta post tres receptas: nam in illa, alia quidem medii est dispositio cum partibus questionis, quam in tribus receptis; sed nec legitima est, nec naturalis est dispositio: quod in exemplis, si quis illa inspiciat, patebit.

**Quæst. XVI. Quid est modus?**

Modus est legitima enunciationum secundum quantitatem & qualitatem determinatio.

Modus] respicit materiam syllogismi proximam, tres enunciationes, majorem, minorem, & conclusionem; & docet quomodo, & quoad quantitatem,

id est, universalitatem & particularitatem, & singularitatem, & quoad qualitatem, id est, affirmationem & negationem, istæ enunciationes debeant disponi.

**Quæst. XVII. Quotuplices sunt modi?**

Duplices; alii universales, alii singulares.

Modi singulares vocantur alii proprii; & syllogismi singulares, positorii.

Quæst.

## Quæst. XVIII. Quos vocas universales?

In quibus utraque vel altera propositionum præmissarum est universalis.

Notandum est, quod modi universales alteram saltem propositionum exigant universalem: nam si utraque sit particularis syllogismus non erit bonus.

## Quæst. XIX. Quos singulares?

In quibus utraque præmissarum est singularis.

1. Modi singulares non sunt enunciationes singulares & particulares.

2. Præmissæ hîc, vocantur communi nomine major & minor propositio, quia conclusioni præmittuntur.

## CAPUT VII.

## Quæst. I. Quot sunt figura?

Res.

1. Syllogismi in tribus hisce figuris vocantur simplices & categorici, ut discernantur ab hypotheticis & compositis.

2. Syllogismi harum figurarum dicuntur categorici, quia in singulis enunciationibus ho-

rum syllogismorum prædicatum & subiectum de se invicem enunciantur simpliciter, absque relationibus vel conjunctionibus vel alius similibus additamentis; & proprie opponuntur syllogismis hypotheticis.

## Quæst. II. Quæ est prima figura?

In qua argumentum majori termino subicitur, & de minore prædicatur.

In figura prima, propositio major constat ex termino medio ut subiecto, termino minore ut prædicato; propositio minor ex termino minore ut subiecto, & majori ut prædicato.

## Quæst. III. Quæ secunda?

In qua argumentum de utroque termino prædicatur.

Secun-

Secundæ figuræ propositio maior habet pro subiecto terminum majorem, & pro prædicato medium; conclusio, pro prædicato majorem terminum, & pro subiecto minorem.

#### Quæst. IV. Quæ tertia?

In qua argumentum utrique termino subjicitur.

In tertia figuræ terminus medius est subiectum utriusque præmissæ, & majoris & minoris, & terminus major prædicatum propositionis majoris, terminus minor prædicatum propositionis minoris; terminus minor est subiectum conclusionis, & major ejusdem prædicatum.

#### Quæst. V. Quot sunt modi universales in prima figuræ?

Quatuor; *Barbara, Celarent, Darii, Ferio.*

#### Quæst. VI. Quot in secunda?

Item quatuor; *Cesare, Camestres, Festino, Baroco.*

#### Quæst. VII. Quot in tertia?

Sex; *Darapti, Felapton, Disamis, Datisi, Bocardo, Ferison.*

#### Quæst. VIII. Quid sibi volunt vocales harum vocum.

Indicant quantitatem & qualitatem propositionum quibus præfiguntur, idque hoc modo;

*Afferit A*, [id est, affirmat] *negat E*, verum generaliter [id est, universaliter] *ambæ*;

*Afferit I*, *negat O*, sed particulariter *ambæ*.

1. Sensus horum versiculorum est, quod enunciatio, cui præfigitur *A*, debeat esse & universalis & affirmans; cui præfigitur *E*, debeat esse universalis negans; cui præfigitur, vocalis *I*, debeat esse affirmans & particularis; cui præfigitur vocalis *O*, debeat esse particularis negans.

2. Fabrica syllogismi cujusque sequentibus innititur regulis.

Da exempla in singulis modis: ac primum primæ figuræ.

*BAR.* Omne animal sentit:  
*BA-* Omnis homo est animal:  
*AA.* Ergo omnis homo sentit.

[1. Ex



[1. Ex tribus terminis sumi possunt sex conclusiones; nam tres isti termini, singuli cum singulis, sexies possunt combinari: non tamen semper stricte conclusiones rite recteque inferri possunt per syllogismum: ideoque si una ex sex conclusionibus non potest probari syllogismo legitimo, recurrendum est ad conclusionem aliam ex illis sex, donec habeatur illa conclusio, quæ syllogismo legitimo inferri ac probari potest.]

2. Ut ex tribus terminis simplicibus commode fiat syllogismus.

3. I. Termini duo ex illis assumi debent pro conclusione, ubi ex duobus terminis conclusio fuerit facta, tertius sumendus est pro medio.

4. II. Tum videndum est, quo modo terminus tertius sese habeat ad terminum majorem, an possint de se invicem affirmari, an negari; & cum alterutrum fieri debeat videndum est an universaliter, an particulariter debeant de se invicem vel affirmari vel negari: deinde, idem terminus medius debet conferri eodem modo cum termino minore.

5. III. Quod si terminus medius, vel cum majore vel cum minore debeat disponi particulariter aut negare, nunquam potest conclusio accipi aut universalis aut affirmans; quia, cum altera præmissarum est vel par-

ticularis vel negans, etiam conclusio debet esse talis: ideoque tali casu, conclusio universalis aut affirmans si fuerit assumpta debet mutari in particularem aut negantem, quia conclusio sequitur partem debiliorem.

6. IV. Ubi conclusio accepta fuerit, qualiscunque tandem sit videndum est in quibus modis figuris possit concludi; nam una conclusio in pluribus figuris et modis concludi potest quam alia: quippe universalis affirmans conclusio tantum concluditur in prima figura, in *Barbara*; universalis negans in prima & secunda figura, scilicet in *Celarent*, *Cesare*, *Camestres*; particularis affirmans in prima & tertia figura, in *Darii*, *Darapti*, *Disamis*, *Datisti*; particularis negans in prima, secunda, & tertia figura, in *Ferio*, *Festini*, *Baroco*, *Felapton*, *Bocardo*, *Frison*.

7. In exemplo hoc primo terminus minor est *homo*, terminus major *sentit*, medius *animal*: terminus major, *sentit*, ponitur in maiore propositione; terminus minor, *homo*, ponitur in propositione minore; terminus medius, *animal*, extra conclusionem manet. Vocalis *A* singulis propositionibus præmissa, significat eas omnes esse universales affirmantes. In exemplis reliquis ipse logicæ studiosus quærat terminum minorem, majorem, & medium.

- CE- Nullum animal est lapis :  
 LA- Omnis homo est animal :  
 RENT Ergo nullus homo est lapis.  
 DA- Omnis color est visibilis :  
 RI- Aliqua qualitas est color :  
 L Ergo aliqua qualitas est visibilis.  
 EE- Nullum vitium est positum in medio :  
 RI- Aliquis habitus est vitium :  
 O Ergo aliquis habitus non est positus in medio.  
 Da exempla secundæ figuræ.  
 CES Nullus dives est egenus :  
 A- Omnis avarus est egenus :  
 RE Ergo nullus avarus est dives.  
 CA- Omne animal est mortale :  
 ME S- Nullus angelus est mortalis :  
 TRES Ergo nullus angelus est animal.

In exemplo hoc secundo, terminus minor est *angelus*, major animal, medius *mortale* : major cum medio, est in propositione majoris ; minor cum medio, est in propositione minore : vocalis *A* prefixa majori, significat eam

esse universalem affirmantem ; E prefixa minori & conclusio- ni, significat utramque esse universalem negantem. Cætera exempla diligentia studiosi Logice expendenda relinquuntur.

- FES- Nullum animal est planta :  
 TI- Quoddam vivens est planta :  
 NO Ergo quoddam vivens non est animal.  
 BA- Omnis homo est animal :  
 RO- Quoddam vivens non est animal :  
 CO Ergo quoddam vivens non est homo.  
 Da exempla tertiæ figuræ.  
 DA- Omnis virtus est ardua :  
 RA- Omnis virtus est honesta :  
 PTI Ergo aliquod honestum est arduum.  
 FE- Nullus lapis vivit :  
 LA- Omnis lapis descendit naturaliter :  
 PTION Ergo aliquid quod naturaliter descendit, non vivit :

- DIS- *Aliquis homo furis:*  
 A- *Omnis homo est animal rationale:*  
 MIS. *Ergo, aliquod animal rationale furit.*  
 DA- *Omnis avarus eget:*  
 TIS- *Quidam avarus est locuples:*  
 I. *Ergo, quidam locuples eget.*

In exemplo hoc quarto terminus minor est *locuples*, estque in propositione minore; terminus major est *eget*, estque in propositione majore; terminus medius est *avarus*, qui subicitur & in majore & in minore. A signifi-

cat majorem esse & universalem & affirmantem: I significat & minorem & conclusionem esse particulares affirmantes. Studiosorum diligentia exempla expendat cætera.

- BO- *Aliquid corpus non est corruptibile:*  
 CAR- *Omne corpus est compositum:*  
 DO- *Ergo, aliquod compositum non est corruptibile.*  
 FE- *Nulla virtus adfert miseriam:*  
 RIS- *Quadam virtus est molesta:*  
 ON. *Ergo, quoddam molestum non adfert miseriam.*

Da etiam exempla modorum singularium in unaquaque figura.

Syllogismi singulares vulgo nus medius semper est res singularis, quæ omnis semper in sensus expositio sensilis; quia terminus incurrit.

In prima figura.

*Messias debuit crucifigi:*

*Jesus est Messias:*

*Ergo Jesus debuit crucifigi.*

In secunda figura.

*Præceptor Alexandri fuit Stagiritæ:*

*Plato non fuit Stagiritæ:*

*Ergo, Plato non fuit præceptor Alexandri.*

In tertia figura.

*Judas fuit impius.*

*Judas fuit Apostolus:*

*Ergo, quidam Apostolus fuit impius.*

Sufficit

Sufficit in exemplis modorum si sint singulares, ut in exemplis singularium, si minor & conclusio 1, & 2.

## CAPUT VIII.

Quæst. I. Quibus fundamentis nititur necessitas consecutionis in syllogismis universalibus?

**S**Yllogismi affirmantes nituntur regula de omni; negantes regula de nullo.

Quia necessitas quædā est, quæ ex præmissis necessario sequitur conclusio, sic ut qui præmissas concesserit, non possit non concedere conclusionē, quando syllogismus est bonus; ideo operæ pretium est, istam necessitatem consequentiz in syllogismo recte cognoscere.

Quæst. II. Quid est regula de omni?

Quicquid de aliquo universaliter affirmatur, id affirmatur etiam de iis quæ sub illo continentur. Exempli gratia, de omni homine affirmatur animal: sub homine continetur Petrus, Paulus, &c. ergo de his quoque affirmatur animal.

Qui concedit, omnem hominem esse animal, quæ est major; ac concedit, Petrum, Paulum esse homines, quæ est minor, is necessario, velint nolit, debet concedere hanc conclusionem, Ergo, Petrus, Paulus, &c. sunt animalia.

Quæst. III. Quæ est regula de nullo?

Quicquid de aliquo omni [universaliter] negatur universaliter, id negatur etiam de omnibus iis quæ sub illo continentur. Exempli gratia, lapis negatur de omni animali: sub animali continetur homo, equus, leo, &c. ergo de his quoque negatur lapis.

Qui concedit hanc maiorem, nullum animal est lapis, & concedit hanc minorem, homo, equus, leo, &c. sunt animalia, is cogitur necessario etiam concedere hanc conclusionem, Ergo nullus homo, equus, leo, &c. est lapis.

Quæst. IV. Quo fundamento nituntur syllogismi singulares?  
Regula proportionis.

Quæst. V. Quæ est regula proportionis?

Quæcumque in uno tertio singulari [et incommunicabili] continentur quæque inter se conveniunt. Exempli gratia, Davidi con-

convenit fuisse prophetam, & fuisse homicidam: hinc sequitur, aliquem Prophetam fuisse homicidam; aut, aliquem homicidam fuisse Prophetam. Vel sic; Quorum duorum unum alicui tertio singulari & incommunicabili convenit, alterum non convenit, ex quoque inter se non conveniunt. Exempli gratia, Aristoteli convenit fuisse Philosophum, non convenit fuisse Atheniensem: hinc sequitur, aliquem Philosophum non fuisse Atheniensem; aut, aliquem non Atheniensem fuisse Philosophum.

1. Hæc regula vera est si illud tertium singulare fuerit incommunicabile; at, si fuerit communicabile, fallit: sic, qui concesserit hanc propositionem, *David fuit Propheta*, atq; insuper hanc, *David fuit homicida*: is necessario debet concedere tertiam, *aliquis homicida fuit propheta*.

[ 2. In hoc syllogismo, *Essentia divina est Pater: Essentia divina est filius: Ergo filius est pater*, vitium est, quod terminus medius, scil. essentia divina, sit quidem tertium singulare, sed non incommunicabile; nam communicatur, aut potius communis est tribus personis. ]

**Quæst. VI.** *An omnes syllogismi dictis fundamentis conformes sunt?*

**Omnino.** Qui enim ab hisce fundamentis dissentiunt, non syllogismi, sed paralogismi sunt.

[ *Paralogismi* ] vocantur syllogismi vitiosi & fallaces.

**Quæst. VII.** *Unde cognoscis discrimen syllogismorum & paralogismorum?*

Ex quibusdam legibus, quarum alie communes sunt omnibus figuris, alie singulis peculiare.

**Quæst. VIII.** *Quanam sunt leges communes?*

I In syllogismo non debent esse plures termini, nec pauciores, tribus.

1. Non plures, quia medium quæ medium ad duo refertur, id-eoque, cum duobus tantum extremis disponi potest.

2. Nec pauciores, quia nulla foret connexio: extremi enim termini per se disponi nequeunt; nisi enim conjungatur tertio,

non aliter disponuntur in præmissis quam in conclusione; et conclusio est diversum quid à præmissis.

3. Vitium, quod in hac committitur legem, vel apertum est, vel occultum. Apertum est, cum plures termini sub pluri-

pluribus proponuntur vocibus. Occultum est, cum quatuor termini latent in tribus vocibus: quod fit, cum aliquis terminorum trium, vel major, vel minor, vel medius proponitur voce homonyma seu ambigua, id est, voce una quæ plures habeat significationes, & modo in una, modo in altera sumitur significatione in eodem syllogismo; quod quidem vitium committitur sæpissime in omni disciplina inter disputandum, ideoque dignissimum est observatu.

4. Interdum non videntur esse plures termini quam tres, quia tantum unusquisque terminorum trium una voce proponitur: sed revera tamen sunt quatuor termini, quia aliquis

trium terminorum exprimitur voce ambigua, quæ, cum duas habeat significationes, materialiter una est formaliter duplex. Materialiter sumitur vox, cum spectatur secundum literas & syllabas: formaliter sumitur vox, cum spectatur secundum significationem; significatio enim forma vocis est: cum ergo gemina unius vocis est significatio, formam quasi duplicem habet; unde una vox ambigua censetur, constituitque duos terminos. Tali modi peccatur adversus hanc legem in hoc syllogismo:

*Omnis canis est latrabilis.*

*Aliquod fides est canis.*

*Ergo aliquod fides est latrabile.*

II. Non debet esse plus aut minus in conclusione, quam fuit in præmissis.

1. Quia conclusio est effectum præmissarum; ideo tantundem debet esse in conclusione quam fuit in præmissis, quia tantum est in effecto quantum fuit in causis, in hanc legem peccatur tali syl-

logismo; *Nullum immateriale est corruptibile. Omnis angelus est immaterialis. Ergo nullus angelus est corruptibilis aut mortalis.*

III. Medium non debet ingredi conclusionem, neque totum, neque ex parte: [quia sic medium ter poneretur in syllogismo; at omnis terminus bis tantum debet collocari in uno syllogismo.]

1. Ratio est, quia medium non est id quod, sed quo concluditur: quemadmodum una non est quod, sed quo mensuramus.

2. Ex parte] Dicitur terminus medius habere partes, quando non una voce, sed integra oratione absolvitur.

3. In hanc legem peccatur hoc syllogismo; *Omne animal est substantia. Omnis homo est animal. Ergo omne animal est substantia.*

4. Quia unusquisque terminorum, tum major, tum minor, tum medius, non nisi bis, ac necessario bis debet

poni, & terminus major ac minor ingrediuntur conclusionem, fieri nequit ut in syllogismo bono medium ingrediatur conclusio-

nem; sic scilicet medius terminus in syllogismo invenitur ter, & unus reliquorum tantum semel.

**IV. Extrema ita collocanda sunt in conclusione, ut erant sita in præmissis.**

1. Per extrema] intelliguntur hic terminus major & minor, qui hic ita debent poni in conclusione, ut erant in præmissis positi: hoc est, quia terminus major, ut latior termino minore, fuit in præmissis positus in majore propositione, & minor terminus, ut angustior, fuit positus in minore propositione; debet

quoque terminus major, ut latior, esse prædicatum conclusionis, & terminus minor, ut angustior, esse subiectum conclusionis.

2. In hanc legem peccatur tali syllogismo; *Omne mixtum est corpus. Omne vivens est mixtum. Ergo, omne corpus est vivens.*

**V. Ex duabus negantibus [ præmissis ] nihil concluditur.**

1. Non est syllogismus ex duabus negantibus præmissis, quando particula *non* est pars termini medii: ut, verbi causa, *Quicquid non vivit, id est, est non vivens, non est planta. Metallum non vivit, id est, est vivens. Ergo, Metallum non est planta.* Hoc enim notandum est, cum particula negandi *non* ponitur ante aliquod verbum, ut, *lapis*

*non sentit*, posse fieri talis enunciationis resolutionem dupliciter: nimirum, vel ut particula *non* ponatur ante copulam, ut si dicam, *lapis non est sentiens*; vel ut ponatur post copulam, ante prædicatum, ut si dicam, *lapis est non sentiens*. Posteriori modo si fiat resolutio, enunciatio est affirmans, non negans.

**VI. Non etiam ex duabus particularibus præmissis; sed bene ex duabus singularibus præmissis.**

1. Utraque hæc lex facile cognoscitur ex modis, qui ostendunt, si inspiciantur, majorem & minorem nunquam simul esse particulares, nunquam simul negantes.

2. In legem sextam peccatur tali syllogismo; *Aliquod corpus*

*est calidum. Aliquid corpus est frigidum. Ergo, aliquod frigidum est calidum.*

3. In legem quintam peccatur tali syllogismo; *Nullum brutum est rationale. Nullus homo est brutum. Ergo, nullus homo est rationalis.*

VII. Con-



VII. Conclusio sequitur partem debiliorem: hoc est, si altera præmissarum negata est, conclusio quoque debet esse negans, & si altera præmissarum est particularis, conclusio quoque est particularis.

1. Negans propositio censetur debilior affirmante, & particularis universali.

2. In hanc legem sic peccatur; *Omne animal est sensibile. Ali-*

*quod vivens est animal. Ergo, omne vivens est sensibile.* Et tali syllogismo; *Nullum brutum est homo. Omnis canis est brutum, Ergo, omnis canis est homo.*

Quæst. XI. *Quæ sunt leges speciales?*

I. Major primæ figuræ debet esse universalis, & minor affirmans.

II. Major secundæ figuræ debet esse universalis, & altera præmissarum negans.

III. Minor tertiæ figuræ debet esse affirmans, & conclusio particularis.

1. *Leges speciales* quam optime facillimeque intelliguntur ex modis uniuscujusque figuræ.

2. Contra primam partem legis primæ specialis, peccatur tali syllogismo; *Aliquod corporeum est lapis. Omnis homo est corporeus. Ergo, omnis homo est lapis.*

3. Contra secundam partem, peccatur hoc syllogismo; *Omnis homo est animal. Nullus equus est homo. Ergo, nullus equus est animal.*

4. In secundæ legis partem primam impingit hic syllogismus; *Aliqua substantia non est animal. Omnis homo est animal. Ergo, aliquis homo non est substantia.*

5. In secundam partem legis specialis secundæ peccat hic syllogismus; *Omnis homo est animal. Omne brutum est animal. Ergo, omne brutum est homo.*

6. Adversus legis specialis tertiæ partem primam peccat hic syllogismus; *Omnis homo est animal. Aliquis homo non est doctus. Ergo, aliquod doctum non est animal.*

7. In secundam partem ejusdem legis impingit hic syllogismus; *Omnis homo est risibilis. Omnis homo est animal. Ergo, omne animal est risibile.*

8. Ad harum legum normam omnis syllogismi sunt componendi & exigendi.

## CAPUT IX

Quæst. I. *An syllogismi omnium figurarum sunt aequæ perfecti?*

**M**inime: syllogismi primæ figuræ cæteris perfectiores sunt.

1. Duplex est perfectio syllogismorum; una quæ respicit formam sive evidentiam illationis, quæ hic respicitur; alia est syllogismorum perfectio & imperfectio respectu materiæ: quo sensu enthymema dicitur syllogismus imperfectus, quia non omnes tres habet propositiones. Hic prior respicitur perfectio, quæ est ratione illationis ac formæ.

2. Illatio dicitur forma syl-

logismi, quia sine illa syllogismus ne syllogismus quidem fuerit, quemadmodum sine formæ non est id quod est: sed tres termini aut etiam tres enunciationes sunt materia syllogismi, aut potius partes ejus integrantes, quia etiam si aliquid de illa materia desit, puta vel terminus aliquis, vel enunciatio aliqua, adhuc tamen syllogismus fuerit; quod liquet in enthymemate.

Quæst. II. *Quas ob causas?*

Prima, quia in ea concludi possunt omnia genera problematum, affirmantia, negantia, universalialia & particularia: cum in secunda figura tantum negantia concludi possint, & in tertia tantum particularia. Deinde, quia in prima figura apparet necessitas sequelæ syllogisticæ, & regula de omni & de nullo, quæ in cæteris figuris non ita liquido conspiciuntur.

1. Ex modis singularum figurarum sciri potest, quot cujusvis generis problemata, id est, quæstiones ac conclusiones, inferri possunt in figura prima, non item in 2, aut 3.

2. *Necessitas sequelæ* seu consequentis evidentior est in figura prima quam in cæteris duabus, quia syllogismi figuræ primæ propius accedunt ad naturalem discursum quam syllogismi secundæ aut tertiæ figuræ; ideoque, regulæ de omni & de nullo, quæ sunt naturalis illationis

fundamenta, magis quoque conspiciuntur in syllogismis primæ quam secundæ aut tertiæ figuræ: hinc est, quod idiotæ, & homines illiterati ac rudes Logicæ, quando syllogismos quosdam proferunt per naturalem Logicam, eos semper proferant in figura prima, non item secunda aut tertia: atque in eo consistit perfectio primæ figuræ præ 2. & 3. quod illa magis sit conformis naturali discursui quam hæc.

[ 3. Logica vulgo dividitur in

in naturalem & artificialem. Quæ divisio, nec generis est in species; nam species debent convenire in communi genere categorico, at Logica naturalis & artificialis sic non conveniunt; sunt quidem ambæ qualitates, sed cum prior sit potentia naturalis, posterior habitus, non possunt esse species ejusdem generis proximi categorici: nec est divisio integri in membra; quippe membra coeunt in unum totum, Logica

naturalis & artificialis non item; quin ne rei quidem divisio est, sed vocis tantum distinctio; nam aliter sumitur hæc vox Logica quando significat ipsam naturalem potentiam ratiocinandi, quæ omnibus hominibus cognoscitur, unde hæc Logica naturalis dicitur; & aliter accipitur, cum significat habitum æquisitum ad facile ratiocinandum, & hæc vocatur Logica artificialis, atque ea fuit in initio definita.]

*Quæst. III. Cur ergo non semper adhibentur syllogismi primæ figuræ?*

Quia, licet hi syllogismi cæteris meliores sint evidentia sequelæ, conditio tamen materiæ, sæpe ratiocinantem trahit ad secundam aut ad tertiam figuram.

1. *Conditio materiæ*] intelligitur quantitas & qualitas enunciationum, ac præsertim conclusionis: ita conclusiones particulares negantes, multo sæpe facilius & naturalius probantur in secunda aut tertia figura quam in prima.

2. Aliquid necessarium est duobus modis: vel simpliciter, & ad id esse, vel secundum quid, & ad bene esse. Syllogismi secundæ & tertiæ figuræ, non sunt

necessarii simpliciter, & ad esse Logicæ; attamen necessarii sunt secundum quid, & ad bene esse Logicæ: nam multi syllogismi citius, facilius, & naturalius quoque inferunt in figura secunda aut tertia, quam in prima; uti sunt, in quibus conclusio est particularis negans; ratio vero ejus est, quia plures sunt modi in secunda ac tertia figura, quibus talis conclusio inferri potest.

CAPUT X.

*Quæst. I. Satis dictum est de genesi, sive ratione struendi syllogismos: qua in re consistit eumelia, sive ratio inveniendi medii?*

UT medium idoneum eligatur ad conclusionem in qualibet figura & modo colligendam. Id vero quomodo fieri debeat, ex Institutionibus petendum est.

1. *Ratio inveniendi medii plana* & facilis hæc sola est, ut subje-

ctum & prædicatum quæstionis deducantur per omnes affectio-

nes

nes logicæ & notiones secundas, generis, speciei, differentiz, &c. quod ut commodè fiat, subiectum & prædicatum referri debent ad suam singulæ categoriam, non enim melius parebit, quodnam vel subiecti vel prædicati sit genus, quæ species, differentiz, &c. ac tum dispiciatur, quænam affectionum logicarum eum subiecto aut prædicato consentiant, quænam dissentiant: quæ consentiunt cum utroque aut alterutro debent disponi cum iis affirmando quæ dissentiant, negando. Præstant vero semper termini mediæ ab affectionibus logicis desumpti ex parte prædicati, quam qui desumuntur ex parte subiecti, quia quæstio non instituitur de subiecto, sed de prædicato. Pro exemplo sit quæstio, *An logica sit ars.*

2. Ut inveniam terminos medios quamplurimos, circumduco *Logicam* & *artem* per omnes notiones secundas, & possum argumentari, à *genere*, *specie*, *differentia*, *proprio*, *accidente*, *partibus*, *causis*, *effectis*, *adjunctis*, *oppositis*, &c. vel *logica*, vel *ars* affectionibus, primo libro traditis: hic vero tum iudicium adhibendum est in iis terminis mediis ex tanta copia seligendis, qui maximam habent vim concludendi. *Opp sita*, *diversa*, *impropria*, *disimilia*, disponuntur negando; reliqua vero argumenta vere affirmando. Meliora autem erunt argumenta ex parte prædicati *artis*, quam ex parte subiecti *Logica*. Atque hiegregius est campus ingenii sui exercendi, in quo diligenter sese occupent tyrones.

## CAPUT XI.

Quæst. I. Pergamus ergo ad tertium membrum nostri instituti. Quot sunt species imperfecti syllogismi?

Septem præcipue: inductio, enthymema, exemplum, syllogismus hypotheticus, syllogismus disjunctivus, dilemma, & sorites.

Hic intelligitur imperfectio syllogismorum respectu materiæ, tum remotæ, trium terminorum, tum proximæ trium

propositionum: quando scilicet aliquid hic deest ex alterutra materia, vocatur syllogismus imperfectus.

Quæst. II. Quid est inductio?

Inductio est argumentatio, in qua ex individuis colligitur species, aut ex speciebus genus, aut ex partibus totum.

1. *Inductio* est valde idonea ad declarandum sive explicandum, & ad constituenda præcepta, sive principia disciplinarum: hoc

modo, verbi causa, medici sue disciplinæ regulas construxerunt, rhabbarum Platonis, Socrati Petro, Paulo, aliisque individuis,

inductis, purgavit bilem, ergo rha-  
 matismum habet vim purgandi  
 bilem. Vocatur *Inductio* hoc ar-  
 gumentandi genus, quia animus  
 ex singularibus inducitur, & qua-  
 si introducitur in cognitionem  
 universalium.

Inductio, exigui aut fere nul-  
 lum habet usum in disputando  
 quod opponendo; quia, cum pro-  
 cedat ab universalibus ad singu-  
 laria, non potest conclusio uni-  
 versalis bene inferri, nisi adfe-  
 rantur omnia singularia; at hoc

difficilimum est. Verum ad alicu-  
 jus rei illustrationem & ulterio-  
 rem deductionem, maximi usus  
 est inductio sed præsertim utilis  
 est ad inveniendas & conforman-  
 das disciplinas; cum enim præ-  
 cepta earum debeant esse univer-  
 salia, & universalia non habeant  
 veritatem nisi in singularibus, non  
 potest præceptorum veritas ali-  
 unde melius demonstrari, quam  
 in medium prolatis singularibus,  
 in quorum veritate fundatur ve-  
 ritas universalium.

### Quæst. III. Illustra singulos modos singulis exemplis.

Ex individuis species colligitur hoc modo; *Abel, Enoch,  
 Noach, Abraham, Isaac, Jacob, Joseph, Moses, Gedeon, Samson,  
 Samuel, David, alique multi non aliter placuerunt Deo, quàm  
 per fidem: ergo, sine fide impossibile est Deo placere.* Ex specie-  
 bus colligitur genus hoc modo; *Militēs, mercatores, agri-  
 cola, opifices, homines eruditi non sunt sua sorte contenti;  
 ergo, nullum genus hominum sua sorte contentum est.* Ex par-  
 tibus colligitur totum hoc modo; *Libri Moysi, Prophetarum,  
 Evangelistarum & Apostolorum sunt divinæ authorisa-  
 ti, ergo, tota S. Scriptura est divinæ authoritatis.*

### Quæst. IV. An in inductione omnia individua, spe- cies, aut partes, enumerandæ sunt?

Aut enumerandæ sunt, aut utendum hac aut simili for-  
 mula, *Nec potest dari dissimile exemplum.*

### Quæst. V. Quomodo invertitur inductio?

Cum dissimile cæteris exemplum, exhibetur: vulgo  
*insantia* dicitur.

Ut, verbi causa, manus, pes, am caput; falsa est inductio,  
 brachium, & quælibet pars male propter exemplum dissimile.  
 affecta, est amputanda, ergo eti-

### Quæst. VI. Quid est enthymema?

Enthymema est syllogismus altera propositione trunca-  
 tus;

tus; ut, *Avarus eget; ergo avarus non est dives. Qui non peccat non est autor peccati; ergo Deus non est autor peccati.*

*Enthymema*] dicitur quia altera propositio relinquitur cogitanda & rō sup̄: itaque hic una ex præmissis deest vel major, vel minor. Ex propositionibus

quæ in enthymemate sunt, prior vocatur *antecedens*; posterior *consequens*. Ad enthymema respondetur hac formula, *negatur antecedens, & negatur consequens.*

**Quæst. VII. Unde cognoscitur utra duarum propositionum deest?**

Ex conclusione sive consequente. Si enim in antecedente exprimitur [vel subintelligitur] subjectum consequentis, deest major, ut fit in primo exemplo: si in antecedente exprimitur [vel subintelligitur] prædicatum consequentis, deest minor, ut fit in altero exemplo.

1. Exemplum prioris est, *Homo est animal; ergo, homo sentit*: exemplum posterioris est, *Animal sentit; ergo, homo sentit*. Ex utroque exemplo videre est rem ipsam.

2. Quando subjectum utrobique est idem, deest major, ut in priori exemplo, quod sic in syllogismo perfecto sese habet; *Omne animal sentit. Omnis homo est animal. Ergo omnis homo sentit.*

Quando prædicatum utrobique est idem, deest minor, ut in secundo exemplo, quod in syllogismo perfecto ita sese habet; *Omnis animal sentit. Omnis homo est animal. Ergo omnis homo sentit.*

3. Si in antecedente nec idem subjectum nec idem prædicatum exprimitur consequentis, deest major, sed fit syllogismus perfectus in 3. figura, aut etiam in 1. figura.

Hæc sunt enthymemata.

1. *Nix est corpus.*  
*Aliquod corpus est frigidum.*
2. *Nix est frigida.*  
*Aliquod frigidum est corpus.*

In 1. figura.

1. *Omnis nix est frigida.*  
*Aliquod corpus est nix.*  
*E. Aliquod corpus est frigidum.*

2. *Omnis nix est corpus.*  
*Aliquid frigidum est nix.*  
*E. Aliquid frigidum est corpus.*

In 3. figura.

1. *Omnis nix est frigida.*  
*Omnis nix est corpus.*  
*E. Aliquid corpus est frigidum.*
2. *Omnis nix est corpus.*  
*Omnis nix est frigida.*  
*E. Aliquod frigidum est corpus.*

**Quæst. V. Quomodo perficiuntur ejusmodi enthymemata?**  
**Addita propositione quæ desideratur.**

1. Facile est propositionem illos terminos esse sumendos addere quæ deest, si advertatur, ad propositionem supplendam, qui

qui singuli tantum semel occurrunt in antecedente & consequente, omisso communi utriusque vel subiecto vel prædicato: sic in exemplis statim positis, prius enthymema sic suppletur; *Omne animal sentit. Omnis homo animal.* Ergo omnis homo sentit, atque eodem modo suppletur posterius.

[2. Hoc enthymema, *Omnis albor est color. Ergo quedam qualitas est albor*, verum est enthymema, quia omnis color est qualitas; sed non potest reduci ad categoricum, nisi conclusionem mutata aut minore: si neutra mutetur, erit vel minor negans in fig. 1. vel particularis maior in 2. fig.

**Quæst. IX.** *Quid si neque subiectum neque prædicatum consequentis sit in antecedente?*

Tunc deest major: eaque addita, fit syllogismus hypotheticus. Sit enthymema, *Virtus est optanda, ergo vitium est vitandum*: adjiciatur hæc major hypothetica, *Si virtus est optanda, ergo vitium est vitandum*; & erit plenus syllogismus hypotheticus.

[1. Fieri potest, ut in enthymemate neq; idem sit subiectum neque idem prædicatum consequentis quod fuit in antecedente, & tamen reducatur ad categoricum, non hypotheticum: ut in hoc exemplo, *metallum est substantia, ergo, quedam substantia non est planta*, abjiciatur substantia, fiatque major ex terminis reliquis hoc modo, *nullo*

*metallum est planta, omne metallum est substantia, ergo, quedam substantia non est planta*; & est syllogismus 4. figuræ in *selepton*; vel sic, *nulla planta est metallum, quedam substantia est metallum, ergo, quedam substantia non est planta*, in 2. fig. in *festino*. 1.

2. Quid sit syllogismus hypotheticus, cap. sequenti explicabitur.

**Quæst. X.** *Quid est exemplum?*

Exemplum est inductio imperfecta, in qua ex uno singulari colligitur universale, ut ex eo aliud singulare sequatur: ut, *Bellum Sylla & Marii fuit reipublica perniciosum; ergo bella civilia sunt reipublica pernicioiosa; ac proinde etiam bellum Caesaris & Pompeii.*

Exemplum] non est efficax argumentandi ratio: unde Rhetoribus magis quam Philosophis in usu est; & qui syllogismos non

capiunt, exemplis facile capiuntur. Modus argumentandi in exemplo facile intelligitur ex ejus definitione.



## CAPUT XII.

Quæst. I. Quid est syllogismus hypotheticus?

**C**ujus major est hypothetica: ut, *Si Deus est, mundus* *gitur providentia: Atqui Deus est: Ergo, mundus* *gitur providentia.*

[ 1. Syllogismus hypotheticus hic dicitur, cujus major est hypothetica: non quasi minor nunquam sit aut esse possit hypothetica, nam sæpe talis est; sed tamen talis syllogismus non consuevit dici hypotheticus. Interim hoc observandum est quan-

do major est hypothetica non minor, conclusio est categorica; sed si minor est hypothetica, conclusio quoque talis. ]

2. Major dicitur hypothetica quæ constat conjunctione conditionali sive connexiva si,

Quæst. II. Annon etiam minor potest esse hypothetica?

Ita: sed hoc fit, cum ipsa quæstio est hypothetica [ quales syllogismi categoricis æquipollent. ]

Syllogismi categorici dicuntur syllogismi primæ, secundæ, vel tertiæ figure; & sic vocantur, quia eorum propositiones nullum habent *ὁποῖον*, seu vocem syncategorematicam, conjunctio-

nem si, &, aut, & c. sed prædicatum in iis de subiecto simpliciter *κατηγορεῖται* seu prædicatur absque additamento, quando disponuntur subiectu & prædicatu enunciatione simplici & pura

Quæst. III. Unde dignoscitur, sintne syllogismi hypothetici boni, an vitiosi?

Ex hac regula: Ex syllogismis hypotheticis ii boni sunt, qui procedunt à positione antecedentis ad positionem consequentis, vel à remotione consequentis ad remotionem antecedentis; ut, *si homo est animal, sentit: Atqui homo est animal: Ergo, homo sentit.* Vel sic, *Si lapides vivunt, nutriuntur: Atqui lapides non nutriuntur: Ergo, lapides non vivunt.* Qui procedunt à remotione antecedentis ad remotionem consequentis, vel à positione consequentis ad positionem antecedentis, vitiosi sunt: ut, *Si planta est animal, vivit: Atqui planta non est animal: ergo, planta vivit.* Vel sic, *Si planta est animal, planta vivit: Atqui planta vivit: Ergo, planta est animal.*

1. Hic accuratissime teneri debet quid sit ponere, & quid

removere. Nam ponere non est simpliciter affirmare, nec remo-

vere simpliciter negare, in quo mulci errant: sed *ponere* est affirmare antecedens quod fuit affirmatum. & negare antecedens quod fuit negatum, sic, ut, etiam si ponat qui negat, modo id ante fuerit negatum; & *removere* est affirmare consequens negatum, vel negare consequens affirmatum, sic, ut is etiam removeat qui affirmat, modo id ante fuerit negatum. Verbi causa, *Si planta non est animal, non sentit; Sed non est animal: Ergo, non sentit;* est syllogismus procedens à positione antecedentis ad positionem consequentis, & tamen procedit negando: sic, *Si homo non est animal, non sentit: Atqui homo sentit: Ergo, homo est animal;* est syllogismus procedens à remotione consequentis ad remotionem antecedentis, & tamen procedit affirmando.

[ 3. Quamvis in metaphysicis ens positivum idem sit quod affirmatum, prout opponitur tunc negativo, quemadmodum visus est ens positivum, cæcitas ens negativum; hinc tamen *ponere* non significat simpliciter affirmare; nam hoc loco, etiam qui negat ponit, nempe si negat quod ante fuit negatum: sic quamvis abstractio remotionis est idem quod abstractio negationis seu complexa; hinc tamen *removere* non est simpliciter negare; nam etiam hoc loco qui affirmat, removet, modo affirmet id quod ante fuit negatum. ]

3. In disputationibus hinc utimur

compendio, & dicimus; *Sed verum est prius, sive antecedens. Ergo & posterius sive consequens, vel, Falsum est posterius; sive consequens, Ergo & prius, sive antecedens.*

[ 4. In syllogismo hypothetico qui procedit à positione antecedentis ad positionem consequentis, partes majoris propositionis, cum sumuntur categorice, id est, absque *si* semper sunt veræ: in syllogismo hypothetico qui procedit à remotione consequentis ad remotionem antecedentis, partes majoris propositionis, si sumantur categorice absque *si*, semper sunt falsæ. Quando terminus medius cum altera parte quæstionis, vel subiecto vel prædicato pugnat, id est, cum negatur, syllogismus hypotheticus procedit à remotione consequentis ad remotionem antecedentis: quando vero cum utraque parte conclusionis consentit, id est, cum affirmatur, procedit à positione antecedentis ad positionem consequentis. ]

[ 5. Ex iisdem terminis non potest fieri syllogismus hypotheticus, à positione antecedentis ad positionem consequentis, & à remotione consequentis ad remotionem antecedentis: quia in priori debent ambæ præmissæ esse affirmatæ, vel ambæ negatæ, in posteriori debet altera propositionum esse affirmata, altera negata; at non possunt ex iisdem terminis fieri simul propositiones affirmatæ & negatæ.

Quæst. IV. Quomodo revocantur syllogismi hypothetici ad categoricos?

Syllogismi hypothetici, in quibus idem est subjectum antecedentis & consequentis, [ five expressum, five subintellectum, ] fiunt categorici, abjecta conditione [ seu conjunctione ] *scilicet*, & communi antecedentis & consequentis subjecto. Uti, *Si ego sum pius, ego sum beatus: Atqui ego sum pius: Ergo ego sum beatus.* Categorice sic argumentabor; *Omnis pius est beatus; Ego sum pius; Ergo.*

1. In exemplo hoc auctoris, subjectum antecedentis in consequente est expressum: sed interdum in consequente, minore, & conclusione subintelligitur; ut in hoc exemplo, *Si homo est animal sensit: Sed est animal: Ergo sensit.*

2. Syllogismi, qui procedunt à positione antecedentis ad positionem consequentis, concluduntur in figura prima; ut in exemplo auctoris, quæst. 3. *Animal sensit: Nemo est animal: Ergo homo sensit.*

3. Qui vero procedunt à remotione consequentis ad remotionem antecedentis, revocantur ad figuram secundam, quia minor est negans, ut in exemplo auctoris, quæst. 3. *Quid vivit, nutritur: Lapides non nutriuntur: Ergo non vivunt.*

[ 4. Non videtur hoc esse universaliter verum, quod syllogismi hypothetici procedentes à positione antecedentis ad positionem consequentis, reducuntur semper ad figuram primam: nam dari potest exemplum, ubi minor sit negans, quo casu non potest ulla fieri reductio syllogismi hypothetici ad figuram primam. U-

verbi causa, *Si planta non est animal, non sensit: atqui planta non est animal: Ergo non sensit.* Abjiciatur *scilicet*, & commune antecedentis & consequentis planta, fiatque syllogismus categoricus, erit talis; *animal sensit: planta non est animal: ergo planta non sensit:* hic minor est negans, & in prima figura, & consequenter vitiosus syllogismus. Hic nihil aliud responderi potest quam reductionem talis syllogismi non esse debito ac legitimo modo institutam; nam sic videtur reduci debere: *animal non est sensiens: planta est non animal: ergo planta est non sensiens:* & cum minor est affirmans, sed prædicatum per particulam non est infinitum, quod non impedit, quo minus enunciatio maneat affirmans. ]

[ 5. Syllogismi hypothetici omnem vim concludendi emittunt à categoricis, atque eorum vi concluduntur, & in illis quidem figuris ad quas reducuntur valent: ideoque, syllogismi hypothetici procedentes à positione antecedentis ad positionem

consequentis, concludunt vi syllogismorum categoricorum in figura prima, quia ad eam reducuntur; & qui procedunt à remotione consequentis ad remotionem antecedentis, concludunt vi syllogismorum secundæ figuræ, quia ad eam reducuntur: neque reduci possunt ad primam & tertiam, quia neutra istarum figurarum admittit minorem negantem, qualis est hic.

[ 5. Syllogismi hypothetici vim concludendi habent à categoricis, quando ad eos reduci valent, sed non omnes reduci possunt; quales sunt illi, in quibus conclusio est particularis negans: Verbi causa; Si aliquod animal non est rationale, brutum non est rationale: sed verum prius: ergo & posterius; hic syllogismus hypotheticus, nullo modo ad categoricum figuræ primæ reduci potest. ]

Quæst. V. Quid si non subiectum, sed prædicatum antecedentis & consequentis idem sit?

Major hypothetica convertenda est in relativam. Exempli gratia, sit syllogismus hypotheticus, Si Abraham iustificatus est ex fide, nos quoque ex fide iustificabimur: Atqui Abraham, &c. fiatque huius syllogismi major relativam, erit syllogismus categoricus, hoc modo; Quo modo Abraham iustificatus est, eodem modo nos iustificabimur: Atqui Abraham, &c.

[ 1. Non est verum, quod si idem sit prædicatum antecedentis & consequentis, debeat major hypothetica converti in relativam: nam hic syllogismus hypotheticus, Si qualitas est accidentis, albor est accidentis: sed verum prius: ergo & posterius, convertitur potest in hunc categoricum, Omnis qualitas est accidentis, Omnis albor est qualitas. Ergo, Omnis albor est accidentis. ]

2. Quid sit enunciatio relativam, vide questionem ultimam c. lib. 1.

3. Quod dicit author, quando non subiectum antecedentis & consequentis, sed prædicatum utriusque est idem, maiorem hypotheticam, esse convertendam in relativam, non semper est verum: nam converti potest talis syllogismus in categoricum secundæ figuræ: ut in hoc exemplo; Si omne corpus est lapis, aer est lapis: Sed aer non est lapis: Ergo, non omne corpus est lapis: sic convertitur, Nullus lapis est aer: Quoddam corpus est aer: Ergo quoddam corpus non est lapis.

Quæst. VI. Quid si neque subiectum neque prædicatum antecedentis & consequentis idem sit?

Syllogismus hypotheticus nunquam poterit fieri categoricus

goricus. Exempli gratia, hic syllogismus, *Si ex lege iustitia, Christus frustra mortuus est: Sed ex lege iustitia: Ergo, &c.* fieri non potest categoricus.

Ratio est, quia forent quatuor termini, quod est contra leges syllogismi categorici.

**Quæst. VII. Quid est syllogismus disiunctivus?**

Cujus major est propositio disiunctiva.

*Major disiunctiva* est quæ habet conjunctionem disiunctivam, aut, sive, seu, &c.

**Quæst. VIII. Quotuplex est?**

Duplex; bimens, vel plurium membrorum.

Vis syllogismi disiunctivi bimens consistit in immediata membri utriusque oppositione; vel si plura sint membra, in omnium membrorum plena enumeratione: quod si vel membra

duo non sint immediate opposita, sed admittant medium participationis, vel si non enumerantur membra omnia, syllogismus disiunctivus non valebit.

**Quæst. IX. Quomodo formatur bimens?**

Vel à positione alterutrius membri proceditur ad everisionem alterius, vel ab everisione alterutrius ad positionem alterius: ut, *Aus dies est, aut nox; sed dies est, ergo non est nox: vel, sed nox est; ergo non est dies: vel, sed non est dies; ergo nox: vel, sed non est nox; ergo dies.*

**Quæst. X. Quomodo formatur syllogismus disiunctivus plurium membrorum?**

Ceteris membris sublatis, quod reliquum est, concluditur; ut, *Aus ver est, aut æstas, aut autumnus, aut hyems: Sed neque ver est, neque æstas, neque hyems; Ergo est autumnus.*

**Quæst. XI. Quid si ambobus, vel omnibus membris sublatis tollitur totum?**

Est syllogismus ab enumeratione parium; ut, *Qui injuriam facit, id facit aut furto, aut adulterio, aut contumelia, aut alio aliquo modo: Atqui nemo sua furatur, nemo se ipsum adulteratur, nemo se ipsum afficit contumelia: Ergo, nemo sibi facit injuriam.*

## CAPUT XIII, &amp; XIV.

## Quæst. I. Quid est dilemma?

**D**ilemma est argumentatio duorum membrorum, quorum utrumque adjunctum habet incommodum; ut, *Si ducenda est uxor, aut pulchra ducenda est, aut deformis: si pulchram ducis, eris sollicitudini; si deformem, eris fastidio.*

**Dilemma** ] vocari solet aliis quando bonum est. Tum bonum est, 1. quando omnia membra disjuncta plene enumerantur; 2. quando sine medio opponitur; 3. quando incommodum ita grave est, ut non possit retorqueri.

**Dilemma** ] vocari solet aliis quando bonum est. Tum bonum est, 1. quando omnia membra disjuncta plene enumerantur; 2. quando sine medio opponitur; 3. quando incommodum ita grave est, ut non possit retorqueri.

## Quæst. II. Quos modis est dilemma infirmum?

Duobus modis; nempe si membra non sint immediate opposita, aut si non satis gravi incommodo urgentur. Utroque modo infirmum est dilemma propositum. Nam inter pulchritudinem & extremam deformitatem medium aliquod interpositum est; & non necesse est, ut aut pulchritudo sollicitudinem marito, aut deformitas fastidium pariat.

Est etiam infirmum dilemma, quando in adversarium retorqueri potest.

## Quæst. III. Quid est sorites?

**Sorites** est argumentatio constans multis propositionibus collatis, ut prædicatum propositionis præcedentis sit subjectum sequentis, indeque prædicatum ultimum de primo subjecto concludatur: ut, *Quos Deus præcognovit, eos prædestinavit; quos prædestinavit, vocavit; quos vocavit, justificavit; quos justificavit, glorificavit: hinc colligitur, Ergo quos præcognovit glorificavit.*

**Sorites** dicitur à *σωρεῖς* & *σώρις*; est enim tantum cumularum multarum enunciationum, quæ à se invicem dependent.

1. Hoc notandum est in sorite, quod termini debeant esse affirmati, non negati, & subordinati sibi invicem per se, non per accidens; subordinatione aut prædicamentali, quæ spe-



cies generibus, individua speciebus; aut causali, quæ causæ proximæ, remotis per se subordinantur: alioquin non valebit sorites.]

3. Subordinatio prædicamentalis est in terminis soritæ, cum in eodem prædicamento sub se invicem ponuntur in gradibus superioribus & inferioribus. Exempli gratia, homo est animal, animal est vivens, vivens est mixtum, mixtum est corpus, corpus est substantia; ergo homo est substantia. Subordinatio causalis est in terminis soritæ, cum disponuntur causæ superiores & inferiores, quarum hæ ab illis dependent per se. hoc est, quatenus causant, & causant effectum tale, tali modo, loco, tempore, & sub talibus circumstan-

tiis singularibus. Exempli gratia, ingluvies parit crudelitatem in ventriculo, hæc parit crudelitatem sanguinis, hæc atrophiam, hæc hydropem, aut phthisin, hæc mortem; ergo ingluvies parit mortem. Si vero termini in sorite sint causæ subordinatæ per accidens, sorites non valet; ut in hoc, Qui bene bibit, bene dormit, qui bene dormit, non peccat, qui non peccat, est beatus; ergo, qui bene bibit est beatus; vitium est, quod bene bibere sit causa per accidens somni.

4. Tot vero sunt syllogismi in sorite, quot termini inter subiectum enunciationis primæ & prædicatum ultimæ fuerint interiecti: sic in exemplo authoris sunt tres pleni syllogismi.

## CAPUT XV.

*Quæst. I. Atque hætenus de syllogismo absolute ac ratione formæ considerato. Quomodo dividitur syllogismus ratione materiæ?*

**I**N syllogismum dialecticum, apodicticum sive demonstrativum, & sophisticum sive fallacem.

1. *Syllogismus* dicitur hic spectari ratione materiæ, quatenus spectantur ejus hic propositiones, sintne veræ, an falsæ; si veræ, an sint necessariae, an contingentes: pro diversis enim conditionibus propositionum, syllogismus, diversos quoque producit effectus in intellectu humano, cujus est opus. Producit syllogismus in mente nostra judicium aliquod, sive assensum de conclusione: si pro-

positiones syllogismi sunt falsæ, producant assensum falsum, & judicium erroneum, sive errorem; vocaturque talis syllogismus sophisticus: si vero propositiones syllogismi sint veræ ac necessariae, ita ut causa necessitatis, sit in rebus ipsis, producant assensum verum, & judicium certum; & talis syllogismus, vocatur apodicticus: si autem propositiones sint veræ, sed contingentes, producant assen-



assensum & iudicium quidem verum, sed incertum atque infirmum, qui, vel opinio dicitur, vel fides humana; & talis syllogismus vocatur dialecticus: si propositiones sint veræ & necessariæ, sic, ut causa necessaria aut necessaria potius veritas sit infallibilitas dicentis, puta Dei, producant assensum seu iudicium verum, certum, firmum, quod vocatur fides divina, quia assentitur Dei testimonio. Qui syllogismus gignit opinionem, fidem humanam, vel dubium, aut alium quemlibet assensum, præter scientiam & errorem, dicitur dialecticus.

[1. Per alium quemlibet assensum, genitum syllogismo dia-

lectico, qui tamen non sit opinio, nec fides humana, nec assensus dubius, intelligitur hoc loco fides divina, id est, ille assensus qui adhibetur conclusioni in syllogismo; propter terminum medium desumptum à testimonio Dei aut Prophetarum, Evangelistarum, & Apostolorum, Spiritu sancto actorum: nam & talis syllogismus est dialecticus, utpote in quo adhibetur pro termino medio æque argumentum inartificiale, petitum ab autoritate sive divina sive humana, æque adhibetur argumentum artificiale desumptum à ratione, quemadmodum, id videre est capite sequenti.]

### Quæst. III. Quid est syllogismus dialecticus?

Syllogismus dialecticus est syllogismus generans opinionem, aut alium quemlibet assensum præter scientiam.

1. Syllogismus dialecticus, alio nomine dicitur topicus, latine probabilis aut contingens.

2. syllogismus hinc dicitur dialecticus, propter usum, quia maxime inservit discursibus communiter inter homines in conversatione institui solitis; minus enim ab iis adhibentur syllogismi apodictici: dicitur & topicus, à τόπος sive locis inveniendi argumenta, seu terminos medios, qui loci hinc longe et plures quam in syllogismo apodictico aut sophistico. Cum dicitur probabilis aut contingens, sic dicitur vel ratione conclusionis, quæ plerumque probabilis est, non tamen semper; vel ratione præmissarum, quarum

vel utraque, vel altera saltem probabilis est, aut contingens.

3. Opinionem aut, &c.] Opinio est assensus qui conclusioni præbetur, verus quidem, sed dubius, pendulus, infirmus, & incertus: præter quem datur assensus non tantum verus, sed & certus atque firmus, scilicet fides divina, qua assentimur Deo testanti in verbo suo, cuius tamen certitudo ac firmitas non provenit à termino medio, quia est causa proxima; talis enim assensus verus, firmus, ac certus, vocatur scientia, quæ est effectum syllogismi apodictici: assensus qui præbetur conclusioni ob testimonium divinum, est assensus verus, certus, ac fir-

mus non tamen est scientia he-  
que etiam gignitur à syllogismo  
apodictico, sed dialectico; ideo-  
que, effectum hujus syllogismi  
partim est assensus verus infir-  
mus, qui dicitur opinio vel fi-  
des humana, partim assensus  
verus firmus, qui dicitur fides  
divina.

[4. Doctrina de assensu qui  
ab intellectu hominis præbatur  
conclusioni alicui termini me-  
dii, eam in aliquo syllogismo  
inferentis, meretur bene perci-  
pi. quia fundamentum est o-  
mnium habituum intellectualium,  
qui non aliter gignuntur,  
quam per assensus varios in u-  
num quasi acervum accumula-  
tos. Potest autem omnis assen-  
sus per divisionem bimembrem  
dividi in verum & falsum: ve-  
rus in infirmum & firmum: in-  
firmus in opinionem & fidem  
humanam; firmus in ineviden-  
tem, quæ dicitur fides divina, &  
evidentem, quæ dicitur scientia.  
Assensus falsus, vulgo error,  
producitur syllogismo sophisti-  
co; assensus verus, firmus, evi-  
dens, vulgo scientia, producitur  
syllogismo apodictico: reliqui  
vero assensus veri, sive firmi fu-  
erint sive infirmi, producuntur  
syllogismo dialectico. Una hæc  
supereft difficultas circa fidem  
divinam, quomodo dicatur illa  
assensus inevidens, siquidem  
multa credimus quæ quoque  
scimus aut videmus: sic ipse  
Servator noster dicit Thomæ.  
Luc. 24. *tu credis quia vides.*  
Ad quam difficultatem hæc re-  
sponderi debet, aut non esse  
idem objectum fidei, & scien-

tiz aut sensuum, & Thomam  
aliud vidisse & tetigisse, aliud  
credidisse; aut si fides divina  
scientia circa idem occupentur  
objectum, ut, si quis sciat mun-  
dum esse creatum per rationem  
aliquam philosophicam, & idem  
credat propter auctoritatem  
verbi divini, in quo id est reve-  
latum, diversa tamen ratio est,  
qua cognoscit homo mundum  
esse conditum, cum illud apo-  
dictice scit, & cum idem cre-  
dit propter testimonium Dei  
sic in verbo suo testantis: nempe  
in priori cognitione videt se  
cognoscit ipsam causam sui as-  
sensus rei demonstratæ infi-  
tam; in posteriori cognitione  
tantum cognoscit mundum esse  
conditum, nulla percepta cau-  
sa sui assensus quæ in ipsa re  
sit, sed tantum quia Deus testat-  
ur.

[5. Assensus verus, est vel  
incertus & infirmus, vel certus  
& firmus. Prior, est vel opi-  
nio, vel fides humana, quæ  
assentitur conclusioni alicui ob  
testimonium hominis; qui con-  
fallere possit & falli, non potest  
assensus esse firmus, præbitur  
ob testimonium ejus conclu-  
sioni: Posterior, est vel evi-  
dens, vel inevidens: evidens di-  
citur cum quis assentitur conclu-  
sioni sic, ut ejus causam videat  
& vocatur scientia; ut, cum quis  
assentitur huic conclusioni, Ho-  
mo est risibilis, quia novit esse  
esse rationalem, rationalitas e-  
nim in homine est causa risibi-  
litas: inevidens est, cum quis  
assentitur conclusioni, & ejus  
causam non videat, & vocatur  
fides

fides divina, ut, cum quis assentitur huic conclusioni, Eadem numero corpora resurgent, aut, Dantur tres personæ in essentia divina, quia Deus sic testatur in verbo suo. Assensus hic est verus, & certus, & firmus, quia Deus nec fallere potest, nec falli; sed est inevidens, quia qui assentitur hisce conclusionibus (b testimonium Dei, non videt cau-

sam aliquam in Deo, cur sint tres personæ in essentia divina, aut in corporibus, cur eadem numero sint resurrexura. Atque ideo elegantissime definitur fides divina ab Apostolo, *certamen non habens*, id est, assensus firmus & subsistens, eorum quæ non videntur, id est, inevidens, hoc est, quæ non sciuntur per causam proximam.]

**Quæst. III. Quanam spectanda sunt in syllogismo dialectico?**

Quæstiones sive problemata, propositiones, & inventio argumentorum.

Conclusio sive quæstio in syllogismo *topico*, speciali nomine vocatur *problema*, quia in utramque fere partem disputari potest.

**Quæst. IV. Quales debent esse quæstiones sive problemata dialectica?**

[Vera: sed] nihil refert, sive probabilia sive paradoxa, sive necessaria sive contingentia sint; modo pietati, bonis moribus, aut sensui communi non adversentur. Neque enim disputandum est, *an Deus sit colendus, an parendum sit Magistratui*; quia illud pietati, hoc bonis moribus contrarium est: neque, *an nix sit alba*, quia illud cum sensu pugnat.

1. Cum hic argumenta dialectica dividuntur in artificialia & inartificialia, male hæc divisio applicatur terminis mediis syllogismi tantum topici, cum & in syllogismo apodictico termini medii, causa efficiens proxima, & finis proximus, & effectum proximum, & causa remota, sint argumenta artificialia, & conclusio syllogismi apodictici probari quoque possit argumento inartificiali, æque ac syllogismus dialecticus.]

2. Problemata in syllogismo topico debent esse vera, quia falsa sunt syllogismi sophistici conclusiones.

[3. Nullius artis est invenire terminum aliquem medium inartificialem desumptum a testimonio Dei; ex Bibliis assumatur tantum aliquis locus biblicus tale testimonium continens: sed, ubi jam fuerit inventum, vel maximæ artis est illud sic disponere, ut fortiter arguat, id est, preesse atque urgenter vel veritatem

adstruat, vel falsitatem destruat. Ita quoque nullius artis est ex corpore juris civilis proferre aliquam legem, vel probantem vel refutantem; sed ex lege inventa argumentari, & sic disponere testimonium jurisconsul. in lege allatum, ut thesin propositam acriter vel probet vel refutet, hoc opus, hic labor est, & maximæ artis ac summi iudicii. Utrumque hoc à theologia & juris studiosis maximè negligitur; qui tamen maxime ab argumento inartificiali, testimonio vel Dei in verbo suo, vel jurisconsulti in corpore juris, in argumentando solent procedere: alter enim sine scripturis, alter sine lege loqui erubescit. In philosophia & medicina magis proceditur argumentis artificialibus desumptis à ratione.]

4. *Paradoxa*] dicuntur *problemata* quæ sunt vera præter opi-

nionem vulgi: ut, cum proponitur quæstio, an terra moveatur; quod, si verum est, verum est præter opinionem vulgi, ideoque paradoxum: ubi vulgus non tantum significat plebem illitteratam, sed & communem multitudinem literatorum, principis antiquis ac non bene examinatis inhaerentium.

5. *Necessaria*] *problemata* sunt, quæ fide divina aut testimonio Dei probantur. *Contingentia* aut *probabilia* dicuntur *problemata*, modo una præmissarum sit contingens aut probabilis.

6. Syllogismus topicus dicitur *contingens* & *probabilis*, non semper à conclusione, quæ interdum est necessaria, sed à præmissis vel ambabus, vel una saltem, aut à medio potius, quod probabiliter ac contingenter coheret cum partibus quæstionis.

Quæst. V. *Quotuplicia sunt problemata?*

Duplicia; alia realia, alia notionalia.

Quæst. VI. *Quæ vocas realia?*

In quibus attributum est vera res; ut, *An Logica sit ars; An justificemur operibus?*

*Attributum*] idem est hic quod prædicatum.

Quæst. VII. *Quæ notionalia?*

In quibus attributum, est notio aliqua aut terminus artis; ut, *An ars sit genus Logica; An opera sint causa justificationis nostræ coram Deo?*

1. *Notio aliqua*] scilicet secunda, non prima: nam notio prima, veram aliquam rem designat, & affectionem philosophicam; sed notio secunda sig-

nificat affectionem logicam, & ens rationis, seu, ut hic loquitur author, *terminum artis*, quales libro primo tradidit à cap. 10. ad 24.

lib. II.  
con-  
tur;  
n est  
oque  
can-  
era-  
ti-  
u-  
ip-  
natis  
  
fun-  
rio  
d' au-  
ata,  
con-  
  
citur  
sem-  
dum  
niss  
aut  
bili-  
cum  
  
si  
  
ar-  
tis-  
  
, &  
qui-  
qua-  
10.  
Ter-

2. *Terminus artis*] dicitur a  
παραλόγιον, id est, vocabu-  
lum unicuique arti proprium: sic  
metonymia & synecdoche sunt  
παραλόγια rhetorica; me-  
ridianus, horizon, zodiacus;  
sunt παραλόγια astronomi-  
ca; genus, species, &c. sunt

παραλόγια logica.

3. Talia problemata notiona-  
lia, frequentissime occurrunt in-  
ter disputandum in philosophia,  
medicina, theologia, jurispru-  
dentia, & in omni facultate ac  
disciplina: quod exempla satis  
quotidie docent.

Quæst. VIII. Quomodo dividuntur problemata realia?

In absoluta, & comparata.

Quæst. IX. Quæ vocatur absoluta?

In quibus quæritur, an attributum [reale] subjecto  
conveniat, necne; ut, *Angloria sit in bonis numeranda?*

Exemplum problematis absoluti ex ethicis, est hoc; *an virtus mo-  
ralis sit habitus?*

Quæst. X. Quæ comparata?

In quibus, propositis duobus pluribusve subjectis, quæ-  
ritur, utri magis, vel cui maxime conveniat attributum  
reale: vel in quibus, propositis duobus pluribusve prædi-  
catis, quæritur, utrum magis, vel quodnam maxime sub-  
jecto insit: ut, *Sitne virtus, an gloria magis in bonis nume-  
randa? Fueritne Alexander fortior, an temperantior?*

1. Exemplum problematis com-  
parati, est hoc; *utrum virtus  
moralis sit habitus nobilior quam  
intellectualis?*

2. Quando hic fit mentio plu-  
rium subjectorum, intellige sub-  
jecta prædicationis, non vero in-  
hæfionis.

Quæst. XI. Quales debent esse propositiones dialecticæ?

Propositiones dialecticæ debent esse [semper veræ, in-  
terdum] certæ: aut saltem probabiles; non paradoxæ.

Per propositiones dialecticæ, interdum contingentes, sem-  
per tamen veræ.  
topici; quæ interdum sunt cer-

Quæst. XII. Quid est probabile?

Quod videtur omnibus, vel plerisque, vel sapientibus;  
atque iis vel omnibus, vel plerisque, vel nobilissimis ac  
celeberrimis.

Ex

Ex hac quaestione liquet esse  
 quinque gradus probabilitatis :  
 illud est probabile quod videtur  
 1. omnibus, 2. plerisque, 3. sa-  
 pientibus omnibus, 4. sapienti-  
 bus plerisque, 5. sapientibus ce-  
 leberrimis.

### Quaest. XIII. Quid est paradoxum ?

Quod verum est præter opinionem vulgi ; [ ut, *solum esse majorem terram, aut, antipodes dari.* ]

## CAPUT XVI.

### Quaest. I. Quanam requiruntur ad inventionem argumentorum dialecticorum ?

#### Locus & regula.

1. Per *argumenta dialectica* hic intelliguntur termini medii in syllogismo topico.

2. Ut quis feliciter syllogismos conficiat dialecticos, ad duo attendendum est : 1. ut terminum medium inveniat ; 2. ut inventum cum partibus quaestionis disponat cum iudicio. Argumentum invenire, ingenii est ; disponere, iudicii : in utroque intellectus juvatur in invenien-

do per locos, in disponendo per regulas : quæ *regulae* in singulis locis sunt *variae* ; loci vero ad argumentorum inventionem facientes tot sunt, quot sunt classes affectionum logicarum seu notionum secundarum lib. 1. explicatarum : sic locus est generis, speciei, causæ, subiecti, &c. sed quot sint regulæ in unoquoque loco, certo assignari nequit.

### Quaest. II. Quid est locus ?

Locus est sedes & nota quædam communis, cujus admodum invenitur argumentum.

[Locus] nihil est aliud quam designatio terminorum logicorum, et quibus medium huius syllogismi petitur.

### Quaest. III. Quid est regula sive canon ?

Canon est propositio continens rationem consequentis syllogismi dialectici.

Regula sive canon aliis dicitur *maxima*, aliis *axioma* ; estque enunciatio desumpta ex loco aliquo, quæ innititur syllogismi in concludendo vis : itaque locus facit ad medii inventionem, re-

gula ad inventi medii cum iudicio dispositionem ; nam, an affirmare, an negare disponendum sit inventum jam argumentum, docet canon.

Quaest.

Quæst. IV. *Quomodo dividuntur argumenta dialectica?*

In artificialia, &amp; inartificialia, sive testimonia.

1. *Argumenta artificialia* sunt, quæ per artem, scilicet logicam, inveniuntur: *inartificialia*, quæ sine ulla arte tantum assumuntur, prout nobis occurrunt, quæ sunt testimonia; hæc enim, prout inciderint, accipiuntur: quæ licet sine arte inveniuntur, non tamen sine arte disponuntur; sed in iis disponendis maximo opus est iudicio.

2. *Argumentum artificiale* dicitur insitum; *inartificiale* assumptum: ratio est, quia argumentum artificiale inest vel subiecto vel prædicato conclusionis, sed inartificiale extrinsecus extra

subiectum aut prædicatum assumitur. Verbi causa, cum quis probat, Deum resuscitaturum nostra corpora eadem, quia est omnipotens; omnipotentia est argumentum artificiale atque insitum, desumptum à loco proprii, est enim proprietas subiecti, scilicet Dei, atque inest Deo: sed si quis eandem enunciationem probet hoc medio, quia Deus sic testatur in verbo suo, argumentum est inartificiale, quod extra tum subiectum tum prædicatum conclusionis, ex verbo Dei, tanquam testimonium ejus, assumitur.

Quæst. V. *Unde petuntur argumenta artificialia ad confirmanda aut refellenda problemata notionalia?*

Ex definitione aut proprietate notionis sive affectionis: de qua in problemate quaeritur. Sic probes, *Aer non esse genus venti: quia aer non prædicatur de vento in questione qua quaeritur quid sit.*

Intellige hic *notionem* secundam, sive affectionem logicam; non vero primam, sive affectio-

nem philosophicam, aut realem, quæ rebus convenit citra & præter mentis operationem.

Quæst. VI. *Unde petuntur argumenta artificialia ad confirmanda aut refellenda problemata realia?*

Ex affectionibus subiecti aut prædicati. Ea enim sunt horum argumentorum loci.

*Affectio* es subiecti aut prædicati intelliguntur logicæ, quæ lib. I. cap. 10. & sequentibus sunt traditæ; debet enim subje-

ctum & prædicatum per illas notiones secundas circumdici, quemadmodum cap. 10. hujus lib. monuimus.

Quæst.



**Quæst. VII. Quomodo dividuntur argumenta artificialia problematum realium?**

**In absoluta & comparata.**

1. *Argumenta absoluta* ] dicuntur, quæ conveniunt quæstioni sine ulla comparatione cum aliquo tertio : *comparata* vero, quæ conveniunt quæstioni, sed factâ eorundem comparatione cum tertio.

2. Argumenti absoluti exem-

plum est, *Alexander fuit fortis*, quia multa præclare gessit ; hic præclare gesta arguunt absolute fortitudinem in Alexandro : sed cum probo Alexandrum fuisse fortiozem Achille, quia plura gesserit præclare quam Achilles, est argumentum comparatum.

**Quæst. VIII. Quomodo dividuntur absoluta?**

**In consentanea, & dissentanea.**

\* *Argumenta consentanea* disponuntur semper affirmando ; *dissentanea* negando.

**Quæst. IX. Quanam dicuntur argumenta consentanea?**

Quæ cum [utraque vel] aliqua parte quæstionis consentiunt.

Per aliquam partem quæstionis intellige vel subiectum vel prædicatum conclusionis.

**[Quæst. X. Quanam dicuntur argumenta dissentanea?**

Quæ ab alterutra parte quæstionis dissentiunt ; nam si dissentanea dissenferint ab utraque parte quæstionis, syllogismus constabit ex puris negantibus, & non valebit.

**Quæst. XI. Quotuplicia sunt ea [consentanea?]**

**Duplicia ;** vel enim à nomine sumuntur, vel à re ipsa.

Duo sunt quæ cognosci ab homine possunt ac solent ; 1. res ipsæ quæ cognoscuntur, 2. nomina & voces quibus cognoscun-

tur : ideoque duo sunt argumentorum genera, alia desumpta à rebus ipsis, alia à vocibus seu nominibus.

**Quæst. XII. Quot sunt loci argumentorum [consentaneorum] quæ sumuntur à nomine?**

**Duo : etymologia sive notatio, & conjugata.**

De etymologia & conjugatis vid. cap. 25. l. 1.

Quæst.

Quæst. XIII. Quot sunt loci argumentorum [consentaneorum] quæ sumuntur à re ipsa?

Novem: definitio, genus, species, totum, pars, causa, causatum, subiectum, & adjunctum.

1. De loco definitionis, vid. cap. 1, 2, 3, 4. lib. 2.
2. De loco generis & speciei, vid. cap. 11. lib. 1.
3. De toto & parte, causa & causato, subiecto & adjuncto, vid. c. 14. lib. 1. usque ad 19. inclusive.

Quæst. XIV. Quot sunt loci argumentorum dissentaneorum?

Quinque; disparata, contraria, relative opposita, privative opposita, & contradicentia.

De locis argumentorum dissentaneorum, vid. cap. 22. lib. 1.

Quæst. XV. Quot sunt loci argumentorum comparatorum?

Quinq; etiam; majus, minus, par, simile, & dissimile.

De locis argumentorum comparatorum, vid. c. 20. lib. 1.

Quæst. XVI. Quotuplicia sunt testimonia?

Duplicia; alia divina sunt, alia humana.

1. Testimonia divina sunt quæ proficiuntur à Deo, sive sint revelationes divinæ, quæ prophetis aliisque olim fuerunt factæ, sive sint ejus oracula verbo suo expressa & reliqua humana sunt, quæ proficiuntur ab hominibus verbi causa, Cicerone, Aristotele &c. ac merentur tantum fidei quanta est integritas & veritas testantis.
2. Testimonia divina sunt infallibilia, quia Deus nec fallere potest nec falli: at humana sunt fallibilia, quia homo & fallere potest & falli, & fallit & fallitur, nisi homo affletur inspiratione Spiritus S. quemadmodum factum fuit prophetis, Evangelistis, Apostolis, aliisque viris Dei, qui ducti fuerunt Spiritu infallibilitatis, erant enim Θεοπνεύστοι, ideoque eorum testimonium non pro humano. sed pro divino habetur, Ad testimonia humana refer authoritates philosophorum, leges jurisconsultorum, testimonia historicorum, &c.

## CAPUT XVII, &amp; XVIII.

Quæst. I. *Ostende aliquot exemplis, quomodo ex his locis argumenta peti debeant ad confirmanda aut refellenda problemata realia.*

**C**um sic argumentor, *Non est de meo tuum, ergo non est mutuum*, argumentum petitum est ab etymologia; *Homo sum, humani nihil à me alienum puto, à conjugatis; Homo debuit contemplari cœlestia, ergo debuit creari erecto corpore, à fine; Fugit, ergo est in culpa, à signo. Justus servat leges, ergo injustus transgreditur leges, à contrariis; Deus dat vitam hominibus, ergo dabit vitam, à majori.* Canones ad unumquemque locum pertinentes peti debent ex institutionibus plenioribus.

Hisce duobus capitibus tantum exempla quædam proponuntur, quibus modus petendi argumenta ostenditur in syllogismo topico; hoc est verò uniuscujusque officium, advertere ex quo loco,

sive à qua notione secunda, hoc aut illud argumentum tertium sit desumptum. Et hisce exemplis plura addere, aut ex majori Logica vel aliunde petere, unicuique est facile.

## CAPUT XIX.

Quæst. I. *Hæc sunt exempla problematum absolutorum: declarata porro, quomodo confirmentur aut refellantur problemata comparata?*

**A**rgumenta ad confirmanda aut refellenda problemata comparata, petuntur ex iisdem locis, canonibus absolutis (quatenus illud fieri potest,) in comparatos commutatis: exempli gratia, sicuti probari potest, *Deum esse bonum, quia ejus opera sunt bona*, ducto argumento ab effectis; ita quoque concludi potest, *Deum infinitis modis meliorem esse creaturis, quia illius opera infinitis modis meliora sunt quam opera creaturarum.* Quia autem canones absoluti non semper possunt mutari in comparatos, necesse est, singulis locis adjungi canones peculiare, quibus comparata problemata probanda sint: sed hi etiam ex institutionibus plenioribus petendi sunt.

I. Quæst.

1. Quemadmodum canon est absolutus, Cui unum convenit coniungaturum, ei & alterum, ut, Caesar consulit reipublicæ, ergo venit consul: ita comparate potest constitui hic canon, Cui unum comparatorum magis convenit, ei & magis convenit alterum, ut, Caesar magis consulit reipublicæ quam Pompejus, ergo & magis

fuit consul quam Pompejus.

2. Sic canon est absolutus, Cui convenit finis, ei conveniunt & media; Cui convenit definitio, ei & definitum: uterque mutari potest in canonem comparatum hoc modo, Cui definitio magis convenit, ei & definitum magis convenit; Cui magis convenit finis, ei & magis conveniunt media.

## CAPUT XX.

Quæst. I. Cum ergo satis dictum sit de syllogismo dialectico, pergamus ad demonstrationem. Quid est demonstratio?

Demonstratio est syllogismus scientiam pariens, [id est, efficiens.]

1. Syllogismus apodicticus, latine dicitur demonstrativus, & simpliciter demonstratio.

[2. Scientiam] Scientiam interdu sumitur 1. latissime, pro quolibet assensu vero qui opponitur errori, quocunque demum modo assensus acquiratur, sive sit firmus sive infirmus: sic scientia etiam opinionem includit, & omnem assensum verum præter errorem.

[3. 2. Strictus, pro assensu vero, sed firmo atque infallibili: & opinionem excludit & fidem humanam; sed comprehendit nihilominus & fidem divinam, quæ credimus Deo testanti; & cognitionem sensuum, scilicet cum sensus non errant, quia scimus parietem esse album, quia videmus; & cognitionem principiorum, quæ sine probatione cognoscuntur, & ex his vocabulorum intelligentia intelliguntur: ita scimus, to-

tum esse majus sua parte.

[4. 3. Strictissime, pro assensu conclusionum quæ probantur per causam vel effectum: sic fidem divinam, cognitionem sensuum, & scientiam principiorum excludit: & tali sensu sumitur in definitione demonstrationis, estque effectum, scilicet intelligibile, syllogismi apodictici.]

[5. Scientia latissime sumpta opponitur errori & significat iudicium verum, sive sit necessarium, quod non potest esse falsum; sive sit contingens, quod potest esse falsum; sive illud accipiat sensu, sive inductione, sive testimonio divino, sive humano, sive aliquo termino medio, desumpta ab aliqua affectione Logica quæ vere concludit. Strictius sumpta scientia significat iudicium verum, non contingens, cui falsum subesse possit, sed necessarium, cui falsum

sum subesse non potest : & hoc comparatur vel sensu , quando versatur circa objectum proprium , & organum ac medium bene sunt disposita , & objectum est debite approximatum , ut sensus non erret ; vel testimonio divino , quod erroris omnis & falsitatis est expers ; vel inductione , quo modo comparatur iudicium verum , firmum ac necessarium , circa prima principia ; vel medio termino desumpto à causa vel effecto , vel simili affectione Logica , quæ concludit vere ac necessario . Strictissime sumpta scientia est iudicium verum , certum , necessarium , sed cujus necessitas non derivatur à testimonio divino , nec à certitudine sensuum , nec comparatur inductione , sed deducitur à solo loco & affectione logica causæ vel efficientis vel finalis proximæ .]

[6. Iudicium illatum per sensum verum est firmum , infallibile ac necessarium , sub conditionibus tribus in textu positis , quia tum non errat ; sed una ex illis tribus deficiente , errare potest , ac sæpenumero errat , inducitque iudicium erroneum sensus in intellectum . Ex non debita approximatione subiecti , turris eminens visa ut rotunda , quæ in se tamen est quadrata , iudicabitur ab intellectus iudicio erroneo esse rotunda , propter fallaciam visus ortam ex nimia turris à visu distantia : sic ex indispositione or-

gani , verbi causa , oculi in idrico , qui ob flavum colorem suffusus oculo omnia videt flava , unde oritur iudicium erroneum intellectus omnia flava iudicantis : sic per fallaciam visus ortam ex duplici medio , aere & aqua , visus rerum sub aqua videtur ut fractum , qui tamen est rectus , unde oritur in intellectu iudicium erroneum , quo iudicatur rerum quoque esse fractum , qui non est fractus . Cum vero extra hos tres casus sensus dicitur non errare , iudiciumque intellectus à sensu petitam dicitur infallibile ac necessarium , intelligendum hoc est de rerum existentis , non essentis : nemo enim tam ineptus aut fatuus est , ut non assertiatur infallibiliter ac necessario campanam sonare , cum eam sonantem audit , solem lucere , cum eum lucentem videt , ignem esse calidum , cum calorem tactu apprehendit ; at vero quæ sit essentia soni , lucis , caloris , quæ rerum causæ producentes ac constituentes , nullus sensuum distare potest , quare nec ex vili sensuum iudicio ab intellectu iudicium illud indubitatum de istorum qualitatum natura ferri potest , quod tamen in vulgari sit philosophia , ubi hoc falsissimum axioma Aristotelis tanquam fundamentum sternitur omnis hic erroris , *Nihil est in intellectu nisi prius fuerit in sensu .*]

### Quæst. II. Quomodo dividitur demonstratio?

In demonstrationem *per se* sive cur res sit , & demonstrationem *per alium* sive quod res sit .

Quæst.

## Quæst. III. Quid est demonstratio cur res sit?

Quæ non solum probat rem esse aut non esse, sed etiam reddit causam cur res sit aut non sit.

1. Demonstratio  $\tau\acute{\epsilon}$   $\delta\iota\acute{o}\tau\iota$ , seu cur res sit, non ita dicitur, quia concludat  $\tau\acute{o}$   $\delta\iota\acute{o}\tau\iota$ , sive cur res sit, nam concludit tantum  $\tau\acute{o}$   $\delta\iota\acute{o}\tau\iota$ , sive quod res sit, sic tamen ut in præmissis adferat  $\tau\acute{o}$   $\delta\iota\acute{o}\tau\iota$ , sive causam cur res sit; sed demonstratio  $\tau\acute{\epsilon}$   $\delta\iota\acute{o}\tau\iota$  sic concludit quod res sit, ut, ne in præmissis quidem adferat causam cur res sit: ideoque discrimen hîc est in eo solum, quod demonstratio cur res sit, in præmissis reddat causam cur res sit, at demonstratio quod res sit ne in præmissis quidem id præstat. Sic in hac demonstratione  $\tau\acute{\epsilon}$   $\delta\iota\acute{o}\tau\iota$ , *Omne rationale est capax scientiæ. Omnis homo est rationale. Ergo omnis homo est capax scientiæ*; concluditur tantum  $\tau\acute{o}$   $\delta\iota\acute{o}\tau\iota$ , quod homo sit scientiæ capax; at in præmissis causam tamen affertur cur sit scientiæ capax, scilicet  $\tau\acute{o}$  rationale, ideoque est demonstratio cur res sit: sed in hac demonstratione  $\tau\acute{\epsilon}$

$\delta\iota\acute{o}\tau\iota$ , *Quod illustrat aerem, hoc est ortum. Sol illustrat aerem. Ergo sol est ortus*; hîc concluditur, quod sol sit ortus, ut tamen in præmissis non detur causa cur sol sit ortus, nam *illustratio aeris effectum est orti solis*, non causa, ergo demonstratio  $\tau\acute{\epsilon}$   $\delta\iota\acute{o}\tau\iota$ , sive cur res sit, sic dicitur, non ratione conclusionis, sed ratione præmissarum, quia  $\tau\acute{o}$   $\delta\iota\acute{o}\tau\iota$  in conclusione reperiri nunquam potest: significat enim causam cur prædicatum conclusionis in sit subjecto, ideoque est terminus medius; at medium non ingreditur conclusionem: ut nihil sit mirum, nunquam inferri aut concludi ipsum  $\tau\acute{o}$   $\delta\iota\acute{o}\tau\iota$ , est enim non id quod, sed id quo concluditur. Verum in demonstratione  $\tau\acute{\epsilon}$   $\delta\iota\acute{o}\tau\iota$ , ibi nullo modo invenitur  $\tau\acute{\epsilon}$   $\delta\iota\acute{o}\tau\iota$ , neque est id quo concluditur, neque invenitur in præmissis; quod exempla docent.

## Quæst. IV. Quid est demonstratio quod res sit?

Quæ solum probat rem esse aut non esse.

## Quæst. V. Unde posita est differentia harum specierum?

A fine. Finis enim demonstrationis, est scientia: atqui scientia dividitur in scientiam  $\tau\acute{\epsilon}$   $\delta\iota\acute{o}\tau\iota$ , sive cur res sit, & in scientiam  $\tau\acute{\epsilon}$   $\delta\eta$ , sive quod res sit.

1. Quotuplex est scientia, totuplex est demonstratio, quia scientia est effectum demonstrationis; sed scientia est duplex: ergo & demonstratio.

Scimus enim vel rem tantum esse, ut non cognoscamus causam; vel scimus rem esse: & simul novimus causam cur res sit.

2. Cognoscimus causam cur res sit in præmissis syllogismi demonstrativi *non* *diōti*, & per causam proximam dispositam in præmissis cognoscimus in conclusione non posse rem, id est prædicatum conclusionis, aliter se habere: atque ideo dicitur conclusio necessaria, & totus syllogismus, necessarius, & ipsa scientia *non* *diōti*, habitus sive assensus necessarius, aut iudicium necessarium; & hæc optime definitur, *cognitio rei necessariae per causam proximam*.

[ 3. Scientia *non* *diōti* definitur *cognitio*, non quæ est apprehensio simplex, aut prima mentis operatio, sed quæ est operatio mentis complexa ac secunda, conjunctio vel divisio, affirmatio vel negatio, una voce, iudicium sive assensus. Intelligitur autem cognitio hæc non tam actualis,

quæ nunc temporis per syllogismum demonstrativum *non* *diōti* acquiritur, quàm habitualis, quæ acquisita & habita ab intellectu eum reddit habilem atque idoneum ad intelligendum res illas circa quas scientia versatur. Porro, est *cognitio rei necessaria*, id est, entis realis necessarii: id eoque ad scientiam hanc non sufficit necessitas præceptorum, definitionum, divisionum, canonum, sed requiritur necessitas ipsius objecti scibilis: nam necessitas præceptorum etiam in artibus exigitur ac prudentiis, quæ non sunt scientiæ propriæ dictæ, per demonstrationem *non* *diōti* genitæ. Denique, per *causam proximam* intelligitur efficiens aut finis; non materia aut forma, nisi in quantum efficientis aut finis rationem habent. ]

### Quæst. VI. Quid est scientia cur res sit?

Est cognitio dianoetica, quæ cognoscimus causam propter quam res est esse illius rei causam, nec posse eam rem aliter se habere.

1. *Cognitio dianoetica* ] latine dicitur *discursiva*, quæ per *diavritay* seu *discursum* ac syllogismum gignitur. Est enim duplex cognitio: una *noetica*, quæ aliquid cognoscimus sine discursu, ut, *Totum esse majus sua parte*; alia *dianoetica*, quæ aliquid cognoscimus per discursum, ut, *hominem esse risibilem quia est rationalis*. Scientia cur res sit est cognitio posterioris generis.

[ 2. Scientia noetica respicit secundam mentis operationem, quæ vulgo dicitur *conjunctio* &

*divisio*, estque nihil aliud quam iudicium simpliciter latum de alicujus enunciationis veritate, absque ulla probatione. Hæc scientia cognoscuntur principia prima, quorum veritas adeo clara est, ut, sola vocabulorum significatione accepta, absque ullo syllogismo assensum impetret; ut, *totum est majus sua parte*. Scientia dianoetica respicit tertiam mentis nostræ operationem, quæ dicitur *discursus*, estque iudicium latum de veritate enunciationis, sed quæ



per syllogismum est probata.]

3. *Nec posse eam, &c.* ] Scientia ergo  $\tau\acute{\epsilon}\delta\acute{o}\tau\iota$  est firma atque infallibilis, & animum scientis reddit indubitatum, immobilem, atque immutabilem.

4. Ratio est, quia certitudo, firmitas & infallibilitas scientiæ nostræ gignitur ex certitudine, firmitate & infallibilitate ipsius rei, quæ certa, firma & infallibilis est, quando certam, firmam & infallibilem suæ existentie habet causam; & talem habet res quæ scitur per de-

monstrationem  $\tau\acute{\epsilon}\delta\acute{o}\tau\iota$ .

[ 5. Vulgo dicunt, & rectissime, philosophi, *certitudo mentis sequitur certitudinem entis, & certitudo subiecti certitudinem obiecti*: sensus hic est, quod mens humana, subiectum simul & causa intellectiōis, tum demum certo rem intelligit ac necessario, quando ipsa res intelligenda certam ac necessariam causam habet cur sit: neque enim iudicium certum ac necessarium ferri potest de re quæ nullam sui certam ac necessariam causam habet.

**Quæst. VII.** *In quo differt hæc scientia à scientia quod res sit?*

Scientia  $\tau\acute{\epsilon}\delta\acute{o}\tau\iota$ , sive quod res sit, non gignitur ex causa propter quam res est, hoc est, ex causa proxima; sed ex effectu, aut causa tantum remota.

1. Scientia  $\tau\acute{\epsilon}\delta\acute{o}\tau\iota$  differt à scientia  $\tau\acute{\epsilon}\delta\acute{o}\tau\iota$  ratione & qualitate termini medii, qui in scientia  $\tau\acute{\epsilon}\delta\acute{o}\tau\iota$  est causa proxima proprietatis demonstrandæ, id est, talis causa, qua posita, pro-

prietas ponitur, & qua sublata, tollitur: sed vero medium in scientia  $\tau\acute{\epsilon}\delta\acute{o}\tau\iota$  aut non est causa, sed effectum, aut, si sit causa, est causa non proxima, sed remota.

## CAPUT XXI.

**Quæst. I.** *Quot sunt partes [scilicet remota] demonstrationis cur res sit?*

**T**Res; subiectum, [scilicet inhaesionis] affectio demonstranda, & causa quæ est medium demonstrationis. Ex subiecto & affectione constat quæstio; ex causa cum subiecto & affectione seorsim combinata fiunt præmissæ, sive principia demonstrationis.

1. Eadem sunt partes demonstrationis cur res sit quæ sunt aliorum syllogismorum; sed nonnihil aliis veniunt nomini- bus: terminus minor hic voca-

tur subiectum, non tantum prædicationis, ut in omnibus syllogismis, sed & inhaesionis, quod hic est peculiare; terminus major vocatur affectio seu præmissa

prietas demonstranda; terminus medius vocatur *causa*: præmissæ, major & minor, vocantur peculiari nomine *principia*, scilicet complexa; conclusio hîc vocatur plerumque *questio*.

[ 2. Cum subjectum aliud sit prædicati, aliud adjuncti, non hîc in demonstratione *in dictis* intelligitur subjectum prædicati, sed adjuncti tantum interni & quidem proprii, non communis, quod prædicatur de subjecto in hæsiōis: reliqua subjecta, sive adjuncti externi, sive prædicati cujuscunque, quocunque modo etiam prædicentur de subjecto, sive prædicatione interna sive

externa, sive essentiali sive accidentali, sive absoluta sive limitata, in omni alio syllogismo extra demonstrationem *in dictis* locum habent. ]

[ Et hoc peculiare est huic demonstrationi cur res sit, quod terminus major, nulla alia possit esse affectio logica quam accidentis proprium quarto modo, & terminus medius, nulla alia affectio esse possit quam causa proxima efficiens aut finalis; cum in aliis omnibus syllogismis extra hanc demonstrationem *in dictis*, ab omnibus aliis quoque affectionibus logicis termini medii duci possint. ]

### Quest. II. Quenam sunt in his spectanda?

#### Præcognitiones, & conditiones.

*Præcognitiones* ] demonstrationem præcedunt; *conditiones* in ipsa demonstratione observandæ sunt.

### Quest. III. Quenam sunt præcognoscenda?

De tribus terminis, sive partibus [ remotis ] demonstrationis, præcognoscendum est, quid significet nomen [ vel vocabulum : ] de subjecto & causa etiam an sint: de principiis, quod vera sint: de affectione demonstratur, quod sit; deque conclusione, quod vera sit.

1. *De tribus terminis* ] debet præcognosci, quid significet vox unaquæque, quia alioquin de ignotis disputaretur.

[ 2. Quia voces veniunt loco rerum, & de rebus differitur per voces; si ignorentur voces, neque de rebus dissertatio & ratiocinatio institui potest; ergo ante omnia præcognosci debent *significationes vocum*, quibus in demonstratione *in dictis* utimur,

quia vero hæc instituitur de proprietate, quæ demonstratur inesse subjecto, frustra foret demonstrandi labor, nisi constet *subjectum* dari, & quia proprietates de subjecto existente demonstratur per causam, certum debet esse ante demonstrationem, quod talis *causa* sit in rerum natura, alioquin per eas proprietates de subjecto demonstrari non posset, sicuti vero ante demonstrationem

demonstrationem certum est, & supponitur dari tum subjectum tum causam, ita incertum est, ante illam an detur proprietas, seu affectio demonstranda, quam dari certum est demum post demonstrationem factam, porro, quia omnis syllogismus infert conclusionem tanquam ignotam ex præmissis tanquam notis, etiam in demonstratione cur res prius debent esse notæ præmissis, quoad naturam & cognitionem distinctam, antequam ex illis demonstrando inferatur conclusio, quæ demum nota evadit post demonstrationem.]

3. De subjecto & causa] debet præcognosci an, & quod sint: quia frustra demonstratio institueretur, si non constet dari subjectum affectionis demonstrandæ; & si non sit certum dari causam, qua affectio de subjecto demonstratur, nulla scientia gigni posset, ex causa enim incerta non potest gigni scientia certa.

4. Causa hic dicitur incerta, quæ est incertæ existentie:

ideoque, si non certo existat, aut saltem non constet certo existere terminum medium, qui hic est causa, non potest inferri certa existentia prædicati in conclusione, quod hic est proprietas: ideoque accurate debet inquiri, si id quod pro termino medio assumitur, certo existat, & existere constet: id autem est certum, & certo existit, de quo, aut de cujus existentia a nemine dubitari potest, qui quidem sanæ est mentis. Quisnam autem ille sit terminus medius tantæ certitudinis, ut de eo nullatenus dubitari queat, qui infert alicujus prædicati incerti, de quo dubitari potest an sit aut existat, existentiam in conclusione, non tam facile est dictu, & res arduæ contemplationis.]

5. De principiis] debet præcognosci, quod sint vera, quia ex præmissis falsis non potest sequi conclusio vera, nisi per accidens: at in demonstratione si dicta conclusio est vera, quia est syllogismus verus, non fallax.

## CAPUT XXII.

Quæst. I. Quotuplices conditiones spectanda sunt in demonstratione?

Triplices: alix ad quæstionem pertinent, alix ad causam sive medium, alix denique ad præmissas sive principia.

1. Quia demonstratio si dicta, ut cur res sit, longe nobilior & multis perasangis super demonstratione si dicta, si.

ve quod res sit, hinc fit, ut in hoc & seq. capite, atque apud logicos & philosophos, passim demonstratio si dicta simpliciter

& absolute demonstratio dicatur  
*non? id est, siue secundum ex-*  
*cellentiam.*

2. Conditiones respiciunt vel  
 materiam remotam demonstrati-  
 onis, vel materiam proximam :

quæ respiciunt materiam remo-  
 tam, spectant solum medium;  
 quæ respiciunt materiam proxi-  
 mam, spectant vel conclusionem  
 seu quæstionem, vel præmissa  
 seu principia.

**Quæst. II. An non igitur omnis quæstio admit-  
 titur demonstrationem?**

Non omnis; sed ea solum quæ vera est, & veritatis  
 suæ certam causam habet, veluti, cum accidentia pro-  
 pria prædicantur de subiecto : ut, *Homo est capax scientiæ;*  
*Luna patitur eclipsin;* *Humor oculi crystallinus debet esse*  
*loris expertus.*

1. Quæstio demonstranda de-  
 bet esse vera, quia demonstrata  
 gignit scientiam, id est cogni-  
 tionem veram; nihil autem est  
 in effecto, nisi fuerit in causa,  
 vel formaliter vel eminenter :  
 debet insuper veritatis suæ ha-  
 bere causam, scilicet proximam;  
 quia scientia, quam gignit, est  
 cognitio rei per causam : debet  
 habere causam proximam cer-  
 tam quia scientia est cognitio  
 certa.

[ 2. Hoc axioma sic solet &  
 debet distingui, scilicet vel for-  
 maliter vel eminenter; id est,  
 nulla forma est in effecto, quin  
 eadem fuerit in causa, aut ali-  
 quid in ea fuerit eminentius.  
 Causa quæ effectum continet  
 formaliter, vulgo dicitur uni-  
 voca, quæ eminenter, æquivo-  
 ca. Sic cum canis canem gene-  
 rat, quia eadem forma est canis  
 geniti quæ est in gignente, dici-  
 tur canis gignens causa univo-  
 ca, & effectum continere for-  
 maliter: sed & Deus cum cane  
 concurrens ad generationem  
 alterius canis, est causa canis

geniti, sed æquivoca, continet  
 quæ effectum eminenter; quia  
 non ipsa forma canis geniti est  
 in Deo, Deus enim caret animæ  
 sentiente, sed in Deo est virtus  
 eminentissima, quæ productio-  
 nem animæ sentientis in cane  
 attingit, quamvis ipse eam non  
 habeat. ]

3. *Accidentia propria* ] quæ  
 demonstrantur de subiecto  
 vel emanant ab essentia subiecti,  
 & sunt interna, ut, capacitas sci-  
 entiæ ab homine; vel dependent  
 à causa extra subiectum, & sunt  
 externa, ut, eclipsis lunæ depen-  
 det ab interpositione terræ inter  
 solem & lunam, utrumque illud  
 accidens proprium & subiecto  
 suo demonstrari potest.

[ 4. Proprium quarto modo  
 subiecto suo emanat, ita ut sub-  
 jectum respectu ejus sit causa  
 emanativa, ipsum sit effectus  
 emanans. Sed causa emanativa  
 alia est interna, alia externa.  
 Interna dicitur, quæ in eodem  
 est subiecto in quo est effectus  
 ejus, proprietas emanans : in  
 anima rationalis, causa emanativa

iva, & capacitas disciplinæ, effectum emanans, sunt in eodem subiecto, homine: externa dicitur quæ extra subiectum est in qua est effectum; sic interpositio terræ inter solem & lunam est extra lunam, subiectum, in qua tamen est ejus, tanquam causæ emanativæ, effectum emanans, eclipsis, seu defectus luminis.]

[5. Quæcunque enunciationes cadunt sub demonstrationem ac demonstrari possunt, eas oportet esse tales, ut earum in subiecto inveniantur causa, & quidem certa atque immutabilis, ob quam prædicatum ipsi insit. Hæ dicuntur mediatae ex parte causæ; quibus opponuntur enunciationes immediatae ex parte causæ, quæ nullam habent causam, nec in se, nec extra se cur prædicatum insit subiecto, præter Deum, qui est causa omnis veritatis: sic, cur homini insit rationalitas, quod significatur in hac enunciatione, *homo est rationalis*, nulla causa est aut in homine aut extra hominem, præter Dei voluntatem, quæ ipsam esse rationalem voluit, & non irrationalem. Dicitur interdictum enunciatum mediata & immediata ex parte subiecti: mediata, cum inter prædicatum & subiectum datur subiectum medium, cui prædicatum insit prius; ut cum dico, *homo sentit*, sub-

jectum enim datur medium, *animal*: immediata est, cum inter prædicatum & subiectum nullum datur subiectum medium, aut prius, de quo dicatur prædicatum; ut cum dico, *animal sentit*, talis propositio immediata hic non intelligitur, sed intelligitur in prædicabilibus, qu. 5. c. 10. l. 1.

[6. Gravissima est quæstio, an voluntas Dei sit causa omnis veritatis; seu, ut alii proponunt, an aliquid antecederet ad Dei voluntatem sit verum. Resp. si veritas intelligatur simplex, quæ est affectio entis transcendens, certum est quod Deus aut ejus voluntas, ut est causa omnis entitatis, ita quoque sit causa omnis veritatis, quæ entitatem sequitur: ita quod homo sit, & quod sit vere aut verus homo, a voluntate est Dei, qui sic voluit. Sed quæritur potissimum de veritate complexa, quæ est in enunciationibus, in quibus subiectum & prædicatum essentialiter de se invicem prædicantur: multi enim putant illas connexiones essentielles subiecti & prædicati esse veras, antequam voluerit Deus aut prædicatum aut subiectum existere; ut in hac enunciatione, *Rosa est flos*, *Homo est animal*. Sed cum veritas complexa fundetur in simplici, quæ voluntas Dei est causa veritatis simplicis, eadem ut videtur est causa veritatis complexæ.

### Quæst. III. *Quanam igitur respuunt demonstrationem?*

Primo propositiones [seu enunciationes] in quibus definitio

finicio aut partes definitionis prædicantur de definito, ut, *Homo est animal*, aut *rationalis* : *virtus est habitus*, &c. Ejusmodi enim propositiones immediatæ sunt, nullamque causam habent suæ veritatis, [ in ipso scilicet subjecto, ] Deinde, propositiones in quibus accidentia fortuita & mutabilia prædicantur de subjecto; ut, *Homo ambulat*, & *grotat*, &c. hæc enim certam causam non habent.

[ 1. Propositiones immediatæ ] hic dicuntur ex parte causæ, quæ in subjeção carent causâ suæ veritatis, id est, in quibus prædicatum ita coheret cum subjecto, ut cohesionis media causa in subjecto nulla detur : sic in homine nulla causa est, cur sit *animal*, cur *rationalis*, quia utrumque est ipsa hominis essentia; ideoque non magis demonstrari potest, *hominem esse animal*, aut *rationalem*, quam *hominem esse hominem* : & hanc ob causam dicuntur istæ propositiones immediatæ ex parte causæ.

[ 2. Accidentia fortuita & mutabilia ] dicuntur, quæ causam

quidem habet cur in subjecto sint, sed instabilem, incertam & facile mutabilem : ideoque demonstrari non possunt, quia demonstratio *in diu*, debet fieri per causam necessariam, certam & immutabilem, qua res non potest aliter se habere.

3. Hæc enunciatio, *homo ægrotat*, non potest demonstrari non quia prædicatum, *ægrotare*, non habeat causam in subjecto. eam enim habet in homine, intemperiem scilicet; sed quia non habet causam certam & immutabilem; nam intemperies in homine, causa ægrotandi, potest mutari in bonam temperiem.

#### Quæst. IV. Quale debet esse medium demonstrationis? Causa proxima affectionis.

1. Per affectionem intelligitur absolute, non in suo genere, de in hoc loco prædicati cōclusionis qua utraq; in l. 1. Synops. cap. 17.
2. Intelligitur causa proxima de causa efficiente.

#### Quæst. V. Quid vocas hoc loco causam proximam?

Qua posita, effectum ponitur; & qua sublata, tollitur: atque adeo, in qua mens acquiescit.

#### Quæst. VI. Ex quo genere causarum petitur hæc causa proxima?

Ex genere causæ efficientis aut finalis.

1. Non petitur causa proxima formalis, quia prædicatum est ex genere causæ materialis aut accidens, & non habet materiam

nam aut formam proprie dictam, est enim id quod demonstratur, proprietas, seu accidens proprium; atque solum corpus habet materiam & formam physicam proprie dictam.

**Quæst. VII. Quomodo dividitur causa efficiens proxima, quæ medium demonstrationis esse potest?**

**In internam, & externam.**

Omnis causa efficiens est interna respectu causati, quatenus est in eodem subjecto in quo est effectum, nulla causati essentiam ingrediatur ut pars: alia tamen dicitur

**Quæst. VIII. Quam vocas causam efficientem internam?**

**Quæ est in eodem subjecto in quo est effectum?**

Exemplum causæ efficientis in quo est ejus effectum, capax internæ est rationalitas, quæ est in eodem subjecto aut homine, citas disciplinæ.

**Quæst. IX. Quam vocas externam?**

**Quæ non est in eodem subjecto in quo est effectum.**

Exemplum causæ externæ efficientis est interpositio terræ inter solem & lunam respectu lunæ, quæ non est in ipsa luna, in qua est effectus ejus, scilicet defectus luminis.

**Quæst. X. De exempla demonstrationis; ac primo exemplum à causa efficiente interna.**

**Omne rationale est capax scientiæ: Omnis homo est rationalis: Ergo, omnis homo est capax scientiæ.**

In hoc exemplo, rationale est capacitatis scientiæ, & forma medium, & quidem causa efficiens interna prædicati, scilicet subjecti, scilicet hominis.

**Quæst. XI. De exemplum demonstrationis à causa efficiente externa.**

**Quod à solis radiis, objecta terra, nequit illustrari, id patitur eclipsin luminis à sole accepti: Luna nequit à solis radiis, objecta terra, illustrari: Ergo, luna patitur eclipsin, &c.**

In posito exemplo, medium, scilicet à solis radiis, objecta terra, non posse illustrari, est causa efficiens externa prædicati, scilicet eclipsos, in conclusione.

**Quæst.**



Quæst. XII. *Da exemplum à causa finali.*

*Quod debet colores omnes admittere, id debet esse expertus coloris: Humor oculi crystallinus debet omnes colores admittere: Ergo, humor oculi crystallinus debet esse expertus coloris.*

In hoc exemplo, medium, scilicet *colores omnes admittere*, est causa finalis prædicati, scilicet *esse expertus coloris*, in conclusione.

Quæst. XIII. *An medium demonstrationis non debet esse causa proxima subjecti?*

Fit quidem aliquando, ut causa efficiens proxima prædicati sit etiam forma subjecti; verum illud neque necessarium est, neque perpetuum.

Quod fit aliquando, potest exemplo primo constare: & sunt hujusmodi demonstrationes præstantiores cæteris.

### CAPUT XXIII.

Quæst. I. *Quor sunt conditiones spectandæ in præmissis siue principiis demonstrationis?*

**Q**uinque. Requiritur enim primo, ut sint necessario vera, & quidem necessitate summa ac reciproca: deinde, ut sint immediata atque prima: tertio, ut sint causa conclusionis: quarto, ut sint notiora: quinto, ut sint priora conclusione.

1. Enunciationes sunt duorum generum: quædam habent manifestam veritatem, quædam non item. Conclusiones in syllogismo demonstrativo non habent manifestam veritatem manifestam non habent, atque ideo demonstrantur. Præmissæ seu principia veritatem manifestam habent vel ex terminis ipsis, vel ex demonstratione antefacta; nam enunciatio demonstrata habetur post demonstrationem pro certa: ideoque enunciationes demonstratæ sunt veræ & vera principia, respectu enunciati-

onum aliarum adhuc demonstrandarum.

2. Prima conditio in præmissis requisita est, ut debeant esse vera quia conclusio syllogismi apodictici est vera; sed conclusio vera ex præmissis falsis inferri nequit: secundo, debent esse necessarie necessitate summa, quæ est necessitas tertii gradus.

3. Præmissæ debent esse necessario vera, quia conclusio debet esse necessario vera: nam conclusio necessaria ex propositionibus non necessariis concludi nequit.

requirit: porro, debent præmissæ esse necessariæ *necessitate summa*, id est  $\alpha\alpha\theta'$   $\delta\lambda\alpha$   $\omega\rho\omega\tau\omega\nu$ , sive reciproca, quia continent causam proximam absolute prædicatam, quæ talis est ut cum effectu suo reciprocetur, quia ea posita effectus ponitur, & sublata tollitur.

II. Præmissæ debent esse immediate ex parte causæ, ut non habeant causam veritatis suæ intra se, per quam possint demonstrari; alioquin daretur progressus in infinitum: debent esse *primæ*, id est ut non detur veritas prior qua demonstretur, scilicet in eodem syllogismo.

III. Præmissæ debent esse *causæ conclusionis*, non tantum cognoscendi, sed & essendi; hoc est, non tantum quibus conclusio cognoscatur, quod in omni syllogismo locum habet, sed per & propter quas sit prædicatum in subiecto conclusionis.

IV. Debent esse præmissæ *notiores* conclusioni, non tantum quoad nos & cognitione confusa, quod in omni alio syllogismo requiritur, sed & natura ac cognitione distincta; de qua utraque vid. cap. 23. lib. I.

V. Debent præmissæ esse *priores* conclusioni; non tantum quoad nos, quod in omni alio syllogismo locum tenet, sed & natura, tanquam causæ conclusionis: quod hic peculiare est, & in aliis syllogismis locum non habet.

[ 3. Omnis enunciatio, sive fuerit præmissa aliqua demonstrationis  $\tau\alpha$   $\delta\iota\omega\nu$  sive non, habet causam suæ veritatis extra

se, scilicet Dei voluntatem, quæ est causa omnis & entitatis & veritatis; præter quam enunciationes quædam causam veritatis habent intra se, hoc est, in ipso subiecto enunciationis causa aliqua est, ob quam prædicatum dicatur de subiecto & ei insit. Sic, verbi causi, hæc enunciatio, *homo est risibilis* causam suæ veritatis habet extra hominem, scilicet Dei voluntatem, quia voluit hominem esse risibilem; & intra hominem, scilicet animam rationalem, quæ in homine est causa risibilitatis: ideoque hæc enunciatio est mediata ex parte causæ, licet sit immediata ex parte subiecti. Sed hæc enunciatio *homo est rationalis*, causam quidem veritatis suæ extra se habet, puta voluntatem Dei qua decrevit ut homo esset rationalis, & non irrationalis; sed intra se veritatis suæ causam habet nullam, neque enim in homine causa est ulla cur sit rationalis; ideoque hæc enunciatio est immediata ex parte causæ, & tales debent esse præmissæ in demonstratione  $\alpha\theta$   $\delta\iota\omega\nu$ . ]

[ 4. Nihil impedit, quo minus præmissæ alicujus demonstrationis singularis demonstrentur alibi, id est, in aliis syllogismis demonstrativis: sed fieri nonquam debet, nec potest, ut in eadem demonstratione præmissæ demonstraturæ conclusionem ipsæ demonstrentur.

5. In omni syllogismo & semper præmissæ sunt causæ cognoscendi conclusionem; nam illa, ut ignota, inferitur ex præmissis,

his, tanquam notis: sed hoc peculiare est in syllogismo demonstrativo *ἐν δόξει*, ut præmissæ insuper sint causæ essendi conclusionis, hoc est, ut in præmissis contineatur causa cur prædicatum insit subiecto conclusionis.

6. Ex hisce quinque conditio-

nibus, duæ priores tantum requiruntur in maiore, non necessario in minore, demonstrationis *ἐν δόξει*: tres posteriores & in maiore & in minore exiguntur. Veritas horum omnium examinetur in exemplis cap. præced.

### Quæst. II. *Quanam proprietas sequitur ex his conditionibus?*

Ut principia sint *διεῖα τῶ δεικνυμένων*, id est, *proprietati rei quæ demonstratur*, hoc est, neque heterogenea, neque communia.

### Quæst. III. *Quanam dicuntur principia heterogenea?*

Quæ ex alia scientia petita sunt; veluti: si quis, ad probandas quæstiones physicas, adhibeat principia mathematica.

[1. Principia heterogenea latine dicuntur quæ sunt alterius generis, qualia adhiberi non debent in demonstrando; id est, quod vulgo dici solet, *non debet à demonstrante fieri transitus de genere in genus*; id est, in demonstranda conclusione physica, non debent adhiberi principia, aut media in principiis, petita ex mathesi, aut vice versa: sic in conclusionibus demonstrandis philosophicis, non debent adhiberi principia vel media petita ex theologia, aut vice versa; quando scilicet quæstiones philosophicæ demonstrandæ consent ex utroque termino philosophico, quæ quæstiones vocantur puræ: sed, si quæ-

siones fuerint mixtæ, ut alter terminus sit petitus ex philosophia, alter ex theologia, ex utraque possunt peti termini medi; ut in hac quæstione, *an Corpus Christi sit ubique?* Ideoque distinguendum hîc est accurate inter quæstiones seu conclusiones puras & mixtas: puræ vocantur, quarum terminus uterque, & subiectum & prædicatum, desumitur ex eadem disciplina, atque tum ex eadem peti debet terminus medius; mixtæ conclusiones seu quæstiones sunt, quarum terminus alter ex una disciplina desumitur, alter ex alia, ac tum medius terminus desumi potest ex hac vel illa disciplina, ut tamen non com-

mittatur transitus de genere in genus: sic, quando alicujus quæstionis terminus unus est philosophicus, alter theologicus, licet terminum medium petere vel ex philosophia, vel ex theologia. ]

[ 3. Nec hoc vitium committitur, quando in demonstrationibus scientiæ subalternatæ principia scientiæ subalternantis adhibentur; ut, si in demonstrationibus musicis adhibeantur principia arithmetica; quia musica & arithmetica non sunt diversi generis scientiæ, ideoque neque principia arithmeticæ sunt heterogenea musicæ. Vocantur vero scientiæ subalternatæ, non quæ sua principia & objectum accipiunt à superiori scientia ( sic enim physica & mathematica subalternarentur metaphysicæ, quod tamen falsum est; ) sed quæ eadem habent principia idemque objectum cum scientia superiori, atque in eo tantum differunt, quod scientia subalternata ad objectum materiale scientiæ subalternantis adjiciat accidens sensibile, manente tamen eodem objecto formali: sic, verbi causa, objectum materiale arithmeticæ est numerus, formale, quia numerus: musicæ objectum materiale etiam est numerus, sed sonorus, id est, spectatus cum accidente sensibili sono; formale objectum est quia numerus, non quia sonorus, nam musica docet numerare, addere, subtrahere, multiplicare, dividere sonos & tonos. ]

[ 3. ] Subalternatio locum tan-

tum habet in disciplinis mathematicis, quarum aliæ sunt puræ, aliæ mixtæ: puræ sunt arithmetica & geometria, quia objectum suum, numerum & magnitudinem abstrahunt ab omni materia sensibili, & pure ac nude considerant; mixtæ dicuntur quæ objectum suum spectant in materia sensibili, ut sunt astronomia, optica, musica, &c. quia considerant quidem numerum & magnitudinem, sed vel in cælis, vel in colore & luce, vel in sonis & tonis. Hoc autem notandum est accurate, esse subalternationem inter scientias superiores & inferiores; sed illas quæ habent idem objectum formale, eademque principia, & quæ hoc solo differunt, quod objectum materiale scientiæ inferioris & subalternatæ spectet aliquod accidens aut corpus in sensus incurrens, quod non spectatur à scientia superiori & subalternante: sic arithmetica numerum, geometria magnitudinem considerat, extra omnem materiam sensibilem, seu corpus fuerit seu accidens in sensus incurrens. Atque hinc clarum est, physicam & mathematicam non subalternari metaphysicæ, quia alia habent principia, alia objecta & distincta à principiis & objectis metaphysicæ: nam quæ sunt principia in Physica & mathematica, ea sunt conclusiones illatæ in metaphysicis; & objectum physicæ est corpus naturale, mathematicæ quantitas, tum discreta tum continua; objectum vero metaphy-

ta physica est ens reale, quod distinguitur à corpore naturali, & à quantitate. Sed scientia subalternans ac superior, & subalternata atque inferior, nec objectis nec principiis distinguuntur: ideoque principia scientiæ subalternantis, cum adhibentur in demonstrationibus scientiæ subalternatæ, non sunt ibi heterogenea, sed homogenea, neque in demonstrando committitur transitus de genere in genus. ]

4. Nota, objectum materiale dici rem consideratam, quæ potest esse pluribus disciplinis communis; ita agitur de homine in physica, ethica, medicina, theologia: objectum formale dicitur modus considerandi, qui est uni disciplinæ proprius (nisi una alteri subalternetur, ut hic musica arithmetica) sic alio modo hominem explicat physica, alio ethica, alio medicina, alio theologia.

#### Quæst. IV. *Quanam vocas communia?*

Quæ pluribus scientiis accommodari possunt.

1. *Principia communia* non debent adhiberi in demonstratione *in dióti*, quia non generant scientiam, quæ est demonstrationis effectum ac finis. Exhibentur vero illa in metaphysica, quæ est disciplina generalis.

(2. Metaphysica est generalissima omnium scientiarum, quod patet ex ejus objecto, scilicet ente

reali: ideoque habet etiam principia generalissima, & quæ intervenire possunt demonstrationibus, non tantum metaphysicis, sed & physicis & mathematicis; qualia sunt, *Idem non potest esse & non esse*: hæc vero distinctam perfectamq; scientiam non generant, quæ tamen in demonstrando spectatur atque expectatur. ]

#### Quæst. V. *Quomodo dividuntur principia?*

In axiomata & theses.

#### Quæst. VI. *Quid est axioma?*

Axioma est principium cujus veritas, cognita significatione vocabulorum, à nemine potest ignorari; ut *Nihil potest simul esse & non esse*: *Totum est majus sua parte*.

[1. Quæritur an hæc enunciatio, *Dens est*, sit axioma, id est, an ex soli significatione vocabuli (*Dens*) cognoscatur quid sit: metaphysici sic efferunt, an Deum esse, per se sit notum. Resp. nonnulli negant, ut Timplerus, Burgerfdicius, &c. in

Metaphysica: nos affirmamus; quia si quis explicet quid vocet hac *Dens* significetur, scilicet ens, quo nihil melius aut perfectius vel esse aut cogitari potest, is statim deprehendet in se hunc assensum, quo intelligat ac judicet tale ens dari: nam

nam si possit non dari, aut non esse, erit imperfectum, nam, non esse imperfectius est quam esse, adeoque si vox *Deus* omnem significet perfectionem, etiam significat existentiam, quia hæc omnium perfectionum est maxima; ergo non potest cognosci quid significet vox Dei, nisi simul cognoscatur illum esse: itaque hæc enunciatio, *Deus est*, est axiomata.]

3. Sic cognito, quid sit *totum*, quid *pars*, quid sit *esse majus*, cognoscitur totum esse majus sua parte.

3. Axiomata sunt principia communia, & eorum veritas hominum omnium animis dicitur esse innata, quia ut quis assensum illis præbeat, nulla requiritur aut demonstratio aut ratiocinatio, sed is impetratur ex sola vocum significatione accepta. Suntque hæc principia vel theoretica, vel practica: theoretica inveniuntur in Metaphysica, suntque communia Physicæ & Mathematicæ; practica inveniuntur in Ethica, suntque communia Politicæ & Oeconomicæ.

### Quæst. VII. Quid est thesis?

Thesis est principium, cujus veritas non ex sola vocabulorum significatione cognita, sed ex sensuum judicio, aut qualicunque declaratione innotescit.

1. Thesis ] sumitur 1. pro quaestione ad disputandum proposita: sic vocamus theses physicas, logicas, &c. 2. sumitur pro quaestione infinita in rhetoricis; 3. pro specie enunciationis immediatæ ex parte causæ, ut hic, cujus causa nulla datur intra ipsum subjectum, qua possit demonstrari ejus veritas.

scilicet præceptoris aut professoris.

3. Thesis significat propositionem immediatam ex parte causæ, non ex parte subjecti: si enim thesis significaret propositionem mediatam ex parte causæ, hoc est, ulterius demonstrabilem per causam, daretur progressus in infinitum; à quo natura abhorret, & qui omnem tollit scientiâ.

2. Qualicunque declaratione ]

### Quæst. VIII. Quotuplex est thesis?

Duplex; definitio, & hypothesis.

Thesis ] five sit hypothesis, five definitio, significat principium proprium huic aut illi scientiæ: Mathematicæ & Physicæ sua

habent principia propria, tum hypotheses, tum definitiones nominales.

### Quæst. IX. Quid est definitio?

Definitio est, qua quid res sit enunciamus; ut, *Corpus naturale est quod constat materia & forma; Natura est principium*

*ipsum & causa motus & quies ejus in quo est primo, per se, & non per accidens.*

Hic intelligimus definitionem præsertim nominalem, & interdum quoque realem.

**Quæst. X. Quid est hypothesis?**

*Qua, an res sit aut non sit, enunciamus ut, Esse animam, Deum, &c. A quolibet puncto ad quodlibet punctum duci posse rectam lineam.*

Cum demonstratio conformata est ad condiciones hoc & præcedente capite explicatas, non solum probat rem esse aut non esse, sed præterea explicat causam cur ita sit.

**CAPUT XXIV.**

**Quæst. I. Quotuplex est demonstratio τῷ ὄντι, sive quod res sit?**

**D**uplex; alia enim est ab effectu, alia à causa mota.

[1. Cum demonstratio & scientia dividuntur in demonstrationem & scientiam τῷ ὄντι ac τῷ δύναντι, ea est divisio non generis univoci in species æquales, sed vel æquivoci vel analogi in species inæquales, hoc est nomen scientiæ & demonstrationis magis convenit ac priori jure scientiæ & demonstrationi τῷ δύναντι quam τῷ ὄντι: quia scientia & demonstratio τῷ δύναντι longe est perfectior scientia & demonstratione τῷ ὄντι: quemadmodum ens quoque dividitur in Deum & creaturam, substantiam & accidens, tanquam in species inæquales, quia Deus potiori jure & magis ac perfectius est ens quam creatura, substantia quam accidens.]

[2. Proprie loquendo, nulum est genus æquivocum; quia

æquivocum dicitur philosophis & Aristoteli id quod pluribus convenit & tribuitur secundum nomen tantum, at genus significat non tantum communionem nominis, sed naturam: verum hæc communio naturæ genericæ in speciebus, non est unius modi, sed vel æqualis, vel inæqualis. Æqualis dicitur communio generis, cum omnes species ex æquo participant naturam ac nomen generis, sic ut nulla species alteri id acceptum referat; quemadmodum homo non debet bestię: quod sit animal, nec bestia homini, ideoque animal est, genus univocum. Inæqualis dicitur communio generis, cum species una alteri debet quod nomen ac naturam generis participet, & tale genus vocant analogum scholastici.]



ita accidens debet substantiæ, creatura Deo, quod nomen ac naturam entis, id est essentiam & existentiam participant: nam quod accidens sit ens debet substantiæ, quod creatura sit ens debet Deo. Atque tale genus est demonstratio respectu demonstrationis  $\tilde{n}$   $\tilde{o}$   $\tilde{n}$  &  $\tilde{o}$   $\tilde{n}$ , nam

demonstratio  $\tilde{n}$   $\tilde{o}$   $\tilde{n}$  in tantum est demonstratio in quantum participat condiciones aliquas demonstrationis  $\tilde{n}$   $\tilde{o}$   $\tilde{n}$ .

3. Scientia & demonstratio  $\tilde{n}$   $\tilde{o}$   $\tilde{n}$  est imperfectior quam  $\tilde{n}$   $\tilde{o}$   $\tilde{n}$ , quia in illa intellectus hominis non quiescit, in hac quam maxime.

### Quæst. II. Quam vocas demonstrationem ab effectu?

Quæ ex effectu sensibili causam colligit; veluti si quis solito serius experrectus videt parietes cubilis sui à sole collustrari, indeque colligit solem jamdudum ortum esse.

1. Exemplum demonstrationis ab effectu in forma syllogistica est hoc, *Quod illustrat parietes cubilis, illud est ortum: Sol illustrat parietes cubilis: Ergo, sol est ortus.*

quæstionis est effectus; ut si dixerem, *Quod est ortum illustrat parietes cubilis: Sol est ortus: Ergo sol illustrat parietes cubilis.*

[3. Non male dixit Ramus, omnia argumenta esse relata, id est, prædita mutua argumentandi, id est probandi, vi; sic causa arguit, id est probat, effectum, & effectum causam: atque ideo dicitur hic demonstratio ab effectu constare iisdem terminis quibus constat demonstratio  $\tilde{n}$   $\tilde{o}$   $\tilde{n}$ , in qua terminus medius est causa proxima, sed causa proxima, & effectum semper se mutuo arguunt, probant, imo ponunt ac tollunt.]

[2. Demonstratio ab effectu iisdem constat terminis quibus demonstratio  $\tilde{n}$   $\tilde{o}$   $\tilde{n}$ : sed hoc discriminis est, quod in demonstratione ab effectu, id quod demonstratur sit ipsa causa, quæ hic est prædicatum conclusionis, terminus medius sit effectus, per quem causam existere concluditur; at in demonstratione  $\tilde{n}$   $\tilde{o}$   $\tilde{n}$  terminus medius est causa, & id quod demonstratur, prædicatum

### Quæst. III. Quam vocas demonstrationem

à causa remota?

Quæ ex causa remota colligit effectum non esse; ut, *Planta non habent animam sensitivam: ergo non respirant.*

1. Exemplum syllogisticum demonstrationis à causa remota est, *Quicquid respirat habet animam sensitivam: Planta non habent*

*animam sensitivam: Ergo, non respirant.* Anima sensitiva est causa remota adspirationis, nam pulmones sunt causa proxima.

R Quæst.

Quæst. IV. Quid est discriminis inter hos duas species demonstrationis?

Demonstratio ab effectu potest esse affirmata & negativa, quia effectum cum causa proxima reciprocatur; eoque posito, causa proxima ponitur, & sublato, tollitur: at demonstratio à causa remota debet semper esse negativa. Cum enim causa remota latior est effectu, fit quidem ut ea sublata effectum tollatur; sed non ut ea posita effectum etiam ponatur. Recte colligitur, *Plantas non respirare, quia non habent animam sensitivam*: sed non sequitur, *Omnia animalia respirare, quia habent animam sensitivam*.

1. Bene dicit author, cum causa remota est latior effectu, demonstrationes à causa remota tantum esse negatas: sed vero, si causa remota sit adæquata effectui & æque lata, demonstratio à causa remota etiam potest fieri affirmate, ut in hoc exemplo; *Quæ habent animam vegetantem nutriuntur: Plantæ habent animam vegetantem: Ergo nutriuntur*. Hic terminus medius est causa remota; nam causa proxima nutritionis est facultas nutritrix: & tamen procedit syllogismus in prima figura affirmata;

quia causa hæc remota adequatur effectui, & cum eo reciprocatur; nam quicquid nutritur habet animam vegetantem, & contra.

2. Ut tum etiam ex causa remota colligatur effectum esse: nam, (quod à paucis notatur, & tamen verum est) causa remota vel latius patet effectu, nec cum illo reciprocatur, & tum ex illa inferitur effectum non esse; vel æque late patet quàm effectus, & cum eo reciprocatur, & tum ex illa inferitur quoque effectum esse.

CAPUT XXV.

Quæst. I. Atque hæc de syllogismo dialectico & apodictico. Quid est syllogismus sophisticus sive fallax?

**Q**ui ficta specia [vel apparentia] syllogismi dialectici errorem gignit.

1. Quia syllogismum sophisticum propositionibus constat falsis, etiam falsitatem gignit atque errorem; nam qualis causa, talis effectus: ergo syllogismus fallax non potest gignere nisi assen-

suum falsum, qui uno nomine vocatur error: nam quando accidit ut ex præmissis falsis inferatur conclusio vera, ut, *Omnis lapis est vivens: omnis homo est lapis: ergo, omnis homo est vivens*: fit

hoc

hoc per accidens. Ita hæc vera sunt: Ex veris non sequitur nisi verum, nunquam falsum, nec per se nec per accidens: Ex falsis non sequitur nisi falsum, scilicet per se; nam ex falsis etiam verum sequi potest per accidens.

[2. Cum in syllogismo spectetur & materia & forma, potest contingere fallacia vel ex parte materie, vel ex parte forme; hinc syllogismus sophisticus duplici modo est vitiosus: nam interdum forma non valet, quod judicandum est ex legibus, tum generalibus tum specialibus syllogismi; interdum vitium est in ipsa materia, ut syllogismi forma sit bona, & tali casu ex præmissis in materia falsis potest inferri conclusio vera, & quoad formam bona, cujus exemplum est in commentario: at nunquam fieri potest ut ex præmissis quoad materiam & formam bonis ac veris, inferatur conclusio falsa.]

[3. *Syllogismus sophisticus* una voce vocatur *sophisma*, latine *fallacia*: quod utrumque vocabulum nunc quidem in malam sumitur partem, pro syllogismo deceptorio; antiquitus tamen honoratum fuit. Dicitur vero syllogismus sophisticus, qui videtur esse bonus, cum tamen non sit; ideoque audientem vel legentem abducit in errorem: qua voce significatur iudicium vel assensus mentis, quo iudicat conclusionem aliquam esse veram quæ est falsa, aut falsum quæ est vera; quod iudicium aut qui assensus non potest

gigni nisi per propositiones falsas, vel ambas, vel alterutram; nunquam enim conclusio falsa est, aut iudicium de conclusione falsum, nisi aliqua sit falsitas in præmissis vel præmissa. Atque hæc spectatur falsitas non ratione forme, quæ ex legibus de syllogismo bono facile apprehendi potest, sed ratione materie, id est propositionum. Falsitas vero iudicii sive error circa conclusionem syllogismi sophistici, alio vocatur nomine ignorantia præve dispositionis, quia per eam intellectus hominis præve disponitur, ut non possit facile assentiri conclusioni veræ: atque hæc est, cum aliquis conclusionis termini intelliguntur bene, sed sub illis terminis bene intellectis errorem formatur iudicium de ipsius conclusionis veritate aut terminorum connexione. Ignorantia præve negationis dicitur, cum ipsi ignorantur termini sub quibus enunciatio aliqua proponitur circa quam erratur. Error notat iudicium sive assensum falsum, & opponitur iudicio seu assensui vero. Gignitur vero error vel per vel sine syllogismo. Sine syllogismo, quando quis iudicat aliquam enunciationem veram quæ est falsa, & contra; quia ipsos terminos simplices ignorat, vel quia a sensibus suis deceptus est, vel quia ei impositum est per testimonium fallax alterius: qui error est inculpabilis & invincibilis, si nec in se nec in causis suis præveniri aut præcaveri potuit. Sed alius est error qui per

syllogismum gignitur fallacem & fallentem, quando quis assentitur conclusioni falso, ut iudicet esse falsam quæ est vera, & vice versa, propter vitium aliquod syllogismi quod non deprehendit, & quod deprehendere debuit & potuit: culpabilis est hic error & vincibilis, estque effectum syllogismi sophistici.]

[ 4. Error dicitur invincibilis in se, quando in ipso errante nihil est quo vinci aut superari potuit; in causis suis, quando nulla datur aut intra aut extra errantem causa, per quam vinci aut superari potuit. Totidem modis dicitur error vincibilis. Ita vincibilis est error, quando aliquis ignorat hoc quod agit, per ignorantiam quam sibi ebrietate acquisivit; nam causa ignorantie, ipsa scilicet ebrietas, præaveri potest ab eo qui sibi ignorantiam tali modo acquisivit; ideoque dicitur hic error vincibilis in sua causa.]

[ 5. Ramus, & qui cum sequuntur, nulla tradunt præcepta de syllogismo sophistico, quia putant sufficere præcepta de syllogismo vero, & illis iudicari posse fallaciam syllogismi sophistici. Attamen ita potest syllogismus sophisticus institui, ut ejus fraus ex regulis & legibus veri syllogismi detegi nequeat; quare non videtur inconsultum quædam tradere præcepta de syllogismo fallaci, ejusque fallacis detegendis. An autem doctrina de syllogismo sophistico sit essentialis pars Logicæ, an acci-

dentalis, questio est absque grandi necessitate investita: neque enim multum refert utrumvis dixeris; id sufficit, quod non semper focus syllogismi sophistici ex regulis & legibus syllogismi veri dijudicari aut cognosci possit.]

6. Aliquis fortasse iudicet, non esse opus præceptis novis de syllogismo sophistico, quia eorum falsitas dijudicari possit ex præceptis de syllogismo vero. Respondeo, id fortasse fieri posse, cum sophisma directe impingit in leges syllogismi boni: verum quid si ementiatur speciem syllogismi boni, atque ita sit institutus, ut omni modo appareat bonus? certe tum opus est novis regulis, neque ex legibus syllogismi recti ejus falsitas facile deprehenderetur; quemadmodum aurum chymicum ita ementitur speciem veri auri, ut discerni ab eo nequeat, nisi regulis peculiaribus.

[ 7. Notandum est, syllogismum sophisticum ementiri tantum syllogismi dialectici speciem, non apodictici, quia veritas conclusionis in syllogismo apodictico tam est clara & evidens, ut non possit ita latere sub larva & apparentia syllogismi fallacis, quin falsitas statim appareat: at quia nec tam evidens nec tam firma est veritas conclusionis in syllogismo dialectico, quin possit ei subesse falsum, hinc fit ut facile aliquis focus & impostura latere possit in conclusione syllogismi topici.]

## CAPUT XXVI.

Quæst. I. Quotuplicia sunt sophismata?

**Duplicia; alia sunt in voce, alia in re.**

[1. Cum falsitas omnis sit infinita, male videntur syllogismi falsi reduci ad duas classes; ut alii sint in voce, alii in re. Respondeo, licet falsitas sit infinita, hoc est, infinitis modis abiri possit à vero, veritas enim simplex est & indivisibilis, à qua quicquid recedit falsum est, attamen regulæ certæ & præcepta definita tradi possunt, quibus deprehendantur varii modi in syllogismis falsis recedendi à vero; & hæ regulæ ad duas classes revocari possunt, ut quædam ostendant falsitatem syllogismorum ortam ex voce, alia ortam ex re.]

[2. Si dicendum est id quod res est, tot sunt genera sophismatum, quot sunt classes verorum syllogismorum: nam quot modis dicitur unum oppositum, tot modis dicitur & alte-

rum; sed sophisma & syllogismus verus sunt opposita; ergo quot modis dicitur syllogismus verus, tot modis quoque dicuntur sophismata; Atqui loci syllogismorum verorum plures sunt quam sex in voce, & septem in re. Ergo & loci sophismatum sunt plures quam sex in voce, & septem in re. Quid enim? ut syllogismus verus desumere potest terminum suum medium à genere, specie, toto, causa, subiecto, opposito, & ab omnibus affectionibus logicis, sive notionibus secundis; ita ab iis quoque omnibus desumi potest terminus medius, fallax in sophismare: ut cum sumitur pro termino medio genus, quod non est genus, subiectum, quod non est subiectum, oppositum, quod non est oppositum, &c.

Quæst. II. Quot sunt loci sophismatum eorum quæ in voce consistunt?

**Sex; homonymia, amphibolia, compositio, divisio, prosodia sive accentus, & figura dictionis.**

Multa ex his sophismatibus hendi iudicio naturali, absque cognosci possunt ex Grammatica arte aut præceptis Logicæ, aut Rhetorica, & multa depre-

Quæst. III. Quid est sophisma homonymia?

Quod oritur ex unius dictionis ambiguitate ut, *Finis rei est illius perfectio: Mors est finis vite: Ergo, mors est vite perfectio.*

1. Quid sit *homonymia* in voce, explicatum est cap. 26. l. 1. Illa ambiguitas potest esse vel in termino minore, vel in termino majore, vel in medio.

2. Omne *sophisma homonymiæ* inpiat in legem primam syl-

logismorum verorum: nam in eo sunt semper quatuor termini, licet tres tantum appareant; quia una vox, aliquem ex tribus terminis significans, hic semper habet significationes duas, ob homonymiam.

**Quæst. IV. Quomodo solvuntur hæc sophismata?**

Distinctione vocis ambiguae. Exempli gratia, in proposito *sophismate* vox *sui* in majore significat causam finalem; in minore extremum: [ideoque sunt 4. termini.]

**Quæst. V. Quid est *sophisma amphibolia*?**

Quod oritur ex ambiguo sensu orationis, cujus singulæ voces carent homonymia; ut, *Qui sunt domini sui, sunt sui juris: Servi sunt domini sui: Ergo, servi sunt sui juris.*

1. *Sophisma amphiboliæ* differt à *sophismate homonymiæ* tantum in eo, quod illud sit situm in ambiguitate totius sententiæ, hoc in ambiguitate unius vocis.

2. Male vulgo vocatur hoc

*sophisma amphibologiæ*, nam hæc vox non est græca: sed *ἀμφολογία* dicitur ab *ἀμφι* & *λόγος*, quia sensus orationis in medium quasi projicitur, ut gemino sensu ea capi valeat.

**Quæst. VI. Quomodo solvuntur hæc sophismata?**

Distinctione orationis ambiguae. Exempla gratia, voces *domini sui* sunt pluralis numeri in majore propositione prolata exempli; in minore sunt singularis numeri.

**Quæst. VII. Quid est *sophisma compositionis*?**

Quod oritur ex conjunctione eorum quæ dividenda sunt; ut, *Duo & tria sunt par & impar: Quinque sunt duo & tria: Ergo, quinque sunt par & impar.*

[1. *Sophisma compositionis* & divisionis frequenter oritur in enunciationibus habentibus modum possibile: ut possibile est ridentem flere, verum est in sensu diviso, falsum est in sensu composito; hoc est, possibile est ut

qui nunc ridet, alio ac diviso tempore fleat; sed non est possibile ut qui ridet, simul fleat, ut componentur simul risus & fletus, qui est sensus compositus: sic, possibile est sedentem stare, & verum est & falsum, pro diver-



diverso sensu, vel composito vel diviso.

[ 2. *Sophisma compositionis*, sed periculosum. oritur, cum in definitione *causæ liberæ* ea conjunguntur quæ sunt dividenda, vel vice versa : definitur illa, quæ, positis omnibus ad agendum requisitis, potest agere & non agere, vel agere hoc & illud ; ubi, si *comma* ponas post vocabulum potest, ut conjungas *potest agere & non agere*, ac sit sensus, *causa libera est*, quæ, positis omnibus ad agendum requisitis, potentiam habet agendi simul & non agendi, aut agendi hoc simul & illud, nihil est illa definitione & illo sensu falsus ; imo impossibile est, ut aliquis habeat talem potentiam, qua eodem tempore agat simul, & non agat, ambulet simul, & non ambulet, credat simul, & non credat : hanc tamen potentiam simultatis, id est, agendi simul & non agendi, in homine exigunt quidam, ut homo possit dici causa libera, & præditus arbitrio libero. At vero, si causæ liberæ definitionem & sensum hunc ponas, ut *comma* collocetur post agere, & non agere, atque componatur potentia non agendi cum *potest actu agere*, hoc modo, *Causa libera est*, quæ, positis omnibus ad agendum requisitis, potest agere, & non agere, agere hoc, & illud, nihil est illa definitione & sensu verius : nam non est impossibile, ut cum homo agit, & agit hoc, eodem tempore simul habeat in se potentiam aut non agendi, aut agendi aliud, quæ vulgo dicitur similitudo potentiarum : imo

hæc est ipsa rei veritas, quam unusquisque in se deprehendit ; neque enim actus loquendi aut ambulandi tollit à me potentiam non loquendi aut non ambulandi, vel loquendi aliud, aut ambulandi alio. Itaque optime dici solet, in nobis esse similitudinem potentiarum, id est, cum (verbi causa) ambulamus, simul esse in nobis potentiam non ambulandi ; & in hac similitudine potentiarum, vera libertas causæ liberæ & arbitrii liberi, ac tantum, sita est. Non ergo liberi sumus, quasi aut quia, omnibus ad agendum requisitis, verbi causa ad ambulandum & credendum, habemus adhuc in nobis talem potentiam, qua aut non ambulemus aut non credamus, qui vulgo dicitur sensus compositus ; sed liberi sumus, licet, omnibus ad agendum requisitis, necessario ambulemus aut credamus, ac non possimus non ambulare aut credere, quia volentes & ambulamus & credimus (neque enim ad ambulandum aut credendum cogimur contra voluntatis nostræ inclinationem, instar stipitum, quin & ambulamus & credimus ex prævia ratione) & quia cum ambulamus aut credimus, simul habemus potentiam qua possumus non ambulare aut non credere, non quidem eo tempore quo credimus aut ambulamus, sed alio, qui est sensus divisus. At in causa necessaria, cum illa agit, omnibus ad agendum requisitis, ut cum ignis urit, non tantum non est potentia similitudinis, id est, qua ignis,

R ♦ cum



cum urit, simul non urat. quod est impossibile, sed ne est quidem simultas potentiz, id est, ignis, cum urit, ne habet quidem simul in se potentiam aliquam qua possit non urere aut aliam actionem quam urendi exercere, etiam tempore alio aut ullo; neque urit quia vult, aut iudicat esse urendum; atque ideo, quia potentiam non urendi aut aliud operan-

di nullum habet, ne quidem in sensu diviso libere agere dici ullo modo potest; sic sol nunquam habuit, nec habet, cum movetur ab oriente in occidentem, potentiam aut non movendi, aut movendi in contrarium: quæ observasse occasione hujus sophismatis, magni fuerit in gravissimis controversiis usus.]

### Quæst. VIII. Quid est. sophisma divisionis?

Quod oritur ex divisione eorum quæ conjungenda sunt: ut, *Planeta sunt septem: Sol & luna sunt planeta: Ergo, sol & luna sunt septem.*

1. Vox *planetae* sumitur collective, quando sumitur pro omnibus simul in maiore; distributive, quando sumitur pro quibusdam tantum in minore.

[2. Particula *omnis* dicitur sumi collective, quando prædicatum non potest dici de subiecto, particula *omnis* remota, & subiecti divisione instituta; uti hic, *70 septem* non potest dici de planetis, particula *omnis* remota, & planetarum divisione instituta; neque enim verum est, *sol & luna sunt septem*. Sumitur distributive, quando prædicatum dici potest de subiecto, particula *omnis* remota, & subiecti divisione instituta, vel in genera singulorum, vel in singula generum, vel in species, vel in individua: ut, cum dico, *omnis homo est animal*, sumitur vox *omnis* distributive in singula generum, nam licet de omnibus individuis dicere, *Petrus, Paulus, &c. est animal*; at, cum

dico, *Christus mortuus est pro omnibus hominibus*, aut, *omnes homines salvati sunt per Christum*, sumitur vox *omnis* distributive in genera singulorum, nam non omnes homines singulares in individuo sunt salvati per Christum, sed omnia genera hominum, id est, sive Judæi, sive Gentiles, sive pauperes, sive divites, sive principes, sive subditi: & sic debet intelligi cum Apost. inquit, *Deus vult omnes homines salvos fieri*: & cum Christus dicitur curasse omnem morbum, intelligitur omne genus morbi.]

[3. Bene observanda est distinctio vocis *omnis*, quando sumitur vel collective, vel distributive, & quando sumitur distributive in genera singulorum, vel singula generum, nam inde dependet decisio multarum quæstionum, tum in philosophia, tum in theologia, imo hinc tota quæstio de gratiæ & mortis Christi universalitate decidi

decidi potest : nam quæ loca cantur de singulis generum, ex-  
Scripturæ habentia notam uni- plicanda sunt de generibus sin-  
versalitatibus ab adversariis expli- gularum.]

Quæst. IX. *Quomodo solvuntur hæc sophismata ?*

Distinctione diversorum sensuum, quos habet oratio  
pro diversa partium compositione aut divisione. Exem-  
pli gratia, in priori exemplo, duo & tria sumuntur divi-  
sim in majore, in minore conjunctim. In altero exemplo  
sumitur vox *planeta* collective in majore propositione, in  
minore distributive.

Quæst. X. *Quid est sophisma prosodia ?*

In quo eodem modo pronunciantur, quæ scribuntur  
diversimode ; aut pronunciantur diversimode, quæ scri-  
buntur eodem modo : ut, *Omnis equus est bestia : Omnis  
justus est equus : Ergo, omnis justus est bestia.* Similiter, si  
quis confundat *leporem* cum *lepore*, *amare* cum *amare*, *ma-  
lum* cum *malum*.

Quæst. XI. *Quomodo solvuntur hæc sophismata ?*

Cum ostenditur, aut eodem modo pronunciarum quæ  
scribuntur diversimode ; aut pronunciarum diversimode  
quæ scribuntur eodem modo.

Quæst. XII. *Quid est sophisma figura dictionis ?*

In quo ex dictionum similitudine colligitur, eadem iis  
accidentia aut etiam significationem convenire. Ut, si  
quis ita colligat, *Poeta* esse *foemini* generis, quia *nota*  
est *foemini* generis ; aut, *ardere*, *vapulare*, esse actiones,  
quia *docere*, *verberare*, sunt actiones.

Hæc duo sophismata ex sola Grammatica & Rhetorica bene co-  
gnitis solvi possunt.

Quæst. XIII. *Quomodo solvuntur hæc sophismata ?*

Ostensa diversitate accidentium aut significationis in  
vocibus similibus. Nam, licet *poeta* & *nota* terminatione  
conveniant, non tamen sequitur ut ejusdem generis  
sint : non sequitur etiam *verberare* & *vapulare* esse ambo  
significationis activæ, quamvis sint voces terminatione  
simillimæ vocibus activis.

## CAPUT XXVII.

Quæst. I. Quot sunt loci sophismatum eorum quæ in rebus sunt?

Septem; accidens, dictum simpliciter & dictum secundum quid, ignoratio elenchi, consequens, petitio ejus quod in questione est, [vulgo petitio principis] non causa pro causa, & plures interrogationes.

Quæst. II. Quid est sophisma accidentis?

Cum colligitur, subjecto convenire quicquid dicitur de prædicato: ut, *Homo est species: Socrates est homo: Ergo Socrates est species. Mus rodit panem: Mus est syllaba: Ergo syllaba rodit panem.*

1. *Sophisma accidentis* oritur ex eo, quod vox aliqua nunc sumatur formaliter, pro eo quod significat; nunc materialiter, prout est terminus logicus, grammaticus, aut rhetoricus: quemadmodum exempla docent in autore posita; ubi vox *homo* semel sumitur pro exemplo termini logici, scilicet pro specie, quæ subijcitur animali, generi, & semel pro sua significatione, in quantum significat animal rationale; & vox *mus* semel sumi-

tur ut significat illud animalculi, semel ut est dictio monosyllaba.

2. Voces dicuntur sumi formaliter, cum sumuntur pro rebus significatis, & materialiter, cum sumuntur pro literis & syllabis ex quibus constant: sic *Rex* sumitur formaliter, cum accipitur pro eo qui supra alios est constitutus: materialiter, cum dicitur esse monosyllabum. Quando hæc duæ acceptiones vocum in syllogismo confunduntur, oritur sophisma accidentis.

Quæst. III. Quomodo solvuntur hujusmodi sophismata?

Cum ostenditur, id quod de subjecto colligitur per accidens de prædicato dici, ut in priori exemplo fit, aut ipsum prædicatum per accidens dici de subjecto suo, ut fit in exemplo posteriori. Exempli gratia quamvis *Socrates* sit *homo*; & *homo* sit *species*; non tamen sequitur, ut *Socrates* sit *species*: quia speciem esse dicitur de homine per accidens. Similiter, quamvis *mus* sit *syllaba* & *mus* rodit *panem*; non tamen sequitur, ut *syllaba* rodit *panem*: quia syllabam esse convenit mure per accidens, ac ratione nominis, non ratione essentiae.

Quæst.

## Quæst. IV. Quid est sophisma à dicto simpliciter?

Cum ex eo quod verum est simpliciter, colligitur aliquid verum esse secundum quid: ut, *Dextera non est abscindenda; ergo ne tum quidem abscindenda est, cum eum invasis gangrana: Homo est mortalis; ergo & anima hominis mortalis est.*

## Quæst. V. Quid est sophisma à dicto secundum quid?

Cum ex eo quod secundum quid verum est, colligitur aliquid simpliciter verum esse: ut, *Vinum nocet febricitanti; ergo vinum est noxium, ideoque fugiendum: Homerus est poeta; ergo Homerus est.*

[ 1. Quemadmodum aliud est adjunctum absolutum, aliud limitatum, ex cap. 19. lib. 1. ita non licet adjunctum limitatum dicere de subiecto absolute, aut vice versa, nisi committendo hoc sophisma: ideoque hoc utrumque sophisma fundatur in doctrina de adjuncto absoluto & limitato. Nam quotiescunque, exera sacras literas, adjunctum limitatum enunciatur de subiecto absolute, vel vice versa, toties committitur alterutrum horum sophismatum: in sacris literis cum sit, quæ omnis fallacia atque erroris sunt expertes, est locutio figurata ac synecdochica, qua per synecdochen partis tribuitur toti quod est partis; nam quod com-

petit parti quæ parti, id recte tribuitur toti, & enunciatur de eo secundum istam partem.

[ 2. Non omnia quæ tribuntur parti, & de ea enunciantur tribui possunt toti, aut de eo enunciari. Ita tribui potest oculo & de eo enunciari, quod sit rotundus; atqui hoc nec tribui potest & homini, ac de eo enunciari: at videre, & oculo tribui potest & homini, ac de eo enunciari, quia videre convenit oculo, parti hominis, in quantum pars est ejus; sed esse rotundum convenit oculo non in quantum est pars hominis, oculus etiam homini exemptus, & non amplius ejus pars, est rotundus, sed non videt. ]

## Quæst. VI. Quomodo solvuntur hæc sophismata?

Offenso discrimine ejus quod simpliciter, & quod secundum quid dicitur.

## Quæst. VII. Quid est sophisma ab ignorantia elenchi?

Cum conclusio videtur contradicere assentioni respondentis

dentis, sed non contradicit, propter conditionem aliquam contradictionis omissam: ut, si quis probaturus, *Christum non esse dominum Davidis*, concluderet, *Christum esse filium Davidis*, peccaret ignoratione elenchi, quia dominum & filium esse non tribuuntur Christo secundum idem; nam dominus Davidis est secundum divinam, filius secundum humanam naturam.

Hoc sophisma vocatur *ignoratio elenchi*, quod tum committitur, quando ignoratur quid debeat thesi adversarii nostri opponi: nam elenchus significat proprium argumentum, quo opponens utitur ad frangendam thesin respondentis, debetque semper esse talis syllogismus, cujus conclusio è diametro contrarietur ipsi thesi

impugnandæ; ut si thesis sit, *Logica est ars*, conclusio syllogismi primi opponentis debet esse, ergo, *Logica non est ars*, & tum dicitur facere bonum elenchum: si vero aliud concludat quam quod directe adversatur thesi quam oppugnat, dicitur committere ignorationem elenchi.

### Quæst. VIII. Quomodo solvantur hæc sophismata?

Ostendendo quænam conditio contradictionis omissa sit, [aut quomodo conclusio non adversetur thesi impugnandæ, vel propositioni negatæ.]

### Quæst. IX. Quid est fallacia consequentis?

Cum aliqua enuntiatio, [id est, conclusionis, scilicet conclusio,] ex altera colligitur, ex qua non sequitur.

*Fallacia consequentis* non constituit peculiare genus sophismatis, quia est communis omni syl-

logismo vitioso: nam in omni sophismate colligitur conclusio ex præmissis ex quibus non sequitur.

### Quæst. X. Quot modis contingit illud?

Quatuor modis. Primo, cum universalis affirmans convertitur simpliciter; ut si quis, quia *omnis adulator blandus est*, putet *omnem blandum esse adulatorem*. Secundo, cum ex universali affirmante colligitur universalis negans; ut, *quicquid genitum est habet principium*, ergo, *quod non est genitum, non habet principium*. Tertio, cum minor est negans in prima figura, aut, quod eodem redit, cum ex remotione antecedentis colligitur remotio consequentis. Quarto, cum utra-

que

que præmissarum affirmans est in secunda figura; aut, quod eodem redit, cum ex positione consequentis colligitur positio antecedentis.

Quæst. XI. *Ejusmodi paralogismi non videntur esse sophismata, quia aperte peccant in regulas.*

Ita est: sed sophistæ solent vitium formæ occultare, aut alterius præmissæ suppressione, ut, *Crispus est blandus ergo est adulator*; vel ambagibus verborum, ut, *Qui dicit te esse animal, dicit verum: Atqui qui dicit te esse asinum, dicit te esse animal: Ergo qui dicit te esse asinum, dicit verum.* Hæc enim argumentatio perinde se habet, ac si sic strueretur *Asinus est animal; Tu es animal; Ergo tu es asinus*: quæ est argumentatio ex duabus affirmantibus in secunda figura.

Quæst. XII. *Quomodo solvuntur hæc sophismata?*

Citata regula in quam peccat illatio sophistica.

Quæst. XIII. *Quid est sophisma petitionis ejus quod ab initio in quaestione est?*

Cum aliquid probatur per se ipsum, aut per aliquid quod æque ignotum est: ut, si quis prober, *Animam humanam esse ex traduce, quia generatur ex semine parentum*; aut, *Visionem fieri emissionem, quia non fit receptione.*

1. Vocatur hoc sophisma *petitio principii*, quia id adfertur in probationem, & probatio id petit, quod in principio erat controversum. Hoc vitium frequentissime committitur, cum terminus medius non differt à partibus quaestionis, nisi verbis tantum; quod fit, cum terminus medius nihil significat diversum à predicato quaestionis.

2. Quia terminus medius primo omnium disponi solet cum termino majore, recte dicitur probatio in syllogismo initium petere à medio, & recte hoc sophisma dicitur *petitio principii*, quando in conclusione nihil infertur diversum à termino medio; tunc enim reditur ad id quod in initio aut in principio erat positum.

Quæst. XIV. *Quomodo solvuntur sophismata hujus loci?*

Ostendendo medium non esse diversum à quaestione, aut saltem non esse notius quaestione.

Quæst.



Quæst. XV. Quid est sophisma non-causa pro causa?

In quo id quod causa non est, ut causa per accidens, pro causa vera ac per se obtruditur: ut, *Vinum inebriat; ergo exterminandum est ex republica.*

Nulla hic quoque ratio est, non generis pro genere, non cur peculiare genus sophismatis adjuncti pro adjuncto, non oppositae sophisma non-causæ pro sua pro opposito, &c. causa, non magis quam sophisma

Quæst. XVI. Quomodo solvuntur sophismata hujus loci?

Designatione veræ causæ à qua effectus per se dependet. Exempli gratia, in sophismate prolato neganda est consequentia; quia vinum non est veræ causa ebrietatis, sed hominum intemperantia vino abutentium.

Quæst. XVII. Quid est sophisma plurium interrogationum?

Cum duæ pluresve interrogationes ita proponuntur, ut unius speciem præ se ferant; veluti si quis quærat, *Esne mundum perfectus & æternus?*

Quæst. XVIII. Quomodo solvuntur hujusmodi sophismata?

Distinctione quætionum, & responsione ad singula seorsim applicata. Exempli gratia, ad interrogationem jam propositam, non debet responderi, *Ita*, aut *Non*, sed *mundum perfectum esse, non æternum.*

## CAPUT XXVIII.

Quæst. I. Atque hac de syllogismo. Quid est methodus?

**M**ethodus est apta dispositio rerum, [scilicet cognoscendarum] eodem pertinentium, ut quam optime facillimeque intelligantur, & memoriæ quam tenacissime inhæreant.

[1. *Methodus*] & ordo Zabarellæ aliisque philosophis solent distinguere, ut ordo significet nudam rerum dispositionem, methodus rei unius ex alia no-

tificationem; sed hoc discrimen neque Aristotelis nititur auctoritate, neque ratione solida; nam voces Græcæ, *μεθόδος* id est ordo, & *μυθός*, promiscue usur-



inscrantur : & gratis dicitur, quod vox methodus semper significet notificationem unius rei ex alia ; hoc enim ipsa vox non infert, quæ componitur ex *μ* & *θ*, significatque simpliciter transitum à termino à quo ad terminum ad quem, atqui non semper terminus à quo notificat terminum ad quem.]

2. *Dispositio*] id est oratio quæ apte disponuntur res eodem pertinentes. Oratio intelligitur vel interna, vel externa; potissimum tamen interna.

3. Quia methodus instrumentum est cognoscendi, sub hoc tantum respectu res disponit, quatenus sunt *cognoscenda* : ideoque respicit proprie disciplinas, artes, scientias, ubi res quæ cognoscenda veniunt suis præceptis, definitionibus, divisionibus, canonibus, disponuntur : atque hinc methodus præceptorum in disciplinis vulgo vocatur methodus didascalica sive doctrinæ, quia ejus beneficio res in disciplinis propositæ docentur ac discuntur.

4. *Methodus* dicitur *dispositio apta rerum*, quatenus congruit naturæ rerum, id est, cum is servatur ordo in rebus explicandis ac cognoscendis qui à Deo, omnis ordinis auctore, in ipsa rerum natura est constitutus ; seu, cum illa priori loco explicantur ac cognoscuntur, quæ prius à Deo sunt facta.

5. Uti tota Logica est expressio ordinis quem Deus instituit in rerum convenientia ac discrepantia, ita speciatim hunc ordinem exprimit quartum hoc

cognoscendi instrumentum, *methodus* : atque hoc videre est in methodo Physicæ, ubi post partem generalem expositam, illa corpora naturalia suo ordine speciatim explicantur, quæ primum à Deo fuerunt condita ; ut ordo Physicæ sit expressio ordinis quem Deus servavit in creando.

6. Finis methodi est, non tantum ut intellectus juvetur in cognitione rerum, sed præsertim ut memoria subsidium accipiat in rebus cognitis diu retinendis.

7. Cum definitio, divisio, & syllogismus, hunc tantum usum habeant. ut intellectum dirigant in cognitionem rerum ; methodus, quæ idem facit, hoc insuper habet, ut memoriam juvet in rerum cognitarum recordationem, tum sensitivam tum intellectualem.

8. *Res eodem pertinentes*] dicuntur, quæ pertinent ad eandem disciplinam : tales sunt quæ pertinent ad idem subiectum sive objectum, vel quæ pertinent ad eundem finem.

[9. Res pertinent ad idem subiectum vel objectum in scientiis strictis dictis triplici modo : vel ut principia aut etiam partes subiecti ; vel ut affectiones ejus ; vel ut ejus species. Sic verbi causa ad corpus naturale, objectum Physicæ, consequenter ad ipsam Physicam, pertinent materia, forma, & privatio, tanquam principia, & priora duo insuper tanquam partes corporis naturalis ; magnitudo, locus, motus, tempus, pertinent ad corpus

corpus naturale tanquam affectiones ejus; cælum, elementa, metæora, mineralia, mixta, animata, plantæ, bruta, homines, pertinent ad corpus naturale tanquam species ejus. Res pertinent ad eundem finem in artibus & prudentiis, quæ sunt media conducentia ad alicujus artis vel prudentiæ finem obtinendum: ita verbi causa ad Grammaticam pertinent omnia quæ faciunt ad bene loquendum, tanquam Grammaticæ finem; ad Ethicam pertinent omnia quæ faciunt ad beate vivendum in hac vita, tanquam finem Ethicæ.]

[10. Ex verbis liquet quo modo ad Physicam pertineat anima rationalis, quæ quidem non est species corporis naturalis, neque ejus affectio demonstranda, sed tamen ejus pars, aut principium, cum corpus naturale accipitur ut totum compositum constans materia & forma; est enim forma, consequenter causa, & pars essentialis ac principium hominis, qui est corporis naturalis accepti ut compositi species: sed si corpus naturale sumatur pro parte hominis, materia ejus in quantum homo constat corpore tanquam materia, & anima rationali tanquam forma, non est ejus species; sed sic non sumitur corpus naturale ut est objectum Physicæ, & homo ut est ejus species.]

11. Ad idem subjectum sive objectum pertinent res cognoscendæ, cum sunt necessaria: ad eundem finem, cum

sunt contingentes. Res necessaria disponuntur in disciplinis theoreticis; res contingentes in practicis.

[12. Quamvis eadem sit res in scientiis & subjectum & objectum, tamen diversos dicunt respectus duo ista vocabula: nam objectum dicitur in ordine ad operationem, subjectum in ordine ad existentiam. Verbi causa, corpus naturale dicitur objectum Physicæ, in quantum circa illud versatur Physica explicando, suis præceptis, definitione, divisione, & canonibus; idem dicitur subjectum respectu quantitatis, motus, loci, temporis, aliarumque affectionum in eo existentium, & de eo demonstrandum.]

[13. Nota, hanc vocem practicis hîc sumi late, ut comprehendit non tantum prudentias, quæ sunt disciplinæ practicæ sensu stricto, prout praxis significat actionem moralem, & contradistinguitur *nothos* sive actioni artificiali; sed hîc quoque intelliguntur artes, & sic vox *nothos* significat tum quantumque actionem, non tantum moralem, sed & artificialem, & *nothos* non excludit, sed includit: quo sensu Grammatica & Logica etiam dicuntur disciplinæ practicæ.]

[14. Res necessaria vocantur, vel ipse Deus, vel quæ sunt immediate à Deo, ut quæ creantur, vel quæ sunt à natura per certas causas operante, ut quæ generantur; sic ut illas facere vel non facere, non sit concessum

sunt potestati humanæ: quales sunt res physicae, mathematicae, metaphysicae: nemo enim hominum potestatem habet producendi cælum, elementa, metæora, mineralia, plantas, bruta: nullasve res physicas; nemo potestatem habet quantitatem suam augendi; multo minus animam rationalem aut angelos efficiendi. Res contingentes vocantur, quæ ab homine pro arbitrio suo produci possunt: ita potest producere syllogismum, facere definitionem, componere orationem, eamque ornare tropis & figuris; potest liberalitatem exercere, unicuique suum tribuere, fortiter agere, familiam administrare, rempublicam regere, leges servare, vel iis obsequi, & alias res similes facere. Res contingentes vocantur hu-

manæ, sicuti res necessariae dicuntur divina: illæ sunt objectum Philosophiæ theoreticæ, hæ sunt objectum philosophiæ practicæ & poeticæ, illæ scientiarum, hæ prudentiarum & artium.]

[ 15. Quando res contingentes dicuntur produci posse pro arbitrio hominis, id non sic accipiendum est, ac si excluderetur Dei influxus aut concursus; nihil minus; nam is intime includitur, non tantum in omni hominis actione, sed cujuscunque creaturæ: sed vocantur hic res contingentes, quæ sic fiunt à Deo, ut homo cooperetur; & vocantur res necessariae, quæ ita fiunt à Deo, ut homo nihil conferat ad illarum productionem, hoc est, ut non sit solum in ejus potestate aut arbitrio, res illas vel efficere vel non efficere.

### Quæst. II. Quidnam requiritur ad eam rem?

Ut præmittantur quæ faciunt ad cognitionem sequentium, aut saltem quæ cæteris facilius intelliguntur.

[ 1. Aliquid dicitur *facere ad cognitionem sequentium*, vel quia medium est, ex quo inferri debet id quod est ignotum; ita principia faciunt ad cognitionem principiatorum: vel quia aliquid tale est, ut sine eo aliud cognosci nequeat; ita sine animali nequit cognosci equus, sine genere, species; ideoque genus ad cognitionem facit speciei, & omne universale ad cognitionem particularium ac singularium: ideoque universalia & prius & facilius cognoscuntur quam singularia, quia illa à pau-

cioribus differentiis abstrahuntur quam hæc; nam singularia includunt omnes differentias quæ includuntur in universalibus, & adhuc insuper proprias: ita species, verbi causa homo, includit differentias omnes animalis, ut generis proximi, & insuper viventis, mixti, corporis, substantiæ, ut generum remotorum; individuum, verbi causa Petrus, includit & speciei, scilicet hominis, differentiam, scilicet rationalitatem, & peculiares differentias omnium superiorum generum, atq; insuper propriam,

priam, quæ est Petrus, & non Paulus.]

[ 2. Quæstio de ordine intelligendi, an universalia prius intelligantur quam singularia, sic satis est intricata. Distinguendum hæc est inter cognitionem confusam, quæ est sensuum, & distinctam, quæ est rationis: singularia prius cognoscuntur cog-

nitione confusa, quia sensibus sunt viciniora; & universalia prius cognoscuntur cognitione distincta, quia hæc sequitur ordinem naturæ; at naturæ ordine universalia sunt priora singularibus, ergo quoque cognoscuntur prius cognitione distincta quam singularia.]

### Quæst. III. Quomodo dividitur methodus?

In naturalem, & arbitrariam.

### Quæst. IV. Quam vocas naturalem?

In qua servatur ordo naturæ, & cognitionis nostræ distinctæ.

[ 1. Ordo naturæ ] dicitur quem Deus tenuit in omnium rerum creatione, atque etiamnum servat in earundem conservatione, & insuper, quem res creatæ servant inter se mutuò: omnia enim ut certo ordine ac sapienter à Deo sunt creata, ita eodem ordine conservantur, consistunt, atque agunt. Quia vero disciplinæ, sive sint scientiæ, sive artes, sive prudentiæ, nihil sunt aliud quam rerum cognoscendarum expressiones per præcepta definitionum, divisionum, canonum, debet talis servari ordo in illis tradendis, qualem in natura atque in hoc universo tenent: nam nihil debet esse in typo nisi quod est in antitypo; atqui disciplinæ sunt typus rerum cognoscendarum, ipsæ res sunt antitypus, & res debent esse mensura cognitionis nostræ, non vero cognitio nostra debet esse mensura rerum; ideoque talis ordo debet servari in cognos-

cendo, & in disciplinis, qualis rerum ordo est in existendo. & in natura. Per naturam proprie quidem intelligitur essentia ejusque rei creatæ, & vis illa innata, qua creaturæ omnes id quod sibi bonum est appetunt, & quantum possunt acquirunt; improprie tamen dicitur interdum de Deo, ac significat essentiam ipsius ac vim quandam, non innatam (nam Deus non nascitur) sed æternam, qua ab æterno id quod bonum est non quidem sibi, [nam Deus à nullo perfici potest] sed aliis appetit, & in tempore exsequitur. Natura priori modo sumpta dicitur naturata, posteriori modo naturans.]

[ 2. Quando hæc dicitur, quod Deus bonum ab æterno appetit aliis, videntur alia ab æterno coexistisse Deo, quod tamen falsum est: sed vero hoc illa phrasis non significat, nam sensus ejus hæc est, quod ille appet-

ditus quidem ab æterno sit in Deo quo appetit aliis bonum, sed bonum in tempore conferendum, quando illa alia exstiterint: quem admodum illa creando jam bonitatem suam exerit, ac multo magis ea postquam sunt creata conservando, & cum illis cooperando.]

[3. Ordo naturæ duplex est, prout ipsa est natura: hæc enim spectatur vel ut intendens aliquid, vel ut id quod erat intentum exsequens, sive producens, sive generans. Natura dum aliquid intendit ordinem servat, sed plane alium quam est is quem servat dum intentum exsequitur ac generat: imo hi duo ordines naturæ intendentis & generantis plane sunt contrarii; nam quod primum est secundum ordinem naturæ intendentis, postremum est secundum ordinem naturæ generantis: ita, verbi causa, natura primum intendit finem, tum media; contra, primum exsequitur, producit, ac quasi generat media, postea demum assequitur finem: sic primum intendit totum, postea partes; contra, primum producit partes, postea totum: sic primum intendit effecta, postea causas; contra, primum producit causas, postea effecta. Arque hic est ordo naturæ tum naturantis, ipsius Dei, qui quod primum intendit postremum exsequitur, tum naturæ naturatæ, quæ vicem Dei in inferioribus gerit, & est vis naturalis uniuscujusque naturæ, qua bonum naturæ suæ intendit atque exsequitur. Jam vero methodus na-

turalis est, in qua servatur ordo utriusque naturæ, tum intendentis tum generantis. Ordo naturæ intendentis incipit à fine, & desinit in media: ordo naturæ generantis incipit à mediis, & desinit in finem.

[4. Methodus naturæ intendentis servatur in cognoscendis rebus contingentibus, & disponendis artibus, ac disciplinis practicis, sive prudentiis, sive artibus.]

[5. Methodus naturæ generantis servatur in tractandis rebus necessariis, & disponendis disciplinis theoreticis.]

6. *Ordo cognitionis nostræ distinctæ*] est idem cum ordine naturæ, quia tum demum distincte cognoscimus res, quando eas cognoscimus isthoc ordine quo Deus & natura eas & intendunt & produxerunt.

[7. Cum Deus aliquid dicitur primum intendere, & postremum intendere, illud primum & postremum intelligendum est non ratione Dei, in quo non est prius aut posterius; nam æternitas, quæ Deo competit, omne prius aut posterius excludit: sed hoc intelligendum est ratione nostri intellectus, qui ea quæ in Deo sunt simul, uno conceptu concipere nequit, quia imperfectus est in intelligendo & finitus, sed quæ in Deo sunt simplicissima in duo dirimit momenta, & duobus distinctis instantibus intelligit; quæ ideo à philosophis vocantur momenta & instantia rationis aut naturæ, juxta quæ intellectus humanus multa distinguit, & di-

finis conceptibus apprehendit, quæ tamen in se ac natura sua, ac præsertim in Deo, sunt indistincta. ]

[ 8. Vulgo quidem nos sic de Deo loquimur, ut dicamus eum primo intendere finem, deinde media: non quod hi actus intendendi finem & intendendi media sint in Deo distincti, & distinctis momentis exerantur unus post alium, Deus enim simul & semel, uno actu & istu, æterno atque interno, suæ voluntatis, decrevit & finem, & media omnia suo tempore ad finis acquisitionem executioni mandanda; sed quia nos homines duobus diversis actibus distinctisque momentis intendimus & finem & media, hinc fit ut similiter ista in Deo dicamus, quæ tamen ab eo sunt simplicissime; neque nos aliter de Deo philosophari possumus, propter naturam finitam & imperfectionem nostri intellectus: & quæ nos sic distinguimus nostro intellectu de Deo in diversa momenta, quæ tamen uno instanti indivisibili fiunt, ea vocantur vel momenta naturæ, vel instantia rationis. ]

[ 9. Ut totus hîc commentarius feliciter intelligatur, duo sunt tenenda accurate: primo, quid per naturam intelligatur; secundo, quomodo ei adscribatur duplex ordo, intentionis & executionis. 1. Natura proprie tantum competit rei productæ, sive per generationem sive per creationem, descendit enim à nascendo; quo sensu Deo tribui nequit, quia hiæ nunquam na-

scitur, nec enim creatur, accipitur: quia tamen omnis naturæ in rebus creatis est auctor, vulgo dicitur natura naturans, & creatura dicitur natura naturata. Improperie natura, significat essentiam cujuscunque rei, seu creatæ seu increatæ, quia per eam unaquæque res est id quod est, & ab aliis rebus distinguitur hoc sensu Deo tribuitur natura, & he agunt de natura Dei in locis communibus theologi. 2. Ultrique naturæ, & naturanti & naturatæ competit operari, & neutra operatur nisi quod intendit sed hoc discriminis est, quod natura naturans, scilicet Deus, licet diversis temporibus diversa operetur & exsequatur, omnia tamen uno & indivisibili atque æterno actu suæ voluntatis operari & exsequi intendit at natura naturata, ut diversis temporibus diversa operatur & exsequitur, ita diversis actibus temporisque vicibus operari atque exsequi intendit. Hîc vero observandum est, intentionem naturæ naturatæ esse geminam: unam quæ proficiscitur à voluntate, sequiturque rationem, & competit soli homini, qui intendit quod vult, & vult quod ratio præscribit; alteram, quæ proficiscitur ab inclinatione naturali, aliis præter hominem creaturis ratione destitutis indita, quæ intendunt operari & exsequi id ad quod naturali instinctu feruntur, & sic omnia intendunt id quod suæ naturæ est conveniens ac bonum, quia unumquodque ad id naturali propensione inclinatur; ideoque,



que, cum natura naturata producit monstra, dicitur agere preter intentionem. Porro, ordo quidem est in utraque natura, naturante & naturata, secundum quem & intendit & exsequitur; unde aliquid dicitur primum, secundum, tertium, &c. atque ultimum, tum intentione tum executione. Interim, quando aliquid primum aut posterum tribuitur Deo in intentione sua, id non fit ratione Dei, quasi in ipso sint diversi actus intendendi seu decernendi, nam in Deo nihil est prius & posterius, sed & finem, & media omnia ad finem obtinendum necessaria, intendit uno atque individuo æternoque actu; sed hoc fit ratione nostri intellectus & conceptus: quia enim nos non possumus uno simplicique conceptu intelligere quæ Deus uno simplicique actu intendit, hinc fit ut, licet Deus simul & finem & media decernat, tamen nos concipiamus eum tanquam decernentem primo finem, secundo media; quia hoc divinæ sapientiæ maxime congruit; sic, quamvis & salutem Petri vitamque æternam, tanquam finem, & fidem & perseverantiam in fide ac bonis operibus, tanquam media, simul intenderit, nos tamen eum concipiamus quasi prius intendisse salutem ut finem, & deinde fidem ut medium. Et hinc liquet, quam male quidam asserant, Deum eligisse hominem ad salutem ex fide aut operibus prævisis; sic enim conciperetur prius intendisse media

quam finem, quod, non tantum divinæ ejus sapientiæ repugnat, sed omni sanæ rationi adversatur. Quando aliquid creatura intendit, ibi in ipsa intentione locum habet prius & posterius; nam revera homo prius intendit finem uno actu suæ voluntatis, & media alio actu suæ voluntatis; ita & natura irrationalis prius intendit ex naturali inclinatione totum ut finem, deinde partes ut media: quando autem vel Deus vel creatura exsequitur id quod intenderunt, ordo executionis plane contrarius est ordini intentionis, hoc est, quæcunque Deus à nobis concipitur prius intendisse, ea posterius exsequitur, aut concipitur exsequi, & quæ concipitur intendisse posterius, ea prius exsequitur, aut concipitur exsequi; sic prius dat fidem Petro, & perseverantiam in fide, quam vitam æternam, & tamen prius intentione concipitur velle dare vitam æternam Petro, quam concipitur velle dare fidem; & quæcunque creatura prius intendit, seu ex voluntate seu ex inclinatione naturali, ea posterius quoque exsequitur; sic in generatione prius producit partes, posterius totum, cum tamen prius intenderit totum, posterius partes; sic studiosus prius studet quam eruditionem adipiscitur, cum tamen prius intenderit eruditionem ut finem, posterius studia ut media.]

co. *Distincta* cognitio dicitur, quia cognoscuntur omne id quod de re cognosci potest; itaque hæc exhaurit totam rem



cognoscendam, omnesque ejus partes manifestat, & conformis est ipsi rerum ordini: hinc, quæ sunt priora in naturæ ordine, prius debent cognosci, ut habeantur cognitio distincta; sic universalis, si modo cognoscantur pri-

us quam singularia, partes quam totum, causæ quam effecta, habebitur singulare, totius, & effecti distincta cognitio, nam tum exprimitur ipse ordo quem ipse Deus & natura servarunt.

**Quæst. V. Quot sunt in naturali methodo observanda?**  
Duo potissimum.

**Quæst. VI. Quanam?**

Primo, ut omnes partes sint homogeneæ, hoc est, ut non commisceantur quæ ad diversas disciplinas aut ad diversas ejusdem disciplinæ partes pertinent. Secundo, ut progressus instituatur ab universalibus ad particulariora, utque partes aptis transitionum vinculis connectantur.

[ 1. Ut. omne instrumentum cognoscendi jam explicatum suas habet leges, juxta quas confici debet, ita & methodus suas: fuerunt leges definiendi, dividendi, argumentandi; sequuntur nunc leges ordinandi. Hæ quidem leges tres sunt; lex *homogeniæ*, lex universalitatis, & lex transitionis. Lex *homogeniæ* est vel integrarum disciplinarum, vel variarum in una disciplina partium: utrobique intelligenda est de præceptis definitionum, divisionum, canonum, non vero de commentariis aut explanationibus, ubi illa locum non tenet. Homogenia latine significat id quod pertinet ad idem genus; lex ergo homogeniæ jubet, ut quæ sunt ejusdem generis in disciplinis integris, ea in singulis tradantur; sunt autem ejusdem generis in disciplinis integris vel quæ pertinent ad idem subje-

ctum, ut in scientiis, vel quæ pertinent ad eundem finem, ut in prudentiis & artibus lex ergo homogeniæ jubet, in Physica tradi omnia ea præcepta quæ pertinent ad corpus naturale, removeri quæ isthuc non pertinent; eadem jubet in Ethicis illa præcepta tradi quæ pertinent ad summi boni, tanquam finis ultimi, acquisitionem, in Grammaticis item jubet illa tradi præcepta quæ pertinent ad bene loquendum, finem ejus. Lex homogeniæ in singulis disciplinarum partibus jubet illa tradi præcepta quæ singulis partibus debentur, hoc est, vult in genere tradi quæ pertinent ad generalem disciplinæ alicujus partem, species vero & affectiones speciales tradi jubet in speciali parte disciplinæ. Hinc liquet quod in mathematicis non debeant tradi præcepta ethica, nec contra; præterea, quæ per-

pertinent (in physicis verbi causa) ad doctrinam de corporibus non viventibus, non debeant tradi in doctrina corporum viventium, nec vice versa.]

3. Lex universalitatis habet quoque locum vel in integris disciplinis ordinandis, vel in disponendis singularum disciplinarum partibus: utrobique mandatur, ut universalia præcedant & disponantur ante particularia & specialia: Verbi causa, in Physica primum agitur de corpore in genere, tanquam aliquo universalis, cum de corporibus particularibus, ut de cælo, elementis, sunt enim hæc omnia species corporum naturalium: & in singulis speciebus explicandis in parte speciali, prius agit de cælo quam de ullo alio corpore, quia cælum est universalissimum omnium corporum in specie sumptorum.

3. Quia universalis facilius distinctam cognitionem particularium, ideo in methodo naturali proceditur ab universalibus ad particularia; est enim distincta cognitio methodi naturalis finis.

4. Lex transitionis facile intelligitur, modo hoc observetur, eam non in totis disciplinis, sed in singulis disciplinarum partibus tantum habere locum: estque Transitiō alia perfecta, alia imperfecta. Perfecta est, quando repetitur quod est dictum, & proponitur dicendum, atque ita antecedentia & consequentia tanquam vinculo quodam inter sese colliguntur ac connectuntur; cuius formula est hæc aut similis, *Atque hætenus de hisce actum: sequitur ut agamus de aliis, &c.* Imperfecta, est, cum aut tantum repetitur quod est dictum, aut proponitur tantum quod est dicendum.

### Quæst. VII. Quomodo dividitur methodus naturalis?

In syntheticam, & analyticam.

[1. Divisio *naturalis methodi in syntheticam & analyticam* est divisio generis in species, contra quam putavit Ramus, qui methodum sic dividi posse negavit, atque unam asseruit methodum ubique servandam. Quod si sic intellexit, ut in omni methodo servari debeat processus ab universalibus ad singularia, ferri potest, sic enim unica est methodus, hoc enim observatur & in methodo synthetica & analytica; sed si sic scaserit, methodum esse uni-

cam quæ non posset dispesci in has species duas, syntheticam & analyticam, erravit, & sic refutari potest. Quotuplex est naturæ ordo, rotuplex est methodus naturalis: Sed naturæ ordo est duplex, & quidem specie distinctus: Ergo, &c. Ratio majoris est, quia methodus naturalis servat & exprimit ordinem naturæ; & probari potest hoc syllogismo: Totuplex est typus, quotuplex est antitypus, quia sunt relata, quæ sibi invicem respondent: Sed naturalis metho-

methodus est typus, ordo naturæ antitypus: ergo totuplex est naturæ methodus, quotuplex est ordo naturæ. Minor sic probatur. Ubi duo ordines sunt sibi invicem contrarii, ibi est duplex ordo specie distinctus: Sed in ordine naturæ sunt duo ordines sibi invicem contrarii: Ergo, &c. Ratio majoris est, quia contraria sunt semper species oppositæ ejusdem generis, ex ipsa contrariorum definitione. Minor probatur. Ubi duorum ordinum unus habet pro termino à quo, qui est alterius terminus ad quem, & vice versa, ibi sunt duo ordines, sibi invicem contrarii: Sed in ordine naturæ sunt duo ordines, quorum unus habet pro termino à quo, qui est alterius terminus ad quem, & vice versa: Ergo, &c. Probatur iterum minor. Si terminus à quo in ordine naturæ intendens sit terminus ad quem in ordine generantis, & vice versa, ergo in ordine naturæ sunt duo ordines, quorum unus habet pro termino à quo, qui est alterius terminus ad quem, & vice versa: Sed verum prius: Ergo & posterius. Probatur minor. Terminus à quo in ordine naturæ intendens est finis, quia natura inten-

dens incipit à fine; terminus ad quem sunt media quibus ad finem pervenitur quem natura intendens intendit: contra, terminus à quo in ordine naturæ generantis sunt media, quia à mediis natura generans incipit in rerum productione; terminus ad quem est finis, quia natura generans per media ad finem tendit: Ergo terminus à quo in uno ordine naturæ, puta intendētis, est terminus ad quem in altero ordine naturæ, puta generantis, & vice versa; quod erat demonstrandum. ]

2. Methodus potest dici unica vel genere, vel specie. Si Ramus voluit methodum esse genere unicum, hoc est, unum genus methodi, quatenus omnis methodus servat processum à generalibus ad specialia, à facilioribus ad difficiliora, à notioribus ad ignotiora, nihil verius dici potest: sed si voluerit unam methodum esse, unam speciem methodi, ut eadem methodo speciali tradantur omnes disciplinæ, serveturque idem processus agendi particularis in scientiis qui tenetur in artibus & praeclariis, nihil falsius dici potest: quod patet ex argumentis primo commentario positis atque expofitis. ]

### Quæst. VIII. Quid est methodus synthetica?

Quæ progreditur à principiis simplicissimis ad ea quæ ex illis principiis componuntur.

1. *Methodus synthetica*, latine compositiva, sequitur ordinem naturæ generantis; quæ aliquid

productura initium facit à principiis simplicissimis ut perveniat ad ea quæ ex illis componuntur.

Quæst.

Quæst. IX. *Ubi habet hac methodus locum?*

In disciplinis speculativis, physica, mathematica & metaphysica.

Quæst. X. *Quid est methodus analytica?*

Quæ factò initio à fine, progreditur ad media proxima, & ab his ad remotiora, donec ventum est ad prima ac simplicissima.

1. *Methodus analytica*, latine *resolutive*, sequitur ordinem naturæ intendentis; quæ semper primum intendit finem, inde cogitat de mediis quibus finis obtineri possit.

2. *Finis* quasi compositum quid est ex mediis; quare *media* dicuntur principia. & *finis* prin-

ciatum; media dicuntur simplicissima & partes, finis compositum & totum: & sane eruditio est quasi aliquid compositum ex multis studiis tanquam mediis; sanitas, finis ægri, est tanquam aliquid compositum ex multis remediis tanquam mediis.

Quæst. XI. *Ubi habet hac methodus locum?*

In artibus & disciplinis practicis; ut in grammatica, rhetorica, logica, medicina, architectonica; item in ethica, politica, & œconomica.

1. Quod in methodo synthetica fiat initium à principiis ad ea quæ ex principiis producantur ac constant, patet ex Physica, quæ orditur à materia, forma & privatione, corporum naturalium principiis; inde transit ad affectiones, quantitatem, locum, motum, tempus, quæ ab illis principiis proficiuntur; denique ad cœlum, elementa, mixta, viventia, cœteraque corpora naturalia transgreditur, quæ ex illis principiis componuntur. Quod in methodo analytica fiat initium à fine, atque inde transeat ad media quibus finis obtinetur, patet ex Ethica, quæ orditur à summo bono, fine ultimo; transit ad media explicanda, scilicet virtutes, quibus summum bonum, finis ultimus, acquiritur.

2. Methodus synthetica & analytica tam sunt diversæ, ut nunquam ars aut prudentia possit aut debeat tradi methodo synthetica, aut scientia methodo analytica; qui enim alterutrum faciunt, illi ordinem naturæ invertunt. Notandum vero est accuratè, non posse disciplinam aliquam integram methodo synthetica tradendam, tradi analytica, aut vice versa: at hoc fieri potest, ut in tota disciplina, quæ integra tradatur methodo synthetica, partes aliquæ ejus tractentur methodo analytica, & vice versa, ut in disciplina quæ tota & integra tradatur methodo analytica, aliquæ ejus partes tractentur methodo synthetica. sic Grammatica integra tradenda est methodo analytica, ejus tamen partes

partes traduntur methodo synthetica; nam initium fit à principiis simplicissimis, atque transitur ad illa quæ ex illis principiis componuntur: verbi causa, agitur primum de literis, ex quibus componuntur syllabæ, tum de syllabis, ex quibus componuntur dictiones, tum de dictionibus, ex quibus componuntur orationes. Contra in Physica, quæ tota traditur methodo synthetica, pars aliqua traditur methodo analytica, nempe, quæ agit de anima; ibi enim primum agitur de vita tanquam

fine, antequam de generatione ac nutritione, tanquam mediis ad vitam obtinendam necessariis, agatur.

[ 3. Vox illa *prædictis* in textu Burgerisdic. hic sumitur stricte, prout praxis opponitur *theoreticis*, & constituit prudentiam distinctam ab arte: alioquin, cum sumitur late, practicum significat non tantum operationem moralem, quæ est prudentiæ, sed & artificialem, quæ est artis; adeoque significat operationem quamcumque, ut ante & sæpius fuit dictum. ]

Quæst. XII. *Quid est methodus arbitraria?*

Quæ relicto ordine naturæ, accommodata est ad caput nostrum.

Quæst. XIII. *Ubi habet hæc methodus locum?*

In oratoria & poesi. Oratoribus enim & poetis propositum est auditorem lectoremve movere. Ad eam rem opus est crypsi, quæ potissimum consistit in omissione, additione, & inversione. Omitti solent quæ nocitura videntur dicenti, aut tardium paritura auditoribus, etiamsi ad causam videantur pertinere. Tum multa addenda sunt, quæ ad causam magnopere non faciunt, ut auditorem lectoremve reficiant ac detineant. Omnia denique miro artificio invertenda sunt, ne ars ab auditore animi adversa suspecta sit, & assensum impediat.

1. Methodus naturalis usurpari debet in rebus conscribendis, & discendis; res enim debent doceri & disci eo ordine quo sunt in natura: at vero quando scopus est movere, existitia afficere, vel gaudium aut alio affectu, *methodus arbitraria* adhibenda est, quæ crypsi utitur, id est occultatione artis & ordinis naturæ; atque hæc valet illud,

*Summa artis est occultare artem.*

2. *Methodus arbitraria* est triplex: vel deficiens, cum omituntur addenda; vel redundans, cum adduntur superflua; vel inversa, cum ea quæ priori loco erant tractanda, tractantur posteriori, & contra: atque hæc tria in orationibus & poetis aliquid pertractantibus licet repetire.

PRAXIS.

# PRAXIS LOGICA,

Ad seriem & ordinem

## SYNOPSIS

BURGERSDICIANÆ Instituta,

Et ex variis Authoribus congesta,

PER

ADRIANUM HEEREBOORD.

**V**era *Logica Praxis* duabus absolvitur partibus, *Genesis* & *Analyfis*.

II. *Genesis* definiri potest, modus utendi instrumentis logicis, quo nosmet discursum aliquem de themate aliquo formamus ac producimus,

III. *Analyfis* est modus utendi instrumentis logicis, quo discursum, ab alio aut à nobis formatum ac productum, resolvimus in sua principia, ex quibus formatus est atq; productus. Utroq; modo versatur intellectus noster in rebus cognoscendis & utrobique *Logicae* directione eget

IV. Quodcumq; verò utrovis modo intellectui cognoscendum proponi potest, unica voce *Thema* dici consuevit.

Utile fuerit, ad praxin *Logicam* feliciter exercendam, rem tractandam reducere ad seriem suam, tum disciplinarem tum prædicamentalem, id est, scire ad quam disciplinam aut disciplinæ partem, & ad quam categoriam aut categoricæ classem res pertineat. Pro priori utile fuerit cognoscere divisionem *ἐπιστημονικὴν*, id est, omnium facultatum ac disciplinarum, ac præsertim philosophiæ ejusque partium, an verbi causa res pertineat ad ethicam, an ad physi-

cam, & ad quam alterutrius partem, &c. pro posteriori sciendum est accurate, quænam res pertineant ad prædicamenta directe, quænam indirecte; & quæ directe pertinent ad ea, an subordinate, an coordinate isthuc pertineant. Quamvis autem 10. vulgo assignentur prædicamenta pro classibus rerum cognoscendarum, tamen non videntur tot esse necessaria, quia sex posteriora nullas continent res, sed tantum modos rerum, vel in fiendo, vel in existendo, vel



vel in agendo; modus autem omnis dicit respectum ac relationem ad rem modificatam: ideoque uti omnes relationes, ita & hæc commode referri possunt ad prædicamentum relationum, modo & hoc ipsum nomen prædicamenti mereatur: nam relationes sunt tam debilis entitatis, ut dici vix aut non possint entia realia, simplicia, per se una, universalia, completa, quæ tamen sunt conditiones ejus quod directe in prædicamento ponitur. Itaque si debeat omne ens, & quidem reale, esse vel substantia vel accidens, aut quatuor tantum erunt prædicamenta priora, aut tria priora, aut, quod omnium est verisimillimum, tantum duo, substantia & qualitas; nam quantitas vix quoque entis realis nomen meretur. Possunt quidem, verbi causa in mensa, hæc quatuor à mente distingui; lignum, quod est substantia; color, qui est qualitas; longitudo, latitudo & crassities, quæ est quantitas; & relatio figuræ quadratæ ad ipsam mensam quadratam: sed ut omnia ista quatuor

sint entia realia, vix est credibile. Relationes, autem non sunt; & an quantitas ipsa ac figura ejus ens debeat dici reale, jure merito quis dubitet. Quæ indirecte pertinent ad prædicamentum, illuc referuntur, 1. fundamentaliter, ut *individua*, Petrus, hic albor; 2. analogice, ut Deus, item *transcendentia*, ens, unum; 3. collateraliter, ut *differentiæ*, rationalitas & irrationalitas; 4. reductivè, ut entia *concreta*, justus, aggregata & *collectiva*, ut respublica, exercitus, &c. partes, ut manus, caput, &c. 5. per accidens; 1. ut entia *complexa*, homo est justus; 2. entia *intentionalia*, ut species intelligibiles & sensibiles, & colores apparentes; 3. *notiones secundæ*, ut Zodiacus, genus, tropus; 4. *relationes rationis*, ut dextrum & sinistrum in columna; 5. *privationes*, u cæcitas, &c. 6. *ficta* possibilia ut mons aureus, & regia solis, &c. Ab omni categoria excluduntur, & directæ & indirectæ, ficta, impossibilia, & ambigua sive æquivoca. ante vocum ac rerum distinctionem,

V. Ut quis themata quælibet seu *genericè* seu *analytice* feliciter pertractet, sex primum exercitiis præliminariis animum suum præparet.

1. Primum exercitium erit in reductione rerum ad suos ordines & classes prædicamentales; ut quærenti cuicumque ad quod prædicamentum res cognoscenda seu thema pertineat, sciet Logicæ præceps studiosus apte & ex tempore respondere: Cui inserviunt tabulæ prædicamentales à Keckermanno aliisque confectæ, & lib. 1. *Synops. Burgerfeld. cap. 3. 4. 5. 6. 7. 8. 9.*
2. Secundum exercitium præliminare fit, in dignoscendis thematum notionibus secundis, aut respectibus & locis topicis, id est ut quærenti quem respectum topicum, totius an partis, cause an effecti,



essenti, subjecti an adjuncti, generis an speciei, an alterius, res habeat cognoscenda, exercendus sciat satisfacere; seu ut rerum gradus, affectiones logicas, & notiones secundas, ex rebus in ordine & classe prædicamentali dispositis erutas, bene discernere norit, qualis affectio & relatio aut respectus sit in themate proposito, an generis, an speciei, an totius, an partis, &c. istæ generales affectiones enumerantur in *Synopsi Burgersdiciana* hoc ordine; *Prædicabilia, Totum & Pars, Causa & Causatum, Subjectum & Adjunctum, Convenientia, diversitas, Oppositio, & Ordo*. Quibus dignoscendis inservit *lib. 1. à cap. 10. ad 23. inclusive*, ut loquuntur.

3. Tertium exercitium esto in dignoscendis rerum nominibus, atque interpretatione simplici, sed præsertim composita, quæ vulgo *enunciatio*, ab aliis *axioma* dicitur: cujus species, simplicem & compositam, & affectiones, universalitatem & particularitatem, infinitatem & singularitatem, veritatem & falsitatem, necessitatem & contingentiam, affirmationem & negationem, conversionem & oppositionem, exercendus recte intelligat, ac bene discernat: & præsertim bene respondere sciat, quem respectum topicum, seu quam affectionem mutuam, seu relationem logicam habeant subjectum & prædicatum in enunciatione proposta, an se habeant ut causa & effectum, an ut genus & species, &c. Huic negotio inserviunt *cap. 24, 25. &c. lib. 1. Synops. Log. ad finem*.
4. Quartum exercitium erit in extruendis rerum definitionibus variis, tum perfectis tum imperfectis, & extructis in suas partes resolvendis; ut sciat exercendus & genus accurate ponere, & differentiam ex suo loco promere, inspiciendo seriem prædicamentorum, & percurrendo notiones secundas; ut norit rem quamlibet, è vestigio definire, & definitionis cujuscunque partes rite discernere, & unde sint desumptæ, judicare. Huc faciunt *lib. 2. in Synops. Burgersd. cap. 1, 2, 3, & 4*.
5. Quintum exercitium erit in instituendis variarum rerum divisionibus, ita unam eandemque rem exercendus sciat & essentialiter & accidentaliter, seu per se & per accidens, in partes, tum universales, tum singulares, tum essentielles, tum formales, tum integrantes, dividere, & divisiones quasunque dignoscere atque examinare juxta leges divisionis tradi solitas. Huic facit *cap. 5. lib. 2. Synops. Burgersd.*
6. Sextum exercitium præliminare erit, in conficiendis variis & quibuslibet cujuscunque figuræ aut modi syllogismis, ut logicæ praxeos studiosus sciat respondere de propositi syllogismi partibus, figuræ, modo, verumque à sophistico discernere ex legibus syllogismorum & fallaciarum doctrina norit; præsertim ut dicere possit, ex quo loco inventionis, seu ex qua affectione logica & notione secunda desumptus sit medius terminus, an à parte

parte prædicati an à parte subiecti, & quam relationem ad utrumque dicat, an necessario concludat an contingenter; & si ipse syllogismos faciat, siue factos resolvat, quam habitudinem, causæ, effecti, generis, speciei, oppositi, convenientiæ, &c. habeat terminus medius ad utramque partem quæstionis, subiectum & prædicatum conclusionis. Conducunt ad hanc rem cap. 6. &c. ad *Synops. Bangersd. ultimum usque lib. 2. exclusive*. Et hæc quidem sunt exercitia logicæ praxeos studioso in antecessum præmittenda; quibus si animam mentemque præparaverit, in triplici intellectus operatione, longe facilius, expeditior, jucundior erit qualibet *Themata per genesin & analysin* cognoscendi ratio.

VI. *Thema* dividi solet in *simplex* & *complexum*. Primum considerabimus *Genesin* *thematis simplicis*, postea *complexi*.

VII. *Tractatio* *genetica* *thematis simplicis* continet *ὀνομασολογίαν* & *πραγμασολογίαν*, id est, vel spectat ea quæ ad *nomen* pertinent, vel ea quæ *rem* ipsam concernunt.

VIII. *Tractatio* *genetica*, quæ versatur circa *nomen* *thematis simplicis*, generales habet canones, in omni & quolibet *themate simplici* observandos.

IX. *Tractatio* *genetica*, quæ versatur circa *rem* ipsam, speciales habet canones pro diversitate *thematum simplicium* quæ pertractanda veniunt.

X. *Canones generales*, in quovis *themate simplici* *genetice* pertractando quoad *nomen*, sunt hi.

1. *Thema simplex* unica voce, si fieri potest, proponatur: & si in ea forte lingua in qua tractatio instituitur, *thema* non habeat unam aliquam vocem seu appellationem, ad aliam linguam confugiendum est inter doctos usitatam; ut si agendum sit de *naturali parentum amore erga liberos*, pro 5. istis vocibus Latinis commodius una vox substituitur Græca, *στοργή*.
2. Si vox sit composita, resolvi debet in simplices: ut si agendum sit de *philosophia*, est seorsim excutienda vox Græca utraque, *σοφία* & *φιλο*.
3. Ubi vox inventa fuerit, consideretur an sit abstracta, an concreta.
4. Si vox fuerit derivata, adhibenda est ejus originatio seu etymologia.
5. Si vox sit ambigua, resolvendæ & enumerandæ sunt ejus variz significationes: si una eademq; vox aliter in alia disciplina accipitur, colligantur significationes juxta ordinem disciplinarum.
6. Denique subjungenda sunt vocabula æquipollentia, vulgo synonyma,

nyma, quæ vel in eadem lingua vel in linguis aliis principalibus (quales sunt Latina, Græca, Hebræa,) sunt usitata; & addi possunt vocabula ex aliarum gentium linguis petita, præsertim si res de quibus agimus apud illas ortæ sunt, vel magis usitatæ.

XI. Hi sunt canones circa *nomen* thematis simplicis observandi.

XII. Post nomen thematis simplicis explicatum, ad rem ipsam deveniatur: de qua statim videndum *an sit*; quod liquebit statim si ad certam rerum classem aut prædicamentum reducere possis. Si enim thema simplex tractandum neq; directe neq; indirecte ad ullam categoriam pertineat, ac nusquam in ordine prædicamentali existat, habebitur pro non ente, & tractatio ejus cum ipsa nominis consideratione finietur; si vero in aliquo rerum ordine ac prædicamēto reperiatur, à quæstione *an sit* ad quæstionē *quid sit* transeūdū est, ac tota thematis natura exponēda.

XIII. Hic pro varietate thematum simplicium non uno procedendum est modo. Est igitur tractatio genetica thematis simplicis vel *perfecti* vel *imperfecti*. *Perfectum* thema est, quod in classe rerum categorica, seu in prædicamentis *directe* collocatur; *imperfectum* quod *indirecte*. Quod *directe* in prædicamentis collocatur, debet esse ens reale, quod revera ponitur atque invenitur in rerum natura, verum, perfectum, unum, universale, ac distincta voce (non ambigua) significatum. Cui aliqua ex hisce conditionibus dēest, illud *indirecte* in categoriis ponitur, Utrumque vel *substantiale* est vel *accidentale*.

XIV. Ut thema simplex *perfectum substantiale* pertractetur methodo genetica, ita procedendum est: post *nomen*, & quæstionem *an sit* inquirendum est

1. Genus proximum, & simul differentia; quæ sponte sese exhibent in tabulis prædicamentilibus diligenti inquisitori.
2. Ubi genus & differentia inventa fuerint, per se *definitis* extrui potest ac debet; plus enim non requiritur. Interim, si in definitione haberi non possit genuina substantiæ differentia, quæ sapissime nos later, ejus loco assumi potest proprium quarto modo, quod immediate substantiæ essentiam sequitur: ut, cum ignis designatur elementum calidissimum, siccissimum, levissimum.

3. *Collata ex genere & differentia, definitione thematis, jam forma ejus & materia* (si habeant, ut habet eas substantiæ corporeæ) inquirendæ sunt, ac distincte considerandæ. Sed in spiritibus, invento genere, ac differentia, de materia formæque quas non habent, cogitandum non est, sed ad accidentia propria transgrediendum.
4. Post materiam formamque consideratas, examinari oportet *materiæ partes integrales*, præsertim principales; in corporibus tamen homogeneis materiam per partes explicare non est necessarium.
5. Hinc accedendum est ad *causas externas, efficientem & finem*.
6. Tum *accidentia propria*, veluti effectus à forma fluentes, totique compositi o inhaerentes, enumerare oportet; etiam alia *accidentia effectusque*: in quibus tamen enumerandis, si magna satis eorum fuerit multitudo, aliqua observanda est methodus; quod fiet, si in certos ordines redigantur.
7. Addatur tum *divisio substantiæ varia, & instituta ex accidentibus primariis*, ex partibus integralibus manifestam distinctionem inferentibus, ex propriis effectusque, ac, si thema fuerit genus, præsertim enumerentur species: ubi hoc notandum, interdum thema prius esse dividendum per accidentia quam per species; veluti si quis naturam animalis explicare velit, prius erit divisio in marem & sæminam instituenda, quam in hominem & bestiam.
8. Postremo subjici oportet, quæ sint *convenientia ac cognata*, quæ sint *diversa ac pugnantia* substantiæ.

XV Hi sunt canones *speciales* in themate simplici substantiali perfecto observandi: de quibus duo referam monita, diligentissime attendenda. Primo, probe tenendum est & attendendum, nihil eorum adferatur in tractatione speciei, quod debet tribui generi aut ad naturam generis spectat: hoc volo, ne causæ, effecta, proprietates cognata aut opposita tribuantur speciei, quæ tribui debet generi. Secundo, observandum est & hoc, Si quod forte themati assignandum est aut genus aut tale quid de quo non constat inter omnes an sit, probandum est illud themati convenire; ut, si de Logica differas probandum fuerit artem esse Logicæ genus. Hoc exemplum non quadrat, quia est accidentale.

XVI De tractatione generica thematis perfecti *accidentalis*, canones speciales hi sunt.

1. Post institutam juxta canones generales accuratam *voeis* consideratione-

- derationem, factoque examine an sit revera, an vero ens fictum, jam de genere, si ens sit, serio cogitandum.
2. Genere posito accidentis, sive absoluti sive relati, proximo statim *subiectum* ejus inquiratur & si *accidens* fuerit commune, ad suum primum & adæquatum *subiectum* debet reduci.
  3. Si thema propositum fuerit relatio, cum relatio versetur inter duo extrema, quorum unum dicitur relatum, alterum correlatum, ideo utrumque est considerandum.
  4. Post *subiectum* accidentium cogitetur de *objecto*, circa quod accidens est occupatum. *Objecti* autem consideratio potissimum locum habet in qualitatibus, & actionibus, quæ etiam ex accidentibus potissimum tractari solent: in quantitate, passionibus, & relatione, *objectum* considerare nihil est necesse.
  5. Post considerationem *objecti*, investigandæ sunt *causæ efficientes principales*, & remota & proxima, potissimum vero proxima: in relatione vero, *causæ proximæ* vicem locumque tenet fundamentum. Si aliæ etiam fuerint *causæ accidentis absoluti*, minus *principales* atque *instrumentales*, apponi possunt.
  6. Post efficientem causam assignetur *finis*, qui potissimum dominatur in qualitate & affectione: in relationibus vero *causæ finalis* vicem tenet terminus, qui inquirendus est, & in medium proferendus.
  7. Ex hisce omnibus, *genere, subiecto, objecto, efficiente, fine*, jam inventis, componatur *definitio* accidentis, pro cujusque, sive absoluti, sive relati, natura. Ubi unum est notandum: omnes hosce terminos in omnium accidentium definitione non esse simul combinandos in una definitione: sed ut accidentia sunt diversa, ita diversæ etiam ratio est definiendi ea: omnis tamen accidentium definitio hosce jam dictos terminos includit, si non omnes, saltem quosdam. Quæ in re, juxta definiendi præcepta in *Logicis lib. 2. cap. 3, 4.* tradita, est procedendum.
  8. Sæpe etiam *adjuncta, antecedentia, consequentia, concomitantia, & circumstantiæ* variæ sunt adferendæ; quod, pro notitia thematis propositi, cujusque judicio est committendum: *effecta* præsertim distinctæ sunt enumeranda, quæ in plurimis accidentibus reperiuntur.
  9. Sequatur *divisio*, vel in species, si thema propositum fuerit genus; vel in alia membra, quæ accidentibus conveniunt pro eorum natura.
  10. Postremo accedunt *cognata, similia, diversa, opposita*; quæ enumerare præstat, quàm latius deducere.

XVII. Et hæc quidem ratio est tractandi generice themata simplicia perfecta, tum substantialia, tum accidentalialia: sequitur thema *imperfectum simplex*, quod di-

recte in prædicamentis non collocatur. Themata *imperfecta* dicuntur, vel *respectu intellectus nostri*, vel *ex sua natura*.

XVIII. Thema imperfectum *respectu intellectus nostri*, est thema infinitum, nimirum *Deus Opt. Max.* Est quidem Deus in se perfectissimus, ideoque natura sua notissimus; verum ob imbecillitatem mentis nostræ, Deus inter imperfecta themata referri solet.

XIX. In tractatione hujus thematis *Dei*, sic est procedendum.

1. Post *nominis* considerationem juxta canones generales institutam, conceptus aliquis communis loco *generis* poni potest, licet Deus proprie genus non habeat: aut explicanda potius est absoluta, & tribus Personis communis, *essentia*.
2. *Essentia* considerationem sequuntur *proprietates Dei essentielles & actiones* ab *essentia* proficiscentes, creatio, conservatio, providentia, concursus.
3. *Cognata* etiam poni possunt, atq; quæ Deo adversantur *opposita*. Hæc quidem suffecerint, si de Deo agendum metaphysice: sed si theologicæ, ulterius est procedendum; ac post *essentiam*, *essentiales proprietates & actiones ostensas*, ostendendam est.
4. In una *Dei essentia* tres esse *hypostases*, subsistentes *personas*: & *singularum personarum proprietates personales*, quibus personæ singulæ distinguuntur, explicandæ sunt: & addendum, quo distinctionis genere, cum inter se tum ab *essentia*, distinguantur, &c. demum *cognata atque opposita* subjici possunt.

XX. Thema *ex natura sua imperfectum* est vel thema *singulare*, vel *pars*, vel *concretum*, vel *collectivum*, vel *privatio*, vel *notio secunda*, vel *ens intentionale*.

XXI. Thema *singulare* est vel *substantia*, vel *accidens*.

XXII. Inter substantias, licet omnes singulares logice tractari possunt, sæpiissime tamen omnium *personæ* tractantur. Circa *personæ* tractationem sunt hi canones speciales.

1. In personarum tractatione nihil est de *nomine* dicendum, nisi certo consilio sit impositum, aut divina quadam inspiratione, ut fiebat in V. T. ita ratio quadam subest in nominibus Abraham, Melchias, Jesus, &c. Sed etsi nulla subest, si nomen cum studiis aut personæ moribus conspiret, tum quoque obiter indicari potest.
2. Considerentur tum *causæ*, præcipue *efficientes*, ubi agendum de causis



causis ejus nativitatibus, & circumstantiis loci ac temporis. Hic considerari debent parentes, majores, familia, & quæ conceptionem aut nativitatem præcesserunt, vel etiam consecuta sunt; modalia sunt, ut in ordinaria hominum nativitate non soleant evenire.

3. Tum enarrantur *accidentia* personæ, & *adjuncta*; quæ sunt naturalia, & acquisita. *Naturalia* vel ad corpus pertinent, vel ad animam. Ad corpus pertinent temperamentum, valetudo, forma, statura, celeritas, robur, &c. ad animam, ingenium, judicium, indoles, memoria. *Acquisita* sunt religio, mores, studia, eruditio, castitas, liberalitas, aliæque id genus virtutes. Et hæc deduci possunt omnia per ætates, pueritiam, adolescentiam, juventutem, virilem ætatem, & senium.
4. *Effecta* personæ sunt res gestæ: in quibus enarrandis, temporis, ac præsertim ætatis virilis, ratio habenda est.
5. Addenda sunt *cognata*, quo nomine intelligi debent, fratres, sorores, consanguinei, amici, & ii omnes qui similibus studiis aut rebus gestis claruerunt. Hæc cognata sunt obiter recensenda sed instituta comparatione, quæ fuerit convenientia, indicandum.
6. Denique, *adversa* seu *pugnantis* personæ recensere oportet. *Opposita* vel externa sunt, ut, hostes, inimici, æmuli: vel interna, ut, res adversæ, morbi, & mors ipsa; ejus indicandæ sunt causæ, ut morbi genus, aut, si violentia fuerit, casus adversi quibus persona periit. Connexa quoque mortis commemoranda sunt, præsertim si quædam portentosa ac signa fuerint, si quid memorabile dixerit in ultimo vitæ articulo. Postremo, mortis consequentia, dolor aut lætitia communis in morte, sepultura, honores & orationes funebres, &c.

XXIII. Tractatio thematis imperfecti *accidentalis*, suum etiam usum habet, quare & ejus ratio proponenda fuerit. Illud vero observandum est, *accidentia* singularia non tractari, nisi addito nomine singularis substantiæ, & subjecti cui insunt. Velut si tractanda sit sapientia Solomonis, nativitas Christi, philosophia Socratis, expeditio Alexandri: aut simile quid.

1. Hic agendum est, post nomen, de ipso *accidente* in genere; ut de philosophia, sapientia, &c. Tum consideretur
2. Subjectum singulare, cui accidens per se inest.
3. *Objectum*, si accidens singulare objectum habeat circa quod versetur.
4. *Causæ efficientes principales* & *minuæ principales* diligenter exprimendæ sunt. *Finis* etiam, si hoc accidens singulare fuerit actio. His addenda sunt *effecta*, si quæ particularia fuerint.
5. Sequantur *adjuncta*, *antecedentia*, *connexa*, *consequentia*, aliæque



6. *circumstantie*, præsertim loci & temporis.  
 6. Ex hisce omnibus, scilicet nominatione speciei, assignatione sub-  
 jecti, objecti, circumstantiarum, causarum, efficientis & finis, fiat  
*descriptio*, seu *definitio imperfecta* ejus.  
 7. Nec prætereunda est *divisio* si accidens singulare tale sit ut dividi  
 possit: veluti si de philosophia Socratis dicendum sit, explicandum  
 erit seu si n, quid de physica, mathematica, ethica, &c. philoso-  
 phiæ partibus, statuerit Socrates.  
 8. Postremo ponantur *cognata*, *diversa*, *opposita*, atque imprimis in-  
 ter sese comparentur.

XXIV. Tractationem accidentis singularis sequitur  
 tractatio *partis*, ubi solum tractanda venit *pars integralis*  
*heterogena*. Hic considerari potest partis *materiale*, & *for-*  
*male*, substantia & figura: deinde *accidentia*, ut tempe-  
 ramentum, & qualitates ortæ à temperamento, situs &  
 connexio cum cæteris partibus, proprius partis usus &  
 operatio, ad quam à natura adhibetur tanquā instrumē-  
 tum. Deniq; adjungatur *cognata* & *repugnantia*: in *cogna-*  
*tis* observari debet convenientia & diversitas; in *repug-*  
*nantibus* præcipue sunt morbi qui partem illā infestant.

XXV. In accidentibus *concretis* tractandis *nomen* con-  
 creti præter etymologiam debet reduci ad *nomen abstracti*,  
 imo tota natura concreti debet resolvi in naturam  
 abstracti: concreti enim in absolutum resolutio, est opti-  
 ma concreti explicatio. Itaque accidentis *abstracti*, in  
 quod resolutum est concretum, considerentur *genus*, *cau-*  
*sa*, *objecta*, *effectus*, *cognata*, *pugnantia*, & ad concretum ap-  
 plicentur: etiam ex *subiecto*, quod erit loco generis, &  
*causis* ac *proprietasibus* accidentis in abstracto, conficiatur  
*descriptio* accidentis concreti.

XXVI. In tractatione *thematis collectivi*, post *nomen* 1.  
 ponatur *genus*, quod est compages aut tale quid: 2. *materiale*,  
 seu res illæ ex quibus thema collectivum conflatur;  
 hoc materiale est instar *differentia* genericæ, quod genus  
 remotum faciat quasi proximum; 3. *formale*, quod est  
 ordo ac relatio earum rerum ad se invicem; ex quibus  
 totum illud aggregatur: 4. tradatur *causa efficiens*, &  
*finis*, si thema collectivum certo fine coaluit, ut fit in  
 mundo,

mundo, exercitu, &c. sin minus, non est necesse causam efficientem aut finem poni. Ex hisce colligenda est *descriptio*; cui adjungantur *proprietas*, *cognata*, & *opposita*. Tum subjungatur *divisio*, si sit, cui subjungenda est *differentia*: Verum rarius occurrunt hæc themata tractanda.

XXVII. In tractatione *privationis*, post *nomen*, ponendum est *genus* remotum, idque faciendum est proximum mentione *habitus* oppositi. Deinde *habitus* tractetur ut accidens, secundum canones jam ante relatos; sed obiter: & sic patebit *subjectum* privationis; cui tum addatur *causa* privationis *efficiens*, seu *deficiens* potius; & si privatio sit *perfectiva*, ut *somnus*, addatur & *finis*. Ex quibus, scilicet *subjecto* & *causis*, fiat *descriptio* privationis, cui subjiciantur *divisio*, *proprietates*, *effecta*, si quæ sunt, *pugnancia* & *cognata*.

XXVIII. In tractatione *notionum secundarum*, post *nomen* diligenter excussum, ponatur *genus* proximum & remotum: deinde accurate explicetur *notionis secundæ objectum*, sive res illa, aut *genus* potius ad rem, quæ illa *notione* repræsentatur; & hinc formetur *definitio*; huic adjungantur *proprietates* & *cognata*. *Repugnancia* hic nulla sunt.

XXIX. In tractatione *entis intentionalis*, sive *imaginis*, explicato *nomine*, & proposito *genere*, explicetur ejus *figura*, si sit certa & constans, ut in *iride*: deinde ponatur *subjectum*, *objectum*, *causa efficiens*; ubi explicetur *modus generationis*, & simul quomodo *subjectum* debeat esse dispositum ad *imaginem* propositam recipiendam. Ex quibus confici potest *definitio*; adjectis, si sint, *proprietatibus*, *cognatis*, *repugnantibus*.

XXX. Ista quidem est *methodus* tractandi per *genesin* themata simplicia, perfecta & imperfecta, substantialia & accidentalia: sequitur tractatio generica *thematis complexi*.

XXXI. Ut itaque *complexum* feliciter tractetur, necesse fuerit videre, si *praxeos logicæ* studiosus eousque sit *profectus*, ad quam pertineat disciplinâ *thema complexum* quod est *propositum*: illud vero constabit facile, ex *consideratione partium* *thematis complexi*, quæ sunt *sub-*

*jectum & predicatum*; unde vulgo distingui solet in purum & mixtum: purum, cujus extremum utrumque ad eandem pertinet disciplinam; mixtum, cujus extrema ad diversas pertinent disciplinas, unum ad hanc, alterum ad illam. Sed hæc sciri nequeunt, nisi ab eo qui jam philosophiæ, ejusque partium, scientiarum, artium, facultatum, ac disciplinarum divisiones noverit.

XXXII. Hac consideratione veluti præmissa, aut si id facere ignora verit tyro, hoc, quod sequitur, commune est utriusque officium: scilicet, ut subjectum & prædicatum thematis complexi rite suo loco collocentur, ut id quod ex natura extra mentem est subjectum, subjiciatur, quod in natura non subest, sed inest, prædicetur.

XXXIII. Tractatio thematis complexi distingui solet in *solitariam & sociam*: illa est quæ instituitur, adversario nec præsentem nec instantem, ac dici potest *meditatio*; hæc, quæ cum adversario præsentem atque instantem institui solet, ac dici solet *disputatio*.

1. *Meditatio*, seu tractatio thematis complexi *solitaria* jubet statim inspicere problematis seu quæstionis *subjectum & predicatum*, sitne utrumque substantia an accidens, an directe an indirecte collocetur in categoriis, & in qua categoriarum serie utrumque inveniat: utilissimum quoque fuerit, utrumque vel agitatione mentis, vel clavis verbis tractari, tanquam thema simplex, hoc enim facit ad euporiam, seu facilem inventionem mediorum.
2. Hinc accedendum est ad *statum controversiæ* rite recteque formandum, ad quam rem requiritur, ut subjecto & prædicato, suo loco positis, addantur particule syncategorematicæ, quo quantitas thematis complexi queat dignosci, ut sunt *omnis*, *aliquis*, &c. tum efferatur modo indicativo, verbis perspicuis, ab omni ambiguitate remotis. Quod si fieri nequeat, propter ipsius rei obscuritatem aut propter verborum defectum, addatur quædam explicatio per periphrasin. Et sic statu controversiæ constituto in affirmantem aut negantem sententiam, cogitandum est de *argumentis*, quibus sententia thematis propositi probari potest.
3. *Argumenta* duci possunt ex natura subjecti & prædicati; cujus utriusque si considerentur affectiones logicæ, jam copia & seges sese offert argumentorum, quibus veritas thematis complexi propositi probari queat.
4. *Argumenta* ista erunt vel *artificialia*, vel *inartificialia*, id est, vel rationes

rationes vel testimonia, quæ à se invicem sunt distinguenda. Hic duo notanda veniunt.

1. Unum est, ut rationes præcedant, si thema fuerit philosophicum aut medicum : sed si fuerit theologicum vel juridicum, contra : jurisperitus enim sine lege, theologus sine Dei verbo, loqui erubescit. At in philosophia aut medicina primas tenet ratio, secundas testimonium.
2. Alterum est ; non inconsultum quoque fuerit circa rationes, distinguere argumenta probabilia à necessariis : utrum vero probabilia an necessaria priori loco ponantur, parum refert.
5. Post singula argumenta adjungendæ sunt adversariorum *solutiones*, atque *exceptiones* quæ ab illis fieri solent ad argumenta proposita, vel *negatione simplici* argumenti allati, vel *distinctione*, vel *limitatione*.
6. *Distinctiones* aliz sunt *generales*, & quibuslibet argumentis applicari possunt ; aliz *speciales*, quæ huic aut illi argumento applicantur : illæ prius in genere refutandæ sunt, hæ sigillatim refellendæ. Si quid ab adversariis negari posse putetur, illud confirmandum est.
7. *Distinctiones refutantur*, si ostendatur 1. membra distinctionis coincidere : 2. contradictionem implicari : 3. difficultatem & vim argumentorum positâ distinctione remanere. Sic & *refutantur limitatione*.
8. Postquam argumentis sententia vera & nostra fuerit confirmata, accedendum est ad *refutandam sententiam adversarii* ; & si plures sunt sententiæ dissentientium, singulæ seorsim refutandæ sunt, si seorsim refutari possunt.
9. In *refutatione* observandum est primum, ut argumenta directe opponantur sententiæ contrariæ ; deinde partes argumentorum idoneis distinctionibus & limitationibus fulciendæ sunt, adversus adversariorum solutiones ; tandem accedendum ad solutionem argumentorum, quibus adversarii aut suam sententiam confirmant, aut nostram convellunt. Si quid adversus solutiones allatas excipi posse videtur, id quodque refutandum est.

XXXIV. Et hæc solitaria ac privata ratio est thematis complexi generice tractandi, quam *meditationem* vocavi ; sequitur socia ac publica, quæ *disputatio* dicitur.

XXXV. Hæc ut debite instituat, nonnulla circa ejus *materiam*, alia circa ejus *formam* sunt observanda.

XXXVI. Circa *materiam* disputationis sunt hæ tenendæ regulæ. 1. Quicquid excedit captum disputantium, de eo nulla fiat disputatio. 2. Quicquid controver-

sum non est, objectum disputationis esse non debet. 3. Materia disputationis sit utilis & gravis, & ad veritatem indagandam instituta.

XXXVII. *Forma* disputandi consistit in collatione, *διαλέξει*, ideoque ad eam distinctæ requiruntur personæ, inter quas *διαλέξις* & collatio mutua institui queat: harum una impugnat alterius sententiam, altera sententiam suam tuetur & defendit. Prior *opponens*, posterior *respondens* nomine venit.

XXXVIII. *Respondens* est superior, qui *præses*; inferior, qui *defendens* vulgo dicitur.

XXXIX. *Defendens* & *opponens* partes habent quasdam communes, quasdam proprias.

XL. Canones utrique parti *communes* quidam ex Logica, quidam ex Ethica desumuntur; agendum enim in disputando & Ethice & Logicé.

1. Ad disputationem ab utraque parte adferri debet animi bona intentio, quæ non gloriam, sed veritatem quærat.
2. Adferri debet animus purus & liber ab omni præiudicio.
3. Neuter alterius partes suscipiat, neque opponens in parte respondentis inolet, aut contra.
4. Conveniant inter se de certis præcognitis principiis, ne de re utrimque concessa disputetur.
5. Brevitati & perspicuitati imprimis studeatur, omissis rhetoricarum ambagibus & longis declamationibus.
6. Patienter alter alterum expectet, dum orationem absolvat.
7. Ab omni contumelia, convitio, calumnia, ac risu sycophantico, utrimque abstinetur; & ante victoriam acceptam ne triumphetur.
8. Status controversiæ firmiter utrimque ponatur, ac probe cognoscatur, nec inter disputandum mutetur.

XLI. *Speciale* utriusque etiam est officium: ac primo *opponens*.

XLII. *Opponentis* est 1. thesin impugnare objectionem movendo; 2. ad solutionem datam instare, excipiendo. Ut feliciter thesin impugnet, requiritur

1. Ut sententiæ respondentis directe contradicat; quod ut fiat, oportet ante omnia diligenter thesin respondentis considerare, & accurate despicere, quomodo ei antithesis directe opponi possit.
2. In thesibus respondentis, si plures sint, ut sere esse solent,

exami-

examinandis, accurate distinguat opponens argumenta seu rationes quibus theses probantur, ab ipsis thesibus quibus probandis adhibentur: aliud enim est argumenta destruire, aliud thesin evertere. Itaque aliter est versandum circa thesin, aliter circa thesios probationem.

3. In examine probationis consideretur, num argumenta thesi convenient, num eidem probandæ sufficient, an vero aliena sint à thesi ac minus firma.
4. Thesis autem ipsam expendere oportet, utrum sit affirmativa an negativa, universalis an particularis, synonymica an paronymica; adeoque, secundum affectiones logicas enunciationis eam examinare oportet.
5. Tum oportet formare antithesin & directam oppositionem secundum leges contradictionis, quas præscribit Logica; & non contradicendum verbis tantum thesios, sed sensui & menti ipsius adversarii.
6. Si quis non directam antithesin faciat, facile committit peccatum illud quod vocant ignorantiam elenchi.
7. Thesi expensa, cogitandum est opponenti de termino medio, qui invenitur utrumque conclusionis membrum deducendo per loca inventionis aut affectiones logicas, vel afferendo autoritates quæ non possunt rejici.
8. Terminus medius cum partibus quæstionis syllogismo bono comprehendatur.
9. Sed in mediolorum inventionem delectus est habendus, neque enim argumenta omnia æque ponderosa sunt.
10. De autoritate hoc etiam tenendum, non esse extra theologiam utendum multâ autoritate.
11. Argumentum, syllogistica forma brevissime & perspicue inclusum, clare proponatur; ac, si fieri possit, forma plerumque sit categorica.
12. Duplici genere argumentationis uti potest opponens; & directâ seu offensivâ, & ea quæ ducit ad absurdum.
13. Præterea, non ea tantum moveat argumenta quæ ex problematâ natura peti possunt, sed etiam quæ ex adversarii hypothese sequuntur.
14. Imprimis urgere potest respondentem ex concessis.
15. Ante omnia attendat diligentissime opponens, ut propositionem, vel negatam vel distinctam, eandem assumat, ac faciat sui syllogismi conclusionem.
16. Semper legitimos & bonos syllogismos producat, conformes legibus syllogisticis.
17. Si figura argumenti sui repudietur, requirat canonem logicum in quem peccat, aut si ipse viderit, statim corrigat.
18. Si ad materiam respondeatur, ut plerumque, videat an sit

fit distinctio vocis ambigua, an limitatio, an negatio.

19. Si ad distinctionem aut limitationem respondeatur, responsio ad leges & canones distinctionis & limitationis examinetur.

**XLIII. Speciale officium respondentis, scilicet inferioris seu defendentis, est, argumentum assumere opponentis, & solvere.**

1. Respondens non assumat, nisi jam dicendi finem fecerit opponens.
2. Iisdem verbis repetat, quibus argumenta fuerunt proposita.
3. Si opponentis argumentum sit vitiosum, vel obscuritate laboret, monebit eum respondens; vel si juvandus sit opponens, tum licebit evidentioribus verbis & alia figura idem argumentum proponere.
4. Si opponens proluxa utatur declamatione, vel confusa argumentatione, vel obscura locutione, monebit respondens, ut breviter & clare proponatur argumentum in certa figura ac modo.
5. In assumendo argumento prius considerabit ejus figuram, postea materiam.
6. Si forma sit vitiosa, rejiciatur, indicato vitio.
7. Ubi argumenti formam rectam esse viderit ac respondere cogitat, videat primum, an conclusio recte feriat suam thesin.
8. Si non recte ei opponatur, non est necesse respondere aliud, quàm quod ignoratio elenchi sit.
9. Si conclusio sit multiplex, distinguatur: distinctione adhibita, ostendatur in quantum contradicat suæ thesi, & adhibeatur responsio.
10. A conclusione transeundum ad præmissas, & primum ad majorem, deinde ad minorem.
11. Propositiones veræ concedendæ sunt, falsæ negandæ, ambigæ distinguendæ.
12. Si propositio universalis partim vera est, partim falsa ex ambiguitate, adhibenda est distinctio.
13. Si major universalis sit simpliciter falsa, adferenda est instantia ad falsitatem universalem ostendendam.
14. Major propositio neganda si sit hypothetica, debet negari consequentia; si disjunctiva, disjunctio; si categorica, simpliciter neganda.
15. Si distinctio adhibeatur majori, eadem est applicanda minori & conclusioni.
16. Nunquam vero responderi debet negando, si solvi possit argumentum distinguendo & limitando.
17. Major rarius falsa est aperte, sed sæpius ambigua; ideoque frequentius distinguenda ac limitanda, quàm neganda.



18. Minor rarius venit limitanda vel distinguenda; sæpius neganda.
19. Nunquam ad minorem respondendum est, nisi constiterit ac certum sit majorem esse extra omne vitium.
20. Imo minor nunquam limitanda est, nisi limitata majore.
21. Si auctoritates respondententi obijciantur virorum doctissimorum, illæ non sunt arroganter ipsi rejiciendæ; sed aut conciliet eas cum sua sententia; aut, si non possit, alterius viri æq. & clari ac docti adducat argumentum.
22. Licebit & respondententi interdum responsione uti indirecta, & argumentum retorquere in opponentem, vel aliud fortius adducere.
23. Nunquam tamen est utendum indirecta responsione, nisi prius sit responsum directæ.

**XLIV.** *Respondens superior* vocatur *præses*; cujus munera duo sunt, regere & succurrere.

1. *Regimen Præsidis* in eo consistit, ut diligenter præses attendat utrum opponens & respondens suo officio fungantur necne; si utrumque aut alterutrum ab officio suo recedentem conspexerit, eum sui muneris admoneat, & intra limites, præsertim disputationis, contineat. ne extra oleas, quod dici solet, vagentur.
2. *Subsidium Præsidis* in eo est, ut solutionem respondentis approbet & commendet, obscuram illustret, imperfectam perficiat, falsam corrigat, ac, si eum argumentis adversarii constructum videat, eum exsolvat, omnibusque modis licitis defendat.

**XLV.** *Ista fuit genesis* tum simplicis tum complexi thematis: *analysis* sequitur.

**XLVI.** *Analysis* vulgo statuitur triplex; *grammatica*, *hæc* *rhetorica*, *logica*. *Grammatica* circa vocabula & phrasas, *genest* *rhetorica* circa utriusque ornamenta versatur. *Logica* *thematis* *analysis* est, qua expenditur artificium explicationis, *similis* *complexi* *pro-* *bationis*, *ordinationis*, quod in opere conficiendo est adhibiturum: de ea hic tantum agimus.

**XLVII.** Ut *genesis* vel *thematicis* fuit *simplicis*, vel *complexi*, ita & *analysis*.

**XLVIII.** Utriusque *analysis* dividitur in *internam* & *externam*.

**XLIX.** *Externa analysis* est, vel de *scriptore*, vel de *thematice scripto*.

**L.** De *scriptore* cognoscendum est obiter in resolutione, qualis

qualis fuerit ejus *vina*, deinde *occafio* fcribendi, & *caufa impulfiva* quæ authorem movit ad tractationem thematis.

LI. De ipfo *themat*e cognofci potefl ejus *neceffitas*, *utilitas*, *dignitas*, *jucunditas*.

LII. *Analylis interna* efl, qua recognofcimus ipfum modum tractationis in *themat*e *fimplici* & *complexo*.

LIII. Circa utriufque *analylis* tria funt obfervanda.

1. Tota thematis tractatio prius perlegenda efl antequam *analylis* inftituatur.
2. Amplificationes funt diligenter difcernendæ, diftinguendæ, feparandæ ab explicatione thematis. &, cum ad Rhetoricam pertineant, ifthuc funt refellendæ.
3. II termini funt in *analylis* obfervandi, qui ab authore fuerunt adhibiti; non plures, non pauciores.

LIV. De refolutione *thematis fimplicis* funt canones generales & fpeciales.

LV. *Generales* funt, qui in omni *themat*e *fimplici* locum habent; *Speciales*, qui locum tenent in hoc vel illo, fubftantiali vel accidentali, perfetto vel imperfecto.

LVI. Canones *generales* funt hi.

1. Ante omnia, ipfum thema, tanquam totius refolutionis fundamentum, objectum, & fcopus, erui debet; quo omnia quæ author dicit funt in *analylis* referenda. Quod facilius fiet, fi quædam in fcriptio aut exordium, aut fimile quid præmiſſum fuerit ab authore qui illud thema pertractaverit.
2. Cogitetur diligenter, an thema fimplex unica aut pluribus vocibus, an propria vel impropria, an certa vel ambigua voce, proponatur ac pertractetur ab authore quem refolvimus.
3. Difpiciendum tum efl fcrio, an illud thema fit perfectum & in ordine prædicamentali, vel imperfectum & extra categoriâs locatum, an fingulare vel univerſale, fubftantiale vel accidentale: ut enim alia funt præcepta tractandi per geneſin thema univerſale; alia tractandi fubftantiale, alia accidentale; ita refolutio multo facilius inftituetur ad ipſam thematis naturam authoris que mentem, ſi, quale thema fit pertractatum, obſervatum fuerit.
4. Quia raro fit, ut thema aliquod fimplex per omnia inftrumenta notionum ſecundarum pertractetur, ideo in *analylis* thematis fimplicis adjiciendus efl animus tantum ad iftas notiones ſecundas, per quas author thema ſuum pertractare voluit; nam in refolutione non debet eſſe plus quam fuit in compoſitione: & omiſſas notiones logicas addere, non pertinet ad *analylin*, ſed ad geneſin.

5. Notiones secundæ quæ adhibentur in thematis simplicis resolutione indicentur ex logicis, an sint genus, causa, proprietas, effectus, &c. nam isti termini non solent ab authoribus usurpari, sed res tantum quæ est genus, vel causa, vel proprietas, &c. adhiberi; solent enim authores res dicere per notiones primas: itaque analysi notiones primas revocabit ad secundas, & indicabit, quo pertineant notiones primæ ab authoribus usurpatæ.
6. Nec eo ordine, nec eo loco ponuntur ab authoribus affectiones cum adhibentur, & termini Logici, aut potius res iis significatæ, quo poni debere canones ante positi jubent: itaque assuefaciet se in tempore praxeos logicæ studiosus, ut alicujus authoris tractatum de aliquo themate simplici agentem confuse in charta sua no-teret, & simul terminos logicos sub quibus analysin institueret, & eo ordine & loco quo res tractari logice debuisset, addito loco ipsius scripti, ubi hic vel ille terminus, vel res potius termino nunc logico expressa, fuerit ab authore pertractata.

**LVII. Canones speciales sunt juxta divisionem thematicis simplicis à nobis instituti in genesi.**

**LVIII. Si thema resolvendum sit substantia universalis, sequentes canones tenendi sunt.**

1. Dispiciendum est, quæ definitionis ejus principia sint constituta, & quia substantiæ solent definitione essentiali definiri, videndum est, quodnam ejus genus ab authore sit assignatum, quæ differentia, & an recte constituatur.
2. Quod si contingat, ut author principia tantum definitionis ponat, definitionem ipsam non collocet, ea colligenda est analytico ex partibus positis.
3. Postquam definitionem analyticus invenit, aut ejus partes genus & differentiam, videat an author thema explicat è suis causis, tum externis, tum internis: quod si contingat expresse materiam ac formam non poni, sed implicite in definitione involvi, in resolutione distinctius & dilucidius debent monstrari. Quod si efficiens & finis ab autore sint omissa, omittantur quoque.
4. Videndum est, an materiæ partes integrantes, seu implicite seu explicite, ab authore ponantur: si ponantur, non sunt neglegendæ.
5. Post essentialiam substantiæ universalis inventam, considerari debet, an author addiderit proprietates & effectus, &c. quæ in tractando tali themate observanda esse diximus.
6. Inquiratur in divisionem, unam, aut plures, & membra ponantur distincte, terminis & notionibus logicis induta.
7. Tandem inquirendum in cognata opposita, &c. quæ in talis thematici generica tractatione observari debent,

**LIX. Si**

LIX. Similiter procedendum est in resolvendo the-  
mate *accidentis universalis*, juxta regulas geneseos nuper  
positas. Atque hic hi canones tenendi sunt.

1. Ad quod prædicamentum pertinet videndum est, an sit absolu-  
tum accidens, an relatum.
2. Quo nomine veniat apud authorem.
3. Observandum est *genus*, si sit expressum, quale sit, proximum  
an remotum.
4. Inquirendum est in *subjectum*, quod & quale ei constituat au-  
thor; si fuerit relatum, an relationis tum subjectum, tum termi-  
nus, tum relatum, tum correlatum, bene sit expressum.
5. Inquirendum est in *causam*, efficientem & finem, proximam &  
remotam, num sint positæ, & quæ: & an fundamentum relatio-  
nis sit expressum. Si auctor accidenti tribuat materiam & for-  
mam hoc & notandum, sed & refutandum.
6. *Effecta, species, partes, cognata, opposita*, & quæcunque observari  
debent in ejus tractatione, hic sunt indaganda. Nam eadem via  
est analysios quæ genesios, sed contraria.

LX. Sequitur resolvendum *thema simplex imperfectum*:  
primo *substantiale*, scilicet *individuum*, & quidem *rationa-*  
*le*, id est *persona*: nam hominum singularium tractationes  
occurrunt præsertim in historiis, quæ sacris, quæ profanis.

LXI. In analysi *personarum*, nec *genus* nec *species* oc-  
current, quia ea non habent; sed attendendum ad ea  
quæ de persona dici possunt, juxta regulas ante traditas in  
genesi.

LXII. Antequam ad speciales resolvendi hoc loco ca-  
nones accedatur, postquam tota historia fuerit perlecta,  
observandum est in genere, quodnam *vita* genus tribua-  
tur personæ ab authore, an fuerit persona privata, an  
publica, an politica, an ecclesiastica, &c.

LXIII. His peractis, sic est procedendum juxta hos  
canones.

1. *Nomen* personæ, & imprimis in historiis sacris, probe est notan-  
dum ac observandum; quandoquidem non temere, sed certo con-  
silio plerumque est impositum: ubi circumstantiæ, ratione quo-  
rum nomen fuerit impositum, si referantur, etiam notandæ sunt.
2. *Nomine* excusso, excutiantur *cause*, præsertim efficientes, si  
auctor eas habeat: ubi præsertim attendendum, quomodo sit  
descriptus ortus ac nativitas ejus, & circumstantiæ loci, tem-  
poris

poris, &c. quæ huc spectant, in resolutione ponendæ sunt.

3. Præsertim attendendum, an narret author quædam personæ *proprietates, effecta*, & quæ referat *cognata ac pugnantiæ*; ubi imprimis mors attendenda, & in analysi ponenda, cum iis circumstantiis quibus narratur.

LXIV. *Accidentis singularis* aliorumque thematum imperfectorum analysi tota dependet ex eorum tractatione, & istis regulis insistatur in resolvendo, quibus utimur in componendo.

LXV. Hæc quidem analysi est thematis simplicis, quæ fundamentum est omnis resolutionis in themate complexo. *Thema complexum* vel *nude* ab autore aliquo *proponitur*, vel suis etiam *argumentis confirmatur*.

LXVI. Quando *nude proponitur*, tum tota analysi thematis complexi instituenda est juxta regulas & leges in doctrina enunciationis explicatas, & explicari solitas; ut, scilicet, enuntiatio aliqua, quæ est thema complexum, in partes secetur, & qualitas & quantitas ejus investigetur; an sit enuntiatio vera an falsa, necessaria an contingens, affirmans an negans, &c.

LXVII. Hoc modo resolvi possunt omnia scripta sententiosa, verbi causa Syracidæ, Solomonis, aliorumque: in talibus enim logica analysi, nihil aliud præstare potest, quam ut dicat tot ac tales esse in aliquo capite enunciationes, easque enumeret, & prædicatum & subiectum, & utriusque quantitatem ac qualitatem ostendat: quæ res cum facilis sit, & ex doctrina enunciationis constet, novis præceptis hæc nihil est opus.

LXVIII. At vero cum thema complexum *argumentis confirmatur*, particularibus opus est præceptis.

LXIX. Analysi thematis complexi *confirmati* vel *simplicis* thematis propositi *naturam* considerat, vel *modum* quo illud pertractatum est.

LXX. Circa analyticam considerationem *ipsius thematis* complexi propositi sequentes observentur canones.

1. Propositio seu thema complexum authoris ante omnia eruat ex textu seu scripto authoris, juxta canonem generalem.
2. Propositio illa aut enuntiatio, si modo indicative ab autore non proponatur, ad eum reduci debet.
3. Tum

3. Tum videndum, an propositio sæpe in textu repetatur; quod si fiat, hæ repetitiones in unum colligendæ sunt, & pro una propositione sumendæ. Ista repetitio thematis complexi sæpe fieri solet in materia petitoria, exhortatoria, laudatoria, &c.
4. Si propositio ab auctore non fuerit repetita simpliciter, sed etiam ab eo explicata aut limitata, ante argumentorum quibus confirmatur resolutionem, explicatio illa & limitatio indicanda est.
5. Quod si auctor non explicarit aut limitarit, & tamen propositio limitatione aut explicatione indigeat, eam instituere debet analyticus.
6. Tum consideretur, an propositum thema complexum sit universale, vel particulare, vel singulare, an sit thesis an hypothesis, an sit theoreticum vel practicum, &c.
7. Thema complexum theoreticum notitiam tantum pro fine habet; ideoque tantum vel probatur vel refutatur: at practicum affectus movet & impellit ad aliquid agendum; itaque amplificationes potissimum comitantur, quas non præteribit analyticus, sed eas etiam resolver, & argumenta, verbi causa adhortantia, dehortantia, laudantia, vituperantia, suadentia, dissuadentia, &c. indicabit.

LXXI. Et hæc quidem est consideratio ipsius thematis complexi, quam sequitur consideratio *mediorum* per quæ, & *modi* quo thema ab auctore fuerit tractatum.

LXXII. Hic consideranda sunt quam diligentissime *argumenta* cum *declarantia*, cum *probantia* seu *confirmantia*, cum *refutantia*, insuper *regulæ* & *objectionum solutiones*, denique *amplificationes* & *exaggerationes*.

LXXIII. De singulis hi tenendi sunt canones.

1. Argumenta primum *declarantia* & *confirmantia* seorsim sunt collocanda, & ad suas sedes referenda; *probantia* deinde sunt *refutanda* & examinanda, utraque sunt artificialia vel inartificialia.
2. De artificialibus videndum, an sint necessaria vel contingentia.
3. Argumentum seu medium artificiale reducatur ad suam notionem secundam à qua fuit desumptum; alii dicunt, ad suum locum inventionis.
4. Medium diligenter conferatur cum subiecto & prædicato conclusionis inter resolvendum, ut, quam habitudinem vel respectum, causæ an effecti, subiecti an adjuncti, &c. ad ea dicat, cognoscatur.
5. Videndum an aliqua ex præmissis sit omissa, & tum ea addenda est analytico: si aliqua præmissarum prosyllogismi probatur, in  
reso.



resolutione prosyllogismi eodem processu utendum, quo usus est analyticus in resolutione syllogismi principalis.

6. Circa *prolepses*, tacitasque aut occultas *objectiones*, notandum est, illas diligenter esse discernendas à confirmatione. & ad syllogisticam formam esse reducendas; simulque attendendum, quomodo author in textu ad illas objectiones respondeat.

7. Authoris responsiones sunt resolvendæ, & ad objectiones à resolvente applicandæ.

8. Quales in autore resolvendo syllogismi occurrunt, tales sunt in analysi ponendi, non alia figura aut modo.

9. De *amplificationibus*, hoc tenendum est, eas referendas esse ad sua certa loca, & speciatim in suis partes esse resolvendas: exornationes ad schemata rhetorica reduci debent; probationes & objectiones earumque refutationes, proprie ad Logicam pertinent. Quare hæc etiam maxime à studiois praxeos logicæ est immorandum.

LXXIV. Hæc est resolutio thematis complexi, tum nude propositi, tum argumentis confirmati; magis tamen & sæpius occurrent analytico resolvenda posterioris, quam prioris generis themata complexa.

LXXV. In hac utraque resolutione quando ad simplices enunciationes deventum est, aut ad nudos syllogismos, ad ipsa præcepta Logicæ recurrendum est, & juxta illa analysis eorum instituenda est, ad themata usque simplicia.

LXXVI. Quia, quodcunque resolvendum proponitur, fere *tractatus* est, multis constans enunciationibus seu thematibus complexis; summam hinc ejus resolvendi rationem in tali negotio comprehendam, aliquot canonibus.

1. Fiant legitima præcognita de *autore* scripti, *scriptio* & *objectio*, atque *occasione*, juxta 50. canonem.

2. Instituitur generalis *partitio* totius tractatus; atque imprimis *distinctio* instituenda est secundum diversa themata, ut tot sint partes tractatus, quot sunt themata ibi tractata: & si sit divisus in capita, qualibet capita ad suas partes, id est themata, referantur.

3. Post resolutionem ista generali, accedatur ad resolutionem particularem singulorum membrorum, & capitum in quibus vel tractatur thema simplex vel complexum; & tum porro pro ratione alterutrius procedendum est juxta regulas datâs,



LXXVII. Hæc quidem analysis est quorumvis thematum, Analysis facultatum & disciplinarum, quæ his solet subijci, tota dependet ex doctrina duplicis methodi synthetice & analytice, unde peti debet.

LXXVIII. Qua methodo facultas aliqua aut disciplina conscribi debeat, hæc resolvitur.

LXXIX. *Disciplina contemplatrix* resolvitur, ut 1. inquiratur *subjectum* 2. *subjecti principia generalia & affectiones generales*, 3. *subjecti species & affectiones speciales*, 4. *affectionum specialium causa & principia specialia*.

LXXX. *Disciplina operatrix* resolvitur, ut 1. inquiratur *finis* operatione acquirendus, 2. *subjectum* in quod finis introducitur, 3. *media* per quæ introduci debet.

LXXXI. Sedulo hic est observandum, præcepta à commentariis diligenter esse distinguenda; multa enim in resolvendo inveniuntur addita commentariis, quæ non pertineant ad præcepta.

**FINIS.**

**AUCTA-**

# AUCTARIUM DE ANALYSI THEOLOGICA

## S. Scriptura.

I. **A** *Nalysis* theologica *Scriptura* est, vel integri *Libri*, vel *Capitis*, vel *Sectionis* alicujus capitis, sive unum sive plures versus contineat.

II. In *anal.* si cujusque *libri* danda est opera, ut habemus *divisionem* principalem; de qua hi sunt *canones*, ad *judicium* informandum.

1. Quidam libri dividi possunt secundum principales *personas*; ut *Genesis*, libri *Samuelis*, *Regum*, & *Chronicorum*, & *Acta Apostolica*.
2. Quidam dividi possunt secundum *personas*, *res*, & *actiones*: ut *Leviticus*.
3. Quidam habent *prologum*, *rem ipsam*, & *epilogum*; ut quidam *prophetici*, & omnes *epistolici*.
4. Quidam *methodum* habent *dialogisticam*; ut *liber Jobi*, & *Canticum Canticorum*: ideoque *resolvi* debent in *dialogos*.
5. Quidam dividuntur secundum *subjectam materiam* in *certas classes* seu potius *locos communes*, ut *Psalmi*, & *Proverbia*.
6. Quidam *resolvuntur* in *certas conciones*: ut *Esaias*, *Jeremias*, *Ezechiel*.
7. Quidam in *historiam* & *prophetias*: ut *Daniel*.
8. Quidam in *visiones* & *conciones*: ut *Zacharias*.
9. Quidam in *visiones meras*; ut *Apocalypsis*.
10. Quidam in *curricula vitae* unius *personae*; ut 4. *Evangelia* secundum *periodos vitae Christi*.
11. Quidam in *diversas profectioes* unius *personae*; ut speciatim *Evangelium Joannis* secundum *profectioes Christi* ad *diversa paschata*.

III. De Analyfi librorum *historicorum* in specie, hi teneantur canones.

1. Historiæ inter sese aliæ ab aliis distinguantur.
2. Causæ & occasiones historiæ observentur.
3. Principia, progressus, & finis historiæ attendantur.
4. Circumstantiæ omnes accurate expendantur.
5. Observetur, ubi unaquæque narratio incipiat, ubi definat; num cohzreat cum antecedentibus vel sequentibus, an vero plane sit separata.
6. Doctrina seu fides, & vita sanctorum, accurate discernantur.
7. Topographia & Chronographia, id est, locorum & temporum observatio, imprimis notetur.
8. Dogmatica secernantur ab historicis, si intercurrent.

IV. De analyfi librorum *dogmaticorum* in specie, hi teneantur canones.

1. Status & generalis propositio enodetur.
2. Præcipui loci communes attendantur.
3. Connexio istorum locorum investigetur.

V. De analyfi librorum *propheticorum* in specie, hi teneantur canones.

1. Attendatur tempus, quo propheta floruerunt.
2. Scopus prophetæ eruatur.
3. Historica & prophetica secernantur, & historica conferantur cum libris Regum & Chronicorum.

VI. Analyfis theologica *capitis* Biblici hos habet canones.

1. Dispiciatur, num caput cohzreat cum præcedenti vel sequenti capite, an vero plane sit secretum.
2. Attendatur, num tractetur unum thema, an vero plura pertractentur.
3. Si sint plura themata, videatur num unum ex alio pendeat, vel an prorsus sint disjuncta.
4. Argumenta explicantia ac probantia ordine colligantur.
5. Analyfis instituatür primum scholastica, deinde popularis; id est, primum terminis logicis dispositio capitis enuncietur, postea popularibus.

VII. De

VII. De analysi *versuum* Biblicorum hi teneantur canones.

1. Attendantur antecedentia, consequentia, & occasio.
2. Observeretur thema, & reducatur vel ad aliquod caput catecheti-  
cum, vel ad aliquem locum communem.
3. Argumenta quæ sunt in singulis versibus eruantur, & themati applicentur.
4. Præter analysin logicam, spectari quoque, imo præmit-  
ti potest analysi grammatica verborum & phrasium,  
& rhetorica troporum ac figurarum; ita ut de quolibet  
versu institui possint ac debeant quæstiones grammati-  
cæ, rhetoricæ, logicæ.

FINIS.

---

ALLO-

---

ALLOQUIUM AD  
SCHOLARUM  
RECTORES.

**D**efuncti sumus, *Viri præstantissimi*, atq; multorum  
è vobis petitioni morem gessimus, in illustranda  
*Notis & Exemplis Synopsi Logicae Burgersdicianae*  
adjunximusque *Præceps* exercendæ regulas quasdam; ubi  
tamen exempla nulla apposuimus, quod ea ab ipsis ty-  
ronibus & Logicæ studiosis ad regularum normam & a-  
mussim componi proprio Marte & institui consultius sit:  
& si aliquam hinc exigant *Χειρὸν ὡς ἔστιν*, adeant *Gymnasium*  
*Logicum Keckermanni*, & minus & majus, ubi exemplorum  
abunde est. Cæterum, cum finis Logicæ sit præfixus; men-  
tem dirigere in cognitionem rerum, quinam illi sint mentis  
actus dirigendi, & quomodo, dicendum est obiter. Intel-  
lectus humanus non uno verètur modo circa res cognos-  
cendas. Aut enim res quasilibet apprehendit *simpliciter*, quæ  
vulgo dicitur *prima mentis operatio*, & *apprehensio simplex*  
(atque eam juvat *Prædicamentorum*, *Prædicabilium*, &  
*Notionum secundarum*, vel *affectionum Logicarum* doctrina  
in hac *Synopsi* tradita: ) aut res apprehensas enunciat, &  
enunciando inter sese vel componit, vel dividit, quæ *secun-  
da mentis* dicitur, & *complexa oratio*; aut naturas rerum  
apprehensarum interiores in *definitiones* contrahit ac colli-  
git, aut easdem per *divisionem* resolvit & dilatat (atque  
hanc in enunciandis, definiendis, dividendis rebus ante  
apprehensis, operationem mentis secundam, perficit in  
hac *Synopsi Interpretationis, Enunciationis, Divisionis* do-  
ctrina, suis capitibus explicata: aut inferendo & conclu-  
dendo syllogistice de rebus apprehensis, enunciatis, defi-  
nitis, promovet *syllogismorum* doctrina, suo quoq; loco in  
*Synopsi* exposita: aut denique, quicquid vel simplici appre-  
hensione, vel aliis modis jam dictis, cognovit, *methodice*  
inter

inter sese disponit, ordinat, tractat, retrahat atque hic mentem dirigit ultimum *Synopses Burgerſdicianæ* caput. Verum enimvero in poſtrema hac, res quaſvis ordinata & artiſicioſa methodo pertrectandi ratione, multum deficit *Synopſis*: quem defectum ejus *Author* aliquando à ſe ſuppletum iri promiſerat; ſed aliter viſum fuit ſummo rerum omnium moderatori Deo, qui ante fidem liberatam eum in beatas tranſtulit ſedes. Ego in munere ipſi ſucceſſor, in ejus quoque vicem hic ſuccedere volui: eumque in finem *Geneſeos* & *Analyſeos Logicæ* canones ſubjunxi. Hoc reſtat, ut tyrones & *Logicæ* ſtudioſi continuo examine circa *Synopſeos præcepta*, & aſſiduo exercitio circa *regulas Praxeos* occupentur: quod veſtræ fidei committo, *Viri Præclari*, & Deo vos ac Juventutem ſtudioſam commendo.

Lugd. Batav. Poſtridie Idus Maii,  
M D C L I.

ADRIANUS HEEREBORD,  
*Philosophiæ in Academia patria*  
*Profeſſor Ordinarius.*